



Xerokopieren aus konservato-
rischen Gründen nicht erlaubt
Nur im Lesesaal benutzbar

50 +

<36617683050017



<36617683050017

Bayer. Staatsbibliothek

33

1048²

✓

Hist. univ. ~~gen~~ 505
~~480~~

Rupertus.

**HISTORIA
UNIVER-
SALIS.**

R

Sublimis ac perennis
F A M A

Sub
LEOPOLDO,
*Summo velut Magistro,
Augustas vexillationes, tubâ directâ,
ad notum Aquilæ nutum,
superiùs regens
filet, admiratione suspensa;
dum gratæ inferiùs collocutioni
aures per auras præbet.*

HISTORIA & BELLONA & EUTERPE,
*inter tot rudia lapidum rudera,
non lapides loquuntur;
nec lapidi dicunt, quod dicunt:*
Bellona bella memorat, Euterpe monet,
Historia ut artes inserat volumini.
En, hasta fortes denotat, doctos chelys!

*A tergo Illarum
canus, incurvus, tremulus Temporis senex
(nam quid decrepito cum Venerum triga?)
in falcem pariter ac numos pronus,
promusq, tibi, nec sibi, prodest,*
LECTOR!



C. A. Ruperti
HISTORIA
UNIVERSALIS,

ex
antiquitate Añalium,
Fastorum,
Lapidum Numorumq;
eruta;

ex
lucem perolata,
à
C. Arnold.

G.
Strauch inv.

P. Treichel f.

PP. CES

CHRIST. ADAMI RUPERTI,
*Wertheimensis Franci, in incluta Altdor-
phina quondam Hist. Prof. cele-
berrimi*

OBSERVATIONES

AD

HISTORIÆ UNIVERSALIS

*Synopsin Besoldianam
minorem.*

Quas

CHRISTOPHORUS ARNOLDUS,
in Æde Mariana V. D. M. & Eloq.
Poës. ac Græcæ Ling. P. P.
recensuit;

*Et ad hæc usq; tempora scripsit
Supplementum.*

His accesserunt

Tabulæ Chronologicæ,
unâ cum necessario
Indice.

NORIBERGÆ

Typis & Sumptibus MICHAELIS ENDTERI,
A. C. clb. lb. c. LIX.

CHRISTOPHORI ARNOLDI

Historiae Universae

Geographiae

Lib. I.

AV

TION

AD

HISTORIAE UNIVERSAE

Geographiae

Lib. I.

CHRISTOPHORI ARNOLDI

Historiae Universae

Geographiae

Lib. I.

Postea

Geographiae

Lib. I.

Supplementum

Lib. I.

Tabula

Lib. I.

Lib. I.

Lib. I.

Lib. I.

Lib. I.

Lib. I.

Lib. I.

Bayerische
Staatsbibliothek
München

NOBILIS

LIBRARIUS

A.C. 1719

*NOBILISSIMO, STRENUIS-
SIMO, PRUDENTISSI-
MOQUE VIRO,*

*DN. JODOCO CHRISTO-
PHORO KRESS A KRESSEN-
STEIN, &c. JOD. CHR. F.*

*FLORENTISSIMÆ REI-
PUB. NORIBERGENSIS
SENATORI DIGNISSIMO,*

FAVTORI OPTIMO,

*Christophorus Arnoldus
S. P. D.*



NOBILISSIME AC STRE-
NUISSIME DOMINE!



St, ut dixit (1) Joh.
Saresberienſis, in
quavis professione
invenire militem glo-
riosum, qui obsequiis
& muneribus suam Thaidem, id
est, nomen celebre, & quasi fame
gratiam captat. Sed & ei nec Gna-
tho, qui decipiat; nec Phadria, qui
laudem praeſcripiat; nec, qui dona cor-
rumpat, adolescens; aut servus Par-
meno, qui desipientem irrideat, deest.
Isti nempe dant operam, ut cum ra-

(1) lib. IV. de Nug. Curial. c. 3.

tione

DEDICATIO.

erant : Nulli tamen malui hunc
RUPERTI P.M. laborẽ, quàm
Amplissimo Nomini Tuo dedica-
tum. Quod meum factum ut in
meliorem partem accipias, ea, qua
par est, reverentia & humilitate o-
ro atq; obsecro.

Sed quæres fortè, quid sit, quam-
obrem felici Præstrenuæ Nobi-
litis Tuæ nomine illas insignie-
rim? Cui potiùs, quæso, dicarem,
quàm celeberrimi Auctoris Con-
tubernali olim dilectissimo, audi-
tori affectatorique diligentissimo?
Laudarem hîc exquisitissimis, si o-
pus esset, verbis mutuam fidem at-
que amicitiam Vestram; quam in-
ter

DEDICATIO.

ter vosmet ipsos coluistis, eamque
benè firmam habuistis. Nec illud
silentio transmittendum, Te amo-
re literarū MSS^{tis} quibusdam Ru-
pertianis nos mirum in modum ju-
visse; quibus aliàs haud sine gravi
carendum esset jactura. Cæterum
quoties mihi in mentem venit (ve-
nit autem quotidie) amicitias nos
ac studia *Lugduni Batavorum* con-
glutinasse, familiaritatem Tuam
penitùs me intrasse; animo non
mediocrem capio voluptatem.
Adhæc das mihi jucundas recor-
dationes conscientiae ac salutis
meae, cum apud me repeto, quod
sæpè facio, quantum Tibi inprimis,
ME-

DEDICATIO.

MECOENAS OPTIME, Tuisq;
propter magna officia debeam;
quantum propter ea, quæ mihi ho-
dieque præstatis, infantiam meam
statim sentio; qui nullam possum
inire rationem declarandi KRES-
SIIS, sicut optarem, quantis me
ILLIS agnoscam esse devinctum
beneficiis. Capitolina certè Ta-
bula tot ingentibus benefactis pa-
lâm exhibendis haud sufficeret.
Hoc ego ut agnosco sincerè, ita li-
benter pro eo ac debeo, & ingenuè
apud omnes profiteor; neq; recu-
so, qui tot tantisq; in me beneficiis
sum devinctus, & usu & mancipio
esse KRESSIORUM.

Eccui

DEDICATIO.

Eccui potiùs Historiam nuncu-
parem, quàm inter Patres lecto; qui
simul consilio ac sapientia regit ac
gubernat Rempublicam? Historia
enim nonne *lux veritatis* (2) & *ma-*
gistra vitæ est? Dicat pro me prin-
ceps (3) Philosophorum : *Utiles*
πρὸς τὰς πολιτικὰς συμβολὰς, ad pu-
blicas deliberationes, rerum gesta-
rum historia. Nec temerè Polybius
verissimam (Livii verbis) *discipli-*
nam exercitationemq; πρὸς τὰς πολι-
τικὰς πράξεις, ad res civiles, historiã
esse dixit. Hanc ipsam, VIR PRU-
DENTISSIME, summo stu-
dio curaq; didicisti; hanc ab ado-
lescentia pulcherrimè à sapientissi-

(2) Cic. lib. II. de Orat. c. 9.

(3) Arist. lib. I, Rhet. c. 5.

DEDICATIO.

mis viris traditam memoria & scientia comprehendisti; & huic tamen exquisitiùs adhuc studes, ut infinita KRESSIORUM in Remp. merita adæques, augeas, superes. Ut, inquam, beatissimi Soceri Tui, DN. CHRISTOPHORI FURERI (quam ipsam familiam vel nominasse, sit causam vicisse!) *Duumviri & Castellani quondam Eminentissimi*, recentia virtutum laudumq; vestigia pede fausto persequaris: ILLIUS enim imaginem cives non in tabella, sed in pectore adhuc gestant. Salvo FURERO nil metuebant, quàm cœli ruinam! Quid, quod MAGNIFICI

DEDICATIO.

FICI DOMINI PARENTIS
(quem Deus servasset semper!) in
gravissimis admirandæ hujus Rei-
pub. negotiis pariter ac comitiis
difficillimis compluries LEGATI
felicissimi, hoc tempore circum-
spectissimi & prudentissimi SE-
PTEMVIRI, summa laus & glo-
ria, magnis periculis, magnis labo-
ribus parta, animum filii, patre di-
gnissimi, sensim ac leniter accen-
dit? Vir enim consummatissimus,
perfectæ eruditionis, cumulataq;
prudentiæ, res gestas legere non-
dum adspernatur; sed veteres cre-
brò regustare historias, novas cu-
riosè atq; contentè lectitare ultrà
digna-

DEDICATIO.

dignatur. Hinc magnus honos ac favor ille Principum, Regum, Induperatorum!

Quapropter Tibi gratulor, NOBILISSIME AC STRENUISSIME DOMINE, velut patri felicissimo de filiis; avo dignissimo de nepotibus; utrique de posteris; toti denique patriæ de æterna posteritate Vestra. Sic erunt (ceu spes est) quibus & posteri mei, majorum suorum nomine, beneficia laudare, & gratias agere porrò pergant. Nonne fato (cujus arcana quædam vis est) & forte nascendi, sub LEOPOLDO, PIO, FELICI, AUGUSTO, liberos

DEDICATIO.

liberos tollere libet, immò expedit? Magnum hoc est educandi incitamentum, tollere filios in spem libertatis, in spem nobilitatis, ac præmiorum: Sic neminem (opinor) posterorum, neminem sui parentumvè poenitebit!

Est apud Persas (4) singularis quædam & optimi ominis avis, *Huma*; quod AQUILÆ genus in aëre degere dicitur, & in eo ova, pullosq; suos excludere: Omnium verò avium (5) censetur *præstantissima*, quoniam vescitur osfibus; cæteraque *animantia non dilaniat*. Dein hæc illi virtus tribuitur, *ut ille, quem*

(4) Gentius in not. ad Rosar. Polit. Sads ad pag. 47. fol. 552.

(5) Idem ad pag. 81. fol. 554.

DEDICATIO.

le, quem volans **UMBR A** sua con-
tigerit, aut ad regium, aut ad sum-
mæ opulentia fastigium evehatur:
Quemadmodum noctua è contra-
rio omnia sinistra, & præcipites
rerum humanarum casus, porten-
dere solet. Unde sapientissimus
Persarum (6) *Musladinus Sadus*:
Nemo mortaliū sub noctuæ patrocini-
um concesserit,
Etsi Aquila in orbe terrarum non exsti-
terit!

Exstat autem **AQUILA** in or-
be Romano, exstat in urbe Nori-
berga; Cujus *umbram* Sacrosancti
Imperii cives sibi suisque vel solo
nutu auspiciatissimam venerantur,

(6) *Musl. Sadus in Res. Pol., cap. I. fol. 47.*

admi-

DEDICATIO.

admiranturq;. Verbo dicam Arabum: *Rex umbra* (7) *DEI est*; Vel etiam Persarum: *Umbra summi Numinis in terra!* sub qua labor omnis Historicorum nunc requiescit, velut robur animis calamisque in hoc fumentium; ut in scribendo pleni virium, & virtute cæteris prævalentes, tractu æquali & uno tenore cum **AQUILA VOLANTE** alacrius procedant; vel si posteriores fuerint (ceui facile conjicimus) *priscae AUSTRIACORUM virtutis σκιογραφίαν* saltim, sed undiq; aptam atq; perfectam præstent: Haud enim exiguae molis est, quasi formam **AU-**

(7) *Gen. l. v. ad pag. 11. fol. 540.*

DEDICATIO.

GUSTISSIMÆ AUSTRIA-
CORUM DOMUS verbis ex-
primere, aut oratione res gestas de-
inceps includere ; cū non falsò
putarit FRIDERICUS IV. CÆ-
SAR, *juxta vocales quinque*; symbo-
licas: AUSTRIACI ERUNT IM-
PERATORES ORBIS ULTIMI!

De *prisca virtute* quid dicam?
Obstupui, cū Majores legenti
mihi demonstravit Vir summus (&
cujus laus major est, quàm ut ma-
nu mea attentari debeat) *D. Joann.*
Guilelmus Mannagetta, Archiater
Imperatoris Gravissimus, in Ora-
tione sua ad FERDINAN-
DUM

DEDICATIO.

DUM IV. Augustum Romano-
rum Regem, Viennæ Austriæ A.
C. clb. Ib. c. LIV. dicta ; quam
*Coronæ duodecim Cesarum ex Au-
gustissima Domo Austriaca præmi-
sit. Ibi inter alia : Plinius libri se-
ptimi cap. 41. de summa felicitate
inscripsit, in quo velut miraculum
quoddam : Vna, inquit, familia Fa-
biorum, in qua III. continui Prin-
cipes Senatus. Quid hodiè diceret, si
videret, non jam tres ex una familia
Austriadum ; sed quatuordecim
Augustos Orbis Monarchas, &
continua serie undenos ? Dedit mi-
raculorum perpetratrix Austria, ab
anno nati Redemptoris sexcentesimo*

DEDICATIO.

*decimo tertio, per Sigebertum Habspurgica Domus conditorem, orbis bono, Tuæ gloria Heroas ducentos nonaginta octo: Heroinas centum septuaginta tres. Ex his Augustos XIV. Imò si tres adnumeremus, ex Habspurgico sanguine ante Rudolphum primum creatos, & reliquos decem, Eidem affinitate ac sanguine junctos; jam gloriabitur Romanis Regibus viginti septem. Dedit Austria Thaumaturga præter Cæsares orbi Reges XII. Reginas XXXVIII. Regum & Regina-
rum Genetrices XXVI. Verbo dicam, supra ducentas quadraginta Coronas dominatrici Majestatis*

DEDICATIO.

tis Tuae Domui vindicavit. Et post nonnulla ibidem: Omnes miraculose superat felicissima Archiducum Austriae propago, in hac Augustissima Majestate familias omnes, quae à condito Imperio ejus gubernacula tractarunt, longè antecellens. Siquidem ultra ducentos & sexaginta annos, atq; ex iis ducentos & sedecim continuos, Orbi Christiano divinitus praeest. Ita ut omnibus omnium gentium ac aetatum clarissimis familiis, magnitudine sui splendoris, caliginem induxerit.

Hæc dum confidero, non possum non toto pectore Familiae coe-

DEDICATIO.

litùs orbi datæ auspicatissima quæ-
que ominari; satis habens, & hoc
contentus uno, quod Universalem
Historiam usque ad LEOPOL-
DUM (cui mens gratabunda: FE-
LICITER, QUOD AGIS!)
licet dispari filo, deduxi. Quod si
unus & item alter de hac scriptio-
ne mea secus censeat, succenseatve;
sciat velim, me talium favorem ne
teruncio quidem redimere; quia
semel amissus semper est redimen-
dus: *At foro isto (Saresberienſi ite-
rum iudice) nihil iniquius est, quo
rem semel emisse non proderit; nisi
semper ematur: & ubi quisq; rem
ab alio venditam vendicat, nisi &
ipsi*

DEDICATIO.

ipsi de pretio satisfiat. Hos igitur
nil moror: Tua æquitas, PRU-
DENTISSIME DOMINE,
mihi patrociniabitur; quam judi-
cio istorum antepono, haud im-
memor illius: *Se 'l Sol mi splende,
non curo la Luna!* Accipe à me non
meum quidem munus, verùm a-
moris in Te maximi testimonium
fidelissimum: Tibi enim, secun-
dum Deum, salus à me mea acce-
pta fertur. Benè vale, & me,
ut soles, ama!

Noribergæ, in ante d. 3. m. Marti.
(quo Rupertus fuit sepultus) A. C.
clo. lō. c. LIX.

))((s

PRÆ-



PRÆFATIO
AD
LECTOREM.



Accipe laborem RUPERTI ultimum, Erudite Lector, secunda cura retractatum d. 17. Jul. A. C. 1645. quem absolvit feliciter d. 25. Febr. A. C. 1646. Maxime hunc librum laudibus celebrare, quid attinet? circumspectus Lector de me falsam opinionem fortasse acciperet, ac si eundem in cæcorum numero putarem; quibus graphice id plerumq; depingitur, quod non vident; nec visari sunt unquam. Nunc enim in memoriam redit suavis quædam historiola, quam Arabes tradunt: Patrem quendam filiam habuisse valde deformem, adeo ut eam

cæco

cæco cui iam in matrimonium dare co-
 actus fuerit. Hæc aliquando marito suo
 inquit: Mi vir, ô, si tu nunc usum o-
 culorum haberes, ut me vel semel
 contemplari posses! tum demum
 conspiceres vultum meum plenilunii
 instar splendidissimum, collum me-
 um argenti instar nitidum, genas me-
 as ut aurum coruscantes, mentum ut
 rosam, labia uti rubinum, dentes ut
 uniones, linguam uti corallium. *Ad
 hæc maritus: Quamvis ego, ô mulier,
 non oculorum quidem, sed recti ta-
 men iudicii usum habeo; quod equi-
 dem hoc mihi persuasum est, si tu ea
 pulchritudine fuisses, qua te nunc
 mihi non videnti jactas, non te mihi
 cæco nuptum dedisset pater. Ocula-
 tos igitur & perspicaces volo, ut facilius
 de illo existimare possint.*

*Nonnulli de vera Auctoris eruditione
 frustra*

PRÆFATIO

frustrà (ceu solent) solliciti, nimis profè-
 Etò pueriliter ac petulanter de ea affir-
 mare, baud erubescunt, Rupertum syllo-
 gismo, ritu Sophorum, uti non sciuisse.
 Sciant itaque isti (qui omnia se simu-
 lant scire, ait Plautinus ille Megaroni-
 des, nec quicquam sciunt) non paucas
 hujusmodi ratiocinationes in hoc ipso
 opere historico-chronologico legentibus
 hinc inde succurrere; quas saniorum in-
 geniis committo, & ad horum judicia re-
 fero; non veementè de eo laborans,
 quid stultus alieni artificii existimator
 præfractè judicet.

De cætero si quod σφάλμα vides, quod
 turpe sit, ne, quæso, auctori adsciscas er-
 rorem istum; qui longè perfectiorem
 hunc librum suo nomine divulgasset, si
 quidem vita suppetiisset. Sed fati neces-
 sitate, & febris malignitate subito cor-
 reptus d. 27. Febr. A. C. 1647. anno æ-
 tatis

AD LECTOREM.

tatis XXXV. professionis IX. (haud sine magna lugentium ægritudine, omniumq; lamentatione) in Academia finem vitæ, non ita creditus, implevit. Hujus equidem operis difficillimi editionem recusavi tamdiu; dum amici precibus suis me vincerent, mihiq; persuaderent, ut reip. literariæ commodarem. Quod si quibusdam minus fortè arriserit alia atque alia nominum priorum scriptio, veniam dandam putem & veteribus & novis Scriptoribus; quos difficiliùs inter se conciliaveris, quàm disjunctissima Parisiis, Romæ, Amstelodami, Madriti, Londini ac Noribergæ horologia. Variæ interim scriptiois exempla si desideras, hæc habe: Masanissa, Massanisa, Massanissa, Masinissa; Ricimer, Ricymmer; Ricomer, Richomer, Richomer9; Stilico, Stilicho, Stillico; Plinta, Plenta, Plencha; Athanaricus, Athalaricus, Athal-

Athalricus; Theodatus, Theodahatus,
Theodahadus, Theodahaldus; Odoacer,
Odouacer; Mascizel, Mascezel;
Gizerichus, Geizerichus; Artavaustes,
Artabastus, Artabasdus; Siffridus, Seifridus;
Azumitæ, Axumitæ; Alaman-
ni, Alamanni, Alemanni; Goti, Gothi,
Gotti, Gotthi; Visigothi, Vuisegothi,
Vesegothi, Vesegothæ; Amalasuenta,
Amalasuentha, Amalasventa, Matha-
suentha, &c.

*Ad ultimum de Synopsi minore Besoldi
admonendus est Lector humanus, eam secundum
editionem Argentinensem A. C. 1626. fu-
isse recusam. Tabulas verò Chronologicas
(ne furtum fecisse videamur) Dn. Christo-
phoro Schradero, ex eloquentia, variaq; do-
ctrina nobili & claro in Italia Viro grati debe-
mus; quarum cum summa apud nos penuria es-
set, commodiore hac forma pralo subicere vi-
sum fuit. His fructuere, Lector,
amice, boniq; consule.*

Si ju-



Si juvat Historiã pernoscere totius orbis,
& celebratorũ res penetrare Virũm:
adsis; atque peregrinare per huncce libel-
lum:

non ullum tibi iter tutius esse potest.
Hic mores hominum, bona pravaq; facta
tueri,

& quæ vitanda, aut sint imitanda, licet.
Utere RUPERTO doctore. Fideliter ille,
à motu, ad metam ducet honorificam.

*Memoria Viri præclaris-
simi P.*

JOHANNES MICHAEL
DILHERRUS, P. & P.P.

Maximus Tyrius: Nihil est jucundius,
quàm in Historia versari; quàm sine
labore ullo passim divagari; omnes simul
locos intueri; omnibus bellis sine periculo inter-
esse; infinitum temporis spatium contrahere;
infinitas res gestas simul cognoscere; quæ ab As-
syriis, quæ ab Ægyptiis, quæ à Persis, quæ à Me-
dis, quæ à Græcis facta sunt: bello nunc terre-
stri, nunc marino, nunc concionis mediæ consiliis
interesse: cum Themistocle in mari, cum Leo-
nide

nide in terra pugnare, cum Agesilao trajicere, cum Xenophonte incolumem redire, amare cum Panthea, venari cum Cyro, regnare cum Cyaxari. Quod si sapiens ea de causa Ulysses dicitur, quòd

Multorum mores hominum lustrasset, & urbes:

multò sapientior est, qui, extra periculum, Historiæ lectione se explet. Charybdim videbit; sed sine naufragio: Syrenas audiet; sed sine vinculis: cum Cyclope aget; sed miti & pacato. Et si eo nomine felix fuisse Perseus judicatur, quòd passim alarum vagaretur beneficio, totam terræ naturam, omnia intueretur loca: multò & levior certè & sublimior, his Persei alis, habenda est Historia; quæ passim animum circumfert nostrum. Dissertatione XII.



CHRIST. BESOLDI JC.

SYNOPSIS MINOR

Rerum ab orbe condito
gestarum.

CHRIST BROTHERS
STATIONERS
MINOR
LONDON
GOSWORTHY



INTRODUCTIO IN HISTORIAM.

CAP. I.

De Statu rerum humanarum ante Monarchias.

Historia, temporum testis:
Dum totius humanæ vitæ perio-
dum ob oculos ponit, Mundi
vanitatem, Deiq; providentiam
& Judicia justa docet.

Tractat res gestas ante & sub quatuor
Monarchiis.

Adam primus homo, ad imaginem &
similitudinem Dei conditus (de terræ nem-
pè limo ab ipso Deo formatus, vitæq; spira-
culo animatus) in Paradisum voluptatis col-
locatus: Ei q; solatii & propagationis gra-
tiâ, Eva, ex costa ipsius formata, conjuncta
fuit. Verùm in tanta felicitate & perfe-
ctione non diu perstiterunt. Etenim pau-
lò post ob inobedientiam ejecti inde sunt
ambo.

Synopsis minor

Filii eorundem recitantur Cain, Abel, Seth. Quorum Cain, primus parricida, pi-um Abelem ex odio & invidia interfecit.

Adam noningentos & triginta annos natus, mortuus est. Cujus filius Seth, postquam Enos genuisset, noningentos & duodecim annos natus, naturæ concessit.

Enos attigit annum noningentesimum & quintum. Reliquit filium Kenan, qui noningentesimo & decimo ætatis anno vitam cum morte mutavit.

Hujus progenies Mahalaleel vixit octingentos & nonaginta quinque annos.

Filius ejus Jared superavit noningentesimum & sexagesimum secundum annum.

Cujus filius Henoch, postquam Methusalah procreâisset, piè & sanctè vitam egit; ideò vivus in cœlum translatus est.

Methusalah, omnium hominum ætates excedens, obiit anno ætatis suæ noningentesimo sexagesimo nono.

Filius hujus Lamech anno septingentesimo sexagesimo septimo è vita excessit.

Noah ejus proles genuit Sem, Cham, Japhet.

Quo tempore Deus ad scelestum hominum

Historiarum.

minum genus vindicandum diluvium im-
misit, Anno 1657.

Ne autem imago Dei penitus corrue-
ret, Deus Noah cum sua familia in arca (in
qua anni spacium fuit) observavit. Atq; hæc
ante diluvium contigerunt.

Post diluvium Noah filiis suis terram
colendam distribuit: Ab hisq; dissemina-
tum est omne genus hominum in universo
Mundo.

Cham verò immemor pœnarum divi-
narum, non erubuit parentem irridendum
fratribus suis propinare. Quare maledi-
ctionis notâ insignitus fuit. Primi autem
Mundi antiquitates Lambertus Danæus
exequutus est, quatuor integris libris, ju-
cundâ varietate refertis.

CAPUT II.

*Initia primæ, seu Babylonice Mo-
narchiæ: Quæ etiam Assyriorum
& Chaldaorum vocatur.*

ANte Diluvium, Imperii cujusdam po-
testate, homines fuisse gubernatos, ex
Chaldæo paraphraste liquet: Qui Filios
Dei, quorum Genes. cap. 6. v. 2. mentio fit,

Synopsis minor

Princeps interpretatur; eosq; postea Gigantes, id est, Tyrannos procreasse refert.

Post diluvium verò, novorum Gigantum auctor fuit Nimrod, Nohæ pronepos: Ab aliis etiam Saturnus dictus (potens venator coram Domino) in terra Chaldaeorum unà cum suis confidens, Babel urbem, perpetuum nominis sui monimentum, ædificare cœpit.

Offensus autem Deus, irritos fecit illorum conatus, linguarum conturbatione immixta.

Posthæc Assur, Medum, Magogum & Moscum, Principes Coloniarum huc illuc misit, qui Regna sui nominis conderent; Assyrium, Medum, Magogum, Moscum.

Assur, teste Scripturâ Sacrâ, Nineven urbem ædificavit.

Nimrodo successit filius Jupiter Belus, qui omnem agrum in Sarmatiam usq; Europæam occupasse traditur. Reliquit Ninum.

CAPUT III.

Continuatio ejusdem primæ Monarchiæ.

Ninus productis longè lateq; finibus, Monarchiam primus omnium incepit.
Ab

Historiarum.

Ab hocq; teste Orofio, *lib. 2. cap. 2.* omnes hiftoriæ incipiunt: De eoq; Iuftinus *lib. 1.* tradit, eum veterem & quafi avitum gentium morem novâ Imperiorum cupiditate mutâffe.

Tandem ic̃tu ſagittæ interiit, relicto filio impubere Zamei: Quem alii Ninyam vocant.

Ejus igitur uxor Semiramis, ne Regna vi capta deſciſcerent, ſexum virilem mentita, divitiis, victoriis & triumphis nulli mortalium ceſſit.

Æthiopiam devicit: Et in India quoq; bellum geſſit.

Zameis nihil memorabile fecit. Proximus ab eo Arius, Bactrianos & Gapſios imperio ſuo conjunxit.

Aralius huic ſuccedens, ingenio & ſtudio militari clarus fuiſſe traditur.

Baleus alter ab eo plurimas gentes perdomuit, ſuos fines ad Judæam uſque produxit: Ideoq; Xerxes, hoc eſt, bellator & Triumphator fuit cognominatus.

Armatriſes, qui hunc excepit, voluptatibus & otio planè addiſtus fuit.

Belochus auſpicia & divinationes curâſſe traditur.

Synopsis minor

Baleus hunc sequutus, alteram à Semiramide virtutis & industriæ militaris laudem habet, atque doctorum hominum scriptis valdè celebratus fuisse dicitur.

Altadas stultum esse duxit, multis defatigari laboribus & variis implicari curis, amplificandi regni causâ, quia ad nullam hominum utilitatem, sed ad detrimentum potius pertineret.

Monitus belli curam atq; laborem in suis iterum excitavit: ejusq; potentia Syriis & Ægyptiis suspecta fuit.

In Mancaleo narrandi argumentum deficit. Sphæri magna fuisse virtus atque prudentia dicitur. Mamelin nullum facinus commemoratur. Sub Spareto, proditum est, passim accidisse miranda.

Ascarades omnem Syriam suæ ditionis fecit.

Ab hoc deinde viginti Reges ab aliis numerantur ad Sardanapalum trigesimum octavum Assyriorum Regem. Eumq; Vellejus tradit, à Nino & Semiramide, loco tertio & tricesimo (levi numerorum ab aliis, quos sequimur, variatione) natum: sic ut semper successor Regni paterni, filius esset.

Fuit

Historiarum.

Fuit hic omnium longè effœminatissimus, inter mulierculas perpetuò desidens, colum & lanam tractabat, nemini sui conspectum præbens.

Ejus autem præfecti, Belochus Babylonix, Arbaces Medorum his rebus abalienati, factâ conjuratione bellum ipsi intulerunt, & eum fugârunt.

Sardanapalus igitur re malè gestâ, & pyrâ constructâ, se divitiasq; omnes in ignem abjecit, hoc unico facto virum (ut quidam ait) imitatus Anno à condito Mundo 3148.

Porro hi duo præfecti Monarchiam post inter se patiuntur : Et Belochus quidem Babylonix, Arbaces verò Medorum atq; Persarum Rex factus est.

Belochus post hanc mutationem, primus Assyriorum Rex, Manahen Regem Israëlis, vectigalem sibi fecit.

Ei successit Phul Assur, qui urbes aliquot Judææ cepit, & populum in Assyrios captivum abduxit. Hunc ipsum Achaz, Rex Judæ, sub quo vixit Esaias, de auxiliis interpellavit adversus Regem Syriæ, eique dona misit.

Synopsis minor

Salmanassar Samariam urbem post trium annorum obsidionem cepit : Hoseam Regem Israëlis, unaq; populum abduxit, & per suam ditionem illis domicilium attribuit, anno Mundi 3232.

Sennacherib Ezechiam Regem Judæ multavit : Deinde cum ingenti exercitu Hierosolymam obsedit, missis legatis populum ad defectionem hortabatur: Regem à Deo auxilium sperantem irridebat. Quare, Angelo Dei percutiente, desideravit una nocte ad centum octoginta quinq; milia hominum. Tandem interfectus est à filiis suis Adramelech & Sarasar, qui, licet fugerent, tamen arma in fratrem Assaradonem parârunt.

Assaraddo post parentis necem regni occupans, cum fratribus conflictatur.

Merodach autem Babylonix præfectus hisce turbis delcivit, vicinas gentes partim vi paulatim ad se transfert, indicit bellum, & duodecimo Regni sui anno Assaraddone devicto, totum Assyriorum Imperium Babylonis adjunxit. Successit ei filius Benmerodachus, qui Regem Judæ Manasse cepit, sed post humaniter dimisit.

Se-

Historiarum.

Sequitur Nabuchodonosor I. qui Ægyptiis filium cognominem opponit.

Nabuchodonosor II. (cognominatus **Magnus**) à primis annis bellum intulit Ægyptiis, & regionem omnem, quæ est inde ab Euphrate usq; ad Pelusium, illis ademit. Jojachim Regem Judæ vectigalem sibi fecit. Cujus filium Jechoniam octavo Regni sui anno unà cum præcipuis suis viris & artificibus totius regionis, Babylonem captivos abduxit.

Decimo octavo Regni sui anno Hierosolymam per biennium obfessum cepit, paulò post diripuit, incendit, muros diruit, potissimam populi partem captivam abduxit: Regem Zedekiam exoculavit, filios illius atque proceres interfecit. Anno Mundi 3365.

Ad annum Regni sui circiter vigesimum quartum, Ammonitarum & Moabitaram Regibus devictis, exercitum duxit in Ægyptum: Quâ regione totâ occupatâ, Monarchiam verè obtinuit.

Altero Monarchiæ anno somnium de statua, cujus Daniel meminit, vidisse creditur.

Ma-

Synopsis minor

Magnitudo ipsius Imperii inde patet, quòd comparatur arbori ad cœlum usque pertingenti, totum terrarum orbem obumbranti, & omne genus volucrum atq; animalium recreanti.

Est igitur hæc primæ Monarchiæ summa Majestas : Quæ sicut hoc Rege vehementer aucta, & ad summum fastigium educta fuit, ita quoque in ipsius nepotibus desiit & deleta fuit.

CAPUT IV.

De primæ Monarchiæ ruina & interitu.

EVilmerodach Nabuchodonosoris filius, regnavit annis triginta.

Assur (aliis Regassar) tribus annis præfuit.

Labassardach septem annorum Rex fuit.

Balthasar Imperii summam obtinuit annis quinq;. Huic Deus calamitatem imminentem denunciavit. Cùm enim genio indulgens, vasa sancta in conviviorum usum adhiberet; manus quædam parieti verba inco-

Historiarum.

incognita, quæ à nemine præter Danielelem intelligi poterant, inscripsit.

Paulò post Imperii summa, Rege interfecto, ad Darium Medum est translata.

Hic Darius vocatur à Scriptoribus Cyaxares, fuitq; filius Astyagis.

Qui cum sobolem masculam non haberet, filiam suam in matrimonium dedit Cyro Persæ sororis filio.

Res autem hujus Monarchiæ, vel ob antiquitatem, vel ob Chronologiæ incertitudinem, in obscuro pleræq; latent. Res verò Ecclesiæ, & populi Hebræi, præcipuum momentum obtinent in Monarchia hac prima.

CAPUT V.

De secundæ, seu Persicæ Monarchiæ initiis.

A morte Darii, summa rerum ad Cyrum generum delata fuit. Et hoc quidem est alterius Monarchiæ initium. Anno Mundi 3435. Jam enim Assyriam, Mediam & Persiam solus Cyrus obtinebat, ad Jonicum usque mare. Prælio cepit Cræsum Lydiæ Regem potentissimum: Initio sui Regni

Synopsis minor

gni post captam Babylonem, populo Judai-
co permisit, ut ex captivitate domum re-
versi templum ac urbem Hierosolymam
reædificarent: Ad eamq; rem sumptum li-
beralissimè subministrari jussit. Devictis Ba-
byloniis, bellum gessit cum Scythis: Eoq;
profectus ipse cum exercitu tandem per
insidias, princeps laudatissimus fuit circum-
ventus & interfectus. In eo peccavit, quòd
molliter filios inter fœminas educavit.
Grandiores enim facti, & ab assentatoribus
corrupti, cùm ipsorum auribus pleriq; ser-
virent, mortuo parente, vitæ periculum al-
ter alteri creârunt.

CAPUT VI.

De secunda Monarchiæ conti- nuatione.

CAmbyfes Darii filius, absente & occu-
pato patre, cepit Ægyptum. Bello qui-
dem fuit egregius, sed alioqui vitiosus, &
patris virtutem minimè repræsentans. In-
ter alia turpiter immaniterq; facta, fratrem
suum Smerdem insidiosè necari jussit. Post
mortem verò patris non diu fuit superstes.
Darius filius Hystaspis successit, qui statim
ab

Historiarum.

ab initio principatus arma sumpfit, & Imperio suo rursus illos adjunxit, qui defece-
rant: Capta quoq; Babylone, post longam
obsidionem, operâ Zopyri.

Bellum deinde suscepit in Athenien-
ses, qui subitò collectis copiis ingentem il-
lius exercitum ad Marathonem, duce Mil-
tiade, fuderunt.

Xerxes hujus filius, anno decimo post
prælium illud, ad Marathonem innumera-
bili cum exercitu venit, ut Græciam o-
mnem sibi subjugaret.

Athenienses verò, Themistoclis con-
silio, hostem ad Salaminem Insulam vin-
cunt prælio.

Xerxes turpi & infelici fugâ domum
reversus, re malè gestâ, cùm in magnū con-
temptum venisset, à suis est interfectus.

Artaxerxes Longimanus ejus filius
successit. Ad hunc Themistocles exul pro-
fugit, ibiq; vitam finivit. Hunc item multi
Assuerum, Estheræ maritum fuisse putant.

Ochus, cognomento Darius Nothus,
à Longimano regnavit, qui sororem illius
in matrimonio habuit.

Artaxerxes Mnemon & Cyrus, Darii
filii

Synopsis minor

filii erant : Quorum ille mortuo parenti successit. Cyrus verò Joniam Lydiamq; tenebat; sed forte suâ non contentus, fratri Regi intulit bellum (à Xenophonte singulari prudentiâ descriptum) in eoq; fuit victus & occisus. Ochus ex tribus natus minimus filius à Mnemone regnavit.

CAPUT VII.

De secunda Monarchiæ exitio.

DArius (quem Justinus Codomanum vocat) postremus Persiæ Imperator hunc excepit: De cuius splendore, delitiis & luxu mira narrant Scriptores. Nam omnis generis coquos, cupedinariorum, fartores, artifices, magistrosq; gulæ & unguentarios habebat in castris, ne quid ad corporis voluptatem omnino deesset. Ei bellum intulit Alexander Philippi Macedonum Regis filius. Qui, Thebis everfis, & pacatâ Græciâ, in Asiam contendit, & tribus præliis Darium superavit: Captâ illius & matre, & uxore, & filiabus.

Ingentes quidem conditiones, & Regni partem ad Euphratem usq; Alexandro defe-

Historiarum.

defererebat: Sed respuit, neq; antè destitit, quàm illum expugnâisset.

Tertium itaque bellum Darius instaurat, & educto validissimo exercitu, rursus profligatur.

In fuga, cùm aquam turbidam bibisset, negabat unquam se bibisse jucundiùs. Nec enim sitiens unquam biberat. Trucidatur in fuga à suis. Anno Mundi 3642.

CAPUT VIII.

De tertia Monarchia, Græcorum scilicet.

Alexander his tantis victoriis in suam ditionem perduxit, quicquid est ferè terrarum ad orientem Solem: In Europam ex Asia transportavit Imperii summam; & *tertiam Monarchiam* constituit. Pòst etiam in India belligeravit. Nec præter rem, de eo Justinus scribit: Incertum esse, utrum admirabilius sit, Alexandrum vicisse orbẽ, quàm vincere aggressum esse. Sed singularis providentia Dei Alexandrum duxit; indeque, reverenter summo Pontifici Judæorum supplex factus, Hierosolymam ingressus est.

Erat autem Alexander bonarum ar-

b

tium

Synopsis minor

tium in primis amans, & in homines doctos fuit principio liberalissimus.

Homeri poëma sibi familiarissimum habebat: Aristoteli præceptori negotium dedit animalium describendi naturas: Ad eamq; rem aliquot hominum millia per Græciâ Asiâq; constituit pecuarios, venatores, piscatores, cetarios, aucupes, & id genus alios, qui de singulis illum docerent.

Sed, quæ hominum est infirmitas, tantam fortunæ benignitatem & indulgentiam moderatè ferre non potuit: Et cum insolenter multa faceret, seq; pro Numine vellet propemodum adorari; Babylonem ubi venisset, feбри, vel, ut nonnulli tradunt, veneno fuit extinctus, cum annorum esset triginta trium & annos regnâset duodecim.

Memoriâ autem dignum est, quod Arrianus refert, Alexandrum, cum devictis Cossæis, exercitum Babylonem reduceret; in itinere ei obviam processisse Chaldæos vates, nunciantes, se nosse ex Divinatione astrorum, Babylone ei periculum mortis imminere. Philosophos autem (qui ferè Athei & Epicuræi) Alexandro persuasisse, ut illas non curaret præfagitiones.

CA-

Historiarum.

CAPUT IX.

De tertiæ Monarchiæ divisione.

Dispar Monarchiæ tertiæ, à superioribus duabus facies cognoscitur. Etsi enim initium sumpsit à capite uno; ea tamen avulso, diffiliit in diversa membra.

A morte namq; Alexandri divisa fuit Imperii moles in procures: Ptolomæum, Laomedontē, Antigonom, Cassandrum, Leonatum, Eumenem, Pythonem, Lyfimachum, Antipatrum, Meleagrum, Seleucum. Lyfimachus ille est, quem Alexander iratus aliquando concluderat cum Leone: cum autem interfectam belluam ab eo audisset, magno habuit in honore. Inter eos successores, eorumq; filios atq; nepotes gravissima bella fuerunt, quibus vehementer afflictæ regiones, in populi Romani ditionem paulatim venerunt.

In his autem præcipui fuerunt Seleucus Syriæ, Ptolomæus Ægypti, Antigonus Asiæ minoris, Cassander Macedonum, Græciæq; deinde Rex factus, oppressis omnibus Alexandri propinquis. Quod & prædixerat Daniel cap. 8. vers. 22. apud quem ideò quatuor cornua tribuuntur.

Synopsis minor

C A P. X.

De Syria Regibus.

Seleuci virtus clara & admirabilis fuit: Babyloniam namq; cepit. Inde, auctis ex victoria viribus, Bactrianos expugnavit. Transitum in Indiam fecit. Demetrium ad deditionem coëgit.

Antiochus Soter, hujus filius in Imperio successit.

Antiochus Theos, hunc excipiens, habuit filios Seleucum, Callinicum & Antiochum, cui cognomen fuit Hierax.

Seleucus Callinicus auspicia regni à patricidio cepit: ipse, de equo lapsus, mortuus est.

Seleucus Ceraunus in expeditione contra Ptolomæum (qui Philopator cognominatur) diem obiit. Antiochus Magnus, hujus frater, in Europam transgressus, invadit Ptolomæum Epiphanem. Sed cum, admodum adolescentulus, per ætatem Ægyptios defendere non poterat, ut Regis pueri tutelam Senatus susciperet, Legati Romam sunt missi. Eo facto, Antiocho denunciat Senatus, ut ab Ægypto abstineat. Offensus in Græciam cum classe trajecit, sed à Romanis

Historiarum.

nis devictus est. Post acceptam cladem dicere est solitus, benignè sibi à populo Romano esse factum, quòd, nimis magnà procuratione liberatus, modicis Regni terminis uteretur.

Seleucus Philopator nihil Principe dignum perfecit.

Antiochus Epiphanes, cùm patrem Antiochum Magnum obiisse intelligeret, clàm ex urbe Roma fugiens, Regnum Syriæ, filio Seleuci pulso, occupavit. Hierosolymis crudelitatem exercuit.

Libros Moÿsis & Prophetarum, undiq; conquisitos, igne consumpsit. Ægyptum tutelæ specie tentavit. Sed Cajus Popilius, Romanorum nomine, ipsum virgulâ circumscribens, clarè jussit antè respondere, quàm excederet. Ita perterrefactus, pacem promisit: curru tandem prolapsus, magnis cruciatibus mortuus est.

Antiochus Eupater, hujus filius, à Demetrio patruo suo est interfectus.

Alexander, sortis extremæ Juvenis, nomen & originem (Antiochi enim se filium est professus) mentiens, à Demetrio interficitur.

Synopsis minor

Demetrius igitur verus heres erat. Initio enim belli Demetrius Soter duos filios apud Gnidiū hospitē cōmendaverat; ut belli periculis eximerentur, & si ita fors tulisset, paternæ ultioni servarentur. Ex his major Demetrius Regnū occupat: in segnitie labitur; à fratre, Antiocho Sedete, Regno ejicitur.

Antiochus Sedetes, Tryphonis cujusdam ope, Imperio præest.

Trypho interim in Syria tutor Antiocho, Demetrii privigno, substitutus, occiso pupillo, Regnum Syriæ invadit: Postea expulsus à suis occiditur.

Demetrius, Antiocho Sedete fratre deleto, obsidione Parthorum liberatus, & in Regnum restitutus, ob intolerabilem crudelitatem rursus Regno privatur, ab Alexandro oppugnatur. Relictus tandem cum paucis fervulis, cū Tyrum, religione templi se defensurus, petiisset, navi egrediens, Præfecti jussu, interficitur.

Alexander Potarcla, negociatoris Ægyptii cujusdam filius, effecta Regis Antiochi adoptione, Demetrium in summas angustias redegit. Vincitur à Grypo.

Antiochiam profugit. Ibi, inops pecuniæ, sacrilegium in Jovis templo patrat.

Historiarum.

In sacrilegio deprehensus, & ad Grypum perductus, necatur.

Grypus, Imperio recuperato, insidiis matris appetitur, quam veneno, quod paraverat ipsi, extinguit. Fratrem Cyziceum sibi hostem excitat, à quo deniq; superatur.

Hi duo bella inter se diu gesserunt, quibus cùm Syriæ Regnum esset consumptum, populus externa auxilia imploravit: Donec Cajus Pompejus Romano Imperio eam subjiceret.

CAPUT XI.

De Ægypti Regibus.

Ptolomæus, Lagi filius, Ægyptum retinuit. Justitiâ & Liberalitate excelluit.

Ptolomæus Philadelphus, admodum laudatus Princeps, pacem coluit, artes liberales excitavit, bibliothecam effecit luculentissimam, & Moyſis libros atq; Prophetarum in Græcam linguam jussit converti.

Ptolomæus Evergetes bello claruit. Ptolomæus Philopator (cui ex facinoris crimine cognomen fuit) parentibus interfecit, Ægyptum occupavit.

Ptolomæus Epiphanes nullo admodum insigni facinore est notus. Pto-

Synopsis minor

Ptolomæus Philometor segnis, quotidianâ luxuriâ marcescens, Regno pulsus, ad fratrem confugit. Eodem ferè tempore bello Achæos Romani, propter Legatos violatos, adorti sunt. Ptolomæus Evergetes incestis libidinibus, stupris, & cædibus fuit infamis.

Ptolomæus Soter crudelissimus, Judæam ingressus, quicquid mulierum ac infantium offendit, mactari, & militibus in cibum coqui jussit.

Ptolomæus Alexander, matris crudelitate territus, eam reliquit, periculoso Regno securam vitam anteponeus.

Ptolomæus Auletes cùm regnaret, fructus Ægypti annuos, duodecim millia quingenta talenta fuisse, auctores tradunt.

Hic Regno pulsus à Pompejo Consule, per Aulum Gabinium est reductus.

Ptolomæus Dionysius, hujus filius, successit. Cleopatra, ultima Ægypti Regina, luxu diffuens, cœnæ splendore, unione mixto, Antonium superavit. Octavius Cleopatram & Antonium ad mortem sibi ipsis inferendam coëgit: Et Ægyptum (quæ tùm sola ex Græca Monarchia restabat) populi Romani provinciam fecit. CA-

Historiarum.

CAPUT XII.

De Asiae minoris Regibus.

Antigonus, primus Asiae Rex, quatuor gessit bella. Primum contra Eumenem, auxilio Antipatri & Ptolomæi. Secundum contra Cassandrum. Tertium adversus Ptolomæum & Seleucum. Quartum contra Ptolomæum, Seleucum, Cassandrum & Lysimachum: In quo cæsus est.

Demetrius, Antigoni successor, à Seleuco in fugam vertitur: Tandem cum posset honestè mori, turpiter se dedere Seleuco maluit,

CAPUT XIII.

De Macedonum Regibus.

Cassander, Macedoniae & Græciae Rex, multa bella cum finitimis gessit Philippus, ejus filius, paucis diebus post interiit. Antigonus, seu Antipater, & Alexander, Philippi fratres, bella inter se gesturi, à Lysimacho de concordia monentur. Causa belli erat, quòd Antipater matrem ob suspicionem è medio sustulerat.

Alexander igitur necem matris ulturus,

Synopsis minor

rus, bellum movet, & Demetrium in Macedoniam vocat.

Demetrius Alexandrum per insidias interfecit, occupatoq; Macedoniae Regno, caedem apud exercitum excusat.

Pyrrhus, Rex Epiri, Demetrii exercitu corrupto, eum in fugam agit, Regnumq; occupat. Pyrrhus in Italiam veniens bella gessit cum Romanis.

Cajus Fabricius Luscinus, ad defectionem à Pyrrho sollicitatus, amplissima illius munera contempsit, & captivum per fugam, qui veneno se Regem posse tollere confirmarat, remisit. Omnium primus Pyrrhus elephantos in Lucaniam adduxit.

Lyfimachus, pulso Pyrrho, Macedoniam occupat. Ptolomæus Ceraunus, Lyfimacho à Seleuco devicto, Seleucum Orco tradit, Macedoniam invadit, favorem sibi conciliare studet. Meleagrus exiguo tempore Imperio præfuit. Antipater diebus paucis Regnum tenuit. Sosthenes Gallos, victoriâ exultantes, compescuit, & Macedoniam ab hostili populatione defendit. Antigonus Sonatas Gallos, divitias & elephantos suos ipsis monstrans, ad prædam insti-

Historiarum.

instigat. Demetrius, puer admodum, absente patre, Regnum amissum recipit, & Epiri Regno Alexandrum spoliatur.

Antigonus, tutor datus, acceptâ in matrimonium pupilli matre, arte fit Rex.

Philippus succedit, quem Dardani, cæteriꝫ omnes finitimi populi contemptu ætatis assidue laceſcebant. Ille verò & hostes submovit, & aliis bellum intulit. Postremò Romani ipsum superârunt; qui, ne Senatus injussu belligeraret extra Macedoniæ fines, præscripserunt.

Perseus, hujus filius, succedit patri; bellum cum Romanis suscepit. Sed Lucius Æmilius Paulus II. Consul, prælio tandem illum vincit, & unâ cum uxore, matre, liberisꝫ capit, inq; triumpho ducit, undè vocatus est Macedonicus. Ab eo tempore Macedonia facta est populi Romani provincia.

CAPUT XIV.

De quarta Monarchia sub Imperatoribus Romanis.

QUatuor his Regnis Romanæ potestati subiectis, *Cajus Julius Caesar* rerum potitus, bello clarus, doctrinâ insignis, in urbem

Synopsis minor

bem redit anno quinto post inceptum bellum civile. Cùm de Hispania triumphasset, Dictatoris nomen, sibi delatum, perpetuò sumpsit: Senatum suo arbitratu constituit, reliquos honores ac publica munera propè solus elargitus est. *Quartam Romanorum Monarchiam* inchoavit, in odia plurimorum incurrens, quinto post mense, quàm Romam venisset, in curia Pompeji fuit idibus Martiis interfectus ab iis, quos recenti beneficio sibi devinxerat. Anno Mundi 3928.

Ciceronem quoq; Marcus Antonius Consul Collega Cæsaris, ut confcium cædis ad Senatum coarguit, quòd, interfecto Cæsare, statim cruentum altè extollens Marcus Brutus pugionem, ipsum nominatim exclamasset, atque ei recuperatam libertatem esset gratulatus.

Interfecto Julio Cæsare, Triumviri, Antonius, Octavius, & Lepidus Mutius bellis se exercuerunt: donec tandem Marcus Lepidus Triumviratu motus & relegatus, atque Antonius devictus fuerit.

II. Octavius igitur, Antonio sublato, secundus Romanorum Imperator leges civiles,

Historiarum.

viles, & pacem toti terrarum orbi restituit, ideoq; Jani templum clausit. Imperii hujus anno trigesimo nono, Anno Mundi 3970. natus est Salvator noster **JESUS CHRISTUS**, cùm ante septem annos Herodes, cognomento Magnus, templum Hierosolymæ dirutum, reædificâset magnificentissimè.

III. Claudius Tiberius Nero, Liviæ filius, Octavii Augusti privignus, gener, & filius adoptivus, admodum invitatus, ut præsefererebat, & vix tandem exoratus à Senatu, principatum suscepit. Anno Christi 15. Initiò nihil solus agebat, sed paulò post totum se voluptatibus tradidit. Sub ejus Regno, Christus Salvator noster crucifixus fuit.

IV. Cajus Cæsar Caligula, parentis optimi Germanici filius pessimus (Anno Christi 38.) infinitam auri vim primo Imperii anno profudit. Regni ipsius anno secundo Herodes Antipa in exilium fuit missus.

V. Claudius Tiberius Drusus, ejus patruus, Caligulâ necato, surrogatus est (Anno Christi 43.) Britanniam in deditionem recipit. Maxima eo regnante fuit inedia, quam ab Agabo prænunciatam Lucas Evangelista commemorat.

VI. Do-

Synopsis minor

VI. Domitius Nero (Anno Christi 55.) immanis & efferata bellua, multas provincias defectione amisit. Hostis à Senatu judicatus, seipsum interfecit. Eo imperitante, Petrus & Paulus, Romæ, martyrio coronati fuerunt.

VII. Sergius Galba doctrinæ adminiculis ad summam dignitatem pervenit.

VIII. Silvius Otho splendidis majoribus ortus, sed omni vitâ turpis fuit.

IX. Aurelius Vitellius Scenicus & Epicuræus Princeps.

X. Flavius Vespasianus (Anno Christi 70.) multas provincias Romani populi fecit. Hierosolymam funditùs delevit, administrante bellum Tito filio. Refertq; Josephus, fame & gladio periisse, undecies centena millia hominum, & centum millia vendita fuisse. Ac scribit Tacitus, intra urbem tunc conclusa fuisse sexcenta millia hominum: Quot scilicet exierant ex Ægypto.

XI. Titus Vespasianus (Anno Christi 80.) laudatissimus Princeps, deliciae & amor humani generis, quodam die recordatus, se nihil alicui præstitisse, dixit: *Amici, diem perdidimus.*

XII. Fla-

Historiarum.

XII. Flavius Domitianus (Anno Christi 86.) crudelis & avarus : Sub eoq; fuit secunda persecutio Christianorum.

XIII. Nerva Coccejus (Anno Christi 97.) primus ex advenis Imperator : Princeps lenis, clemens, liberalitate & magnificentia claruit.

XIV. Ulpianus Trajanus, à Nerva Coccejo adoptatus, ac deindè Cæsar factus, Anno Christi 99. multos populos Romano Imperio adjunxit, qui tamen pleriq; omnes tandem rebellârunt. Sub hoc tertia fuit persecutio Christianorum.

XV. Ælius Adrianus, Anno Christi 118. Judæam rebellantem domuit. Sub hoc Irenæus & Tertullianus vixerunt. In Christianorū usum, templa sive simulachra poni iussit: sed prohibitus ab aliquibus fuit, qui dixerunt, si id faceret, omnes Deorum templa deserturos, & Christianam Religionem amplexuros. Lāpridius *in Alexandro Severo.*

XVI. Antoninus Pius ab Adriano convocato Senatui commendabatur, qui post eum factus Cæsar, Anno Christi 141. pacem coluit, & externos Reges atque populos tùm humanitate, tùm literis in officio continuit.

Eique

Synopsis minor

Eique Justinus Philosophus librum tradidit pro Christiana Religione conscriptum, qui adhuc extat.

XVII. Marcus Antoninus, Philosophus, filius, successit, Anno Christi 162. Lucium Aurelium Verum socium Imperii sibi sumpsit, & feliciter imperavit. Eub eo tamen persecutionis quartæ procella, Polycarpum (qui nonnullos Apostolorum Magistros habuerat) Justinum, aliosque Christianos complures, absorpsit.

XVIII. Commodus Antoninus, filius, Anno Chr. 182. flagitiosissimus in omni genere turpitudinis & crudelitatis vitā degit.

XIX. Ælius Pertinax, mitis & placidus, Anno Christi 197. ad Imperium pervenit; primūmq; Grammaticus Professor fuit.

XX. Didius Julianus malis artibus ad Imperium pervenit: Uterq; paucis diebus imperitavit.

XXI. Septimius Severus civile bellum gessit cum Nigro & Albino. De eoq; Senatus ita judicavit: Illum aut nasci non debuisse, aut non mori. Quod & nimis crudelis, & nimis utilis Reipublicæ videretur. Fuit sub hoc quinta persecutio commota in Christianos.

XXII.

Historiarum.

XXII. Antoninus Bassianus, Caracallæ filius, Anno Christi 213. fratrem Getam interfecit: Papinianum Jureconsultū, nolentem defendere parricidiū, trucidari jussit.

XXIII. Popilius Macrinus Anno Chr. 218. parū feliciter pugnavit; non ultrā annum & menses duos regnavit.

XXIV. Heliogabalus, Bassiani filius, turpissimus & flagitiosissimus fuit omnium.

XXV. Alexander Severus, Anno Christi 223. vir strenuus, Mesopotamiā recuperavit. Huic erat familiaris Ulpianus Jurecōsultus. A suis est interfectus (Anno eodem) tumq; Origenes Alexandria vivebat.

XXVI. Julius Maximinus Thrax, A. Chr. 236. Germaniam invadens, militem reduxit opulentum, à suis militibus, unā cum filio quiescens in tabernaculo, fuit interfectus. Excitata sub eo est persecutio sexta Christianorum.

XXVII. Duo Gordiani, Pater & filius, Anno Christi 238. vix per unum mensem Imperium tueri potuerunt. Post eos Gordianus adolescens (majoris illius ex filia nepos) ab exercitu præfectus est: Quam rem Senatus habuit ratam, & Pupieno atq; Balbino

Synopsis minor

bino occisis, ad eum rerum summam detulit: **A** Philippo est interfectus.

XXVIII. Philippus, primus ex Imperatoribus Christianus factus perhibetur, Anno Christi 245. Idem ejus exitus fuit, qui Gordiani.

XXIX. Decius à legionibus Illyricis factus Cæsar, assentiente postea Senatu, A. Chr. 250. in armis promptissimus, Christianorum hostis acerrimus, & septimam persecutionem contra Christianos commovit: Mox verò à Gothis, ex insidiis, unà cum filio est interfectus.

Deinde Gallus A. Chr. 252. à legione una, & militum reliquiis Cæsar factus, pacem cum Scythis fecit, populo Romano turpem & ignominiosam. Hinc Scythæ, ferociiores facti, aliis multis Romanorum hostibus magna perfecturi videbantur, nisi Æmilianus illos fudisset. Hac de causa Cæsar fuit salutatus à milite. Gallus, eo cognito, profectus, ut obsisteret, unà cum filio Volusiano, Imperii socio, fuit interfectus. Æmilianus, datis ad Senatum literis, quum Imperator factus esset, promiserat, se multa recuperaturum. Interim exercitus alter, qui in Alpibus erat, Valerianum, nobili genere

Historiarum.

nere natum, Cæsarem creat, quod milites Æmiliani audientes, ne turbis implicentur, suum Cæsarem interficiunt, & ad Valeriani partes transeunt, Anno Christi 254.

XXX. Valerianus Cæsar, in bellum Persicum profectus, culpâ cujusdam sui Ducis, fuit captus. Sub eo fuit octava persecutio Christianorum, quæ beatum Cyprianum, Episcopum Chartaginensem (in cujus scriptis singula propè verba martyrium spirant) absumpsit.

XXXI. Gallienus, filius, successit: qui se totum voluptatibus dabat, neglectâ Republicâ contemptus, igitur tam domi, quàm foris interfectus est.

XXXII. Flavius Claudius, Anno Chr. 271. omnes, qui sub Gallieno desciverant, rursus debellavit.

XXXIII. Valerius Aurelianus, A. Chr. 271. in Syriâ provincias, quas Zenobia, fortis & animosa fœmina, obtinebat, recuperavit. Palmyram civitatem, deficientem postea, evertit. Ægyptum & Gallias recepit, post Romæ triumphavit. Persis bellum illaturus, in itinere à suis familiaribus est interceptus. Cùm nonam persecutionem Christianorum indixisset; quæ morte ejus inter-

Synopsis minor

rupta fuit. Ab ejus interitu fuit interregnum aliquandiu: Tandem successit.

XXXIV. Tacitus Anno Christi 277. paucorum mensium Imperator. Ab hoc Senatus oraverat, ne moriens filios, sed spectatæ virtutis virum, successorem faceret.

XXXV. Valerius Probus, à Tacito electus, à Senatu confirmatus, Galliam recepit, & Francones Germanos multis præliis devicit. Multos populos terruit, & subegit. Pacatâ longè lateq; & florente Republicâ, dixisse fertur, brevi futurum, ut legionibus atq; præsidiis nihil esset opus, quo dicto milites offensi, è medio ipsum tollendum judicabant.

XXXVI. Carus Anno Christi 280. Sarmatas fregit, inq; Persas proficiscens, Mesopotamiâ cepit, longiusq; profecturus interiit.

XXXVII. Diocletianus A. Chr. 284. Carinum, Cari filium, debellavit. Collegam assumpsit Maximinianum, Ægyptum & Britanniam pacavit: Et ne motus novi, propter successionem, excitarentur, Galerium adoptavit. Maximinianus autem Galliam comotam pacavit, & Africam: Constantium Chlorum adoptavit. Postea uterq; abdicato magistratu, suos consortes Imperio præficiunt.

Historiarum.

ciunt. Hoc tempore Romæ fuit Episcopus Marcellus, cujus extat decretum: Episcopis non licere convocare Synodum, absq; Romanæ sedis auctoritate: Non licere item damnare ullum Episcopum, qui Romam provocârit. Constantio mortuo, Galerius (qui à Diocletiano missus, Persarû Regem Narsen superavit, & totam Assyriam domuit) adoptavit Severum & Maximianum. Inter ea milites prætoriani Maxentium Romæ salutant Cæsarem. Interfecto Severo, Maximianus Imperii Collegam assumpsit Licinium. Inter hos magni fuerunt motus, ideoq; nobiles Romani Constantinum, Constantii filium, in Galliis agentẽ, evocant, ut urbem à Tyrannide Maxentii liberet. Fuit autem decima Christianorum persecutio à Diocletiano A.C. 303. concitata; quæ superioribus omnibus diuturnior atq; immanior fuit. Ea-que de re ita Sulpitius scribit: Hac tempestate omnis ferè sacro Martyrum cruore orbis infectus est; quippe certatim in gloriosa certamina ruebatur, multoque avidiùs tunc Martyria gloriosis mortibus quærebat, quàm nunc Episcopatus pravis ambitionibus appetuntur. Nullis unquam bellis mundus magis exhaustus est, neq; majore

Synopsis minor

unquam triumpho vicimus, quàm cum decem annorũ stragibus vinci non potuimus.

CAPUT XV.

*De Imperatoribus Constantinopolitanis,
ante avulsum Occidentem.*

I. **C**onstantinus Magnus cum parte copiarum in Italiam profectus, commisso prælio vincit, A. C. 312. cum paulò antè Christus, per somnum ei adparens, jussisset, ut Crucis signo pro vexillo in prælio uteretur. Porro etiam Rerum potitus, & veram amplexus religionẽ, Christianis portus atq; refugium extitit. Liberalitatis illius immensæ (quam huic tribuunt) causa & occasio falsi redargui potest ex Historiis. Hujus mandato Niceæ Concilium est habitum longè frequentissimum, in eoq; dogma damnatũ Arrii, qui Christum negabat ejusdem esse substantiæ cum Patre. Byzantium, Thraciæ urbem, suo de nomine vocavit, eò translata sede Regiâ, A. C. 331. Salutatus amplissimè à Senatu populoq; Romano, propter restitutam Reip. pacem, ad externa bella totum se convertit. In Asiam cum venisset cum exercitu, sumpto pharmaco, vitam finiit, nõ absq; veneni suspicione. Anno Chr. 337.

II. Con-

Historiarum.

II. Constantinus, patris divisione non contentus, bellum intulit fratri Constanti: sed, amisso exercitu, confoditur. Constans biennio ditionem omnem mortui fratris obtinuit: Postea fraude Magnentii (quem milites, præmiis allekti, Imperatorem salutaverant) fuit interfectus. A. C. 350.

III. Constantius, hac re cognitâ, magnis cum copiis in Italiam, ac inde in Galliam accedens, hostem ingenti prælio vincit: Julianum, patruelem suum, adoptat, & Galliæ tutelam committit. Qui, feliciter administratâ re, ab exercitu non modò Cæsar, verû etiam Augustus salutatus, & diademate, licet invitus, uti præ se ferebat, est ornatus. Eâ re Constantius plurimum offensus, iter ingressus est, ut Julianum ad officium reduceret: Sed in itinere febris correptus, vitam finivit. Juliano priùs constituto successore. A. Chr. 361.

Misera hoc tempore Ecclesiæ facies, ita depingitur ab Hilario Episcopo Pictavenfi. Post Nicænam Synodum, nihil aliud, quàm fidem scribimus: Dum in verbis pugna est: dum de novitatibus quæstio est: dum de ambiguis, dum de auctoribus querela est: dum de studiis certamen est: dum in consensu

Synopsis minor

difficultas est; dumq; alter alteri anathema esse cœpit. propè jam nemo est Christi, &c.

IV. Julianus Apostata, accepto, cùm esset medius inter suos milites, vulnere, excessit è vita, Christiani nominis hostis. Anno Christi 363.

Hac de re ita Nazianzenus: Julianum à Persis vulneratum dicunt, cùm inconsideratè excursionem faceret, & nunc huc, nunc illuc impeterritus rueret. Vulnus itaq; accepit tempestivum, toti; Mundo salutare. Et cùm stolidus ille omnia se ex visceribus cognoscere putaret; unum hoc vulnus propriis visceribus infligendum ignoravit.

Sub hujus Imperio Judæi Templū Hierosolymis restauraturi fulmine extinguuntur.

V. Jovinianus à militibus Cæsar constituitur. Hoste imminente, pacem fecit Reipublicæ ignominiosam. Progressus cum exercitu, ut domum rediret, in finibus Bithyniæ mortuus est. A.C. 364. De eo Beatus Hieronymus in Epitaphio Nepotiani: Jovinianus, gustatis tantum Imperialibus bonis, foetore prunarū suffocatus interiit: Ostendens omnibus, quid sit potentia humana.

VI. Valentinianus, ab exercitu Cæsar electus, postquam Constantinopolim venit,

Historiarum.

nit, Collegam sumpsit fratrem Valentem. Profectus in Germaniam, Saxones, Oceano vicinos, domuit. Irâ concitatus periisse fertur. Interim frater ipsius Valens in Europa prælio victus, in fuga vulneratus, inq; tugurium quoddam delatus, immisso ab hostibus igne, conflagravit.

VII. Gratianus à Patre Valentiniano A. Chr. 369. cooptatus à quodam suo belli Duce Maximo, affectante Imperium, per insidias fuit in Galliis interfectus. Eodem ferè fato filius Valentinianus occubuit, etiam fraude sui familiaris Arbogasti.

Sed percussores, postmodum poenas dederunt, hic sibi mortem ipse conscivit, alter Aquileiæ fuit interfectus.

VIII. Theodosius pietate clarus, ab Ambrosio Episcopo Mediolanensi aditu templi prohibitus, patienter tulit. Rerum potitus A.C. 379. Imperii socios constituit Honorium & Arcadium: Quibus ætate adhuc minoribus attribuit, huic Ruffinum, illi Stiliconem.

Ipso jubente, Constantinopoli fuit habitata Synodus, damnatumq; in ea Macedonii dogma, Divinitatem Sp. S. derogantis.

IX. Post Theodosii obitum, A.C. 395.

Synopsis minor

Arcadius ad Orientem Solem Constanti-
nopoly præerat: Honorius autem Romæ.
Sed Ruffinus perfidè Gothorum Regem, ut
Arcadio bellum faceret, hortans, à militi-
bus trucidatus est. Arcadium Cæsarem In-
nocentius, ejus nominis primus, Pontifex
Romanus, excommunicavit.

X. Theodosius Secundus, hujus filius,
qui A. C. 423. Imperium solus obtinuit, Sy-
nodum Ephesinam, in qua Nestorius, qui
Christum natum esse Deum ex Maria Vir-
gine negabat, damnatus est, instituit: ei-
q; interfuit Cyrillus, cujus adhuc Divina ex-
tant scripta.

Stilico, insidias huic Cæsari struens, ca-
ptus & interfectus fuit.

Theodosius hic vetustissimam Bononi-
ensem Academiam fundavit, eamq; amplis-
simis privilegiis donavit. Sub hoc item Im-
peratore Eutyches, Abbas Constantinopo-
litanus, hæresin condidit de confusione du-
arum naturarum in Christo: contra quam
Leo, ejus nominis primus, Pontifex Roma-
nus, insignem, planeq; Orthodoxam epi-
stolam scripsit.

XI. Martianus successit A. C. 451. Circi-
ter hoc tempus Attila Rex Hunnorum,
Daciâ

Historiarum.

Daciâ & Pannoniâ occupatâ, vicinas regiones crudelissimè vastabat, Imperii partem ad Occidentem Solem occupare studuit. Quo tempore Venetorū urbs condita fuit. Pleriq; enim potentiores ex vicinis locis, in illa maris æstuaria, velut in portum aliquē, sese receperunt. Martiniano jubente, Chalcedonense fuit coactum Concilium amplissimum, & damnatus Eutyches.

XII. Leo Primus à Patriarcha coronatus, A. C. 457. nihil memorabile fecit. Hujus tempore Odoacer cum ingenti manu Herulorum Italiam vastavit.

XIII. Zno Isauricus successit, A. C. 464. qui Theodoricum Ostrogothorum Regem misit, ad Odoacrum extinguendum: Quæ res feliciter successit.

XIV. Anastasius A. C. 491. dogma Eutychianū probans, Orthodoxis gravaminī fuit. Hoc ferè tempore, Anno salutis quinquagesimo, Rex Francorum Clodoveus Christi religionē primus fuit amplexus. Anastasius fulmine est extinctus; cū biennio antè Hormisdæ, Pontifici Romano, de hæresi Eutychis relinquenda, submonitus rescripsisset: Nos imperare volumus, nobis imperari nolumus.

XV. Ju-

Synopsis minor

XV. Justinus, obscuro genere natus, & è subulco factus miles, successit A.C. 518.

XVI. Justinianus, sororis Justini filius, Italiam & Africam recuperavit, & leges collegit, quæ adhuc hodie in Scholis & foro usurpantur. Fuitq; ob res præclarè tam domi, quàm foris gestas, Magnus cognominatus.

XVII. Justinus hujus ex filia nepos, concordis ingenii Princeps, A.C. 565. per Italiã Magistratum Exarchũ instituit: is erat tanquam Cæsaris Vicarius atq; Legatus: Ravennæ potissimum habitabat, neglectâ Româ; singulisq; civitatibus & oppidis (quæ non occupaverunt Longobardi) unum aliquem præficiebat.

XVIII. Tiberius, jam antè occupatus, & Imperii factus Collega, A.C. 576. beneficus in pauperes fuisse, dicitur.

XIX. Mauritius, illius gener, factus Cæsar, A. C. 583. propter avaritiam exorsus militi, coactus est profugere Chalcedonẽ. Hoc regnante, Cometa senis mensibus apparuisse, tunc etiam Mahometus natus esse, traditur. Sub eoq; viguit inter Gregorium Magnum, Pontificem Romanum, & Johannem, Episcopum Constantinopolitanum, contentio de primatu.

XX.

Historiarum.

XX. Phocas Centurio, Mauritium cum uxore, liberis, omniq; stirpe neci dedit: qui per seditionē deinde salutatus Imperator, A. C. 602. sed propter crudelitatem, & neglectam Rempublicam, occisus est.

XXI. Heraclius A. C. 615. multis bellis fuit occupatus. Ab hoc Saraceni militantes, cū stipendiis fraudarentur, maximā multitudine deficiunt, & Mahometo Duce, per Syriam grassati, Damascum occupant, Ægyptum vastant, Arabiam subigunt, & in Persas quoq; feliciter præliantur.

XXII. Constantinus, filius, paucos menses imperat.

XXIII. Constans, Heraclii nepos, A. C. 642. infelicissimè mari pugnavit. Romam placidè ingressus, omnibus ornamentis eam spoliatur. In Sicilia in balneo fuit interfectus. Cū de successione essent dissidia, Saraceni occasionem nacti, Imperio magnum damnum inferunt.

XXIV. Constantinus Barbatus A. C. 669. Saracenos fudit, inducias annorū triginta, & annuū vectigal ipsis imposuit. Sub hoc Imperatore, Monotheletæ, ponentes unam in Christo voluntatem ac operationem, damnantur in tertia Synodo Constantinopolitana.

XXV.

Synopsis minor

XXV. Justinianus, filius, A.C. 686. per ætatem & imperitiam malè Remp. gerebat. Ob crudelitatem à Leontio, naribus præcis, fuit relegatus, quem Tiberius, à militibus Imperator electus, rursus naribus truncat, in catenas conjicit. Tandem Justinianus, Trebellii, Bulgariæ Regis, auxilio (in quem tamen postea ingratus fuit) utrumq; cepit, & interfecit. In hocq; deficit Heraclii progenies, elapsis ab Heraclii principio annis centum. Soli certè Heraclio inter Romanos Principes contigit, ut in una stirpe sextus Augustus legeretur.

XXVI. Philippicus Bardanes A.C. 712. ad quem exercitus defecerat, à Constantino Pontifice Schismaticus pronunciatus, tandem à suis est exoculatus. Anastasius interim suecessurus, à militibus recusatur, & factus est Imperator quidam obscuri generis Theodosius, qui Anastasium, prælio victum, sacris addicit: Sed non multò post ipse ejectus est, à Leone copiarū Præfecto.

XXVII. Leo successit: Quo regnante Saraceni Constantinopolim per triennium obsident. Hic Cæsar statuas omnes, & Divorum imagines è templo ejecit, malè audiens à Pontifice Romano: Et indè Iconomachus dictus fuit.

6067 XXVIII.

Historiarum.

XXVIII. Constantinus Copronymus A. C. 741. Leonis filius, Artabastum, novū Imperatorem electū, Constantinopoli exoculat. Excommunicatus quoq; fuit à Papa, & legati ipsius in vincula sunt coniecti.

XXIX. Leo, A. C. 775. hujus filius, ejusdem cum patre fuit Religionis.

XXX. Constantinus filius, cū per ætatem regere nequiret, mater ejus benè Remp. gerebat. Ille autem grandior factus, dejectâ matre, insolenter cœpit regnare A. C. 790. Tandem verò rerum summa ad matrem Irenē rediit, quæ, quarto demùm Anno sui Imperii, iniq; in exilium est relegata.

CAPUT XVI.

De Imperatoribus Orientis post avulsum Occidentem.

INtereà, dum ita Constantinopoli tumultuosè res aguntur, celebris erat Caroli, Regis Francorum, fama. Aquitanico enim bello confecto, ab Adriano Pontifice Romano rogatus, cum exercitu venit in Italiam: Et Desiderium gravem Italiæ, post longam obsidionem, cepit, ejusq; filium Adalgisium regno dejecit, & omni expulit Italiâ. Cæterùm Imperatores Orientis, continuis ferè

Synopsis minor

ferè bellis agitati, vel non potuerunt, vel noluerunt difficultates, & varios tumultus sedare.

Ab Irene autem ad Palæologum postremum, circiter quinquaginta numerantur Imperatores Græci, & in his aliquot fœminæ: Ex ipsis tamen pleriq; ignavi.

Constantio Monomacho regnante, Turcæ ab humiliori origine paulatim progressi longiùs, Asia vastari cœpta, vires quotidie auxerunt. Princeps illorum fuit Ottomanus, ad Annum Christi circiter millesimum trecentessimum.

Mahometus deinde, ejus nominis secundus, Solymani proavus, captâ Constantinopoli, & Constantino Palæologo, Cæsare, interfecto, cum omni familia, nomen & successionem Imperatorum nostræ Religionis, iis in locis, funditus delevit.

C A P. XVII.

De Imperatoribus Francicis.

I. **C**Arolus ergò, Rex Francorum, vocatus & rogatus Italiam, & reliquas oras pacavit, tandem Romanam profectus à Leone, & ab omni populo Romano, salutatus est Imperator Augustus, cùm jam annos regnâset triginta tres: Parisinam Academiam instituisse,

Historiarum.

stituisse, & mensibus nomina Germanica dedisse traditur. Mortuus est annos septuaginta natus, cum per annos ferè quatuordecim Cæsar fuisset: A. C. 814. Germanorum omnium primus ad eam evectus dignitatem.

II. Ludovicus, cognomine Pius, Caroli filius, alter Imperator Germanicus, cum Cæsare Græco Leone Armenio renovavit amicitiam. A filiis ad monasticam vitam fuit detrusus.

III. Lotharius Imperium nactus est A. C. 840. cæteri fratres Carolus Aquitaniæ, Ludovicus Baviariæ sunt præfecti. Verùm, contentionibus inter fratres exortis, nova est facta distributio: ut Ludovico Germania, Galliæq; pars; Carolo Gallia ab Oceano Britannico & Pyrenæo saltu, usque ad Mosam cederet. Lotharius præterquam quòd Cæsar esset, Italiam & Narbonensem quoq; provinciam obtinuit: eamq; Franciæ partem, quæ adhuc hodiè ab eo Lotharingia adpellatur.

IV. Ludovicus Secundus, hujus filius, A. C. 855. Saracenos, in Italiam irruentes, repressit. Hujus Legatis neglectis, Adrianus II. Papa fuit electus.

Synopsis minor

V. Carolus Secundus, cognomine Calvus (filius Ludovici Pii) Galliæ Rex, A. C. 875. magnâ celeritate proficiscitur in Italiam, resistente licet altero fratre, natu majore, Ludovico, Germaniæ Rege, & à Johanne Octavo, Romano Pontifice, consecratur.

VI. Ludovicus Tertius, hujus filius, cognomine Balbus, A. C. 877. biennium præfuit.

VII. Carolus Tertius Crassus, Ludovici, Germaniæ Regis, filius, omnem Germaniam, Italiam & Galliam obtinuit, Saracenos profligavit. A Proceribus tandem Imperio exutus, ad eam egestatem redactus fuit, ut etiam necessariis alimentis destitueretur.

VIII. Arnolphus, fratris filius, A. C. 887. Romam capit. Quo imperante, Hungari, ex Scythia pulsi, in Pannoniam irrunt.

IX. Ludovicus IV. hujus filius, successit, A. C. 895. cui Hungari magnum damnum intulerunt. A Berengario, Italiâ devictâ, exoculatus dicitur: in eoque defecit stirps Caroli Magni. Germani, Saxones præsertim, & Francones, hoc mortuo, Cæsare salutabant *Othonem*, Saxonum & Thuringo-

Historiarum.

ringorum Principem. Sed is, ætate gravis, auctor ipsis fuit, ut *Conradum*, Franconia Ducem, eligerent, A. C. 912.

CAP. XVIII.

De Imperatoribus Germanicis.

I. **H**enricus Auceps, Othonis filius, à Conrado Imperator proponebatur, A.C. 920. Hi duo Cæsares à Pontifice Romano non fuerunt consecrati. Henricus quidem oblatam à Papa consecrandi Cere-
moniam neglexisse fertur; quòd bonorum virorum judiciis atq; suffragiis contentum se diceret. Arnolphus Malus Bavariae, & postea Burchardus Sueviae Dux, rebelles, rei summam ad se traducere cogitabant: sed ille colloquio, hic potentiâ Cæsaris ter-
ritus est. Multis peractis bellis, Romam venit: concilium habet, eiq; præfuit; & Jo-
hannem XII. propter crimina loco remo-
vens, Leonem, ejus nominis Octavum, in-
stituit. Hungaros ad Mersburgum incre-
dibili cæde fudit: exercitu ejus vociferan-
te: Kyrie eleison, Kyrie eleison.

II. Otho Primus, Henrici filius, à patre Imperii Collega designatus, propter rerum gestarum amplitudinem, & præstantem virtutem Magnus vocatur: solus imperare

Synopsis minor

cœpit A. C. 936. & Christianismum in Sclavos propagavit.

III. Otho Secundus, A. C. 973. Henricum, Bavarix Ducem rebellantem, armis ad officium adduxit.

IV. Otho Tertius, hujus filius, A. C. 984. Papam constituit Brunonem, hominem Germanum, nominatum postea Gregorium Quintum. Adscribitur ei vulgò institutio Imperii Electorum: sub eoq; Hugo Capetus, primus apud Gallos Gallus, regnare cœpit.

V. Henricus Secundus, Bavarix Dux, Othonis Magni, Saxonum Ducis, atq; Cæsaris propinquus, A. C. 1001. Ecclesiis admodum gratus fuit Cæsar: ac propter pietatem obtinuit, ut Sanctis accenseretur. Eo mortuo, cùm inter Principes Electores non conveniret, interregnum fuit aliquandiu.

VI. Conradus demum Secundus, A. C. 1025. Franconix Dux, & inde Salicus dictus, successit: Romam profectus, & à Johanne XVIII. consecratus, acclamante populo, salutatur Augustus.

VII. Henricus Tertius, Conradi filius, de Principum voluntate successor, A. C. 1044, Bohemos domuit: Hungariæ Regem aliquo-

Historiarum.

aliquoties restituit. Romam, tumultu exorto, profectus, urbe per obsidionem captâ, conventus agit, & per Bambergensem Episcopum Suitgerum constituit Papam; qui postea dictus est Clemens II.

VIII. Henricus IV. hujus filius, adolescentulus, succedit A. C. 1056. administratio autem penes matrem erat. Quod Germaniæ Principes molestè ferentes, filium à matre distrahunt. Cæsar verò, naturâ proclivis in vitia, lascivire cœpit. Saxones igitur, ad vindicandam libertatem, arma sumunt. Ille verò postulatis ipsorum satisfaciens, nocturnâ fugâ vix elabitur. Excommunicato (quòd Præfecturas Ecclesiasticas divenderet) à Papa Cæsari, Principes Germaniæ parere nolunt: cogitur itaque deprecari. Post multam actionem hæc ei conditio proponitur: judicio se sistat, & cognitioni subjiciat Papæ, quem Augustam sint evocaturi: absolutionem impetret excommunicationis, copias dimittat, Spiræ privatus vivat parva cum familia: publicam rem nullam gerat, neque fasces, vel Imperii signa sibi sumat: donec legitimè sit decisa controversia. Recipit conditionem: Papæ obviam iturus Italiam ingredi-

d 3 gredi-

Synopsis minor

greditur: ab Episcopis honorificè (opinantur enim animo irato illum eò venisse) excipitur: à Papa, per Legatos, absolutionem rogat. Cæsar totum triduum permanfit in arcis area & vestibulo (ubi Pontifex erat) tenui cultu, depositis regiis insignibus, nudis pedibus, & ad vesperam usq; jejunos. Quarto demum die admissus omnes Pontificis leges probat & admittit. Quâ re cognitâ, Proceres Italiæ, vehementer offensi, de filiofo Cæsaris eligendo, Romanamque traducendo, & dejiciendo Pontifice cogitant. Cæsar, eo cognito, à pactione discedit, Pontificis consilia turbat. Principes igitur Germaniæ, hisce de rebus à Papa certiores facti, Rudolphum, Sueviæ Ducem, creant Cæsarem, qui ab Henrico oppugnatus, tertio conflictu graviter vulneratus, non multò post è vita excessit. Cæsar profecturus in Italiam, filium sibi successorem designat. Sub hoc Imperatore Hierosolyma capta, & Saracenis erepta: in ibique Godofridus Bullionæus creatus Rex fuit.

IX. Henricus V. hujus filius, ab aliis exstimulatus, in summas angustias parentem conjecit, & abdicare se Magistratu cōegit, A.C.1106. Aliquot post annis in Italiam vadit,

Historiarum.

dit, & ferro patefactâ sibi viâ, Romam demum venit. Reversum in Germaniam Cæsarem, Pontifex à pacto discedens, excommunicat. Ea res multos Germaniæ Principes ad rebellionē commovit. Sub hoc Imperatore Otho, Episcopus Bambergensis, Deo placitam obiit peregrinationem, ad gentem Sclavorum, quī dicuntur Pomerni: prædicavitq; illis verbum Dei; Deo cooperante, & sermonem conformante subsequentibus signis: omnemq; gentē illam, cum Principe eorum, ad Dominum convertit. Cranzius in Saxon. & Vandal.

X. Lotharius è Saxoniæ Ducum familia succedit, A. C. 1126. Qui Sueviæ Ducem, rebellantem, pacem petere coëgit. A Carolo Magno vix alius majora per Italiam egisse fertur. Restituit Innocentium II. Pontificem. Hoc Imperatore jubente, Irnerius Leges Romanas revocavit.

XI. Conradus III. Sueviæ Dux, A. C. 1138. Henrici V. ex sorore nepos, Henricum Superbum, Bavariæ Ducem, proscripsit. Sub hoc Imperatore, Gratianus, Monachus, composuit Decretorū opus: quod Eugenius Pontifex adprobavit, & in Academicis publicè proponi mandavit.

Synopsis minor

XII. Fridericus Ænobarbus, Sueviæ Dux, Conradi fratris filius, Heroici vir ingenii, A.C. 1152. multisq; rebus laudabiliter gestis clarus. Eo imperitante, duo de Principatu contendebant Pontifices, Victor & Alexander. In Victore quidem magis Cæsar inclinabat: sed Alexander competitor, post etiam, aucto dissidio, Cæsarem excommunicabat. Licet autem bello superior esset: periculis tamen ingruentibus, ab amicis exoratus, supplex Pontifici Venetiis in gratiam rediit. In Asiam profectus, adversus Christianæ Religionis hostes; & oppressus impetu fluminis, in quod lavandi causâ se dimiserat, periit. Sub hoc Imperatore, Petrus Lombard⁹, Episcopus Parisiensis, celebre illud Sententiarum scripsit opus.

XIII. Henricus VI. hujus filius, A. C. 1191. Apuliâ & Calabriâ devictis, Neapoli quoq; captâ, Siciliam domat. Deinde filium suum Fridericum, adhuc infantem, successorem, de voluntate Germaniæ Principum, designat.

XIV. Philippus, A.C. 1199. licet alii Othonem, Saxonæ Ducem, undè magnus motus fuit exortus, crearent, partim armis, partim humanitate adversarios ad officium deduc-

Historiarum.

deduxit. In cubiculo est occisus. Sub hoc Imperatore, Innocentius, Pontifex Maximus, quinque Libros Decretalium legi in Scholis, & in judiciis ubiq; servari, præcepit. Constantinopolis item à Balduino, Flandriæ Comite, capta fuit.

XV. Otho, Saxoniae Dux, A. C. 1208. succedens, ab Innocentio IV. est excommunicatus. Principes ergo Electores à Pontifice sollicitati, ut alium crearent, Henrici VI. filium, cui fidem dederant adhuc infanti, sed propter infantilem ætatem nondum admitterant, evocant è Sicilia.

XVI. Fridericus igitur II. A. C. 1228. Othonem, cum exercitu occurrentem, expugnat. Rebelles per Italiam domat. Excommunicatur à Pontifice: quare deprecatus, seseq; purgans, cum nihil proficeret, Romam petit, & Pontificem dejicit. Rursus excommunicatus, per Legatos agit de pace. Verum nihil impetrans, & denuò excommunicatus, fremens & iratus in Italiam redit, atq; Romam obsidet.

XVII. Conradus IV. à patre designatus, A. C. 1252. patri succedens, ab Innocentio excommunicatus, & ab Henrico, Thuringiæ Landgravio (cui S. Elisabetha fuit nupta) oppugnatus fuit. d 5 XVIII.

Synopsis minor

XVIII. Guilielmus, Holandiæ Comes, ab Electoribus Imperator creatus, A. C. 1255. Dum in Frisios, res novas molientes, cum exercitu proficiscitur, ab insidiis circumventus, & hastis confossus est. Ab hoc per annos septemdecim fuit interregnum: cum subindè variè fluctuaret Respublica.

XIX. Rodolphus Habsburgius, ex castris vocatus, & Cæsar factus, A. C. 1273. motus per Germaniam componit, fuitq; Princeps prudens, strenuus armis & bello, ac qualem turbata Respublica deposcebat. Acceptâ pecuniâ, Italiæ Civitates multas, quæ erant Imperii, liberas & immunes fecit: Bononienses, Florentinos, Genuates, Lucenses & alios.

XX. Adolphus, familiæ Nassovicæ, A. C. 1292. inimicitias exercuit cum Alberto, Austriæ Duce. Cum suis moribus Germaniæ Principes admodum offenderet, loco est remotus.

XXI. Albertus, Austriæ Dux, Rudolphi filius, electus, A. C. 1300. in agro Spirensi Adolphum gravissimè sauciavit. Sed demum à suis est interfectus.

XXII. Henricus VII. è familia Luceburgica, A. C. 1308. filio suo Johanne, per matrimonio-

Historiarum.

trimonium facto Rege Bohemiæ, in Italiam proficiscitur: Romæ ab aliquot Cardinalibus coronatus, Jusjurandum præscriptum pronunciare recusat. Mortuo Henrico, non absq; gravissima veneni suspicione, acerrimæ contentiones ortæ sunt in Germania super electione.

XXIII. Ludovicus tandem, Bavarix Dux, rerum potit⁹, A. C. 1314. Romam profectus est, & magna cum gratulatione exceptus (invito Pontifice) coronatus est, ab uno & altero Cardinali. Cùm Pontifex ingeminaret excommunicationem, ille, de Consilio Procerum, Papam alium creat. In Germaniam revertente Cæsare, Papa moritur: successor ejus Benedictus XII. Cæsarem & ipse excommunicat, & dignitate privat. Cæsar ideò Principibus exponit Pontificum injurias, & ostendit: sufficere in electione Cæsaris Principum voluntatem. Mortuo Benedicto, succedit Clemens VI. omniū violentissimus. Fluctuante ad hunc modum Republicâ, Ludovicus mortem obiit. Fridericum cognomine Pulchrum, Austriæ Ducem, à quibusdam Imperatorem creatum; atroci prælio commisso vicit, cepitque. Ludovicum autem hunc, ex quo

Synopsis minor

quo descendunt moderni Serenissimi Bavariae Duces, operose contra Bzovium defendit Magnus Herwartus.

XXIV. Carolus IV. Bohemiae Rex, eligitur A.C. 1347. Italiâ egressus, Decretum illud Imperii facit, quod Bullam Auream vocant. Sub hoc tempore Johanes Wiclef, Anglus, multa scripsit, contra receptas opiniones: ideoq; inter Hæresiarchas nominatus fuit.

XXV. Wenceslaus, Caroli filius, magnis largitionibus vix tandem factus Imperator, A. C. 1379. naturâ, educatione, & vitæ genere admodum vitiosus fuit. Principes ei Magistratum abrogant. Eo regnante, moritur Argentinae Johannes Taulerus Coloniensis, Sacrosanctæ Theologiæ Doctor.

XXVI. Jodocus Barbatus nihil memorabile, toto vitæ tempore, edidit.

XXVII. Robertus Palatinus, à Principibus electus, A. C. 1400. ad emendandum ea, quæ Wenceslaus peccâisset, animû adjecit.

XXVIII. Sigismundus, Hungariæ, ac deinde Bohemiæ Rex electus, A. C. 1411. Interfuit Concilio Constantiensi, in quò Johannes Hussus, & Hieronymus Pragensis, combusti fuerunt.

XXIX. Al-

Historiarum.

XXIX. Albertus II. Austriæ Dux, A.C. 1438. Hungariæ, Bohemiæq; Rex, civilibus & Turcicis bellis impeditus, in Italiam non venit.

XXX. Fridericus III. Austriæ Dux, successit A.C. 1440. Regni ipsius Anno quarto Uladislaus, Poloniæ simul & Ungariæ Rex, ab Amurathe Secundo ejus nominis, Turcarum Imperatore, prælio victus, ad Varnam occubuit. Nono post Anno Constantinopolim vi cepit Mahometus, Amurathis filius.

XXXI. Maximilianus I. A.C. 1494. filius Friderici, inter alia multa, cum Venetis quoq; bella gessit. Instituit supremum Camerae Imperialis Judicium Spirense: & Eberhardum Comitem Würtembergiæ Ducem creavit.

XXXII. Carolus hujus nominis V. è filio Philippo nepos Maximiliani, Cæsar longè potentissimus, Princeps nunquam satis laudatus, successit A.C. 1519. Hoc impetante, varii tumultus in Religione sunt exorti, qui etiamnum durant. Etsi enim pax quædam certis limitibus sit definita: tamē, gliscente odio, omnibus ex partibus vulnus illud subindē reffricatur.

XXXIII.

Synopsis minor Historiarum.

XXXIII. Ferdinandus I. frater Caroli V. successit, A. C. 1558. in cuius tempora factio Grumbachiana incidit.

XXXIV. Maximilianus II. huius filius, hunc excepit, A. C. 1564. Rex postea Ungariæ coronatur, Viennæ decessit, relinquens sapientiæ, & pietatis, memoriam dignissimam Imperatore.

XXXV. Rudolphus II. Maximiliani filius, Imperator post eum factus, A. C. 1576. Bella Turcica, per Legatos, summa cum prudentia gessit. Obiit Pragæ.

XXXVI. Matthias, frater Rudolphi, successit, Anno Christi 1612. cuius tempore oppidum Rhæticum Plüers, dictum à monte vicino, horribiliter oppressum est (suppressionem præfagiens Rhæticiæ, nimis licenter usurpatæ libertatis) suntque in Bohemia periculosi excitati motus, quibus nondum sedatis, Imperator Viennæ rebus humanis exemptus est.

XXXVII. Ferdinandus II. Ferdinandi Primi Nepos : Francofurti, Anno Christi 1619. post hunc in Imperatorem electus & coronatus, etiam nunc rerum potitur, Princeps verè pius & felix. Hæc ex Sleidani Libello, de Quatuor Monarchiis, magnam partem desumpta ; jugi lectione augeri, & forsan instar Locorum Communium, secundum temporis series institutorum, usurpari possunt.


Veni Domine JESU!

C. A. RUPERTI

OBSERVATIONES

AD

Synopsin minorem
C. Besoldi.



CHRISTOPHORI ADAMI
RUPERTI

OBSERVATIONES

AD

HISTORIÆ UNIVERSALIS

*Synopsis Besoldianam
minorem.*

CAP. I.

*Historia divisio. Universalis Scriptores quidam
veteres. Ejusdem difficultas & laus, sed
pragmatica. Divisio Ionsloni & Besoldi pa-
rum commoda. Quam Historia antedilu-
viana notitiam habuerint gentilium sapi-
entiores? Fabulosa Poëtarum narrationes
de Adam, Eva, Paradiso, Lapsu primorum
Parentum, Caino, Thubalcaino, Naamâ,
Lamechi filiâ; & aliis. Diluvium, & pro-
vinciarum distributio in Iaphetum, Semum,
A Cha-*

Chamum. Fabula alia de Noacho & ejus filiis.

Qui nuper artem historicam professi sunt (quorum agmen ducere mihi videtur *Gerhardus Johannes Vossius*) id ante omnia faciendum putârunt, ut historiam divinorum munerum longè pulcherrimum utilissimumq; quàm accuratè distinguerent. Est quidem ita (ut scribit illustris *Salmasius in Funere* linguæ Hellinisticæ p. 6.) *rudēs & indigestas auri moles & massas in acervum fortuito conjectu accumulatas magis aestimari ab intelligentibus, quàm plumbi lamellas, multo artificio bellè compositas, vel dispositas.* Quo dicto perstringit eos, qui *magnas nugas* aptè dividunt ac disponunt; sed id nihil huc pertinet: Nam in historiarum studiis (quibus juvenus, Reip. nata, initianda est) cùm memoriæ studendum sit, ὁ δὲν ἔτως ἔτ' εὐχρηστον, ἔτε καλὸν, ὡς ἡ τάξις: Nihil utilius pulchriusve quàm ordo, ut in *Oeconomico* loquitur *Xenophon* p. 841. edit. Leunclav. Nec quicquam tam cavendum, quàm ne omnia sint Bacchi κέρνυ (*vas fictile*) in quo teste *Athenæo* lib. XI. *Dipnosoph.* p. 476. simul fuerunt papaver, album triticum, hordeum, pisum, ervum, cicer, lens, faba, zea, avena, carica, mel, oleum, vinum, lac; quin etiam illota ovis lana. Cujusmodi mixturam, ut hilaria Bacchantium fortasse non aspernantur; ita hic omnia diligenter separanda esse consentes eruditissimi viri, *Historiam* diviserunt in *Divinam*, *Naturalem* & *Humanam*. Hanc postremam secuerunt in *veram*, *mythicam* & *quas*

quasi mythicam. Veram rursus triplicem fecerunt, vel occupatam in descriptione *Personarum* vel *Locorum*, vel *Temporum*. Historiam *Personarum* vel perpetuam vel sejunctam: *Perpetua* dividenda videbatur in *Universalem*, *Particularem*, *Singularem*. *Universalem* nuncuparunt, quæ vel *omnium*, vel *præcipuarum* saltem *gentium* res gestas continet, & hanc quoque fecerunt *trium generum*: ut quæ vel ab *orbe condito*, vel ab *ævo* (quod antiquissimum putatur) inciperet; vel *aliquam* tantum temporis portionem complecteretur. *Particularem* definierunt, gentis alicujus, aut civitatis res gestas, vel ab origine referentem; vel partem duntaxat illius. *Singularem* interpretati sunt *vitas* illas, quas scripsere *Plutarchus*, *Corn. Nepos*, alii.

Universalem à mundi creatione ad Salvatoris adventum *libris XIV*, & res à Christo nato usque ad *Macrini Imp.* tempora, licet succinctè, scripsit *Jul. Africanus*, quem legit *Photius*; ut attestatur ipse *Cod. XXXIV*. Ita quoq; *Cephaleon* à *Nino* & *Semiramide* ad *Alexandri M.* tempora, ut est apud *Eund. Cod. LXIX*. Et *Hesychius Illustrius* à *Belo*, *Assyriorum Rege*, ad excessum *Anastasio Romanorum Imperatoris*; quem laudat *Idem Cod. LXIX*. *Diallus Atheniensis* de *Rebus* ubiq; terrarum gestis, ut nos docet *Diod. Sic. lib. XXI. c. 5*. Ipse *Diodorus Siculus*, qui in unum volumen totius ferè habilis Orbis historias congeffit, congestasq; accuratè & diligenter digessit; inter Scriptores *Ἱστορίας οἰκουμενικῆς*, sive *καθολικῆς* locum habet, judice *Heinr. Stephano*. Sed & *Nicolaus Damascenus*, Vir illustris, *Augusti* & *Herodis M.* quondam amicus,

incredibili studio omnem undiq; historiam collegit,
 & inter laborem sæpe dicere solitus est: *Eurystheum*,
si Herculi tale quid imperâisset, maxime illum vexatu-
rum fuisse. Hoc propriis experimentis edoctus pro-
 nunciavit *Nicolaus* ipse in *Excerptis Peirescianis* p. 420.
 Sagacitate quadam mentis singulari affecutus est *Ju-*
lianus Justinus, cum *Tropum Pompejum* (quem secu-
 lo ad ignaviam vergenti, an auctori jam ob magnitu-
 dinem suam neglecto? gratificare volens, in Epito-
 mem redegit) in *præfatione* §. 3. *Herculeâ* quædam
 audaciâ orbem terrarum aggressum diceret; cujus li-
 bris omnium seculorum, Regum, Nationum, Popu-
 lorumq; res gestæ contineantur. Nec minora sunt,
 quæ apud *Diod. Siculum* lib. 1. c. 1. & 3. *Polybium* lib.
 1. c. 4. & 5. legimus; licet de historiâ pragmaticâ (h.
 e. interprete *Salmasio ad Capitolinum* p. 259.) ea, quæ
 omnia copiosè & diligenter exequitur, potissimum
 capienda: qualem quidem (ut superioribus adhuc uni-
 cum adjiciam) *Polybius* scripsit ferè inimitabilem, &
 à summis ingeniis commendatam; sed nunquam
 commendatam satis. Certè judicium *Lipsii* in *Notis*
ad Politica neminem latet; sed consulenda maxime
Casauboni epistola, quâ *Henrico IV. Galliarum Regi*
Scriptorem illum dedicat; & simul nobilissimorum
Autorum censorem agens, tandem in *Polybio*, & u-
 niversalis historiæ laudes sic erumpit: *Est hoc historia*
Polybiana grande atq; insigne decus, quod non de una
 tantum aut altera natione fuerit instituta; verum de o-
 mnibus, quæ toto orbe illis temporibus noscebantur: Cu-
 jus generis historia cum reliquis ejus formas tantum di-
 gnitate

gnitate superet, quantum parte aliquâ sui rerum est præstantius; iis cum difficultatibus est conjuncta, ut post hominum memoriam perquam pauci fuerint reperti, qui oneri tanta subire auderent; quorum autem humeris opus illud bene sederet, paucissimi. Planè inusitatam animi magnitudinem, & parùm vulgò consuetum ingenii modum, præ se fert; qui universalis historiæ (qualem *Alfonsus X. Castellæ Rex* solitus optare) scriptionem *πρᾶγμα πικρὸν* aggreditur. Proprias verò laudes ejusmodi historiæ si commemorare velim, nimis longum faciam. Et præclare noster hîc eâ super re nonnulla operis sui initio: *Vel illud quantum est, quàm admirabile? Possè aliquem mortalium illam Dei Ter Opt. Max. πολυποίκιλον* & inenarrabilem sapientiam (quæ non unam aliquam aut alteram regionem, sed verò mundum universum regit ac temperat) quasi vestigiis persequi, mente capere, & stylo enarrare? Quid de populis Orientis, quid eodem tempore de Occidentis Divina statuat providentia? quid vel sublevandis, vel premendis ad Aquilonem, Austrumve gentibus eadem decernat? Tot res, tam varias, vel animo posse capere magnum sit: quid componere inter se, in ordinem digerere, & in unius historiæ faciem concinnare? Hoc demum illud verò est, ministrum providentiæ Divinæ in terris agere. Quem locum utut prolixiorẽ ideò afferre placuit, quòd prima Besoldi verba de historia universali (nam istam præcipuè laudare voluisse, tum è Synopsi ejusdem auctiore, tum è sequentibus cognoscimus) pulcherrimè firmet, illustret, animisq; lectorum insinuet.

Et quanquam, ut dixi, historiæ pragmaticæ laus ea propria est, & ad ejus potius lectionem nos exstimulet. quàm ad compendia (in quibus nihil ferè quàm nomina legimus; quæq; apud eruditissimos Viros, & ipsum Casaubonum in dicta epistola malè audiunt) tamen nec improbare possum illud *Quintiliani* consilium proœmio *lib. VIII. Institutionum: Incipientibus brevius ac simplicius tradi magis convenit; aut enim difficultate institutionis tantum numerosæ atq; perplexæ deterreri solent, aut eò tempore, quò præcipuè alenda ingenia, atque indulgentiâ quadam enutrienda sunt; asperiarum tractaturarum atteruntur.* Igitur nec alius Epitomatoribus pretium suum detraho, nec nostro; dum ex antiquitatis Græcæ, Romanæ, aliarumq; nationum genuinis monumentis, non ex imperitorum, vel impostorum graveolentibus lacunis sua propinant. Tunc in Ægyptiacum mihi palatum est; quod quale sit, explicat Plutarchus in libro de Iside & Osiride p. 378. edit. Xylandrinx: *Undevigesimâ die primi mensis, diem Mercurio festum celebrantes, mel & ficos edunt, simul dicentes: γλυκὺ ἢ ἀλήθεια, dulce est veritas!* Quòd si nonnemini generosâ quâdam aviditate plura expectanti sterilior noster videbitur, licet huic satisfacere videatur in Synopsi locupletiore, quam Ingolstadienses post mortem ejus publicârunt; id quidem Observationibus hisce (quantum in me erit) efficiam, ne desideria tam æqua insuper habuisse videam. Nunc propiùs ad Auctorem nostrum. *Historia universalis, inquit, tractat res ante & sub quatuor Monarchiis gestas.* Nec abiit in Synopsi majore. Jon-

stonius

stonius pleraq; secans, non in partes, sed in frustra: *Historia Universalis continet res vel ante Monarchias, vel monarchicas; illaq; vel antediluviana vel postdiluviana: Et dein monarchicas à Nabuchodonosore.* Mihi commodissima videtur divisio in *antediluvianam & postdiluvianam*; omisâ illâ primâ, in *antemonarchicam & monarchicam*: Nam licet *Besoldi & Jonstoni* mentem fatis capiam, ad magna illa *IV. Imperia, Assyriorum, Persarum, Græcorum & Romanorum* respicere; tamen quid opus potentissimas Monarchias, quæ fuerunt etiam ante diluvium, nihili facere? Tanta sanè Babyloniorum fuit, ut nec feræ memoriâ posteritatis exciderit; sed hodieq; sciamus, Monarcharum illorum antediluvianorum continuam successionem. Quemadmodum mox ostendam ad illa capitis secundi: *Antediluvium Imperii cujusdam potestate homines fuisse gubernatos, ex Chaldaeo paraphraste liquet.* Ut illa divisio, de qua diximus, non haberi non possit incommoda.

Cæterum historiam antediluvianam ignorare ejusest, qui sacras literas nunquam legit; sed ad has ipsas commentari neque nostrum est: Neque si esset, Theologiæ & Philologiæ sacræ doctores eximii quicquam reliquum nobis fecissent; quorum hic Rhodus, hic saltus fuit. At quando profanis Scriptoribus explicandis præfecti sumus, fortasse non alienum erit, quam historiæ antediluvianæ notiam postdiluviani gentiles habuerint, Commentarii loco adducere. Creatum esse mundum à Deo Opt. Max. (cujus ab æterno sit majestas) agnoverunt, & in lite-

tas miserunt *Orpheus, Archelaus, Sophocles, Plato, Antisthenes, Menander, Zeno, Cleanthes, Chrysippus, Archidemus, Posidonius*; & è Latinis *Ovidius, Servius*, & alii; quorum loca jam observârunt *Paulus Merula Cosmographia part. I. lib. I. c. 2. Vossius lib. I. de Origine & Progressu Idololatriæ c. 1. Lips. lib. II. Physiologiæ Stoic. dissert. 8. & Hugo Grotius in notis ad lib. I. de Veritate Christ. Rel. p. 232. & seqq. edit. Paris. vel p. 18. & seqq. edit. Lugd.* Ubi multis testimoniis probat, vetustissimam apud omnes gentes famam ita habuisse, ut *Moy sis* scripta prædicent. Sed ut hodiè rerum arcanarum disquisitionem libenter, quamvis cū periculo, ingredimur; sic olim ad eruendum latens istud delapsi sunt, & in varias partes se versârunt: Quid ante creationem suprema illa mens agitarit? Quibus respondisse mihi videtur *Seneca: Jovem, cessante naturâ, atque vixisse sibi, cogitationibus suis traditum. Epist. 9.* Hoc explicat *Lipsius* è *Claudio Victore*:

*Regnabatq; potens in maiestate creandi,
Et facienda videns gignendaq; mente capaci
Secula dispiciens; & quicquid tempora volvunt,
Præsens semper habens: immensum mole beatâ
Regnum erat ipse suum.*

Nimirum Deo (in quo tempora disparanda non sunt,) nunquam defuisse occupationem, hæc, quæ fuerunt, & quæ instant, contemplandi. Jam hominem ipsum creatum è terra, *Varro* asserit apud *Nonium* in voce, *blitum*. *Zeno Eleates* apud *Diog. Laërtium* lib. IX. p. 647. edit. *Casaub.* Nec aliunde fluxit convenientissimum sacris literis loquendi genus, *ter-*

ram omnium matrem esse; quod est reperire tùm apud alios, tùm *Columellam lib. II. de Re Rustica, c. 1.* Facit hùc, quod refert *Livius lib. I. c. 5, 6.* cùm Lucius Brutus Titi & Aruntis Tarquiniolorum Delphos missorum comes ex infimo specu Apollinis Delphici vocem redditam accepisset, *imperium* è præsentibus juvenibus *summum Romæ habiturum*; qui primus osculum matri tulisset. Tarquiniis Oraculum secus capientibus, illum terram osculo contigisse, quòd ea communis mater omnium mortalium esset. Adde *Dionysium Halicarnass. lib. IV. c. 75.* Quamvis etiam, quòd omnia nutriet, hoc nomine adfectum esse, nullus dissimulem; quæ ex *Homero, Hesiodo & Callimacho Grotius* observavit, huc pertinentia, videri apud illum possunt in dictis *notis p. 273. 274. 275.* edit. Paris. vel *p. 58. 60.* edit. Lugdunens. Vult ibidem memoriam operis intra septem dies peracti, servatum non apud Græcos tantùm & Italos; sed Celtas & Indos. Sed cum iis conferre te velim observationes *Casauboni ad Tiberium Suetonii c. 32.* Hæc & alia, verbi gratiâ: *Verbo Dei facta esse omnia: Tenebras luce priores: Unum esse summum Deum rerum omnium causam: Vitam primorum hominum simplicissimam, ipsos nudos extitisse: Legem à Deo datam, ne edulibus arborum (ex quibus notitia boni maliq, animis eorum obreperet) vescerentur; serpentem autem primitias generis humani malis suasionibus illaqueasse; quæ ibidem notavit Grotius. Item: Aquam fuisse ante creationem rerum (quod censuisse Thaletem Milesium scribit Cicero de Nat. Deorum lib. I. c. 10.) & antiquissimos illos vitam in*

multa secula produxisse ; qua de re egimus ad Valerii Max. lib. VIII. c. 13. Item, Gigantes fuisse stupendi roboris ; de quibus & ipse non pauca notavi ad Vellej lib. I. c. 5. & addi potest Lipsius lib. III. Physiolog. Stoic. dissert. 5. Grotius d. l. p. 242. 283 284. edit. Paris. vel p. 68. 69. 70. edit. Lugdun. Hæc, inquam, uti per humanos animos minùs turbidè profluxerunt, sic aliæ historiæ primævæ pluribus per eòsdem meandris errarunt impuriùs & decoloratione fœdiori ex admisto fabularum luto.

Solitum Diabolo (connivente æterno Numine, quòd historiam Sacram & illibatam novit indicem dejectionis suæ, misericordiæ divinæ, cultus veri & illiciti, quantum in se est) multis corruptelis & falsis traditionibus eandem inquinare, ac simplicitatem mortalium eò deducere, ut poëticè quàm historicè de antiquissimis rebus censeant differantq; ; accedente præsertim eorum, quos circumvenire satagit, *ignaviâ & securitate*, dum *ultra memoriam suam sita parùm ad se pertinere putant*. Legi apud *Guilhelmum Postellum in Cosmograph. c. 20. p. 152. 153. in Oriente ultimo quamplurimos Christi nomen ignorare, quantumvis baptizati sint ; paucos Nazaran à Nazareno sese vocare posse. Qui ex iis verissimè locuti sint, commemorâsse ante mille quingentos annos Regem ex matre (quam pater nunquam contigisset) natum, in omni vita miraculosum & potentissimum extitisse ; qui jusserit, ut virtus & sanctitas toto in mundo coleretur, idola frangerentur ; qui curaverit adorari unum Deum, sed tres facies habentem. Adjicit ibidem Postellus: In tota insula Giapan statuas*

statuas maxime tricipites, & alias mulieris puerum in
ulnis gestantis imagines adhuc a vo suo extitisse. En, hoc
fabularum scelestissimus architectus potuit in recen-
tioribus; quid factum putamus antiquissimis? Igitur,
quæ de *Adamo* sacræ literæ nos docent, mutata sunt
in fabulas de *Saturno*: Quod vel ipsum nomen indi-
cat. Nam cum *שָׂטָן*, *satar* Hebræis sit *latere*; quis
non inde deprehendit historiæ veræ reliquias? cum
enim *Adamus* ab uxore in peccati consortium pertra-
hi se passus esset, ac se videret tegumento destitui; pu-
dore nuditatis angulum in paradiso quæsit: Hinc il-
læ *Saturni* latebra per Poëtarum libros celeberrimæ.
Ut hoc magis pateat, confer utriusq; natales: *Ada-*
mus Dei filius, Evangelistæ; *Saturnus cæli*. *Adamus*
è terra; *Saturnus tellurem matrem* habet. Cogita re-
liqua: *Imperium primum* habuit *Saturnus*; habuit &
Adamus: sed *Adami* fuit tale, ut *ignota* essent appella-
tiones *servitutis* & *domini*, idem *Saturni* regnum apud
Justinum lib. XLIII. c. 1. §. 3. hinc & *Saturnalia*, qui-
bus servi, veste berili sumtâ, sedebant ad dominicam
mensam, Dominis præministrantibus. *Adamus pa-*
radiso & immortalitate *privatus* est; *Saturnus regno*,
& simul *aurea ætas* finem habuit. Consulendus *Vos-*
sius lib. I. de Idololatriâ c. 18. p. 139. 140. Nec aliter apud
Gallos veteres historia creati primi hominis latebat
sub obscura fabula: Referebant ex ore Druidum, à
Dite Patre prognatos se esse, ut scribit *Cæsar* lib. VI.
de Bello Gallico c. 18. At *Dis*, sive *Pluto*, tellus est,
ubi verbis *Varronis* lib. IV. de Ling. Lat. omnia oriun-
tur & oboriuntur. Videndus idem *Vossius* lib. I. c. 35.
p. 262.

p. 262. qui & c. 38. p. 277. rudera doctrinae Veteris agnoscit in illa majorum nostrorum cantilena de *Tuiston* Deo, terrâ edito; & filio *Manno*.

Ipse nunquam hætenus accedere, potui Scripto-
ribus nostris, qui *Tuistonem* eundem faciunt cum *As-
senez*, primogenito Japheti. Hoc quidam tantò con-
fidentiùs affirmare sustinuerunt, quò nihil tam extra
omnem dubitationis aleam positum judicârunt, quàm
Ascenezem, sive *Ascenam*, sive *Aschanazem* Germa-
norum patrem ac conditorem esse. Confirmaban-
tur, quòd recentiores Judæi *Germaniam* אֲשְׁנַנִּים, *A-
scenas*, nec non *Germanos* אֲשְׁנַנִּים, *Ascenazim*
appellant: Et hoc volebant tradidisse ipsum *Josephum*
lib. I. *Antiq. c. 7.* nam ubi vulgò legitur: Ἀσχανάζης
Ἀσχανάζας ὠκησεν, οἱ νῦν Ῥηγίνες ἀπὸ τῶν ἑλλήνων κα-
λεῖται. Id est: *Aschanazes* condidit *Aschanazas*, qui
nunc *Rhegines* à Græcis appellantur; pro *Rhegines* re-
ponebant modò Γερμανοί, modò Ῥηνόγενεις, hoc est,
Rhenenses, vel *Rhenigenæ*. Quod quidem sensisse ob-
servavimus magnum illum antiquitatum Germanica-
rum Vindicem, *Marquardum Freherum* in notis ad
Petrum de Andlo ad præfationem. Cæterum hoc ma-
ximè invalidum erat: *Aschenazim* sunt gentes *mino-
ris Asiae*, quæ *Trojada*, *Phrygiam*, *Bithyniam*, *Æoli-
dem*, & tractus vicinos habitârunt: Horum pater &
conditor *Aschanazes*. Legendi *Paulus Merula Cos-
mogr. part. I. lib. III. c. 14.* *Vossius d. l. Abrahamus Or-
telius in thesauro Cosmographico, in Aschanaxi.* Ex
quibus cognosces, nimis infirmam esse sententiam,
quæ, velut certissima, Scriptorum nostrorum animos
incessit

inceffit de Aschanaze in terram, quam Germaniam dicimus, profectò, longissimè aberrant;

Et Ganimedeo confundunt omnia Regno:

Troica Teutonicis, & Rheni gurgite Xanton.

De vera origine nostra dicam aliàs: Jam enim aliud agendum est, & ab Adamo deveniendum ad reliqua; & ipsius ævi lapsusq; atrocissimi nimis involutam memoriam. Olim ad Valerium Max. notavimus, in Sacris Bacchicis exclamatum εὐα, simulq; monstratum serpentem, quod non ab alio fonte manabit, quàm à lapsus historia. Sed & refert Strabo lib. XV. c. 715. Onesicritum, cùm ab Alexandro M. missus esset, ut Sophistarum, qui sunt in India, sapientiam perciperet; hæc accepisse à Calano: Olim omnia plena erant triticeæ & hordeaceæ farina, ut nunc pulveris; fontes alii lacte, alii aqua fluebant; nonnulli melle, alii vino, quidam oleo. Homines autem ob satietatem ac luxuriam Jovem contumeliâ quadam affecerunt: is præsentem statum exosus, omnia abolevit, & vitam per laborem degendam instituit. Hæc profectò sunt ex iis, quæ nos lacra pagina docet, de statu primi hominis in paradiso, de lapsu ipso, de privatione summæ felicitatis. Et hos maximè translucet ex istis verbis: *Et vitam per laborem degendam instituit*, quod est illud irati Dei apud Moysen: *In sudore frontis tuæ panem tuum comedes*. Huc etiam refert Casaubonus, boves Hyperionis Solis, de quibus Homerus Odyss. lib. XII. p. 360. & seqq. edit. Giphani.

Cainum non ignorabant Phœnices, & colebant sub nomine, quod Græci reddunt, αἰνεργον, ἢ αἰνεό-
την, id est, agricolam, sive rusticum. Vulcanum esse
Thubal-

Thubalcainum, Lamechi ex Salla filium, non tam ipsius nominis similitudo nos docet, quam quod de Vulcano scribit *Diod. Sicul. lib. V. c. 47.* Invenisse fabricationem ferri, æris, auri, argenti, & cæterorum omnium, quæ ignis operationem recipiunt: Hoc enim ipsum de Thubalcaino Moyſes commemorat. Eodem modo si comparamus, quæ Poëtæ de *Minerva* scribunt, & quæ de *Naama*, filia Lamechi, *Genebrardus in Chronicis* & alibi, *lanificium* & *texturam* ei deberi; non hæc diversa videbitur ab illa. Legendus suprâ laudatus *Vossius lib. I. de Idololat. c. 17. p. 129.* ut taceam *Jubalem*, Thubalcaini fratrem, eundem haberi posse cum *Apolline*, *Musices repertore*; & alia, quorum vestigia obscuriora sunt.

Illud, quod ex sacris literis de *universali diluvio* & interitu generis humani edocti sumus, nimis longum foret, si omnes gentilium historicos producere velim; qui loquuntur; Nimirum, cum vindex Deus orbis primi scelera elemento aquæ sepeliisset, non tam facilè gravissimæ poenæ memoriam, quamvis ætas longissima, delere poterat: Durantibus præterea contra mortalium oblivionem multis & manifestis signis. Legimus apud *Camdenum in Britannia p. 592.* in descriptione agri, qui nominatur *Richmondshire*, in rupibus & montosa collium eminentia lapides reperiri, & cochleas marinas & alia aquatilia; refusi in omnem terram diluvii certa signa. Confirmandæq; sententiæ mox adducit verba *Orosii lib. I. c. 3.* Refuso in omnem terram mari, immissoq; diluvio (cùm, toto orbe coniecto, unum spatium cœli esset ac pelagi) deletum

deletum fuisse universum genus humanum; paucis in
arca, fidei suæ merito, ad substituendam originem re-
servatis, evidentissimè veracissimi Scriptores docent.
Fuisse tamen, etiam illi contestati sunt, qui præterita
quidem tempora, ipsumq; Auctorem temporum ne-
scientes, tamen *ex indicio & conjectura lapidum in re-
motis montibus, quos conchis & est reis scabros, sæpe
etiam cavatos aquis visere solemus, conjiciendo didice-
runt.* Quin ad annum Christi 640. extabant arcæ re-
liquæ in Gordæo monte, quas (si credimus *Elmacino A-
rabi*) *Heraclius* Imperator propriis oculis lustravit,
cùm Persas in Armenia vicina prælio vicisset: Et
Omar, qui Caliphatum adeptus est, anno Christi 643.
de monte translatas, pro tabulato templi, à sese ex-
tracti, adhibuit; ut scribit *Benjamin Itinerarii* p. 61.
Qui & ipse non tantum Europam & Africam pera-
gravit; sed ad intimas, imò etiam extimas Asiæ re-
giones, se penetrasse profitetur. Obiit anno Christi
1073, ut è *Chronico Abrahami Zaconthi* docet *Con-
stantinus L' Empereur*. Ut proinde erroris manife-
stus sit *Haythou Cilix* (alii *Armenum* crediderunt)
qui suo tempore, id est, anno Christi 1300. in montis
vertice spectatas fuisse tradit. Accedam ego *Guilhel-
mo Schickardo* in *Tarich*, p. 28. seductum fuisse à plebis
credulitate, quæ *nigellum apicem* inveteratæ *nivis* (quæ
inaccessus mons à multis seculis vestitur) pro putre-
scente ligno habuit. Nihilominus ab anno mundi 1657,
quo Noah cum novi mundi seminario arcâ egressus
est, ad ætatem *Omaris* sunt anni 2935. Ac per tantum
temporis illud divinæ potentiae monumentum in
oculis

oculis mortalium fuit; ut non mirer, per diversarum nationum Scriptores diluvium celebrari. Sed quinam illi? jam indicavit *Besoldus in Synopsi majore*; cui velim adjiciatur *Hugo Grotius in notis ad lib. I. de Veritate Relig. Christ. p. 287. & seqq. edit. Paris. sive, p. 73. & seqq. edit. Lugdun.* Videbis cum admiratione columba quoque à Noacho emissæ, Assyriorum Scriptorem *Abydenum & Plutarchum* mentionem fecisse. Atque hæc notitia adjuvit improbum illud veterum gentilium acumen, dum ad usum cavæ navim ædificarunt grandem, quæ solutilis esset; ac subito laxata emitteret omne genus ferarum, pro arbitrio magistri temperantis, ut notavit *Lipsius in lib. de Amphitheatro c. 10.* ex illis *Dionis in Jovero: Receptaculum autem omnium ferarum in amphitheatro extructum erat, instar navis; quæ capere simul & emittere posset ad feræ quadringentas. Eâ autem de subito occultè solutâ exsiliabant ursi, lea, pantheræ, leones, struthiones, onagri, bisontes; ita ut septingentæ feræ aut pecudes simul & currere viderentur, & occidi.*

Tamen & Noachi historiam *Cacodæmon* non minùs obnubilavit, quàm res *Adam*, ejusq; posterorum; de quibus suprâ diximus. Consulendus *Goropius*, qui fabulam *Promethei & Apollinis Didymei* doctissimè explanat; omniaq; ad *Noam*, arcæ fabricatorem, refert apud *Freinsheimium ad Curtii lib. VII. c. 3. §. 22. & c. 5. §. 28.* Hoc ipsum agit *Vossius* in laboriosissimis libris de Idololat. gentilium. Nam *lib. I. c. 18. p. 141.* pulchrè respondit, quomodo *Noachus* adumbratus sit in *Prometheo*, & *c. 19. p. 144. c. 25. p. 183.* quomodo

modo in *Baccho*, five *Libero*; & rursus c. 18. p. 140. quomodo in *Saturno*. Et hic alter est *Saturnus*, cujus tamen res gestas cum rebus *primi* licentia Poëtarum miscuit. Habituri quoque sumus *Saturnum tertium*; quemadmodum *plures* fuerunt, qui *Jovis* & *Herculis* nomen tulerunt; sed quorum omnium omnia facta sunt unius. Porro & *Chamus*, Noachi filius, mutatus in *Ammonem* & *Plutonem*; *Japetus* in *Neptunum*. Ad eundem idem *Vossius* d. l. c. 18. p. 141. & c. 19. p. 144. c. 25. p. 183. c. 26. p. 186. De *Japeto* verò c. 14. p. 118.

Post diluvium (inquit *Besoldus* noster) *Noah* filiis suis terram colendam distribuit. *Japetus* natu maximus (ita vult *Paulus Merula* part. 1. lib. III. c. 14. *Cosmograph*, p. 142.) insulas maris mediterranei, & totam Europam cum Asiæ parte obtinuit: *Gomer* ejus filius reliquit *Ascenam*, *Riphatem* & *Togorman*. Primus ubi confederit, jam suprà dixi. *Rephates* *Riphatæorum*, hoc est, *Paphlagonum* pater est, ut *Moyſis* interpretem agens scribit *Joseph. lib. 1. Antiq. c. 7. Togorman* cum posteritate sua habitasse ad *Aquilonem*, constat ex *Ezechielis* c. XXXVIII. v. 6. ubi *Togormæi* latera *Aquilonis* describuntur inter eos, quos *Gogus*, *Syrarum* gentium Dux, secum adversus *Israëlitas* trahit ad bellum: Sed *Gomer* relictis istis in Asia, ulteriùs progressus est; & ex aliis filiis, ut apparet, maximas gentes *Gallorum*, *Scytharum* & *Germanorum* condidit; suiq; nominis vestigium passim inter eas reliquit. De *Gallis* apertè *Josephus* d. l. quæ nunc *Græci Gallatas* vocant; *Gomarenses* olim dictos: *Scythas* verò cum eosdem cum *Cimmeriis* faciant (vide præter alios

Nicephorum Gregoram lib. II. Hist. Roman. p. 15.) & *Cimmeriorum* nomen à *Gomero* profluxisse, *Camdenus*, *Merula* & alii agnoscant; patet eundem *Gomerum* ex *Asia* ad *Maotidem paludem*, *Bosphorum Cimmerium*, & alia loca *Scythis* habitata, venisse. Atque ex hac *Scythia*, officina gentium, effusa nationum agmina, quæ patriam nostram impleverint, semper existimavi; neque rationem nunc habeo, cur eam sententiam rejiciam. Cùm enim *Alanos*, *Almanos*, *Suebos*, *Suobenos*, *Sasones*, *Chatas* &c. apud *Ptolomeum* lib. VI. *Geograph. c. 14. & 15.* reperiamus in descriptione *Scythiæ*; nonne antiquam patriam simul intelligimus? Ita suprà laudatus *Nicephorus Greg.* *Cimbros* & *Teuthonas* revera *Germanos* pro *Scythis* habet. Sed hanc opinionem maximè confirmat, quòd scribit *Busbequius Ep. IV. Legat. Turc. p. 257. & seqq.* Se (cùm sæpius accepisset, *Scythas*, qui *Tauricam Chersonesum* incolunt, fermone, moribus, ore deniq; ipso, & corporis habitu, *Germanos* referre) duos ex illis ad prandium invitasse; alterum proceriorem, toto ore ingenium quandam simplicitatem præ se tulisse; alterum breviorum, & compactiore corpore, de lingua gentis interrogatum, multa *Germanica* reddidisse, ex quibus hæc ascribit *Busbequius*: *Broë*, panis. *Plut*, sanguis. *Stul*, sedes. *Hus*, domus. *VVingaert*, vitis. *Regben*, pluvia. *Bruder*, frater. *Schvvester*, soror. *Alt*, senex. *VVinth*, ventus. *Silvir*, argentum. *Golz*, aurum. *Kor*, triticum. *Salt*, sal. *Fisët*, piscis. *Hoef*, caput. *Thurn*, porta. *Stern*, stella. *Sune*, Sol. *Mine*, Luna. *Tag*, dies. *Oeghene*, oculi. *Bars*, barba. *Handa*,

Handa, manus. *Boga*, arcus. *Miera*, formica. *Rinck*, annulus. *Brunna*, fons. *Vvaghen*, currus. *Apel*, pomum. *Schieten*, mittere sagittam. *Schlipen*, dormire. *Kommen*, venire. *Singhen*, canere. *Lachen*, ridere. *Criten*, flere. *Geen*, ire, &c. Hariolatur quidam Busbequius, ex *Germania* venisse in *Tauricam Bersonesum*; sed qui cogitat *Scythiam* & *Tauricam Chersonesum* viciniorem *Armenia*, unde in omnes terras coloniae deductae sunt; & conferat, quae Ptolomæus habet; in contrariam sententiam iturus est, & *Germanos* originis *Scythicae*, non *Scythas* originis *Germanicae* putabit. Tamen & magna pars *Germanorum Gomarensis*, id est, Gallos patres habet; verbi gratiâ, *Helvetii*, *Boi*, *Volscae*, *Tectosages*, ut ex Cæsare & Tacito satis manifestum est. Sed prævalentibus *Germanorum* armis, sæpe factum est, ut in *Galliam* rursus transfirent; qui primam sedem vel in *Gallis*, vel in *Scythis* habuerant. Ab iisdem *Gallis* sunt *Britanni*, quod non modò dicit *Tacitus* in *Agric. c. 11*, sed etiam illud arguit, quod ipsi se *Kumero* & *Kumeri*, mulierem *Britannicam Kumeres*, & linguam *Kumerac* appellitant; quæ reliquæ profatorem *Gomerum* arguunt. Vellem jam de reliquis *Noachi* posteris ex *Japeto*, *Semo* & *Chamo*, eorumq; sedibus differere; sed jam præter destinationem excrevit caput: Et præterea de iisdem dicendi nunquam in *Observationibus* istis deerit occasio. Interim ne destitutus videâre, commendo præter alios de hoc argumento *Merulam Cosmogr. part. I. lib. III. cap. 14*.

CAPUT II.

Paraphrastes Chaldaeus quis? Filii Dei qui Genes. VI. v. 2? Potentes dicuntur excellentes doctrinâ & eloquentiâ. Idem & Reges. A paraphraste & Besoldo simul absentimus, plerorumq; Theologorum sententiam amplexi. Sethi posteritas cur & ipsa diluvio perierit? Chaldaeorum Monarcha & Tyranni ante diluvium. Berosus verus & suppositivus. Nimrodus cur potens Venator? Idem & Orion. Neq; pater, neq; avus Nini. Anni Viterbiensis nugæ, quas Besoldus sequitur, exploduntur. Diversi conditores Babyloniorum & Assyriorum, id est, ex diversis familiis. Utriusq; familiae inimicitia. Cetera textus Besoldiani de Medo, Magogo, Moscho &c. breviter explicantur.

ANte diluvium (inquit Besoldus) imperii cuiusdam potestate homines fuisse gubernatos, ex Chaldaeo paraphraste liquet; qui filios Dei Gen. VI. v. 2. Principes interpretatur, eosq; postea Gigantes, id est, Tyrannos procreasse refert. Paraphrastes hic Onkelos appellatur, natus sorore Titi Imperatoris, ut ex Hebræis & Latinis Scriptoribus sese didicisse Paulus Fagius attestatur, præfat. in dictum paraphr. quod quia ratione solidâ refellere non possum, neque inficiari volo. Fuisse Tito & Domitiano nepotes è sorore, constat è *Quintilianii lib. IV. Instit. Orat. proœ-*
mio,

mio, ubi scribit eosdem *cure sue demandatos*. Ex his unus fuerit Paraphraſtes, ſi verum eſt; quod aliorum ſecutus autoritatem, aſſerit Fagius. Quod ad rem, ipſam veritatem nos docere videretur Paraphraſtes, contra quam *Joſephus*, *Sulpitius Severus*, & alii; qui *angelos* propriè ſic dictos intellexerunt per *filios Dei*; ſi quidem cum *Symmacho* per *Potentes & Magnates* intelligeret *posterorẽ ſanctis*, veræ doctrinæ potentiã jure meritò æſtimandis. Ita paraphraſtis mentem explicare conatus eſt *Andreas Rivetus* in *Genef. Exerc. L.* quo ferè ſignificatu *δυναſείαν* Oratoribus tribuit *Longinus*, & *potentiam* Latini paſſim. Inſcriptio ſtatuæ, cujus meminit *Vopifcus* in *Numeriano* p. 251. NUMERIANO. ORATORI. TEMPORIBUS. SUI. POTENTISSIMO. Meſſalam Oratorem *potentiſſimum* laudat *Capitolinus* in *Maximino* p. 149. Elegantiã pari *βασιλεῖς* Græci dicunt, doctrinã præſtantiſſimos. Inſcriptio Statuæ apud *Eunapium* in vitã *Proæreſii* p. 123. Η ΒΑΣΙΛΕΥΟΥΣΑ ΡΩΜΗ ΤΟΝ ΒΑΣΙΛΕΥΟΝΤΑ ΛΟΓΩΝ. *Regina Rerum Roma Regi eloquentiæ*. Dedicatio ſtatuæ *Regillæ*, conjugis *Herodis Attici*, ad urbem *Romam* effoſſa, ſed cum jam *Gruterus* æternum opus edidiſſet: ΕΛΛΑΔΙΑ ΟΥΤΕ ΓΕΝΟΣ ΒΑΣΙΛΕΥΤΕΡΟΣ ΟΥΤΕΤΙ ΦΩΝΗΝ. Quem verſum ita verto: *Nemo ore, aut ortu regalior Hellade totã*. Eodem modo, ſi *Potentes*, ſive *Principes Dei filios* figuratè dixiſſet Paraphraſtes, audirem illum; ſed noluiſſe hoc, indicant ſequentia. Quos enim opponit *Magnatum filiis*? non *Caini progeniem*, ſed *uxores ex omnibus*, quæ placue-

runt, id est, cujusvis conditionis foeminas, *vulgares, plebejas*. Igitur propriè ac civiliter accepit vocabula, non figuratè. Nos minimè dubitamus, quin textum biblicum explicârint verissimè, qui *Dei filios* interpretantur *Sanctos*, id est, *posteritatem Sethi*. Ea cum primum stirpis Cainicæ matrimoniis contaminari nollet, postea illaqueari sese passa est, & earum nuptias ambiit; quæ mores idololatricos, ceu dotem, secum afferunt. Nimirum occurrit Moyſes poſt futurorum curiosis quæſtionibus; quibus ex cauſis, excepto uno Noacho, etiam tam latè per orbem terrarum diſfuſa Sethi, tam ſancti Viri poſteritas, diluvio abſorpta fuerit? & docet, quòd & ipſa nefarius affinitatibus ſeſe polluerit. Ab hâc ſententiâ cum recedat Chaldæus, qui per *filias Dei* non *Sethi poſteritatem*, ſed *Magnates*; (ſive illi ſint è Sethi ſive Caini poſteritate) neque per *filias hominum* uxores è Caini ſtirpe, ſed quasvis intelligit; & verò paraphraſtæ mentem admittere videatur Beſoldus, hîc quidem dexteras jungere non poſſumus. Quod à nobis dictum eſt, aſſeruerunt, non tam recentiorum temporum eximii Theoſophi, quàm nonnulli Scriptores Veteres; è quibus eſt ille apud *Suidam* in ΣΗΘ, *Seth*, Adami filius; de hoc illud dictum eſt: Ingreſſi ſunt filii Dei ad filios hominum & Cainicæ ſtirpis. *Deum* enim *Sethum* illius ætatis homines appellabant, tum ob rerum coeleſtium ſiderumq; cognitionem & ſcientiam, tum ſummam pietatem, & juſtitiam & ſanctitatem. Meritò igitur *Sethi, Enochi, Enoſi liberi, filii Dei dicti*; qui capti amore filiarum Caini, inceſtas cum illis nuptias copulârunt;

ex

ex quibus nati etiam *Gigantes*. Quamvis (ne quid his dissimulem) non tam Dei nomen ad Sethum referre malim, quàm ipsum Deum, quod & *boni & iusti* aliàs in sacris literis *filij Dei* nominentur; quæ magnorum Theologorum sententia quoq; fuit. Auctor *Chronici Alexandrini* pag. 49: *Hi ergo filij Seth damnatis Caini filiabus adhaerunt; Numinisq; iram in se provocarunt. &c.* Sanctus *Methodius*, quem *Raderus* laudat in *Animadversionibus* ad dict. *Chronicum* p. 21: *Distinctæ erant generationes ab invicem, & Seth posteritatem suam transtulit in quendam montem; qui proximus erat paradiso. Sed Cain, & ejus domus, habitavit in campo; in quo nefandum fratris homicidium perpetravit. Et mox: Malignus & infestus Diabolus bellum fornicationis adjunxit filiis Seth, ut concupiscerent filias Cain; & profusi Gigantes apparuerunt. Et quis omnes commemoret? Miror sanè tam à clarâ, multorumq; Theologorum sententia *Besoldum* abire voluisse ad testam illam paraphrastæ! At in sequentibus non dissentio, ubi *Gigantes* interpretatur *Tyrannos*: Non enim *Moyse* tam ad corporis proceritatem, quàm sevitiâ, injustitiâ, impietatem, & grassandi libidinem respicit. Vult dicere: Cùm *Caini domus* ea monstra primùm dedisset, dabat jam & *Sethi domus*; postquam *Caini filiabus* juncta, propinquitatis venenum imbibit.*

Sed quoniam suprâ *Tyrannorum & Monarcharum* potentissimorum apud *Chaldæos* ante diluvium universale continuam successionem promisi, ecce jam illam ex *Apolodoro*, vel *Beroso* potius, quem *A-*

pollodorus exscripsit. Primus fuit *Alorus*, secundus *Alasparus*, tertius *Amilon*, quartus *Alemon*, quintus *Metalarus*, sextus *Daorus*, septimus *Edorachus*, octavus *Amphis*, nonus *Odioites*, decimus *Xixurthrus*. Hi ob potentiam celeberrimi fuerunt. *Fragmentum* hoc Apollodori, sive Berosi *Eusebio* Græco inseruit *Joseph. Scaliger*, quem videbis p. 5. Ubi & alterum de iisdem ex *Abideno* promit.

Berosum verò cum in Antiquitatibus laudamus, intelliges antiquum illum *Sacerdotem Beli*; qui sub Antiocho & Seleuci Nicanoris nepote, scripsit *de rebus Chaldaeorum & Regibus libros III.* Sub ejus nomine circumfertur vulgò libellus, quem olim secutus est etiam *Besoldus* noster, ut mox dicam; sed in eo vana sunt pleraq; omnia putidaq; & in ipso *Commentatore* mendaciorum plaustra meræq; *Viterbiensium* nugæ. Præter *Chaldaeos* Monarchas, etiam *Arabes*, & *Aegyptios* multi recensent; & auctor est *Benjamin Itinerari* p. 124. Se, cum *Alexandriam* venisset, non procul inde conspexisse *marmoreum sepulchrum*, cui omnia avium, aliorumq; animalium genera insculpta erant, cum inscriptione veteri; quam legere nemo poterat: Fuisse conjecturam, *Regem* quendam *antediluvianum* ibi sepultum; sed huic narrationi parum aut nihil tribuendum est. Credam ego facilius, pyramidem esse postdiluviani Regis, inscriptam hieroglyphicis.

Nunc cætera excquemur in *Besoldo* nostro: *Post diluvium*, inquit, novorum Gigantum auctor *Nimrod*, Noë pronepos, ab aliis etiam *Saturnus* dictus
(potens

(*potens Venator coram Domino*) *Babel edificare coepit.* Hic est *tertius Saturnus*; & quod *Besoldus* ait, idem confirmat *Eupolemus* apud *Eusebium* lib. VI. *Præp. Evangel. c. 4.* Quod *potens venator* dicitur, inde est, quod ut homines feras, sic ille venatus sit homines. Unde etiam (quemadmodum in *Chronico Alexandri- no* legimus) in sidera à Persis relatus, & *Orion* dictus est. *Belum* quoq; fuisse appellatum, ita probat *Vossius*, lib. I. de *Idol. c. 24. p. 180.* quod conditorem *Babylonis* Gentiles vocant *Belum*: At *Babylonem* condidisse. *Nimrodum*, constare è sacris literis. Hinc *Idem d. l. c. 16. p. 125.* *Ninum* facit *Nimrodi* filium, quòd & ipse *Beli* filius describatur. *Tertulliano* de *Pallio c. 2.* *Eusebio* initio *Chron.* *Hieronymo* in *Osee c. II.* possum addere *Augustinum* lib. XIII. de *Civ. Dei*, c. 2. lib. XVI. c. 3. *Besoldus* scribit, *Nimrodo* successisse filium *Belum*, qui omnem agrum in *Sarmatiam* usq; *Europeam* occupârit; ac reliquisse *Ninum*, quæ sunt ipsissimæ nugæ *Viterbianæ*; quarum nos piget pudetq;. Sed præivit *Besoldo* *Sleidanus*, & *Fabritius* ad *Orosii* lib. I. c. 4. cum aliis quàm plurimis. Videtur tamen in *Synopsi* majore corrigere sese voluisse, cum ait *Assuram*, qui *Niniven* condidit, eundem cum *Nino*. Quòd si *Ninus* idem cum *Assura*, *Semi* filius, & *Noachi* nepos est; at *Nimrodus* *Chami* ex *Chuso* nepos, *Noachi* pronepos. Sanè *Scripturæ* vestigiis hîc insistendum est; quæ cum diversa faciat regna *Babyloniorum* & *Assyriorum*, diversosq; conditores, hujus *Assuram*, illius *Nimrodum*; ne misceamus diversas domos. Quid? quòd alii *Scriptores*, dum dissidium &

simultates illis temporibus memorant inter Assyrios & Babylonios, simul Ninum à Nimrodo Babyloniorum Rege descendisse negare videntur. *Diodorus Siculus lib. II. Bibl. c. 1*: Ninus Assyriorum Monarcha, Arabum subsidio instructus, numerofo cum exercitu finitimos sibi Babylonios invasit, Regem eorum debellavit, cum liberis captivum abduxit, & interemit. Adde *Africanum* apud *Calvisium*, anno mundi 1878. Id est, quod scribit *Augustinus*, vicisse Semi posteritatem, regnum Gigantis illius obtinuisse.

Ut manifestius fiat, quod diximus, Ninum Assyriorum Monarcham primum, nihil ad Nimrodi domum pertinere; adire te volo *Julii Africani* fragmentum in *Eusebii Chronico Græco* p. 14. Reperies *Evechoo* (quem eundem cum *Nimrodo* facit) successorem fuisse non Ninum, sed *Chomusbolon*: Tertium Babylonis Regem *Poron*: Quartum *Nechuben*: Quintum *Abion*: Sextum *Oniballon*: Septimum *Zinziron*. Hunc sustulerunt Arabes, nec quicquam ultra in Babylone regnavit, usque ad *Nabonasarem*. Magno profectò veritatis & literarum bono fragmenta hæc conservata sunt; sed nihilominus repertus est *Dionysius Petavius*, qui *Ratiocinarii Temporum part. I. lib. I. c. 2.* fabulæ, quàm vero, propiora diceret: Nos validius aliquid suspicione ac præjudicio requirimus. Cur inter fabulas referret, nullam causam reperire potuit *Josephus Scaliger*; qui eo fuit ingenio, ut fucum sibi fieri, à quocunq; tandem versutissimo veteratore & mangone non facilè pateretur: Recenset ille *lib. II. Canon. Isagogic. c. 2. p. 131.* hos ipsos Reges & agnoscit pro

pro Nimrodi successoribus. At meritò; nam in examinando hoc genere, oportet esse suspicionum quàm continentissimos, dispicere *πρώτω καὶ ὀπίσσω*, & ratiunculis ad forcillandam antiquorum fidem non nimium tribuere; quamvis inaudita nobis, nec visa lectàve alibi contineant. Cum primis *Julium Africanum*, auctorem præstantissimum (è quo Eusebius depromferat, quicquid luculentum, vetustum, excellens hodieq; in illo superest) ipse *Diodorus Siculus* juvat verbis moto citatis. Dum enim Babylonicum Regem occisum scribit à Nino, quem Arabes adjuverint; elucet illud, non posse Ninum, dici Nimrodi è Belo nepotem, vel tertium Regem Babylonis: Hoc enim stante, quem occidisset? an Belum patrem? an Nimrodum avum? atque ita domum suam impiè perfundedisset Ninus. Cui, quæso, hæc non videntur abscondita, inepta, stulta? si quidem ratiocinari & conjecturas eruditas à commentis futilibus secernere novit. Idcirco hoc etiam manifestum sit, alios Reges in Babylone regnasse post Nimrodum, quàm quos hodiè nobis obtrudere conantur; & valdè opportuna docere Africanum, referendo illos ipsos. Ergo nec illud in obscuro, uti adversas, sic diversas, fuisse Nimrodi & Nini domos. Dico autem, *Ninum* videri è *Semi posteris*: Nam cum *Assuras*, Semi filius, *Assyriorum* sit pater, Nini urbis conditor (ut sacræ literæ volunt) an ex aliâ gente sit Ninus, qui iisdem Assyriis orbis terrarum imperium peperit? Cyrus Persa Persis, Alexander Macedo Macedonibus, Julius Cæsar, vel Augustus, Romani, Romanis eandem potentiam,

idem

idem decus asseruerunt at hic unus è Chami posteritate, eademq; maledictâ in tantum extollit Assyrios, ortos aliunde i.e. posteritatem Semi? Nonne hîc quoque intelligamus absurditatem novam? at, quod dixi, non ex hâc tantum ratione dixi; sed id ipsum confirmavi ex Augustino, qui ait: *Vicisse posteritatem Semi, & obtinuisse Regnum Gigantis illius.* Respicit ad bellum Nini cum Babylonis. Si hæc minimè satisfaciunt, suadeo, simul consulatur *Auctor Chronici Alexandrini p. 84.* ubi ex familia Semi profatum scribit *Cronum*, Nini Patrem, *Belum Croni*, è *Pico Jove* nepotem; & ipsum Regem Assyriorum, antecessorem Nini. Adeò Sol veritatis in Scriptoribus, si non toto vultu & corpore, saltem per partes & velut radios emicat. Et quamvis *de Auctore Chronici Alexandrini* verè judicârit *Reinesius l. l. variarum. 17.* fuisse hominem plebeum & illiteratum; tamen bonos Auctores excerpfit & compilavit: Et inter ea (quæ Scriptori non malo suffuratus est) numeramus illud, quod adduximus.

Hæc cum ita sint, simul à *Vossio*, qui Ninum fecit Nimrodi filium; & aliis, qui statuerunt idem (ut *Dionysius Petavius d. l. & Andreas Rivetus in Genesim Exercit. LXV.*) secessionem facimus. Argumentum profectò nimis fragile: quia Belus idem cum Nimrodo, & Ninus Beli filii; ergo Ninus Nimrodi filius. Postquam enim voculâ *Baal* & *Bel* (quâ primùm summum omnium rerum Creatorem, unum & verum Deum appellârunt) ad consecratorum Regum nomina abuti cœperunt, quàm plures exorti sunt *Beli*, ut
apud

apud Romanos *Divi*; ut cujus Beli filius, primine an alterius Ninus existimandus sit, certò constituere nequeas. Nec majoris momenti, quod cum aliis putavit *Lipsius, lib. II. Monit. & Exempl. polit. c. 1. monit. 1.* *Ninum* eundem esse cum *Nimrodo*, scilicet quia alludit primâ syllabâ. Nam præter allusiunculam aliæ quoque rationes debebant accedere; quas nunc habemus aut nullas, aut infirmas. Cætera quæ de Nini ætate ac rebus gestis dicenda sunt, afferam *ad caput sequens*.

Quæ sequuntur in *Besoldo*: *Posthac* (scil. *Nimrodus*) *Assurem, Medum, Magogum & Mesum* Principes coloniarum huc illuc misit, qui regna sui nominis conderent; *Assyrium, Medum, Magogum, Mesum*. Hæc, inquam, pleraque sunt nihili nata è cerebro *Anni Viterbiensis*; qui præscribendo *Berosi* nomen nugis suis antiquitatis famam parare cogitabat illaudabili artificio, & plebejis tantum animis illusuro. Quod ipsum tandem agnovit *Besoldus*; & ut alia, sic hanc ipsam imposturam averfatus est in *Synopsi* majore. Quis credat, aut quis illi narravit, *Nimrodum* *Noachi* pronepote à *Chamo* natu minimo, *Assurem*, *Noachi* nepotem, è *Semo* misisse; ut regnum sui nominis conderet? Quis idem credat de *Madai* & *Magog*, *Japeti* filiis; & *Meschek*, *Japeti* è *Javano* nepote; quos ille *Medum, Magogum & Moschum* appellat.

Magogus nominis sui memoriam reliquit in *Cœlesyria*, *Plinius lib. V. c. 23*. Quæ alio nomine *Hieropolis*, *Syris* *Magog* dicitur. Vide plura huc pertinentia apud *Paulum Merulam Cosmogr. part. I. lib. III.*

c.14. p.144. Idem *Scythicas* quasdam gentes condidit; ut *Gomerus*, de quo modò diximus. Hujus sententiæ fuit *Josephus*; quod secuti sunt *Hieronimus in Genes. cap. X.* & *Theodoretus*. Ab his ipsis *Ungri*, sive *Ungari*; qui propterea se *Magyar* indigitant, quamvis alii nomen deduxisse scribant à *Magore*, sive *Moa-gore*; qui *Justiniano* imperante Princeps *Unnorum*, *Bosphoro* vicinorum, in *Chazariâ* fuit; & *Gordam* fratrem (quod *Christianam* religionem amplexus, *Unnorum* simulacra comminuta conflâisset) regno spoliatum occidit; quod *Cedrenus* commemorat. Sed prioris sententiæ fuit *Johannes Antonius Maginus Geogr. part. II.* in descriptione *Transsylvania* num.26. cum ait: *Hungari in maternâ linguâ se Magyar vocitant, quasi dicant Magog; qui filius erat Japhet. Huic sententiæ B. Augustinus adstipulari videtur.* Hæc *Maginus*. Ipse tamen *Hunnorum* Rex *Attila*, perniciosus orbis *Romani*, aliarumq; multarum gentium, à *Nimrodo* genus suum deducebat. Notus ille feralis titulus: *Attila Mundizici filius* (alii habent, *filius Bendegeucz*) magni *Nimrodi* nepos, nutritus in *Engaddi*, Dei gratiâ Rex *Hunnorum*, *Medorum*, *Gothorum* atq; *Dacorum*, pavor orbis, & flagellum Dei. Legi Scriptores, qui *Hunnorum* Ducum feriem à *Noacho* ad *Attilam*, & ejus successorem hoc modo recitârunt: 1. *Noah*. 2. *Cham*. 3. *Chus*. 4. *Nimrod*. 5. *Hunnus*, vel *Hunnor*. 6. *Bor*. 7. *Dama*. 8. *Keleed*. 9. *Keve*. 10. *Kear*. 11. *Beller*. 12. *Kadar*. 13. *Othmar*. 14. *Farkas*. 15. *Bondofard*. 16. *Buken*. 17. *Czanad*. 18. *Rudli*. 19. *Bez tur*. 20. *Mike*.

20. Mike. 21. Miske. 22. Ompud. 23. Kulcze.
24. Levente. 25. Lehel. 26. Zamur. 27. Zam-
bur. 28. Bolug. 29. Boczu. 30. Zoltan. 31. Be-
rend. 32. Kadicza. 33. Opos. 34. Ethei. 35. Szemein.
36. Turda. 37. Bendegucz. 28. Attila. 39. Chaba. 40.
Ed. 41. Ugek. 42. Elend. 43. Almos. 44. Arpad. 45.
Zoltan. 46. Toxus. 47. Geyza. 48. Stephanus Rex.

Hæc nec rejicere mihi animus, quod tradita videri
possint per illud annalium genus; quod majorum no-
strorum fuisse narrat *Tacitus de Germ. c. 2. §. 3.* & æ-
stimat *Berneggerus disput. de Hungar. th. 125.* nec pro
genuinis ostentare, cum adulantium Scriptorum *com-
munis morbus* sit, in gratiam suarum nationum pri-
morum Ducum origines, non tantum ab ipso Noa-
cho (in quo nihil absurdum facerent, dum reliquias
generis humani ex Noacho Patre Gordiæo monti ad-
hæsisse tempore diluvii, ex Sacra Scriptura certum
sit) sed & continuam seriem contexere; & omnes *la-
cunas religiosè explere nominibus, quæ non nisi per so-
mnium viderunt.* Quod si tamen Attilam & Hunga-
ricarum rerum Scriptores vanitatis suspectos habere
prohibemur, dicendum erit, *mixtos fuisse Japheti &
Chami posteros*; & plerosq; fuisse ab illo, quosdam
Principum ab isto.

Porro eadem *Turcarum* origo, & hodierno-
rum Imperatorum Turcicorum perpetuam à *Japeto*
seriem videre est apud *Leunclavium lib. II. Hist. Mu-
sulman. p. 90.* & in *Pandectis Turcicis p. 99.* Sed pru-
denter ibidem adjicit: Cum ab Ertogrulæ, *Osmanis*
patre, continuam majorum seriem commemorant ad
Japetum

Japetum usque, haud dubiè se temeritatis arguunt, parumq; prudentis arrogantia; qui à barbaris & literarum prorsus ignavis oriundi, animis suis audeant Regibus gloriam continuæ successionis inde usque à primitivis illis seculis affingere; quam solis exceptis Hebræis, nulla ceteroqui mortalium natio, licet antiquitus locorum & historicæ beneficio nobilitata, vindicare sibi unquam potuit.

De Madai, Medorum patre; & Mescbek, Moschorum, adeundus *Merula*, toties citato loco. Sed in istorum annalibus miras etiam fabulas reperire licet: Nam qui superiore seculo rerum Moscoviæ positi sunt, generis sui primordia ad Romanos, & Augustum retulerunt. Hunc ajunt fratres aliquot habuisse, & ex hisce *Brussum* ad mare Balthicum confedis; & ab hoc non interrupta serie monstrant majores suos, quæ nemo tam compositæ mentis est, quin videat.

CAPUT III.

Ninus quo tempore regnare cœperit? Ejus res gesta. Antiquior Vexore, & in eâ re Iustini error. Vexores idem cum Sesostride Taciti, sive Sacerdotis Ægyptii, narratio contra Lipsium defenditur. Sesostridis ætas. Semiramidis res gesta. Multa fabula de Venere ad illius historiam reducta. Assyriorum Regum successio à legitimis Scriptoribus. Annianæ nugæ, quas Besoldus sequitur, rejiciuntur. Assyrii & Babylonici regni status aliquot seculis post

post Sardanapalum. Utriusq; Regni Reges recensentur.

DE *Nino* verba facturis ante omnia sciendum est, quo tempore Monarchiam exorsus sit? tum & certi erimus, num sit ille, quem Scriptura vocat *Assurem*? Illud autem ut eruatur, de annis, quibus Assyriorum imperium stetit; & ultimo, quo Sardanapalus interiit, inquirendum est. *Scaliger lib. II. Canon. Isagog. p. 132.* Assyriorum Reges fuisse scribit *unum & quadraginta.* Regnasse annos 1484. & *lib. III. p. 314.* ubi de mendis Orosianis disputat, Sardanapalum occidisse vult annis 67. ante Romam conditam. At *Rome natalis* incidit in annum mundi 3198. Hoc modo regnum Assyriorum cœpisset anno mundi 1647, decem annis ante diluvium universale; quod dictu absurdum est. Nos ex parte *Calvisii* calculum sequimur, juxta cujus sententiam regnum Assyriorum in Sardanapalo finitum est anno mundi 3077. At hoc stetit 1300. annis, auctor est *Justinus lib. I. c. 2. §. 13.* à quo non multum abeunt alii; quamvis modò plus, modò minus dicant. Ergo primus Assyriorum Rex ferè cœpisset 120. annis post diluvium; quæ opinio si locum habet, vel ipse *Ninus Assur* erit, Noachi è Semo nepos; vel *Assuris filius*: In quam sententiam magis inclino. Atque ita *Assur idem cum Belo* illo, quem *Nini patrem* multi asserunt Scriptores.

Nini res gestas fusè describit *Diodorus Siculus lib. II. Biblioth. c. 1. & seqq.* cum Ariæo Rege Arabum societate initâ Babylonios debellasse, Barzanem Armeniorum Regem in ordinem coëgisse; Pharnum

Medorum Regem vicisse, Ægyptum, Phœnicem, Cœlesyriam cum Cilicia, Pamphylia, Lycia; & præter has Cariam, Phrygiam, Mysiam & Lydiam; Troadem quoque ad Hellespontum, cum Propontide, Bithynia, Cappadocia & barbaris ad Pontum gentibus, usque ad Tanaim; Cadusiorum etiam terrâ & Tapyrorum; nec non Hyrcanis, Dacis, Derbicibus, Carmaniis, Choramnæis, Borcaniis & Parthis: Adhæc Persiam & Susianam subjugasse: Ultimum opus fuisse expeditionem contra Bactrianos. Adjicit ibidem, in ejus exercitu fuisse decies septies centena peditum, a ducenta & decem equitum; eoq; currum falcatorum millia. Sed hoc ibidem docet è *Ctesia*, scriptore nugacissimo; quem *Plutarchus* alicubi benè depectit, ac destrinxit. Quis credat, sub initium renati mundi, tot millibus circundatum fuisse unum Regem? Profectò *fœcundior fuit Ctesiae calamus, quàm ipse mundus, utut fœcundissimus.*

Ait etiam *Justinus lib. I. c. 1. §. 6.* fuisse temporibus antiquiores *Vexorem Ægypti, & Scythiae Regem Danaum*; quorum alter in *Pontum*, alter usque *Ægyptum* excesserit. Quod quamvis non solus dicat (nam hoc ipsum etiam reperire licet apud *Agathiam lib. II. p. 48.*) fidem tamen non meretur. *Vexores* ille non alius à *Sesostri*: Nam de hoc solo Ægyptiorum Rege certum est, quod *Justinus* ait, in *Pontum* usq; excessisse. *Diod. Sic. lib. I. Bibl. c. 55.* *Sesooosim*, *Herodotus* in *Euterpe* *Sesostirim*; *Manethon* apud *Josephum lib. I.* contra *Apionem* *Sesothin*. Et ex ejusdem *Manethonis* mente, Græci *Ægyptum* ejusq;

ejusq; fratrem Danaum; *Tacitus lib. II. Ann. c. 6.*
 Ramsen, alii Rameffen appellant.

Lipsius fabulosa credidit, quæ *Tacitus* narrat de
 Ramse, Lybiâ, Æthiopiâ, Medisq; & Persis, & Ba-
 ctriano, & Scythiâ potitum; quasque terras Suri, Ar-
 meniiq; , & contigui Cappadoces colunt, inde Bithy-
 num, hinc Lycinum ad mare imperium. *Quod ver-*
bum nunquam illi excidisset, si tam diligens fuisset in
Ægyptiaca historia, quam fuit in Romana. Est enim
 omninò *Ramses* ille *Taciti* idem cum *Sesostri*, quod ex
Eusebio & Manethone clariùs apparet, dum scribunt,
 tria nomina tulisse Regem illum; vocatumq; *Sesothin*
 (sive *Sesostrin*) *Ægyptum*, & *Ramesem*: At quo-
 niam Veteres nemo reprehendere, vel mendacii ar-
 guere ausus est, eandem potentiam adscribentibus
Sesostri, neque *Taciti* vel Sacerdotis *Ægyptiaci* fi-
 dem hîc in dubium vocare fas est.

Nec hic offendere nos debet, quod *Græci* ple-
 riq; *Sesostrem* semper felicem, semper triumphantem fa-
 ciunt. *Justinus lib. II. cap. 3. §. 13.* Vexorem suum
 fugientem è *Scythia*, exercitu suo cum omni appa-
 ratu bellico relicto: Nam hoc ipsum de *Sesostri* canit
Valerius Flaccus lib. V.

- - - cunabula gentis

Colchidos hic ortusq; tuens, ut prima Sesostriis

Intulerit Rex bella Getis; ut clade suorum

Territus, hos Thebas, patriumq; reducat ad amnem

Phasidis; hos imponat agris, Colchosq; vocari

Imperet.

Cum igitur *Vexorem Justinini* eundem esse sciamus cum

C ij

Sesostride

Sesostride ; statim & illud translucet , *Nino* illo antiquissimo longè *posteriores* esse : Quamvis quo tempore *Sesostris* vixerit , certò definiri nequeat . Quod si de eo nobis constaret , *Sesostrim* Ægyptum esse , *Danai* fratrem (& sunt profectò , quæ *Manethonis* & *Eusebii* assertionem hâc in parte confirmant , v. g. cum , quæ de inimicitiis Ægypti & *Danai* fratrum tradunt *Poëta Græci* ; de *Sesothios* & *Armais* ex Ægyptiorum libris *Manethon* , eadem ferè de *Sesostri* narret *Diodorus lib. I. Bibl. c. 57.* & *Herodotus in Enterpe*) per accuratam supputationem generationum , collatam cum annis (quibus *Danai* posterii *Argivorum* regno præfuerunt) colligeremus incidisse *Sesostris* hujus ætatem in annum mundi 2475 . Certè & *Eusebius* , quæ *Aëria* prius Græcis diceretur , circa hæc tempora Ægyptum , ab Ægypto tunc regnante , appellatam esse , auctor est : Atque ita non diu vixisset post exitum *Israëlis* ex Ægypto , *Moyse* adhuc superstite . Tamen *Josephus* in lib. *Antiquitatum* , *Sesacum* , qui anno mundi 2974 . templum *Hierosolymitanum* spoliavit , eundem facit cum *Sesostri* ; cujus sententiæ quoque fuisse videtur *Tremellius cum Junio* , cum *Sisak* in libb. *Regum* & *Paralipom* scriberent *Sasothim* *Diodoro Siculo* , & *Susakin* *Justino* dici ; respicientes ad *Justini* locum suprâ citatum de *Vexore* , & *Diodori Siculi* de *Sesoozi* ; adeoq ; ad arbitrium suum nomina detorquentes . *Vossius lib. I. de Idololat. c. 29. p. 223.* *Sesostrim* vixisse credit *Judicum temporibus* , 800 . ampliùs annis , ante *Evergetam* . Quicquid horum sit , illud in confesso , *Nino* longè posteriorem esse ; falsumq ;

sumq; Justinum & alios, qui antiquiorem statuunt. Danaim, cujus ibidem Justinus meminit: *Taunasin* vocat *fornandes in Geticis*, aitq; mortuum à suis populis inter numina relatum: *fandusum* verò *Arrianus apud Photium Cod. LVIII.* ubi Photius ait: *Arrianum in Parthicis narrare, Parthos, Sesostridis Aegyptiorum Regis tempore, & fandusi Scytharum, ex Scythiâ in eum, quem sequentibus seculis tenuerint, locum demigrâsse.* At de his plus satis.

Nunc de *Semiramide* dicendum est. Hujus primum opus fuisse dicitur *Babylon*; quod si verum est (ut *Scripturam Sacram* conciliemus cum *Scriptoribus profanis*) ex suprâ dictis statuendum est, prioribus bellis inter *Assyrios & Babylonios* gestis excisam, nunc *instauratam* esse. Aliàs ne profanæ quidem literæ unum *Babylonis* conditorem faciunt. Adeundus *Freinshemius ad Curtii lib. V. c. 1. §. 24.* *Salmasius in Solinum p. 1227.* *Ludovicus Vives in August. lib. XIII. de Civ. Dei c. 2.* At *Hugo Grotius* in totum rejicit, quæ de *Semiramide*, *Babylonis* conditrice, profani Scriptores referunt. Vide illum in *notis ad lib. I. de Veritate Christianæ Religionis p. 312.* edit. Paris. vel *p. 99.* edit. Lugdun. Nobis observatum est, *confusæ* esse res *duarum, vel trium, reginarum*; quæ omnes *Semiramidis* nomine appellatæ sunt. Tres observavit *Vossius lib. I. de Idololat. c. 23.* duas *Scaliger ad Euseb. num. 583.* Sic *Babylonis* instaurationem vetustissimæ *Semiramidi* tribuerunt, cujus quædam insigniora, ut hortus ille pensilis, secundum *Berosum*, apud *Josephum* debebant posteriori, *Nabuchodonosoris* conjugi.

Cæterum antiquissimæ genus variè traditur: *Grammatici Græci*, quorum verba citat *Casaubonus ad Suetonii Cæsarem c. 22.* asserunt, *Caystrum* filium esse *Penthesilæa* Amazonis; qui in *Ascalone* ex conjugē *Derceto* *Semiramidi* filiam genuerit. Verum dicunt in eo, *Semiramin* conceptam in *Ascalone*; & consentit *Diodorus Siculus lib. II. Bibl. c. 4.* Sed & *Semiramin* *Dercetus* esse filiam dixerunt multi. Confutendus *Vossius lib. I. de Idol. c. 23.* At iisdem *Derceto* eadem, quæ *Atergatis*, sive *Athara*, ut *Iustino* dicitur *lib. XXXVII. c. 2. §. 2.* Nam ex *Atergate*, literâ recisâ, & levicula immutatione, vocata est *Derceto*; quâ in sententiâ quoque fuit *Freinshemius ad Curtii lib. VI. c. 4. §. 25.* Hallucinatur *Casaubonus* adolescens ad *Strabonis lib. XVI. Geogr. p. 265.* eandem faciens *Atergatem* cum *Astarte*. Nec ab hac sententiâ recessit ævi maturior, cum animadversionibus ad *Athenæi lib. VIII. c. 8. Strabonem d. lib. XVI. p. 785.* sic corrigit: Ατεργάτην δὲ Ἀστάρην (scil. ἐκάλεισαν) Δερκετὸν αὐτὴν Κτησίας καλεῖ. Id est: *Atargaten Astaran* (id est, *Astarten*, sive, *Astaroth*) dixerunt; quam *Ctesias* *Derceto* vocavit. Rectissime *Vossius*: alia est *Astarte* ab *Atergati*; hæc mater, illa filia. Et hoc magis apparebit ex iis, quæ dicemus infra: Nunc certi sumus, matrem *Semiramidis* esse *Derceto* vel *Atergatin*.

At de Patre & aviâ *Penthesilæa* Amazone, quis accedat Criticis illis Græcis, cum *Penthesilæa* *Semiramide* aliquot seculis sit posterior; ut quæ *Trojano* bello inter fortissimos Viros documenta virtutis edidit? Præter alios innumeros vide *Justinum lib. II.*

c. 4. §. 31. & simul cognosces, juvanda Græcorum fidei non aliam Penthesileam Amazonem fingi posse. Idem *Iustinus lib. XXXVI. c. 2. §. 2.* *Athares*, quæ eadem, ut diximus cum Atergati, *maritum* facit *Damascum*: Hic igitur *Semiramidis* pater. At tùm ex Orientalium quorundam assertione dicendum erit, *Semiramidem* esse ex *Chami* stirpe; nam (ut nos docent *Gabriel Sionita* & *Iohan. Hesronita*, *Maronita* è *Libano de urbibus & moribus Orientalium, cap. 4.*) *Damascum* *Damasci* conditorem faciunt *Canaani* filium, *Chami* nepotem. Nos alteram aliorum Orientalium opinionem sequimur; qui *Damascum* Arabibus *Scian* dictum à *Semo* opinantur. Ipsius *Semiramidis* nomen inde derivat *Kossius*, aitq; credibile esse, posteros tanti Patriarchæ nomen suis subinde filiis imposuisse. Ita *Ninus*, *Semi* progenies (ut jam demonstravimus) in suâ domo, non illâ maledicta *Chami*, matrimonium quæsivit.

Eò verò me jam deducunt ea, quæ de *Derceto* & *Semiramide* tùm *Diodorus Siculus*, tùm alii scribunt; ut ipsam *Semiramidem* sub appellatione *Dæ* (quæ *Venus* Latinis dicitur) consecratam & cultam putent; adeoq; non unam de Venere fabulam cum historia *Semiramidis* vel unius vel mixtæ conferam *Venerem* (quæ *Astarte* vocatur, seu *Astoreth*, seu *Astaroth*) *Syriâ* *Tyroq;* conceptam fuisse, scribit *Cicero lib. III. de Nat. Deor. c. 23.* Nec nisi in *Syriâ* natales *Semiramidis* reperiēs, si *Diodorum Siculum* sequi voles; quamvis in eo non nihil offensionis, quod *Cicero* *Veneris* patriam magis definitam velit *Tyrum*,

Diodorus Semiramidis *Ascalonem*. Sed omittamus hoc. Quorsum tu mihi famam illam referes, Venerem è *spuma maris*, & Cœli prolibus, à Saturno abscissis, evaluisse? Quorsum illud tum ab aliis, tum ab *Apulejo lib. VI. Metamorph.* traditum: *Columbas Veneri* sacras, currum ejus gemmeum subire; & susceptâ Dominâ, lætas subvolare? Vel illud à Nigidio: *Columbam* ovo infidentem post aliquot dies exclusisse *Deam Syriam*, quæ Venus dicitur. Quorsum istud à *Varrone de Re Rusticâ*, & *Plinio lib. XIX. Natur. Histor. c. 4.* Veneri datam *hortorum tutelam*; & ejus honori sacra *Vinalia rustica*, ante diem 12. *Calendas Septembr.* instituta? Quorsum notum illud *Veneris* cum Marte *adulterium*, libidines, & libidinosa sacra; quæ me dicere pudor prohibet? Quorsum *barbam* apud *Petronium* in *Satyrico*, & *idolum* in *Cypro* *barbatum* corpore, sed *veste muliebri*, cum *sceptro* ac *staturâ viri*, apud *Macrobius lib. III. Saturn. cap. 8.* Et ritum in *Sacris Veneris Syriacæ*, *viriles*, aut *muliebres vestes* induendi à *Cl. Seldeno Syntagmate de Diis Syris c. 4. p. 280.* nobis ostensum?

Dico de his omnibus sententiam meam: Quod (ut scribit Diodorus) Semiramidis *ad lacum*, in quem illius mater *Derceto se abjecit*, nata & exposita; inde *primum* de Venere fluctibus edita suam originem habet. Quod *columbas infantem* Semiramidem *alis fovisse*, ac coagulato lacte, ex pastorum *mapaliis* surrepto, nutriisse creditum est: Sed & ipsas columbas Semiramidi post mortem consecratas legimus; inde *secundum* de Venere, ac columbâ Veneri sacrâ. Quod
Semi-

Semiramis maximum *in adornandis hortis* curam habuisse, & illos septem mundi miraculis annumeratos *pensiles hortos* condidisse, traditum est ab iis, qui duarum Semiramidum opera confuderunt; inde *tertium* de Venere hortorum tutelari Dea. Quod Semiramis non contenta, *militum* suorum *amores* exigere, etiam *ab equo*, Marti sacro animali, *se adhinniri* passa est (ut scribit *Plinius lib. VIII. c. 42.*) inde *quartum* de Marte subessore ac Venere, lasciviarum præside. Quod Semiramis (ut auctor est *Justinus lib. I. c. 2.*) ne imperii majestas pueri manibus inniteretur, vel orbis terrarum pro pila daretur immaturo Ninyæ, velut in oblectamentum ludi; neque procures ad supercilii muliebris reverentiam effœminari se crederent; se se pro uxore *filium*, pro fœminâ *puerum* *simulavit*; inde *quintum* de mutatione sexus in Venere. Cætera Semiramidis, ut in Mediam & Persiam profecta, multa monumenta struxerit, montibus ac rupibus divulgatis, itinera magnis impendiis directa & plena fecerit; Æthiopiam subegerit, Indiam (sed fortunâ parum prosperâ) invaserit; hæc, inquam, omnia fusiùs exsequitur Diodorus Siculus. Tandem ob libidinem *in-fidiis filii* petita & *interfecta* est; ut scribunt *Justinus lib. I. c. 2. §. 10. & Agathias lib. II. p. 54. Diodorus lib. II. c. 20.* regno cessisse scribit. De hac ipsâ reginâ è recentioribus ambitiosè scripsit *Loënsis tom. V. Critic. lib. VI. c. 22.*

Successit NINYAS, Nini & Semiramidis filius. *Nivās záuns* dicitur *Africano apud Scaligerum in Excerptis Veterum Græcorum*, sub finem operis Eu-

sebiani p. 360. Ipsi *Ensebio*, sive interpreti Hieronymo, *Ninyas Zameis*, *Justinus lib. I. c. 2. §. II.* & *Diodor. Sicul. lib. II. c. 21.* scribunt, bellandi studio & periculorum audaciâ matrem nequaquam imitatum, in regiâ omne vitæ tempus exegisse; sic ut à nemine, præterquam concubinis & eunuchis, conspiceretur.

Ab hoc proximus *ARIUS*, inquit *Besoldus*. "Ageior vocat *Africanus* suprâ citato loco: Ab hoc Græcorum αἰγης, sive *Mars*. In quo nos confirmat non tam nomen, quàm auctor *Chronici Alexandrini* p. 88. 89: Post *Ninum*, inquit, *Assyriis* imperavit Rex nomine *Thurras*; cui pater *Zames*, idemq; ex *Rhæa* frater: *Martis noncen* indidit à planeta ejus nominis. En, *Mars* ille belliger Deus & ipse ex *Assyria* prodiit; & inter successores *Nini* fuit! Sed quod ait, successisse *Nino*, *Nini* urbis conditori; videtur confudisse *Nini* & *Ninyæ* regnum. Totus locus (p. 86. 87.) sic habet: *Ninus regni Assyriorum potens factus, urbem Niniven condit; primusq; in eadem regnat cum conjuge, ducta Semiramide matre in uxorem; quam & Rhæam nuncupabant. Nino successit in Assyriorum regno Thurras, cui Zames pater. Manifestum (quod dixi) confusos esse Ninum & Ninyam; nam Ninus senior Ninum condidit, & Ninyas matrem Semiramidem habuit; eandemq; conjugem, quod Apollodorus scriptum reliquit apud Photium Cod. CLXXXVI. narrat. 9. Quamvis alii diversum referant, Semiramidem cum concubitum ejus peteret, occisam. Separemus igitur separanda; & cum postrema de Ninya vera sint, ne successionem Assyriæ Regum aliter constituamus, quàm*

ut à quamplurimis Scriptoribus traditur. Unde nec illud probamus, quod *Zamem* diversum facit ab eo, qui Semiramidem matrem loco conjugis habuit. *Zames* idem qui *Ninyas*, Rex Assyriorum, Nini filius; quod ex Africano & Eusebio docuimus: Ergo idem, cui mater & conjux Semiramis. Non assentior *Vossio* lib. I. de Idololat. c. XVI. p. 126; qui apud auctorem Chronici Alexandrini legit Ζάμης, sive Ζάμ; quæ sit antiqua *Jovis* appellatio. Ut illud facile concesserim, *Thurræ* patrem *Jovem* fuisse dictum, sicut ipse *Mars* fuit; ita propter Africani & Eusebii descriptionem locum Chronici Alexandrini, cum iisdem comparatum mutare non licet. *Arii* (qui idem cum *Thurræ*, sive *Marte*) pater & antecessor *Zameis*, aut *Zames*. Unde illud potius suspicer, Græcos posteriores à vetustissimo Assyriorum *Zamei*, vel *Zame* habuisse, appellationem *Jovis* Ζάμ: Literas enim μ & ν sæpe mutantur pro arbitrio suo. Sed quæ tandem res gestæ *Arii*, sive *Thurræ*, sive *Martis*? Addit Chronicon, fuisse acerrimum bellatorem, qui expeditione contra *splagas Arctoas* susceptâ *Caucasum* quendam, è stirpe *Japeti*, filii *Noæ*, bello aggressus interfecerit; ejusque regnum invaserit: Atque in *Thraciam* progressus ibidem extinctus sit. Stramineus Berosus ait: *Bactrianos* & omnes *Caspios* sibi subjecisse, quod figmentum *Besoldus* utriq; Synopsi inseruit. Id igitur vos expungere & inter narrationes transmarinas referre velim.

Arium excepit *ARALIUS*, ut scribit *Africanus* & *Eusebius*; *Besoldus* ingenio & studio clarum fuisse tradit, sed rursus ex *Aniano Beroso*; quem toties nominare piget pudetq;.

Aralio

Aralio successit XERXES, quem *Balaum* cognominatum, auctor est Eusebius; sed nihil tale Africanus, quem ille ubique ferè compilavit. Hic rursus *Besoldus* fabulas Annianas vendit, Balæum plurimas gentes perdomuisse, & suas fines ad Judæam usque produxisse. Ideoque *Xerxem*, id est, *bellatorem* & *triumphatorem* fuisse cognominatum. Has laureas ut *Viterbiensis Monachus* comportaret, occasionem illi præbuit, cognomen Xerxis apud Eusebium lectum. Inter Reges, quos *Schickardus in Tarich. p. 37.* recenset ex Orientalium scriptis, & in Assyria rerum potitos existimat, fuisse *Tabmuraths*; qui à victoriis & strenuitate sua *Diuband*, id est, *Demonis lictor* cognominatus sit: At quis affirmare sustineat, eundem esse cum Xerxe nostro?

Post Xerxem Assyriorum Rex fuit ARMAMITHRES, juxta Africanum & Eusebium. *Nugarum architectus*, *Annius*, ut aliquid de hoc loqueretur (quem ne nominare quidem potuit; vocat enim *Armatriten*, secutus, ut arbitror, vitiosam lectionem Codicis Eusebiani) magis ad voluptates & delicias conversum scribit; & ea, quæ ad libidinem spectant, invenisse, vel inventa ampliâsse. In hac palude piscatus est *Besoldus*, ut apparet.

Armamithris successor, BELOCHUS, quid gesserit, me quidem latet; quamvis antiquitatem diligenter consulero. *Besoldo* hinc quoque *Anni* protervitas illudit, ut diceret, maximè circa auspicia & divinationes fuisse occupatum. Miseret me literarum, quæ illi ad hæc figmenta (quibus historiæ majestas traducitur) subserviêre.

Belochus

Belocho successorem dant BALEUM, de quo *Besoldus* ex *pseudo-Beroso* nugari pergit, alteram à Semiramide virtutis & industriæ militaris laudem habuisse; atque doctorum hominum scriptis valdè celebratum fuisse. Nos ne unum quidem elogium ex omni antiquitate de hōc Rege citare possumus.

Post Baleum SETHUS, Africano, ALTADAS Eusebio. Sed & hīc Anniani commenti laciniam Synopsi suæ affuit *Besoldus*, dicere solitum Altadam: *Stultum esse, multis defatigari laboribus; & variis implicari curis, amplificandi regni gratiā &c.* Nos æquè stultum arbitramur, amplificandi nominis causa scandere in alienos fines, & historiam veterem scribere historiæ veteris rudem.

Post hunc apud Eusebium & Africanum, reperio MAMYTHUM; *Besoldus* antiquum obtinens, belli curam ab hoc Rege rursus excitatam scribit; ejusque potentiam Syris & Ægyptiis suspectam fuisse. Verum & hæc sunt è Viterbiensi tripode.

In ASCHALIO, ut Africanus vocat, sive MANCHALEO, ut Eusebius; *narrandi argumentum deficere*, conqueritur *Besoldus*: Scilicet; quia *Berosus* hypobolimæus (à quo auxiliares copias hætenus in promptu habuit) præter expectationem hīc conticescit.

At in SPHÆRO (qui post *Manchaleum* Rex Assyriorum fuit) rursus poetica tibiâ canit Annius, canit & *Besoldus*; virum illum fuisse magnâ virtute ac prudentiâ.

MAMYLI, ut legitur apud Africanum, sive
MAMI-

MAMITI, ut apud Eusebium, eadem fortuna, quæ Manchalei modò fuit: Hujus, inquit *Besoldus*, nullum facinus commemoratur; nam & hîc *Iudionem præsul-
tor Annius destituit.*

SPARTHEUM post hunc Regem nominat Africanus, SPARETUM Eusebius, quem secutus est Annius; sed ex ingenii sui promptuario adjicit, *sub hoc cœpisse miranda in orbe.* Digna hæc sunt Anniano seculo, quo *miranda in omni historiâ Monachali* utramq; paginam faciebant. Nostro, quo densa illa nox papalium temporum discussa est, & veritas longè lateq; explicavit jubar suum; aliter loqui decebat. At nihilominus hoc etiam emblemate *Besoldus* utramq; Synopsin vermiculatam esse voluit.

ASCATADES ultimus est, quem nominat pseudo-Berosus; & sanè nos magnâ molestiâ liberat, quod impostorem calamum, manumq; à tabulâ hîc submovit. Ipse namque *Besoldus ex Anniana culcitra*, cui tam suaviter hucusq; indormivit, *sustulit caput*; & postquam fabularum hamaxarius sese exoneravit, *ivit ad alios, hant paullo melioris fidei.* Verba sunt: *Ab hoc (Ascatade) viginti Reges à quibusdam nume-
rantur ad Sardanapalum, tricesimum octavum Assyrio-
rum Regem.* Eumque Vellejus tradit, à Nino & Semiramide loco trigesimo tertio (*levi numerorum ab a-
lais, quos sequimur, variatione*) natum. Sic, ut semper successor regni paterni filius esset. Eusebium hîc sequitur, qui à Nino ad Sardanapalum Reges XXXVI. numerat. His *Besoldus* adjicit *Nimrodum & Belum*; sed *Africanus, quem Eusebio præferunt eruditissimi Viri,*

Viri, *Sardanapalum*, quadragesimum primum facit à Belo, Nini patre. Idem ab *Ascatade* numerat Reges XXIV. quorum nomina sunt hæc: AMYNTAS, BELOCHUS, BALATORES, LAMPRIDES, SOSARES, LAMPARES, PANNIAS, SOSARMUS, MITHREUS, TAUTAMUS (qui & TEUTANES) TEUTÆUS, ARABELUS, CHALAU, ANABUS, BABIUS, THINEUS, DERCYLUS, EUPACMES, LAOSTENES, PYRTIADES, OPHRATEUS, EPHACHERES, ACRACARNES, TONOSCONCOLEROS, qui & SARDANAPALUS. Quod *Vellejus* ait, semper successorem Regni paterni fuisse filium, nescio unde hauserit. *Agathias* lib. II. p. 55. auctor est, in duabus familiis stetisse Assyriorum regnum: Nini & Semiramidis posteris, inquit, ad Belum usque Dercetada filium regnarunt. Cum enim in hoc Belo Semiramicæ stirpis successio desineret, Belitaras quidam nomine, vir insitor, & hortorum (qui in regiâ erant) curator ac magister, imperium sibi mirâ ratione vindicavit, suoq; generi iniecit; quemadmodum Bion & Alexander Polyhistor memoria prodiderunt. Hæc *Agathias*. Qui per Belum intelligere videtur Belochum, Amyntæ successorem; & per Belitaras Balatorem Africani: Et si filius semper successit patri, secundum Africanum *Acracarnes* pater est *Sardanapali*; vel secundum Eusebium *Ocrzapas*. At ipse in sepulchro suo se dixit *Anacyndaraxis* filium; alii *Anabaxeris*, vide *Athenæum* lib. XII. p. 528. 529. Nisi unum Regem de versis Scriptoribus aliter atque aliter appellatum

tum dicere volumus, vixerit; ut Vellejo, vel alii (unde Vellejus haufit) fidem commodemus. Sed five unius, five duarum familiarum imperium fuit, in *Sardanapalo finitum est*.

Sardanapallum scribi debere, ex Scaligeri notis ad Eusebii num. 1178, docet Bernegg. ad Justin. lib. I. c. 3. §. 1. Addi velim eundem Scaligerum in *Priapeja* p. 211. Schickardus hunc in Orientalium scriptis *Zabum Nodharem*, ex fratre *Tahmasb* nepotem, describi putat, in *Tarich* pag. 41. 43. Vocatur enim in iisdem *gulosus, comessator, heluationi deditus*; in quo linea defecerat. De hoc eodem fragmentum istud extat apud Nicolaum Damascenum in *Excerptis Peiresc.* p. 424: *Sardanapalus Assyriorum Rex à Nino & Semiramide originem ducens, assidue intra palatium, in urbe Nino degebat; neque arma tractans unquam, neque venatum egrediens, more superiorum Regum; sed faciem liniens, atque oculos pingens, & cum pollicibus impliratione crinium contendens* (ita vertit illustris Salmasius in *epist. de Casarie virorum, & coma mulierum* p. 561. perperam Henricus Valesius, & comæ compositione contendens) *prorsusq; muliebri diffluens molli- tie. Scribit Athenæus lib. XII. p. 529. cerussa oblitum, muliebriter vestitum, cum pellicibus carminantem purpuram, ac sedentem pedibus porrectis, in altumq; sublati; tinctis fucis superciliis, muliebri stola indutum; levigatâ pumicis attritu facie, colore quàm lactis candidiore conspectum ab Arbace; cum à Parameize eunucho videndi copia facta esset. Igitur indignitate rei motus vir magnaminus, adscito in com-*
militium

militium *Bélesi*, Chaldæorum nobilissimo, apertè deficit; & quamvis ter victus, ad ultimum totum exercitum Sardanapali interneccione delet. Ipse Rex ferè per triennium obsessus, cum longam murorum partem inundatio fluvii dejecisset; spe retinendæ urbis & imperii deposita vitam per infames voluptates & omnis generis deliciis actam, spontaneo vivicomburio finit. Legendi *Diodorus lib. II. c. 24. 25. 26. 27. Nicolaus Damascenus in dictis Excerptis. Agathias lib. II. p. 55. Athenæus d. I. Justinus lib. I. c. 3. & alii.*

Hic finis primæ Dynastiæ Assyriorum fuit, cum stetit annis mille trecentis; & quod excurrit. *Strabo lib. XVI. p. 737. simul everfam scribit Ninum, at Scaliger ad Eusebii num. 1213. & 1398. Ninum excisam negat; saltem enim vult dominum mutasse, imperio ad Arbacem translato; & hoc ipsis contigisse, quod Jonæ comminatione ad Deum conversa jejunium publicè indixerit: Jonam enim ipsum ad Nini-vitas venisse, cum Sardanapalus regno potiretur, ibidem existimat.*

Quærere tamen hîc quisquam possit, quidni & *Sardanapalus* conservatus est, cum *Nini regem* etiam in cineribus pœnitentiam egisse sacræ literæ doceant? ne quid dissimulem, vix mihi persuadeo, de Sardanapalo Scripturam explicari debere; nec tamen ad rationem temporum aliud statuere possum, quàm regnante apud Assyrios Sardanapalo, Jonam venisse Ninum. Dicam hâc de re sententiam meam, ut audiam, quid judicent peritiores: Vivo Sardanapalo, alius etiam Rex in urbe Nino regnabat. *Athenæus*

lib. XII. p. 529. Sardanapalus filios tres, filiasq; duas (res suas in pejus ruituras cùm præsensisset) ad Ninum Nini Regem ante miserat, cum tribus millibus talentorum auri. Turbat quidem *Diodorus Siculus lib. II. c. 26.* qui Sardanapaliliberos missos scribit ad *Cottam*, Paphlagoniæ præfectum; sed verum mihi dicere videtur *Athenæus*, & juvat ejus narrationem ipse *Diodorus*; cùm è Ctesia Sardanapalum alibi quàm in urbe Nino periisse scribit. Unde suspicari libet, aliquando sedem Assyriaci Imperii fuisse in alia civitate, quàm Nino; & Ninum alterius potestati commissam, de quo interpretandam censeo Scripturam. At seponamus hoc; illud ex *Ammiani Marcellini lib. XXIII. p. 251. edit. Vales.* certissimum, *Ninum* adhuc integram fuisse *Juliani ævo*; sub quo Ammianus vixit.

Mortuo Sardanapalo, inquit *Besoldus*, monarchiam *Arbazes* & *Belochus* inter se partiuntur; & *Belochus* quidem *Babyloniæ*, *Arbazes* verò *Medorum* atq; *Persarum* Rex factus est. *Belochus* post hanc mutationem primus *Assyriorum* Rex, *Manahem* Regem *Israëlis* vectigalem sibi fecit. Hanc sententiam suam repetiit in *Synopsi* majore; sed hic rursus animadvertite, ducem ac doctorem habuisse non bonum pseudo-*Megasthenem*, eundem, qui *Berosum* fabricarat; sed cùm inscitus opinaretur, perinde esse *Metasthenem* dicas an *Megasthenem*; spurio partui spurium nomen imposuit. Falsissimum est, quod ait, tempore *Arbaces* bipartitam fuisse Monarchiam: Unus Monarcha fuit *Arbazes*, cujus beneficio non partem Monarchiæ, sed Satrapiam *Babyloniæ* obtinuit *Belesis*. *Diodorus Siculus*

*culus lib. II. c. 24: Arbaces, laudato Viri consilio, σα-
ραπειαν τῆς Βαβυλωνίας, Babyloniam præfecturam (si
res felicem habitura esset eventum) ei despondet. Et
mox c. 28: Nec traditam initio in Babylonios præfectu-
ram homini ademit. Absurdum igitur est, è Satrapâ
& beneficiario facere Monarcham: Nec aliter fuisse
sub Arbacis successore, nos docet Nicolaus Damasce-
nus in Excerptis Peirescianis p. 427. ubi refert, Par-
sondam, virum robore & animi magnitudine singula-
ri, cum Nanybrum Babyloniam præfectum in aures ge-
stantem, ac propè rasum, prorsusq; effœminatum ac
imbellem videret; à Medorum Rege petiisse, ut Re-
gnum Nanybro ademtum sibi concederet. Satis ma-
nifestum, Babyloniam five præfecturam, five regnum
tùm fuisse sub potestate Medi; Regemq; , vel Satra-
pam Babylonis nihil aliud, quàm clientem ac preca-
rium. Et similem fortasse Satrapam, extincto Sarda-
napalo, Nini creavit Arbaces. Ac quemadmodum ar-
biter ille rerum humanarum nil stabile aut firmum esse
voluit, præter ipsum,*

- - - uni Deo

nunquam senectus, atra nec mors imminet;

Sed alia miscet domitor ætas omnia:

*Sic ingens illud imperium, quod integrum invasit, in-
tegrum administravit solus Arbaces; aliquantò post
in aliquot lacinias discerptum est. Nam & Assyrii &
Babylonii à Medis deficientes, novi & liberi regni
(quod non amplius dependeret ab arbitrio Regum
Mediæ) auctores fuerunt; ita uno tempore unius
Monarchiæ tres partes reperire licet in historiâ sacrâ*

Dij

& præ

& profanâ : *Assyriam*, *Babylonicam*, & *Medicam*. Tangit hos primæ Monarchiæ motus & dissidia *Orosius lib. I. c. 19.*

Ex Assyriis, qui à Medis defecerunt, de nomine primum novimus PHULLUM, è *II. Reg. 15.* & *Joseph. lib. IX. Antiq. c. 11.* Isque Manahem, Israël Regem, armis eò redegit; ut pacis redimendæ, & confirmandi regni offerret *mille argenti talenta*, id est, *quindecies centena florenorum millia*. Cùm autem hujus regnum ab interitu Sardanapali distet integro seculo (vide præter alios *Calvisium in anno mundi 3180.*) cùmq; *αὐτὸν ἐγὶ τῶς* ipse fuerit (bellum enim Israëlitis intulit, non facturus, si quidem Medorum imperio subjectus fuisset) vel hinc constat, quàm in historiâ Assyriorum nihil ferè sani, aut veri loquantur vel Besoldus, vel alii; qui *Belesin* Diodori, Arfacis *συγγεγον*, eundem faciunt cum *Phullo*.

Huic successit TEGLATH-PHAL-ESAR, ut Scaligero describitur *ad Eusebii num. 1178.* TEGLATPHALASSAR *Joseph. d. l. IX. c. 11. & 13.* Hic est, qui expugnatâ *Damasco*, & occiso *Rase*, *Damalcenos in superiorem Mediam* traduxit. Sed ante Israëlitas quoque aggressus *tribum Nephthali*, in Assyrios *captivam* abduxerat.

Post hunc Reges Assyriorum fuerunt JAREB & SARGON; quos excepit SALMANASSAR, qui *Samariam* expugnavit, & excidit A. M. 3227. Populumque Israëliticum in *Medos*, *Colchos*, *Indos* atque *Æthiopes* miserabili ac perpetuâ servitute disperfit. Nunquam hæ tribus in patrium solum redierunt,

runt, aut conjunctæ Judæis sunt; sed inter barbararū gentium imperia, etiam hodie, improbæ defectionis graves pœnas ex solvunt, ut ex *Josephi lib. II. Antiq. Jud. c. 5.* docet *Cunæus lib. I. de Republ. Hebr. cap. 8.* Unde satis apparet, quantum illo tempore attenuatum fuerit *Medorum* imperium; cujus tantam partem obtinuit *Salmanasser*.

Eo mortuo, regno Assyriorum potitus est SENNACHERIB, clade divinitus immissâ, cum Ezechiam Regem pientissimum bello premeret, notissimus. Occiso successit ASARHADDON, quod solum è sacris literis, & fragmento genuini *Berosi*, apud *Joseph. lib. X. c. 2.* novimus; cui ASARCHODDAS dicitur. Quo fato perierit, quemq; successorem habuerit, non constat.

Besoldus furfure & quisquiliis *Pseudomegasthenis* nos pascit, cum ait: *Merodach autem, Babylonie præfectus, hisce turbis defecit, vicinas gentes, partim gratiâ, partim vi paulatim ad se transfert. Indicit bellum; & duodecimo sui Regni anno Asarhaddone devicto, totum Assyriorum Imperium Babylonis adjunxit.* Hæc *Besoldus*, à vero prorsus alienus; quia *Pseudomegasthenes* post *Asarhaddonem* Regem constituit MERODACHUM: Hinc illa somnia de everso per Merodachum Assyriorum regno. Nos scimus aliquot ætatibus post Merodachum cecidisse alteram illam Assyriorum Dynastiam: Nam A. M. 3312. hoc est, 78. à missâ legatione Merodachi ad Ezechiam, *Phraotes* Assyrios bello aggressus est; & anno 3345. integro seculo post Merodachum *Cyaxares* iisdem bellum

intulit, Ninum obsedit; & tandem expugnavit. Videndus *Calvisius* in *iis annis*, & conferendus *Herodotus* in *Clio*. *Ioseph.* l. X. c. 3. scribit: *Circa eadem tempora imperium Assyriorum per Medos destructum est.* Meminit hujusdam excidii *Jeremias*, cap. L. & *Ezech.* c. XXXI. & XXXII. Everloribus licet haud nominatis. Igitur *bis peccant* cum *Besoldo*, qui *Affarhaddonem* ultimum faciunt, & qui *regnum Assyriorum* eversum volunt à *Merodacho Babylonio*; cum centum & amplius annis post *eversum* sit, ductu & auspiciis *Medorum*.

Accedit figmentum tertium de causâ defectio-
nis *Merodachi*: Cum fratres, *Sennacheribi* filii, bello ci-
vili sese attererent, interim *Merodachum* rebellasse.
Quali verò *Merodachus* auctor Dynastiæ novæ Ba-
byloniorum, vel Chaldaeorum haberi debeat? Immo
sic res habet: Quemadmodum ab *Arbaci* *Medi* suc-
cessoribus *Assyrii*, sive *Phullo*, sive alio duce defece-
runt; sic aliquando post in libertatem sese vindicâ-
runt *Babylonii*, non *Merodacho* duce, sed *Nabonaf-
fore* A. M. 3203. Regnabat tùm apud *Medos Articas*,
quartus ab *Arbaze*; apud *Assyrios*, ut opinor, *Teglath-
phal-esar*.

Hæc est altera Dynastia Babyloniorum post di-
luvium; cùm prior à *Nimrodo* cepta in posteris ejus
desisset, tùm ab *Assyriis*, tùm ab *Arabibus* extinctis.
Quot deinde *Nabonassari* successerint, eos recensebo
ex *Claudio Ptolemæi Canone*; quem beneficio Docto-
ris *Overalli* & *Angli* omnium emendatissimum habuit
Calvisius; & publicavit in *Isagog. Chronolog.* c. II. ex
quo

quo nemini non apparebit, *Besoldum* in primâ Monarchiâ *nihil scivisse* ; nihil etiam subsidiorum acquirere sibi voluisse , ut juventuti ea traderet, quæ ætatem ferre possent. *Nabonassare* igitur Chaldæorum Rege mortuo, successit NASIUS A. M. 3218. Exin bini, CHINZIRUS & PORUS A. M. 3220. Pulsis à subditis , DILULÆUS [vel rectius JUGÆUS] sufficitur A. M. 3225. Post quem regnare cœpit MARDOCEMPADUS A. M. 3229. Hic *Mero-dach* parte prioris nominis sui *Esaïæ* Prophetæ dictus (anno septimo imperii sui) *legatos ad Ezechiam* Regem misit. *Baladam* vocat *Berosus* apud *Joseph. lib. X. c. 3.* Eum excepit ARCIANUS A. M. 3241. Quo post quinquennium mortuo *biennium interregnum* fuit, id est, ab A. M. 3246. usque ad annum 3248. quo regnum Babylonicum suscepit BELIBUS in optimo exemplari dictus; sed BELITHUS *Scaligero*. Belibum A. M. 3251. secutus est APRONADIUS, *Scaligero Apronadorus*. Apronadium RIGEBELUS, *Scaligero Herigebalus* A. M. 3257. Rigebelum MESESSIMORDACUS A. M. 3258. *Scaligero Mesnoëmandacus*; quo defuncto A. M. 3262 rursus *interregnum* fuit annorum solidorum octo. Tum (anno scilicet M. 3270.) Babylonii Regem habuerunt ASSARADINUM, *Scaligero Jeraeden. Assaradonem*, Sennacheribi filium, existimasse videtur *Dionysius Petavius part. I. lib. II. Rationarii Temporum. c. 2.* sed nomini & rationi temporum his minus roboris inesse reor; quàm ut *Assyrium & Babylonicum* regnum hoc tempore *conjungam*, & sub uno

fuisse credam. *Diversos Reges* (ut dixi) simul habuit *Assyria, Chaldaea, Media*. Tum & *Assyrii* parum æquos habuisse videntur *Babylonios*, quod ex legatione honorificâ Mardocempadi ad Ezechiam Assyriorum hostem, tum ex *Joseph. lib. X. c. 6.* colligi potest; ubi observo, *Medos* in destruendo *Assyriorum* regno à *Babyloniis* adjutos fuisse. Quæ nationum illarum diffidia eò me deducunt, ut *Assaradinum* istum *Babylonium* omninò distinguam ab *Assaradone Assyrio*.

Post *Assaradinum* *Babyloniis* imperavit A. M. 3283. SAOSDUCHEUS; & A. M. 3303. CHYNI-LADANUS, quorum alter *Saosducinus*, alter *Riniladachus*, Scaligero corruptè dicitur. Hinc A. M. 3325. regnum Babylonicum longè clarissimum indeptum esse NABOPOLASSAREM, patrem *Nabuchodonosoris*; qui per filium A. M. 3342. *Pharannem Necho* ad Euphratem magno prælio devicit, & *Tyrum* obsidere cœpit. Moritur A. M. 3346. relicto successore NABUCHODONOSORE. De hoc jam credere possumus, quæ *Besoldus* scribit in utrâq; Synopsi; nec quisquam ignorat, qui sacrae lectioni deditus. Hic enim ipse, qui *Joakimum*, Regem Judæ, captivum abduxit *Babylonem* A. M. 3349. expugnavit *Hierosolyma* A. M. 3360. expugnavit *Hierosolyma* A. M. 3360. d. 4. *Julii*, destruxitq; templum, anno eodem d. 4. *Augusti*. De hujus successoribus ut dicam in cap. seq. facit *Besoldus*.

Jam & de successoribus *Arbaces* dicendum est, quorum fuit *tertiæ partis* in monarchia primâ possessio, ARBACE, qui *Sardanapallum* evexerat, mortuo,

mortuo, A. M. 3105. successit MANDAUCES filius. *Diodorus Siculus lib. II. c. 32.* è Ctesia, quem ibidem eò lubentius secutum se profitetur, quod è Regiis Persarum membranis studiosè indagârit Symbola.

Mandaucis successorem reliquit A. M. 3155. SOSARMUM. *Diadorus* ibidem. Ab hoc defecisse mihi videntur Assyrii, indignati Orientalis Imperii sedem à sese in Mediam translata.

Sosarmo A. M. 3185. succedit ARTICA. *Diodorus d. l.* Sub hoc Nabonassar Chaldaeos suos ad fastigium summæ majestatis evexit.

Post hunc regnare cœpit A. M. 3217. ARBIANES, & A. M. 3239. ARTÆUS, vel ARSÆUS, qui & Dejoces dicitur. Hujus tempore, cùm jam liberum regnum fuerit Babylonicum, non capio, quomodo *Nanybri* Babylonii regnum precarium sub Artæo *Nicol. Damascenus* referat? Locum jam suprâ citavimus. Credebam ea, quæ *Damascenus* scribit, contigisse sub Mandaucis: Ait enim, *Parsondam* Babylonæ præfecturam sibi petiisse à successore Arbæcis; ut videatur successorem proximum intelligere. Sed impedit *Diodorus Siculus*, qui *Parsondam* vixisse scribit sub Artæo, quinto Medorum Rege. Explicabunt hoc mihi, qui sagacioris sunt nasi, & ingenio fidunt. Illorum erit *περὶ μὲν*.

Artæi, sive Dajocis filius, ARTINES fuit, idemq; Phraortes dictus; ad quod regnum descendit A. M. 3293. Sub jugum misit Persas; & cùm armis Assyrios peteret, occiditur A. M. 3314. ASTIBARUS, qui & Cyaxares, parentis mortem ultu-

rus, bellum cum iisdem continuat; Ninoq; expugnata, secundam Assyriorum Dynastiam simul excidit. Idem cum *Halyatte*, Lydorum Rege, bellum gerit atrocissimum; quod Scythas transfugas recepisset, ac demum post quadragesimum regni annum, sive A. M. 3355. fato fungitur.

Succedit filius APANDAS, Græcis *Astyages*; qui filiam *Mandanem* in matrimonium dedit *Cambysi*, modicæ fortunæ viro; ut paterna humilitas nepotem, à magnarum rerum molitionibus revocaret. Somniârat enim *Astyages* ex naturalibus filiæ *vitem enatam*, cujus palmite omnis Asia obumbraretur; hinc regni sui destructionem metuens, ut fatum averteret, filiæ partum opprimendum censuit. Frustra! *materiam & alimentum præbet fato, qui obnititur.* Nam, ut inquit *Nicephor. Gregor. lib. VII.* hoc tale est, ac si quis ignem metuens adibus jam circumdatum, non extinguat eum; sed sarmentorum fasces aggerat, & oleum affundat: Aut si quis, furente Boreâ & tempestate, exiguâ fragiliq; cymbâ contra fluctus per eos eluclari conetur. Exemplâ infinita sunt, quæ confirmant; quò magis homines impedire progressus eorum nitebantur, quos cœlestis providentia magnis destinârat imperiis; eò faciliorem ipsis ad præfixam divinitus metam perveniendi viam stravisse, quæ sunt verba *Leunclavii l. 1. Hist. Muselm.* Sic *Astyages*, cum nepotis cædem imperâisset *Harpago* (cui secretæ regiæ domus innitebantur) deceptus est. Veritus hic, ne pœnam obsequii lueret, si *Astyage* mortuo *Mandane* rerum potiretur, non necat; sed pastori regio exponen-

exponendum tradit. Quid multis? hæc omnia notissima sunt; *Justinus l. I. c. 4. 5. Herodot. l. I. Val. Max. lib. I. c. 7.* Sed qui oscitantia manifestus est, cum scribit: *Astyagem* nepotem suum *Cyrum* è *Mandane* filia (quod *Asia* dominatum fatis ei destinari per somnia cognovisset) exponi jussisse. Imò *jussit occidi, non exponi*; & quod *Harpagus* contra mandatum exponendum tradidisset, *filium* ei *epulandum* apposuit. Causa errori *Valerio* fuerunt illa *Herodoti* antecedentia, non bene expensa: *Hic itaq;* (*Mithridates*) *accersitus prope, cum venisset, inquit ad eum Harpagus: Jubet te Astyages hunc capere infantem, quem in desertissimo montium exponas, ut celerrimè pereat; & hæc, ut tibi dicerem, mihi injunxerat.* Hæc ita simulabat *Harpagus* se accepisse, non acceperat. Sed è recentioribus ad eadem offendisse deprehendo *Just. Lipsium*, & *Job. Cluverum*: Alter in *comment. ad Senecam l. de ira o. 15.* auctorem illum notat, quod *Harpagus* regiae crudelitatis causam ignorarit, quæ fuerit; quod *Harpagus* jussus *Cyrum*, *Mandanes* filium, exponere in deserto monte, per alium id exsecutus, alium successum habuerit; atque ita rem narrari *Herod. lib. I.* Alter in *Epitome Historiarum p. m. 63.* eodem planè modo: *Cyrum*, inquit, *infantulum*, si *Herodoto* fides, *avus* exponi jusserat. Intolerandum in utroque, *Herodotum* tam negligenter & legere & citare.

Sed hæc ἐν παρόδῳ. In *Astyage* Regnum Medicum finitum est, cum illi per XXXV. annos præfuisset, de quo casu dicam *cap. seq.* Mihi ferè accidit, quod figulo, qui urceolum instituerat; currente rotâ vidit
ampho-

amphoram exire: Vel quod aliis, quibus fictilem cur-
rum Tarquinius formandum locaverat; nam his
ita crevit inter flammās, ut ad eximendum necesse
fuerit, fornacis culmen dejici. Eodem modo, sub
scribentis manu insperatum incrementum cepit hoc
caput, & propositi nostri modulum egressum est.

CAPUT IV.

*Evilmerodachus successor Nabuchodonosori.
Neriglissar non Rex, sed tutor Regis. Igitur
verus Evilmerodachi successor Belzasar. Hic
fustibus occisus in convivio. Figmentum de
Babylonis obsidione, cum occideretur Belza-
sar. Darius Medus successor Belzasaris nec
Astyagis filius fuit, nec Rex Medorum. Iose-
phi auctoritas, quam Besoldus sequitur, reje-
cta. Berosi fides major in rebus Babyloniis.
Belzasar idem cum Laborosardacho: Astya-
ges ultimus Rex Medorum, non alius.*

NABUCHODONOSORO MAGNO suc-
cessit A. M. 3389. EVILMERODACHUS,
sive Evelmaradochus, filius; ut scribunt
*Berosus apud Josephum lib. I. contra Appionem, & Me-
gasthenes apud Eusebium lib. IX. de Prepar. Evangel.
c. 4. Ptolem. in Canon. Ilvarodanus. Cum sceleratè
& lascivè præflet, post biennium insidiis Neriglissoro-
ri, sive Neriglissaris, sive Niricassolassari, sive Niglisar-
is (is sororem Evilmerodachi in matrimonio habe-
bat) opprimitur.*

Regnum

Regnum capeffit ipfe Regis interfectoꝝ, **NERIGLOSSORORUS**, Besoldo Affur, vel expſeudo-Megaſthene Regaffar; ſed cùm non eſſet ſtirpis regiaꝝ, id ſaltem tutorio nomine adminiſtravit. Hinc *Daniel* Evilmerodacho ſtatim ſupponit Belzaſarem, omiſſo Nerigliſſare.

Hujus igitur Nerigliſſaris filius, & Nabuchodonofori nepos, è filia Nitocrade **BELZASAR** verus & legitimus imperii Babylonici hæres, poſt *Evilmerodachum* cenſeri debet. Et initium regni ejus conſtitui A.M. 3391. Non multò plus quatuor annis imperavit, ut computant eruditiores Chronologi. Occiſus eſt ab amicis, ut auctores ſunt *Berosus* & *Daniel*; quos adhibuerat convivio, qui antea de eo interficiendo conſilium inierant, conſpirationis Duce *Nabonido Medo*.

Genus mortis exponitur à Beroſo: *ὑπὸ τῶν φίλων ἀπετυμπανίσθη*, ab amicis tympanis interfectus eſt. Id explicat *Scaliger lib. III. Can. Iſag. p. 291.*, & ad *Eusebii num. 1431. p. 85.* è Grammaticis Græcis, *tympanum* eſſe lignum, quod etiam *ſcytalen* appellent. Hinc qui *Siculis* & *Argivis* olim *σκυταλισμός* dictus eſt. Romani *fuſtuarium* vocant. Nimirum quod amici illi in convivium veniſſent inermes τὰς τυχόντες ὅπλα, id eſt, telo, quod fors objecit, ligno aut ſcamno, aut tale id genus, Regem adoleſcentem oppreſſerunt. At *Daniel* genus mortis non exprimit, ſed convivii tantùm nocturni mentionem facit.

Fabuloſum eſt, quod multi ſcripſerunt, **DARIUM** Medum invaſiſſe regnum, & adjutore *Cyro* Babylo-

Babylonem expugnâsse ; mox victorem regnum cum Cyro divisisse. Immò *Darius* vel à populo, vel procerum factione creatus Rex fuit, quod apertè dicit Berosus. *Daniel* de successione ejus hoc modo post cædem Belzari: Δάρειος ὁ μὲν ἀναδέξατο ἀρχήν. Id est: *Darius Medus accepit regnum.* Chaldaicè: *alio tradente accepit.* Quamobrem non feliciter *Besoldus*: *Hoc* (scil. Belzafare) *interfecto, Imperii summa ad Darium Medum est translata.* Sed in eo sententiam sequitur, quam insania plebejorum Chronologorum commenta est, cùm ait: *Hunc esse Cyaxarem filium Astyagis.* Darium Medum Astyagis filium facit *Joseph. d. l. X. c. 12.* Sed ex conjectura, & recedens à Beroso; quem etiam hîc sequi debebat. Ut de rebus Moscorum Moscis non inviti omnes credimus, Turcis de rebus Turcorum, Japonibus de rebus Japonum; neque ulla tam barbara gens est, aut fera, cui propriam suarum rerum historiam narranti, non plus fidei sumus habituri, quàm cuivis extero & alienigenæ: (verbis *Casaub. ep. 170.*) Sic quod de Babylonis refert Berosus Babylonis, pro vero accipimus; dum contrarium probetur, quod omittit, omittimus etiam nos. *Propheta c. IX.* est Οὐράρης ἐκ γένος μηδικῆς, id est, *filius Xerxis de semine Medorum.* Hunc *Xerxem* *Josephus* hariolatus est eundem esse cum *Astyage*: At *Propheta* neque *Darium Medorum* Regem facit, neque patrem ejus; è quo saltem id collegimus, patrem vel avum Darii, è Media venisse Babylonem; adeoq; *Darium*, *Medis* oriundum, & *Babylonis* inquilinum fuisse. *Astyagem* eundem esse cum *Xerxe*, Darii patre,

tre, quo argumento probabimus? Nullam virilis sexus sobolem habuisse satis patet. Credidit *Harpagus*, mortuo *Astyage*, Imperium ad *Mandanem* filiam futurum; quod quomodo potuisset, si filium habuit *Astyages*? quin hoc ipsum aperte negat *Orosius lib. I. c. 19. Justinus lib. I. c. 4. §. 7. Herod. lib. I.* Somniant alii, *Darium Medum* saltem adoptatum postea fuisse: Tot machinulae movendae sunt, ne destruat, vel pereat falsa thesis. Exin autem egregium istud argumentum malum est: Quia *Darius Medus* secundum *Josephum* est *Astyagis* filius, ergo idem cum *Cyaxare*; quem *Astyages* filium facit *Xenophon in Cyripad.* Sed scire debebant, imaginem quidem veri esse in illo *Xenophontis* opere; planeque confictum esse *Cyaxarem* illum. Verissime *Lipsius in not. ad lib. I. Politic. suorum c. 9.* scribit: *Laudatissimus ille Cyrus Xenophontis non habet locum, quem magis ad exemplum vitae, quam ad fidem rerum scripsit.* Adeundi de hac ipsa controversia *Scaliger d. lib. III. Canon. Isagog. lib. VI. de Emend. Temporum. Calvisius in Isagog. Chron. c. 29. Dionysius Petavius Ration. Temp. part. I. lib. II. c. 9.*

Nunc in viam redeundum est. **BELZASAR** idem cum *Laborosardacho*, quod ex *Beroso* & *Megasthene* constat: Faciunt enim *Laborosardachum* nepotem *Nabuchodonosori* ex *Nitoride* filia; ejusque successorem *Nabonidum*, qui idem cum *Dario Medo*. Nec nos offendere debet nominum varietas: Scire namque debemus, plerumque duum nominum fuisse Reges Orientales; aliterque appellatos, cum privati essent, aliter, cum ad imperium accesserunt. Diversum scribit

scribit *Iosephus*; sed qui jubetur hîc cedere Babylonîis & Persicis auctoribus.

Quamobrem hæc differentia est inter sententias nostras, & Besoldi, hoc capite: (1) *Evilmerodachum* regnâsse scribit annis 30. nos duobus. (2) *Labbassardachum* diversum facit à *Balthasare*; nos unum eundemque. (3) *Darium Medum Cyaxarem* vocat, & *Astyagis filium*, opinatur; nos *Cyaxarem fictitium* dicimus, deque *Astyage* statuimus; nullum reliquisse filium. Ex hoc illud etiam sequitur, non *Darium Medum*, sed *Astyagem* finiisse regnum Mediæ. Atque ita nihil offendimus veteres, quod adversæ sententiæ Scriptores facere necesse est. E veteribus *Herodotum* intelligo lib. I. *Iust.* lib. I. c. 6. *Oros.* lib. I. cap. 19. *Diod. Sicul.* lib. II. c. 34. Quorum omnium una assertio est, *Astyagem* à *Cyro* devictum, & imperium Medicum simul finitum esse; factum id A. M. 3390.

Excursus de Regnis notioribus, cùm
Assyrii, Babylonii & Medi re-
rum Orientis potirentur.

TROJANUM.

Trojanorum origo à *Dodanim*, *Iavani* filio, *Iapeti* nepote; & à *Thracibus*, & à *Creten- sibus*. Ipse *Dardanius* à *Dodanim*. *Scamandræ* sedes in *Phrygia*. *Samonis* uxor, & ejus calamitas. *Trojanorum Regum successio*. *Palladium* cælo delapsum tempore *Ilii*. *Troja capta*
sub

sub Laomedonte. Priami liberi. Trojam iterum captam sub Priamo, aliis tam non dubitatum, ut diem tradiderint; aliis contra. Troici belli scriptores Dares & Dictys; & quid de his judicandum sit? Populorum multorum vanitas in affectandâ Trojanâ origine. Ilii fortuna sub Romanis & ruina proavorum memoriâ superstites.

Quod genus Aeneadum, quis Troja nesciat urbem? Virtutesq, Virosq, & tanti incendia belli?

ait apud Virgilium *Aeneid. v. 569. 570.* Dido. Faciamus igitur, dum aliarum etiam nationum Reges commemorare libet, à tam nobilissimo per orbem terrarum regno, initium: Nam displicet, quòd Goropius Becanus disputat de origine Trojanorum, *lib. II. Hispan. Rerum*: Cùm Jonis, filii Japeti, nepotes maritima tenuerint, & hi quidem fuerint *Elisas, Tarsus, Citim, & Dodanim*; à Dodanim ortum videri Dardanum. Certè à Poëtis vetustis cognatio quædam inter *Dardanum & Tarsum* celebratur; quamvis Reinerus Reineccius *tom. III. Familiarum à Thirâ*, Japeti filio, Thracum patre, & *Thracibus*, originem Trojanorum repetat. Ipsum Dardanum è Samothraciâ venisse, communis consensus est.

Isaaci in Lycophronis Cassandram pag. 44. *Electra*, Atlantis filia & Jovis, inquit, *Jasion & Dardanus* filii fuerunt: Ex quibus *Jasion* Cereris amore captus fulmine percussus est. *Dardanus* verò exundatione factâ, è Samothracia ad oppositum ex alterâ ripâ collem enatavit, urbem conditurus. At Oraculo,

ne id faceret, monitus est, quod iste *collis Ata*, seu *Noxa*, facer esset; ideoq; ejus incolas infortunium maneret. Inde Dardanus ad alium *collem*, qui *Scamandrius* dicebatur, concessit, regnante tunc in Trojade Teucro, Scamandri & Ideæ Nymphæ filio; cujus Scamandri sororem *Batéam* nomine cum Dardanus in uxorem duxisset (quam Lycophron *Arisben* vocat) ex illa suscepit *Illum* & *Erichthonium*; quorum *Ilus* sine liberis vitâ excessit: *Erichthonius* verò ex *Astyochæ*, Simoëntis filia, *Troem* suscepit; *Trois* porrò & *Callirhoës*, Scamandri filia, *Ilus* & alii filii fuerunt. Igitur Dardanus in Scamandro colle *Dardaniam* urbem extruxit.

Posterioribus deinde temporibus *Ilus*, cum in certamine victoriam obtinuisset, assumtis juvenibus 50. & totidem puellis, *vaccam* quandam *vagantem* secutus est; quæ cum pervenisset ad *collem Noxa*, obsecutus Oraculo (quod jusserat, ut ubi vacca procubisset, urbem conderet) *Ilium* ibi condidit. Unde Dardanus abactus fuerat. Non exhibui in hoc Tzetzis loco versionem ad verbum, qualem *Berdrandus* dedit; sed alicubi recessi, secutus emendantem *Guilhelmum Canterum* lib. 1. *Nov-antiq. Lect. cap. 1.* Conferendus autem *Diodorus Sic. lib. V. c. 48. 49.* Sed hæc nihil obstant conjecturæ *Goropianæ*. Ut sunt gentium migrationes, è continente (ubi habitavit *Dodanim*) posterius migrârunt in insulam *Samothraciam*; & inde rursus in *Troadem*, velut antiquam patriam; ut Dardanus adhuc unus è posteris *Dodanim* haberi possit. Etiam *Cretenses* ibi sedes fixere: Nam
ante

ante Dardanum Scamander Cretensis (cùm Creta frugum inopiâ laboraret) cum parte tertiâ ad sedes exteras quærendas profectus est; ab Oraculo monitus, ibi eum habiturum sedes, ubi à terrigenis esset oppugnatus. Delatus ergo ad Phrygiam, cùm castra ad Idam posuisset, *mures* arcuum *nervos*, & scutorum *lora* arroserunt; quos Scamander hostes terrigenas interpretratus, ibi urbem condidit, & cum finitimis bella gessit, ut ex Trogo Pompejo refert *vetus interpres Virg.* qui est apud Petrum Danielem in illud III. lib. *Aeneid:*

Teucrus Rhæteas primùm est advectus in oras.

Adde Eustath. in Iliad. I. Bellum ejusdem Scamandri, & alia legimus apud Nicolaum Damascenum in *Excerptis Peiresc.* p. 443. Ibi, Scamander, qui primus Trojanis imperavit, Samonis (hic quoque Cretensis fuit) operâ usus, barbaros (qui Troadem incolebant) subegit: Samone autem in pugna interfecto, uxorem illius Dadan cum caduceatore misit, ut eo loci nuberet, cui vellet: Sed caduceator in itinere eam stuprat, statimq; mulier, impar tantæ calamitati, gladio mariti (quem secum habebat) seipsam transfixit. Quod ubi Cretenses comperere, caduceatorem eò ipsò in loco (qui vulgò *impudentia* appellatur) lapidibus obruerunt. Hæc Damascenus.

Porro à Scamandri filio, Teucro, Teucris appellati; qui & ipse ante Dardanum *Sminthium* extruxit. At Dardanus regnare cœpit A. M. 2471. octingentis (& quod excurrit) annis post diluvium. Alii Coriri filium asserunt, sed qui diligenter distinguendus est à

E ij

Corythos

Corytho, ejus meminit *Diodorus lib. IV. Bibl. c. 33*. Nam hic longè recentior, & *Laomedontis σύγχεο-υ*. Uxor, ut jam *Tzetzes* docuit, *Batea*, *Teucris* filia; quam duxit post *Chrysem*, *Balaantis* filiam; è quâ genuerat *Ideum* & *Timantem*, successores *Atlantis* proavi, in *Arcadico* regno; ut auctor est *Dionys. Halicar. lib. I. c. 61*.

E *Batea* est *ERICHTHONIUS*, qui *Dardano* patri successit A. M. 2536. Uxor *Callirrhoe*, *Scamandri* filia; ut vult *Dionysius d. l. c. 62*. *Astyoche*, *Simoëntis* filia, ut *Tzetzes*.

TROS, vel *TROUS*, *Erichthonii* filius, regnum suscepit A. M. 2582. *Trojam* condidit, & *Trojæ* nomen dedit. *Euseb. num. 649*: Τῆς Δαρδανίας ἐβασίλευσεν ΤΡΩΣ καὶ ἼΛΩ, ἀφ' ὧν Τρωῆς καὶ Τρωαίς, καὶ ἡ πόλις Ἰλίον. In *Dardaniâ* regnavit *Tros*, & *Ilus*; à quo *Troës* & *Troas*, & urbs *Ilium*. Ubi duos Reges miscet simul. *Trois* conjux secundum *Dionys. d. c. 62*. fuit *Acalis*, *Eumedis* filia: At secundum *Tzetzem* & *Cononem* apud *Photium* narrat CXII., *Callirrhoe*, *Scamandri* filia; quæcunq; tandem fuerit.

ILUM, *Trois* filium statuunt plerique omnes: Is, secundum *Calvisium*, regere *Trojanos* cœpit A. M. 2631. Hujusdem fratres, *Ganymedes* & *Assaracus*, *Æneæ* proavus. *Conon. d. l.* Ab hoc conditum *Ilium*; ut ibidem scribit, & in immensum auxit: Videntur *Ilium*, *Troja* & *Dardania* tùm in unum coaluisse. Hujusdem tempore *Palladium* cœlo delapsum crediderunt. *Ovid. VI. Fastorum*:

Mœnia

*Mœnia Dardanidis nuper nova fecerat Ilus ;
Ilus adhuc Asiæ dives habebat agros.*

*Creditur armifera signum cœleste Minervæ
Urbis in Iliacæ desiluisse juga.*

Sepulchrum ejus nobilissimum erat in campis Simoëntis, quo de *Barthius lib. XV. Advers. c. 18.*

Ibi filius LAOMEDON, Capys (qui avus *Aeneæ* fuit) patruelis, regnat A. M. 2671; cujus tempore *Hercules Thebanus* vel ob equos, quos Laomedon promiserat; vel ob mercedem *Hesiones*, à Ceto liberatæ, in Trojanos expeditionem suscepit; & expugnatam viduavit civibus urbem: Ipse Laomedon occisus est. Videndus *Eusebius num. 768.*

Ultimus Regum PRIAMUS Laomedontis filius, cum A. M. 2755. regnum stabiliisset; præfidiis ubique dispositis, *Antenorem* mittit in Græciam, expostulatum de cæde Laomedontis patris sui; & cum nihil responderetur, *Alexandrum* filium classe instruit, qui per insidias *Helenam* capit, *Europæ Asiæq. sepulchrum.* Nam ex hac causâ bellum illud ortum (quod per decem annos, cum ingenti utriusq; partis clade gestum) numerosam illam Priami sobolem pænè universam sustulit. *Quinquaginta* filios Poëtæ numerant, & eorum nomina collegit *Guido de Columna in Hist. de Excidio Trojæ c. 8.* Sed vereor, ut bonâ fide; lego enim multa, quæ ne Trojana quidem videntur; & multa desidero, quæ in vetustissimis Scriptoribus passim occurrunt.

Non tantum otii mihi superest ad colligenda nomina; sed recenserebo tamen, quæ memoriæ meæ non-

dum elapsa sunt: Cætera (quæ perdidit, & amisit) scrutabuntur alii ; qui temporis jacturam facere volunt. 1. *Hector* ille, fortitudine sua nobilissimus. 2. *Paris*, sive *Alexander* ; qui *Helenam* rapuisse dicitur. 3. *Deiphobus*. 4. *Helenus*. 5. *Polites*. 6. *Trois*. 7. *Polydorus*. 8. *Laocon*. (Horum tùm alii quàm plures, tùm *Virg.* passim mentionem facit) 9. *Antiphum*, ab *Agamemnone* interfectum, novi ex *Homeri Iliad.* 29. 10. *Antiphanum*, ex *Iliad.* 23. 11. *Agathonem*, ex eâdem. 12. *Hippotroum*, ex eâdem. 13. *Agavum*, ex *Iliad.* 11. 14. *Pammonem*, ex *Iliad.* 23. 15. *Lycæonem*, nisi idem sit cum *Laoconte*, ex *Iliad.* 21. 16. *Areum*. 17. *Echemonem*. 18. *Isum*. 19. *Evandrum*. 20. *Arsecum*. 21. *Desopiten*. 22. *Archemachum*. 23. *Laudacum*. 24. *Philemonem*. 25. *Melum*. 26. *Astyochum*. 27. *Doriclum*. 28. *Hippodamanta*. 29. *Dryopem*. 30. *Biantem*. 31. *Corythum*, sive *Gorgidionem*. 32. *Thyestem*. 33. *Ilioneum*. 34. *Thetestem*. 35. *Glaucum*. 36. *Asteropaum*. 37. *Mestorem*. Hos omnes partim apud *Dictyn Crentensem*, partim apud *Apollodorum* reperire licet. 38. *Cebrionem* legi apud *Stephanum de Urbibus*. 39. *Menalippum*, & 40. *Idæum* in *Hephæstione*, apud *Photium*.

E filiabus notissima 1. *Creusa*, *Æneæ* conjux è *Virg. lib. II. Æn.* 2. *Laodice*, ex *Homeri Iliad.* 1. 3. *Polyxena*, ex eodem & *Dictii*, & aliis. 4. *Cassandra*, è *Virgil.* & *Plutarchi Agide*. 5. *Aristomache*, è *Pausania Photicis*. 6. *Astyochē*, è *Dicty.* 7. *Iliene*, ex *Hygino*. 8. *Mædesicaste*, ex ejusdem *Pausania Photicis*. In tot liberis, tot calamitates expertus est infelix *Priamus* ;
& bel-

& bellum quidem funestissimum multis Veterum descriptum est.

De auctore *Ἰλιάδου μίμης* (quem *Levius*, vetustissimus Poëta, Latinis versibus reddidit) consulendus *Scaliger in Catullum* p. 128. De *Callisthene* *Cicero lib. V. ep. fam. 12.* Sed & de muliere quâdam *Phantasia* legimus, scripsisse libros de bello Trojano; & in templo *Vulcani* deposuisse, oppido *Memphi*: Eos libros *Homerum* in *Ægyptum* venientem reperisse, abstulisse, vindicasse. Quam tamen narrationem, ut vanissimam *phantasiam*, explodit *Lipsius ad Sen. lib. de Brevit. vitæ, c. 13.* At de *Syagro* *Ælianus lib. XIV. c. 21.* Post *Orpheum* & *Museum* primus Trojanum bellum cecinit *Syagrus*, maximum argumentum carmine ausus tractare. De *Corinno* idem scribit *Suidas in Corinno.* De *Phemio* & *Demodoco* *Athenæus lib. I.* De aliis *Samuel Dresenius in Iscanum pag. 1.* Et quis omnes illos recenseat, quos hoc argumentum delegisse constat, Poëtas & Historicos? sanè in proverbium abiit, *Τροίαν ἐλεῖν*, id est, *Trojam deflere.* Versantur autem hodieque in manibus omnium *Dictys Cretensis*, & *Dares Phrygius*; quorum illum auctorem satis veterem esse agnoverunt eruditissimi Viri. *Salmasius ad aram Dosiada pag. 243: Vetus auctor, qui sub nomine Dictys Cretensis libellum de bello Trojano scripsit.* Idem iudicium ejus est, qui edidit cum notis *Amstelodami A. C. 1631.* Idem *Barthii* non uno *Adversariorum* loco. Hunc etiam *Dictyn* de bello Trojano citat *Johan. Antiochenus* (quem temporibus *Heraclii* Imperatoris vixisse reor) in *Excerptis Peiresc.*

p. 784. Nisi quis illo tempore verum & antiquissimum illum Dictyn adhuc superfuisse velit; quod ægrè concesserim: Noster Latinus latuit sub magno nomine.

„ Ut jam suprà dixi, fuit *commune* *Scriptorum* *vis-*
 „ *tium*, ut, quò *pretium* adderent *scriptis* *suis*, *antiquio-*
 „ *ri* potius quam *sibi*, ea tribuerent. Idq; non tam fre-
 quenter in profanis (è quibus *Pythagoras* talem frau-
 dem fraus est, *Reinesius lib. 1. Variar. c. 22.*) quàm in
 Scriptoribus Sacris deprehendere est. Sic primis se-
 culis nascentis Christianismi supposuerunt *Mercurium* *Agyptium*, & *carmina Sibyllina*; & aliquanto
 post *Dionysium Ariopagitam*, *Epistolam ad Abgarum*,
Acta Pilati, *Ejusdemque epistola*; ut alios & *Ademymegis*
 &c innumeros taceam. Novissimè *Evangelia He-*
braica à *Quinquarboreo*, *Münstero*; & post ab ejus
 discipulo, *Schreckenfuchsis* edita, *Matthæo Apostolo*
adscripta, nobis obtrudere conati sunt: Sed hæc nihil
 ad *Andromacham* nostram. Hoc saltem de *Dicty* vo-
 luimus, quamvis antiquus ille non sit, tamen in rebus
Trojanis illustrandis minimè rejici à doctissimis Viris.

At *Daretis Phrygii* (quem illi adjicere vulgò so-
 lent) non par auctoritas, ex *Antipatro Acanthio* re-
 fert *Hephæst.* apud *Phot. Cod. CXC.* *Daretem*, qui ante
Homerum Iliadem conscripsit, *monitorem* fuisse *He-*
ctoris, auctoremq; ne *Achyllis* socium interimeret.
 Meminit hujusdam *Ælianus lib. XI. c. 2*: *Dares*
Phryx, inquit, *ante Homerum vixit, cujus Iliadem*
in hunc usque diem conservari scio. Ut præteream *Isi-*
dorum. Sed hæc, quæ nos quidem habemus, spuria
 sunt; ut præter *Scaligerum* judicavit *Possevinus Bibl.*
 tom.

rom. II. sect. IV. lib. XVI. Andreas Schottus (cujus epistolam iterum publicavit Cl. *Bæclerus* in Nepote suo) existimat, partum esse *Josephi Iscanii*, sive *Exoniensis*; qui vixit sub *Johanne, Anglorum Rege*: Alii *Burdigalensem* faciunt; de qua sententia consulendus *Vossius lib. I. de Idolol. c. 36. p. 268.* Ejusdem *Josephi poema* de bello Trojano in *libros VI.* distributum sub *Cornelii Nepotis* nomine vulgârat superior ætas. Quisquis tandem sit historiæ auctor, non est ætatis aureæ; sed barbarus, & judicio planè destitutus: Ut, quod *Pseudoberoso* precium constituimus, ponamus huic quoque; & juventutem cavere jubeamus, ne in hâc literarum luce tenebras probet; & ad asserendam rerum memoriam stramineos testes advocet.

Quamvis & illorum fides, quos velut approbatos nominavimus, & è quorum mente hætenus locuti sumus, de rebus Trojanis & excidio Trojæ, in dubium vocari possit. Quid ais? tunc Priamum occisum, *Trojam à Græcis captam* & inflammata, contra tantam Scriptorum multitudinem *negare* audes? Non nego, immensam multitudinem esse; immò scio ex illâ, quosdam tam confidentes fuisse, qui *diem excisæ Trojæ* posteritati traderent. Vid. *Plut. in Camillo, & Dionys. Halic. lib. II. c. 63.* referentes, captam esse die 23. *Thargelionis*, diebus 27. ante solstitium æstivum. Unus repertus est *Dio Chrysostomus Coccejanus* (vel avus vel proavus maternus *Dionis Cocceji* historici, tantâ gratiâ pollens, ut *Trajanus* aureo & triumphali curru juxta se collocatum compellârit his verbis: AMO TE, UT ME IPSUM! *Philostratus*

in ejus vitâ p. 495.) qui tantæ multitudini se solum objecit; & quæ magno consensu recepta erant, multis rationibus refutavit. Ad firmandam enim sententiam suam adfert narrationem *Sacerdotis Ægyptii* de bello Trojano, ex antiquis Ægyptiorum monumentis repetitam.

Quo primùm ostendit, *Helenam*, Tyndarei Regis Spartani filiam, à plurimis Asiæ Græciæq; proceribus expetitam, *Alexandro*, Priami filio, præ omnibus aliis, *legitimo conjugio nuptam*; & hinc domum ab eo ductam. Hinc quæ de raptu ejus, primâque *Trojae per Herculem* expugnatione à Græcis referuntur, firmis rationibus refellit.

Posthæc subjungit, ut Græciæ Principes ab *Attidis* concitati ex merâ erga *Alexandrum* invidiâ, & crescentis Trojanorum potentiae metu, bellum Trojanis fecerint; & quàm infeliciter hoc à Græcis, quàm prosperè à Trojanis sit gestum; donec munitis Græcorum perfractis, & navibus plerisque incensis, ab *Hectore* & *Achilles* etiam in defensione castrorum ab eodem confossus, armisq; spoliatus occubuerit: Ubi interim docet, quæ vera, & quæ falsa Homerus de hoc bello narrat; & quanta sit ejus in laudandis Græcis inopia & jejunitas, & vicissim in deprædicandis Trojanis quàm abundans copia. Commentum etiam de *Patroclo*, & de *monomachia Achilles cum Hectore*, ut falsissimum & ineptissimum utrunque, confutat & irridet.

Tertiò exponit, ut Græci per desperationem in *Chersonesum* transfretârint; & cùm nova utriusque
auxilia

auxilia advenissent, Trojanis quidem *Aethiopum* & *Amazonum* copiæ; Græcis verò *Neoptolemi* & *Philoctetæ* manus acerrimum & luctuosum prælum intercessit coortum; in quò à parte Trojanorum *Memnon*, *Penthesilea*, & *Paris*; à parte Græcorum *Ajax* & *Antilochus* ceciderunt: Unde confecta mox sit dialysis, & fœdus Græcorum cum Trojanis; quibus hi conditionibus vellent initum, dum & Græci viribus exhausti, & ad incitas redacti ultrò pacem expetunt: Et Trojani tot laborum & casuum pertæsi, eam non denegant; præsertim cùm & donarium *equi lignei Minervæ Trojanæ* consecrârunt; ut quasi trophæum victoriæ Trojanorum extaret.

Hinc addit quædam, de beatò gloriosòque *Priami* & *Hectoris* exitu. *Et ad postremum* multis absurditatibus ostensis, & misero Græcorum reditu, domesticisq; eorum calamitatibus: Tùm coloniis Trojanorum in Italiam, Galliam Cisalpinam, & ipsam Græciam feliciter ductis, & exulibus Græcorum à Trojanis in Italiâ & Asiâ receptis, confirmat *Trojanos*, non Græcos, hoc bello *evasisse victores*. Ita totam Orationem *Dionis Chrysostomi* in compendium contraxit *Laurentius Rhodomannus*.

Ut ingenuè fatear, ipsam veritatem loqui mihi videtur *Chrysostomus*; & qui scit, quantum *Ægyptiorum* monumenta Græcorum narrationes prægravent, vix aliter affectus erit. *Ægyptiorum* namque potissima cura fuit, ut omnium memoria quàm diligentissimè conservaretur: Contrà apud Græcos antiquitates vel sepultæ, vel miris fabulis involutæ. Hinc
apud

apud *Platonem in Timæo* senex ille sacerdos Ægyptius Solonem & Græcos accusat, ut semper pueros, nunquam senes esse affirmans; in quorum animo nulla erat ex vetustatis relatione vera opinio, nulla cana scientia. Sed ne contra fas audire velimus Ægyptium in suâ causâ, en *Josephum* de hâc ipsâ re *lib. I.* contra Appionem: *Omnia Græcorum nova, & heri nuperque nata cognovi, id est, fabricam civitatum & inventiones artium, conscriptionemq; legum; rebusq; cunctis recentior apud eos est historiæ conscribenda ratio: Apud Ægyptios autem atque Chaldaeos & Phœnicias, sicut ipsi fatentur, res gestæ antiquissimam & permanentem habent memoriam. Nam multum providerunt, ut nihil tacitum reliqueretur; sed omnia in annales à Viris sapientissimis referrentur.* Hæc *Josephus*. Sed & cum nobis de eo constet, neminem è Scriptoribus Græcis fuisse, qui de bello Trojano non prodigiosum aliquod, & incredibile retulerit; vel hoc ipsum Ægyptiorum monumenta favorabiliora reddit. *Est ea mentientium conditio, ut in mendacio deprehensi fidem non mereantur amplius: Sic, cum Polybius, aliiq; magni viri, Pythiam Massiliensem, qui γῆς περὶ ὁδὸν νοτᾶσsent, falsa multa tradidisse etiam de iis, quæ Græcis hominibus nota erant, atque explorata; ita cœpit Pythææ fides esse suspecta, ut jam multi non alio loco ejus scripta, quàm fabulas habeant: Quia factum est, ut ne in iis quidem, quæ verè scripserat, ei ab iisdem fides haberetur.* *Casaubonus ad Strabonis lib. I. p. 42.* Sic, cum Tiberius ad vana & toties irrita revolveretur, vero quoque & honesto fidem demsisse, scribit

scribit *Tacitus lib. IV. Annal. c. 9.* Multò minus non manifestâ in re sequi possumus Græcos, tot fabularum in rebus Troicis manifestos; & Ægyptiaca monumenta rejicere, gravissimis Scriptoribus commendata.

Nihil sanè, quoad Trojanum bellum, in his absolum & absurdum; immò in hâc narratione occurrunt quàm plurima, quæ nec ipsi Græci dissimulare potuerunt. Ut saltem hoc tangam, referebat Ægyptius ex pilis & columnis suis (in quib⁹ historia vetus descripta erat) Græcos demum reversos nullam non calamitatem excepisse; quod ipsum fortissimum argumentum sit rerum malè gestarum: Cùm, si victores extitissent, infidiatores & rebelles ab omnibus molitionibus suâ claritudine & potentiâ facilè detertere, vel ausus retundere potuissent. Contra Trojanorum res potentiâ & gloriâ multò insigniores extitisse. *Priamum* vitam finiisse omnium felicissimum, nisi quantum ægritudinis attulerunt necesse plurium filiorum. Ipsum *Hectorem*, postquam plurimos regnârit annos, & multas Asiæ provincias imperio suo adjunxerit, in maturâ senectâ fati concessisse; relicto successore *Scamandrio* filio. *Aeneam* ab *Hectore* missum cum classe & numerosâ manu, *Italiam*, beatissimam Europæ regionem, occupasse. *Helenum* in mediam profectum Græciam, *Molossorum regnum* & *Epiri*, proximè *Thessaliam* obtinuisse. *Antenorem* & ipsum regnandi cupidine exarsisse, & in *Europam* trajecisse; & optimam circa *Hadriam* regionem sui juris fecisse. Hæc pleraque vel in Græcorum libris observare licet.

Scamandrio

Scamandrium, Hectoris filium, potentiam quandam in Troade obtinuisse, satis indicat *Nicolaus Damasce- nus lib. IV. apud Stephanum de Urbibus*, in Ascania: *Scamandrius*, Hectoris & *Andromache* filius, ab *Ida* & *Dasyllo* & *Ascania* (quam condidit *Ascanius*, *Aeneæ* filius) contracta donec hominum multitudine. Nescio tamen, an id fortasse in sequentibus dixerit, quod *Anaxicrates lib. II. Rerum Argivarum*, apud *Scholiam Euripidis in Andromacham*: *Scamandrium*, Hectoris filium, collectâ ex agro Trojano multitudine in Scythiam venisse; & ad Danaim consedisse videtur.

Igitur aliis testimoniis opus est. Conton apud *Photium Cod. CLXXXVI. narrat. 46*: *Reversi è Lydiâ Oxynius & Scamander*, Hectoris filia, omnia circum Ilium loca, ex paterna velut hereditate relicta, sibi vindicârunt. *Hellanicus apud Dionys. Halicar. lib. I. c. 47*: *Scamandrus cum aliis, de familiâ Hectoris è Graciâ à Neoptolemo dimissis, deducens eos in paternum regnum, ad Trojam rediit*. *Strabo lib. XIII. pag. 607*: *Palescepsis in eam partem, quæ nunc Scepsis, translata est à Scamandrio, Hectoris, & Ascanio, Aeneæ filio; ac duæ hæ familie diu Scepsi regnâsse traduntur*. *Eusebius num. 863*: *Hectoris filii Ilium receperunt, expulsis Antenoris filiis, Heleno sibi subsidium ferente*. *Scaliger* satis mirari non potest, quomodo Ilium Hectoridæ repetierint jam deletum, & solo æquatum; & ignorat, quos Hectoridas hîc intelligat; omnibus literis Hectoris, etiam puero *Astyonaecte*, interfectis. Concluderet, accepisse hæc *Eusebium à Dicty & Darete Phrygio*; nisi succurreret *Dionys. Halicar.*

Halicar. d. l. I. c. 47. Quasi nemo Veterum, præter Dionysium, mentionem faciat filiorum Hectoris, post Priami mortem regnantium? Quasi certum sit, Daretum tam veterem, ut eum in manibus habuerit Eusebius? Quasi luce meridianâ clarius, Trojam excissam? Quasi in caussa veritatis locum habeat illud in discessionibus usurpatum: hæc pars major esse videtur! rectè *Seneca lib. I. de beatâ vitâ. c. 2:* ideò peior est.

Immò vel ex *Eusebii & Dionysii* loco mihi liquet de inconstantia mendacii. *Deletum & solo æquatum* dicunt, & tamen rursus agnoscunt *Hectoridarum regnum* in eodem Ilio: Ita mendacium etiam si alius defit, qui conficiat, suâ semet manu jugulat. Similem inconstantiam deprehendit *Strabo d. l.* cum Homerus diceret, Priami stirpe abolita in bello Trojano successisse *Æneadas*: Alii tamen *Scamandrium* agnoscerent: Homerus *Æneadas in Trojâ* mansisse; alii, *in Italiam* profectos. Hæc discrepantia non aliam matrem habet, quàm ignorantiam; sed contenti libros domesticos consuluisse, Ægyptiacam historiam (in quâ veritas manifesta signa præsentia suæ dabat) alto supercilio despiciebant.

Nunc ad alia. Non inficias ire poterant idem Græci, *Æneam in Italiam* venisse, & ibi amplissimum condidisse regnum:

- - - genus unde Latinum,

Albaniq; Patres, atque alta moenia Romæ.

Tàm potentem etiam, ut *Ænum in Thracia, Rhœteum & Pergamiam in Cretâ, Aphrodisyadem Oetiamque*

niamque ad Cynethium promontorium, & alias urbes alibi conderet; ac denique bellicosissimos Rutulorum & Hetruscorum Reges bello aggredieretur. Sed de Enadum potentiâ dicam mox plura ex iis Græcis & Latinis Scriptoribus, qui eos secuti sunt.

Concedunt iidem Græci, *Antenorem Henetis, Paphlagonibus, qui ad Trojam militârant, assumptis, Euganiis debellâsse, Patavium extruxisse. Nec abnuunt, Helenum, Priami filium, in Epiro, ipsa Æacidarum sede, regnum obtinuisse. Videndi de Antenore, quos citat Philippus Cluverius lib. I. de Italiâ antiquâ, c. 18. p. 142. De Heleno Justinus lib. XVII. c. 3. §. 6. & Servius ad illud Virgilii Æneid. III. v. 319.*

Hectoris Andromache Pyrrhin' connubia servas.
Tot amplissima regna, tot urbes condidisse & obtinuisse, tanta bella gessisse;

Trojas, reliquias Danaum, atque immitis Achillis
ut Virgil. loquitur I. Æneid. v. 34. sive:

Collectam exilio pubem miserabile vulgus
II. Æneid. v. 798. Quis credat? victos deletâ patriâ per orbem terrarum plus potuisse, quàm victores? Priami nepotem Scamandrium avita possidere? Græcorum deterrimam conditionem esse? Nam secundum ipsos Græcos Diomedes aditu prohibetur: Agamemnon Rex Regum occiditur: Teucer Salaminæ pellitur: Neoptolemus primùm exigitur; deinde universi ex Pelopis stirpe regnum Peloponnesi amittunt: Menelaus in Ægypto moritur: Ulysses inter Italiam, Siciliam, & extra notum Græcis orbem diu multumque jactatus, tandem redux à filio necatur. Scio
colores

colores & circumstantias, quas Græci Scriptores afferunt; sed profectò incredibilibus incredibilia con-
tegere conantur.

Possem hîc enumerare multas alias florentissi-
mas nationes, quæ Troja velut ex patria majestatis
gloriæque omnis natali domo, origines suas accer-
sebant: Fuerunt ex istis *Ædii & Mamertini*, quos
conjungit *Eumenius in paneg. VIII. c. 3.* & *Sardi*, de
quibus *Pausanias in Photicis* p. 638: *Trojanos Græ-
cis permixtos in Sardiniam venisse; cum quibus ne bar-
bari cōfligerent, belli apparatu, quo illi non cedebant, de-
territos.* Quæ verba explicanda mihi videntur è mo-
numentis *Ægyptiis*, permixtos Græcis Trojanos;
sed ex illo fœdere, quod fusiùs exponit *Dio Chrysosto-
mus.* Et *Segestani* in Sicilia, quos proinde (COCNA-
TOS POPLI ROMANI) *Cognatos populi Romani*
vocat *columina prostrata Duilii.* Et denique *Franci*
nostri, quos à Trojanis oriundos longè vetustissimam
famam esse, & bonis Scriptoribus innixam, vult *Vale-
sius ad Excerpta Perresc.* p. 73. Et ipsos antiquissimos
Reges Francorum assumisse *Trojana nomina*, constat
ex *Ammiani lib. XV.* Si quidem ibi locum habet e-
mendatio *Lindenbrochii & Marci VVelferi*, è *Prospero*
in *Chronicis*, & *Sigeberdo Gemblacensi*, qui tempo-
ribus *Gratiani*, Romanorum Imperatoris, *Priamum*
in *Franconiâ* regnâsse scribunt. Sed hîc malo crede-
re, multum ista ex vano trahere; & plerosq; licere
sibi credidisse, his artibus primordia majorum augu-
stiora facere; ut loquitur *Livius in præfat.*

Ut concludam, impolita mihi Græcorum fa-
bula

bula videtur, & ne veri quidem umbram habens. Quæ causa? Profluxerunt pleraque omnia ab *Homero*, *Poëta famelico*; & cui nihil erat cum fide. Unde *Dio Chrysostomus* fontem à capite fodiendum esse ratus, in hunc præcipuè calamum suum strinxit. Hem, inquis, hocce tu nobis: quibus antea recensuisti Scriptores belli Trojani, Homero antiquiores? Si fuerunt, nec & ipsi de Trojano excidio tradiderunt idem: Nam negantibus indubiè accessissent Græcorum alii, quos hodie scimus nullos.

Dicam tibi, quod sentio: scripsi ex Græcorum mente suprà; sed alia mea est. Hæc videlicet, *nullum librum apud Græcos Homeri poemate vetustiore esse. Confirmat hoc Josephus lib. I. contra Appionem: Constat autem, quod apud Græcos nullum scriptum reperitur Homeri poemate vetustius: Et ajunt, neque hunc literis suum poema reliquisse. Josephum quidem multis perstringit Vossius lib. I. de Arte Grammaticâ c. 10. & refutat ex Herodoto; qui tres inscriptiones vetustissimas vidisse se testatur: Primam Amphitrionis, alteram Hippocoontis, tertiam Laodamantis, Eteocli filii. Et sanè Josephus longius abiit, dum negat ullâ inscriptione sive in templis, sive anathematis comprobari posse, Græcos literis usos ante bellum Trojanum. De historiâ tamen non puto contrarium responderi posse, sed antiquissimos rerum auctores fuisse, quos ibidem nominat Cadmum Milesium & Acusilum Argivum; qui paulò ante expeditionem Persicam contra Græcos, vixere. Quamobrem ut multos nostros, sic antiquo seculo imponere voluisse credo, qui ultimam antiquita-*

tiquitatem adstructum iverunt Scriptoribus, de bello Trojano recentioribus, *Syagro*, *Corinno* & aliis.

Cæterum Homeri figmentum adjuvit communis ille *affectus in patriam*, cuius laudibus plus, quam veritati studere mortales solent. Romanis id solitum, ut triumphasse suos scriberent, cum victi essent; docui ex historiâ Alexandri Severi ad *Valerium Maximum* lib. VIII. c. 15. §. 3. Nimirum cum apud *Lampridium*, & in *Fastis recentiorum* Princeps ille hodieq; de Persis triumphet, scimus tamen ex Orientalium libris, cum *Herodiano* collatis, tot stragibus affectum esse, ut Persis cederet, *Susianâ*, *Cœlesyria*, *Chaldea*, parte *Græciæ* & *Palestinâ* ad *Arabiam* usque. Idem factum temporibus *Neronianis*, adeoq; *Persius sat. III.* perstringit illos, qui cum *Parthica* scriberent, *Neronem*, & res Romanas in majus extollebant. Vide *Casaub.* ad *Persium* p. 363. & adde de aliis historicis Romanis, discursum *Brunneri* lib. I. rerum *Boicarum* p. 78. 79, & seqq. Quid ergo miramur, si audaciores in remotioribus à memoria suâ Græcos deprehendimus: Græcos, quos ad fabulas scribendas æstus quidam abripuit.

Repertus est quidem nostro seculo *Alcidius*, qui pro *Græca fide* dissertationem scripsit, & *Patavii* publicavit. Ibi quamvis *Atticam fidem* commendet ex *Paterculo*, *Achaicam* ex *Polybio*, & phrasin illam, *Græcâ mercari fide*, contra interpretum communiorum sententiam interpretetur; tamen historiam illorum ab infamiâ publicâ non liberat. Possem illum alioqui juvare exemplis *Aristidis*, *Phocionis*, *Epaminondæ*, & aliorum; qui studiosi veritatis sic extiterunt,

ut ne joco quidem, ne propter maximam quidem utilitatem dicere mendacium vellent; sed juxta de *Græcis* in universum *objicere* possem ipsum *Polyb. lib. VI. c. 56.* Et *judicia* illa, quæ videre licet apud *Valesium ad Excerpta Peiresc. Polybii, p. 31.* Nos historiam præcipuè consideramus; de quâ quid judicârint veteres, constat ex illo *Juvenalis*:

- - & quicquid *Græcia mendax*
Audet in historia. - -

Josephus, Vir disertus, & temporum intelligens (ut eum laudat *Vossius d. l. I. de Arte Grammat. c. 10.*, hoc idem *Appioni* objicit: *Quod unusquisque opinatus est, inquit, hoc studuit depromere. Unde etiam libris se invicem arguunt, & valdè contraria de rebus iisdem non piget eos dicere.* Hæc ille; quæ vel una historia *Trojana* satis comprobârit, paradoxologiâ, contradictionibus, fabulis & affectibus refertissima; similis denique speculo, *Ἀλγυπόφω, τὸ Ἰδέσθω καὶ ἐν ἑκατέρῃ ἡμῶν*, id est, perverso, alienos colores, & alienas figuras exprimenti. Hoc est: Quæ res oppositas non refert, quales sunt, sed corruptâ formâ, vel colore non suo, vel figurâ alienâ.

Et cùm hujusmodi sit, meritò fides illius laborat, in quæstione principali: *An Troja capta sit?* Hoc enim illud ipsum est, ubi plerarumque nationum Scriptores, cum primis spectandam exhibent τὴν Ἀλγύθειον, id est, affectum suum; ut in quo vel gloriam, vel infamiam patriæ sitam arbitrantur. Quid igitur restat, quàm ut aures præbeamus monumentis *Ægyptiis*; quæ & vetustiora sunt omnibus Scriptoribus *Græcis*, & since-

sinceriora. Græci de suis rebus agi viderunt, cùm de Troja scriberent : At Ægyptiis nulli bono mendacium fuit. Si rectum est, ut est, quod scribit *Hieronymus epist. 9, fidele esse testimonium, quod causas non habet mentiendi*; causa *Dionis Chrysostomi*, vel *Sacerdotis Ægyptii* jam vicit. Quâ ex causâ Trojanis favet Ægyptius? quâ odisset Græcos? Quin *Menelaum* nudum, naufragum, rerum omnium egenum, excepit *Ægyptus*. Unum est, quod objici possit, dissensus aliorum sacerdotum Ægyptiorum, apud *Herodotum in Euterpe p. 144*. At in mentem nunc est *Diodori Sic. lib. I. c. 68*. iudicium: *Herodotum portenta narrationum pro veritate sponte amplexum, & voluptatis gratiâ fabulas commentum deblaterasse*. Sanè tot gravissima peccata in rebus Ægyptiorum satis arguunt, idoneos testes in Ægypto minimè consuluisse. Et quam, quæso, fidem meretur illud, quòd narrat, per tot annos ob Helenæ raptum bellatum fuisse ad Trojam; nec tamen expugnata Trojâ *Helenam ibi repperitam*? Sensit *Herodotus*, sibi impositum fuisse, ut è sequentibus patet. Nihil igitur sermunculi è trivio, vel imperitorum, convellere possunt narrationem Sacerdotis alterius, quam debuit pilis & columnæ; in quibus historia vetus quàm sincerè descripta fuit.

His ita satis, ut reor, expositis, tamen interrogari me sentio: Esto, Græcos, ut sibi dissimiles, ita fidei suspectos & affectibus erga patriam abreptos contraria veritati scripsisse: Esto, penes Ægyptios genuinam rerum antiquarum memoriam conservatam; atque adeò illos hâc in re audiendos esse: Quo

igitur fato Troja periit? ita namq; periisse constat, ut posteri quærerent, *eodemne in loco* situm fuerit *Ilium*, in quo *Troja* vetus? Et hoc negat *Strabo*, simul adjiciens istud; *Trojam veterem nunquam instauratam à posteris.*

Possem ad hanc quæstionem respondere, non esse necessarium, ut demonstrem hoc, quod nec adversa pars firmiter concludere posset; Quia fatum aliud nescimus, ergò bello decennali illo cecidit. Multò alia, longè recentiora, profunda altitudo temporis obruit; & ineluctabilis oblivio oppressit; Ac proinde monumentis *Ægyptiis* silentium scriptorum præjudicare nequit. Dico nihilominus *periisse* mihi videri *terra motu*, & *inundationibus*; quibus ora illa maxime obnoxia fuit. Neque frivola divinatio est, quòd dixi; *Demetrius Scepsius*, qui non procul *Trojâ* oriundus fuit, è *Democle* narrat apud *Strabonem* lib. I. p. 58. *terræ motus* ingentes fuisse in *Lydiâ* & *Joniâ*, usque ad *Troadem*; sed & *Trojam* fluctibus *inundatam*. Vellem, designâset tempus; nam illa præcedentia; *regnante Tantalo*, tantum referenda etiam ad *eversio- nem Sipyli*. Nec, si diluvio fuisset inundata tempore *Tantali*, id est, *Trois*, campestria delegisset *Ilus*, qui successit; de qua re *Strabo* lib. XIII. p. 592. Alio igitur tempore, & diu post, hæc calamitas *Trojam* oppressit. Memini & alibi legere.

Cæterum sequentibus temporibus *Troja* loco habitum *Ilium*, quamvis longiusculè ab illâ situm; & *Ilienses*, ut *Trojani*, culti. Favet iis multum *Alexander*, & cum *Ilium* pagus esset, post pugnam ad *Grani-*

cum (Bithyniæ fluvium) *urbis nomen* accepit; & sub
structionibus fundata est. *Strabo d. l.* Causam fusiùs
exponit *Casaubonus ad Strab. p. 224.* Functo Alexan-
dro, *Lysimachus* curam suscepit, templum condidit,
murum 40. stadiorum urbi circundedit; iussis *Ilium*
commigrare earum civitatum incolis, quæ ruinam tra-
xerant. *Strabo d. l.* Videntur tamen *Lysimacho* co-
gitata vel nullum, vel exiguum successum habuisse;
secundùm eundem *Strabonem*, cùm ait: *Romanis* bel-
lo *Antiochico* in *Asiam* venientibus, *Ilium* oppidum pa-
go simile fuisse. Sed & *Demetrius Scepsius* testatur: Se,
cùm eò venisset, ita neglecta vidisse domicilia, ut ne tecta
quidem imbricibus coctis tegerentur. Et *Hegesianax*
auctor est, *Gallos*, cùm in *Asiam* trajecissent, *Ilium* oc-
cupatum statim deseruisse, quod muris careret.

Contrà *Romani* de bello *Antiochico* scribentes,
urbis meminerunt, ut templis ac Deorum simulacris
exornatæ. *Justinus lib. XXXI. c. 8:* Cùm ingressi *A-*
siam *Romani* *Ilion* venissent, *mutua gratulatio* fuit, *Ili-*
ensibus & *Eneam*, cæterosq; cùm eò *Duces* à se profectos,
Romanos se ab his procreatos referentibus. Tantaq; læ-
titia omnium fuit, quanta esse post longum tempus in-
ter parentes & liberos solet. *Juvabat* *Ilienses*, nepotes
suos (occidente & *Africâ* domitâ) *Asiam*, ut a vitum re-
gnum, vindicare. &c. *Livius lib. XXXVII. cap. 38:*
Inde Ilium processit, castrisq; in campo positis, in urbem
arcemq; cùm ascendisset, sacrificavit *Minervæ*, præfidi
arcis; & *Iliensibus* in omni rerum verborumq; honore
ab se oriundos *Romanos* referentibus, & *Romanis* lætis
origine suâ. Ex eo tempore populi *Romani* benefi-

ciis magnum incrementum coepit; *Antiocho* namque ad durissimas pacis conditiones compulso, refert *Livius lib. XXXVIII. c. 39.* non tam immunitate, quam *Rhateo & Gergitho* civitatibus *Ilienses* donatos esse. Nescio, de quo *Seleuco* loquatur *Suetonius in Claudio c. 25: Senatum populumq; Romanum Seleuco Regi amicitiam, & societatem ita demum pollicitum; si consanguineos suos Ilienses ab omni onere immunes præstitisset.* An è successoribus *Antiochi Magni* unus? at jam antè immunitas data; nec credibile, progeniem *Antiochi* tantarum virium fuisse, ut populi Romani beneficium subvertere, ac novis oneribus *Ilienses* premere sustinuerint.

Porro Reip. Rom. calamitas simul *Ilienses* involvit: Temporibus enim *Sullanis & Marianis* (cùm omnia licerent omnibus) *C. Flavius Fimbria*, homo sceleratissimus (cùm *Ilienses* legationem ad *Sullam* mississent) hoc eorum factum non displicere præ se tulit; *Nihil interesse, dicens, utri deditionem facerent, sibi an Sullæ; utrumq; enim Romanum.* Sed mox receptus in urbem, obvium quemque nullo discrimine obtruncavit; urbemq; propè universam igni delevit, ut est apud *Dionem in Excerptis Peiresc. p. 653.* Addendi *Epitomator Livii lib. LXXXIII, & Strabo d. l. p. 594.* Paullò pòst *Lucius Cornelius Sulla*, multis beneficiis urbem refecit, & consolatus est. At superavit hujus studium *C. Julius Caesar*, ab *Anchise & Venere* deducens genus; ut idem refert *Strabo*. Increbuerat de eodem fama, migraturum *Ilium*, translatis simul opibus imperii; exhaustâque Italiâ delectibus, & procura-
tione

tionem urbis amicis permiffâ, teste *Suetonio in Cæs.c. 79.* Qui refert inter causas maturatæ conspirationis à *Cassio & Bruto*. Videntur mihi Romanani, tum ex aliis causis, tum ob hanc, translationem illam abominati; quòd (ut ex *Horatii Ill. Carm. 3.* observat *Barthius lib. LX. Adversariorum p. 2864.*) de *Troja* sortes essent, illa resurgente *Romam* periclitaturam. Eam verò conditionem, quam *Ilienses* sub *Cæsare* habuerunt, retinuisse ævo suo, addit *Strabo p. 595.* Attamen sub *Augusto* contigit, ut, cum *Julia*, *Cæsaris Augusti* filia, conjux *M. Agrippæ*, noctu *Ilium* proficisceretur, effusis torrentibus, *Scamandro* supra modum aucto, *Julia* cum famulis (qui ad lecticam erant) in magnum vitæ discrimen adduceretur: *Iliensibus* adventus illius prorsus ignarus. Quamobrem indignatus *Agrippa*, nullam opem latam ab *Iliensibus*, drachmarum argenti millibus centum eos multavit. Qui cum in maxima difficultate versarentur, nec auderent obloqui; *Nicolaum Damascenum*, qui tum fortè *Ilii* erat, rogârunt, uti *Herodem Regem* sibi suffragatorem, atque adiutorem conciliaret. Fecit hoc libenter, nec res successu caruit; ut ipse *Nicolaus* refert in *Excerptis Peiresc. p. 49.* Eorundem *Iliensium* privilegia nonnunquam mota fuisse improbitate publicanorum, constat ex iteratis Principum Edictis de immunitate *Iliensium*: Iteravit enim *Claudius*. *Sueton. in ejus vitâ c. 25.* Item *Nero*, *Tac. lib. XII. Annal. c. 58.* Ut taceam observata clarissimis Viris è l. 17. §. *Iliens. ff. de Excusat. & Leg. de gestis ac municip.* Cujus *Ilii* rudera conspexisse videtur *Suleiman Bassa, Urchanis Padischachi* filius; de quo

Leuclav. lib. IV. Histor. Muselmannicæ : Cum in regione Carasina obequitaret, venit ad locum, quo Troja stetisse creditur. Adspiciebat illic admirabundus amplissimorum parietinas ædificiorum, & ingentem marmorum thesaurum; florentis olim, sed à Græcis destructa Trojæ reliquias. Hæc Leuclavius. Sed profectò vidit recentioris Trojæ reliquias, non Trojæ veteris: Nam jam Strabonis ævo, οὐδ' ἐν Ἰχὺ & ἐρωζέτο τ' ἀρχαίας πόλεις. Hoc est: Nullum antiquæ Trojæ extabat vestigium ut ait p. 599.

REGNUM ALBANUM.

Albanorum Regum origo longiùs repetita ab Asaraco, Æneæ proavo. Venere parente quantum gloriata sit gens Julia? Nummus, & binæ gemmæ explicantur. Cupidines duo, Eros & Anteros. Æneæ discessus à Trojâ, & adventus in Italiam è veris Ægyptiorum monumentis exponitur; rejectis Romanorum narrationibus, quas à Græcis acceperunt. Æneæ res gestæ, à Græcis commemoratæ. Ejus liberi. Indiges pater. Indigetur appellatio unde? Julia gens à Julo, Ascanii nepote. Cæterorum circa eam rem dissensus. Regum Albanorum catalogus ad ultimum usque. Sigonii conatus inanis. Romuli Silvii horrendus interitus.

A Troja

A Troja in Italiam tendo, secutus *Aeneam*, ejusque filium *Ascanium*; qui regnum *Albanum* condidit. Ut alius repetam, *Assaracus* Trois, Trojanorum Regis, filius, Ili frater, una cum patre *Dardania* imperavit; quæ erat *Troia* regia. *Conon* apud *Photium* narrat. 12. *Dardanum* Principem eum vocat *Diod.* Sic. lib. IV. c. 77. Uxorem habuit *Hieromnemen*, ut vult *Apollodorus* lib. III. *Bibl.* *Clytodoram*, ut *Dionys.* *Halicar.* lib. I. c. 62. Ex hoc conjugio natus *Capys*, *Diodor.* *Dionys.* & *Apollodor.* d. l. Ab eo denominata *Caphyia* *Arcadiae*, secundum *Stephanum*. Uxor *Themis*, secundum *Apollodorum*, *Nais*, secundum *Dionysium*. Hinc *Anchises* natus, quem omnes *Veneris* maritum faciunt. *Reinerus Reineccius* id confictum putat ideò, quòd *Anchises* tam excellenti forma fuerit; at *Franciscus Floridus Sabinus* lib. II. c. 4. *Lect. Subficivarum*, quòd ipse *Aneas* tam formosus fuerit,

Sic patrem alter meruisse vult, ut *Veneris* maritus diceretur; alter filium, ut propitiâ *Venere* natus, ac *Veneris* filius appellaretur. Tam constanter autem gens *Julia*, quæ (ut mox dicam) ab *Anea* descendit, *Veneris* sese progeniem existimavit; ut in omnibus monumentis ejus memoriam extare voluerint. L. JULIUS. L. F. CÆSAR. in altera parte nummorum suorum expressit *Romæ caput*; in altera *Veneris simulacrum*, insistens currui, sceptrumq; manu tenens; *Cupidinibus* currum trahentibus; infra *citharam*. Videatur *Fulvius Ursinus* in *Gente Julia* p. 113. Cupidi-

nes illi veteribus dicuntur Eros & Anteros, quos è calidis fonticulis *Gadarenorum* in *Syriâ* evocatos per carmen magicum à *Jamblichò*, scribit *Eunapius* in *eius vitâ* p. 26. Tertium recenset *Servius* ad lib. IV. *Æneid.* quem vocat *Dyserota*. Cæterum illi duo notiores; & puto intelligi ab *Ovidio* in illo tritissimo:

- - *geminorum mater amorum.*

Insignis est *annulus* aureus ex *onyche* gemmâ, apud *Gorlæum* in *Dactyliotheca*, n. 132. in quo conspiciuntur duo *Cupidines*, quorum alter alterum *retortis* post terga *brachiis* tollit *sublimem*; more puerorum ludentium: Incisa eidem *pila*, sive *orbis*. Quod quidem explicari potest (nî fallor) ex *Alis Simmiæ Rhodii*, Poëtæ vetustissimi: In iis loquitur Amor, quis sit, & quando & unde natus? se omnibus Diis natu antiquiorem esse, & cælo & terræ & mari imperare: Et illud imperium non vi, ac parendi necessitate; sed amicitia *καὶ φιλοῦ* adjunctum retinere. Nil igitur aliud *pila*, sive *orbis*, significat in annulo, nisi Cupidinum imperium in Orbem terrarum. In *alia gemma*, excussa apud eundem *Gorlæum* num. 4. *gemi* *Cupidines* ex adverso manibus sese conjungunt, & componunt; velut ad saltationem: Hos ergo *Cupidines* geminos intelligit *Ovidius*, & *C. Cæsar* in nummo suo. Longum foret recensere nummos *C. Cæsaris Dictatoris*, auctoritates Poëtarum & Historicorum; quorum omnium eadem sententia fuit, *Æneam*, gentis *Julie* conditorem, ab *Anchise* & *Venere* procreatum.

Porrò, confecto bello Trojano, id est, *foedere*
inter

inter Trojanos & Græcos iſto, magna hominum turba Trojæ congregata fuit; cū nec ſocii omnes (qui Trojanis militaverant) abire vellent. Videbatur etiam *Aneas* partem regni petiturus, quæ à *Priamo* hęc conditione illi promiſſa fuerat; ſi contra Græcos in bello ſtrenuam operam attuliſſet: Quod *Hector* videns, ut urbs ſuperflua multitudine levaretur, nec à regni diſiſione varia incommoda orirentur; *Aneam* miſit cum magno colonorum numero, nulliſque percipit pecuniis, ut illi ſatiſfacerent: Adjecit, dignum quidem, eſſe *Aneam*, qui regnaret; ſed & illud *Aneā* dignum, ſi novum imperium conderet: Præſertim, cū nec deſint vires, ad invadendam Europam; idque glorioſiſſimum regio generi futurum, ſi *Asia* atque *Europa* ſimul imperaret. Amplexus hęc eſt *Aneas*, & magnā multitudine colonorum aſſumptā, navigavit in *Italiam*, aſpirante fortunā. Hęc veriſſima narratio & è pilis & columnis *Ægyptiorum* de *Anea* adventu in *Italiam*, ejuſque cauſis. At Romani Scriptores omnes (cū non haberent doctores alios, niſi Græcos vicinos) ipſi proavorum & conditorum ſuorum memoriis deſtituti (vel ab iis oriundi, qui fortiter facere, quā res ſuas deſcribere ac de originibus judicare peritiores) injuriam veritati factam minùs feliciter propulſarunt: Etiam ipſi de *Anea* ſuo fabulas *Græcanicas* loquuntur, & exulem faciunt imperii ſui nobiliſſimi conditorem; qui *Anchiſen* patrem, gravem ſenio, per media hoſtium agmina, & per cadentis circa ſe urbis ruinas tulerit. Ita loquitur *Seneca* lib. III. de Beneficiis c. 37; qui & *Conſolatione ad Helviam* c. 7:

Roma.

Romanum imperium, inquit, auctorem exulem respicit; quem profugum, captâ patriâ, exiguas reliquias trahentem necessitas & victoris metus, longinqua quarentem, in Italiam detulit. Quis non rideat ad hæc talia? cùm considerârit, tantum Æneam in Italia potuisse, bella cum bellicosiss gessisse, regnum amplissimum fundâsse; Venisse tamen in Italiam, viribus omnibus destitutum; & nil aliud adferentem, nisi patrem & exiguas Trojæ reliquias?

Ut de rebus Æneæ quædam dicam ex ipsis Scriptoribus Latinis Græcisq; : Cùm post longos errores, & (ô prodigos opum suarum exules!) multas civitates conditas (inter quas Ænum Thracia referunt, *Conon in narrat. 46. Mela lib. II. c. 2. Auctor libri de Origine gentis Romanæ, Ammianus Marcellinus lib. XXII. p. 211. edit. Vales. &* quamvis obscure, *Virgilius lib. III. Æneid. dissentiente Servio, nec accedente Dionysio Halicar. lib. I. c. 49. qui scribit ad Thraciæ peninsulam Pallenem appulisse, habitatam à Crusæis barbaris; ibiq; templum Veneris & oppidum non Ænum, sed Æneam extruxisse*) tandem ad Italiæ Laurentum pervenisset; continuo oppidū ædificare, magnâ suorum alacritate aggressus est: Et (ô superbos & suæ fortis ignaros exules!) excurrere in viciniam iussit, qui ferrum, ligna instrumentumq; rusticum, agrestibus indignantibus, auferrent. *Latinus tūc in eâ Italia parte regnabat, & adversus Rutulos bellum gerebat; fortunâ parùm prospera. Is dum terribilem nuntium accepisset de adventu peregrini exercitus, omnia circumcirca vastans, intermisso præsentī bello,*

bello, in Trojanos magnum eduxit exercitum: At cum videret Græcum in morem armatos, & servatis ordinibus Martis aleam impavidè expectantes (ô eximium in exulibus animorum robur, & repentinam inermium Trojanorum armaturam!) statim de pace cogitat: Fœdusq; factum his conditionibus, ut *Aborigines* darent *Trojanis* agri, quantum peterent, ut *Trojani* *Aboriginibus* in præfenti bello socii essent, utrique alteros pro viribus juvarent. Posthæc itum in Rutulos, & (ô inusitatum Italiæ spectaculum!) qui regni sui florentis viribus instructus bellum infelix gesserat, ope calamitosorum & exulum vincit. Trojani pleni gloriâ cum Latinis post victoriam ad semiperfectum oppidum redeunt, & alacritate pari muniunt, templis & cæteris ornamentis satis instruunt, appellantq; *Lavinium*, à *Lavinia*, Latini filia. Tum regnum *ÆNEAS* inter Trojanos exorsus est, & cum paulò post etiam *Latinus* bello contra *Turnum* perisset, ex affinitatis jure (duxerat enim Latini filiam) universa hæreditas, cum Latinorum regno ad illum pervenit. Pugnavit posthæc non tantum contra *Rutulos*, sed etiam contra *Regem Tyrrhenorum, Mezentium*; quòd suspectam haberet nimiam Trojanorum potentiam: Sed in eo bello submersus in *Namitio* flumine interiit. Hæc omnia leguntur, sed fusiùs descripta, apud *Dionys. Halicar. lib. I. à cap. 43. usque ad 65.* Liberos reliquit è *Crensa*, Priami filia, & *Ascanium*, à *Lavinia*, Latini filiâ, *Silvium Posthumum*. *Lavinia* hujus præter alios multos meminerunt *Silius lib. XIII.* & *Varro lib. IV. de Lingua Latina.*

ASCANIUS, qui & *Eurylion*, anno mundi 2774 (sequor *Calvisium*) succedit parenti. Primum opus (nî fallor) consecratio parentis; nam, ut non unus scriptum reliquit, *Æneas Pater Indiges & Pater Deus Indiges* nominatus est. *Indigetes* autem vocabant propriè (si credimus Grammaticis) *Deos ex hominibus factos*: Cujus nominis & varias reddunt rationes, sed in plerisq; nugantur. *Deus Indiges* propriè, quem Græci Θεὸν ἐγχλωρον, seu πατρῶον, vocant. Quò facit illud Poëtæ:

Dii primi, Indigetes, quorum sub numine Roma est.

Ita dictus est ab *indu* & *ago*. Sic *indigena*, ὁ αὐτογενής, ut docet *Salmasius ad Solini c. 2.* Posthæc, *Ascanius* bello petitus à *Mezentio*, & obsessus, eruptione nocturnâ *Lausus*, *Mezentii* filium, obtruncat: Inde obsidione solutâ, pax facta est. *Dionys. lib. I. c. 65.* Tricesimo anno post conditum *Lavinium*, *Ascanius* novæ urbis fundamenta jecit; opusq; absolvit A. M. 2799. Urbis nomen à situ *Longæ albæ* inditum. *Liv. lib. I. c. 33.* & alii quàm plurimis. Moritur *Ascanius* anno mundi 2812. anno regni 38. ut ait *Dionys. lib. I. cap. 70.*

SILVIUS POSTUMUS suscepit imperium *Albanum*, frater *Ascanii*; sed *Julio* (qui erat filius *Ascanii* natu major) ex populi scitu honor *Sacerdotii* pro regno datus est, regio imperio securior ac quietior. Ab hoc clarissima *Juliorum* gens originem suam trahit. *Dionys. d. l.* Alii plerique *Julum* eundem cum *Ascanio* faciunt, ut *Virgilius*, *Strabo*, *Livius*, & *Cato* in
Origine

Originibus *apud Servium* : Alii, ut *Hermannus Contractus*, qui obiit anno Christi 1054) & *Reusnerus in Romanis Familiis*, & *Reineccius Tom. III. Famil.* ajunt, *Julum* filium esse *Silvii Alladii*, nepotem *Silvii Tiberini*, pronepotem *Silvii Capeti*, abnepotem *Silvii Capys*, &c. & proavum *Julii Proculi* ; qui Romuli temporibus Romam commigrârit, & pater sit omnium *Juliorum Romanorum*. Hoc illi quidem acceperunt ab *Eusebio*, qui videndus *num. 1141*.

Sed qui *Julii Proculi* mentionem faciunt, è veteribus *Dionysius lib. II. c. 64. Liv. lib. I. c. 16. Ovid. lib. II. Fast. Florus lib. I. c. 1. §. 18. Plutarchus in Romul. p. 35. & in Parallelis p. 313* (ubi ex *Aristobuli lib. III. rerum Italicarum* vocat *Actium Proclum*) hoc non dicunt. Immò *Dionysius* (quo Romanos antiquitates nemo diligentius scrutatus est) ab *Ascanio* derivat genus : *Julius*, inquit, *oriundus ab Ascanio, agricultura studiosus, viteque inculpata*.

Hunc nos omninò sequimur, & nunc quidem ad *Silvium Postumum* revertimur : Eum *Postumum Taurinum* appellat *Gotfridus Viterbiensis in Chronico*, moritur A. M. 2841. relicto filio *Ænea Sylvio*, cui succedit *LATINUS SILVIUS*, *Æneæ filius*. Regnat annis uno & quinquaginta, id est, usque ad A. M. 2923, qui fato functus, hæredem regni reliquit *ALBAM SILVIUM*. Is regnum tenet annis triginta, & A. M. 2962. successorem habet filium, *CAPETUM SILVIUM*. *Capetus* A. M. 2988. filium *CAPYN*. *Capys* A. M. 3016. filium *CALPETUM SILVIUM*. *Calperus* A. M. 3029. filium *TIBERINUM*

NUM SILVIUM. Ita vocat *Dionysius Halicar. d. l. Eusebius n. 1039. Ovidius IV. Fastor. & Livius lib. I. c. 3.* At *Sigonius* Tiberium dictum putat, ex *Eustathio*, Dionysii interprete; sed quis non agnoscit Græculum nugantem? Tiberinus dicitur apud *Livium* in triga membranarum Palatinarum, attestante *Grutero*. Ejus filius AGRIPPA SILVIUS post patrem regnum accipit A. M. 3037. Et post hunc A. M. 3078. filius ALLADES SILVIUS, qui, quòd fulmen Jovis imitaretur, seu fulmine ictus; ut (*præter Diodor. Sic. in Excerpt. Peiresc. p. 223.*) *Livius* ait: *Seu biatu terræ* (ut *Dionysius*) cum totâ regiâ absorptus est A. M. 3096. Scribit *Dionysius*, suo etiamnum ævo, decrescente stagno, & aquis decedētibus, per tranquillitatem spectari diruta atria; & alia habitationis vestigia. Romulum dicunt *Livius, Appianus* apud *Photium, Diodorus* in dictis *Excerptis, Ovid. in IV. Fastor.* Aremulum *Eusebius n. 1142.* Amulium *Dio* apud *Isaacium Tzetzem* in *Lycophronis Cassandra*, & *Zonaras*, Dionis compilator, sed Ἀμυλίου magno discrimine *Dionysius* appellat. AVENTINO regnum Albanorum traditum A. M. 3096. Monti *Aventino* nomen dedit; in quo etiam sepultus est. Fuit filius *Romuli Silvii*, ut è *Dione d. l.* apud *Tzetzem & Appiano* apud *Photium* *Cod. LVII.* manifestum est. Deinde PROCAS SILVIUS regnat, *Aventini* filius, initiumq; regni ponitur A. M. 3132. Is NUMITOREM SILVIUM, & AMULIUM SILVIUM procreat. *Junior* majori regnum extorquet A. M. 3155. Addit sceleri scelus, & Numitoris fratris filium Ægestum,

Ægestum, ut *Dionysius* nominat lib. I. c. 77. *Ænium*, ut *Plutarchus* in *Paral.* p. 314. *Lausum*, ut *Ovid.* lib. IV. *Fast.* per insidias interfecit. Ejus autem fratris filia *Rheæ* (quæ *Σιρβήλια* vocabatur in tabulis *Cysini* templi, matri *Attali* & *Eumenis* dedicati, varias anaglyphas historias continentibus, ut observat *Salmasius* ad *Solini* c. 2. hoc alibi non legas) per spem honoris, cum *Vestalem* eam legisset, perpetuâ virginitate, spem partus adimit: Sed vi compressa *Vestalis* A. M. 3172. *geminum partum edidit*. Quod cum *Amulius* cognovisset, sacerdotem in custodiam dari, pueros in profluentem aquam mitti iussit. Verum expositos in proximâ alluvie, ubi sequentibus seculis *ficus ruminalis* erat: Et lupam sitientem ex montibus, qui circa sunt, ad puerilem vagitum, cursu flexisse.

Nolo plura; nam hæc fabulosa sunt, & in vulgus notissima, quæ ad historicam veritatem reducere conatur *Vossius* lib. I. de *Idolol.* c. 12. p. 92. Nimirum per *lupam* illam non aliam intelligendam esse, nisi *Accam Laurentiam*, occisi pudoris scortum; cujus ubera *Romulus* & *Remus* suxerint. Porro ita geniti, ita educati, tandem ubi adolevit ætas, venando peragrabant saltus; nec tam in feras, quàm latrones prædâ onustos, impetum faciebant. Sed capto *Remo*, tum aliis indiciis, tum *Faustuli*, pastoris regii confessione deteguntur omnia; utrumque *Numitoris*, è filia, nepotem esse; Et paullo post *Amulius* eadem fraude occiditur, quâ fratrem regno dejecerat. Restitutus est NUMITOR A. M. 3196. Hic ultimus Rex *Albanorum* fuit, post cujus obitum, deficiente stirpe regia,

Albani annuos magistratus creârunt regiâ potestate ;
iique Dictatores appellati, *Dionys. lib. V. c. 83. De Ro-*
manis Regibus agam alio loco.

REGNUM ATTICUM.

Ogyges primus Atticorum Rex ab Japeto ori-
undus. Cecrops secundus in mari rubro
submersus. Regum Atticorum omnium Cata-
logus usque ad Codrum. Adscripta tem-
pora, quibus quisq; regnârit ; cum nomini-
bus Patrum, Conjugum & Liberorum ; quæ
quidem sciri potuerunt.

EX Italiâ trajiciamus in Græciam, antiquissimum
in eâ regnum *Atticum* ; sed quæcunque de hoc
dici possunt, jam præcepit singularis industria
viri non doctioris (licet fuerit doctissimus) quàm me-
lioris *Joh. Meursii*. Is adeundus est in *tribus libris*
de Regno Attico, sive, de Regibus Atheniensium, eorum-
que rebus gestis : Ni fortassis jubeor in paucas lineas
compingere, quæ cùm apud illum, tùm alios dicun-
tur, quod faciam.

Antiquissimus Regum omnium fuit **OGYGES**,
Neptuni filius & Alistræ, ut vult *Tzetzes*, Bœoti
& Corinnæ, ut *Scholiastes Apollonii*. Primùm The-
bis regnârat. *Meursius lib. I. de Reg. Attico c. 1.* Mea
sententia est, ut alii Græci ab Japeto Noachi filio
genus trahunt, sic istum ; & cùm *Japetus idem, qui Ne-*
ptunus, ut docet *Vossius lib. I. de Idol. c. 5.* Hinc Ne-
ptuni

ptuni filium fecerunt, qui esset è seris nepotibus. Confirmat hoc *Cedrenus*: ἐν δὲ τοῖς χρόνοις Μωσέως μέγανέ τις ἀνὴρ μέγας ἐκ τῆς φυλῆς Ιάφεθ, ὄνομα τῷ ἀνδρὶ "Ογγυς: Id est: *Temporibus Mosis extitit vir quidam magnus ex Japeti prosapia, nomen illi Ogygus*. Vixit temporibus *Isaaci & Jacobi Patriarcharum*, ut ex Græcis probant *Scaliger ad Eusebium, n. 236. & Petavius Ration. Temp. part. I. lib. I. c. 4.* Hoc est, A. M. 2169. regnante apud Assyrios Belochos; ut Eusebium secutus computat *Calvisius*. Alii, ut *Justinus Martyr, Orat. contra Gentiles, Africanus apud Eusebium de Preparat. Evangel. lib. X. & Cedrenus* modò adducto loco *Mosis σύγχρονον*, id est, multò recentiorē faciunt.

Ortum est *Ogygis* temporibus magnum diluvium, quod totam Atticam afflixit; ipsumque Regem (ut nonnulli volunt) submersit. Ex eo tempore nullus Atticæ Rex fuit (licet à quibusdam ACTÆUS interponatur) usque ad CECROPEM; hunc, *Vulcani & Terræ* filium, plerique primum Atheniensium Regem faciunt. De eo consulendi *Ludovicus Vives in August. lib. XVIII. de Civ. Dei c. 8. Scaliger ad Eusebium n. 461. Meursius lib. I. de Regno Attico, c. 6. 7. 8. 9. 10. & 12.* Periit in mari rubro, cùm Pharaonem, Ægypti Regem, adjuvans, Israëlitas persequeretur; ut *Honorius & Albertus in Chronicis* suis memoriæ prodiderunt. Nec valdè repugnat temporis ratio. *Mosi* coætaneum faciunt, quàm plures; & verosimile, Regem Ægyptiorum, adjuvisse *Cecropem*, & ipsum Ægyptium. At alii CRANAUM Cecropi successorem

dant, aliquot annis ante exilium Israëlis, id est, A. M. 2440. cum hic incidat in A. M. 2543. Et hujus sententiæ fuit *Scaliger*, quem secutus est *Calvisius*. *Cranæus* nullo cognationis jure *Cecropi* conjunctus, secundum istos regnat ab A. M. 2440. ad A. M. 2449.

Uxor ejus *Pediade*, *Cranaën*, *Cranachmen*, & *Atthin* filias illi peperit. Et à postrema nomen habet *Attica* regio & dialectus. Ejusdem filius est *Rharus*, juxta *Hesychium*; & è *Rharo* nepos, *Triptolemus*, juxta *Charilum* apud *Pausaniam*. At, ut *Suidas* vult, *Rhari*, è *Celeo* filio nepos, *Triptolemus* fuit.

Sive *Cranaën*, sive *Cranachmen* duxit AMPHICTYON, *Deucalionis* ac *Pyrrhæ* filius, *Hellenes* frater; qui *socerum* *Cranaum* regno pellit A. M. 2449. integro quadriennio ante exitum Israëlis ex Ægypto, ut vult *Calvisius* ex *Africano*. At *Scaliger* lib. II. *Can. Isagog.* p. 159. anno ejus primo Moysen eduxisse populum ex Ægypto. At *Eusebius* ejus initium ponit in anno 14. post exodum Israëliticam. E *Cranai* filiâ suscepit *Itonum*, & filiam, è quâ *Rharum* *Triptolemus*, *Cercyonem* *Neptunus* genuit, ut è *Pausaniâ* constat.

Pulsus ab ERICHTHONIO, *Vulcani* & *Minervæ* filio, A. M. 2459. si computationem *Calvisianam* sequimur. Aliis *Erechtheus* dicitur, quem *Minerva* occultatum in cistâ cum geminis serpentibus, *Cecropis* filiabus commendârit. Unde mos ille, ut omnes ejus posterii alerentur in cunis, quæ auro ductos angues haberent appositos; quemadmodum scribit *Euripides*. Eidem *Erichthonio* templum fuit *Athenis* in arce positum, ubi & serpentes erant duo custodes ar-

eis; quibus mellita quotidie apponebantur placenta, ut ex *Herodoto* & *Hesychio* docet *Valesius ad Ammiani lib. XVI.* Minervam ejus matrem, alii *Brontei*, alii *Cranai* filiam faciunt, *Meurs. lib. II. de Regno Attico c. 2.* Hic est, qui *Athenis pecuniam primus* signavit, *Pollux lib. IX. c. 6.* Uxorem habuit *Pasitheim*, & ex ea *Pandionem* filium.

PANDION sextus Rex Atheniensium (si *Ogygem* annumeramus) vel quintus (si *Cecropem* primum constituimus) *Erichthonii* & *Pasitheæ* filius, succedit A. M. 2059. juxta *Calvisium*. Bella gessit contra *Labdacum*, auxiliis *Thracum* adjutus; & in præmium navatæ operæ *Prognen* filiam *Tereo*, *Thracum* Regi, despondit. Eam *Prognen*, ut & *Philomelam*, cum filiis *Erechtheo*, ac *Bute* *Pandion* è *Zeuxipse*, matertera sua, susceperat. *Pandioni* mortuo succedit A. M. 2549. ERECHTHEUS II, filius: Alii *Ægyptium* putant. Sub hoc vult *Justin. lib. II. c. 6.* frumenti sationem apud *Eleusin* à *Triptolemo* repper- tam; à quo stant aliqui, & rursus alii dissentiunt, vide *Meurs. lib. II. de Regno Attico c. 3. & 7.* Bellum gessit hic Rex cum *Chalcidensibus*, *Eubææ*; & cum *Eleusiniis*, & cum *Eumolpo*, *Thracum* Rege: Ut vinceret, filias immolavit. Uxor ejus *Praxithea*, *Cephesi* filia, seu (ut alii volunt) *Cephesi* ex *Diogenea neptis*; è quâ geniti *Cecrops*, *Orneus*, *Pandorus*, *Metion*. *Pandorus* filios habuit *Alconem* & *Diantem*: *Metion* ex *Iphinoë* *Dædalum*; sive, ut alii, ex *Alcippe* *Eupalamum*, *Dædali* patrem: Nominatur & *Thespiis* (cujus filia 50. *Hereulis* innuptis nuptiis celebrantur) *Erech-*

thei filius : At filia *sex*, aut plures etiam ; quarum *duæ* natu maximæ, *Protogenia* & *Pandora* immolatæ sunt. *Procris* Cephalo, *Dejonei* filio, nupsit : *Creusa* Xutho collocata est, unde natus *Jon* : *Orithyiam* Boreas rapuit : *Chthonia* nomine saltem nota est. Addunt alii *Cleopatram*, *Phineo* nuptam ; & *Meropem*.

Mortuo *Erechtheo* CECROPS II. ejus filius regnum auspicatus A. M. 2599 juxta *Calvisium*. Hic *Athenienses* in vicis habitantes in *duodecim* tribus distinxit. Et ex *Metiadusa* conjuge, ait, *Eupalami* filia, sustulit *Pandionem* ; filias quoque habuit *Creusam*, *Orithyiam*, *Procrim* è nominibus amitarum appellatus. Regnavit annis 40. ut ait *Africanus* apud *Scalig.* in *Euseb.* p. 28. quem ubique sequitur *Calvisius*. Sed ex inadvertentia factum est, ut *Pandionem* *Cecropi* successisse scriberet A. M. 2649. Sic enim regnâset *Cecrops* annis 50. Omnino corrigendus hic error, qui multos alios secum trahit, in chronologia ; etsi rectè in prioribus computârit.

PANDION II. Rex constituendus A. M. 2639. *Pandion* hic *Cecropem* patrem habuit, non patrum ; Ejectus à *Metionis* patrum liberis, *Megaræ* concessit : Et ex *Pelia*, filia *Pylæi* Regis *Megarensum*, filios habuit *Ægeum*, *Pallantem*, *Nisum* & *Lycum*. Regnum ejus fuit annorum 25, ut præter *Africanum* scribunt *Euseb.* *Marianus*, & *Vincentius Bellovacensis*.

Ergò *ÆGEUS*, qui *Pandioni* secundo, patri successit, regnare cœpit A. M. 2664. ut *Calvisius* ; cum pro annis 40. *Cecropi* secundo, tribuisset 50. Necessariò jam peccant iterum (pendet enim unus error ab altero)

altero) & decennio seriùs, id est, A. M. 2674. ponit initium Ægei. Uxores huic Regi fuerunt *Meta*, *Hopletis* & *Chalciope*, Rhexenoris filia; ex quibus nulli liberi: Postea, cum *Æthra*, Pitthei filia, consuevit: Inde natus ipsi *Theseus*. Ex *Medea* quoque suscepit *Medum*; sed rursus ex *alia* filium *Achamenem*. Moritur A. M. 2712. cùm regnâisset annos 48. Quod ipsum dicunt *Euseb.* *African.* *Marian.* & *Vincen. Bellovac.*

Hic satis mirari non possum, quomodo *Calvisius* post conturbatas rationes suas tam citò redeat in viam? Cùm Ægeum scribat regnare cœpisse A. M. 2674. & tribuat illi 48. annos; tamen excessisse scribit A. M. 2712. Profectò casui & fortunæ hoc debet, quòd (licet sedens ad calculos obdormiisset) rectè tamen constituerit annum *excessus* Ægei, & *initium* Thesei: Nam Theseus post Ægeum patrem regnum possedit per annos 30, id est, ab A. M. 2712. ad annum 2742. *Thesei res Plutarchus* refert in *majoribus Parallelis*, & *libro singul.* pertractavit *Meursius*.

Eo pulso regnum occupavit MENESTHEUS, Petei filius, Ornei nepos, Erechthei pronepos. Hic peritiâ rei militaris præstitit, *aciemq;* *primus ordinâsse* fertur; *Trojano bello interfuit*. Unde rediens in insula Melo diem obiit, cùm regnum obtinuisset per annos 23. hoc est, A. M. 2742. ad A. M. 2765. Initium in *Calvisii Chronologia* perperam omissum est; dubium, typographi, an auctoris ipsius, negligentia?

Regnum capeffit DEMOPHON, Thesei filius & ipse cum Græcis in Trojanos profectus: Hujus de

causa *Phillis* suspendio finivit vitam, cum in *Thraciam* sese rediturum promitteret; nec rediret. Dicitur *Phillis novies* ad litus cucurrisse, unde urbi *Thraciae* nomen *Ἐννεία Ὀδοί*, *novem via*, ut refert *Hygnus fab. 59*. Regnavit hic *Demophon* per 33. annos (ut *Græcus & Latin. Eusebius, Marianus Scotus, & Vincent. Bellovac.* scribunt) hoc est, ad A.M. 2798. ΣΦάλαμα typographicum tolles apud *Calvisium*, ubi legeris, regnasse annis 38.

Successorem habuit *OXYNTEM*, qui ab A.M. 2798. regnat ad A.M. 2810. In *Calvisio* perperam *Aphidas Oxynthe* succedit A.M. 2809. *Aphidem* istum & *Thymetem* filios reliquerat *Oxyntes*; sed regnum *APHIDAS* saltem unum annum tenuit, occisus à fratre *Thymete*, qui regnum summo scelere invasit A.M. 2811. cum non tantum natu minor, sed & spurius esset. Regnavit autem, ut quidam volunt, annos 8, ut alii 9. Atque ita A.M. 2819. vel seq. regnum *Thesidarum & Erechthidarum* apud *Athenienses* finitum est; nam *THYMÆTES* hujus stirpis postremus fuit. Duravit regnum *Athenarum* à *Cecrope I.* annis 429. ut volunt *Castor in fragmento* (quod *Latinè* transtulit *Hieronimus*) & *Freculphus tom. 1. lib. 1. c. 19.* Nec *Africanus* abit, quem *Calvisius* sequitur. Etenim *Cecrops I.* regnavit annis 50. *Cranus* 9. *Amphictyon* 10. *Erichthonius*, seu *Erechtheus I.* 50. *Pantion I.* 40. *Erechtheus II.* 50. *Cecrops II.* 40. *Pandion II.* 25. *Ægeus* 48. *Theseus* 30. *Menestheus* 23. *Demophon* 33. *Oxyntes* 12. *Aphidas* unum, *Thymetes* 8. Sic ab initio *Cecropis I.* ad mortem *Thymetis* colligun-

colliguntur anni 429. At secundum *Calvisium* Thy-
mætis mors incidit in A. M. 2819. Proinde initium
Cecropis I. non rectè insertum est apud eundem A.
M. 2394. Debebat A. M. 2390: Nam ab annis 2819.
detractis 429. remanent anni 2390. Ut, qui Calvi-
sium habent, secum ipso in gratiam eum redigant; pla-
cet ex *Africano*, & aliis, *chronologiam Regum Atticorum*
ita dispensare, & digerere; *Calvisianam* verò supputa-
tionem è regione ponere, ut diversitas statim sub
aspectum veniat.

JUXTA AFRICANUM,
ALIOSQ.

JUXTA CALVI-
SIUM.

<i>Cecrops</i> incipit A. M. 2390.	<i>Cecrops</i> incipit A. M. 2394.
Moritur A. M. 2440.	cui succedit
<i>Cranaus</i> incipit A. M. 2440.	<i>Cranaus</i> A. M. 2440.
Pellitur A. M. 2449.	Pellitur A. M. 2449.
<i>Amphictyon</i> incipit A. M. 2449.	<i>Amphictyon</i> incipit A. M. 2449.
Pellitur A. M. 2459.	Pellitur A. M. 2459.
<i>Erichthonius I.</i> inc. A. M. 2459.	<i>Erichthonius I.</i> A. M. 2459.
Moritur A. M. 2509.	Moritur A. M. 2509.
<i>Pandion I.</i> incipit A. M. 2509.	<i>Pandion I.</i> incipit A. M. 2509.
Moritur A. M. 2549.	Moritur A. M. 2549.
<i>Erechtheus II.</i> inc. A. M. 2549.	<i>Erechtheus II.</i> inc. A. M. 2549.
Moritur A. M. 2599.	Moritur A. M. 2599.
<i>Cecrops II.</i> incipit A. M. 2599.	<i>Cecrops II.</i> incipit A. M. 2599.
Moritur A. M. 2639.	Moritur A. M. 2649.
<i>Pandion II.</i> incipit A. M. 2639.	<i>Pandion II.</i> incipit A. M. 2649.
Moritur A. M. 2664.	Moritur A. M. 2674.
<i>Ægeus</i> incipit A. M. 2664.	<i>Ægeus</i> incipit A. M. 2674.
Moritur A. M. 2712.	Moritur A. M. 2712.
<i>Theseus</i> incipit A. M. 2712.	<i>Theseus</i> incipit A. M. 2712.
Definit A. M. 2742.	Definit A. M. 2742.
<i>Menestheus</i> incipit A. M. 2742.	<i>Menestheus</i> incipit A. M. 2742.
Moritur A. M. 2765.	Moritur A. M. 2765.

Demophanes

<i>Demophon</i> incipit A. M. 2765.	<i>Demophon</i> incipit A. M. 2765.
Moritur A. M. 2798.	Moritur A. M. 2798.
<i>Oxyntes</i> incipit A. M. 2798.	<i>Oxyntes</i> incipit A. M. 2798.
Moritur A. M. 2810.	Moritur A. M. 2809.
<i>Aphidas</i> incipit A. M. 2810.	<i>Aphidas</i> incipit A. M. 2809.
Occiditur A. M. 2811.	Occiditur A. M. 2810.
<i>Thymates</i> incipit A. M. 2811.	<i>Thymates</i> incipit A. M. 2810.
Finit A. M. 2819.	Finit A. M. 2819.

Et ad hanc tabulam ipse *Calvisius* corrigendus erit: Contra enim ipsius mentem est, & *Africani*, quem sequitur; quod ab illâ nostrâ diversum est.

Finita *Thesidarum* domo A. M. 2819. successit MELANTHUS, *Andropompi* filius, *Bori* nepos, *Penthili* pronepos, *Periclymeni* abnepos, *Nelei* adnepos, *Neptuni* trinepos. *Heracidae* Messenæ regno expulerant: Hinc consulens Oraculum de habitationis loco, responsum tulit, sedem ejus futuram, ubi caput atq; pedes pro muneribus hospitalibus offerentur. Quod & factum est *Eleusinae*; nam cum foeminæ sacerdotes ibi festum quoddam patrium celebrarent, jamq; carnes universas absumsissent; caput & pedes (quæ supererant) adveniēti fortē *Melantho* miserunt. Donatus posthæc civitatis Atticæ jure, cum *Xanthum*, *Bæotia* Regem, duello superâsset, regno dignus visus est. Ajunt hæc fraude usum. Cum enim primū congrederentur, *Melanthus* ad *Xanthum*: Iniquè & contra pactum facis, qui adversus solum cum altero processisti! Cumque admiratus ille, quisnam comitaretur se, respexisset; aversum uno ictu confecit. Front. l. II. *Stratag. c. 5.* Scholiast. *Aristoph. ad Pacem, & ad Acharnenses*; & qui iisdem cum Scholiaste verbis utuntur: Sed (ut docet *Reines. lib. III. Variar. Lection.*

c. 7. p. 470.) ab *Emilio Porto* malè versus, *Suidas* in ἀπατρία. In memoriam hujus victoriæ dolo reportatæ institutum festum *Apaturia*, quasi dicas *deceptoria*. Moritur A. M. 2856. regnavit enim annos 37. ut est apud *Euseb. Hieron. Marian. & Vincent. Bellov.*

Et *CODRUS* filius in ejus locum suffectus est, ob Remp., bello præclarissimè gesto servitute liberatam; ut ex *Aristotele* docet *Meursius lib. III. de Reg. Attic. c. 11.* Vicit etiam *Heracidas*, Atticam armatâ manu invadentes. *Strabo lib. IX.* Sed nihil tam illustre, quàm finis generosissimus; ob quem *Exemplar Imperatoribus*, Romani Sapientis patri dicitur. Videndi Scriptores, quos *Berneggerus* notat ad *Just. lib. II. c. 6. §. 10. & Meursius, d. l. c. 11. 12. 13.* Regnavit annos 21. ut δὲ πῶς tradunt *Eusebius, Hieronymus, Cedrenus, Marianus & Vincent. &c.* Mors ejus incidit in A. M. 2879. florente adhuc primâ *Assyriorum dynastiâ.* Hujus honori datum, ut quem generosum vellent, dicerent generosiores *Codro*: Ut, quem formosum, formosiores *Nirio*; quem prudentem, prudentiores *Ulysse.* Sed & contra, nescio quâ lasciviâ pro insulso fatuoq; plures usi sunt, ut docet *Meursius d. l. c. 14.* Quo si referunt illud *Virgil. eclog. V. v. 11.*

Aut Alconis habes laudes, aut jurgia Codri. Rectè faciunt. Videtur enim *insulsum* quendam rusticum *Virgilius Codrum* dixisse, ex imitatione Græcorum. Hoc ni fallor, sensit *Scaliger lib. III. Can. Isag. p. 330.* Porro datum eidem *Codro*, ne quis postea Athenis regnaret: Hinc perpetui Ἀρχοὶ constituti; & cùm

& cum ille filios reliquisset, *Medontem & Nileum, Androclum, Cyarethum, Damasichthonem, Prometheum, Andremonem, Damasum, Naoclum, & Cleopum*; ex his *Nileus*, oraculi monitu, ad colonias deducendas abiit, & *Miletum* condidit.

MEDON ^{Ἀρχων} constitutus est A. M. 2877. Remp. tenet annis 20. Succedit AGASTUS filius A. M. 2897. cui tribuuntur anni 36. Moritur A. M. 2933. ARCHIPPUS, Agasti filius, tertius ex Archontibus *perpetuis* fuit. Præest 19. annos; & succedit A. M. 2952. filius THERSIPPUS. Hic per annos 41. Archon fuit, atque adeò mortuus est A. M. 2993. Succedit PHORBAS filius dicto anno; quod in *Calvisii* Chronologiâ præteritum est: Et decedit A. M. 3024. Fit Archon MEGACLES, Phorban-
tis filius; & præest annos 30. Finis igitur incidit in A. M. 3054. quo succedit DIOGNETUS, ejus filius; cui assignantur anni 28. Mortuus est igitur A. M. 3082. Hinc illo anno administratio Reip. permiffa PHERECLI, Diogneti filio; qui anno 19. moritur, hoc est, A. M. 3101. Succedit ARIPHRON, Phereclis filius; & fato fungitur A. M. 3121. THESPIEUS Archon factus est in patris locum; & cum præfuisset annos 27, successorem habet AGAMNESTOREM filium, A. M. 3148.

Hic rursus occurrit, quod corrigendum est apud *Calvisium*: Cum ipse fateatur, *Thespieum* præfuisse saltem annos 27, nec potest aliter propter auctoritatem *Eusebii*; tamen initium *Agamnestoris* ponit A. M. 3149. quasi remp. obtinuisset per annos 28. Tamen

MOX

mox redit ad supputationem rectam: Cùm enim *Thestier* successor & filius *Agamnestor* Archon fuerit per annos 20, atque adeò secundum accuratam supputationem mors incidat in A.M. 3168; respondet hìc nobis *Calvisianus* calculus.

ÆSCHYLUS post *Agamnestoris*, parentis mortem Archontis potestate fungitur per annos 23; decedit igitur A. M. 3191. *Ultimus* è *Medontidis* **ALCMÆON**, *Æschyli* filius, Archon *perpetuus*, principatum non nisi per *biennium* tenuit: *Calvisius* saltem *uno* anno præfuisse scribit, secutus *Scaligerum* lib. I. *Can. Isag.* p. 160. Sed quam rationem habuerit *Scaliger*, nondum exputare potui: Repugnat ipsius *Euseb. Græc.* p. 39. qui *Alcmæoni* tribuit ἔτη β. unà cum *Hieronymo* interprete; apud quem lego n. 1261: *Atheniensium tertius decimus Alcmæon annis duobus.* Ergo desit A. M. 3193.

Perpetuis successerunt *decennales*, quorum primus **CHAROPS**, *Æschyli* filius, *Alcmæonis* frater: Secundus **ÆSIMEDES**, & ipse *Æschyli* filius: Tertius **CLIDICUS**, *Æsimedis* filius: Quartus **HIPPOMENES**, de cuius immani sævitia *Diod. Sic. in Excerptis Peiresc.* pag. 230: Cùm ejus filia à, nescio quo, vitata esset; ita excanduit, ut inclusam in stabulò unà cum equo victu per aliquot dies frustratus sit: Quo facto equus fame in furorem datus infelicem puellam mandere coactus est. Hanc ob causam magistratu pulsus est, ut *ibidem* scribit *Nicol. Damascenus* p. 446. Quintus **LEOCRATES**: Sextus **APSANDER**: Septimus **ERYXIAS**, *ultimus Medontidarum.* Inde

annui

annui creati, quorum nomina, quâ potuit diligentia, collegit *Meursius in IV. libb. de Archontibus Atheniensium.*

SICYONIUM, ARGIVUM, LACEDÆMONIUM, CORINTHIUM.

Quatuor Græcorum regna breviter recensentur, quando cæperint & desierint. De Eurotæ ætate suspicio. Helenæ genus. De Apollodori loco sententia viri docti publicè proposita, sed in privatis literis mutata.

Fuerunt & alia per Græciam celeberrima regna Sicyoniorum, Argivorum, Lacedæmoniorum, Corinthiorum: Ac Sicyoniorum quidem regnum A. M. 1861. duobus seculis post diluvium constitutum est. ÆGIALEUS primus fuit, ultimus ZEUXIPPUS, qui moritur A. M. 2813. Numerantur in universum XXVI. Nomina omnium recenset *Scaliger lib. II. Can. p. 158.* tum ex *Africano*, cujus fragmentum exhibet in *Euseb. p. 861.* tum ex *Pausania Corinthiacis p. 94. 95. & seq.* Successerunt VII. Sacerdotes *Apollinis Carnæi*, & regiâ potestate præfuerunt per annos XXX; quorum nomina debentur *Scriptori Latino-barbaro*, apud *Eundem. p. 61.*

Argivorum cæpit ab *Inacho*, cujus initium ponunt in A. M. 2093. Sed in his recensendis neque *Pausania* cum *Tatiano*, neque *Hyginorum* utroque convenit; vide *Scal. d. l. II. Can. p. 329.*

Lace-

Lacedæmoniorum duplex Dynastia memoratur: *Antiquioris* Rex primus EURO TAS, neque quo tempore cœperit, neque quamdiu regnârit, Chronologi nostri exprimunt. Videtur tamen *Cecropi I*, Atheniensium Regi, *coævus*; quemadmodum *Lacedæmon*, ejus successor, *Erichthonio I*. de quo *Sigonius in temporibus Lacedæmoniorum* p. 672. Quicquid sit, hoc apud me certum; antiquissimos Lacedæmoniorum Reges oriundos ex Oriente; & quidem è *Palæstina*: Sic enim Rex Lacedæmoniorum scripsit ad Oniam Pontificem, apud *Josephum lib. XII. Antiquit. cap. 5*: Incidimus in quandam scripturam antiquam, in quâ invenimus, cognationem inter nos esse; & nostrum quoque genus à posteris *Abrahæ*. Confirmat hoc cognomen *Castoris & Pollucis*, "ΑΥΑΚΕΣ; quod, ut docet *Vossius lib. I. de Idolol. c. 13*, prorsus *Ebraicum* est; & *Principes* significat ab *Anac & Ænac* oriundos. Illud interim *Scaligerò III. Canon. p. 332*. facile largimur, perridiculos esse, qui *O Ebalum*, *Castoris*, *Pollucis*, & *Helenæ avum* eum esse; vaticinantur; qui *Hebal* nominatur *Genes. X. § 28*. Ultimum hujus Dynastiæ faciunt *TISAMENUM*, *Orestæ & Hermiones* filium: Et ex horum Regum stirpe oriunda fuit celebris illa *Helena*, cujus causâ bellum inter Græcos & Trojanos conflatum est: Nam *Lacedæmon* (qui *Eurota* frater uterinus fuit) *Amyclam* genuit; *Amyclas* *Argalum*; *Argalus* *Cynortam*; *Cynortas* *Oebalum*; *Oebalus* *Hippocoontem & Tyndareum*; *Tyndareus* *Castorem*, *Pollucem*, & *Helenam*.

Altera Dynastia fuit *Heraclidarum*: *Aristo-*

H

demus

demus enim, Cleodei filius, nepos Hylli, pronepos Herculis, ex Argia gemellos suscepit Eurysthenem & Proclen, duarum Lacedæmone regiarum familiarum auctores: A quibus *Eurysthenida* & *Proclida* dictæ sunt. Regnarunt autem simul, ut præter alios docet *Corn. Nepos in Agesil. c. 1. §. 2: Mos est*, inquit, a majoribus Lacedæmonius traditus, ut duos haberent semper Reges, nomine magis, quàm imperio, ex duabus familiis Proclis & Eurysthenis; qui Principes ex progenie Herculis, Sparta Reges fuerunt. Initium horum Regum incidit in A. M. 2848. Successores ad ultimum CLEOMENEM (qui in Ægypto periit A. M. 3727.) recensent Scaliger lib. II, Can. p. 161. & Sigonius in tempor. Lacedæm.

Corinthiorum quinque Dynastiæ apud Scaligerum memorabiles. Primam Sisiphidarum appellare possumus à Sisipho, Æoli filio; de quo *Homer. Iliad. 6.* cujus nomen Schmidius putat Æolicum, pro, Theosophus; ut Sibylla, quasi Θεσ βελή. Videtur, Sisiphus iste vixisse A. M. 2560: Nam ejus filius Glaucus A. M. 2590. ludos Isthmicos in honorem Melicertæ celebravit; ut ex Eusebio colligere est. Fuerunt ex hac stirpe sex, vel septem Reges; quorum postremos DORIDAM & HYANTHIDAM, Propodæ filios, Damophontis nepotes, Thoantis pronepotes, Ornytionis abnepotes, Sisiphi adnepotes, Æoli trinepotes, ALETES pepulit, circa A. M. 2649. à quo Corinthio, ἀλητῖδας vocat Callimachus apud Plutarch. in V. Sympos. παῖδας ἀλάτας Pindarus Olymp. Od. 13. antist. 1. Fuit hic Aletes, Hippotis filius, Phylantis nepos, Antiochi pronepos,

pronepos, *Herculis* abnepos. *Pausanias in Corinth.* p. 92. *Scholiastes Pindari*; quem citat *Scaliger ad Eusebii num. 916. Apollodorus lib. II. Biblioth. de cujus* lectione primum dubitavit *Vir doctissimus lib. III. Variar. Lectionum c. 2. p. 326.* Nam cum apud *Apollodorum* legeretur: Τῶν βαλὼν ἀκοντίῳ Ἰππότης, ὃ Φύλαντ' & τῷ Ἀντιόχῃ τῷ Ἡρακλέους τυχὼν ἀπέκτεινε. Hoc est: *Hunc Hippotes, Phylantis filius, Antiochi ex Hercule natus nepos, jaculo percussus interfecit.* Ipse legebat: Ἰππότης ὃ Φύλαντ' & τῷ Ἀστυόχῃ τῷ Ἡρακλέους. *Hippotes Phylantis ejus, qui Astyocheus Herculis nuptæ pater, filius.* Putabat enim *Apollodorum* de *Phylante* vel *Phylæo* Rege *Dryopum*, seu *Ephyre* loqui, *socero Herculis*; alter autem, *Phylas*, *Herculis nepos, & Hippotis pater*, non succurrebat. Sed postea mutavit sententiam in literis ad me scriptis ferme ante quinquennium, sinendumq; *Apollodorum* censuit. Quod monendum hîc duxi, ne quis in *Variis doctissimi Viri* incidens, ex *Pausania & Scholiaste* (quos laudavimus) illi temerè insultet. Meminerunt porro *Vellejus lib. I. c. 3. Strabo lib. VIII. p. 389. Diodorus Siculus*, cujus fragmentum debemus *Georgio monacho*; *Conon apud Photium Cod. CLXXXVI. narrat. 26.* ubi exponit rationem nominis, cur *Aletes* nominatus fuerit?

Aleti succedit *ILION* filius A. M. 2884; *Ixiom* filius *AGELAUS*, vel *AGESILAUS* A. M. 2921; *Agelao* filius *PRYMNIS*, vel *PRUMNES* A. M. 2958. Hic *Scaligero ultimus* est in *secunda Dynastia.*

Tertiam auspicatus est BACCHIS & ipse ex *Heraclidis* (fuit enim *Prumnis* filius, ut è *Diodoro* constat) A.M. 2994. Ab hoc familia Bacchiadarum nomen accepit, *Plin. lib. XXXV. c. 12.* Battiadæ corruptè. Quod ipsum vitium adhæsit quibusdam editionibus Ovidianis, in quibus legitur:

*Et qua Battiadæ bimari gens orta Corintho,
Inter inaequales posuerunt mœnia portus.*

Legendum ubique, *Bacchiada*; quorum *ultimus* in Dynastia *tertia* fuit TELESTES, *Aristomedis* filius, *Eudami* nepos, *Agelai* pronepos, *Bacchios* abnepos (*Diodorus*) qui occiso *Alexandro*, *Agemonis* filio, patruele suo, regnum invasit A. M. 3159. Sed qui rursus à gentibus interemptus est A. M. 3171.

Tùm, ut vult *Scaliger*, cœpit *quarta* Dynastia *Prytaneon annuorum*; è quibus primus fuit AUTOMENES. Nihil *Prytanes* differebant ab *Archontibus*, sive *Prætoribus* annuis Atheniensibus; nisi quòd *Archon* de populo sorte creabatur, *Πρύτανης* verò de *Bacchiadarum* gente: Alioquin tam *Corynthius* *Πρύτανης*, quàm *Atticus* *Ἀρχων* fastos assignabat.

Obtinuerunt hi *Πρύτανης* (quorum nomina interciderunt) potestatem in Rep. *Corynthiorum* per annos 124. Nam A. M. 3295. CYP SALUS, *Petionis* filius, *Melanis* nepos, *Antasi* pronepos (*Bacchiadis* in ordinem redactis) tyrannidem invadit. Moritur A. M. 3325. & succedit filius PERIANDER, qui tyrannidem obtinet per annos 40. Expiravit enim cum ipsa tyrannide sua A. M. 3365. quo tempore *Nabuchodonosor Magnus* rerum in Oriente potiebatur.

batur. Et hæc (ut ait Scaliger) *quinta* Dynastia Cypsalidarum fuit: At ego malim *sextam* dicere. Nam & antè *Sisiphidas*, Reges suos habuerunt *Ephyrei*; qui in *Corinthis*, quos ex Eumelo Scholiastes *Pindari*, & ex hoc *Erasmus Schmidius* commentario in *Pindar. Olymp. p. 314.* & *Tzetzes* in *Lycophronis Casandram p. 89. & 90.* referunt. Nimirum *Sol* filiis (quos ex *Persa*, *Oceani* filia genuerat) regnum divisit; *Arcadiam* quidem *Aloëo* dedit, *Corinthum* verò *Æetæ*: Sed cùm *Æetæ* *Corinthus* parum placeret, in *Cochlidem* proficiscitur, & regnum commendat *Buno*; donec vel ipse, vel alius suæ domus, reverteretur: Ipse in *Colchide* ductâ *Idyja*, *Medeam* & *Absyrtum* suscepit. Interim *Buno* mortuo *ÆPOPEUS*, *Aloëi* filius, *Ephyream*, hoc est, *Corinthum* adjecit *Asopiæ*; atque ita unum è duobus regnum fecit. Hujus filius & regni successor *MARATHON* filios habuit *SICYONEM*, à quo *Asopia* *Sicyonia* dicta est; & *CORINTHUM*, à quo *Ephyrea* *Corynthus*. Atque ita rursus duo distincta fuerunt regna. *Corintho* sine liberis mortuo, *Corinthii* vocârunt *MEDEAM*, *Æetæ* prisci sui Regis filiam; sed quæ *Corintho* relicta, regnum *SISIPHO* tradit.

Fuerunt igitur primæ Dynastiæ Reges: *Æetas*, *Solis* filius; *Æpopeus*, *Aloëi* filius; *Solis* nepos; *Marathon*, *Æpopei* filius; *Corinthus*, *Marathonis* filius, *Medæ* *Æetæ* filia. Negat quidem *Scaliger* ad Dynastias *Corinthiorum* pertinere; sed causam tam sufficientem non video, cur expunxerit.

Essent & quædam de *Mycenarum* regno di-

cenda ; sed remittimus harum rerum cupidum ad *Scalig. lib. II. Can. p. 159. & Petavium in Rat. Temp. part. I. lib. I. c. 8.*

LYDIAE REGNUM.

Ennii error. Scaligeri sententia de Regibus Lydiae per totum rejicitur. Xanthus, fide dignus scriptor in rebus Lydicis. Lydorum origo & tres Dynastiae. Prima coepit in Agrone, Nini filio, Belinepote. Aciamus & Cumblites Reges ex illâ. Camblitis mira voracitas. Herodoti lapsus. Altera Dynastia penes Atyadas Herculis posteros. Candaulis & aliorum stultitia, in narrandis amoribus suis. Tertia Dynastia Mermnadarum, & Cræsi ultimi casus. Regum omnium catalogus, secundum nostram & secundum Scaligeri sententiam.

DE hoc regno quædam dicenda sunt propter Scaligerum & Ubbonem Emmium. Ait Emmius *lib. V. Rerum Chronologicarum p. 136.* primos, qui in Lydia regnârint, fuisse Heraclidas; quod tam falsum est, quàm quod falsissimum: Nam ante Heraclidas alii Reges Lydiae regnum tenuerunt; quemadmodum è sequentibus patebit. *Scaliger lib. II. Canon. p. 158. & lib. III. p. 319.* primos Reges Atyadas vocat ab *Aty*; cujus hanc originem vulgò traditam refert *Dionys. Halicarn. lib. I. c. 27.* ex
Jove

Jove & Tellure natum esse *Manem*, qui primis apud Lydos regnârit; tunc *Mæonas* appellatus. *Manis* verò & *Calliorrhoe*, Oceani filia, *Cotym* filium fuisse; qui ex *Halia*, Tulli Indigenæ filiâ, *Asiam* & *Atym* suscepit: *Atym* ex *Callithea*, Choræi filiâ, *Lydum* & *Tyrrhenum* sustulisse. Hanc sententiam (quam & apud *Herodotum* in *Clio* reperire licet) admisit *Scaliger* lib. III. Can. p. 319. & , velut ipsius *Dionysii*, promittit *Valesius* ad *Excerpta Peiresciana Nicol. Damasc.* p. 68. Sed *Dionys.* dict. lib. c. 28. huic famæ præfert *Xanthi Lydii* narrationem; qui neque *Tyrrhenum* usquam, in suis scriptis *Lydorum* Principem nominat, neque ullam scit *Mæonum* in *Italiam* deductam coloniam; aut *Tyrrheniæ*, quasi *Lydorum* coloniæ meminit, cum tamen alia leviora memoret: *Atyos* autem filios fuisse dicit *Lydum* & *Torrhebum*. Hos post divisum paternum imperium, ambos mansisse in *Asiâ*, ab iisque *Lydos* & *Torrhebos* denominatos. Et mox cap. 30. aliquot rationibus confutat eos, qui *Tyrrhenos*, *Lydorum* colonos, arbitrantur. Atque ita viri summi ex *Dionysio* collegerunt id, quod pessimum erat.

Sed cur *Xanthum* sequimur? quia (ut inquit *Dionysius*) antiquitatum peritus, si quis alius, patriæ verò historiæ auctor, nemine inferior habitus. Justa profectò causa, siquidem *Casaubonum* audimus ep. 170. cujus locum suprâ jam adduximus. Utinam verò è *Xantho Dionysius* prodidisset, quo tempore *Atys* & *Lydus* vixerint? non magnoperè nobis laborandum esset de nomine primæ Dynastiæ. *Atyadas*, ut dixi, nuncupant; & ex istis illustris *Scaliger*: Sed

quod & ipsum demonstratum est, nituntur autoritate nullius apud veteres pretii. Cui nec in his duobus confidere possumus, an *Manes* primus fuerit *Lydorum* Rex? item avus *Atyos*? atque ita *primum Regem* hactenus ignoramus.

Vellejus Paterculus lib. I. c. 1. *Lydum* & *Tyrrhenum*, *Orestis*, *Agamemnonis* filii, coëtaneos facit; & ex hac causâ *Calvisius* eos posuit in A.M. 2807. Et hoc modo concidit totum illud de *Atyadarum* regno ante *Heracidas*; cum enim *Herculem* in *Lydiam* venisse credibile sit, circa A. M. 2740. vel aliquantò post; etiam penes *Heracidas* per hæc tempora (quibus *Tyrrhenum* in *Italiam* venisse volunt) *Lydorum* regnum fuisse, longè verisimilius; quàm penes antiquiorum Regum familiam: Quæ jam adeò defecerat, ut *Omphale* fœmina rerum potita sit. Hinc confirmatur, & simul (quod à *Vellejo* dicitur) confirmat *Strabo*, qui *Lydum Heracidam* facit, cujus verba sunt *lib. V. cap. 219*: *Tyrrhenos Græci appellârunt à Tyrrheno, Atys filio; qui eò coloniam ex Lydiâ duxerat. Fame enim & sterilitate coactus Atys, unus ex Hercule & Omphale prognatus, de duobus filius, alterum Lydeum nomine, sortitò detinuit; alterum Tyrrhenum majori populi parte amandavit.* Atque adeò (nisi *Vellejus* in calculo aberravit, nisi & *Strabo* vobis imposuit) inter *Heracidas Atym* & *Lydum* referam, hoc est, in *secunda Dynastiâ Lydorum*.

De totâ re sic statuo: In origine *Lydorum* accedo *Josepho*, *Eusebio* & *Zonara*, progeniem esse *Lud*, *Semi* quartogeniti & *Noachi* nepotis. Idem judicavit

dicavit *Paulus Merula lib. III. part. l. c. 14. Cosmogr.* Ab hoc & Lydi denominati, & unus ex *Heraclidis*, & fortasse plures. Sic enim *moris apud veteres, ut conditorum nomina per posteros longâ serie decurrerent.* Quamobrem falluntur & fallunt, qui Lydum, Troico bello posteriorem, Lydis dedisse nomen autumant. Lydiae prima mentio apud Scriptores gentiles in rebus *Nini*; qui eam cum aliis vicinis regionibus subegit. Videndus *Diod. Sicul. lib. II. c. 2.* Et cum *Herodotus* prodiderit (cujus verba mox producam) **AGRONEM**, Lydiae regem, fuisse *Nini* filium, *Beli* nepotem; hunc primum in prima Dynastia constituimus. Alioquin Regem Lydorum nullum invenio, usque ad **TANTALI** tempora, hoc est, usque ad A. M. 2587. Tunc enim apud Lydos regnum tenuit **ACIAMUS**. De quo *Stephanus in' Ασκάλων: Ascalon urbs Syriae est, juxta Judaeam posita, condita ab Ascalo, ut refert Xanthus lib. IV. Antiquit. Lydiae. Fuit autem Ascalus Hymenaei filius, frater Tantalus; qui cum ab Aciamo, Rege Lydorum, Dux constitutus esset, exercitum in Syriam duxit: Ubi, virginis cujusdam amore captus, urbem condidit; quam Ascalonem ex suo nomine vocavit.* Eadem scribit & *Nic. Damascenus lib. IV. Histor.* Fuit igitur hic Rex 180. annis, Troico bello, & 220. annis, Lydo antiquior; cujus tamen proavum primum Lydorum Regem quidem facere ausi sunt.

Aciamo 150. annis posterior **CAMBLITES** tanta voracitate, ut uxorem in frustra sectam comederit: Cujus rei fama, cum ubique divulgata esset, ipse

H v

veneficiis

veneficiis appetitum se credens, nudato gladio stans in confertissimo foro: *Jupiter*, inquit, *si quidem meâ sponte, meoque motu id facinus, suscepi; dem ipse sceleris mei poenas*: Sin veneficiis quorundam hominum, in furorem versus, tum in maleficos, qui me malis artibus appetierunt; sceleris poena recidat! His dictis, semet in conspectu omnium interfecit, partim ridentibus (qui aderant) ut hominem lupini stomachi; partim, ut furiosum, nec mentis compotem, miserantibus. Hæc *Nic. Damasc. in Excerpt. Peires. p. 445.* Idem ex *Xanthi Lydiacis* (quem suprâ laudavimus) scribit *Athenæus lib. X. p. 48.* cui *Κάμβλης* dicitur; scribit ibidem noctu id factum, cum vino sese nimis ingurgitasset; & statim sequenti manè repertâ conjugis manu (quæ ad ejus os hæserat) recognitâ, & in vulgus sparsâ, seipsum jugulâsse. Meminit & *Ælianus lib. I. Variar. c. 27.* sed unâ literâ minùs *Κάμβης* dicitur. *Casaubonus Animadv. ad Athen. lib. X. c. 3.* vitiosum pronunciat *Ælianum*, & rectè; vitium enim non tam *Athenæus*, quàm *Nicolaus* arguunt. Adjicit verò hîc, *Jardanum* in suspitione fuisse, tanquam *Cambleten* magicis artibus in furorem dederit; ex quo de *Cambletis* ætate constat: Hic enim *Jardanus*, pater *Omphale* Regina; ex hujus *Jardani* ancillâ *Hercules Cleolaum* sustulit, ut est apud *Diod. Sic. lib. IV. c. 31.* *Alcæum* vocat *Herodotus lib. I.* Fortè igitur post *Cambletem* *JARDANUS* *Lydorum* Rex fuit; cujus filiam, *OMPHALEN*, ultimam primæ Dynastiæ constituo: Nam cum *Herculem Omphale* thori consortem fecisset, successisse videntur, qui ex hoc matrimonio nati fuerunt.

Et

Et hæc est secunda Dynastia Heraclidarum: Sed quis primus hujus Dynastiæ fuerit, mihi quidem incompertum est. Faciunt *Agronem* ex illis Herodoti: *Heraclidarum primus Rex Agron, Nini filius, Beli nepos, Alcæi pronepos.* Hunc autem *Alcaum* mox *Jardani* ancilla, & *Hercule* genitum asserit. Sed quis non animadvertit, *Herodotum* mirè *delirantem*? Ninum, Beli filium, unum ex posteris *Herculis* fuisse; qui *annis mille*, ut minimum, *Nino*, Beli filio, posterior fuit? Error (ut ego quidem existimo) è confusione Regum, qui in *duabus diversis Dynastiis* fuerunt *primi*. Cùm suprà *Diodorus* nos docuerit, *Lydiam* subegisse *Ninum*; verosimile est, Regem illi provinciae dedisse unum è filiis suis: Ita, quod Herodotus narrat, partim verum, partim falsum. Verum; *Lydis* primùm præfuisse *Agronem*, *Nini* filium, *Beli* nepotem: Falsum, *Agronem* *Herculis* fuisse abnepotem; quod ipsum etiam *Scaliger* vidit. Alium igitur quærere debemus; & cùm *Hercules* ex *Omphale* reliquerit liberos, mirum ni unus existis fuit? Reliquit autem *Laomedonta*, ut scribit *Palephatus*; qui *Λαμὼς* *Diodoro*, & *Ἀγέλας* *Apollodoro*. Reliquit & *Atyn*, ut è *Strabone* docuimus. *Atyos* familiam, primùm ad regnum pervenisse, indicant tùm idem *Strabo*, tùm omnes alii; qui *Lydum* *Atyos* filium *Lydiæ* Regem fatentur, *Herodotus lib. I. & lib. VII. Tacit. lib. IV. Ann. c. 56. Xanthus apud Dionys. d. l. Servius & Festus.* Quamvis præter *Xanthum* & *Dionysium*, cæteri *Tyrrhenum* *Lydi* fratrem velint, quòd hi duo regnant.

Quamo-

Quamobrem hæc *mea sententia* est, post *antiquissimos* Reges (sive à Nino fuerunt omnes, sive ab aliis quoque familiis oriundi) *Lydia* regnum *Heracidas* tenuisse; eosq; *in duas Dynastias* distinguidebere, *Atyadas* & *Mermnadas*. *Atyadas* ab *Aty*, *Herculis* & *Omphales* filio propagatos regnâsse primùm; *Mermnadas* ab *Agelao*, sive *Lamente*, sive *Laomedonte*. Ex *Atyadis* igitur est *ARDY-SUS*, cujus initium collocatur in A. M. 3159. cui filius *ALYATTES* succedit A. M. 3195. qui non ultra 14. annos Rex fuit. Succedit A. M. 3209. *MELES*, cujus meminerunt *Excerpta Græcorum* veterum apud *Scalig. in Opere Euseb. p. 371. & Eusebius Græcus apud Scaligerum p. 42.* Mele post duodennium mortuo *CANDAULES*, *Myrsi* filius, *Lydos* regit per 18. annos, hoc est, ab A. M. 3221, in A. M. 3239. Hic (ut nemo stultus amans in tacito sinu gaudere potest) *formam elegantiamq; uxoris* (quam *Tudum* & *Clytiam* alii, *Abro Abbas*, vetus Scriptor, *Nysiam* *Ptolomæus Hephæstion* appellat apud *Photium Cod. CXC.*) *prædicabat omnibus, & nudam etiam ostendebat Gygi*; quem sodalem *Candaulis* vocat *Justinus lib. I. c. 7. §. 17.* Nos agnatum scimus. Hinc *Gygem* ad libidinem irritavit, sibi perniciem accersit; quale quidem infortunium (ut id obiter addam) *jaçtantiâ suâ sibi peperit Collatinus apud Livium lib. I. c. 57.* Nec in alium censum referre merentur *Otho apud Tacitum lib. XIII. c. 46.* *Osmanes* apud *Leunclav. lib. II. Histor. Muselm.* Qui non didicerant,
duobus

duobus in locis mysteriorum religionem esse, in mensâ & in thoro. Sed omnibus istis detestabilius monstrum C. Caesar Caligula, qui adulteria sua narravit illis ipsis, quorum uxoribus illuserat. Senec. lib. de Constantia cap. 18: Asiaticum Valerium in primis amicis habebat, ferocem virum; & vix aequo animo alienas injurias contumeliasq; laturum. Huic in convivio, quanto minus quam in concione (sequor explicationem Lipsii) voce clarissimâ, qualis in concubitu esset uxor ejus, objecit. Dii boni, hoc virum audire, Principem scire, & usque eò licentiam pervenisse; ut, non dico consulari, non dico amico, sed tantum marito Princeps & adulterium suum narret & fastidium?

Cæterum hæc extra rem: Igitur ad Lydiæ Reges. Candauli interfecto succedit GYGES, primus Mermnadarum; ex ipsis tamen Heraclidis. Nam & Mermnadas ab Hercule oriundus, scribit Apollodorus: 'Εξ 'Ομφάλης δὲ Ἀγέλας, ὅθεν καὶ τὸ Κροίσκος γένετο. Hoc est: Ex Omphale natus Agelaus, unde & Cræsi genus. Scaliger eundem putat cum eo, qui Diodoro Cleolaus, Herodoto Alcæus; sed allusionem ad postremam nominis syllabam haud sufficit, ut Cleolaum, servæ filium, eundem statuam cum Agelao, Reginae filio; atque ita Diodorum & Apollodorum inter se committam. Jam Strabo nos docuit, plures Herculi fuisse ex Omphale; Atyn jam habuimus; alter Agelaus est, à quô Gyges.

Huic A. M. 3272. successit ARDÿS, & regnavit annis 38. ut habet Eusebius Græcus, 37, ut Latinus 49, ut Scaliger lib. II. Canon. p. 154. 43, ut Calvisius in A. M.

A. M. 3272. Sed à typographo ibi peccatum est, ut arguit A. M. 3321. Quo initium constituit SADY-ATTIS, Ardyos filii, Gygis nepotis. Ergo secundum ejus mentem regnavit annis 49. De hoc Sadyatte fragmentum Nicol. Damasc. extat, in *Excerptis Peiresc.* pag. 453: Sadyattes Alyattis filius (legendum, Ardyis filius; ut Valesius opinatur ex Herodoto) Lydorum Rex, erat quidem in bello fortissimus; sed intemperans. Nam propriam sororem suam nuptam Mileto, Viro clarissimo, per speciem sacrificii accitam constuprâsse per vim dicitur; eamq; deinceps uxoris loco habuisse. Erat autem Miletus Melanis nepos ejus, qui Gygis gener fuerat; qui cum eam injuriam ferre non posset, fugit Dascylium: Unde post à Sadyatte expulsus Proconesum se recepit. At Sadyattes paulò post alias duas, & quidem sorores ambas matrimonio sibi sociavit; quarum ex altera Attalem, ex altera Adramyn nothos suscepit: Ex sorore autem sua filium legitimum sustulit Alyattem. Hæc Nicolaus. Alyattes CROESI pater est, regnumq; (quod A. M. 3333. auspicatus est) reliquit filio A. M. 3388. ut vult Calvisius. At Eusebius Græcus & Latinus dicunt regnâsse annis 49. Scalliger lib. II. Can. 57. quod ipsum secutus est Calvisius; sed ejus calculus non respondet: Quòd si enim Halyattes cœpit A. M. 3333. & regnavit per annos 57. utique desiit A. M. 3390. De Cræso consentiunt omnes, regnâsse saltem 15. annos. Ergo Calvisius ejus cladem & captivitatem rejicere debebat in A. M. 3405. Sed cum initium Cræsi perperam constituisset in A. M. 3388. necessariò nunc biennio minùs dicit, h. e. Cræsum captum scribit A. M. 3403.

Cræsi

Cræsi cladem quod attinet, proditus est ab *Eurybato Ephesio*, quem cum in Peloponesum cum ingenti pecuniâ misisset, ut milites conquireret; is ad *Cyrum* transfugit, & omnia Cræsi consilia detexit. Hinc factum, ut quem Græci *malitiosissimum* dicere volunt, *Eurybatum* dicant. *Diodorus Siculus in Excerpt. Peiresc. p. 240.* Capto Cræso *Cyrus* fortunam ejus miserabatur: At Persæ extructâ pyrâ exustum volebant, & jam cum 14. Lydorum Principibus in rogo confederat; & Persæ tædas subjecerant, cum repentè gravissimâ exortâ tempestate tantus imber affusus est, ut non modò pyram extinxerit; sed & spectatores valdè afflixerit. Rem fusè narrat *Herodotus lib. I. Nicol. Damasc. in Excerpt. Peiresc. p. 454. & seqq. Diod. Sic. ibidem p. 240. Tangunt Boëtius lib. II. de Consolat. prof. 2. & Seneca de Tranquill. animi c. 11.* deque eadem re scripsit *Ptolomæus Hephestion*, ut est apud *Photium* in Biblioth. Cod. CX C.

Jam quæ differentia sit inter *nostram* & *Scaligeri* sententiam, licet ex superioribus fatis appareat; tamen hoc diagramma subjicimus, ut sic quoque alieni temporis rationem habere videamur.

Sententia Scaligeri.

Sententia nostra.

DYNASTIÆ REGUM
LYDIÆ.

DYNASTIÆ REGUM
LYDIÆ.

Dynastia prima ATYADARUM, quorum Princeps ATYS, pater LYDI, à quo LYDIA, prius MÆONIA.

Dynastia prima NINIDARUM, vel etiam aliarum familiarum. Illorum princeps AGRON, NINI F. BELI. N. ex Herodoto. AL.

-	-	-	-	-	-	-	-	-
-	-	-	-	-	ALCIAMUS	Rex è		
-	-	-	-	-	Stephano.			
-	-	-	-	-	-	-	-	-
-	-	-	-	-	CAMBLITES	Rex		
-	-	-	-	-	voracissimus è	Nicol.		
-	-	-	-	-	Damasceno.			
-	-	-	-	-	JARDANUS.			
-	-	-	-	-	OMPHALE.			

Dynastia *secunda* HERACLIDARUM, quorum Princeps AGRON, ALCÆI filius, HERCULIS & ANCILLÆ nepos. Eidem *Alcæus*, qui Diodoro *Cleolans*; idemque Cleolaus, qui Apollodoro *Agelaus*.

ARDYSUS.
ALYATTES.
MELES.
CANDAULES.

Dynastia *tertia* MERMNADARUM.

-	-	-	-	-
-	-	-	-	-
-	-	-	-	-
-	-	-	-	-

Dynastia *secunda* HERACLIDARUM, è quibus Princeps ATYS, Herculis ex Omphale Regina filius, è *Strabone*.

-	-	-	-	-
-	-	-	-	-
-	-	-	-	-
-	-	-	-	-
-	-	-	-	-
-	-	-	-	-

ARDYSUS.
ALYATTES.
MELES.
CANDAULES.

Dynastia *tertia* MERMNADARUM, oriunda ab AGELAO, secundum *Apollodorum*. AGELAUS Herculis Omphales F. secundum *eundem*;

- - - - - *eundem; adeoque diver-*
 - - - - - *sus à Cleolao, sive Alceo,*
 - - - - - *fervæ filio.*

GYGES.

GYGES.

ARDYS.

ARDYS, Gygis filius.

SADYATTES.

SADYATTES, Ar-
dyos F.

ALYATTES.

ALYATTES, Sady-
attis F.

CROESUS.

CROESUS, Alyattis F.

RĒGNUM ÆGYPTI.

*Misraim Ægyptiorum pater. Pro eodem habi-
tus Cham. Regum Ægyptiorum multitudo
apud Manethonem, quatenus locum habeat?
de Rege illo, qui submersus in mari rubro,
variantes sententia.*

Ægyptios oriundos à Mizraim, Chami filio;
Noachi nepote, inter plerosque constat; &
tùm aliis argumentis, è S. Scriptura petitis, nituntur;
tùm eò, quòd Arabes & Turcas Ægyptum hodieque
Mizri & Mizra dicunt: Unde apud Stephanum in
Ἰαίρῃ, ubi legitur, Ægyptum à Phœnicibus dici
μῖαρε. Viri doctissimi legendum censent μῖαρε.
At ipsi Ægyptii terram suam Cham dicunt, ut auctor
est Isidorus, à Chamo scilicet, Misraimi parente. Imò
& in Scriptura Pl. CV. legas: Et Jacob peregrinus fuit
in terra Cham, hoc est, Ægypto: Denique Plutar-
chus de Iside & Osiride testis est, Ægyptum in Sacris
Isidos

Isidos dictam esse *Xημία*, quod est ab eadem regione.

Reges Ægyptiorum, è quibus recenssem, ferè ambigo: E Græcisne, quibus ludus fuit falsa immiscere veris? an ex *Manethone*, quem exscripsit *Julius Africanus*, compilatus & ipse ab *Eusebio*; quemadmodum *Eusebius* à *Georgio Syncello*. Quòd si enim *Manethonem* sequar, erit fortasse, qui me ἀθεότης & ἀσεβείας accuset; quod & mihi jam olim, & *Scaligero* hâc in re factum est à *Dionysio Petavio*. Idem enim hic sensit, quod *Ubbo Emmius*, ea, quæ ex tabulis *Manethonis* adferantur, pura puta somnia esse, de rebus; quæ non solùm diluvium universale, sed etiam creationes mundi & hominum omnium primum antecedant.

Ut intelligas, quid velim, scire debes, *Manethonem* à primo Ægyptiorum Rege, *Mene Thinite* (qui *Herodoto* Μέν, *Diodoro* Μήνας, *Josepho* Μηνᾶς) ad *Amasyn* & imperiũ *Cambyfis Persæ*, numerare XXVI. Dynastias; in quibus fuerint Reges 481. Horum anni si colliguntur, habebis 5159. Hinc, inquiunt, auctoritas S. Scripturæ corrumpitur; quia sic ante diluvium in Ægypto regnum fuisset; immò multò ante illud tempus, quo *Moses* docet, mundum hunc creatum. Et enim à mundo condito ad *Cambyfis* expeditionem in Ægyptum, pii Scriptores non nisi 3426. annos numerant. Nihilominus à *Manethone* non recedimus, sed omninò *Vossium* lib. II. de Idol. c. 28. admittimus, Scriptorem illum, omnibus Græculis anteferendum (qui sua ex columnis *Seriadicis*, atque aliis monumentis

mentis hieroglyphicis hausit) cum sacris literis egregiè conciliantem. Uno verbo: *Multa ex istis Dynastiis non sunt successiva, sed collaterales*, hoc est, eodem tempore *diversis* fuerunt locis. Verbi gratiâ, initio imperârunt simul Dynastia prima, & secunda Thinidarum, Memphidarum *tertia & quarta*; Elephantinorum *quinta*. Ita simul uno eodemq; ferè tempore regnare potuerunt *Menes Thinites*, *Egerothes* (aliis, *Echerontes*) è *Memphitis*; & *Usercheres* ex *Elephantinis*. Similiter comparatum est in aliis. Nimirum ut aliæ provinciæ ab initio divisæ fuerunt in *multos Regulos*, donec in unum corpus coalescerent; sic Ægyptus quoque interdum *pluribus Regibus*, interdum *uni* paruit. Hoc non ignoravit divinus *Scaliger*, quod patet è *lib. III. Can. p. 312. & ad Eusebium n. 1025*. Igitur cum tot Reges Ægyptus habuerit, nimis *tediosum* foret, eorum nomina describere; immò *nec fructuosum*.

Sed & *Pharaones* (quorum in historiâ sacrâ fit mentio) conferrem lubentissimo animo, cum *Manethone* & aliis. Cæterum Chronologiâ veram Regum Ægyptiorum constituere (sine qua illud fieri nequit) res est, quæ excedit humanum ingenium. In uno illo Pharaone, qui submersus in mari rubro perit, quàm in diversa Scriptores abeunt? *Acherrem* decimum Regem in Dynastiâ XXVIII. *Scaliger* eum esse scribit, cujus anno secundo Moyfes eduxerit populum de finibus Ægypti. At non existimat eum submersum, quoniam annos regni tribuit 32. *Calvisius* in A. M. 2453. *Orum*, *Acheris* antecessorem, facit eum, qui

perierit in mari. *Tacitus lib. V. Histor. c. 3.* videtur Occhoris nomen reperisse: *Lysimachus* apud *Josephum lib. I. extremo contra Appion.* Bocchorim; cujus scripturæ assertores quoque sunt, *Orosius & Plutarchus.* *Clemens Alexandrinus lib. I.* Omosim, vel Amasim appellat; sed apud *Manethonem* unum Bechorim.

Saitem invenio in Dynastia XIV. Sed Moysè aliquot seculis posteriorem. Sic ex Manethone & aliis, parùm sibi constantibus, nihil adferre possumus, quod historiam sacram illustrat.

CAPUT V.

Cyri genus maternum clarius habitum, quàm paternum; tamen & hujus origo antiquissima auditur. Salmasii judicium de loco Herodoti. Cyri nomen. Orientalium & aliorum mos affectandi Deorum nomina. Cyri institutio in exemplum proposita. Cyri res gesta & mors.

REcensitis nobilioribus regnis, ad secundam Monarchiam Persarum, & rursus ad *Besoldum* progredimur. Agit autem *toto cap. 5.* de unico *Cyro*, qui tanti imperii auctor fuit. Genus illi antiquum magis, quàm apud Medos & Orientales clarum. Hinc *Astyages* somnio territus, ne paterna maternaq; nobilitas nepotem aliquando sibi nasciturum ex filia stimulare posset, ad res arduas suscipiendas; neque claro viro, neque civi filiam, sed *Cambysi*, mediocri viro,

viro, ex gente Persarum obscurâ tùm temporis, in matrimonium tradidit; ut refert *Just. l. l. c. 4. §. 4.* Et hinc explicant responsum, quod Cræsus accepit: *Tùm sibi ac regno exitium imminere, cùm mulus in Persia rerum potiretur.* Ajunt enim, sic indicatum Cyrum; quòd, quemadmodum mulus nascitur patre ignobiliore asino, matre generosiore equa; contrà quàm in hinno fit: Sic Cyrus habuerit matrem, regis *Astyagis* filiam; patrem verò *Cambysem* obscuro loco natum. At nihilominus *Cambyses* iste natus est *Achæmeni*, cujus meminit *Xerxes*, Persarum rex, apud *Herodotum* in *Polym.* sive *lib. VII.* Sed cùm locus vulgò corruptus sit, nec vitium animadverterint interpretes, etiam hanc versionem nobis dederunt: *Ego etiam sine te, quæ dixi, conficiam; neque enim fuerim Darii filius, qui fuit Hystaspis, qui fuit Arsamnis, qui fuit Arsiaramnis, qui fuit Teispei, qui Cyri, qui fuit Cambysis, qui fuit Achæmenis filius; nisi Athenienses ultus fuero.* At hoc repugnat omnibus Scriptoribus reliquis, è quibus constat, *Xerxi* maternum avum *Cyrum* fuisse; non tritavum: Et repugnat temporis intervallum. Nam si *Cyrus* esset *Xerxi* tritavus, utiq; à morte tritavi ad *Xerxis* trinepotis imperium saltem intercederent 43. anni; quod omni rationi contrarium est. Præterea *Cyrus* filios duos tantùm habuit, *Smerdin* & *Cambysem*: *Teispen*, sive *Teispeum*, scimus nullum.

Quamobrem accesserim *Salmasio*, qui in *Exercitat. Plinianis* p. 1380. locum *Herodoti* constituit repetitâ negativâ, quæ exciderat: Μὴ γὰρ εἶναι ἐκ Δαείων τῶν Ὑστάσπεος, τῶν Ἀρσάμεος, τῶν Ἀρσιάρωνος, τῶν Τείσπεος

[unde] τῷ Κῦρῳ, τῷ Καμβύσῳ, τῷ Ἀχαιμένεῳ γένε-
ται. Unde sic vertendus est: *Non fuerim natus ex Da-
rio, Hystaspis filio, Arsamis nepote, Ariamnis pronepote,
Teispei abnepote* [neque oriundus à] *Cyro, Cambysis
filio, Achæmenis nepote*. Recenset igitur Xerxes tan-
tū paternos majores, *Darium, Hystaspen, Arsa-
men, Ariamnem, Teispeum*: & maternos, *Cyrum,
Cambysem, Achæmenem*. Sic Herodoto cum cæteris
Scriptoribus benè convenit.

Hinc verò constat de *Cyri* regis *avo, Achæmene*.
Sed qui iste? ex illustribus fuit, ut quem Xerxes cre-
pat. Patrem; & avos nescio usq; ad *Persen, Persei* sive fili-
um, sive nepotem: Ab hoc enim oriundus est; quamvis
longo temporis intervallo. Herodotus in *Clio*: *Sed
horum Palargadæ sunt præstantissimi, in quibus &
Achæmenidæ; unde reges Persidæ sunt oriundi*.
Hoc innuit *Achæmenem*, unde *Persarum*, & tota tri-
bus *Achæmenidæ, Persidas* esse, hoc est, à *Perside*,
vel *Perse*, hujus nepote, an filio? (nam hîc Scriptores
variant) oriundos. *Perseus*, *Persis* avus, vel pater,
Prætum Argolicum Jovem patrem, & *Danaem* ma-
trem habuit; avum paternum *Abantem*, maternum
Acrisium, ejusdem *Abantis* fratrem (nam *Abas* ex
Oecalea, *Mantinei* filia, *Acrisium* & *Prætum* genuit)
proavum paternum *Linceum*; cui uxor *Hypermetra*,
Danai filia. Atque ita *Perseus* abavum habuit
Danaum, cui pater *Belus*: Avus *Neptunus* (sive *Prin-
ceps quidam insuavis*) avia *Lybia*.

Lybiæ hos majores referunt: *Inachus*, qui vixit
A.M. 2093. temporibus *Isaaci* Patriarchæ; reliquit ex
Melissâ

Meliffa Occanina *Phoroneum*. Phoroneo *Apis* genitus cum *Niobe* sorore rem habuit: Ex *Niobes* & *Apis* concubitu natus est *Argus*, qui ex *Evadne* liberos habuit *Jasum*, *Piranthum*, *Epidaurum*, & *Criasum*. Ex *Jaso* fuit *Agenor*, ex *Agenore* *Argus* alter, ex *Argo* secundo *Jasus* alter, ex hoc *Io*; quæ cum in *Ægyptum* venisset, peperit *Epaphum*. Is ducta *Memphi*, *Ægyptii* regis filia, *Lybiam* genuit; quam *Danaï aviam* diximus. Videndus præter alios *Voss. lib. I. de Idol. c. 13. p. 112. 113. 114.* Atque hæc est ultima illa antiquitas, quam allegare potuit *Cyrus*. Sed & *Perse* (qui *Persei* sive filius, sive nepos fuit, & vixit circa A. M. 2670) nullum memorabile nomen recensetur usque ad *Cyri avum Achamenem*; quem vixisse reor circa A. M. 3310.

De *Cyri* nomine, inquit *Besoldus* in *Synopsi* majore, *Persicâ linguâ Solem significare*. Hoc, quod è *Plutarcho* haustum esse confitetur, reperire est in *Artaxerxe*; cui accedit *Ctesias*: Unde *Suida* vanitas manifesta est, qui exotici nominis etymon petit è *Græcia* sua. Illud autem hîc observatione dignum est, non aliam significationem habuisse nomen avi: Est enim *Achæmenes* ab *Achaman*, hoc est, *Sole*; quod eruditè demonstrat modò laudatus *Vossius lib. II. de Idol. c. 9. p. 353.* Nimirum boni ominis ergo nomen habebant ab eo, quòd honore afficerent divino. Legimus apud *Josephum lib. VII. Antiq. c. 6.* Adadum illum (qui *Damascum* & *Syriæ*, præter *Phœnicem* cætera regna tenuit, & cum *Davide* bellum gessit, sed infelix) posteris ob animi virtutem, & roboris ex-

cellentiam in tanta veneratione fuisse ; ut nomen ejus magnâ ambitione adsciscerent.

Cæterum & ipsius nomen tale est , quale *Cyri & Achamenis* : *Assyriis* enim *Adad Sol* est , ut scribit *Macrobius lib. I. Saturn. c. 23.* Eadem ambitio quoq; *Carthaginiensium* fuit ; nam Punicum *Amilcar* à *Moloch*, sive *Sole*, derivandum eruditissimi viri judicârunt. De *Aegyptiis* testatur idem *Lucianus in Dialog. pro Imaginibus* : *Tametsi sint omnium religiosissimi, tamen Deorum nomina sibi imponere ; adeò , ut pleriq; apud eos nomen è cœlo tractum habeant.* De Institutione *Cyri* extat hoc fragmentum *Diod. Siculi* valdè memorabile in *Exc. Peiresc. pag. 237. & 238* : *Cyrus, Cambysis & Manaane filius, Astyagis Medorum Regis nepos, fortitudine & prudentiâ & reliquis virtutibus eminentissimus seculi sui fuit ; quippe eum pater regiâ institutione formaverat, ad summa quæq; illum incendens. Jamq; etiam tum adolescens satis audiebat, maximas res se aggressurum quandoq; esse ; cum virtus illius supra ætatulam sic elucesceret.* Videtur igitur longè aliud censuisse de *Cyri* adolescentia, quàm quæ *Herodotus* scripta reliquit, fuisse patri ereptum, *Astyagis* imperio ; & clam educatum in *bubulci* domo : Mirâq; tandem fortunâ accidisse, ut agnosceretur. Hæc ut jucunda lectu, sic comœdiæ quàm historiæ similia sunt. Sed & *Ctesias* ab eodem in totum recedit, cujus de *Cyro* fragmentum legere est apud *Photium, Codic. LXXII.* Scio *Plutarchi* de hoc judicium ; sed neq; ignoro, quàm eam commendârit *Diod. Sic. lib. II. c. 32.* Idem *Herodotus* de *Cambyse* scribit, cum ingenio submisso

submisso esset, gessisse se multò infra mediocris Medici alicujus conditionem. At Diodorus ejus generositatis mentionem facit, ut & filium regiis artibus imbui curârit; & ad summa quæq; incenderit. Quæ uti solidè conciliari debeant, non video; sciant fortasse, qui omnia conciliant;

Cimmerias noctes luci, quadrata rotundis,

Verò propiùs accedere videntur, quæ & *Ctesias* & *Diodorus* narrant: Qui tantum imperium condidit, tot bellicosissimas nationes subegit, tam egregiis artibus subditos omnes sibi devinxit; ut *communem patrem* appellarent. Alibi, nî fallor, hoc est, in principali domo educatus est potiùs, quàm in casa. Sit naturæ quaedam dexteritas, sed sine verâ institutione, vix unquam perficietur: Cui fortunam suam amplissimam unicè debent, quos antiquitas celebravit, laudibusq; ad cœlum evexit, sive in Judaica gente, populoq; Christiano, sive inter Græcos & Romanos. Ut contra seq; suos graviter afflixerunt, quibus illa defuit; etiam si de naturæ bonitate nihil haberent, quod consequerentur. Prudenter *Nicias* roganti eundem, *quibus artibus & quâ industriâ talis vir evasisset ac tantus?* *Naturæ*, inquit, *bonum industria ipse juvi!* C. Octavius (qui per adoptionem & dignitatem postea C. Julii Cæsaris, Octaviani Augusti nomen accepit; ut scribit *Nic. Damasc. in Exc. Peir. p. 472.*) potentiâ cunctos mortales ac prudentiâ supergressus, amplissimum omnium (qui unquam fuisse memorantur) principatum obtinuit; finesq; imperii Romani latissimè propagavit: Græcorum ac Barbarorum res

ita composuit, ut etiam mentes domuisse, ac subjungâsse videri potuerit; gentes, quæ ne Romanis nomine quidem notæ erant, vel pacavit, vel in amicitiam pellexit. Tùm egregia facinora uti faceret, ab institutione solâ fuit; quam nemo Romanorum fusiùs, exactiùs & jucundiùs descripsit eodem *Damasceno*: *Quem proinde civilis doctrinæ studiosis, si quem alium, commendo.* Sed cùm fortassis paucorum manibus adhuc teratur, placet, quæ huc faciunt, latinitate (quâ quidem à festinante me donari potuerunt) apponere: *Patrem Octavianus habuit C. Octavium, Senatorii ordinis virum; majores benè opulentos, & (quod rarissimum) bonam mentem inter divitias non amiserant. Sic cùm modestè haberent fortunam suam, invidiâ non laborabant. Amisso parente tutores nactus est, de quibus dici poterat: Quis custodit custodem? potuisset contra rapinas, & bonorum dissipatores in judicio agere; sed (ut erat mansueti pectoris) contentus iis, quæ reliquerant, jus illis remisit. Novem annos natus Romanis, ob indolis præstantiam, universis admirationi fuit. Quo in loco exercitatissimis Oratorum titubabat lingua, concurrebant labra sine concursu oris; sine trepidatione, avia suæ, sorori Cesaris Dictatoris parentavit. Ac dein educatus est in domo Atiæ & L. Martii Philippi, qui nomine vitricus, reipsâ pater fuit. Ibi maximam speciem faciebat futura magnitudinis & virtutis: Cùm nobilissimi adolescentes communi omnium opinione, honoribus & Reip. negotiis destinati, officii causâ eum accederent; & sive campos extra urbem obequitarer, sive intra urbem propinquos & amicos viseret,*
magnâ

magnâ frequentiâ comitarentur. Animum studiis liberalibus imbuebat, corpus exercitiis militaribus durabat; celeritate discendi, doctores ipsos antevertens. Atiamater & vitricus in hoc unice intenti, ut quàm in amplissimam fortunam institueretur, nec in stolidas curvaturas declinaretur frondens ætas; quærere indies ex Præceptoribus, quò ivisset, equitasset; quid egisset rei, quibus studiis impendisset diem, quibuscum versatus esset? Annum agens ætatis decimum quartum in forum deductus, positâ prætextâ, togam virilem sumpsit, omnium oculis in illum defixis; aliisq; verustam generis nobilitatem, aliis virilem in adolescente virtutem, suspicientibus. Ille Diis sacrificabat, & functo L. Domitio in collegium Pontificum cooptatus est; quâ fortunæ indulgentiâ nihil insolentior factus, potestati suorum adhuc sese submisit. Nam mater in illum imperio prioriti, nullam evagandi licentiam dare: Non iter illi, non excursus liberior, non cultior vestitus, non cubiculum splendidius: Ut publicè tyro, privatim sub custodia matris esset. Infecerat illo tempore juventutem Romanam libido mutandi vestitus; sed Octavius patrium nunquam posuit, externum assciuit. Cum nobilitatem commendaret formæ decus, licet eam sine cura haberet; multæ fœminæ in eximiam hanc pulchritudinem cum nobilitate sociatam, furiosius insaniebant: At in tanta lascivientium multitudine tot formosissimarum insidiis petitus, nullius corruptelæ sese præbuit; & cum quarundam usque ad tentandum venisset improbitas, non tam illas repulit, quàm erubuit; quasi peccasset, qui placuerat. Hoc integræ mentis munimentum, hanc impol-
luti

luti corporis curam, illi circumdedit vigilantia matris. Sed non minor accessit postea C. Cæsaris cura, qui eum per adoptionem in domum suam induxit: Is cum sacra faceret, frequentaret templa, theatrum ingrederetur, convivium celebraret; Octavium semper assistere, vel adsidere sibi iussit. Erat animus Cæsari, editionibus ludorum juvenem assuefacere; ut populo spectationum cupienti sese commendaret. Cumq; essent duo theatra, Romanum alterum, alterum Græcum; illius curam ipse sumsit, hujus Octavio mandavit; qui, ut industriae laudem, vel obsequii gloriam sibi pararet, nimis calidè & intentè hoc egit: Spectaculis enim non nisi finitis excedebat, nihil ab æstu longissimorum dierum, nihil ab aliis molestiis remissior. Ex quo studio postea morbum gravissimum contraxit. Igitur Cæsar valdè anxius, ne tanta indoles velut in herbâ suffocaretur, nullo non die decumbentem visitabat, animum spemq; addebat; vel (cum per negotia præsens esse non posset) amicos mittebat, nec medicos discedere patiebatur. Fortè prandenti nunciabatur, adolescentem deliquium pati, & valdè periclitari: Quo nimium quantum perculsus, & ut erat discalceatus, è lecto profiliit, & ad cubiculum egrotantis accurrit; medicos subinde sciscitatus. Locus est prolixior. Sed nos excerpimus ea, quæ curam Atiæ, Philippi, & Cæsaris in educando Octavio nobis ostenderent; causasq; admirationis de incremento hujus hominis, & introductæ monarchiæ tollerent. Addit Suetonius in Octaviano cap. 8: præmissum Apolloniam, ut studiis vacaret. Augustum excepit Tiberius, qui Drusum, sanguinem suum, ex Hispania in Illyricum misit;

misit; ut bellorum muniis assuesceret, simulq; ad favorem exercitus conciliandum occasiones captare posset. Existimabat præterea, adolescentis ad luxum proclivem animum in urbe corrumpi, in castris autem severiori vitæ assuefieri posse. Ut nos docet *Tacitus lib. II. Ann. c. 44. §. 1.* nec segnis hæc in parte *Agrippina Neroni* suo rectores dedit *Afranium Burrum & Annæum Senecam*, prudentissimos viros: At contra *Britannicum*, quem imperio exutum ibat, ὡς καὶ τῶν τυχεύων ἡνὶα τρέφουσιν ἐπιεί, hoc est, ut quendam e plebejis educari jussit; ut est apud *Dion. in Exc. Peir. p. 677.* Ac nisi aures præbuisset *Nero* susurris illis: *Tunc hæc pateris? tu hos times? non meministi te Cæsarem esse? tibi jus in illos, non illis in te ipsum competere?* quos refert idem *Dio dict. lib. p. 681.* Nisi *Poppææ* sceleratissimas illas facetias in animum demisisset, cū pupillum eum vocaret; qui jussis alienis obnoxius non modò imperii, sed etiam libertatis indigeret, ut scribit *Tac. lib. XIV. Ann. c. 1. §. 2.* jam in laudatissimis Principibus recenseretur. Est enim nullum ad gloriam utilius instrumentum, quàm rector idoneus; quem etiam ferus *Annibal* admisit, & cū obsequeretur ejus monitis, tot *Coss.* tantasq; legiones, inferior numero ac viribus, interemit. *Vegetius lib. III. in Prologo.* Apage ergò nationem illam aulicam, quæ apud *Tac. lib. XIV. Ann. c. 52.* paratragædiat, finitam Principis pueritiam & robur juventa adesse; exueret magistrum satis amplis doctoribus instructus majoribus suis. *Byssinæ* quidem hæc voces sunt, gratæ auribus; sed noxiæ animis, & ipsi *Reip.*

Sed

Sed me prudentia *Cambysis* in educando *Cyro* jam longius abduxit: Quamvis & *Besoldus* hoc capite, dum *Cyrum* laudatissimum aliàs principem nimis molliter filios educantem notavit, ad hunc ipsum excursum nos stimulare videretur. Cæteras *res gestas Cyri* quod attinet, notandum est, è Græcis & nostris; primam ejus expeditionem fuisse contra *Astyagem*, alteram contra *Cræsum*, tertiam A. M. 3412. contra *Nabonidum Medum*. Et hinc incipit tempus Monarchiæ secundæ Persarum.

Posthæc inquit *Besoldus*: *Populo Judaico permittit, ut ex captivitate domum reversi, templum ac urbem Hierosolymam instaurarent; ad eamq; rem sumptum liberalissimè subministrari jussit.* De anno reditus videndus *Scaliger ad Euseb. n. 1456.* *Calvisius* rejicit in A. M. 3419. Sed aliter tùm constituta resp. fuit: Nam cùm prius penes Davidis posteros imperium fuisset, tunc Levitæ summam potestatem nacti sunt, de quorum avaritia *Cunæus lib. I. de Rep. Hebr. c. 15.*

Ultimum bellum *Cyro* cum *Scythis* gestum est; & cùm primùm magnam exercitus partem per insidias occidisset, paulò pòst & ipse circumventus, cum ducentis millibus Persarum occubuit. Caput amputatum in utrem, humano sanguine repletum, conjicitur, cum hac exprobratione crudelitatis: *Satiate sanguine, quem sitisti; cujusq; infatiabilis semper fuisti!* Ita fusè rem narrat *Herodotus lib. I.* breviter *Justinus lib. I. c. 8.* *Jornandes in Geticis c. 10.* *Ammianus lib. XXIII. p. 249.* *Lucianus in Charonte. Diod. Sic. lib. II. c. 44.* Ubi tamen scribit, à *Scytharum*

tharum Regina *cruci affixum* ; quod nescio an alibi legas. *Sepulchri* ejus meminerunt *Curtius lib. I. c. 1. §. 30. Strabo lib. XV. p. 730. & alii*, quos citat *Brissonus lib. I. de Regno Persarum p. 151. 152. 153.* Sed ut pleraque antiquorum regum apud Scriptores Græcos, ita quoque historia Cyri longè incertissima est. *Ctesias* quidem se prædicat omnia ab ipsis Persis accepisse: *Astyagem* (quem *Astyigam* vocat) habuisse filiam *Amymen*; cui vir *Spitamenes* fuerit, & ex eo filii, *Spitaces* & *Megabernes*. Ipsum verò *Astyagem* Cyro nullâ generis propinquitate junctum fuisse. *Astyage* victo, & in deditionem accepto, *Bactrios* accessisse Imperio Cyri; quòd audivissent, *Astyagen* à Cyro patris loco habitum. Tùm *Sacis* bellum illatum, & captum *Sacorum* regem, *Amorgen*; quem ut liberaret *Sparethra* uxor, collecto ingenti exercitu cum Cyro pugnâsse, vicisse; ac vivum cum aliis quàm plurimis cœpisse: Dimissum postea Cyrum hac conditione, ut & ipse *Amorgen* in libertatem restitueret; quod factum: Cujus dein *Amorge auxilio* adjutum, *Cyrum*, *Cræsum* ac *Sardes* debellâsse. *Astyagen* interea *Petisacæ*, eunuchi scelere, fame ac siti enecatam; sed deprehensâ perfidiâ, *Petisacam Amyti* filiaë *Astyagis*; ad supplicium à Cyro deditum. *Ultimam* expeditionem Cyri fuisse in *Derbices* (qui populus *Hircanis* vicinus est) sed equitatu Persarum in fugam conjecto, *Cyrum* ex equo decidisse; ac vulnere accepto, paulò post mortuum, & à suis in castra relatum. Hæc apud *Photium* pluribus exponit *Ctesias*; de cujus fide licet dubitet *Strabo lib. XI. p. 508.* cùm ait: *Tutius esse Homero*

mero & Hesiodo fidem adhibere, cum de Heroibus verba faciunt; quam Ctesia, Herodoto, Hellanico. Tamen nihil hic quidem dicit à ratione alienum. At de Herodoto libenter illi subscribimus, & verbis Tac. lib. IV. Ann. c. 11. §. 6. petimus ab iis, qui historiæ student, ne Græcorum divulgata atque incredibilia avidè accepta, veris, neque in miraculum corruptis antehabeant. Profectò enim hujusmodi incredibilibus & circumstantiis mirabilibus auxit Herodotus historiam Cyri.

CAPUT VI.

REGNUM CAMBYSIS.

De Cambysis matre variantes sententiæ. Provincias inter filios & privignos ut diviserit Cyrus? Hic & Cambyfes quot annis regnârint? Expeditiones Cambysis in Ægyptios, Ammonios, Macrobios. Clades ejusdem atrox. Crudelitas & parricidium immane. Impostura Magi. Valerii corruptela, & inde Ammiani error.

UT idem vult Ctesias, Cyro post Spitamam interfectum, Amytis, Astyagis filia nupsit; ut Cyrus Spitacen & Megabernem privignos haberet, & esset Astyagis gener; quem omnes Græci, eosque secuti Latini nepotem fecerunt. Ex hoc conjugio natus Cambyfes, ut paulò post indicat Ctesias, cum ab Amyti matre admonitum scribit; ne calumniis Magi contra fratrem crederent. At Herodotus in Euterp. Cassan-

Castandanem, Pharnaspis filiam; Ægyptii Nite-
tîn, Apriæ Regis filiam; ut est apud Eundem in *Tha-
lia & Athen. lib. III. Dipnos. p. 560. Diod. Sic. l. I. c. 33.*
Meroën nuncupat. *Strabo tamen lib. XVII. p. 790.*
sororne, an uxor, Meroë dicta fuerit, inter Scripto-
res non convenire dicit. Ut mores Persarum fuerunt,
qui incestis nuptiis gaudebant, utrumq; verum esse
potest.

Hunc autem CAMBYSEN Cyrus sub mor-
tis tempus Regem creavit, juniorem *Tanyoxarcen*
(quem Herodot. *Smerden*, Justinus *Mergim* nomi-
nat) *Choramnaeis, Parthis & Carmaniis; Spatacen* pri-
vignum *Derbicibus; Megabernem Barcanis* præfecit.
Datis quoque dextris (ut inter se, & cum Amorge,
pacem ac concordiam colerent) fidem accepit; Di-
risq; devovit illum, qui concordia vincula prima ru-
pisset. Italoquutus, vivere desiit, tertio (ab accepto
vulnere) die, cum annos regnasset 30. Consen-
tiunt in numero hoc *Just. lib. I. c. 8. §. 14. Euseb. n. 1456.*
At *Excerpta Græca ex Scal. p. 321.* ponunt ἐπὶ λα, hoc
est, annos 31. At Cambyſi *Ctesias* annos tribuit 18. in
quo dissentiunt omnes alii; qui saltem 8. annos re-
gnasse volunt. Quos *Besoldus* sequitur, cum ait: *Cam-
byſen post mortem patris non diu superfuisse.* Initium
Cambyſis ponit *Calvisius* in A. M. 3421. finem in A.
M. 3428. vult enim regnasse annis non nisi 7. men-
sibus 5. Bellum Ægyptiacum, si *Ctesia* accedimus,
non tam virtute, quam proditorum auxilio usus
confecit.

Regis Amasis cadaver ignominiosè habitum, at

PSAMENITUM, ejus successorem, in honore apud Cambysem fuisse, *Herodotus* commemorat; cum quo consentit *Diod. Sic. in Exc. Peir. p. 248.* Hic Ctesia *Amyrtaeus* est. Posthæc exercitum in *Ammonium* missum arena, Austro mota, more nivis, incidens, texit; deinde obruit. *Herod. in Thal. Seneca lib. I. Nat. Quæst. 30. Justinus lib. I. c. 9. §. 3.* Videtur hanc cladem tangere *Diod. Sic. lib. I. c. 30.* qui etiam suscepti belli mentionem facit in *Exc. Peir. p. 248.*

Par infortunium expertus est in *Æthiopico* bello: Nam cum *Æthiopes Macrobi* (qui habitant Africam ad Australe mare) non supinis manibus excepissent servitutem; missisq; legatis libera responsa dedissent, quæ contumeliosa Reges vocant; *Camby*-*ses* adeò excanduit, ut non provisus com meatibus, non exploratis itineribus, per invia, per arenam traheret omnem bello utilem turbam. Sed statim intra primum iter deerant necessaria, nec quicquam subministrabat sterilis & inculta, humanoq; ignota vestigio terra. Sustinebant famem primò tenerrima frondium, & cacumina arborum; tùm cordylla igne molita, & quicquid necessitas cibum fecerat: postquam inter arenas radices quoque & herbæ defecerant, apparuitq; inops etiam animalium solitudo; *decimum quemq; sortiti, alimentum habuerunt, fame sævius.* Agebat adhuc ira Regem præcipitem, cum partem exercitus amisisset, partem comedisset. Donec timuit, ne & ipse vocaretur ad sortem; tunc demum signum receptui dedit, ut ex *Herodoti Thalia* eleganter refert *Seneca lib. III. de Ira c. 20.* Nec mirum, tot adversa fuisse tyranno,

tyranno, omnium crudelissimo; & ut *Diodor.* appellat, φύσι μανικῶ καὶ ὁρμητικῶς πρὸς τοὺς λογισμοὺς, hoc est, *naturâ furioso & mente capto.*

Qui à Prexaspe admonitus, ut parcius biberet, vino gravis filium ejus procedere ultra limen jussit, & allevatâ super caput sinistrâ manu stare; tùm intendens arcum, cor adolescentis fixit; recisoq; pectore, hærens in ipso corde spiculum ostendit patri; an satis certam haberet manum, cùm ebrius esset, interrogans. Ut est apud *Herodotum & Senecam d. l. c. 14.* Qui fratrem immani scelere sustulit; quod quâ ratione factum sit, exponit *Ctesias.*

Tandem dignum etiam vitæ exitum fortitus, cùm *Babylone* parvum lignum cultro poliens, quo tempus falleret, femoris musculum percussisset; ut scribit idem *Ctesias*: Alii aliter. Vide, quos citat *Berneggerus ad Just. lib. I. c. 9. §. 18.*

Mortuo Cambyse, MAGUS (cujus operâ Cambyses in interficiendo fratre usus erat, adjuvantibus *Artosyrâ & Bagapate*) regnum occupavit; eò (cùm *Tanyoxarcæ*, vel *Smerdi*, Cambysis fratri similis esset) se illum ipsum esse mentitus est. Ita idem *Ctesias*; à quo rursus alii diversi sunt, qui duos Magos, hoc est, *Magum* illum (de quo *Ctesias*) ejusq; fratrem, *Oropasten*, regnum Persarum occupâsse volunt *Just. lib. I. c. 9.* & alii, quos ibidem citat *Berneggerus.* At *Val. Max. lib. IX. c. 2. ex. 6. ext.* septem commemorat; sed cujus locum feliciter restituit *Rutgersius Var. Lect. lib. I. c. 8*: Nequem ex conjuratione septem, quæ Magos oppresserant cum eo. Valerii corruptam le-

Etionē secut⁹ est improvidē *Ammianus l. XXIII. p. 233.*
 Nam alium, præter Valeriū, Scriptorem in animo ha-
 buisse, vix credibile mihi est. Observârunt & alibi non-
 nulla viri docti, quæ ex *Valerio* hausta sunt; ut illud, de
umbraculis theatralibus. Vales. ad Amm. p. 27.

REGNUM DARIÏ.

Magi cades. Valerius emendatus. Darii uxores. Herodotus è Iustino explicatur. De tributo Persarum. Darii infelices contra Scythas & Athenienses expeditiones. Freinsheimii lapsus in emendando Curtio.

CÆterum ut rarum est magnorum scelerum se-
 cretum, sic imposturâ Magi animadversâ, *se-*
ptem principes conspiravere: *Onophas, Idernes,*
Norradabates, Mardonius, Barises, Artaphernes, &
Darius, Hystaspis filius; sic Ctesias eos nominat. At
 Herodoto sunt *Otanes, Intaphernes, Gobryas, Mega-*
byzus, Aspathines, Hydarnes, & Darius. Hi, *Bagapata*
 operâ, in regias ædes ingressi; dormientem cum Ba-
 bylonia pellice *Magum* offendunt; quos ille cū
 videt, omni alio telo destitutus, *sedile fortè aureum*
 confregit; ejusq; arrepto pede, pugnare cœpit. Fru-
 strâ: Nam à *septem Principibus* confossus occubuit,
septimo regni aditi mense; sicut idem refert Ctesias.
 Aliter *Herodotus in Thalia, Justinus lib. I. c. 9.* Dies,
 quo interfectus, posteritati lacer, & *Magophonia*
 dictus est. Meminit præter Herodotum *Agathias*
lib. II. Incidit autem in A. M. 3429. secundum Cal-
 visium.

Ergò

Ergò hòc quoque successit DARIUS, Hystaspis filius, Arfamis nepos, Ariamnis pronepos, Theispei abnepos, *hinnitu equi Rex factus*; ut notum est è *Just. lib. I. c. 10. Val. Max. lib. VII. c. 3.* Cujus locum (in quo restituendo frustra defudârunt *Lipsius, Colemus & Scheccius*) sic adolescentes emendavimus, applaudente Cl. Virdungo: *Sordida Magorum dominatione oppressâ, Darius, sex adjutoribus, ejusdem dignitatis assumptis.* Quod idem in mentem venisse *Cassaro Gerartio lib. I. Elect. c. 1.* postea observavimus. Meminerunt ejusdem rei *Themistius Orat. III. in laudem Joviani p. 55. Amm. Marc. lib. XXXIII. p. 253.* (ubi tamen Darii patrem Regem vocat per errorem) *Oppianus lib. I. de Venat. vers. 234. & 235. Maximus Tyrius Dissert. XIX.* Regnum adeptus, nuptiis id stabilendum censens, *Atossam & Aristonam, Cyri filias, Parmin Smerdis, & Phædimam Otanis duxit*, ut refert *Herodotus.*

Primus *Persis tributum* indixit, postquam totum imperium in *Satrapias* diviserat; prudenter animadvertens, neque quietem gentium sine armis, neque arma sine stipendiis, neque stipendia sine tributis haberi posse; quod est apud *Herodotum.* At *Strabo lib. XV. p. 735.* nescio quem auctorem secutus, *Darium Longimanum* appellat; qui tributum Persis primus imposuerat. Cum his pugnare videtur *Just. lib. I. c. 9. §. 12.* Igitur Magi, ad favorem populi conciliandum, tributa & militiæ vacationem in triennium permittunt. Ergò jam ante *Darium Hystaspis & quidem sub Cambyse tributarii Persæ.* Sed dicendum, revo-

câsse Darium videri antiquum institutum; non introduxisse novum.

Res bellicas Darii quod attinet, primùm *Babylonios* rebelles, operâ *Zopyri*, ad obsequium redegit. Quod factum, juxta *Calvisium*, A. M. 3432. Historiam narrant *Herod. lib. III. Plutarch. in Apophth. Regum. Just. lib. I. c. 10.* Sed expeditiones maximè fuerunt memorabiles *Scythica & Græca*. Priorem suscepit (si eundem Chronologum sequimur) A. M. 3439. Sed vix ingressus erat *Scythiam*, & trepidus refugit, amissis octoginta millibus hominum. Præcipua tamen virtus *Galactophagorum* extitit, quibus victus solo *equarum lacte* constitit, ut apud *Stobæum* commemorat *Nicol. Damascenus*. Idem bellum exponit *Ctesias*, & regem quidem *Scytharcen* nominat, quem *Just. lib. II. c. 5.* *Jancyrum*, *Herodotus* *Indathyrsum*. Utrumque tamen emendandum censet *Salmasius ad Solinum p. 846.* De hujus ipsius Regis laudibus multa in ejus vitâ scripsit *Chrysippus*; ut *Casaubonus* observat *ad Strabonem. lib. VII. p. 136.* In reditu occupavit *Asiam, Thraciam & Macedoniam*; qua de re videndus *Just. lib. II. c. 5. & lib. VII. c. 3.* Plures terras, insulas & urbes ab eodem subjugatas recenset *Herod. lib. V.* Postremâ expeditione adversus *Athenienses*, & prælio in campis *Marathonis* depugnato, & *Cynagiri* virtute nihil decantatius. Belli concitor *Hippias*, *Pisistrati* filius, *Athenis* pulsus in eodem cecidit. *Cic. lib. IX. ad Att. ep. 20. Thucydides lib. VI. Eustathius ad Odyss. Tertull. adversus Gentes.* Ceciderunt etiam 20000. Persarum, cum *Miltiades*, *Athenien-*
sium

sum Dux, non nisi 10000. sub signis haberet, *Just. lib. II. c. 9.* Scripserunt & alii de hoc bello quàm plures, quos citatos leges apud *Bernegg. ad d. Just. l. & addes Sulpitium Severum in Hist. Sac. Max. Tyrium Dissert. XIV. Euseb. in Chron. Curt. lib. IV. c. 1.* cujus locum parùm feliciter tentavit *Freinsheimius*. Vulgò legitur: *Rex Alexander Dario. Celes, cujus nomen sumpsit Darius &c. cum magno exercitu mare trajecit.* Quæ omnia sana & plana, ut fusiùs ostendi *lib. II. Animadvers. c. 1.* ad has lectorem remitto. Paulò pòst Darius, cùm bellum restauraret, in ipso apparatu decedit, hoc est, secundùm *Calvisium*, A.M. 3464.

REGNUM XERXIS.

Lis in successione regni inter primogenitum, qui patre privato; & inter secundum genitum, qui patre rege natus est. Xerxis numerosissimus exercitus & vanitas. Quot annorum fuerit apparatus ejus bellicus? Historia pugna Plataënsis maximè memorabilis, parùm prudenter omissa. Templà cur Xerxes demoliri jusserit?

REliquerat *Darius* ex *Gobryæ* filia (quam ante regnum duxerat) *Artabazanem*; ut scribit *Herod. lib. VII.* Et ex *Atossa*, *Cyri* filia (quam Rex factus in matrimonium recepit) *Xerxem*. Hinc orta controversia, utri regnum deberetur? quam exponit *Just. lib. II. c. 10.* Cui similem litem exortam in *Germania* nostra, post mortem *Heinrici Aucupis*,

notat *Brunerus lib. VII. Ann. p. 432. è Sigeberto*. Nam cum is *Ottonem* filium successorem sibi nominâisset, *Henricus* alter se se præferendum putabat ; quòd *Otto* ante susceptum à patre regnum editus esset. Sed ut *Aucupis* iudicio accesserunt *Moguntinus*, *Coloniensis*, *Trevirensisq;* Antistites ; *Eberhardus Francus*, *Herrimannus Suevus*, *Arnulphus Bojus*. Et quamvis postea bellum civile conflatum esset, tamen *infelicitis Henrici* ultimis calamitatibus expiatum est: Ita, quamvis secundum *Xerxen* pronunciârît *Artaphernes* patruus, tamen recusant ejus iudicio subscribere ; qui jus & civilem doctrinam hodiè profitentur. Confuendi sunt *Hugo Grotius lib. II. de J. B. & P. cap. 7. §. 28. Et notis ad illum locum Hotom. illustri Quest. II. Arniseus lib. II. cap. 2. sect. 3. Morellus ad lib. V. Sylv. Statii. p. 192. 193. Greg. Tolet. lib. VII. de Rep. cap. 9.*

Porro regnum adeptus *Xerxes*, *Ægyptios rebellantes* feliciter aggressus est ; sed è *Scythia* saltem irritus & contemptus rediit ; quamvis tantas copias eduxisset, quæ non tantum *Scythis*, sed etiam toti terrarum orbi bellum illaturæ viderentur. Tum de bello, *Græcis* inferendo, cogitabat ; & concitatis contra *Siculos Græcos* *Carthaginensibus*, ipse *septingenta millia* de regno armavit, & *trecenta millia* de auxiliis ; ut auctor est *Iustinus lib. II. cap. 10. §. 18.* Quamvis alii dissentiant, qua de re videndi, quos citat *Bongarsius apud Bernegg. in notis ad istum locum.*

Tàm stolidam verò *Xerxis insolentia* fuit, ut velut naturæ dominus, *Hellepontum* ponte jungeret ; mari

compedes & stigmata, cœlo tenebras minitaretur; *montem Aithon* (quem monachis habitatum hodiè, *montem sanctum* appellant) qua continenti adhæret, perfoderet. *Herod. lib. VII. Just. d. l. Himmerius ap. Photium Cod. CCXLII. In Orat. milit. Seneca lib. VI. de Const. Sap. c. 14. Val. Max. lib. III. c. 2. ex. 13. Suet. in Cal. c. 19. Curt. lib. V. c. 7. §. 8. Senec. Suasor. II. Plutarchus d. l. de Fort. Alexandri. Pompon. Mela l. II. Geograph. c. 2. Solin. c. 14. Plin. lib. IV. c. 10. Themist. Orat. I. p. 21. Virg. in Culice. Juven. sat. X. & alii. Quamobrem verè de eodem Valerius lib. IX. c. 5. ex. 2. ext: Xerxes, cujus in mente superbia & impotentia inhabitat. Decem annos insumsisse apparatui suo contra Græcos, scribit Julianus Imp. Orat. I. p. 77. Sed videtur annumerâsse apparatus Darii patris; ut rectè ibidem notat Dion. Petavius p. 256. 257. Clariùs Justinus: Xerxes bellum à patre cœptum adversus Græciam, quinquennium instruxit. Nam anno regni sui sexto ineunte trajecit. Calvis. rejicit expeditionem susceptam in A. M. 3470. Quâ fortunâ pugnatum sit, jam Besoldus noster docuit tum in majore tum in minore Synopsi.*

Satis tamen mirari non possum, omisisse clarissimam pugnam, & Græcorum victoriam ad *Plateas*, de qua *Herod. lib. IX. Diod. Sic. lib. XI. c. 31. Plutarch. in Arist. Pausan. in Lacon. p. 166. & Bœoticis p. 545. Corn. Nepos in Arist. c. 2. §. 1. & in Paus. c. 1. Ctesias apud Photium. Strabo lib. IX. p. 412. Qui Xerxis res fusiùs descriptas legere avet, is adire potest è recentioribus *Petr. Bizarum lib. II. Rer. Persic.**

Posthæc Xerxes, *terror* antea *Gentium*, qui putabat, Græcos ad primam adventus sui famam terga versuros; nihilq; magis verebatur, quàm ne vacuas desertasq; urbes inveniret; deessentq;, in quibus vires suas experiri possit; acceptis gravissimis cladibus, & arreptâ miserabili fugâ, contemptior indies factus (ut in omnibus infortuniis fieri amat) tandem ab ARTABANO (qui consilium suum cum *Spamitre* eunucho communicârat) interficitur A. M. 3505. *Just. lib. III. c. 1. Diodor. Sic. d. l. c. 59. Corn. Nep. in Reg. c. 1. §. 5.*

Alioquin valdè commendatur iste Rex à *Josepho lib. XI. Antiq. cap. 5.* Ipsum ut regni, sic & paternæ pietatis hæredem fuisse; nihilq; in patris institutis circa divinum cultum mutâsse, & Judæos summâ benevolentia profecutum esse. Hinc factum arbitror, ut *Græcorum* templa passim dirui & inflammari jusserit; quod in illo Scriptores tantoperè adversantur, v. g. *Strab. lib. XIV. pag. 634. Just. lib. II. cap. 10. §. 8. 9.* Quanquam ex doctrina *Magorum*, id factum scribant alii, qui parietibus includere Deos, & in humani oris speciem assimulare, impium putabant; ut è *Cic. lib. II. de Leg. observavit Casanb. ad Strab. lib. XV. p. 256. & è Diog. Laërt. Hugo Grotius, notis ad lib. III. de J. B. & P. cap. 5. §. 2.* Quare eadem religio veterum *Germanorum* fuit, ut est apud *Tac. in Germ. cap. 9. §. 2.*

REGNUM
ARTAXERXIS LONGI-
MANI.

De Themistoclis fuga diversa sententia. Conciliatura Petavii. Contra Besoldum & alios ostenditur, Ahasverum esse Xerxem. Darius Nothus is, qui Judæis permisit templum Hierosolymitanum instaurare. Scaliger contra Petavium defenditur, & hic non ad unum absurdum deducitur. Libri Esther, Esdræ & Nehemiæ cum profana historia conferuntur. Artaxerxis res gestæ.

ARtabano stratagemate singulari circumvento (quod refert *Iust. lib. III. c. 1.*) ARTAXERXES LONGIMANUS, à dextrâ longiore sic dictus, regnum Persarum capeffit A. M. 3405. Dissentit tamen *Herodotus* in nonnullis circumstantiis. *Ad hunc*, inquit *Besoldus*, *Themistocles exul perfugit, ibiq; vitam finivit.* Qui verissimum dicet, qui fidem adhibebit *Thucydidi lib. I. p. 58.* ubi refert, *Themistoclem* in exilium ejectum, literas misisse ad Regem *Artaxerxem*, Xerxis filium; qui nuper regnare cœperat. Idem & *Charon Lampsacenus* (qui Xerxis ætate vixit) memotiæ prodidit; ut est apud *Plutarch. in Themist.* Idem est apud *Cor. Nep. in Themist. c. 9. §. 1.* At, Xerxe adhuc vivo, Themistoclem in Asiam transiisse volunt *Ephorus*, *Dion*, *Clitarchus*, *Heracledes*, aliiq; ; quos *Diod. Sic.* sequitur. Hos conciliare studet

det *Dionys. Petavius part. II. Rat. Temp. lib. III. c. 10.* Statuendum duplex initium Artaxerxis Longimani, alterum, quo cum patre regnavit annis circiter 10; alterum, post ejus obitum annorum 40. Fundamentum hujus conciliationis affert ex illis *Herod. lib. VII.* ex instituto Persarum tùm demum Regem expeditioni interfuisse, cùm regni successorem declarâisset. Ex hac consuetudine, inquit, *Artaxerxes patris collega factus*; atq; ita utrumq; verum esse, quod scribunt, *Themistoclem sub Xerxe, & Artaxerxe venisse in Asiam.*

Addidit porrò Besoldus: *Hunc multi Ahasverum, Estheræ maritum, fuisse putant.* Sed isti S. Scripturam cum historia profana non benè contulerunt: Nisi bardi sumus, in libro Esther & Esdræ *Ahasverum Xerxem esse*, fatebimur; ponitur enim ante Artaxerxem primum, & Darium Nothum. *Oxyares* dicebatur adhuc privatus, quod nomen Hebræi vix aliter scribere potuerunt, nisi *Ahasberos*. Conveniunt cætera. Nam Ahasverus in libro Esther ab Indiâ ad Æthiopiam usq; 117. provinciis imperâsse dicitur. De Persarum potentia sub Xerxe *Herod. lib. VII: Sacas & Indos & Æthiopes & Assyrios, aliasq; multas & grandes imperio nationes adjunximus.* De hac ipsa potentia explicandus Daniel, qui quartum Regem à Cyro dicit ditissimum & potentissimum fore.

Præterea Xerxis conjux *Amestris*, ut ex *Herodoto & Ctesia* manifestum est; quod quantillum differt à nomine Reginae Esther? sed istis obstat *Dionys. Petavius d. l.* qui *Ahasverum* dictum ait *Cambysem*; &
Darium

Darium (qui templum Hierosolymitanum instaurari jussit) putat esse *Darium Hystaspis*; & *Artaxerxem* (qui *Esdrae cap. IV. §. 7.* ante *Darium* nominatur) putat esse *Pseudosmerdin*; quæ sanè mirifica explicatio est. *Pseudosmerdin*, ex annalibus Persarum expunctum, *Esdram* inter reges legitimos nominasse, quis nobis persuaferit? Sed cur hæc fingeret, causa fuit, quòd ipsi *Scaligeri assertio Animadversionibus ad Euseb. n. 1497. & lib. VI. de Emend. Temp. p. 286.* de senectute *Zorobabelis* intoleranda videretur.

Res sic habet: *Esdra* reges aliquot Persarum nominat, *cap. IV.* *Cyrum*, ex cujus edicto *Zorobabele* duce, populus in *Judæam* redierit, nec non *Josua* filio *Jozedec*, summo Pontifice templi fundamenta posita sint: *Ahasverum*, quo regnante, *Judæis* obtrectârint inimici; & absolvendi operis spem eripuerint: *Artaxerxem*, qui calumniis adversariorum motus, iisdem *Judæis* urbis instauracionem interdixit: *Darium*, cujus anno secundo, *Haggeo* & *Zachariâ* Prophetis hortantibus, *Zorobabel*, & *Josua* intermissam templi molitionem repetierint: *Artaxerxem II.* cujus anno septimo *Esdra* com meatu à Rege dato *Babylone* profectus sit. Quærebam, quis ille *Darius* sit, cujus indultu templum absolutum fuerit? Respondet *Scaliger*, *Darium Nothum* esse. Oportet igitur, inquit *Petavius*, *Zorobabelem* ut minimum annos 140. vixisse. Nam ab anno primo *Cyri* *Babylone* regnantis (quo *Zorobabel*, jussu *Cyri*, *Judæos* reduxit) ad initium *Darii Nothi* sunt anni 114. Hoc unum erat, quod *Petavius* concoquere non

non potuit: Igitur eam sententiam delegit, quæ multis modis deterior est. Quòd si enim is, qui *templum Hierosolymitanum instaurare* permisit, *Darius Hystaspis* est, ut Petavius voluit; quì fieri potuit, ut nemo de *edicto Cyri* (quo in *libertatem Judæi* restituebantur) scire sese profiteretur? *Darius* jubet bibliothecas & archivorum forulos diligenter excuti, qui tamen *Cyri coæaneus* fuit: Nam *Darius Hystaspis*, vivo adhuc *Cyro*, unus è principibus Persarum. Opus erat, ut *Nehemias* in genealogias eorum inquireret, qui cum *Zorobabele* redierunt; & tamen *Darii Hystaspis* ævo pleriq; supererant, qui de genere suo interrogati respondere poterant. Quo quid absurdius esse potest?

Nos qui legimus, *Darium Cyri* commentarios, scrinia memoriæ, & epistolarum requisivisse; *Nehemiæ* quoque necessariam fuisse genealogiarum inquisitionem, omninò cum *Scaligero* concludimus, rem satis *vetustam* fuisse *edictum Cyri*; cùm *Darius* de *instauratione templi* rogaretur: neque *Darium Hystaspis*, *Cyro συγγεγονος*, sed *Darium Nothum* *Judæis* iterum permisisse, ut templum suum exstruerent. Taceo alia.

Sed tantoperè movet *Petavium* longævitas *Zorobabelis*: Videbimus igitur, an non eadem inconvenientia oriatur ex ipsius interpretatione? Ait *Darium Esdræ* IV. §. 6. *Darium Hystaspis* esse; *Artaxerxem Esdræ* VII. *Artaxerxem Longimanum*. Ergò secundum illius sententiam *Nehemias* in *Judæam* venit anno *Artaxerxis Longimani* 20, hoc est,
A. M.

A. M. 3505. Vixit autem *temporibus Nehemiae* praefectus Syriae & Samaritanorum, *Saneballat*, vir magnae auctoritatis: Unde de ejus aetate conjectura fieri potest, fuisse tum hominem virilis aetatis. At hic Saneballat Alexandum M. *Tyrum* oppugnantem, strenue juvit; & paulo post in castris ejusdem in obsidione *Gazæ* mortuus est; ut scribit *Iosephus lib. XII. Antiq. c. 8.* Rursus *Tyris* expugnata est A. M. 3618. Ergo Saneballat ut minimum 140. annos vixit.

Ita cum nihil melius afferat *Petavius*, sequor ego *Scaligerum*; nec tantoperè miror longevitatem *Zorobabelis*. Ecquis enim in historia sacra tam hospes, ut ignoret *vivacium exempla*? Insulsum est, ad nostrum ævum tantâ adseveratione & pertinaciâ Judaica & Orientalia exigere.

Ut intelligatur, de quibus regibus capiamus *Danielem* & *Esdræ*, adscribo Regibus Persarum, ut à Græcis nominantur, S. Scripturæ loca, hoc modo:

Cyrus. Dan. XII. §. 2.

Cambyses. Dan. XII. §. 2.

Darius Hystaspis. Dan. XII. §. 2.

Xerxes. Dan. XII. §. 2. *Esdræ* IV. §. 6. & lib. *Esth.*

Artaxerxes Longimanus. *Esdræ* IV. §. 7.

Darius Nothus. *Esdræ* IV. §. 24. & V.

Artaxerxes Mnemon. *Esdræ* VII. *Nehemiæ* I.

Ochus, cujus successor

Darius Codomanus. *Nehem.* XII. §. 22.

Nunc ad *Artaxerxem* nostrum *Longimanum*: Est autem is, qui A. M. 3490. *Aegyptum* rebellem rursus pacavit, ejectis Atheniensibus. *Diod. Sic. lib. XI. c. 67.*

Pacem

Pacem cum *Cimone* fecit A. M. 3501. Idem lib. XII. c. 24. Moritur A. M. 3526. Sub hoc ipso exortum est illud bellum celeberrimum *Peloponnesiacum*, octo libris à *Thucydide* comprehensum; de quo & *Plutarch.* in *Pericl.* *Diod.* lib. XII. & *Scholiastes Aristoph.* in *Εἰρήνῃ*.

REGNUM XERXIS II. SO- GDIANI DARIi NOTHI, AR- TAXERXIS MNEMONIS, ET OCHI.

Duo Reges omitti in Besoldo. Darius Artaxerxis Longimani filius. Sphalma apud Bizarum. Darii Nothi, ejusdemq; nepotis, Ochi, Artaxerxis, immanis crudelitas.

Duos reges omisit *Besoldus* in *Synopsi minore*: XERXEM II. & SOGDIANUM, quod idem fecit *Cl. Ptolomæus* in *Canon.* quem publicavit *Scal.* lib. II. *Can. Isag.* p. 134. Sed auctiorem & emendatiorem *Calvisius* *Introduc.* *Chronolog.* cap. 11. è *M. S. Overalli*, & *Petavius* *Rat. Temp.* part. II. lib. IV. sub finem, è bibiotheca Regis Christianissimi. Nihilominus eos habemus apud *Euseb.* in *Chron.* lib. I. p. 31. & lib. II. n. 1592. Et *Xerxi* quidem duos, *Sogdiano* septem menses tribuit. At *Diod. Sic.* lib. XII. c. 64. *Xerxem* unum annum regnâsse vult. In *Sogdiani* mensibus consentit l. d. c. 71. Sed *Ctesias* apud *Photium* non nisi sex menses, quindecim dies *Sogdianum* regnâsse dicit.

Xerxem,

Xerxem, Artaxerxis Longimani legitimum filium fuisse, è *Damaspia* conjuge, scribit idem *Ctesias*. Adde *Exc. Græca Scaligeri* p. 401, in quibus legitur: *Xerxes filius Artaxerxis* (regnat) *mensēs duos*. *Sogdianus* eidem frater, sed natus ex *Alogune*, *Babyloniâ pellice*; ut ibidem adjicit *Ctesias*; qui *Secyndianum* vocat. *Pausan. lib. VI. p. 353*. *Ilogæum* (ita *Sogdianum* appellat) legitimum *Artaxerxis* filium facit: Sed *Ctesia* major apud nos fides.

Hic cùm *Xerxem* fratrem, in regiâ dormientem, interfecisset, regnum invasit; sed parricidam exosi *Perſæ*, cidarim imposuere *DARIO*; qui privatus *Ochi* nomen tulit. *Sogdianus* paulò post captus miserè interficitur. *Darium regis filium* fuisse, indicat fœdus inter ipsum & *Lacedæmonios*; cujus verba hæc sunt apud *Thucyd. p. 373*: *Quæ regiones, quæq; urbes sub imperio sunt regis Darii; aut patris ipsius, majorumve fuerunt; eas sive belli inferendi, sive alio modo nocendi causâ Lacedæmoniis eorumq; sociis adeundi jus ne esto!* Et *Just. lib. V. c. 1. §. 7*: *Darius rex Persarum* (loquor de *Notho*) memor paterni avitiq; in hanc (*Atheniensium*) urbem odii, factâ cum *Lacedæmoniis* per *Tissafernem*, præfectum *Lydia*, societate, omnem sumtum belli pollicetur. Sed clarè *Ctesias* & *Pausanias* *Artaxerxis Longimani* filium è pellice faciunt; & *Ctesias* quidem *Martiderem* illam nominat: Hinc ab omnibus ferè *Scriptoribus* *Darius Nothus* cognominatur.

Ridiculè apud *Pet. Bizarum lib. II. Rer. Persic. p. 58*. legitur: *Darium fuisse Artaxerxis ex Pellaca*
L
filium.

filium. Quasi *Pellaca* nomen proprium sit? At cùm in Græco Pausania sit: Δαεί & Ἀρταξέρξης παῖς νόθ &, *Romulus Amaseus* rectè vertit: *Darius Artaxerxis ex pellacai. e. ex concubina filius.* Saltem igitur appellativum est apud interpretem. Quod monendum duxi, ne quis Bizarum legens, in errorem abripere-
tur: Etenim ex minutis etiam graviores hallucinationes oriuntur.

Hujus Darii anno secundo spes certa *instaurandi templi* Hierosolymitani Judæis affulsit, ut jam satis diximus; & cùm initium Darii *Calvisius* posuisset in A.M. 3527. prophetiam *Haggeri* collocat in A.M. 3528.

Fuit aliquando Darius homo crudelis, ut ex *Ctesia* & *Ovidio* in *Ibin* v. 315. colligere est; ut *Valerius Maximus* (qui *Valerius Maximus* lib. IX. cap. 2. ex. 6. ext. Dario *Hystaspis* eam crudelitatis notam impingit) jure notatus sit à *Freinshemio* ad *Curt.* lib. VI. cap. 8. §. 16.

Fato functus est A. M. 3546. & successit filius **ARTAXERXIS MNEMON**, ante regnum susceptum *Arsaces* dictus. Natus erat à *Parysatide*; quemadmodum & *Cyrus* & *Ostanes* & *Oxyathres*; ut scribit *Plutarchus*, qui res Artaxerxis hujus integro libro executus est. Bellum gessit cum fratre *Cyro* A. M. 3549. quod præter *Plutarchum* describit etiam fusè *Xenoph.* in libb. VII. de *Exped. Cyri*. Breviter *Diod. Sic.* lib. XIV. c. 20. *Just.* lib. V. c. 11. *Oros.* lib. II. cap. 18. De eodem bello superest narratio *Ctesiae*, à *Photio* in compendium redacta; qui Scriptor hoc ipso bello captus ab *Artaxerxe*, medicinam pòst in Persia fecit; & Regem à fratre vulneratum sanavit. Diu

Diu posthæc *Artaxerxes* Persis imperavit; sed cum tandem *Darium filium* Regem fecisset, isq; interficiendi patris consilium cepisset; pater, licet oppresso juvene, tamen ex ægritudine animi moritur A. M. 3589. & succedit *OCHUS*, Artaxerxis filius; qui sævitiâ & atrocitate (ut *Plutarchus* ait) omnes superavit, regiam cognatorum cæde & strage principum replevit. *Just. lib. X. c. 3.* Ocham, sororem, atque eandem focrum, vivam capite defodit; & patruum cum centum & amplius filiis ac nepotibus eodem die interemit. *Val. Max. lib. IX. c. 2. ex. 7. ext.* Tandem ab eunuchio Bagoa veneno tollitur. *Diod. lib. XVII. cap. 5.* Cadaver ejus idem Bagoas felibus objecit; & ossa quædam exprobrandæ crudelitati in manubria gladiatorum convertit. *Ælianus lib. VI. Var. Hist. cap. 8.* quod factum A. M. 3614.

CAPUT VII.

Artes Rex Persarum post Ochum. *Darii Codomani* genus. *Ejusdem* luxus. *Imperii Persici* ruina, & cades *Darii*, post tres ingentes pugnas ad *Granicum*, *Issum*, & *Gausamela*.

D*arius* (inquit *Besoldus* in hac Synopsi minore) postremus *Persie* Imperator, hunc (sc. Ochum) excepit. Sed præterit *ARSEN*, Ochi Artaxerxis filium, quem Bagoas pro patre Regem constituit, rursusq; sustulit; quod ob eandem paternum supplicium illi minitaretur. *Diod. Sic. lib. XVII. c. 5.* Me-

minerunt hujusdem Arsis *Arrian. lib. II.* (ubi Darius in literis ad Alexandrum M. conqueritur, injustè illum laceffitum fuisse à Philippo) & *Euseb. n. 1677.* qui tribuit illi 4. annos, secutus *Africanum.* Vide *Scal. d. l.*

Ultimum è Darii Hystaspis domo facit *Strabo lib. XV. p. 736.* sed corruptè Narsen vocat; verba ejus sunt : *Septem verò Persæ, qui Magos interemerunt, Dario, Hystaspis filio, imperium tradidère; ejus successores in Narse defecerunt : quem cum Bagoas eunuchus interfecisset, Darium Regem fecit, non oriundum è stirpe regiâ.*

Sed & Plutarchus *Darium* (ut ad illum jam progrediamur) ante regnum, saltem *Astantem*, hoc est, *Tabellarium*, seu *Veredarium*, fuisse scribit. Consulendus *Raderus ad Curt. lib. III. c. 3. §. 3.* At *Diodoro Sic. lib. XVII. c. 15.* à gente regia non alienus est; *Arsumum* enim Darii Codomani patrem, Artaxerxis Mnemonis filium facit, quem secutus est *Besoldus* in *Synopsi* majore; vel certè recentiores, qui ex *Diodoro* Regis hujus genealogiam concinnârunt.

Freinsh. in Supplem. Curt. lib. II. c. 1. §. 2. Darii patrem *Arsanem*, avum *Ostanem*, proavum *Darium Nothum* asserit; sed hoc mihi nunquam observatum in antiquis Scriptoribus, præsertim illis, quos in margine citavit. Quicquid sit; bello adversus *Cadusios* gesto magnam virtutis opinionem sibi pepererat; ut est apud *Just. lib. X. 3. §. 3. Diod. Sic. lib. XVII. c. 6.*

Cæterùm regnum adeptus, luxum ante virtutem habuisse videtur, more totius gentis, quæ olim rudis ad voluptates, pro libertate & gloriâ animosè pugnavit;

pugnavit; sed auctis opibus, delitiis & mollitie fractâ effœminatâq; fortunæ ruentis impetum, non sustinuit. *Livius lib. IX. c. 17.* describit mulierum & spadonum agmen trahentem, inter purpuram atque aurum, oneratum fortunæ suæ apparatibus, prædam veriùs quàm hostem. Conferendus *Curt. lib. III. c. 3.* ubi refert decem & quinque millia hominum (quos *cognatos Regis* appellabant) secum in bellum traxisse; turmam muliebriter vestitam, luxu magis quàm decoris armis conspicuam: Pecuniam Regis simul advectam à 600. mulis, & 300. camelis. Unde nihil miror, si Macedonum acies tantum regnum destruxit, quæ longè dispari facie, equis virisq; , non auro, non discolori veste; sed ferro & ære, fulgebat.

Tribus præliis Persæ debellati sunt, è quibus primum commissum est in Adraistiis campis, ad Granicum fluvium, A. M. 3616. Just. lib. XI. c. 6. Diod. Sic. lib. XVII. c. 19. Plutarch. in Alex. p. 672. 673. Arrian. lib. I. Cæsa in eo prælio Persarum 25000. peditum, 2000. equitum; captorum par ferè numerus. Alexander non tantum eos, qui è suis ceciderant, sed & Persarum Duces & Græcos, qui hostibus meruerunt, sepulturæ tradidit; illos magnificè, hos piè. Arrian. d. l. 1.

Alterum prælium A. M. 3617. ad Issum, Ciliciæ urbem, depugnatum est; & è Persis ceciderunt centum decem millia: Captæ verò multæ Darii charitates, mater, soror, filius Ochus, ac duæ filiæ. Diod. d. lib. XVII. c. 32. Curt. lib. III. c. 11. Just. lib. XI. c. 9. Plutarch. in Alex. p. 675. Amm. Marc. lib. XXVI. p. 327. Herod. lib. III. Arrianus lib. II. Cic. lib. II. Fam. ep. 10.

Tertium A. M. 3619. in *Gausamelis*, five ad *Arbela*, five ad *Ninum*; de quâ sententiarum diversitate consulendus *Freinsb. ad Curt. lib. IV. c. 9. §. 8. Bernegg. ad Justin. lib. XI. c. 14. §. 1.* Hoc prælio Alexander Asiæ imperium rapuit, ut ait *Just. d. l. §. 6.* Sed Darius sequenti demum anno, Bessi perfidiâ, compedibus aureis vincitur, & jaculis conficitur. *Casaub. ad Theophrasti Charact. p. 201.* Varietas (ut est in proverbio) delectat! & cum metuum, ne antiquior historia plus fastidii, quàm delectationis, in quorundam animis faciat; placet *declamatiunculam* interponere. Rem acceptissimam præstabo iis, qui eloquentiam amant; mihiq; sumul faciam satis, dum hâc occasione promo, quod sæpissimè volui. Nôstis, alieni laboris sarcinam injectam humeris meis; sed dubito, quicquamne utilius sit, veteri declamandi ratione, quàm superiori seculo revocatum ivit *Aonius Palearius*; sic enim ad eum *Andreas Alciatus* scribit: *Plurimum delector, quòd veterem declamandi rationem in præsentem usque revocas, & ob superioris ætatis incuriam (ne infantiam dicam) obstructam controversiarum apud Rhetores viam aperis, reddisq; facillimam. Quæ res non solum ad comparandam dicendi facultatem pertinet, sed & nobis Jurisconsultis admodum utilis est. Paucissimi quidem ex humaniorum studiorum Professoribus hoc præstare possunt: Quod si qui possunt, ad jurisprudentiam, quæ uberiores fructus parit, transire maluerunt; quàm inter pueros fictis thematicis consenescere. Unde factum, ut pulcerrima doctrinæ exercitatio inierit. Hæc ille. Cujus viri auctoritatem secuti mihi videntur, quicunq;*

quicunque nostro & superiore seculo eloquentiæ laudem sibi pepererunt. Ut verò sciatis, quæ declamandi ratio fuerit, remitto vos ad *Marcum Senecam* patrem, *Quintilianum* & *Libanium Sophistam*; sed quem priores à tergò quàm longissimè relinquunt. Nostro ævò declamationum hujusmodi *par* scripsit *Daniel Heinsius*; quarum in priore fingitur: *Quid Pub. Scipio Africanus dixerit, cùm in Africam trajecisset.* Et posteriore: *Quid Euphorion dixerit, cùm Callimahum filium suum, praelio Marathónico, stantem expirasse, audivisset.* Nunc ut juventuti exemplò ferè simili præeamus, ad iter illud, quod præcipuè ducit ad eloquentiam; ex historiâ, quam per hanc septimanam tractavimus, declamatorum more in Bessi facinus sic invehimur.

DECLAMATIUNCULA IN BESSUM.

Regni Persici fundamentum erat, *unum imperare, ceteros omnes obsequi*; & ad servitutis opprobrium. Nemo ex animi sententiâ consiliū dabat; quòd reverentiam Regiæ majestati debitam, libertas oblivisci videretur. Fuerunt, qui flagellis ad multum sanguinem cæsi, pro injuriâ, tanquam beneficiò, gratias agerent. Quòd enim parenti patriæ, & Numini, pòst Solem, maximo, adhuc in memoriâ sint, hinc se percipere credebant, & lætabantur; sed nondum intelligis, quid in servitute Persicâ postremum fuerit. Majus est, quòd *Præxaspes*, purpuratorum Princeps, ob conceptum alioqui impetum, & salutaris consilii confidentiam, spectare coactus est, filium sagittâ peti; nec

spectare tantum, sed (fidem veram, ô superi!) laudare ferientis tyranni manum. Hæreditaria illa ferocia *Cambyſi* fuit, ſiquid Græcorum narrationibus damus. Nam *Aſtyages*, proavus *Harpago* in cœnâ filium epulandum appoſuerat; & iſte non tam linguam in officiô, quàm vultum in colore priſtinô retinuit. Minus adhuc dixi: Veritus, ne doloris magnitudinem parùm artiſcioſè tegens, in reliquias ſuæ domus immaniſſimum carnificem immitteret; deprædicavit etiam apparatus & ſuavitatem cœnæ. Nunc tu mihi conſidera mutatas rerum vices! *Bagoas* (mancipiorum omnium poſtremus, & quod indigniſſimum, *ſemivir*) oblitus, Regum capitibus divinam quandam & inviolabilem majeſtatem, ſuo verò collo jugum congenitum; nec veritus ultorem, quiſquis ſuccedit in Regem, & auctorem potentiæ ſuæ, ſceleratiſſimum facinus non tantum concipit; ſed exequitur. Cùm infimæ ſortis homuncio regnum ſibi vindicare non poſſet, ſui beneficii facit. Cæterum non ibi conſiſtunt exempla, ubi cœperunt; & qui magnum ſcelus patravit, vix unquam ſolus fuit. Uti primæ viæ malum parturientibus ardua & impedita ſunt; ita ſemel introducto non deſunt leviffimi, qui frequenter exercent. En *Darii* flebile cadaver in proximô! an non Regi potentiſſimo perniciem maturavit interfecti Regis exemplum? *Bagoam* evexit *Ochus*, *Beſſum* *Darius*. Uterque beneficii ſui parem gratiam tulit, & in *Beſſo* revixit *Bagoas*. Jam fortuna *Darii* domum inſigniter attriverat; cæſæ totô Oriente Perſarum copiæ; intima regni *Macedonibus* reſerata; capta cum
 infinitis

in finitis thesauris *Persepolis*; nec quicquam victori ultra metuendum, nisi quòd Darius viveret. Hæc cum molestiâ quis existimaret sic liberandum? Darius, hostibus expeditissimis & Alexandro, quid? nisi vel Herculi, vel ipsi Marti obductus & subductus, licet in extremis regni; sui tamen, & à suò primùm vincitur, deinde configitur. O prodigium! ô hominem! ô furiam! *Itâne telum, nec animum ad memoriam tot beneficiorum hebetari? nec aliam victimam, quàm Regem, quàm Patriæ patrem; quàm illum, etiam sceleratissimorum ficariorum opinione, participem siderum, fratrem Solis ac Lunæ, crudelitati & ambitioni mactari potuisse?* Bessus Satraparum princeps erat: Bessus Bactrianis præfectus erat. Certè nullam injuriam acceperat, nisi quòd Darius nimis debitis onerârat; quæ Bessum & vivere & mori illi obnoxium cogerent. *Tot beneficiorum vincula nefariò telò abrupit; & nomina, quæ expedire non potuit, sanguine regiò obruit ac delevit.* Debebat Rex fortunæ atrocissimam pœnam, cujus blanditiis irretitus, jugum totâ cervice recepit: Debebat imprudentiæ suæ, quod contra majorum artes nimium benignus in servos, *nullam ultra crescendi spem reliquit; nisi quæ Regem peteret.* Sed non potuit hoc *victoriæ compendium* placere Alexandro; qui monarchiæ suæ munimentum ratus, si parricidarum suppliciò, quantumvis inimici Regis manibus parentaret. Bessum captum Oxyathri excrucians tradidit; nec dilata pœna, &

QUI. DIADÉMA. SPERARAT.
 SCELERIS. PRETIUM.
 CRUCEM. TULIT.

Hunc

Hunc infami ligno dignum titulum arbitramur ; at
Darii monumento ultimum, quod Polystratus exce-
pit, suspirium, merito inscribimus :

VIVEREM. DARIUS. CODOMANUS.

PERSARUM. REX.

NI. SERVUS. BENEFICIO. MEO.

NIMIS. LAUTE. VIXISSET.

CAPUT VIII.

*Alexander ab eodem Perseo oriundus, quo
Persarum Reges. Persei posteritas usq; ad
Temenum. Hujus posteris ad Caranum è
reliquis Dexippi. Velleji lectio tentatur.
Macedonia Regum successio, & dissensus in-
ter Eusebium & Dexippum, quoad annorum
supputationem. Bongarsii ἀμάρτυρα, &
Georgii Syncelli incuria in exscribendo De-
xippo ; & enarratio hujusdem à conjecturâ
suppletur. Berneggeri conjectura in loco
Panegyrista rejicitur. Terram & ignem
dare, quid sit ? Dissensus Dexippi à reliquis
Historicis, in enumerandis Alexandri M. ma-
joribus ab Alexandro Divite. Auctores re-
rum Alexandri M. post Freinshemium ob-
servati à Reinesio, è literis ejus promun-
tur. Alia de rebus Alexandri M. ad Besol-
dum pertinentia.*

Quod

Quod miraberis, *iisdem majoribus orti Persarum Reges & Macedonum.* Illos à *Perseô* jam suprà deduximus; hos ab eôdem descendisse, docuerunt plures, & inter eos *Reineccius* in peculiari tractatu *de Familiis Regum Macedonia*; sed perpetuam seriem, nec ille, nec alius, ut opinor, dedit. Nam à *Caranô* ad *Temenum* usque nominare potuerunt nullum, quod apertè confitetur *Reineccius*. Illam lacunam jam supplebo è magnorum Scriptorum reliquiis. *Perseus* (cujus majores ab *Isaaci majoribus*, serie non interruptâ perductos suprà reperies) *Persis* sive pater, sive avus (à quô *Persarum Reges*) filium reliquit *Alcæum*; *Alcæus Amphitryonem*; *Amphitryon Herculem Thebanum*; *Hercules Hyllum*; *Hyllus Cleodæum*: *Cleodæus Aristomachum*; *Aristomachus Temenum*. Hæc extra controversiam omnia sunt. Tamen posteritas ad *Caranum*, *Macedonici regni conditorem*, quibus nominibus appellata fuerit, id (ut dixi) hætenus latuit. Multi (è quibus *Erasmus Schmidius* est, in *Pindari Pythionicas od. 5. p. 248. 250.*) *Perdiccam*, *Temeni filium*, *primum Regem Macedonia* faciunt, è verbis *Herodoti* in *Uraniâ*: *Ex Argo profugerunt in Illyricos, & è Temeni posteris tres fratres, Gavanes, Aëropus & Perdiccas.* In *Græcô* videntur ἀπύργοι, quos quis filios nobis interpretabitur?

Sed quid moror? Insigne fragmentum *Dexippi*, vel *Diodori Siculi* potius (quem ille exscripsit) è *Georgiô Syncellô*, in *Eusebium Græcum*, retulit *Scaliger*, p. 47, è quô constat, *Temenum patrem fuisse Lacharis*,

charis, Lacharem *Deballi*, Deballum *Euribiadae*, Euribiadem *Cleodæi*, Cleodæum *Cræsi*, Cræsum *Pœantis*, Pœantem *Carani*, primi Macedonum Regis. Alii, (quod ibidem testatur Diodorus) uti Theopompus, genealogiam constituerunt aliter; sed personas quasdam omisisse ferè temporum ratio, & alia nobis persuadent. Quam nos dedimus, planè perfectior est, & à Dexippò approbata; cùm affirmat τὸν Καρχενὸν ἀπὸ μὲν Ἡερκλέους ἐν δέκατον εἶναι, ἀπὸ δὲ Τημένους ἑβδομον. Hoc est, *Caranum ab Hercule undecimum esse, à Temenò verò septimum*. Quod verum est, si genealogiam admittimus, cum illà computatione, quam *Ovidius* sequitur: Hic *Ajacem*, Jovis pronepotem, *tertium* à Jove dicit, *lib. XIII. Metam.* quem alii, Jovem annumeraturi, *quartum* dicerent: Sic nos Caranum à Temenò septimum dicimus, non annumeratò Temenò. At si juxta morem computandi receptum ab aliis, Temenum adsuimus; hic quidem *octavus* est, Hercules *duodecimus*. Theopompus immane discrepat, quem si sequimur, Caranus vel *sextus*, vel *quintus* est à Temenò.

Ex hætenus dictis Velleji lectio (quam Reinccius ambabus manibus amplectitur) omninò dubia fit: Nam sive Theopompum, sive Dexippum sequamur, *Caranus* ab Hercule nullo modo *decimus sextus* est. Nî fallor, alteram unitatem in numeri quinariî notam mutârunt librarii; & cùm Vellejus scripsisset: *Caranus XII. ab Hercule*, fecerunt illi *XVI*; cujusmodi vitia passim in auctoribus obvia. Sed hæc conjectura est, quam qui rejicere volet, nihil offendet me.

Jam

Jam Carani majoribus recensitis, enumerandi sunt Reges à Caranò ad Alexandrum Magnum; quod facillimum est. CARANUS (de quò videndi modò correctus *Vellejus lib. I. c. 6. Justinus lib. VII. c. 1. Pausanias lib. IX. p. 606. Eusebius num. 1204. Solinus c. 14. Suidas in Καίεργον*, & *Paulinus Opusculo de Regibus, citante Ausonio*) regnavit annos 28, secundum Eusebium; at juxta Dexippum 30. Cui succedit COENUS, filius, ut Dexippus ait; & regnat annos duodecim, ut vult Eusebius; viginti octo, ut Dexippus. Cœni filius TYRIMMAS, vel *Tyrimas*, regnat annos triginta octo, ut ait Eusebius; quadraginta quinque, ut Dexippus. Hos duos Reges *Justinus* non habet, fortasse, quòd tantum celebriores nominare voluerit. Tyrimmam excepit PERDICCAS I, & regnavit annos quinquaginta unum; ut est apud *Eusebium, num. 1281. De eòdem Justinus lib. VII. cap. 2: Perdicca & vita illustris & mortis postrema, velut ex oraculò præcepta memorabilia fuerunt. Et Herodotus lib. VIII: Ὁ Περδικκῆς ὁ κτησάμενος τὴν ἀρχήν. Vel potius: τῶν Μακεδόνων τὴν τυραννίδα. Hoc est: Perdiccas, qui condidit imperium, nempe, Macedonum.*

Fallitur *Bongarsius*, qui ad dictum locum *Justini*, hujusdem mentionem fieri scribit à *Thucydide lib. II. c. 21. Meminit Perdiccæ, sed is Perdiccas II. est, Alexandri Divitis filius, Archelai pater; ut ex eòdem intelligi potest. At de Primo capiendus Solinus c. 14: Succedit Carano Perdicca XXII. Olympiade, primus in Macedoniâ Rex nominatus. Omittit Cœnum & Tyrimmam, sicut Justini epitomator.* At

At hîc satis mirari non possum, tam illustrem Regem in Dexippi fragmento præteritum esse; immò ad Tyrimmam referri, quod de Perdiccâ scribunt modò laudati. Ait enim: μετὰ δὲ τῆτον ὁ υἱὸς Τυρίμματος ἔτη με καὶ τὴν λοιπὴν τῆς Μακεδονίας προσελάβετο χώραν, καὶ καθόλη τὴν βασιλείαν ἡύξησεν· εἶτα Ἀργεῖος πᾶσι Τυρίμμα ἔτη λδ. Hoc est. *Post hunc (Cœnum) regnavit filius Tyrimmas, annos quadraginta quinque; hic reliqua Macedonia occupavit, atque ita provinciis unitis, regnum suum propagavit lausissimè. Posthæc Argæus, Tyrimma filius, regnavit annos triginta quatuor. Vides, nullum Perdiccam locum habere inter Tyrimmam & Argæum. Sed valdè vereor, ut Georgius Syncellus Dexippum bonâ fide hîc exscripserit: Non enim leve momentum hic in Herodoti, Justinî, Eusebii & Solini, consensu. Igitur vel vitium & lacunam (quæ in Dexippi codice erat) non animadvertit Georgius; vel dum festinavit, fugit illam Perdiccæ nomen; unde scribere debuisset: μετὰ δὲ τῆτον ὁ υἱὸς Τυρίμματος ἔτη με. Ἐξῆς Περδίκκας ὁ υἱὸς αὐτῶν ἐβασίλευσεν ἔτη . . . ἔτη καὶ τὴν λοιπὴν τῆς Μακεδονίας προσελάβετο χώραν, καὶ καθόλη τὴν βασιλείαν ἡύξησεν· εἶτα Ἀργεῖος πᾶσι Περδίκκας ἔτη λς. Hoc est: *Post hunc filius regnavit Tyrimmas annos 45. eumq̃, excepit filius Perdiccas, ac regnavit annos . . . qui Macedonia reliqua occupavit; atq̃, ita provinciis unitis, regnum valdè auxit. Dein Argæus, Perdiccæ filius, Rex fuit per annos 34. Argæus iste Perdiccæ filius scribitur & Herodoto & Justino; regnumq̃, patris obtinuit per annos 38, ut vult Eusebius; à quo, ut videmus, Dexippus dissentit, quadriennio dicens minùs.* Ar-*

Argéi filius PHILIPPUS I. in quô consentiunt *Herodotus*, *Justinus* & *Dexippus*; at in annis regni huic non convenit cum Eusebio; ille namq; 35. habet, Eusebius 38. Philippi filius ΑΕΡΟΠΙΑΣ, ut *Dexippus* vocat; ΑΕΡΟΠΙΟΣ, ut *Herodotus*, ΑΕροπας Eusebius, Europus Justinus; is ipse, quem *infantem Macedones, ab Illyriis victi, prolatum in cunis prope aciem posuerunt*; ut eò acriùs adversus hostem pugnarent. Meminerunt præter Justinum *Ammianus lib. XXVI. p. 326, & Nazarius in panegyrico, cap. 20,* cujus verba sunt: *Illyrici quondam despicientes Eropi Regis infantiam, Macedones bello lacessiverunt.* Berneggerus è Justinò suò mallet, *Europi Regis infantiam*; quod à virò doctissimò scriptum nolim. *Eropum* enim propugnant ii, quos citavimus; & addendus (quamvis de aliò verba faciat) *Diod. Sic. lib. XIV. c. 38.* Qui his *Aëropus*, Nazario *Eropus* est per simplex E: nam hic mos Romanorum fuit, quem ab ipsis Græcis sumfere; ut docet *Salmasius ad inscriptionem Herodis Attici.* Porro Aëropus juxta Eusebium regnavit annis 26. juxta Dexippum 23.

Aëropi filius, ALCETAS, ut *Herodotus* ait, regnavit annos 29, secundum Eusebium, 28. secundum Dexippum. Alcetæ filio, AMYNTÆ I, Eusebius tribuit annos 50. Dexippus 42. *Amyntas* filium relinquit ALEXANDRUM DIVITEM, ut ἀπὸ μιᾶς, hoc est, unanimiter tradunt Just. Herod. Dexip. apud quem de eodem legis: ἐτὶ καὶ τὴν ἑξέρξιν Ἀλέξανδρον Πέρσας ἔδωκε ὑδωρ καὶ γῆν. Hoc est: *Hic, quo tempore Xerxes in Græcos expeditionem suscepit.*
Persis

Persis dedit aquam & terram, id est, se suosq; , urbes, agros, aquam, terminos, delubra, utensilia suaq; omnia in Persarum ditionem dedit; de quô deditio- nis ritu apud Persas solenni plura *Brissonus lib. III. de Regno Persarum p. 330. & seqq. Freinshemius ad Curt. lib. III. c. 10. §. 8.* At Justinus adeò Xerxi conciliatum scribit, ut ab eò totius regionis inter Olympum Her- mumq; montes imperio donatus sit. Plura de eò col- legit *Reineccius* in tractatu suprà citato. Filios habuit Perdiccam & Amyntam.

PERDICCAS regnum tenuit, *Amyntas* priva- tus vixit. Perdiccâ genitus Archelaus, qui *Euri- pidem* Poëtam magnâ gratiâ profecutus est; & ab hóc Orestes. At Amyntas alter, Alexandri Divitis fi- lius, genuit Aridæum, Aridæus Amyntam II. Regem post Orestem; Amyntas II. Perdiccam II. & Philippum II. Philippus II. Alexandri M. pater est.

Hæc ita *Dexippus* apud *Scaligerum dictâ p. 47.* qui Atheniensis Dux strenuus, Rhetor & Historicus, Gothos vicit; cùm vastarent Achajam, & Athenas pe- terent. *Herennius Dexippus* Suidæ, de quô plura *Cas- saubonus ad Lampridii Alexandrum Severum p. 172.* *Scaliger in notis ad Græca Eusebii p. 259.*

At hîc multum discrepant alii pleriq; veterum, è quibus Regum Macedonicarum stirpem conscri- psit *Reineccius*: Secundùm enim istos *Alexander Dives* filios habuit *Perdiccam II, Alcetam & Philip- pum Tharraleum.* Ex Perdicca II. *Archelaus I*, cu- jus filius *Archelaus II, & Orestes*: Alceta, qui alter Alexandri

Alexandri Divitis filius, genitus *Alexander*: Philippo Tharraleo (qui tertius Alexandri Divitis filius) natus *Amyntas II*, cui tres filii, *Alexander II. Perdiccas III. Philippus II*. Hunc Alexander M. patrem habuit. Est igitur hæc differentia secundum Dexippum: Alexander M. Philippi II. filius est, Amyntæ II. nepos, Aridei pronepos, Amyntæ privati abnepos, Alexandri Divitis adnepos. Sed juxta Scriptores reliquos Philippi II. filius est, Amyntæ II. nepos. Philippi Tharralei pronepos, Alexandri Divitis abnepos. Jam productis serie continuâ Alexandri Magni majoribus, ab annis mille quingentis, & quod excurrit, hoc est, ab *Inachô* ad Alexandri initium, quâ gente, qui mihi antiquiorem aliam domum, nusquam interruptam, è probatis auctoribus exhibuerit; cum ego Apollineâ coronâ dignissimum judicabo.

Fas esset Alexandri verè Magni, quàm diu à re-
ctō virtutis tramite non deflexit, res gestas expone-
re; sed habemus præter complures Scriptores, *Am-
mianum, Curtium, & Freinsheimii Curtianum Supple-
mentum*; qui hoc & illos legerit, & à nobis exegerit
plura, is *Hispanicô ingenio* (quod omnium avarissimum
est) natus mihi videtur.

Fortassis non ingratum erit Philologiæ studio-
sis excipere, quæ vir eruditionis profundæ, & lectio-
nis inexhaustæ, *Thomas Reinesius* ad *Freinsheimii Cur-
tium* observata, scripto mecum communicaverat.
Me, quod attinet, promptissimus sum, è privatis parie-
tibus, ubi ne quæstum quidem carcerarium faciunt,
in lucem producere. Sic autem ille in literis 12. Apri-
lis, anno 1643.

Freinshemius, amicus tuus, nonnulla moneri posset *cap. I. proleg.* ubi de ætate Curtii non omitti debebat *Isaaci Pontani* sententia, qui eum sub Trajanò scripsisse probat. Ejus hæc de re epistolæ duæ sunt in *editione Jonstonii, Amstel. A. C. 1633.* Sed quibus respondit *Vossius lib. I. de Hist. Lat. c. 9.* qui ad Vespasianum refert, uti *Rutgersius & Dan. Heinsius.*

Cap. III. editiones varias commemorat, sed præter eas notavi, esse etiam Lugdunensem *Jacobi Roussini A. C. 1604.* in 16, cum duorum, qui desiderabantur, librorum supplemento, & præfatione S. G. ad *Job. Paludium* scriptâ. *A. C. 1597.*

Cap. IV. de Scriptoribus rerum Alexandri adjicerem ista: De *Agatharchide*, quod fuerit Heraclidæ Lembi Ducis anagnostes, uti *Photius* habet. At *Ptolomæi Philometoris*, & proximorum tempora securè licet corrigere. Qui verò etiam *Straboni* fuit cognitus, *lib. IV.* de eò, quod ante Trojanum vixerit, æqualis narratio est? *αἱ καὶ Αἰγυπτίων ἀποστάσεις*, quas vocat extractum excerptorum apud *Photium [p. 250.]* insinuant tempore *Ptolomæi VII. VIII. & IX.* qui variâ fortunâ usi, subditis suis cruenti, eosdem subinde experti sunt rebellantes. Vide *Justinum.* *Andracydem* sapientiâ clarum huc etiam referri debere, cujus *epistolæ* ad Alexandri fragmentum *de vino* est apud *Plinium lib. XIV. cap. 5.* Et remedium contra ebrietatem, è *raphanò* desumptum, ab eod. *lib. XVII. c. 14.* *Clemens lib. V. Strom.* nominat *Pythagoreum*, & *lib. VII.* ex eò refert, vini usum, & carniū ingurgitationes corpus quidem robustum, animum verò languidiorem reddere.

dere. *Epistola Alexandri & Aristotelis ἀποισβῆσαι* sunt apud Gellium, *lib. XX. cap. 5.* ex Andronici Rhodii, Philosophi Peripatetici, libro quōdam desumptæ. Habet easdem *Themistius comment. in lib. I. Φύσ. ἀνθ.* & edidit cum aliorum Pyrrhus Caldoræus: Quas pro notis habere nolin. De reliquis ejus ad diversos, quæ extant, in volumine *epistolarum Procerum mundi Latino*, edito *Argentinae A. C. 1593*, non sentiam idem: præsertim quam Illyricis, Lacedæmoniis, Dario, Porro (ita enim legitur pro Pyrrhō) & Didymo, Brachmannorum Regi, misisse dicitur. Iste *Andronicus* est, qui exempla librorum Aristotelis, quæ ex *Apelliconis Teji* bibliothecâ, *Athenis Romam* transtulerat *Sylla*, à Tyrannione Grammatico accepit, ætate *Pompeji Magni*; & edidit Plutarchus in *Syllâ*: Præceptor *Amasiæ Strabonis lib. XII. Callisthenes* patriâ fuit *Olympius. Ælianus lib. XVI. de Animal. c. 30.*

Christophorus Roffinus in *Senatu Burdegali. Præses Comm. omnium à condito orbe hist. ad Albertum de Gonibus*, edit. *Lutet. A. C. 1371.* titulo de *Macedoniæ origine res Alexandri Magni* accuratè persequitur. Clemens, Apuleji familiaris, omnem *Alexandri historiam carmine* illustravit, *Apul. lib. I. Florid.* Heraclides rerum *Alexandri Magni* scriptor à Plutarcho laudatus, quasi non sit ille celebris *Aristotelis* discipulus ὁ Πονηκὸς λεχνηλάτης, *Athen. lib. XIV?* Iste sanè καὶ ἡμεῖς πὲρ καὶ ἀείρεται reliquit, interq; ista historica, teste *Laërtio*. Id verò verissimum, non esse eundem cum Scriptore περὶ Ἀξιοδοχῶν *Alexandrino*; est enim hic de Philosophorum in scholis suc-

cessionibus, ὁ δὲ Ἀλεξάνδρων, qui de Alexandro dicuntur, æqualis *Polybio*, cognomento *Lembus*. *Georgius Monachus* etsi *Josephi* & *Eusebii* exscriptor in *Chronico* manuscripto Græco, quod possideo; junctum alteri itidem manuscripto Græco *Georgii Syncelli*. Historiam Latinam fabulosam de Alexandro, adscriptam *Julio Valerio*, *Barthius* dicit esse hominis, cui nulla sermonis Romani notitia fuit; & vocat tamen *Monachum* non *ineruditum*, quæ non concilio. Est inter meos *historia Alexandri magni*, Regis *Macedoniæ*, de præliis excusa *Argentiniæ*, A. C. 1489. in formâ majore, quam nî viderit *Freinshemius*, mirer! Incipit: *Sapientissimi Egyptii scientes mensuram terræ &c.* finis: *De sepulturâ Alexandri, quid diversi super eâ dixerint.* Auctor rhythmici Germanici de *S. Annone* è *Comitibus de Dassel Archiepiscopo*, qui obiit A. C. 1064, eadem, quæ nugator iste de *Alexandro*; *dolio vitreo* inclusum ad *profunda maris*, noscendis *marinis belluis*, se demittente recitat. *Opitius* etiam, editor versificis istius, unius ex *aulicis* & *familiaribus S. Annonis Germanici*, in *notis ad cap. 14.* excerptum de vitâ *Alexandri Magni* manuscriptum, in codice chartaceo se habere ait, sed quod in *narratione* (quomodo *Alexander* pervenerit ad *arbores Solis & Lunæ*) ab editâ meâ discrepat; fortassisq; in aliis; & si, quomodò *Alexander* se per *gryphones* in aëre levare fecerit, penè iisdem verbis repræsentet. Ejusdem generis, ex eodem fonte hausta, in suorum *Chronicorum partem XI.* aliquam multa transtulit; repertis, ut video, nimis fabulosis & incredibilibus. Unde cognoscas.

gnoscas, quamvis futile scriptum, habitum in pretio, in manibus omnium versatum; variè interpolatum, & in diversa exemplaria propagatū fuisse: Cū spretis frugibus mallent vesci glandibus; etsi vetustissimorum etiam Scriptorum, *Aristeæ Proconnesi*, *Isigoni Nicaensis*, *Ctesiae*, *Onesicriti*, *Polystephani*, *Hegesiae* & similium (quorum commentarii rerum incredibilium, miraculorum & fabularum pleni, suspecti semper visi sunt eruditis) exemplo fecisse videri possint.

Josephus Judæus vel maximè ob historias expugnatae ab Alexandro *Tyri*, & adversus ejus *Hierosolytam*, quam describit *lib. XI. Ἀρχαιολ. cap. ult. lib. II. Ἀλώσ. cap. 21.* & scripta Rabbinica olim à *Druσιὸ* *lib. I. de Hasidæis, p. 14. Cuneo lib. II. de Republicâ Hebræorum, cap. 16. Serrario comment. in Josuam, Seldeno lib. VI. de Jure Naturæ & Gentium. De Success. Ebr. cap. 17. & lib. VIII. c. 21. Schickardus in proœmiō Tarrich Regum Persarum* laudata: Ob narrationes institutarum coram tribunali *Alexandri Magni* Judicis ab Africanis, ab Ægyptiis, ab Ismaëlitis actionum forensium contra Hebræos; & extracti permissu *Alexandri Magni* à *Sanballete Chutæo*, seu Samaritano, templi in monte *Garirim*.

Onesicritus fuit *Astypalaus*; *Ælian. lib. XVI. de Animal. c. 39. Diogenis Cynici* discipulus *ἄρχων κυβερνητῶν*, *Plutarch. lib. I. de fortunâ Alexandri Magni. Nestor auctor Alexandriados*, Poëta Epicus, patria *Larandensis* ex *Lyciâ* fuit, sub Imperatore Severo; filium habuit *Pisandrum*: De utroq; adi *Suidam*.

Nicanorem eundem faciam cum *Seleuco* nominatissimò inter Alexandri Duces. *Parmenionis* epistola ad Alexandrum, quâ expugnationem *Damasci*, suo ductu factam, commemorat; & capta impedimenta Darii, regias pellices & diversos aulicos, est apud *Athen. lib. XIII.* Si *Pindarum* Poëtam, ob encomium aliquot versuum, inter Scriptores rerum Alexandri Magni referre licuit *Raderio*; εἰ Θεοὶ ὅας ὄχλῳ, quàm excresceret eorum numerus! Extant in eundem in *Anthologia* *Parmenionis*, *Posidippi*, *Achelai*. Multò rectius hîc referuntur, quos ex Indic. librorum *Plin. lib. XII. c. 13.* qui maximam partem ex illis, qui victorias Alexandri M. in Indiis secuti sunt, & miranda stirpium, arborum, animalium ibidem ἰσθῆσαι, compilati sunt; nominare poteram. Immò *Plinio* nonne locus deberetur præ *Solino* in hoc cœtu? *Polycletum* (quem *Vossius* pro incertæ ætatis Scriptore habet) ipsi Alexandro comitem in expeditione Indicâ fuisse, inde colligo, quòd *Elia. lib. XVI. de Animal. cap. 41.* de lacertis in Indiâ eum testem adducat; nam & sic *Onesicritus*, sic *Protagoras*, sic *Nearchus*, quæ per bella & peregrinationes istas viderant, annotârunt. *Soterichus* fuit Oasites ex Ægypto. Ita *Stephanus*; & inde *Lil. Greg. Gyrardus dial. de Poëtis 4.* *Suidas* ait scripsisse βασιλικὰ, βίον ἀπὸ λωνίης τυανέως, τὰ πρὸς Πάνθειαν βαβυλωνικὴν, Πύθωνα ἢ Ἀλεξανδριακὸν. Ἔστι δὲ καὶ Ἀλεξάνδρου μακεδόνος ἰστορία, ὅπε θεύας παρέλαβε, καὶ ἄλλα. Hoc est, præter *Alexandriacum* etiam alia scripsit.

Malè

Malè Suidæ interpres, & hunc secutus *Vossius*, *Freinsheimiusq;* tuus: *Historia hæc fuit de Thebis atq; aliis ab Alexandro captis.* Ταῖς δὲ Πάνθειαν quæ fuerint, intelliges è *Xenoph. lib. VI. & VII.* ubi de *Panthea*, uxoris *Abradata*, Persæ, erga maritum insigni fide. Meminit & *Plutarchus libro de vitâ XI. Epicur. & Campofulus lib. IV. Exempl. c. 6.*

De Emir-chowando, Arabe seu Persâ, vide *Schickardum dicto loco, p. 50.* Turcam, qui vernaculis rhythmis Alexandri historiam comprehendit, *Idem d. l. p. 71.* appellat è *Leunclavio Achmedem Maulan.*

Et hæc de Scriptoribus hætenus. Sed nec hoc erat negligendum. Idem *Freinsheimius* notis ad *Curt. lib. I. cap. 2. §. 36.* Polyænum, in nomine novarchi cujusdam Persicæ classis, in bello Cyprio, corrigit, præeunte *Casaubono*; & pro Γλῶς, legit è *Diodoro Γαῶς.* Atqui nosse poterat, quod *Casaubonus* de hac præcipitantiâ se ipse castigaverit, notis ad *Aenea Polliorcet. c. 32.* & de Polyæni membranis, quæ constanter retinent τὸ Γλῶς *Diodori* codices emendandos esse constituerit. Tantum ad me *Reinesius*; quod *Freinsheimii Curtio* adscribere poterit, qui habet.

Nunc quædam ad *Besoldum*, qui singularem Dei providentiam Alexandrum duxisse refert, atque inde summo Pontifici Judæorum supplicem factum. Pontifex is fuit *Jaddua*, sive *Jaddus*, de quo *Seldenus lib. de Success. in Pontific. Hebræor. cap. 6. p. 256.* Historiam totam elegantibus verbis reddiderunt *Lipsius lib. I. Monit. & Exempl. polit. cap. 2. monit. 1.*

ex. 2. & Freinshemius in Supplemento Curtii lib. II. c. 11. §. 22. & seqq.

Notavi ad *Valerii Maximi lib. I. cap. 1. dissert. 1. & 2. primis quatuor monarchiarum conditoribus*, non defuisse resplendentiam veritatis; prorsus ut Deus optimus maximus cæteris gentibus præesse, voluerit eum, qui cultus sui non prorsus esset oblitus. At de *Cyro præterii locum Theodoret, Serm. 1. de Fide: Cyrus, inquit, à Daniele, quo familiariter utebatur, Theologia mysteria est edoctus.* Sed & *Cyrillus memorat, Cyrum Esaia vaticinium legisse, & ejus lectione adeò captum fuisse; ut divinæ gloriæ præconium in urbibus & in regionibus suis, promulgârit; confessusq; palàm fuerit, illum solum esse Deum, universorumq; Dominum; qui à Judæis coleretur.*

Alterum quoque *Besoldus scribit, hoc est, Alexandrum bonas artes & amasse, & regiâ liberalitate fovisse.* De hac Alexandri laude, quæ dicenda sunt, *conjecit Freinshemius in Supplementum Curt. lib. I. c. 3. & 4. Tertium est de insolentiâ ejusdem, quam & gravissimis verbis notat Curt. lib. IV. c. 7. §. 15. & lib. X. c. 5. §. 33. Val. Max. lib. IX. c. 5. ex. 1. ext. & alii, Vide Freinshemium ad Curtium.* Quartum de morte ejusdem, exponit hanc ipsam *Justin. lib. XII. c. 13. Curt. lib. X. c. 4. & qui ad auctores istos citantur à doctissimis viris.* Quintum est de Philosophis: Hic *Diodorum Siculum legas lib. XVII. c. 112.*

CAPUT IX.

UT eleganter inquit *Erycius Puteanus* commentariô in *lib. I. historiæ Insubricæ*: *Usitatum hoc est in magnorum virorum funere, quisq; rapit, quod potest; & cum hæres non est, terrarum latrocinium permissum videtur. Alexander, cujus aviditati orbis non sufficiebat, plures ferè corvos reliquit, quàm regnorum membra. Cæterum qui nam illi proceres fuerint, in quos prægrande imperium distributum est; & quæ provinciæ cuiq; obtigerint, longè accuratiùs, quàm Besoldus explicavit Freinshemius ad Curt. lib. X. cap. 10. §. 1. quem qui legerit, nihil à nobis notarum exiget ad hoc caput.*

CAPUT X.

Regum Syriæ successio, qui è Macedonibus ad ultimum usque. Sententiæ de morte duorum Antiochorum, Magni & Epiphanis expenduntur. Seleucidarum precarium regnum sub Romanis.

ANTIGONUS, Philippi filius, cum Alexander M. decessisset, primùm *Pamphyliam, Lydiam & Phrygiam*; vel (ut alii volunt) *Ciliciam ad Taurum* obtinuerat: Sed ita postea crevit, ut ferè toti *Asiæ* imperaret. Vide fragmenta Græcorum veterum apud *Scaligerum in Euseb. p. 374.* Et hunc ipsum *Scaliger primum è Macedonibus in Oriente Regem constituit, lib. II. Can. Isag. p. 433.*

At mox **SELEUCUS** Antiochi (qui Philippi

M v

Mace-

Macedoniæ Regis Dux fuerat) rerum potitus, imperium suum auxit mirum in modum. Hic est, quem à *victoriarum* 23. numero *Appianus in Syriacis*, *Stephanus Bizantius* & *Eunapius*, Seleucum *Nicatorum* appellant, quibus accedunt nummi; ut fortassis rectius isti scripserint, quam qui *Nicanorem* dixerunt, quod ipsum judicavit *Valesius ad Ammiani lib. XIV. p. 41.* Sed & fanum Seleuco consecratum, dictum fuit *ἱερὸν τοῦ Σελεύκου*, ut scribit *Appianus in Syriacis*. Hic ipse est, qui *anchoram* genitivam notam in femore habuit; ut & omnes, qui ab illo descenderunt. *Iust. & App. dict. locis. Ausonius de Antiochia.* Παῖς & *συγγενὸν* appellare posses è *Strabonis lib. XV. p. 69.* vide *Piccart. Decal. 1. c. 7. Casaub. ad Strab. dicto loco Pighium in Herc. Prodic. p. 62. Occiditur A.M. 3669. Iust. lib. XVII. c. 2. §. 2.*

Succedit ANTIOCHUS SOTER, filius; cujus in matrimonio fuit *Stratonice*, Demetrii filia, Antigoni neptis. *Diod. Sic. in Exc. Peiresc. pag. 263. Excerpta Græca apud Scaligerum d. pag. 374. De hoc loquitur Iustinus lib. XVII. cap. 2. §. 10. Moritur A.M. 3689.*

Hunc excepit ANTIOCHUS THEOS, sive Deus, filius Soteris è *Stratonice* (*Excerpta Græca Scaligeri*) Seleuci *Nicatoris* nepos, *Iosephus lib. XII. Antiq. c. 3. Nicolaus Damascenus in Exc. Peir. p. 503.* Sic cognominatus à *Milesiis*, cum *Timarchum* tyrannum eorum sustulisset. *Appianus in Syriacis.* Ubi eundem interfectum scribit ab uxore *Laodice*, quòd doleret sibi adjunctam *Beronicem*. Factum id A.M. 3704.
Sed

Sed *Laodice*, dissimulandi sceleris gratiâ, ARTEMONEM, Antiocho Regi quàm simillimum, substituit, qui admissum universum populum & sermone & vultu fefellit; credideruntq; homines ab Antiocho moriente *Laodicen*, & natos ejus sibi cōmendari, *Val. Max. lib. IX. c. 14. ex. 1. ext. Plin. lib. VII. c. 12.*

Successit SELEUCUS CALLINICUS, Antiochi Dei filius; atque adeò (si *Excerpta Græca Scalligeri, Josephum & Nicolaum Damascenum* sequimur) Seleuci Nicatoris pronepos. At *Berneggerus ad Justinum lib. XXVII. c. 1. §. 1.* nepotem dicit ex *Appiano*; qui Antiochum Deum Seleuci Nicatoris filium facit. Hic matrem suam occidit, ut est apud *Justinum d. l. 27. cap. 1.* Cum *Ptolomæo Evergete* bellum gerit, sed infelix, *ibid. cap. 2.* Igitur Antiochum Hieracem fratrem in auxilium evocat, sed magnò suò cum malò; *ibid. & c. 3.* Tandem equo præcipitatus moritur A. M. 3725. *ibid. §. 12.* cùm eodem tempore Antiochus Hierax à latronibus in fugâ interfectus esset, *ibid. §. 11.*

Hinc regnum adeptus est SELEUCUS CERANUS, ut est apud *Eusebium num. 1790.* Hunc Seleuci filium, Seleuci Callinici nepotem scribit *Polyb. lib. II. hist. c. 71.* qui cum sublatus esset, A. M. 3728. successorem habuit ANTIOCHUM MAGNUM fratrem. Hujus proavum Seleucum Nictorem ait *Livius lib. XXXIV. c. 57. ibi: Thraciæ & Chersonesi urbibus arceri Antiochum, quæ Seleucus proavus ejus Lysimacho Rege bello victo, & in acie cæso, per summum decus parta reliquerit.* At ex hæcenus dictis apparet,
Seleuc

Seleuci filium, Seleuci *Callinici* nepotem, Antiochi *Dei* pronepotem, Antiochi *Soteris* abnepotem, Seleuci *Nicatoris* adnepotem esse: ac sanè fieri potuit, ut κατὰ τὴν αἰσῶν loqueretur Livius. Sic *Cic. lib. III. Fam. ep. 11.* Appium Claudium Cœcum *proavum* dicit Appii Claudii Pulchri, ad quem *ibid.* scribit, sed is Cœci *trinepos* fuit; ut rectè observavit *Manutius*. Eodem modo *Curt. lib. VI. c. 11. §. 26.* *proavum* dicit, qui abavus erat; vide ibi *Freinsb.* Nihilominus & *Appianus* Antiochum Magnum Seleuci *Nicatoris* *pronepotem* facere videtur; sed ejus hominis auctoritas apud nos non tanta est, quanta *Polybii*.

Cæterùm hic est, qui *Romanum bellum* suscepit, A. M. 3758. *Hannibale* (qui exul toto orbe Romanis hostem quærebat) præcipuas belli faces animo regio subjiciente; sed hoc cā fortunâ gestum est, ut *Antiocho* maximis præliis victo, & luculentâ ditionum parte exuto, militari joco insultatum sit: *Antiochum* verè magnum fuisse! Vide *Florum lib. II. c. 8.* & quos ibi citant interpretes.

De ejus morte *Just. lib. XXXII. c. 2. §. 1.* Post hæc *Antiochus* (cū gravi tributo pacis, à Romanis victus, oneratusq, esset) seu inopiâ pecuniæ compulsus, seu avaritiâ sollicitatus, qua sperabat, se sub specie tributariæ necessitatis excusaturus sacrilegia commissurum adhibito exercitu, nocte templum *Didymæi Jovis* aggreditur: Quâ re proditâ, concursu incolarum, cum omni militiâ interficitur. In quo loco præter id mendum, quod in primis correximus, animadvertet aliud; qui historicorum loca de hâc ipsa re diligenter contulerit. Quis enim

enim hîc sit *Didymæus Jupiter*? legerim omninò: *No-
tè templum Elymæi Jovis aggreditur. Nisi Justinus*
(quod alibi quoque deprehendimus) in vitiosum *Tro-
gi codicem* incidit; qui pro *Elymæo Didymæum* ha-
buit. Ut vel *Trogum*, vel *Justinum* mendosum esse su-
spicemur, facit *Strabo lib. XVI. p. 744: Antiochum*
*quidem magni Beli templum in Elymaide spoliare co-
natum finitimi barbari interfecerunt. Diodorus Si-
culus in Excerpt. Peiresc. p. 299: Antiochus Rex pe-
cuniæ inopiâ laborans, Beli templum in Elymaide auro
& argento, ac preciosissimis refertum esse donariis, cum
didicisset; spoliare illud constituit. Igitur in Elymaidem
ingressus, causatusq; ab incolis bellum sibi illatum esse,
fanum expilavit; coactâq; grandi pecuniâ brevi meri-
tas pœnas dedit. Fragmentum hoc positum est inter
id, quod ad annum V. C. 566. & inter aliud, quod ad
annum V. C. 570. pertinet. Ergo de *Antiocho M.*
capiendum, qui, secundum *Calvisium*, obiit A. V. 567.
A. M. 3764. At quod *Diodorus* refert, paulò pòst
spoliatum templum interfectum à barbaris, in eo dis-
sentire videtur à *Justino* & *Strabone*, qui *Antiochum*
ausum scribunt scelus, sed non perfecisse; velut in ipsò
conatu à barbaris oppressum. Et hic unicus fortassis
dissensus est: Alium agnosco nullum. Nam quæ *Ber-
neggerus* post allatas ad *Justin. lib. XXXII. cap. 2. §. 1.*
Strabonis, Hieronymi, Josephi, lib. I. Maccab. cap. 6.
narrationes statuit, hinc authorum diversitatem à non
distinctis *Antiochorum* cognomentis ortam videri,
Cimmeriis tenebris obscurius est: Veteres enim di-
stinctè agunt, & quid velint, satis ob oculos ponunt;
nimirum*

nimirum & Antiochum M. *patrem* & Antiochum Epiphanem, *filium*, *sacrilegos fuisse*; ac patrem quidem aggressum templum *Beli*, sive *Elymæi Jovis* (nam *Belus* & *Jupiter* idem) & à barbaris cum exercitu cæsum; sed filium aggressum templum *Dianæ Elymææ*, clade acceptâ recessisse; ac paulò post dolore fuisse confectum.

Illud jam satis demonstratum; nunc alterum quoque faciemus, ut clarum sit: *Polybius in Exc. Peir. pag. 145: Antiochus Rex, avidus parandæ pecuniæ, ad templum Dianæ, in Elymaidem exercitum movit; quò cum pervenisset, spe suâ frustratus, eò quod barbari ac- colæ tantum scelus fieri prohiberent, regressus Tabis, quæ Persidis civitas est, è vivis discessit; insaniâ, ut quidam ajunt, correptus, ob quedam signa atque ostenta, quæ ob violatam religionem templi, ab infenso numine edita erant.* Hoc enim fragmentum ad *Antiochum Epiphanem* referendum esse, docet fragmentum antecedens, de *C. Sulpicio Gallo*, quod pertinet ad A. V. sive 589. sive 590. quo ipso tempore defunctum *Antiochum Epiphanem* manifestum est. Sic *Polybio* cum historia sacra (si unum illud excipias, quod non penetravit *Polybius*, nimirum, à Deo Opt. Max. *Antiochum* hunc potissimum afflictum fuisse, propter sacrilegium in templo Hierosolymitano admissum) pulcerrimè convenit, quæ de *Antiocho Epiphane* refert; cum audivisset, *Elymaidos* opulentissimum templum esse, in quo scuta & thoraces asservabantur, ab *Alexandro M.* ibidem relictî; urbem admotis copiis expugnare conatum, sed, fortiter resistentibus incolis,

incolis, recedere coactum esse: Ac, cum paulò post accepisset nuntium de alterâ clade à suis acceptâ in Judæâ, dolore confectum esse. Vide *lib. I. Maccab. c. 6.* fanum non nominat, cujus Deæ fuerit: Sed *Josephus lib. XII. c. 13.* Dianæ fuisse scribit, sicut *Polybius.* De hac ipsâ Antiochi Epiphanis clade *Hieronymus in Dan. c. 11:* Volens templum Dianæ spoliare, quod infinita donaria habebat, fugatus à barbaris est, qui mirâ veneratione templum illud suspiciebant; & mortuus est, mœrore consumtus, in Tabes, oppido Persidis. Nisi ergò cæci sumus, τὸν τε ὕψος καὶ ἡ ὀμνία, quàm nullo modo sibi resistent veteres, quàm nec Antiochos inter se confuderint; ac quâ ratione vel jungendæ vel separandæ sint illorum reliquiæ, haud difficulter animadvertimus: Coniunctos enim *Iustinum lib. XXXII. c. 2. §. 1.* & *Strab. lib. XVI. p. 744.* & *Diodor. Sic. in Exc. Peir. p. 299.* velut loquentes de Antiocho M. separamus à *Polybio Exc. Peir. p. 145. lib. I. Maccab. c. 6. Joseph. lib. XII. c. 13.* & *Hieronymo in Daniel.* ut qui de Antiocho Epiphane interpretandi sunt. Recentiorum verò erat distinctiùs hîc agere; parum enim consideratè *Bongarsius*, qui *Hieronymum* iunxit cum *Strabonis* & *Iustini* loco; nec felicior *Berneggerus*, qui cum alia adjecisset minimè cohærentia, veteres à se invicem dissentire putabat, ob non distincta Antiochorum cognomina. Distinguendi sunt Antiochi; sed si distinguas (quod interpretem bonum decet) tamen nullus dissensus, nulla diversitas auctorum apparebit usquam: Diversitatem hîc capio unius rei & facti diversam narrationem. At hîc non de unâ re, neque de unâ

unâ personâ auctoribus sermo est ; sed alios videbis loqui de Antiocho M., alios de Antiocho Epiphane ; nec vel illos vel hosce opinione suâ falsos esse. Verùm de hâc re plus satis.

Antiocho M. successit **SELEUCUS PHILOPATOR** primogenitus, *Excerpt. Græc. Scalig. p. 375. Euseb. Græc. p. 55. Latin. n. 3829. At Joseph. lib. XII. c. 4. sub finem Seleucum Soterem cognominat. Meminit ejusdem Livius lib. XXXIII. c. 40. sub finem, & c. 41. ubi refert, profectum à patre terrestribus copiis. Idem in eo bello, quod pater cum Romanis gessit, interceptit Africani filium, cum è Græciâ navigaret. Dio Coccejus in Excerpt. Peir. p. 609. Rex factus, contractis haud contemnendis copiis, ad opem Pharnaciferendam profectus, Taurum montem superare jam parabat ; sed cum apud se reputasset leges fœderis, quod populus Rom. cum patre percusserrat, abstinit ; ut scribit Diod. Sic. in Exc. Peir. p. 303. Besoldus cum de eo nihil legisset, nihil etiam principe dignum perfecisse, scribit. Obiit A. M. 3774.*

Ei succedit frater **ANTIOCHUS EPIPHANES**, omnibus piis detestandum nomen ; ut qui eorum sanguini innatavit, & totam Syriam carnificinæ suæ profluvio propè inundavit. Magno quidem elogio afficitur à Polybio in Exc. Peir. p. 132. fuisse Regem strenuum in primis, & maximas res animo agitasse ; prorsusq; (si excipiantur ea, quæ ad Pelusium gessit) nomine regio dignissimum. Quæ eadem in historiam suam transtulit Diod. Sic. in dict. Exc. p. 312. Sed quæcunque tandem decora ab istis observata sunt, ea
omnia

omnia crudelitatis immanitate contra Judæos exercitæ, obruit ac sepeliit. Hic idem est, quem C. Popilius Ægypto excedere jussit, de quâ re *Liv. lib. XLV. cap. 12. Val. Max. lib. VI. c. 4. Just. lib. XXXIV. c. 3. Vellej. Paterc. lib. I. c. 10. Plin. lib. XXXIV. c. 6.* qui tamen duas historias Cn. Octavii & C. Popilii per errorem miscet; nam quod scribit, *virgula circumscriptum Antiochum à legato*, id ad C. Popilium referri debet: Ac alterum *de cæde legati* pertinet ad Cn. Octavium, quod è Cicero-
nis Philippica IX. manifestum est. Moritur ex animi mœrore, cum *repulsus* esset ab *Elymææ Dianæ templo*, quod spoliare conabatur; suorumq; unâ cladem in Judæa accepisset, sicut jam docui.

Ab hoc *Antiocho Epiphane*, & ejus fratre *Seleuco Philopatore*; descendunt *duæ familie Regum*: *Antiochi stirps clementior habebatur*, *Seleuci ob superbiam ac sævitiam malè audiebat*; ut observat *Valesius ad Excerpta Diod. Sic. p. 54.*

Antiocho Epiphani succedit filius ANTIOCHUS EUPATOR A. M. 3786. & non nisi duobus annis regnat, Excerpta Græca Scalig. p. 375. At Euseb. Græc. p. 55. non nisi annum unum, menses 6. tribuit; at Latin. n. 1852. annos duos, quod idem facit Joseph. lib. XII. c. 16. Meminit lib. I. Macc. cap. 6. ejusq; cædis (interfectus est enim à militibus Demetrii cap. seq.) ita Rex factus A. M. 3787. DEMETRIUS ὁ Σελεύκῃς ὁ καὶ Σωτῆρ, ut ait Euseb. Gr. p. 55. Id est: Seleuci filius, cognomento Soter. Consentunt Joseph. lib. XII. c. 16. lib. I. Macc. c. 7. Appianus in Syriac. Epitomator Livii lib. XLVI. Diod. Sic. in Exc:

Peir. p. 323. ubi refert, quomodo adhuc obses Romæ, *Ptolomæum Philometorem* regno pulsum, exceperit.

Quamobrem *deteriorem* sententiam (quæ est *Iust. lib. XXXIV. c. 3. §. 8.*) *Besoldus* sequitur, qui *Demetrium* facit *Antiochi Eupatoris patruium*; cum fuerit *patrueus*: Nam *Demetrius* (ut dixi) *Seleuci Philopatoris filius*, *Antiochi Magni nepos*; *Antiochus Eupator*, *Antiochi Epiphanis filius*, *Antiochi M. nepos*. Hunc *Demetrium* in omnium odio fuisse, scribit *Iustinus lib. XXXV. c. 1.* Contra *Judam Maccabæum* misisse *Bacchidem & Nicanorem*, *Ioseph. lib. XII. c. 16. 17.* Altero profligato, altero interneccione deleta, nihilominus novas copias, eodem *Bacchide* duce, *Judææ* immisisse; à quibus circumventus *Judas Maccabæus* occisus sit, *d. l. c. 18. & 19.* Sed eundem *Bacchidem*, paulò post bello fessum, cum *Ionatha* fœdus percussisse, *lib. XIII. c. 2.* Tandem & ipsum *Demetrium* conciliare sibi studuisse *Ionatham*, cum premeretur *Alexandri bello*; sed frustra, longè majora offerente *Alexandro d. l. c. 4. & 5.* Paulò post hæc *Demetrius* ingenti pugna vincitur ab *Alexandro*, quæ clades incidit in A. M. 3798.

Hoc initium est *ALEXANDRI*, quem idem *Ioseph. lib. XIII. c. 3. & Euseb. n. 1867.* *Antiochi Epiphanis* filium faciunt; sed incertæ stirpis, & fortis extremæ hominem volunt *Appianus in Syr. Epitom. Liv. lib. LII. Iust. lib. XXXV. c. 1. §. 6.* Ejus locum adducam, ut simul sententiam meam subjiciam accuratio-
rum judicio: Itaq; adjuvantibus & *Ptolomeo*, Rege
Ægypti.

Aegypti, & Attalo, Rege Asia, & Ariarathe, Cappadocia; bello à Demetrio lacesſitu ſubornant propalam quendam, ſortis extremae juvenem; qui Syria regnum, velut paternum, armis repeteret. Propalam habere
 4. manuſcriptoſ teſtatur *Giſanius commentar. in 1 politic. Ariſtotelis c. 6.* Et multa de vocabulo *propalam & propola* ad *Juſtinum* notat *Bernegg.* Volunt enim *Alexandrum* iſtum *propalam* vel *propolam* fuiſſe. Quid verò *Juſtinus* addit, *ſortis extremae juvenem*? ſcimus hoc ex eo, quod *propola* fuit; eſt enim *propola* tenuis non magnarum mercium negociator, quas ipſe ſecum circumfert; & fora diverſa ſequitur, tenuis lucri captandi gratiâ. Vocabulum legas apud *Lamprid. in Commodop. 46.* Et in *Gloſſis*, quas ibid. citat *Salmaſ. p. 215.* Secundò *propalam*, quod in tot manuſcriptis eſt, verbum nihili eſſe, pròſus aſſentior *Scaligero*, in *Virgilio Culic. p. 42.* Quamobrem *Juſtinus* non benè hic habet. Quod ſi res mei ſit arbitrii, *Juſtinum* ita conſtituerem; ut quod alii dicunt, diceret ipſe quoque; legerem: *Subornant Balam quendam.* Hic enim *Alexander Bala* dictus eſt, vide *Scal. ad Euseb. num. 3867. Euseb. Gr. p. 505.* indubiè corruptus eſt, qui habet: Ἀλέξανδρος ὁ τῆς Βαλαῦ υἱὸς Ἀντιόχου τῆς Ἐπιφανῆς, id eſt, *Alexander Bala, filius Antiochi Epiphanis.* Ὁ τῆς Βαλαῦ ſignificat *Bala filium eſſe.* At ſi *Bala* filius, quomodo υἱὸς τῆς Ἀντιόχου τῆς Ἐπιφανῆς? Vellem: Ἀλέξανδρος ὁ Βαλαῦς υἱὸς Ἀντιόχου τῆς Ἐπιφανῆς, id eſt, *Alexander Bala, filius Antiochi Epiphanis.*

Cæterùm hic *Alexander*, cum *Laodice* ſponſâ,

Epiphanis filiâ, Romam venit, ut senatus auctoritate in paternum regnum restitueretur; idq; tandem obtinuit, cum *Heracledes*, qui eum Romam adduxerat, plerosq; Senatores muneribus corrupisset, *Polybius in Excerpt. Legat. c. 140.* Magnis pollicitationibus, & delato Pontificatu, *Ionatham*, Judæ Maccab. fratrem, in partes suas traducit, *Ioseph. lib. XIII. c. 5.* Sed victo Demetrio, segnis & minimè par tanto fastigio, *Antiochia* præfecturam *Hieraci* & *Diodoto* tradidit. *Diod. Sic. in Exc. Peir. p. 347.* Duxit *Cleopatram*, *Ptolemæi Philometoris* filiam, *ibid. c. 7.* Sed cùm *Ptolemæus* insidiis generi petitus esset, *filiam* rursus *ademit*; eamq; *Demetrio*, *Demetrii Soteris* filio, *dedit*. Hæc Alexandro ruinæ causa. Victus in Arabiam fugit, ibiq; capite truncatus est A. M. 3804.

Succedit DEMETRIUS, de quo dixi, *Demetrii Soteris* filius, cognomento NICANOR; de hoc vide *Iust. lib. XXXV. c. 2. §. 1. & lib. XXXVI. c. 1.* Contra eum A. M. 3805. *Tryphonis* operâ Rex factus erat ANTIOCHUS, *Alexandri Balæ* filius, cognomento ΘΕΟΣ, sive DEUS. Sed capto Demetrio Nicanore à Parthis, *Tryphon* eum interfecit A. M. 3809. *Iust. lib. XXXVI. c. 10. §. 7. Ioseph. lib. XIII. cap. 9. 10. & 12. Excerpta Græca Scalig. n. 375. Epitom. Liv. lib. LV.* Alexandrum, *Alexandri Nothi* filium, dicunt *Appian. in Syriac. & Euseb. Gr. p. 57.*

Sic regnum invasit TRYPHON, alio nomine Diodotus, homo sævus in milites & alios; quod ipsum perniciem illi acceleravit. Interfectus est à *Pamœe* A. M. 3812. & regnum avitum recuperavit AN-
TIO.

TIOCHUS SEDETES, Demetrii Soteris filius, Demetrii Nicanoris frater, *Euseb. num. 1879. Excerpt. Græc. Scalig. p. 375. Meminit hujusdem Iust. lib. XXXVI. c. 1. §. 9. & lib. XXXVIII. c. 9. & 10. Bellum gessit cum Parthis, cujus minor apparatus ferè quàm luxuriæ fuit; ut ibid. fusè describit Iustinus. Meminit hujus Regis & Ioseph. lib. XIII. c. 12. 13. Simoni multa promiserat, sed quæ non servavit, I. Maccab. 15. Memorabile hujusdem factum est, quod è Iosephi lib. XIII. c. 16. refert Lips. lib. I. Monit. & Exempl. polit. c. 2. mon. 1. ex. 3. cùm Hierosolyma obsideret, & Hircanus ab hoste septem dierum inducias peteret, ad celebrandum festum scænopegias, sive tabernaculorum; non solùm id concessisse, sed victimas etiam de suo largitum, in urbem misisse. Occiditur à Parthis A. M. 3819, desertus à suis. Ioseph. lib. XIII. c. 16. Iust. lib. XXXVIII. c. 10. §. 10. Cujus epitomen pulcrè supplet Diod. Sic. in Exc. Peir. pag. 374: Athenæus, inquiens, Antiochi dux, cùm per singula hospitia gravi insolentiâ esset usus, brevi meritas poenas dedit. Nam cùm primus auctor fugæ fuisset, & Antiochum deseruisset in pugnam; delatus ad pagos quosdam, quos vexaverat, ab omnibus exclusus est; cunctisq; alimenta ei negantibus, huc illuc per regionem errabundus, tandem fame interiit.*

Hunc Antiochum Sedetem Besoldus pudendo errore confundit cum Antiocho Deo: Antiochus Sedetes, inquiens, Tryphonis cujusdam ope, imperio præest. Hoc nemo unquam scripsit de Antiocho Sedete, Demetrii Soteris filio; sed de Antiocho Deo, Alexandri Balæ filio, id affirmant Ioseph. lib. XIII. c. 9.

Exc. Gr. Scal. p. 375. Livii epitomator lib. LII. & LV. Euseb. Græc. p. 57.

Porro evenit, ut cum Antiochus Sedetes Parthis bellum inferret, ab iisdem remitteretur ad occupandum regnum **DEMETRIUS NICANOR**, Antiochi Sedetis frater; quem captivum huc usque detinuerant: Sperabant enim hujus operâ sese uti posse contra Antiochum. Sed eo casu, quamvis Parthi dimissum retrahere conarentur, frustra tamen fuerunt; & Demetrius quod amiserat, rursus obtinuit. *Just. & Ioseph. d. l. Fragm. Eusebii Gr. p. 227. De Josepho hoc unum addo, in ejus codicibus lib. XIII. c. 12. & 17. Antiochum Soterem dici, qui nobis Sedetes, quod ne temerè mutemus, scire licet è Thesaurò Goltzii c. 19. p. 243. Regem istum duobus cognominibus affectum, Sedetis & Soteris. Nummus sic habet: ANTIOXOT. ΣΕΔΗΤΟΥ. ΣΩΤΗΡΟΣ. Sed & in argumento bis dicitur ANTIOCHUS PIUS; quod firmanant Excerpt. Gr. Scal. p. 375. ibi: Ἀντίοχος ὁ Σεδητῆς, ὁ καὶ εὐσεβής. Antiochus Sedetes, qui & Pius. DEMETRIUS NICANOR, recuperato regno, quatuor annis præfuit; sed invisus omnibus, & ab Alexandro Zebennâ, Protarchi negotiatoris filio (quem Ptolemaeus Evergetes, sive Physcon copiis instruxit) prælio victus; tandem ab uxore Cleopatrâ, propter æmulationem posterioris nuptæ Rhodognes interfectus est; ut scribit Appianus, consentiente Livii epit. 60. At Justin. lib. XXXIX c. 1. §. 7. auctor est, victum ab Alexandro; cum undiq; circumstantibus malis premeretur: Ad postremum etiam ab uxore filiisq; desertum*

tum, & cùm *Tyrum* religione templi se defensurus petiisset, navi egressum, præfecti jussu occisum. Hanc narrationem firmant *Joseph. lib. XIII. Antiq. cap. 17. & Exc. Græc. Scal. p. 227. & 375.* Cædem ejus rejicit *Calvisius* in *A. M. 3824.*

Hinc igitur regnum *Syria* tenuit **ALEXANDER ZEBENNAS**, quem *Ptolemæus PHYSCON* adversus *Demetrium Nicatorem* subornaverat; partim rogatus à *Syris*, quos improbitatis *Demetrii* tædebat (*Joseph. lib. XIII. c. 17.*) partim ob privatas similtates infensus *Demetrio*; quod *Ægyptum* occupare tentasset, *Just. lib. XXXIX. c. 1. §. 4.* vel *Pelusium* oppugnasset; ut habent *Fragm. Græc. Scalig. p. 227.* Nummus ejus est apud *Goltzium* in *Thesauro: ΑΛΕΞΑΝΔΡΟΥ ΖΕΒΕΝΝΟΥ ΒΑΣΙΛΕΩΣ.* *Josepho lib. XIII. c. 17.* dicitur *Ζεβινᾶς*; *Exc. Gr. Scal. p. 227. & Diod. Sic. in Exc. Peir. p. 378. Ζαβινᾶς*; & aliis *Fragmentis apud eundem Scal. p. 375. Ζεβινᾶς*; prologo *Trog. 39. Zabinneus.*

Valdè peccavit typographus noster, in Synopsi minore novissimâ, cum impressit: *Alexander Potarcha, negotiatoris Ægyptii cujusdam filius.* Quod moneo propter eos, qui hanc Syro-Macedonum historiam parum callent; aliàs leve est. Corriget igitur, qui volet, hoc modo: *Alexander Protarchi negotiatoris Ægyptii filius.* *Antiochi Sedetis* filius adoptivus haberi voluit, ut est apud *Justinum*; ut secundum *Fragment. Euseb. Gr. p. 229, Alexandri.* Porro, asperius nihil est humili, cùm surgit in altum, ut ait *Claud. lib. I. in Eutrop. v. 181.* Sic *Alexander Ze-*

bennas è negoziatore Rex, *Ptolemæum* ipsum, cujus beneficio regnabat, spernere cœpit: Qui proinde *Antiochum Grypum*, cum magno exercitu, contra *Alexandrum* mittit. Victus *Alexander*, & paulò pòst à suis desertus *Grypo* traditur, A. M. 3827. *Just. lib. XXXIX. c. 2.* cujus locum in §. 6. perperam confundit *Berneggerus* cum alio quodam *Arnobii*. Justinus ait de *Alexandro Zebenna*: *Cùm ipsius Jovis aureum simulacrum infiniti ponderis tacitè evelli jussisset, deprensusq; in sacrilegio, concursu multitudinis, in fugam esset versus. Hoc sacrilegium, inquit Berneggerus, Arnobius lib. VI. advers. Gent. tribuit Antiocho Cyziceno; quem ferunt decem cubitorum Jovem ex delubro aureum sustulisse, & ex ære bracteolis substituisse fucatum.* Immò de diversis sacrilegiis loquuntur & Justinus & Arnobius. Quod Justinus ait de *Alexandro Zebennâ*, continuat *Diodorus Siculus p. 379. in Exc. Peir. ibi: Cùm barbarorum quorundam ministerio Jovis fanum diripere conatus esset, deprehensus minimum abfuit, quin cum omni exercitu ilicò confoderetur. Tamen fugâ elapsus Seleuciam versus contendit. Non igitur voti sceleratissimi compos factus est Alexander; sed factus est Antiochus Cyzicenus, ut vult Arnobius: Ergò diversos exitus diverforum quoque sacrilegia fuisse, haud difficulter indicat.*

Cæterùm interfecto *Alexandro Zebennâ*, **ANTIOCHUS GRYPUS**, *Demetrii Nicatoris* filius, solus regnum obtinuit; ut scribit *Porphyrius in Fragmento*, memoratu digno, apud *Scal. p. 227.* quod ita vertimus: *Demetrium* (scilicet *Nicanorem*) excepit
Seleucus

Seleucus frater, sed matris insidiis paulò pòst subvertitur. Igitur Antiochus, frater natu junior, rerum potius est anno secundo Olymp. 164. Tertio anno vincit Alexandrum Zabinam; qui acceptam cladem non ferens, veneno sese sustulit; regnavit autem Antiochus (si annumeres annum, quo penes Seleucum fratrem ejus potestas fuit) annos 11. id est, usque ad quartum annum Olymp. 166. Cognominabatur autem Grypus & Philometor. Hæc Porphyrius. Consentunt quoad genus Appianus in Syr. & Josephus lib. XIII. c. 17.

Nec in aliam deflectit sententiam *Justin. lib. XXXIX. c. 1. §. 9.* ut hîc maximè audiamus Græculum illum, cujus fragmentum de successione Syro-Macedonum nobis *Scaliger* dedit p. 375. qui statuit, Antiochum Grypum esse *Antiochi Soteris* filium. Intelligo, quod hominem deceperit: Antiochi Grypi mater, *Cleopatra*, fuit in matrimonio *Antiochi Sedetis Soteris*, & ejus frater *Antiochus Cyzicenus*, *Soteris* filius sæpe dicitur à Scriptoribus. Ergò existimabat, hunc genitum fuisse Antiocho Sedete, sive Sotere; sed fallitur. *Cleopatra*, Philometoris filia, è marito, *Demetrio Nicatore*, peperit *Seleucum*, & Antiochum Grypum; ex Antiocho Sedete, sive Sotere Antiochum Cyzicenum, vid. *Joseph. d. l. XIII. c. 17.*

Est & alius crassissimus ejusdem Scriptoris error: Antiochum enim Soterem distinguit ab Antiocho Sedete, & Regum seriem ita constituit, ut post Antiochum Sedetem regnârit *Demetrius Nicanor* iterum; post hunc *Alexander Zebinas*, eoq; cæso, *Antiochus Soter* in Parthis mortuus: Hunc verò Soterem exce-

N v

perit

perit *Antiochus Grypus*. Nugæ nugacissimæ! *Antiochus Soter* idem qui *Sedetes*; nec inter Alexandrum Zebinam & Antiochum Grypum ullus *Antiochus Soter* locum habet. Sed de cognomine *Philometoris*, quod ait fuisse *Grypo*; verum dicit, ex auctoritate *Porphirii*, qui nos idem modò docuit.

Res hujus Grypi quod attinet, primum *interficere* coactus est matrem suam *Cleopatram*: Nam venenum porrectura proditur, & filius, ceu pietate cum matre certaret, Circi suæ, antequam biberet, poculum porrigit; & abnuenti instat: Ita hausit, quod filio paraverat. *Iust. lib. XXXIX. c. 2. §. 8.* Nusquam, ut puto, legitur, quod de eodem Grypo scribit suprâ laudatus *Porphyrus* apud *Scaligerum*; quem rursus ita Latinum reddimus: *Regnum armis petiture fratri Antiocho (Cyziceno) ex eadem matre nato, patrueli tamen ex patre (de quo jam antè diximus) ultrò concessit, & Aspendum abiit; unde & Aspendii cognomen tulit, cum & Grypus & Philometor diceretur. Antiocho Aspendum profecto, Antiochus Cyzicenus regnare cæpit anno primo Olymp. 167. At secundo ejusdem Olympiadis Antiochus Grypus Aspendo rediit, & Syria regnum iterum sibi vendicavit. Cyzicenus illam partem obtinuit, quæ Cœle dicitur. Hunc in modum diviso regno, Grypus superstes fuit, usque ad annum quartum Olymp. 170. quindecim annos natus cum rediret; in universum regnavit annos 26. solus undecim; post divisionem factam quindecim. Huc usque Porphyrus. At neque diviso regno concordia: Decessisse videbatur, quicquid non accesserat. Hinc bellum usque ad alterius interitum.*

interitum. *Iust. lib. XXXIX. c. 2. §. 10. & c. 3. §. 3. 4. 5. & seqq.* ubi, quibus sceleribus alter alterum ultus sit, exponit. Grypus *Cyziceni* conjugem *Cleopatram* à *Tryphenâ* interfici patitur, *Tryphena* rursus necatur à *Cyziceno*. Adde *Ioseph. lib. XIII. c. 17. sub finem.* Qui & cap. 21. Grypum asserit occisum *Heracleonis* insidiis. Idem legitur in *Exc. Gr. Scal. p. 375.*

Hinc Grypi successor communiter statuitur **ANTIOCHUS CYZICENUS**, quamvis illo adhuc vivo regni partem obtinuerit; ut ex Porphyrio didicimus. Calvisius Grypi interitum collocat in A. M. 3854. Sed si Olympiadis 170. anno quarto mortuus est, malim ego dicere interfectum A. M. 3853; quoniam ille ipse juxta Calvisium annus est Olymp. 170. ultimus. In hoc verò Besoldus, velut nimis defatigatus, res Syriacas abrumpit:

Tanta molis erat postremos addere Reges!

Sed scio causam: Justinus hominem bonum destituit, ultra cujus lectionem in rebus Syro-Macedonicis non extenderat scientiam suam.

Supplebimus igitur, quod deficit: **ANTIOCHUS CYZICENUS**, Antiochi Sedetis filius, Grypo non admodum diu supervixit; statim ad luxū & crapulam conversus, nimis & histrionibus supra modum deditus, eorum artes summo studio perdiscebat: Operam quoque *Neurospastica* (Ars, quæ lignea quævis simulacra fidiculâ movere ac trahere docet) dedit. At bellicis machinis ac testudinibus prorsus carebat; quin venationibus intempestivis immodicè addictus, sæpè cum uno aut altero famulo, noctu clam egressus,

egressus, apros, leones ac pardos venabatur; non sine ingentibus vitæ periculis, ut est apud *Diod. Sic. in Exc. Peir. p. 384.*

Igitur adversus illum insurrexit **SELEUCUS**, Antiochi Grypi filius, qui captum Cyzicenum neci tradidit. *Joseph. lib. XIII. Antiq. c. 21. Prologus Trogii 40.* Calvisius hoc conjicit in A. M. 3855. Hic cum juxta Calvisium sit annus secundus Olympiadis 171. ei vix assentior; nam secundum *Porphyrium* Cyzicenus attigit annum tertium Olymp. 171. Verba sunt ex interpretatione nostrâ: *Cyzicenus, cujus initium est annus primus Olymp. 167. finit autem tertio Olymp. 171. regnum tenuit annos 18. Vixit autem in universum annos 50. Hic autem ejus interitus fuit: Cum defunctus esset Antiochus Grypus tempore, quo diximus; Seleucus ejus filius cum exercitu veniens, multas civitates partibus suis adjunxit. Antiochus verò Cyzicenus eductis Antiochia copiis, & signis collatis, victus est; sed & equo longius abreptus in hostes, cum parum abesset, quin caperetur; seipsum interfecit. Haftenus ille. Meminit etiam Auctor de Macedonum regno in Syria apud Scal. p. 375. 376.*

Nec tum finis hic fuit parricidalibus bellis. Seleucum non diu post invadit **ANTIOCHUS EUSEBES**, Antiochi Cyziceni filius; uno ictu confectum bellum, & victus Seleucus, in Ciliciæ urbe, *Mopsuestia* (quo confugerat) crematus est. Ita scribit *Appianus in Syr. Joseph. lib. XIII. c. 21.* & hujus compilator *Græculus apud Scal. p. 376. Euseb. n. 1921.* At de hac re ita *Porphyrius* loquitur: Regno potitus, Seleucus.

leucus, suam fecit *Antiochiam*; cui bellum intulit *Antiochus Cyziceni filius*. Conserto praelio ad *Mopsuestiam Ciliciae*, vicit *Antiochus*: *Selucus* in eam urbem fugit. Sed cum ei nunciatum esset, imminere ab incolis vivi-comburium, atrocissimum lethi genus morte voluntaria antevertit.

Nec furore desitum est. *Seleucus* ut vindicaretur, rursus cognato sanguine imbuendæ fuerunt manus: **ANTIOCHUS** cognomento **DIDYMUS**, sive *Gemellus*, *Seleuci* frater, *Grypi* filius, *Antiochum Euseben*, *Cyziceni* filium, bello petit; sed victus & vitam & exercitum simul amittit. *Ioseph. lib. XIII. cap. 2.* At *Porphyrius* à duobus fratribus simul, iisq; gemellis bellum illatum ait his verbis: *Fratres autem ipsius* (*Seleuci*) *qui gemelli dicebantur, Antiochus & Philippus, viribus pollentes, civitate Mopsuestiâ vi captâ & dirutâ, fratris suis manibus parentârunt. Contra hos profectus Cyziceni filius* (*Antiochus Eusebes*) *victoriam reportavit: Et ex his fratribus Antiochus fugâ se proripiens è pugnâ, equi pernecitate pervenit ad Orontem fluvium, in quô submersus periit. Hic Antiochi Didymi finis, qui* (si *Calvisii* calculum sequimur) *incidit in A. M. 3857. Porphyrius rejicere videtur in annum tertium Olymp. 171, hoc est, in A. M. 3856. Nam ad ejusdem Calvisii computationem hic ipse Olymp. 171. annus tertius est.*

Nondum didicerunt sapere *Phryges*. **PHILIPPUS**, *Antiochi Dionysii* frater, post cladem suam, regnum asserit. *Ioseph. lib. XIII. c. 21. Eus. num. 1922. Exc. Gr. Scal. p. 376. Extat nummus ejus, è quo constat,*

constat, Philippum Evergetem Philadelphum appellatum; sic enim habet apud *Golzium supra citat. loc. p. 242*: ΦΙΛΙΠΠΟΥ ΕΤΕΡΓΕΤΟΥ ΦΙΛΑΔΕΛΦΟΥ. *Scal. ad Euseb. n. 1923.* ubi laudat hunc ipsum nummum. Graviter tamen hallucinatus est, dum scribit; Philippum hunc filium fuisse *Antiochi Eusebis & Selenes*, Asiaticum cognominatum. Repugnant enim *Joseph. Exc. ipsius Græca, & Appianus*, qui Philippum, *Antiochi Grypi* filium, Seleuci, Antiochi Gemelli, Demetrii Eucæri, & Antiochi Dionysii fratrem faciunt; & planè diversum ab Antiocho Asiatico, Eusebis & Selenæ filio. Et prætereà, si Philippus *Asiatici* cognomen tulisset, hoc non omitteret nummus; in quò tantà curâ signata sunt aliis præterita cognomina.

Porro cæso Antiocho Didymo, PHILIPPUS & DEMETRIUS EUCÆRUS (quem *Ptolemaeus Latbyrus* & ipsum Regem constituit; apud *Damascum*) junctis copiis Antiochum Eusebem aggrediuntur. *Joseph. d. l. XIII. c. 21. & Exc. Gr. Scal. p. 376.* Ita eodem tempore tres Reges parricidas habuit infelix Syria: *Antiochum Eusebem, Philippum Evergetem Philadelphum, & Demetrium Eucærum.* Nihilominus Antiochus Eusebes par utrique, Philippo & Demetrio. *Joseph. d. l. Exc. Scal. p. 376.* Tandem à *Laodice*, Calamenorum Regina, vocatus in auxilium contra Parthos, in prælio fortissimè dimicans cadit. *Ibid.* Hujus factum non commemorat *Porphyrius.*

Superstites PHILIPPUS & DEMETRIUS Grypi filii, sibi ipsis parricidale bellum intulerunt;
cū

cùm *Demetrius Philippum*, Berœæ mœnibus inclusum oppugnaret: Sed is à *Stratone*, Berœæ tyranno, & *Zize* Arabum Principe, & *Parthis* liberatus; ipse verò *Demetrius* captus, & in *Parthiam* abductus est; ubi morbo periit. *Joseph. d. l. XIII. c. 22.* Factum (si credimus *Calvisio*) A. M. 3861.

Paulò post *Demetrii* mortem Rex factus est **ANTIOCHUS**, cognomento **DIONYSIUS**, quintus *Antiochi Grypi* filius; & cùm res novas moliretur, contra *Philippum* fratrem, semina luctuosi belli fortuna statim oppressit: Cæsus est enim *Antiochus Dionysius* in prælio contra *Arabes*; cùm de victoria jam certus, alterum eorum firmare vellet. *Joseph. d. l. c. 23.* Hoc *Calvisius* refert in A. M. 3864. *Græculus*, cujus *Exc.* legimus apud *Scal. p. 376.* *Antiochum Dionysium* scribit bellum gessisse, cum *Antiocho*, *Cyziceni* filio; quod *Josephus* (quem sæpius exscripsit) non dicit.

Hic autem rursus de Syriacis rebus, quædam rariora nos docet *Porphyrus*, quo *Josephus* huc usque locupletior fuerat: Ait enim, è *Seleucidarum* domo *Reges superstites* fuisse, **PHILIPPUM**, *Grypi* filium, & **ANTIOCHUM** *Cyziceni*; qui discordiis continuatis experti sint, quod ait Poëta:

- - - dum mutua stulti

Pastores odia exercent, lupus intrat ovile.

Hoc enim lucri fecisse, ut subditi, scelerum & parricidiorum pertæsi, alios omnes mallent, quàm suos. Atque ita validissima pars monarchiæ *Macedoniæ* corruit. Sed audiamus *Porphyrum* ipsum: *Reliqui*
(de

(de Seleucidarum domo) *Philippus*, qui *Seleucum* fratrem, *Antiochum Grypum* patrem habebat; & *Antiochus Cyziceni* filius, ab anno tertio Olymp. 171. regnantes, nec aspernandis viribus instructi; sed quod uterq, saltem partem obtineret, de universâ *Syriâ* bello inter se decertarunt. Subcumbens *Antiochus* ad *Parthos* fugit, & postea in *Pompeji* potestatem concessit; velut ab eo reducendus in *Syriam*. Sed hic ab *Antiochenis* acceptâ potestate, *Antiochi* nullam rationem habuit, urbem suis legibus vivere permisit. Dum hæc spe excidit, mittunt adeum *Alexandrini Menelaum*, *Lamponem* & *Callineandrum* cum petitione; ut cum *Ptolemaus Dionysius Alexandriâ* pulsus esset, veniret; ac regnum *Aegypti*, pari potestate, cum filiabus *Ptolemai* regendum susciperet. Quod ne fieret, morbus intervenit; quo etiam extinctus est. Destruitur & *Philippus*, qui (ut diximus) *Antiocho Grypo* & *Tryphanâ Ptolemai VIII. filiâ* genitus erat: Nam abire volentem in *Aegyptum*, quod & ipsum *Alexandrini* ad regnum vocassent, *Gabinus Romanus*, *Syriæ* præses, & *Pompeji* legatus, oppressit. Haftenus *Porphyrius*. *Eusebius Latinus* num. 1923. non tam distinctus & perspicuus: *Antiochus*, inquit, in *Parthos* fugiens, *Pompejo* se deinceps tradidit; postquam *Philippus* captus est à *Gabinio*. Hic finis imperii *Seleucidarum*.

Tamen non prorsus extinctam tùm fuisse domum illam, tot *Antiochorum Comagenorum* mentio facta in sequentium temporum historiâ, credere nos jubet. *Comagene*, *Syriæ* regio ad *Euphratem* & *Taurum* montem sita est, ut ait *Dio. lib. XXXV. pag. 2.*

Urbem

Urbem habet naturâ munitam, *Samosata*, regni caput; ut est apud *Strab. lib. XVI. p. 749.* Videndus de eadem *Ptolemaeus*, & *Plinius lib. V. c. 24.* Hanc Comagenem, cum Romani Syriam Tygrani (nam is à Syris in regnum accitus erat, quod etiam per 18. annos tranquillissimum possedit, *Just. lib. XL. c. 1. Appianus in Syr.*) vi armatâ extorsissent (*Strab. lib. XI. p. 532.*) reliquisse videntur *Seleucidis*, frustrâ petentibus totum Syriæ regnum.

ANTIOCHI COMAGENI *Dio* meminit in rebus anni ab V.C. 685. hoc est, A.M. 3882. Cui *Lucullus*, captis Tygranocertis, uxorem captivam restituerit: Tygranes enim Syriâ potitus, quos è *Seleucidis* capere potuit, vel occidit, vel captivos abduxit. *Plut. in Lucullo pag. 55: Reges, Seleuci successores, tollit, eorum filias & conjuges sedibus extractas abdit.* Huic Comageno *Cn. Pompejus Seleuciam*, *Meopotamiæ* castellum adjecit; ut nos docet *Strabo vulgatus lib. XVI. p. 749.* Idem, nî fallor, cujus aliquot locis meminit *Cic. ut lib. XV. ep. 1: Antiochi Comageni legati primi mihi nunciârunt, Parthorum magnas copias Euphratem transire cœpisse; quo nuncio allato, cum essent nonnulli, qui ei Regi minorem fidem habendam putarent; statui expectandum esse, si quid certius afferretur.* Adde *epist. 3. & 4.* Ejus soror (ut *Manutius* existimat uxor fuerat *Orotis*, Regis *Parthorum*; de quâ *Dio lib. XLIX. p. 406: Phraates, regno accepto, fratres suos, ex Antiochi filiâ natos (quod se & virtute & materno genere præstantiores essent) dolo necavit.* E quibus apparet inter Romanos Parthosq; , ut

O

alios

alios Orientalium, sic Antiochum istum, dubiâ fide fluctuâsse. Et de hoc ipso capio *Dionem*, d. l. ubi refert, Vendidium, Antonii Legatum adversus Antiochum Comagenum copias duxisse; aliis quidem prætextibus usum; sed revera pecuniæ (quam plurimam Antiochus possidebat) potiundæ spe impulsus: Sed cum nihil proficeret, *Antonium* (cùm ob hanc ignominiam exercitum putaret à se alienatum) clàm egisse de pace cum *Antiocho*; ut recedere honestè posset. Hoc ut impetraret, Antiocho necandum tradidisse *Alexandrum*, qui ad Romanos transfugerat. Refert eandem rem, sed aliter, *Plutarchus in Antonio* p. 931. Tangit *Josephus lib. I. de Bello Jud. cap. 12. sub finem*. Ejus filius (ut suspicor) est *Antiochus Comagenus*, qui anno V. C. 724. Romæ in curâ damnatus, & capite truncatus est; quòd fratris sui legatum Romam missum occidisset. *Dio lib. LII. p. 495.*

Ita sub Augusto precarium regnum fuit; & cùm A. V. 733. Rex Comagenæ, nescio quis, occidisset *Mithridatis* cujusdam patrem; Augustus Mithridati, quamvis puero, regnum assignavit. Post MITHRIDATEM observo regnâsse ANTIOCHUM, quo, anno 769 mortuo (*Tacitus lib. II. Ann. c. 42.*) *Tiberius* Imperator Comagenem in provinciæ formam redegit, misso in illam primo legato, Proprætore Q. Servæo, *Tac. c. 56. ibid. Strabo lib. XVI. p. 749.*

Sed *Caligula* post 20. annos Seleucidis Comagenem iterum tradidit. *Dio lib. LXIX. p. 645.* ANTIOCHO, Antiochi filio, Comagenem paternum regnum, adjectis Ciliciæ maritimis, dedit. Adde *Suet.*

in Caligula c. 16. Hinc Antiochus è temporum ratione videtur vel nepos, vel pronepos illius Antiochi, cujus è *Cic. & Dione* memoriam jam reduximus. Sub Nerone A. V. 806. reperio *Antiochum Comagenum*, qui *Corbulonem* contra Parthos juvit. *Tac. lib. XIII. Ann. c. 37: Simul Antiochum Regem Corbulo monet, proximas sibi præfecturas petere.* De eodem paulò ante *lib. eod. c. 7. scripserat: Nero duos veteres Reges, Agrippam & Antiochum expedire copias jubet, quòs Parthorum fines ultrò intrarent.* Qui locus illustrat illud ejusdem *Taciti in Agric. c. 14: Veterem ac jam pridem receptam populi Romani consuetudinem, ut haberet instrumenta servitutis & Reges.* Ac quoniam *vetus Rex* dicitur, nullus dubitem, eundem esse *Antiochum*, Antiochi filium; quem *Claudius* ultimum restituit, postquam, donato regno, à *Caligulâ* rursus exutus esset. *Joseph. lib. XIX. c. 4.* Capiò de eodem locum *Tac. lib. II. Histor. c. 81: Accessere (Vespasiano A. V. 821.) cum regno, Sohemus haud spernendis viribus; Antiochus vetustis opibus ingens, & inservientium Regum ditissimus.* Auxilium etiam tulit *Tito Vespasiano* contra Judæos, *Joseph. lib. XIII. de Bell. Jud. c. 3.* Tandem A. V. 825. in maximam calamitatem incidit, quam fusè describit idem *Joseph. lib. VII. cap. 27. Casennius* namq; *Petus*, nullâ laceffitus injuriâ, *Comagenæ* bellum infert; & cùm Antiocho nec consilium nec animus esset resistendi, captus & vinctus Romam mittitur: Sed *Vespasianus* cùm *Lacedæmonem* relegavit, præbitis magnis pecuniæ redditibus; ut non modò lautè, sed & regium in modum viveret. Ita *Co-*

magene Rom. populi provincia facta est. Sueton. c. 8. in Vespas.

Filii Antiochi EPIPHANES & CALLINICUS, fortissimi bello juvenes, cum Romanis, tam indignis modis secum agentibus, manus conferunt, & æquo Marte utrinq; discessum est. *Joseph. d. l. Hic est ille Epiphanes, quo de Tacitus lib. II. Histor. c. 25: Vulneratur Rex Epiphanes, impigrè pro Othone pugnam ciens. Cui desponsata etiam fuit Drusilla, Cyprus & Agrippæ filia, Aristobuli neptis, Herodis Magni proneptis. Sed cum Judaicam religionem amplecti nollet (quod primum pollicitus erat) tota res eventu caruit, Joseph. lib. XX. Antiq. c. 5. Fugit ad Parthos, everso paterno regno. Idem lib. VII. de Bell. Jud. c. 27.*

CAPUT XI.

Ptolemeus I. qui Ægyptum obtinuit, Philippi filius, & Alexandri M. frater. Idem Lagi filius habitus. Quot annis Satrapa & Rex fuerit? Ejus successores, ad Cleopatram ultimam; cum brevi commemoratione rerum, quas quisq; gessit. Et inter hæc varia Scriptorum veterum loca explicantur, & recentiorum sententiæ expenduntur.

ALtera monarchiæ Macedonicæ lacinia regnum Ægyptiacum fuit: Cùm enim divisio provinciarum fieret, PTOLEMÆO Ægyptus, & Africa Arabiaq; pars sorte venit, *Iust. lib. XIII. c. 4. §. 10. Arrian. lib. VI. Diod. Sic. lib. XVIII. c. 14. & 39.*

Dexip-

Dexippus apud Photium Cod. LXXXII. & apud Scal. in opere Eusebiano p. 48. Orosius lib. III. c. 23. Curt. lib. X. c. 10. §. 1. & alii. Calvisius Ægyptum obtinuisse scribit statim illo anno, quo Alex. M. fato succubuit, hoc est, A. M. 3627. Nec ferè aliud volunt alii. Sed Porphyrius sequenti anno in Ægyptum missum scribit hisce verbis, apud Scal. p. 224: Anno sequenti, cum jam imperii summa in Philippum (intelligit Aridaum, cognomento Philippum) collata esset, præfectus in Ægyptum mittitur.

De ejus genere diversæ fuerunt sententiæ: *Lagum* patrem, & *Arsinoem* matrem facit *Porphyrius d. l.* quod idem scribunt plerique omnes. Hinc *Lagidarum* familia, domus *Ptolemæorum*; & *Lagea* juvenus apud Poëtas *Ægyptia* dicitur; nec *Ptolemæus* alium se scribebat, nisi *Lagi filium*. Auctor est *Plutarch. in lib. de Irâ coërcenda*. Cum *Ptolemæus* Philologi cujusdam inscitia illufurus, ex illo quæreret, *quis Pelei fuisset pater?* Philologum, facetâ quæstione, contumeliosam quæstionem ultum esse, cum responderet: *Tu prius dic, quis Lagi fuerit pater?* Quo dictorio humilitatem generis illi exprobravit. Tamen non de vano haustum est, quod alii referunt, fuisse *Philippi*, Macedonia Regis, ex *Arsinoë*, concubinâ filium; quam jam gravidam *Lagus* duxerit. *Pausanias in Atticis* pag. 10: *Ptolemæum Macedones*, re, *Philippi*, *Amyntâ* geniti; verbo autem, *Lagi filium* fuisse existimant. Ejus enim matrem uterum ferentem à *Philippo*, *Lago uxorem datam* referunt.

Miror Cl. *Vossium* lib. I. Instit. Orat. c. 6. sect. 13.

pone p. 165. Nummus Græcus apud Golzium in *The-
sauro* p. 246. Sed indignum hâc appellatione censet
Iosephus lib. XII. Antiq. Jud. c. 1. Causa manifesta,
quia *Hierosolymis*, dolo captis, *Judeos* multos in *Æ-
gyptum* abduxit; ut ibi idem refert; cum quo confe-
rendus *Euseb. n. 1695. & Auctor Excerpti. apud Scal.
d. p. 376.* Addit *Vossius lib. I. de Idolol. cap. 31. p. 236.*
Magnum quoque cognominatum. Hoc nusquam
legi, nisi quod apud *Justin. lib. XVII. c. 2. §. 6.* reperio
dici, *Magnum Ptolemæum*; sed hoc illi proprium fuis-
se, vix inde concluderis: Nummus certè, quem laudavi-
mus, omittit. *Besoldus* scribit, excelluisse justitiâ & li-
beralitate; quòd in animo haberet, quæ leguntur apud
Justin. lib. XIII. c. 6. §. 18. & seqq. & lib. XV. c. 1. §. 7.
Addendus *Diod. Sic. lib. XVIII. c. 33.* *Luciano in Ma-
crobius* dicitur: 'Ο τῶν καθ' ἑαυτὸν εὐδαιμονέστατος
βασιλέων, quæ ita vertit *Vossius lib. I. Inst. Orat. c. 5.
sect. 13. p. 61: propria fortunâ inter Reges felicissimus.*
Mallem ego: *Regum sui temporis felicissimus.* Sic
enim debent illa, καθ' ἑαυτὸν. *Dio lib. LIX. de Senecâ:*
'Ο πάντας μὲν τὰς καθ' ἑαυτὸν Ῥωμαίους ὑπεργίγας,
hoc est, omnes sui temporis Romanos superans. Sed
quænam illa felicitas? bello vicit *Perdiccam & Deme-
trium*, Antigoni filium. *Diod. d. l. Just. lib. XVI. c. 2.*

Biennio ante obitum regnum cessit PTOLE-
MÆO PHILADELPHO, filio è *Berenice*, cui (ut
est apud *Theocritum idyllio 17. & ejus Scholiastem*)
Antigone mater, *Cassander* avus. Meminit hujus fa-
cti *Just. lib. XVI. c. 2. §. 7. & Porphyrius* hisce verbis:
Postquam vivus adhuc Ptolemæo filio, admodum puero,
regnum

regnum tradidit, nondum 40. sed saltem 38. anni Ptolemai I. (quem Soterem cognominabant) statui possunt. Mortuus est secundum hanc sententiam A. M. 3668. & Philadelphus Rex factus A. M. 3666. At Calvisius Soteris mortem, & initium Ptolemai Philadelphi, collocat in A. M. 3665. Rhodii ex oraculi monitu, mortuum divinis affecerunt honoribus; eiq; lucum in urbe sacrârunt quadratum, extructâ ad latus quodq; porticu stadium longâ; quam Ptolemaeo nuncupârunt.

PTOLEMÆUS PHILADELPHUS, secundus Ægyptiorum Rex, post obitum patris 38. annis Ægyptum tenuit. *Porphyr. d. l. Euseb. n. 1732. Meminit ejusdem nummus apud Golzum in Thes. p. 246. Quamobrem decretorius illi fuit A. M. 3706. Potissimum hujus Regis opus bibliotheca Alexandrina, de quâ præter Besoldum in Synopsi majore, Lipsius in synagmate de Bibliothecis, & Andreas Schottus præfat. in Photium. Fuit in Bruchio, remotâ quâdam regione à reliquâ urbe Alexandrinâ; de quâ Casaubonus ad Spartianum p. 36. Igitur distinguenda est ab altera, quæ fuit in (templo) Serapeo, prioris soror dicta. Vales. ad Ammian. Marcell. lib. XXII. p. 244. Ad hanc bibliothecam suam, & gloriam exinde venturam respexit, nî fallor, Ptolemaeus; cum jactaret, sempiternam vitam sibi futuram. Aliter cum aliis accepit Athenæus lib. XII. p. 536. quibus minimè accedo: An enim Regem sapientissimum, & literis humanioribus egregiè tinctum, eò vecordiæ prolapsum credimus, ut se solum existimârit naturæ legibus exemptum; & immortale corpus habiturum? Docebimus alibi,*

quàm malè accepta sint magnorum virorum symbola. De hoc ipso Ptolemæo explicandus *Justinus* lib. XVII. c. 2. §. 9. & lib. XXVII. c. 1. §. 2. 3. Uxor *Arsinoë*, *Lyfimachi* filia, peperit illi *Ptolemæum Evergeten* I. *Lisymachum*, & *Berenicem*. Scholiastes *Theocriti*, ad idyllium 17: *Ptolemæo Philadelpho Arsinoë*, *Lyfimachi* filia (quam priorem conjugem habuit) peperit *Ptolemæum*, *Lyfimachum* & *Berenicem*. De *Lyfimacho* consentit *Polyb. in Exc. Peir.* p. 64. At *Ptolemæum Evergeten* non ex hac *Arsinoë*, sed ex alterâ, ejusdem nominis, *Philadelphi* sorore natum; *vetus* indicat subscriptio simulacri *Ptolemæi Evergetæ*: REX MAGNUS PTOLEMÆUS, FILIUS REGIS PTOLEMÆI ET REGINÆ ARSINOE, DEORUM FRATRIS SORORISQUE; REGUM PTOLEMÆI ET REGINÆ BERENICES, DEORUM SERVATORUM NEPOS. *Ptolemæus* enim *Philadelphus Veneri* admodum deditus (*Athen. lib. XIII. p. 576.*) etiam *Arsinoës*, germanæ sororis amore victus, eam sibi matrimonio junxit; atque id sanè non ex *Macedonum*, sed *Ægyptiorum* (quibus imperabat) lege fecit; ut ait *Pausanias in Attic.* p. 12. Quod ipsum etiam prodidit *Strabo* lib. X. p. 460. Tamen idem *Pausanias Scholiastem Theocriti* planè confirmat p. 13. Ait enim, ex *Arsinoë Lyfimachi* natos *Ptolemæo Philadelpho* liberos, non ex *Arsinoë* sorore:

PTOLEMÆUS EVERGETES, tertius Rex successit *Philadelpho* patri, & regnum tenuit per annos 25, ut ait *Porphyrius*. At *Eusebius* n. 1770. & *Exc.*

Exc. Gr. Scal. p. 376. sex & viginti annos assignat. Secundum Porphyrii calculum, vitâ exutus est A. M. 3730. Calvisius mortem ejus ponit in A. M. 3729. Hic sorori *Berenicæ* (quam *Selencus Callinicus* obsidebat) auxilium tulit. *Justinus lib. XXVII. c. 1.* Hunc ipsum vicit, magno prælio *ibid. c. 2.* sub specie sororiæ ultionis, *Asiæ* imperium affectat *ibid. c. 3.* Antiochum *Hieracem*, ad se confugientem, arctâ custodiâ habet *ibid.* Occiditur à filio *Just. lib. XXIX. c. 1.* Uxores illi fuerunt, *Agathoclea* & *Beronice*, Magæ patrui filia *Just. lib. XXVI. c. 3.* Erat enim *Magas*, Rex *Cyrenarum*, frater *Philadelphi*, sed ex matre tantum; è *Berenice*, genuit *Magam* alterum, *Polyb. in Exc. Peir. p. 64.* Ex *Agathoclea* *Ptolemæus Philopator*, *Exc. Græca Scal. p. 376. Strabo lib. XVII. p. 795. Polybio tamen l. d. & Justino lib. XXIX. t. 1. §. 5.* etiam *Berenice mater* *Ptolemæi Philopatoris*, fortassis per catachresin.

Post hunc Ægyptum rexit PTOLEMÆUS PHILOPATOR per annos 17. ut volunt, *Porphyrius, Eusebius n. 796. & Exc. Gr. Scal. p. 376.* Fuit *Ptolemæi Evergetæ* filius, ut dixi; & adjici potest *Joseph. lib. XII. c. 3. sub finem* Gallus præterea cognominatus, quod ut gallis *Magnæ matris*, sic ipsi *stigmata foliorum hederae inusta* fuerint; ut est apud *Auctorem Etymologici.* Interfecit patrem, & matrem, sive novercam *Just. lib. XXIX. c. 1.* Adjunxit etiam fratris cædem. *Idem lib. XXX. c. 1. Polyb. lib. V. c. 34. Plutarchus in Agide & Cleomene p. 820.* Bello ab *Antiocho Magno* petitur, sed egregiè vincit ad *Raphiam*, *Polyb. lib. V. c. 85. 86.* Hierosolymis posthæc in Sanctum Sancto-

Sanctorum introire vult, sed prohibetur à Pontifice Maximo, inde odio inexpiabili, contra *Judeos* exarscens, multos trucidat, ac capit: At eodem anno, poenitentia ductus, captivos remittit ad suos, *Scal. ad Euseb.* n. 1797. & *III. lib. Maccab.* five ex Historia, quæ prior tempore historiis duorum librorum, sacrae Scripturae insertis, ab *Eusebio* citatur. Moritur secundum computationem nostram, è *Porphyrio* A. M. 3747. Uxor ejus *Eurydice*, quæ & soror, ab eodem interfecta. *Just. lib. XXX. c. 1. §. 7. & c. 2. §. 6. Polybius* tamen *lib. XV. cap. 31. & in Exc. Peir. pag. 63.* *Arfinoën* vocat.

Ex eâ natus **PTOLEMÆUS EPIPHANES**, qui regnavit annis 24, juxta *Porphyrium*, *Euseb. n. 1813.* & *Auctorem Excerptorum Gr. apud Scal. p. 376.* Quorum sententiam sequitur *Scal. lib. II. Canon. Isag. p. 130.* Ejus igitur obitus incidit in A. M. 3771. *Calvisius*, ut alias, anno minus dicit. Hic est, in quem conjurarunt *Philippus Macedonia*, *Antiochus Syria*, Reges; sed tutelam susceperant Romani. Missus est in *Aegyptum* *M. Lepidus* bis Cos. & Pontifex, *Valer. Max. lib. VI. c. 6. ex. 1. Just. lib. XXX. c. 3. Tacitus lib. II. Ann. c. 67. §. 5.* Extant hodieq; *denarii argentei*, repræsentantes in uno latere *urbis Alexandria* faciem, cum coronâ murali turritâ; cui subscriptum: **ALEXANDRIA**: In altero, *Marcum Lepidum* togatum, senem calvum, qui à dextris stantem adolescentulum, diademate coronat, adscriptis hisce verbis. **S. C. M. LEPIDUS. PONT. MAX. TUTOR. REG.** *Pighius in A. V. 590. Lipsius ad Tacit. lib. II. Ann. c. 67.*

Fulvius

Fulvius Ursinus in Emiliâ gente, p. 7. Golzius in Fastis p. 129. & in tomo de Jul. Cas. tab. 33. nummo 1. 4. 6. Uxor hujus Ptolemæi Cleopatra, Antiochi Epiphanis soror Iust. lib. XXXIV. c. 2. §. 7. Ioseph. lib. XII. Antiq. c. 3.

Ex hoc conjugio fuit PTOLEMÆUS PHILOMETOR, sextus Ægyptiorum Rex, post Alexandrum M. cui omnes uno ore, 35. annos tribuunt; quemadmodum ejus fratri Ptolemæo Physconi Evergetæ (sic eum describit nummus) iidem annos 29. Vide Ptolemæi Canonem, apud Calvisium, Introduct. Chronologicâ c. 11. & apud Dionys. Petavium. lib. IV. Rat. Temp. sub finem. Euseb. n. 1837. & 1872. Porphyrius apud Scal. p. 225. & apud Eundem Exc. Gr. p. 376. Sed ex his ne molestum nobis sit audire Porphyrium, qui Regum Ægyptiorum chronologiam, & successi-
onem, unus omnium, exactissimè nobis calluisse vide-
tur: Hujus (Ptolemæi Epiphanis inquit) duo filii Pto-
lemæi, regnum auspicati sunt, & nati quidem major,
Philometor; junior, Evergetes II, cognominatus est.
Utriusq; anni 64. numerantur. Sigillatim numerum
utriusq; dedimus, quia in ratione temporum confusio
facta est, ob eam causam, quod inter se invicem convul-
si sunt; & alter post alterum regnum occupavit. Philo-
metor, regnarat annos 11. solus, cum Antiochus Ægy-
ptum infesto exercitu peteret; & diadema raperet. Sed
Alexandrini juniorem fecerunt Regem, & pulso An-
tiocho liberarunt Philometorem. Sic ambo regnum te-
nuerunt, & cum scriberetur annus Philometoris 12.
Evergetæ is fuit primus. (in Græco est, καὶ ἐξημέπ-
σεν αὐτῷς Φιλομήτωρ & ἵβ' 'Ευεργέτης δὲ ἐν, scribam
omninò;

omninò, Φιλομήτορ & ιβ vel etiam ια. Nam in sequentibus Evergetæ tribuit 25. annos, usq; ad mortem fratris, qui, eodem teste, mortuus est, anno regni currente 36.) *Concordes autem vixerunt, usq; ad annum 17. (subintellige Philometoris) sed ab anno 18, rursus solus numeratur Philometor; quem à Physcone, regno exutum, restituerunt Romani. Et ipse quidem Egypti regnum tenuit; at fratri, regnum Lybiæ, sive Cyrenaicum commisit; solusque adeò regnavit annos 18. Mortuo eo, in Syriâ (partem enim regionis hujus, ut suam obtinebat) accersitus, Cyrenæ Evergetes, & Rex publicè salutatus, adscripsit sibi omnes annos, ab eo tempore, quo primùm Rex nominatus est; ut cum post fratris obitum regnârit, annos 29, (in Græco legitur iterum corruptè εἴκοσι πέντε, pro, εἴκοσι ἐννέα) in universum sibi vindicâsse putetur annos 54. Nam annos Philometoris 36. (hic enim accensendus est) ipsi fuit annus regni 25. Atque ita utrisque fuerunt 64. Philometori 35. reliqui Evergetæ. Hæc Porphyrius, è quo rerum, Philometoris talem jam constituo chronologiam: Cùm, ut dixi, Ptolemæus Epiphanes finierit A. M. 3771. in hoc initium Philometoris ponendum est; & cùm sic per undecim annos regnum possederit, donec ab Antiocho, bello peteretur; captivitas ejus rejicienda erit in annum 3782. Hæc aliquantò citiùs ponit Calvisius.*

Cæterum, hæc ferè de causâ, bellum illud contingit: Philometor, cum *Celesyriam*, majoribus suis semper paruisse, intelligeret, eam ab *Antiocho Epiphane*, per legatos repetiit, suasu *Eulæi* nutritii, ac *Lenæi* ducis;

cis; qui tùm, Rege admodum puero, post mortem *Cleopatra*, cuncta administrabant: Ei cum ab Antiocho minimè redderetur, ingentem belli apparatus *Ptolemæus* facere instituit, quo eam recuperaret. *Diod. Siculus Legat. XII. & apud Suidam in ΑμΦΙ-ΒΗΤΕΙΝ.* Antiochus cum *Ptolemaum* videret sese ad bellum accingere, *Meliagrum* legatum *Romam* misit, qui *Senatui* referret, bellum sibi præter fas, à *Ptolemæo* inferri, interim ipse celeriter conjunctis copiis, cum *Duces* *Ptolemæi* segniter agerent, & in *Syriam* irrumperere cunctarentur; ultrò illis obviam processit; commissioq; prælio inter montem *Cassium* & *Pelusium*, eos profligavit: Et cum *Ægyptiorum* copias internecione delere posset, equo circumvectus, occidi eos vetuit, vivos tantummodò capi iussit. *Philometor*, auditâ suorum clade, ac deditioe *Pelusii*, aliarumq; urbium, metu perculsus, ac fortassè etiam *Alexandrini* populi seditione impeditus, fugit *Alexandriâ*; cumq; in manus *Antiochi* venisset, *Antiochus* puero pepercit, & amicitiam cum eo firmavit; curamque illius suscipere se simulavit: *Diadema* tamen ademit, & *Ægyptii* Regem sese ipsum fecit; quod *Alexandrini* ægrè ferentes, *Ptolemaum juniorem* (qui *Evergetes* & *Physcon* dictus est) fratrem *Philometoris*, Regem renunciârunt; ac strenuè *Antiocho* restituerunt. Sed *Antiochus*, victis navali prælio ad *Pelusium Alexandrinis*, & ponte per *Nilum* factò, transgressus cum copiis, *Alexandriam* obsidere instituit; simulans se *Ptolemæo Majori* regnum recuperare. Hæc de bello isto *Antiochico*, quàm diligentissimè congeffit *Valesius ad Exc. Peir.*

Peir. p. 49. & Polybii Legat. 71. 72. & Hieronym. in Danielis cap. XI. qui & cladem ad Pelusium rejicit in A. M. 3781. quod nobis parùm officit; nam & hic annus 11. Philometoris statui potest.

Paulò post venit in *Aegyptum* *C. Popilius*, de quo suprà dixi in rebus Antiochi Epiphanis: Jam verò plura nos docet Porphyrius; nimirum fratres, *Philometorem*, & *Physconem*, concordēs egisse, usq; ad annum Philometoris 17, hoc est, usque ad A. M. 3788. Illo igitur anno pulsus à minore fratre major, Romam venit; & à Senatu paulò post restitutus est, hâc lege, ut major *Aegyptum*, minor *Cyrenas* regeret. Ita cum *Calvisius* (qui *Polybium* sententiæ suæ fundum laudat) hîc optimè nobis convenit.

Quamobrem mira σύγχυσις est apud *Besoldum* in Synopsi majore, cum ait: *Ptolemæus Philometor*, ab initio discorde fratre usus, *Alexandriâ*, ab eo pellitur; *Celesyriâ* interea amissâ, quam invaserat *Antiochus Epiphanes*, hoc dissidio invitatus. Nullum in hâc narratione verbum sanum: *Discordia* enim fratrum est exorta, sub initum regni; sed post multos demùm annos neque hoc dissidium invitavit *Antiochum*; quod illo tempore (quo *Antiochus* cum exercitu in *Aegyptum* movit) nullum fuit. Neque *Celesyriam*, *Antiochus* extorsit *Ægyptiis* expeditione illâ, quam primùm suscepit: Hanc enim regionem ante mota arma tenuit; quæ omnia satis exposita sunt.

Tandem quod ait *Porphyrius*, obisse *Philometorem* in *Syriâ*, cujus partem possederit, utrinque verissimum est; Nam ob illam possessionem, *Syriæ Rex* dicitur

dicitur à Polybio in *Exc. Peir.* p. 134. Et cùm adversus *Alexandrum Balam*, perfidum generum, in *Syria* pugnaret; equo excussus, & ab hostibus vulneratus, inter medicorum manus, diebus aliquot post exspirat. *lib. I. Maccab. c. ii. Joseph. lib. XIII. c. 8. Polyb. in Exc. Peir. p. 494. Epitoma Liviana 52.* Secundùm *Porphyrium* factum hoc A. M. 3805, vel 3806: *Calvisius* ponit in A. M. 3804. Locum ubi decesserit, indicat *Strabo lib. XVI. p. 751.*

Ita *Cyrenam* rediit *Ptolemaeus Physcon*, *Evergetes II*, fratri longè dissimillimus. Frater enim, ut ait *Polybius in Exc. Peir. p. 195.* maximâ laude & gloriâ dignus, neminem amicorum ullam ob causam occidit; imò ne civem quendam *Alexandrinum*. Et cùm ab hoc *Physcone* *Alexandriâ* pulsus esse videretur, ulciscendi occasionem nactus, omnem ei culpam condonavit. Iterum perfidum captumq; tantùm abfuit, ut supplicio afficeret, quasi hostem; ut præter munera, quæ ipsi ex pactione debebat, alia rursus adjiceret; suamq; ei filiam collocaturam promitteret. At hic, omnium sævissimus ea commisit, quæ qui legit, non potest non admirari, divinum illud *Polybii lib. I. c. 82:* Ita naturâ comparatum esse, ut non solum corpora hominum; aliquando efferentur; & omnem humanæ speciei similitudinem amittant; sed multò magis hoc ipsum animis interdum eveniat.

Ipso illo tempore, quo ex solemni *Ægyptiorum* more, apud urbem *Memphim*, in palatio inaugurabatur, & natalitia filii celebrabat; *Cyrenæos* quosdam interfici jussit. Quod paulò liberius ob *Irenem*, pelli-

cem, ipsum objurgassent. *Diod. Sicul. in Exc. Peir. p. 355. & apud Georg. Syncellum, cujus fragmentum exhibet Scalig. in Euseb. Græc. p. 54.* Multos calumniatus, tanquam salutis suæ insidiosos, crudelibus suppliciis extinxit; alios, varias commentus causas, in exilium misit, ademptis facultatibus. *Diod. ibid. p. 351. Die nuptiarum, quas cum Cleopatrá, sorore suá, celebravit, filium ejusdem, nepotem suum ex fratre, inter apparatus epularum, & solemnia religionum, in complexu matris interfecit. Just. lib. XXXVIII. c. 8. §. 4. Militibus omnem in omnes licentiam dedit, ut multi patriam relinquerent. ibid. §. 6. Validissimos è plebe legit ad militiam, ac dein occidit. Spartianus in Caracall. p. 87. Frequens juventute gymnasium armis & igne circumdedit, omnesq; qui in eo erant, partim ferro, partim flammâ necavit. Val. Max. lib. IV. c. 2. ex. 5. ext. Hinc omnibus invisus, incensâ regiâ clàm Alexandriâ in Cyprum profugit, cùm regnasset annos 14. Diod. Sic. in Exc. Peir. p. 350. Quod si verum est, factum id exitu anni 3820. Orosius lib. V. c. 10. refert ad annum V. C. 623. quo Consulatum gesserunt, C. Claudius Pulcher, & Perpenna; qui annus respondet A. M. 3820, ut Calvisius censet. Nec ab Orosio dissentit Epitoma Liviana 59.*

Paulò post longè immaniora patrat idem truculentissimus tyrannus; non solum filium natu maximum (ne contra se Rex creari posset) interficit, sed & cùm statuæ ipsius, à populo detractæ essent, id Cleopatrá, sororis studio factum ratus, filium (quem ex eâ susceperat) ipso illo tempore, quo Rex creatus est,

in conspectu suo iussit interimi; protinusq; caput ejus
& pedes precisos, & manus, in cistâ & chlamyde oper-
tas, pro munere natalitio, matri misit. Val. Max. l. d.
Just. lib. XXXVIII. c. 9. §. 13. Epit. Liv. LIX. Diod. Si-
cul. in Exc. Peir. p. 375. Quibus facinoribus, multitu-
dinis in eum furor exarsit, & pleriq; non Evergetam,
sed Cacergetam, nuncupârunt. Athen. lib. IV. p. 185.

Horrendum etiam est, quod de eo refert Jose-
phus lib. II. contra Appionem, omnes Judæos, in Alex-
andrinâ civitate, cum filiis & uxoribus, nudos atque
vinctos, elephantis subjecisse; ac bestias inebriâsse, ut
conculcati miserrimè interirent: Sed Deo sic guber-
nante factum, ut elephantis irruentes in amicos Regis,
multos ex iis interimerent. Hoc Auctor Excerpt. ap.
Scal. p. 376, per errorem, de Ptolemæo Philopatore scri-
bit. Denique nihil quicquam melius egit, quàm quòd
agere & vivere desiit A. M. 3834, vel A. M. 3835. At
Manutius in Quæstis per Epist. mortem ejus ponit vel
in A. M. 3829, vel seq. quo Romæ Coss. fuerunt
Publ. Manilius, C. Papirius Carbo. Uxor Cleopatra,
ut dixi, illa ipsa, quæ soror & conjux Ptolemæi Philo-
metoris. Ita sororem unam in matrimonio habuerunt
duo fratres:

= = Sæva Thebarum lues

Num posuit aliud, atque inextricabile?

Amitam parentem liberi cient suam,

Nomenq; fratres parvulum ferunt;

Mater suorum Cleopatra est nepotium.

Qui ex hac & Ptolemæo Physcone nati sunt, succes-
serunt in regno. Ac primus quidem PTOLEMÆUS

P ij

SOTER

SOTER dicitur *Porphyrio* & *Ptolemaeo* in Canone. Lathurum vocant, *prologus Trogi* 39. *Ioseph. lib. XIII. c. 18. & 20. Strab. lib. XVII. p. 795.* Reperio & nummum apud *Golzium*, sic inscriptum: ΠΤΟΛΕΜΑΙΟΥ ΛΑΘΕΡΟΥ ΒΑΣΙΛΕΩΣ. Quamobrem ut alii, sic & ipse trium nominum fuit, appellatus *Ptolemæus Soter Lathurus*. Sed *Eusebius* eundem quoque *Physconem* dictum asserit *n. 1901.* Quod ipsum quoque dicunt *Exc. Gr. Scal. p. 56. & alia p. 376. Manutius* suprâ citato loco *p. 113.* *Eusebium* erroris arguit, sed cui ægrè accesserim. Nam & *Porphyrius*, cuius fragmentum habemus apud eundem *Scal. p. 226.* Πτολεμαῖος ὁ Φύσκων, inquit, ὁ καὶ Σωτὴρ. Credere malim, hunc quoque patris sui tulisse nomen; sed indubiè per tot nomina factum est, ut multis difficultatibus implicaretur hæc historia; quasi *Evergetes II.* minimè *Physcon* dictus sit. Planè id cognomen, in illius mentione omittit *Eusebius*, cum *Porphyrio*: Sed quod facilè refelli potest è nummo, in quo lego: ΠΤΟΛΕΜΑΙΟΥ ΦΥΣΚΟΝΟΣ ΕΥΕΡΓΕΤΟΥ ΒΑΣΙΛΕΩΣ. Imò *Eusebius*, in priore libro, & *Auctor Exc. ap. Scal. p. 377.* eò usque profecti sunt, ut scriberent, *Ptolemæum* hunc *Evergetis II.* filium, *Physconem* dictum, ἀπὸ τὸν ὄγκον τῆς σώματος, id est, à distento aqualiculo: hoc de patre verum est. *Iust. lib. XXXVIII. c. 8. §. 9.* Erat sagina ventris, non homini, sed beluæ similis. *Diodor. Sicul. in Exc. Peir. p. 361:* *Ptolemæus* ob deformem corporis habitum (unde & *Physcon* cognominatus est) cunctis erat invisus. Loqui de patre, fragmentum antecedens, & sequens satis indicat, quorum alterum de

de *Viriatho* pertinet ad A. M. 3810. alterum de *Marco Emilio Lepido Porcinâ Cos.* ad A. M. 3813. An & filius Soter fuit ventriosus? dubito, & ferè inclino bibisse hîc Eusebium de flumine Lethes. *Scal. ad Euseb. n. 1902.* parùm diligens hic fuit. Verùm, quod ajunt, illũ, quem Eusebius *Ptolemæum Physconem* appellat, à *Tertulliano* & *Epiphanio* dici Soterem; sed fallitur, quòd eundem Evergetem dici putat, in nummo: Hic enim ad patrem referendus est.

Sed quid tantùm de *Ptolemæo Sotere Lathuro* Historici? *Ptolemæus Evergetes*, qui & *Physcon*, uxori *Cleopatæ* regnum reliquerat, hâc conditione; ut in regni consortium è filiis adscisceret, quem vellet: Sed illa pronior in juniorem, *Ptolemæum Alexandrum*, à populo compellitur, majorem, *Ptolemæum Soterem Lathurum* eligere. *Just. lib. XXXIX. c. 3. §. 2.* Junior regnum *Cypri* accepit, quod è *Porphyrio* colligo. Is Scriptor (licet corruptus alicubi, & lacunofus) varia tamen nos docet; & *Lathurum* quidem decimo anno regni propter crudelitatem ejectum in *Cyprum* (quam frater obtinebat) abiisse: Quod ferè legitur & apud *Just. l. d. c. 4. §. 1.* *Scaliger ad Euseb. n. 1918*, vult, hujusdem exilii meminisse *Epitomatorem Livii lib. LIV*; qui maximi Viri maximus lapsus est: Loquitur enim ibi Epitomator de *Evergete II*, non de *Lathuro*. Hunc ipsum crudelissimum fuisse, & patri quàm similem, declarat factum in *Judæos* apud *Joseph. lib. XIII. c. 21.* quod ipsum in *Synopsi Majore* refert *Besoldus*. Idem *Valesius* retulit inter fragmenta *Nicol. Damasceni* pag. 504: Mandavit enim militibus, ut *Judæorum* parvu-

los cum uxoribus promiscuè jugulatos, ac membratim concisos, in fervidos lebetes conjicerent; ut ceteris major metus incuteretur. Quæ morum similitudo & ipsa Scriptoribus ansam præbuisse dicitur, ut Evergetæ & Soteris historias confunderent.

Cæterum si verum nos docuit Porphyrius, pulsus est à matre Ptolemæus Soter Lathurus A. M. 3844, vel sequenti; quod Calvisius Eusebium secutus, rejicit in A. M. 3851. Sed ut ex eodem *Porphyrio* manifestum est, ex interruptis per exilium annis, fecit *Eusebius* continuos. Ptolemæus enim Lathurus usque ad exilium, regnavit annos 10. Et post reditum, qui serò contigit, annos 7, menses 6.

Res clarior fiet ex sequentibus: Pulso in exilium *Lathuro*, accersitus ejus frater natus minor, Ptolemæus *Alexander*, *Just. lib. XXXIX. c. 4. §. 2. Porphy. l. d.* è quo initium ejus habemus A. M. 3844, sed quot annis regnavit, donec rediret frater? octodecim, inquit Porphyrius, cujus verba sunt: *Octodecim totos annos regnavit ab eo tempore, quo venit Alexandriam; nihilominus, in Era 26. ipsi tributum sunt.* Nam hîc obiter ex eodem Porphyrio sciendum est, cum à matre vocatus esset ad regnum, vindicasse sibi tres annos, ob regnum Cypri; quod secundo vel tertio, post obitum patris, anno acceperat. Hinc *primum* dixit octavum; & *decimum octavum* vigesimum sextum. Sed hîc dissentit *Euseb. Gr. & Lat.* quamvis nec sibi ipsi concors: *Latinus* enim n. 1918. assignat decem annos, *Græcus* p. 56. quindecim. Quòd si Porphyrium sequimur, Ptolemæus Alexander regnare desit

defiit A. M. 3862. Calvisius pænè hîc consentit; vult enim Ptolemæum Alexandrum fugatum A. M. 3861. Causa hæc fuit: Cùm *matrem* suam Cleopatram occidisset (quod refert *Iust. lib. XXXIX. c. 5. §. 5.*) favor publicus inclinare cœpit. Accessit bellum cum militibus *Ægyptiis*; sed qui commissâ pugnâ navali fugêre, illum compulerunt in urbem Lyciæ, *Myram*: Hinc in veterem Cypri angulum sese recepit, & paulò post, bello petitus, à *Navarcho Chæreâ* interimitur, *Porphyr. & Euseb. Gr. p. 56.* Ita rediit Ptolemæus Soter *Lathurus*, qui post hæc obtinuit Ægyptum, per annos 7. menses 6; sed quos exilium interrupit. Hoc neque Eusebius, neque Calvisius attendere voluit: Ptolemæus in Canone tribuit 36. annos, ut qui computat ab anno, quo Ptolemæus Evergetes II. mortuus est, usque ad obitum Lathuri. Certum igitur secundum Porphyrium, Lathurum decessisse circa A. M. 3870.

Hîc jam oritur non exiguus labor, ut sciamus, quis Ptolemæo Lathuro successerit? *Besoldus* noster substituit PTOLEMÆUM AILETEM; quod in illo mirari non debemus, cùm peritiores historiarum, hîc multa fugerint: Nec enim vel Scaliger, vel Calvisius, historiam hîc valde turbatam, limpidiorem reddere potuerunt. Ne plus æquo diffundar, decimus Ægyptiorum Rex PTOLEMÆUS ALEXANDER, Ptolemæi Alexandri filius, Ptolemæi Evergetæ II. nepos, constituendus mihi videtur: Ei regnum datum hæc lege, ut Cleopatram, Ptolemæi Lathuri filiam, duceret; eaq; simul in paterno solio confideret.

fideret. Sic docemur à Porphyrio, cùm ait: *Hæc* (scil. Cleopatra, filia Ptolemæi Soteris) *post mortem parentis, rerum potita est. Neque Chronologi Alexandro, regnanti cum illa dies 19, tribuunt dies totidem. Erat hic filius Ptolemæi Alexandri; qui è duobus fratribus natus major, progenitor Cleopatræ* (hæc duo vocabula, ut suspicor, nihili sunt; *cujus enim Cleopatræ progenitor hic sit? an postrema?* Atqui ea filia Ptolemæi Dionysii, ut Porphyrius mox subjicit) *& Romæ commorabatur. At cùm in Ægypto nemo virilis sexus regnaret, revocatus venit Alexandriam; & uxorem ducens modo nominatam Cleopatram* (Lathuri filiam) *eandem, à qua potestatem acceperat, elapsis 19. diebus, interficit. Sed & ipse militibus in Gymnasio propter istam cadem comprehensus, occiditur. Nec minorem operam hîc affert Appianus, lib. I. Civil. cùm scribit: Syllam Alexandrum, Alexandri Ægyptiorum Regis filium in Co enutritum, & ab insularis Mithridati traditum: Postremò ab illo ad se fugientem, in amicitiam recepisse; atque ex decreto Alexandrinis præesse voluisse, quòd regnum masculus non obtineret; sed cùm per 19. dies præfuisset, in Gymnasium, ex regiâ delatum, ibi occisum esse.*

Igitur è binis istis Scriptoribus historia suppleri hunc in modum potest: Mortuo Lathuro, regnum accepit CLEOPATRA, ejus filia; sed statim missus Româ PTOLEMÆUS ALEXANDER, qui non nisi 19. dierum Rex fuit. Idemque tempus initium est novi Regis, qui nunc quærendus. Dico fuisse PTOLEMÆUM ALEXANDRUM PHILADEL-

DELPHUM, superioris Alexandri fratrem, Alexandri filium, Ptolemæi Evergetis II. nepotem. Hoc è *prologo Trogi 39.* satis apertum est, cujus hæc verba sunt: *Post Lathurum filius Alexandri regnavit; expulsoq; eo, subvectus Ptolemæus Nothus.* Omittit enim Alexandrum 19. dierum Regem. Nam de ipso non loqui, animadvertitur ex *duobus* indiciis: *Primò* ante Ptolemæum Nothum collocat; *dein* ait expulsum. Utrumq; de *Alexandro priore*, Cleopatraz marito, & Alexandri filio falsum; de hoc *Alexandro posteriore* verum, ut sequentia declarabunt magis.

Initium ejus *Appianus* ponit in A. V. 672, quo Consulatum gessere *M. Tullius Decula*, *Cn. Cornelius Dolabella*; sed hic annus secundum *Calvisium* 3869. Quæ, & alia me movent, ut credam *Calvisium* parum feliciter contulisse annos mundi & urbis; & alicubi comisisse metachronismum anni unius: Unde nec exactam in præsentiarum chronologiam secundum annos mundi, & Urbis hîc dare possumus; nisi velimus rem omnem chronologicam excutere, & annos à certo & indubitato initio perducere; quod nimis longum futurum sit. Nihilominus ad *Calvisii* Chronicon, velut receptius & imposteriorum referemus, non Romana, & *Ærâ Christianâ* vetustiora; eritque, quem indicaverimus, si non ille ipse annus, saltem proximus. Sed hæc obiter. Nunc ad Ptolemæum istum, quem Alexandrum cognominavimus, è *Ciceronis Agraria II. cap. 16.* Philadelphum è *Porphyrio*; nam is *pag. 226.* ante *Ptolemæum Dionysium*, & post *Alexandri* mentionem statuit *Ptolemæum Philadel-*

phum; eique assignat annos complures, ut non possit esse alius, quàm hic. Nam quoniam ex *Appiano* liquet, ad regnum pervenisse, *Deculâ & Dolabellâ* Coss. vel certè sub initium secundi Consulatus *Syllæ & Metelli Pii*; concludimus è *Cicerone*, per 16. annos fuisse Regem. Pulsus ab *Alexandrinis*, *Romanorum* auxilium imploravit; & hâc occasione usus, *C. Jul. Caesar* tum *Ædilis*, per partem tribunorum tentavit; ut sibi *Ægyptus* provincia plebis citò daretur. *Suet. in Cæs. c. 11.* sed *Ædilem* fuisse *Cæsarem*, *Cotta & Torquato* Consule, hoc est, A. V. 688 (quem *Calvisius* respondere vult A. M. 3885.) nemo *Romanorum* Annalium peritus, dubitat.

Idem Rex ante *Ciceronem & Antonium* Coss. hoc est, ante A. V. 690. regnum suum legavit populo Romano, ut è dicta *Agrar. c. 16.* constat. Obiit igitur A. V. 689, qui est A. M. secundùm *Calvisium* 3886. Quis huic successerit, non potuit exputare *Manutius*. *Cicero* de hoc scribit loco dicto: *Eum* regio genere non esse, inter omnes ferè video convenire. Hæc de *Aulete* capit *Manutius*. At *Auletem* regii generis esse voluit, in eâ *pro Domo* cap. 8: *Cùm* lege nefariâ *Ptolemæum* Regem *Cypri*, fratrem Regis *Alexandrini*, eodem jure regnantem, causâ incognitâ publicâsses; populumq; *Romanum* scelere obligâsses: *Cùm* in ejus regnum, bona, fortunas, latrocinium hujus imperii immisisses; cujus cum patre, avo, majoribus, societas nobis & amicitia fuisset. Loquitur hîc *Cicero* de duobus, *Ptolemæo* *Cypri* Rege, ad quem spoliandum lege *Clodiâ* missus *Cato*; & *Ptolemæo* *Aulete*, quem

quem *Regem Alexandrinum* vocat. Adde *Cic. enn-*
dem in eâ pro Sextio, cap. 22. Respondet ad hæc *Ma-*
nutius, oratorium esse, diversè de eodem loqui; aliud
alio tempore sentire, si causam postulet. Quod qui-
dem hoc in loco *Gallicâ nive frigidius* mihi videtur:
Id ostenderem pluribus, sed properandum est.

Malim ergò *Ciceronem Agrar. II. c. 16.* (ubi ne-
gat, Ptolemæum, qui post Alexandrum Ægyptum
tenuerit, genere regio fuisse) interpretari de PTO-
LEMÆO NOTHO, cuius *Trogi prologus* suprâ me-
minit. Huc ipsum cognomen nos ducit, huc series;
quam nobis, ut è Trogo sciremus, *Auctori prologo-*
rum debemus; cùm *Justini Epitomator* sileat. De
hoc ipso *Strabo lib. XVII. pag. 497: Aureum al-*
veum, in quo Alexandri corpus à Ptolemæo Lagi con-
ditum erat, Ptolemæus cognomento Coccus & Suppo-
sitius rapuit; è Syria eò profectus, statimque dejectus
nullam è prædâ utilitatem percepit. Idem *Cybiosac-*
tes dictus, ab Alexandrinis, ut putat *Casaubonus Ca-*
stigat. ad dict. Strabonis locum. Sed eam assertionem
nullo modo admittendâ reor: Coccus enim ille, vel
ut *Berneggerus* vult, *Coccyx*; Rex Ægypti fuit, ante
Ptolemæum Auletem; ut nos *Trogus* docet. At
Seleucus Cybiosactes à Ptolemæi Auletis filiâ,
è Syria accersitus est, pulso patre, ut *Strabo refert l. d.*
p. 796. *Porphyrius*, nihil de Notho, quòd velut extra
familiam regiam haud nominandum censeret.

Atqui hi sunt illi tres Reges, quos multi igno-
rârunt, vel inter se confuderunt: *Besoldus* in *Synopsi*
maiore, quam conscripserat, cùm jam plura didi-
cisset,

cisset, post mortem Ptolemæi Alexandri, Lathuri fratres, agnovit *Alexandrum unum*; hunc ait à Sulla restitutum, & paucos intra dies interfectum. De hoc eodem capit *Justin. lib. XXXIX. c. 5. §. 1.* ubi ait: *Alexandrum concursu populi in exilium actum.* De hoc *Cic. in Agrar. contra Rullum.* Nescio, quid sit hallucinari, confundere omnia, & tandem monstrare parere; si hoc non est: *Qui à Sullâ restitutus est, & paulo post extinctus*, quomodo potest idem esse cum illo, cujus *Cicero* meminit; cū Agrariam suam tot annis habuerit post. *Just. autem l. d. non de Alexandro filio, à Sulla restituto, loquitur; sed Alexandro patre, quo pulso Ptolemæus Lathurus regnum recuperavit.*

Porro Ptolemæo Notho sublato, regnum adeptus est PTOLEMÆUS AULETES, qui & Dionysius, Ptolemæi Soteris filius, Cleopatraræ frater, quem Ptolemæus Alexander patruelis interfecit; & rursus interfectus est, ut docet *Porphyrus*; cui subscribit *Prologus Trogi 40.* Huic Ptolemæo 6000. talentorum abstulit Cæsar, *Suet. in Cæs. Jul. c. 54.* Nimirum grandi pecuniâ *Romanorum societas* huic emenda fuit, quòd vereretur, ne sibi testamento Regis Alexandri Ægyptum adimerent. Pulsus enim, secundum *Calvisium, A. M. 3893.* & filia interim (donec reduceretur) regnum administrârunt, quarum tres habuit; *Cleopatram, Tryphanam, & Berenicen*, ut scribit *Porphyrus: Berenice* (inquit *ibid.*) *adsciivit sibi viros quosdam familiae suæ, qui secum regnarent.* Ex his nominat *Strabo lib. XVII. p. 796.* *Cybiosactem*, Syriacorum Regum stirpe oriundum. *Seleucus est, Dion. lib.*

lib. XXXIX. cap. 117. Cybiosactem autem Ægyptii dixisse videntur *Casaubono*, quòd esset sordidus, & αἰχρονέδης, ex omni re lucrum captans, ὡς γὰρ τὸ σατῆιν τὰ κύβια. *Cybius* (ut *Plinius* docet) genus fuit *salsamenti*; σατῆιν, autem propriè significat, *onus jumento imponere*; ut faciunt mercium vectores, & camelitæ. Certè ob sordes *Seleucus* iste, jussu *Berenices*, intra paucos dies strangulatus est; ut ait *Strabo*. Et *Vespasianum*, cùm esset sordidè avarus, *Cybiosactem* appellârunt, à cognomine ejusdem *Reguli*. *Suet. in Vesp. c. 19.*

In hujus *Seleuci Cybiosactis* locum assumptus est *ARCHELAUS*, *Archelai* filius. *Strabo* & *Diodotis* locis. At paulò post eductus, pater *Berenicem* cum *Archelao* interfecit. *Ibid.* & *Porphyr. ap. Scal.* Obiisse hunc *Auletem Ser. Sulpitio, M. Marcello Coss.* A. V. 702. (quem *Calvisius* respondere vult A. M. 3899.) docet *Manutius ex epist. Calii ad Ciceronem*. At secundùm *Porphyr. & Ptolemæum in Can.* regnavit annis 29, si ad regnum pervenisset A. M. 3870. Sed numerârunt isti à morte *Lathuri*, quali nec *Cleopatra*, nec duorum *Alexandrorum*, nec *Ptolemæi Nothi*, ratio habenda sit; quòd regnum *Lathuri* filio deberetur.

Reliquit liberos, duos *Ptolemæos*, *Cleopatram*, & *Berenicem*; sed alterum *Ptolemæum*, & *Cleopatram*, natu majores post se regnare voluit. *Porphyr. & Strabo d. l.* Simul itaque regnum tenuerant *PTOLEMÆUS & CLEOPATRA* per quatuor annos; mansissetq; hoc consortium, nisi *Ptolemæum*, violantem patris præcepta, & omnem potestatem soli sibi vindicare

vindicare volentem; *Pompejum* præterea *Magnum* de domo suâ benè meritissimum nefariè occidentem fata egissent in perniciem suam: *Vitellius* enim navali prælio à *Jul. Cæsare*, periit in aquis. Hoc Romani Scriptores referunt ad A. V. 706, hoc est, secundum *Calvisium*, A. M. 3903. Cæsar regnum dedit *PTOLEMÆO JUNIORI* alteri, *Ptolemæi Auletis* filio, & *Cleopatrar*; sed infociabile regnum est. Quarto enim anno, hoc est, A. M. 3907, interfecto Cæsare, *Ptolemæus* insidiis *Cleopatrar* cadit; & ipsa sola rerum potitur, usque ad annum 3915, quo *M. Antonius*, mortuo *Lysaniâ*, *Chalcidos* Rege in *Syriâ*; *Cleopatrar* *Chalcidem*, & adjacentes locos dono dedit. Hic annus à quibusdam *Cleopatrar* primus dicitur, cum sit decimus sextus; & hoc ab tempore regnavit, usque ad A. M. 3920; quo victa cum *M. Antonio*, Triumviro, aspidis morsu periit. Historia omnibus notissima est, nec opus, ut diffundatur. Et cum hac familia *Ptolemæorum Macedonica*, cum ferè per tria secula *Ægyptum* possedisset, defecit; regnum verò ab *Augusto* in provincia formam redacta est. Tamen de horum *Ptolemæorum sanguine*, post 300. annos, orta videri voluit *Zenobia*. Trebell. in *Zenobiâ* p. 198. & in *Herennio* p. 197. Qui de Regibus *Ægyptiorum* nugæ audire volet, quamvis ubique reperturus sit, tamen adeat *Epiphanium*, & jungat *Entychium*, & *Batricidem* apud *Seldenum* lib. de Success. in Pontif. Hebr. c. 7.

CAPUT XII.

Asia Reges *Antigonus* & *Demetrius Poliorcetes*.

cetes. *Utriusque infelix exitus.* Asia post-
hac sub Syris & Pergamenis. Regum Per-
gamenorum successio, & res memoria digna.

Faciunt partem Monarchiæ Macedoniæ re-
gnum Asiaticum, ut *quatuor alas* nobis expli-
cent *apud Danielelem*; quam explicationem con-
siderabimus alio die. Nunc de iis, quos Besoldus me-
morat. ANTIGONUS, Philippi filius, per *Tenarum*,
non minus, ut Philippus & Alexander, Reges, ab
Hercule oriundus, Alexandro mortuo, & divisione
provinciarum factâ, cum Pamphyliâ & Lyciâ, Phry-
giam minorem obtinere iussus est. *Curt. lib. X. c. 10.*
§. 2. Dexippus apud Scalig. p. 48. Adde Just. lib. XIII.
c. 4. §. 14. & 15. Ex emendatione Bongarsii Diodor.
Sic. lib. XVIII. c. 2. Appian. in Syriacis. Sed postea
toti ferè Asiæ imperavit. Exc. Gr. Scal. p. 374. Euseb.
Gr. lib. priore pag. 52. Lat. lib. posteriore n. 1697. Bel-
lum cum Eumene describunt Justinus lib. XIV. c. 1. 2.
& 3. Cor. Nepos & Plut. in Eumene. Diod. Sic. lib. XIX.
Bellum cum Cassandro, Ptolemæo Lysimacho, & Se-
leuco Just. lib. XV. c. 1. 2. & 4. Plut. in Demetrio. Cle-
mentiam ejus deprædicat Senec. lib. III. de Irâ cap. 22.
Regni annos tribuunt 18.

Occiso in prælio (quod factum A. M. 3642.)
Demetrius Poliorcetes, ejus filius (qui adhuc vivo pæ-
tre, post ingentem victoriam navalem, de Ptolemæo
Lagi reportatam A. M. 3644. diadema sumserat) in
Græciam festinabundus accedit; navibusq; receptis
ab Atheniensibus in *Chersonesum* navigat, *Lysimachi*
ditiones vastat; & sese ex clade recolligit. Biennio
post,

post, hoc est, A. M. 3651. ipsas *Athenas obsessas*, ad deditionem cogit; victoriâ tamen moderatè usus, tantùm *Piræum* & *Munychia* præfidiis munit; urbem ipsam frumento donat. *Alexandrum*, Macedoniæ Regem, Cassandri filium, insidiantem sibi, occupat, & trucidat A. M. 3657. Meminit hujus cædis *Dexippus*, apud *Scal.* p. 48. Atque hoc anno simul Macedoniæ regno potitus est. Sed inter hæc magnam partem Asiaticarum provinciarum ipsi extorserat *Seleucus Nicator*; quas ut recuperaret, ingentem exercitum peditum centum millium, equitum duodecim, & classem quingentarum navium extraxit. Igitur contra illum tantis viribus instructum, societatem inierunt *Seleucus*, *Ptolemæus Lagi*, *Lysimachus* & *Pyrrhus*; cum quo tamen *Demetrius* recens fœdus percusserat: Sic *Pyrrhus Macedoniam*, alii alia loca capere cœperunt. Denique ipse exercitus ad *Pyrrhum*, seditione excitatâ, transfugit. Hinc *Demetrius*, depositâ purpurâ, privatus è castris aufugit; & *Pyrrho* relicta *Macedoniâ*, in *Asiam* se contulit. Ubi multis *Lysimachi* urbibus expugnatis, à *Selenco* bello iterum petitur; desertusque à militibus deditionem facit A. M. 3666. *Seleucus* deditum tribus annis in peninsulâ, quamvis liberaliter, habuit; quibus elapsis mœrore animi extinguitur. *Asiæ Rex* fuit per annos 17. *Macedonum* per annos 6. ut ait *Dexippus*. Consentit *Enseb.* Lat. in utroque; dissentit *Græc.* in annis regni Asiatici; quos saltem 10. tribuit.

Everso *Demetrio*, penes *Seleucidas* & Reges *Pergamēnos* *Asiæ* imperium fuit: Hinc *Antiochus Soter*,

Soter, Antiochus Deus, & successores ipsius, usque ad Antiochum Cyzicenum, appellati Συείας καὶ Ἀσίας βασιλεῖς. Consulendum opus Eusebianum; sed de his Regibus jam supra diximus. Rex Pergamenus, in Asiâ Phrygiam, Mysiam, Æolidem, Joniam, Cariam, Doridem, Lydiam, Lycaoniam, & Pisidiam, possidebat.

Regni hujus conditor PHILETÆRUS TIANUS EUNUCHUS, frater Attali & Eumenis, præfectus thesaurorum Lyfimachi, Regis Thraciæ; à quo defecit A. M. 3669. *Pausanias in Atticis p. 13. & 18. Strabo lib. XIII. p. 629. Golzius in Thes. num. 246, nummum ejus sic inscriptum refert: ΦΙΛΕΤΑΙΡΟΥ ΒΑΣΙΛΕΩΣ, quod adversum est Straboni; qui Attalum, Philetæri nepotem à fratre Attalo, primum Regem salutatum scribit l. d. p. 624. Scal. lib. III. Can. Isag. p. 321. testis est, in numismate Farnesii Cardinalis, Philetærum diadema non habere, sed coronam frondeam; ut vel hinc Regis nomen adsciscere noluisse videtur possit. Refert ibidem mendacissimum istud distichon Daphida:*

Πορφυρέοι μάλωπες Σπυρρίνηματα Γάζης
Λυσιμάχῃ Λυδῶν ἀρχετε καὶ Φρυγίας.

*Vibices ô purpureæ, ramenta que Gazæ
Lyfimachi Lydos cum Phrygibus regite.*

*Vibices vocat Philetæri posteros, id est, mancipia. Quod Eunuchus, & servili conditioni proximus, Pergamenæ Gazæ custos ab hero Lyfimacho impositus fuit; ramenta Gazæ, quòd divitiis ad illos transmis-
sis, Lydiæ & Phrygiæ imperium occupârint. Te-*

Q

nuit

nuit autem Philetærus castellum suum per annos 20. *Strabo l. d:* Successit A.M. 3689. EUMENES Philetæri nepos è fratre Eumene; & regnavit annis 22. *Justinus lib. XXVII. c. 3. §. 1.* Bithyniæ Regem appellat magno errore, ut censet *Valesius ad Polyb. Exc. Peir. p. 19.* Errat & *Diog. Laërtius in Archésilao*, qui Philæteri filium facit; quod notavit *Reinesius lib. III. Variarum, c. 7.* ubi varias Suidæ hallucinationes in hac Regum Pergamenorum historiâ, detegit. Mortuus ex ebrietate, *Athen. lib. X. p. 445.* Ubi *Dalechampius* per oscitantiam *Attali nepotem è fratre* vertit, cùm in Græco sit, Φιλεταίρῃς. Hæredem habuit Attalum, Attali & Antiochidis filium, Eumenis fratrem patruelem, & Philæteri, è fratre nepotem; quem primum Regem appellatum vult *Strabo supra citato loco*: Idq; factum post victoriam insignem de Gallis reportatam. Quod ipsum etiam scribunt *Polyb. in Exc. Peir. p. 103. & Liv. lib. XXXIII. c. 5.* Victoriam hanc refert *Calvisius* in A.M. 3712. Dictus ab hac victoriâ Γαλατοκτῶνς, ut est apud *Suidam* in Νίκανδρῳ. Pergamenis ipsis satis non fuit, Gallorum spolia, honestissimo urbis loco, suspendere; sed ut vivam spirantemque belli imaginem oculis etiam posteritatis subjiceret, prælium cum Gallis commissum pictoris arte & penicillo animatum, publicè proposuere. *Pausan. in Atticis.* Sed & *Plinius lib. XXXIV. Hist. Nat.* quatuor statuarios, *Isigenum, Pyromachum, Stratonicum, Antigonom* nominat; qui Attali & Eumenis, adversus Galatas prælia, arte & ingenio expresserint, Tanti fuit Gallos

Gallos vincere; nam gens maximè terribilis, ac bellicosissima tùm in Asiâ erat; ut ait Polyb. l. d. Ταγογηνς idem Rex dictus est, ab oraculo, quod refert idem Pausanias in Phocicis, p. 636. Rationem reddit Scalliger, quòd successerit Macedonibus, in quorum nummis sunt alii taurinis, alii arietinis cornibus. Hic idem Rex est, qui socius Romanorum bello Macedonico primo, contra Philippum. Florus lib. II. c. 7. Strabo l. d. Livius lib. XXVII. c. 24. Moritur C. Sempromio Cethego, Q. Minutio Ruffo Coss. A. V. 556, quem Calvisius putat respondere A. M. 3753. Ergò idem principium Philetæri non benè constituit in A. M. 3669. Debebat enim in A. M. 3667, quod satis manifestum est.

ATTALUS regnavit per annos 44. *Livius lib. XXXIII. c. 5. Polyb. in Exc. Peir. p. 102. quem qui cum Livio contulerit, facilè assentietur Valesio ad Exc. Peir. p. 18. ubi Livium Polybii simiam vocat. Et quamvis Strabo cum Exc. Gr. Scal. p. 336. saltem 43. annos tribuit, tamen prioris sententiæ est ipse Calvisius. Igitur regnare cœpit A. M. 3709, quo anno mortuus Eumenes: Hic Eumenes cùm regnarit annos 22. (ut est in Exc. Scal. p. 335, Strabo l. d.) utique initium ejus est in A. M. 3687. Hujus patruus Philetærus imperium obtinuit per annos 20, & defecit à Lysimacho A. M. 3667. Sic Calvisius commisit metrachonismū biennii. Et talium quàm multa sunt apud Chronologum istum; quæ omnia excutere, non est hujus loci, neque temporis.*

Uxor Attali, Apollonia Cyzicena quamvis plebeji

Qij

gene

generis, tamen ob summas virtutes regio fastigio non indigna (*Polyb. in Exc. Peir. p. 112.*) è quâ nati sunt *Eumenes II. Attalus II. Philetærus. Athenæus.* Succedit inter hos **EUMENES**, & regnat annis 39. *Exc. Gr. Scal. p. 337.* In *Strabone* numerus corruptus est, & pro "Ετη πέντε καὶ ἐννεα legendum est, τριάκοντα καὶ εἴνεια. Hic est, de quo *Polyb. in Exc. Peir. p. 167*: *Eumenes*, *Pergami Rex*, corpore infirmo, animo valido, nulli Regum ætatis suæ secundus, cum regnum paucis & tenuibus oppidulis coarctatum accepisset, amplissimis provinciis auxit; non tam casu, & fortunâ, quàm industriâ suâ. Strenuam operam Romanis tulerat in bello *Antiochico*, ut patet ex *Livii lib. XXXVII. c. 39. 41. & 43.* Hinc tantum terrarum acquisitum. Nam devicto *Antiocho*, Romani *Eumeni Chersonesum*, in *Europâ*, & *Lysimachiam*, castella, vices, agros adjecerunt: In *Asia Phrygiam* utramque, & *Mysiam* (quàm *Prusias Rex* ademerat) restituerunt: Et *Lycaoniam*, & *Myliada*, & *Lydiam*; & nominatim urbes, *Tralles* atque *Ephesum*, & *Thelemesium*. Idem *Livius lib. XXXVIII. cap. 39.* Moritur A. M. 3792.

Regnum accepit **ATTALUS II**, frater *Eumenis II*, *Attali I.* filius; regnat mortuo fratre annos 21. *Strabo d. l.* Per oscitantiam factum est, quod in *Exc. Gr. Scal. p. 337.* legimus: "Ευμένης Ἀττάλης ἀδελφός, ἑπὶ τρεῖς καὶ πέντε Περγὰμ βασιλεύει ἐπ' ἑτη κα. Hoc est: *Eumenes*, *Attali* frater, tutor *Pergami*, regnat annos 21. Scribo: Ἀττάλης ἑπὶ τρεῖς καὶ πέντε ἀδελφός, hoc est, *Attalus Eumenis* frater. Hoc volunt superiora, quibus Eume-

Eumenem hujus antecessorem fecit; non *Attalum*. Hoc dum *Scaliger* non animadvertit *lib. III. Can. Isag. p. 154*. Eumeni II. sufficit Eumenem, fratrem Attali, & tutorem. An cæcis cæcus dux fuit? *Just. lib. XXXVI. c. 4. §. 1.* quî Attalum III. successorem facit, Eumenis patrui? errat. *Justinus*, & contra mentem *Trogi*, hîc scripsit, ut patet ex *prologo 37.* ubi Attalus Philometoris Antecessor est. *Hic Attalus Alexandrum, Antiochi filium, juvit contra Seleucum; & Romanos, contra Pseudophilippum, & in Thraces expeditione factâ, Regem eorum Diegylin cepit, & Prusiam interfecit, substituto ei filio Nicomede.* Regnum cessit Attalo A. M. 3813. Ultimus igitur Rex, *Attalus III*, cognomento *Philometor*, frater Eumenis II. è *Stratonice*, *Ariarathis Cappadociæ Regis* filiâ; obiit regni anno quinto, hoc est, A. M. 3818. cùm populum Romanum regni sui hæredem fecisset. *Florus lib. II. c. 20. Livii Epit. 58. Vellejus lib. II. c. 4. Orosius lib. V. cap. 8. Strabol. d. Exc. Gr. Scal. p. 338.* Quod de eodem *Justinino* scribit, fuisse omnium sævissimum; confirmat *Diod. Sic. in Exc. Peir. p. 371*, ubi consulendus *Valesius*.

Supererat ARISTONICUS, Eumenis filius, è *pellice Ephesiâ*; qui cùm Asiæ regnum, velut hæreditarium invaderet, à *M. Perpenna* victus est. *Just. & Exc. Gr. l. d. Epitom. Livian. 59, & alii.*

CAPUT XIII.

Aridæi regnum sine causâ omissum. Reliquorum Regum catalogus ad Perseum, à Romanis debellatum, contexitur è Dexippo & Porphyrio.

P*rimum* Macedoniae Regem, post Alexandri mortem, tam in maiore quam minore Synopfi, omittit *Besoldus*, nescio quam ob causam. Is est **ARIDÆUS**, Philippi Regis & Philinae Thessalae saltatrix filius, Alexandri M. frater; sed ut Rex crearetur, patri magis & fratri datum est, quam ipsi: Fuit enim *mentis inops*, non minus tutoris indigens, quam Alexandri liberi; qui si adulti fuissent, ne regnum quidem Aridæo somniandum erat. Sunt, qui scribunt, pharmaco ab Olympiade propinato, dementatum fuisse. *Plut. in Alex.* Creatum nominarunt **PHILIPPUM** à patre. Regnum eius fuit pænè 7. annorum. Videndi *Curt. lib. X. c. 7. Diod. Sic. initio lib. XVIII. Just. lib. XIII. c. 3. Ptolemæus ap. Athenæum lib. XIII. p. 578. Seneca lib. IV. de Benef. cap. 31. Pausanias in Atticis p. 10. & 45. & lib. VIII. p. 466. Oros. lib. III. c. 23. Euseb. Lat. n. 1693. Exc. apud Scal. Latino barbara p. 58. Arrianus apud Photium Cod. XCII. Dexippus apud eundem Cod. LXXXII. & apud Scal. p. 48. Porphyry. apud eund. p. 228. & Exc. Gr. alia p. 372.* Constat inter istos, cum à Perdiccæ cæde reversus in *Macedoniam*, Olympiadem excludere conaretur; ab exercitu desertum, & Olympiadi deditum, ejusq; jussu immaniter excarnificatum esse. *Calvisius* rejicit hoc in A M. 3633.

Biennio post & ipsa Olympias interficitur à **CASSANDRO**, Antipatri filio, Jölai nepote; qui regnum Macedoniae sibi vendicavit. *Hic Alexandri M. domum prorsus extinxit*: Alexandrum enim, Alexandro M. natum è Rhoxane (Oxyathris, Bactria-

Bactrianorum Regis, filiâ) per Glauciam, & Herculem ejusdem filium, è Barsine Pharnabazo genita, per Polyperchontem sustulit. *Pausan. in Bæot. p. 553. Porphy. l. d. Just. lib. XV. c. 2. Diod. Sic. lib. XX. c. 20.* Odii hujus causa fuit, quòd Alexander ægrè ferens, barbaros à Cassandro risos, cùm ipsum adorarent; caput ejus utraque manu arreptum parieti illisisset. Ajunt *Cassandrum* diu post, cùm Macedoniâ & Ægypto potitus esset, *conspectâ Delphi Alexandri statuâ*, subito percussum, corpore toto contremuisse; eamque animi æstuationem vix sedari potuisse. *Nummus* ejus exstat apud *Goltzium in Thes. p. 246.* Regnum obtinuit per annos 19. moritur longo ac difficili morbo enecatus. A. M. 3653. sub initium anni.

Succedit filius è Thessalonice, Alexandri M. sorore natus, nomine PHILIPPUS. *Just. lib. XV. c. 4. §. 25.* Sedis paulò post *Elateie* (Phocidis ea urbs est) moritur. *Porphy. l. d. Pausan. in Bæot. d. p. 553.* Hunc omisit *Scal. lib. II. Can. Isag. p. 164.*

Philippum exceperunt duo fratres, ANTIPATER, quem nonnulli *Antigonum* vocant; & ALEXANDER, ex eâ Thessalonice nati: Sed quòd *mater in Alexandrum propensior* videretur, ab Antipatro interficitur. Hinc Alexander ulturus matris cædem, *Antipatrum* fugere coëgit ad Lyfimachum socerum; cujus jussu paulò post interficitur. Alexander *Lyfandram* ducit, Ptolemæi Lagi filiam; cui postea *Agathocles*, Lyfimachi filius, maritus fuit. Sed cùm Demetrio Poliorceti (quem in auxilium adversus fratrem Antipatrum evocarat) insidias strueret; ab ipso

præventus occiditur. *Dexipp. apud Scal. & Porphyrius apud eundem*; sed quî corrigendus est ex *Dexippo*? Legitur enim: πρὸς τε τὸν νεώτερον Πτολεμαῖον ἀδελφὸν εἰς συμμαχίαν ὑπικαλεῖται Δημήτριον, τὸν Ἀντιγόνου. Lege: Πρὸς τε Ἀντίπατρον τὸν νεώτερον ἀδελφόν. *Calvisius* hanc cædem conjicit in A. M. 3657. *Porphyrius* *Cassandri* filiis tribuit nonnisi 3. annos, 6. menses; & regnasse scribit ἀπὸ τοῦ τετάρτου ἔτους τῆς ἑκατοστῆς εἰκοστῆς. Hoc est, à quarto anno centesimæ vicesimæ (ita explendus hiatus ille, quem *Scaliger* reliquit) ἀρχὴ τοῦ τρίτου ἑκατοστῆς εἰκοστῆς πρώτης ὀλυμπιάδος. Usq; ad tertium Olympiadis 121. Quæ omnia cum *Calvisio* benè conveniunt.

Ita verò regnum Macedoniae tenuit DEMETRIUS POLIORCETES, Antigoni filius (de quo diximus in cap. super.) quod cùm per 6. annos tenuisset, Macedoniae regnum invadit PYRRHUS, Æaci filius, Rex Epirotarum, vicesimus primus ab Achille, Thetidis filio; quòd putaret, post Philippum, Alexandrum & Olympiadem (Pyrrho, Neoptolemi filio, genitam) regnum Macedoniae sibi deberi. *Dexippus & Porphy.* d. l. *Calvisius* Demetrium exutum scribit A. M. 3664. Hic est ille Pyrrhus, qui cum Romanis bellum gessit; cui oppositi duo clarissimi duces, C. Fabricius, C. F. C. N. Luscinius (ita scribendum est è tabulis Capitolinis, non Lucinius, ut eum vocat *Besoldus*) & M. Curius, M. F. M. N. Dentatus. Vide *Pighium* A. V. 472. & seqq.

Sed Pyrrhus nonnisi per 7. menses Macedoniae Rex fuit; & à LYSIMACHO, Agathoclis filio, Theffalo

Theſſalo è civitate Cranone, Macedoniâ ejicitur. *Porphyr. & Dexipp.* Quamobrem initium Lyſimachi ſtatuerem malim in A. M. 3665, quàm cum Calviſio in A. M. 3666. Macedonibus imperavit annos 5 menſes 6. Victus enim A. M. 3670 in campis Cori à Seleuco Nicatorè vitâ exiit. Ac ſtatim PTOLEMÆUS CERAUNUS, Ptolemæi Lagi & Eurydices, Antipatro natæ, filius, Seleucum benefactorem ſuum, & qui exulem ſuſceperat, interficit; & Macedonia regnum occupat, regnatq; annum unum, menſes quinque. Occubuit contra Gallos pugnans A. M. 3672. ſecundum *Dexippi & Porphyrii* ſententiam. Alii non niſi novem menſes regnaſſe volunt, quos Calviſius ſequitur; neſcio quàm benè.

Ptolemæum Ceraunum excipit MELIAGRUS, Ptolemæi Lagi frater; quem Macedones regno ſtatim privarunt, quòd regio ſaſtigio impar videretur. Nam poſt duos menſes ſuffectus eſt ANTIPATER, Caſſandri è ſorore nepos, Philippi filius. Hic cùm non niſi 45. diebus regnum tenuiſſet, velut parum idoneus gerendo bello adverſus Gallos, dejicitur à SOSTHENE, plebeji generis viro. Gallos hîc vicit, & Macedonum regno præfuit per duos annos. Tunc ἀναρχία fuit uſque ad Olympiad. 126. Hæc omnia *Porphyrus*.

Hujus ſententiam qui admittunt, ANTIGONUM GONATAM, Demetrii Poliorcetæ filium, Antigoni nepotem, Macedonum Regem factum aſſerat A. M. 3674. *Gonatas* hic appellatus, quia *Gonis* (Theſſaliæ urbs eſt) natus & educatus fuit; antequam

Macedoniæ imperaret, Vixit annos 83. Macedoniam rexit annis 44. Obiit igitur A. M. 3718. Ita quidem *Porphyrus*. Sed numerum corruptum esse, patet è sequentibus, dum ait, mortuum anno primo Olymp. 135. qui respondet A. M. 3711. in quo consentit *Calvisius*.

Succedit D E M E T R I U S, qui & universam Lybiam & Cyrenen accepit; regnumq; tenet annis 10. Reliquit filium Philippum è Chryseide captivâ, cui tutor à primoribus Macedoniæ datus A N T I G O N U S D O S O N; sic appellatus, quasi D A B O, quòd esset promissor quidem, at non effector pollicitorum. (*Plutarch. in Emil. Paulo.*) Thuscus prætereà dictus ab acuto capite, ut ait *Porphyrus*. Qui cùm utiliter publicæ præesset, effecit, ut Rex crearetur, ductâ Chryseide. *Cleomenem* Regem Lacedæmoniorum victum, Græciâ expulit; & adversus barbaros pugnans, cùm *vehementibus clamoribus in acie* usus esset, paucis pòst diebus *sanguinis profluvio* victor interit. *Polyb. lib. II. c. 70.* Tribuuntur illi à *Dexippo* anni 12. Sed à *Diodoro* (ut idem *Dexippus* ait) 9. à *Porphyrus* 12: Cùm annos 42. vitæ implevisset. Malim hîc *Diodorum* sequi: Cùm enim *Perseus* regnârit annis 10, *Philippus* 42, quod ipsi fatentur; & verò *Persei* annus ultimus sit à mundo condito 3782, necesse est *Antigonum* tutorem desisse A. M. 3730. Nam qui *Antigonum* præcessit ab A. M. 3711, regnavit annos 10, id est, vivere & regnare desit A. M. 3721. Quamobrem residui novem ab annis 3721. ad annum 3730. debentur *Antigono*. Fatetur prætereà *Porphyrus*, *Philippum* regnare cœpisse ab Olym-

Olympiad. 140. at hujus initium, juxta Calviliū, incidit in ipsum annum 3730.

Quod PHILIPPUM attinet, eximiā adolescens indole fuit. *Polyb. in Exc. Peir. p. 13. 14.* Dardanos vicit. *Just. lib. XXIX. c. 1. §. 10.* Bellum contra Ætolos suscepit, quod sociale dictum est, *Polyb. lib. IV. cap. 3. 25. & 26.* Demetrii Pharii hortatu, cum Annibale fœdus iniit. *Liv. lib. XXIII. c. 33. & Just. lib. XXIX. c. 2. §. 1.* Hinc bellum cum Romanis sibi attraxit, quod infeliciter gessit. *Florus lib. II. c. 7.* Quamvis & aliæ causæ accesserint. *Just. lib. XXX. c. 2. §. 8. & c. 30. §. 5.* Bello finem imposuit Titus Quintius Flaminius, & pacem Philippo dedit his conditionibus. Ut Græcæ civitates in Asiâ & Europâ suis legibus viverent: Philippus ex omnibus præsidia sua deduceret: Captivos transfugasq; redderet: Bellum extra Macedoniæ fines injussu Senatus ne gereret: Ne plusquàm quinque milia armatorum, neve elephantum ullum haberet &c. *Liv. lib. XXXIII. c. 16.* Titus Quintius triumphavit magnâ gloriâ A. V. 559. A. M. 3756. Posthæc Philippus à Romanorum partibus contra Antiochum stetit; & Athamanum regnum occupavit: Sed eo rursus exutus, implacabile contra Romanos odium concepit. Interim calumniis Persei eò adductus est, ut Demetrium, legitimum filium, veneno tolleret. *Just. lib. XXXII. c. 2. Polyb. in Exc. Legat. XLVI. c. 3. Liv. lib. XL. non procul ab initio. Pausan. in Corinthiacis p. 302.* Veritate rei & Persei scelere serò deprehenso, mœrore animi extinguitur A. M. 3772.

Succedit PERSÆUS, Philippo è concubinâ natus;

natus ; qui foedus à patre cum Romanis ictum, perfidiosè rupit, bellumq; suscepit eo eventu, ut Perseo victo, L. ÆMILIUS PAULUS totum Macedoniae regnum occuparet ; Regemq; catenis oneratum ante currum suum ageret, cum duobus filiis & unâ filiâ. Vide *Pighium in A. V. 596.* Hic regni Macedonici finis : Ipsi verò *Macedones suis legibus vivere iussi.* Quod tamen *beneficium* post annos 20. *ademptum illis* est, quoniam se cum *Andrisco* (qui *Persei filium* sese mentiebatur) conjunxerat.

De Regnis quibusdam celebrioribus sub Monarchiâ tertiâ.

REGNUM PARTHICUM.

CUM Macedones rerum in Oriente potirentur, *Parthicum* imperium condidit ARSACES ; quod in tantam potentiam excrevit, ut *inter illos & Romanos orbis divisus* diceretur. *Just. lib. XLI. c. 1. §. 1.* Caput omnium populorum, qui post Euphratem & Tygrim siti, rubro mari terminantur. *Curt. lib. VI. c. 2. §. 12.* Adde *Strab. lib. XI. p. 515.* Ut qui tam memorabilis potentiae regnum tacitum præterire velit, inexcusabilis videatur. Parthi, *Scytharum progenies*, temporibus Sesostridis & Jandusi, qui bellum inter se gessere, regionem illam occuparunt ; quam Parthiam vocamus. *Vales. ad Ammian. lib. XXXI. p. 419.* De nomine dissensus est : Alii *Parthos exules* esse volunt, linguâ Scythicâ. *Just. d. l. §. 2.* ibiq; *Bernegg.* Alii ab *Euphrate* dictos. *Morellus in Statium pag. 164.*

Arsaces

Arsaces Macedonicum jugum excussit, L. Maulio Vulsone, M. Attilio Regulo, Coss. *Just. lib. XLI. c. 4. §. 3.* Hoc est, A. M. 3694. Temporibus *Antiochi Dei*, ex hac causâ: *Teridates & Arsaces*, ambo fratres, Arfacis filii, Phriapeti nepotes, ab Artaxerxe, Persarum Rege, ducebant genus; ut ait *Georg. Monachus apud Scal. in Opere Euseb. Græci, libro priorre p. 54.*

Ipse Artaxerxes (intellige Mnemonem) Arfaces adhuc privatus appellatus est. *Ctesias apud Phot. Cod. LXXII.* At Orientalis historia (cujus gustum nobis dedit *Schickardus in Tarich p. 103.*) ortum ejus ad ultimum Darium: Nisi per illam lineam (è quâ *Schickardus* hoc colligit) successio potius, quàm stirps indicatur; quod aliis excutiendum relinquo. Nam uti *Parthicum* regnum successit Persico, sic *Arsaces Dario* tanquam successor, non tanquam stirpis ejusdem, per lineam conjungi potuit.

Quicquid sit, ex his fratribus *Teridates* graviter ferens, se ab *Agathocle* (*Arrianus apud Photium Cod. LVIII.* *Phericlem* appellat) Persiæ, sive Parthiæ Satrapâ, de stupro sollicitatum esse, rem fratri aperuit. *Arsaces*, illo & aliis quinq; assumtis, *Agathoclem*, facto impetu, obtruncat; & Parthos, pulsus Macedonicis, in libertatem asserit. Hoc initium fuit. Postea *Seleucum Callinicum* (qui *Antiocho Deo* successerat) devicit idem; & hunc diem Parthi solemnem observarunt. *Just. lib. XLI. c. 4. §. 10.* Hinc duplex epocha *Parthici imperii* notanda est: Prior ex defectione Parthorum, sub *Antiocho Deo*, consurgit; secunda ex victoriâ

victoriâ, de *Seleuco* reportatâ. Quod ubi factum est, Scriptores facilè conciliabis, quos primâ fronte adversos putes. *Suidas*, quem *Berneggerus* laudat, ad *Iustini d. c. §. 3.* corruptus est; nec hoc dicit, quod ille vult, si credimus emendanti *Volfio*: Loquitur enim non de annis regni *Persici* à *Cyro*, sed de annis *Macedonica* potestatis in *Persas*. *Ammianum* Marcellinum ab eodem citatum decepit similitudo cognominum *Nicanoris* & *Callinici*; è quibus alterum victorem, alterum pulchrè vincentem significat. Quod ipsum de *Tacito* suspicor. Nam cùm alicubi *Antiochum* quendam reperisset, DEUM EPIPHANEM dici (sic vocatus est *Alexandri Bala* filius, ut suprâ docui) idq; hæreret velut in confusâ mente, factum est, ut *Epiphanem* pro Deo nominaret. Hoc tamen minimè debebat facere: Nam ante illum *Antiochum*, qui *Magni* filius fuit, neminem *Epiphanis* nomen tulisse, satis manifestum est. Atque hæc de locis illis judico, quæ *Berneggerus* attulit; & *Scal. ad Euseb. n. 1769.* vero adversa esse, verè dixit.

Illud verò hætenus dicta de *Seleuco Callinico* convellere videri potest, quòd *Georg. Monachus* non nisi biennio regnasse scribit *Arsacem*: Quod si enim regnare cœpit A. M. 3694, usque ad regnum *Seleuci Callinici* non pervenit. Sed quando *Georgius* initium *Arbacis* ponit post illa: Συείας καὶ Ἀσίας δ' ἐβασιλεύσεν Ἀντίοχος, Ἐπικληθεὶς Καλίνικος, ὁ αὐτὸς καὶ Σέλευκος. Id est: *Syria & Asia* imperavit *Antiochus*, cognomento *Callinicus*, qui & *Seleucus* dictus est. Ita responsum in promptu est, *Georgium* de secundâ epochâ
expli.

explicandum ; statuendumq; biennio regnâsse post victum Seleucum Callinicum ; pro tempore maturâ quoque senectute decessisse (quod scribit *Iust. lib. XLI. c. 5. §. 5.*) credibile est.

Hîc verò præterire non possum *gravem hallucinationem Schickardi in Tarich p. 104, in loco Iustini, qui sic habet : Urbem quoque nomine Darâm, in monte Zapaortenon condit ; cujus loci ea conditio est, ut neque munitius quicquam esse, neque amenius possit. Darâm* codices sphalmatis, & librum suum præfert, qui tamen vitiosissimus fuit ; pro *Darâm* legendo *Claram* ; ut sit adjectivum. Nihil hîc dicam de vetustate librorum, qui *Darâm* constanter præferunt ; nihil de absurditate verborum : Urbem condit nomine *Claram*. Tàm enim manifestum est è τῶς nomine, secutam esse propriam appellationem urbis, ut nihil manifestius. An enim tantæ claritudinis urbs ea fuerit, ut, quamvis indefinite loqueretur Justinus, statim omnes recordarentur nominis ? nunquam hanc sententiam probabilem nobis reddiderit vir doctissimus. Nos vulgatam retinemus propter auctoritatem *Plinii lib. VI. cap. 16.* ubi de hoc ipso loco : à Caspiis Orientem versus regio est Zapauortene dicta, & in eâ fertilitatis incluta locus, Daricum dictus. Nihil refert, aliter hîc nomen terminari, cùm de priorè syllabâ certi simus. Scio *Bongarsio* quoque corruptam fuisse visam *Iustini* lectionem, sed fallebatur : *Daras* bonum est, & aliarum quoque civitatum Orientis nomen. *Evagrius lib. III. cap. 37 : Post hoc bellum Anastasius, Daras, locum quandam Mesopotamie, in finibus Romani imperii situm,*

tum, & utriusq³ ditionis velut limitem, ex agro fecit oppidum &c. Meminit & Procopius lib. I. Persic. & addit, hunc locum distare Nisibi stadia 97 ac Persarum finibus, octo & viginti. Cave igitur confundas cum Darâ Justinii, vel Darico Plinii; à quâ distat ista Mesopotamiæ gradibus ferè 23. Quod non animadvertisse Salmasium in Exercitationibus Plinianis p. 982. mirum quàm pueriliter exultat Petavius Miscellanearum Exercitationum 10.

Arsaci succedit frater TERIDATES, & regnavit annos 27, ut scribit Georgius Syncellus; dissentit Justinus, qui Arsaci dat successorem Arfacem filium: Sed Georgius, qui auctores primæ classis conpilavit; hîc quidē præferendus mihi videtur. Confirmat eum Orosius lib. V. c. 4. ubi Mithridatem, Priapatii filium, sextum facit ab Arsace I. Quod verum est, si recipimus Teridatem: Tunc enim sextus est, non quidem in successione stirpis, sed in successione regni. At si Justinum sequimur, neutro modo sextus dici potest; siue regni, siue stirpis successionem consideremus.

Post hos regnum Parthicum obtinuit PRIAPATIUS ARSACES. Idem Just. lib. XLI. c. 5. §. 8. Pampacium, è corruptissimo suo libro, vocat Schickardus, d. tract. p. 104. Nobis illud rectius videtur, quod proximè accedit ad Phriapetum; quo nomine appellatus est Arsacis primi avus; ut nos docet Arrianus. Priapatii tres filii, PHRAHATES ARSACES, MITHRIDATES ARSACES, ARTABANUS ARSACES. Phrahates regnavit post Priapatium. Just. d. l. §. 9. Hunc excipit frater Mithridates. ibid. quo

quo Rege fortuna Parthos ad summum imperii fastigium perduxit. *ibid. c. 6. §. 2. Agath. lib. II. c. 60.* Et hic potest esse ille *Gurdat* in libris Orientalium apud *Schickard. p. 104.* Qui & rectè observavit, ab hoc captum *Demetrium* Nicatorem.

Eo defuncto **PHRAHATES** filius Rex constituitur. *Idem lib. XLII. c. 1. §. 1.* Orientalibus est *Baadi*, *Schick. d. l.* Quo cæso **ARTABANIS** patruus regnum suscipit. *ibid. c. 2. §. 1. Prologus Trogi 41.* Vulneratus in prælio contra *Tocharios* moritur; quod factum *A. M. 3880. M. Crasso, Cn. Pompejo Magno Coss.* colligo ex *Phlegontis Olympicis* apud *Phot. Cod. XCVII.* ubi scribit: **SINATRUCES**, *Parthorum Rege*, extincto successisse *Phrahatem*, cognomento *Deum*, anno tertio *Olymp. 177.* Hic *Sinatruces* non alius nisi *Artabanus*; quia successor illi datur *Phrahates Deus*: At *Phrahates Deus* idem cum *Tigrane Deo*, apud *Auctorem dicti prologi 41.* Hunc prologum si conferimus cum *Justino*, dicemus eundem *Tigranem Deum* cum *Mithridate Magno*; quem *Artabano* patri successorem damus è *Justino*. Quemadmodum igitur *Syrorum* & *Ægyptiorum* Reges plura tulerunt nomina, sic & *Parthici*.

Quid, quòd *Memnon* apud *Photium Cod. CCXXIV. cap. 60.* expressè *Phrahatem* nominat hunc ipsum *Mithridatem*? Nec enim alium intelligere possumus per temporis rationem: Atque ita **MITHRIDATIS M.** simul habemus initium *A. M. 3880.* Hic *Mediam* & *Mesopotamiam* subegit, ut ait *prologus*. Tamen *Just. lib. XLI. c. 6. §. 6. 7.* *Medos* suba-

Etos scribit à Mithridate I, Priapatii filio. Mihi sic videtur, *rebellasse Medos sub Artabano*; cum Scythæ res Parthicas felicibus armis contrivissent. Nec enim *Tigranem illum Deum* apud prologum eundem cum *Mithridate I.* statuere possumus, quod *Artabano* successor datur. Est igitur, quod dixi, *Mithridates M.* hujusdem meminit & *Joseph. lib. XIII. Antiquit. c. 22.* cum ait: *Demetrium Eucærum captivum ad Mithridatem, Parthorum Regem, miserunt.*

Pulsus est ob crudelitatem, & vacuum regnum occupavit ORODES frater ejus. *Iust. lib. XLII. c. 4. §. 1. 2.* Hordos in Orientalium historia *Schickardo d. l.* hic est, qui *Crassum* vicit. *Florus lib. III. c. 11. Plut. in Crass. Oros. lib. VI. c. 13. Livii epit. 106. Appian. in Parthis & alii.* Quod factum A. M. 3897.

Reliquit successorem regni PHRAHATEM filium, qui XXIX. fratres trucidat. *Iust. lib. XLII. c. 5. §. 1.* ait XXX. Sed *notabis*, Phraatem fuisse unum & è XXX; & veteres universum totius sodalitiæ vel collegii numerum solere ponere, etiamsi is, quem excipiunt, includatur; quâ de re *Rutgersius lib. I. Variar. cap. 2.* Addo *Senecam lib. V. de Benef. c. 16.* Ubi de Pompejo: *Provincias, ut eligat, distribuit; Triumviris rempublicam dividit.* Lipsius, cui non succurrebant similia, mutare voluit, & legere: *Dum ita Triumviris rempublicam dividit.* Gruterus sivit quidem vulgatam, & manuscriptorum lectionem; sed explicationem nobis dedit acutam magis, quàm veram. Absolvam me paucis: Locus *Seneca* est ejusdem commatis cum iis, quæ *Rutgersius* notavit. Hi fuerunt Parthorum
Reges

Reges ad Augustum usque: Sequentes ad Artabanum ultimum subijciemus alio loco.

REGNUM ARMENIACUM.

ARmeniacum regnum longè vetustissimum extitit: BARZANES enim temporibus Nini Armeniorum Rex legitur apud *Diod. Sic. lib. II. c. 1.* At post Alexandri mortem Armenia Syriae ac Media praefectis paruit; donec ab Antiocho Magno ad Romanos deficeret ARTAXIAS, à quibus Rex appellatus, novi imperii velut auctor fuit. *Strab. lib. XI. p. 531.* Totam tamen non habebat; cum partes Australes subjectae essent Zariadri, ejusq; posteris, usque ad Artanem, quem Tigranes oppressit. *Strabo ibid.* Idem verò Artaxias, è consilio Annibalis, Artaxada civitatem condidit. *Plut. in Lucullo, p. 513.* Bellum gessit cum Antiocho Epiphane, sed victus ac captus est; ut scribit *Appianus in Syriacis.* Meminit ejus belli *Hieronimus ad cap. XI. Danielis.* De hujusdem improbâ regnandi cupiditate *Diodor. Sic. in Exc. Peir. p. 325.*

Qui successerint, me quidem latet, usque ad ARTAVASDEM; qui cum Mithridate M. Parthorum Rege bellum gessit. Memoria ejus apud *Just. lib. XLII. c. 2. §. 6.* Ei successit TIGRANES, Tigranis filius (*Appianus in Syriacis*) obses Parthis datus. *Strabo d. l. p. 532.* Hic est, qui Mithridatis Pontici bello sese involvit, magnisq; cladibus à Romanis fractus est; potentissimus alioquin Rex. *Phlegon apud Phot. Cod. XCVII. Memnon apud Eundem Cod. CCXXIV. c. 32.*

42. 57. 58. 59. 60. *Appianus in Mithridaticis. Plut. in Lucullo. Florus lib. III. cap. 5. & alii.* Nummus ejus apud Goltzium hic est : ΤΙΓΡΑΝΟΥΣ ΑΥΤΟΚΡΑΤΟΡΟΣ ΕΠΙΦΑΝΟΥΣ ΒΑΣΙΛΕΩΣ.

Tigranis hujus successor & filius ARTAVASDES. *Strab. d. I. quem Antonius, specie amicitiae illectum, dein catenis oneratum, postremò interfecerat. Tac. lib. II. Ann. c. 3. Vellejus lib. II. c. 82. Plut. in Ant. p. 939. Dio lib. XLIX. p. 415. Joseph. lib. XV. Antiquit. cap. 5. Cui Artabazes est ; sicut etiam Dioni.*

Hunc excepit ARTAXIAS, memoriâ patris Romanis infensus. *Tac. & Joseph. dd. locis.* Occisus est, ut vult *Tacitus* ; vi pulsus, ut *Josephus*. In ejus locum Romani Regem constituerunt TIGRANEM, fratrem ejus ; ut ait *Josephus*, missio, qui diadema imponeret, Tiberio. *Euseb. n. 1995. Suet. in Tib. cap. 9. Vellejus lib. II. c. 94.* Sed hic confundit restitutionem *Artavasdis*, cum alterâ *Tigranis* ; recentiore cum antiquiore.

Nec benè *Vellejum* tuetur *Vossius*, qui *Artavanden* etiam à *Tiberio* reductum suspicatur. Dico, cum nec *Suetonius* (omnia *Tiberii* diligenter recensens) hoc retulerit, *Tiberium* bis in *Armeniam* missum, bis *Regem Armeniis* dedisse ; nec causa sit, cur tam memoratu dignum præterire voluerit, conciliationem *Vossii* non habere locum. Quod si defendendus est *Vellejus*, vix potest aliter, nisi emendatione, quam talem darem : *Regnum ejus Artavasdis filio tradidit.* Fuit enim *Tigranes*, ut è *Josepho* dixi, *Artavasdis* filius, *Tigranis* nepos. Imma-

Immanis error est *Ubbonis Emmii lib. V. Rerum Chronolog.* qui Tigranem Artaxiæ patrum dicit; confundens Tigranem hunc Artavasdis cum Tigrane, Tigranis filio, Mithridatis Pontici (è Cleopatrá filiâ) nepote; quem Romani, quòd Parthos sollicitâssent, captum, & in triumpho ductum, diu antè necârunt in carcere; ut nos docet *Appianus in Mithridaticis*. Nostri autem Tigranis restitutio facta est, *M. Apulejo, Publio Silio Nervâ Cass.* hoc est A. V. 733, ut est apud *Dionem*; id est, A. M. 3930.

Notare hîc debes, *non totius Armenia* fuisse Regem, sed *majoris* tantum: Nam *Armeniam minorem* obtinuit *Archelaus*, defuncto Medo Rege; ut ex eodem *Dione* discimus. Ita sub Romanis Augustis diu obtinuit, ut alius *majorem*, alius *minorem* regeret. *Tigrani successerunt liberi*, ut ait *Tacitus*; sed quorum imperium diuturnum non fuit. Atque in hujus familiæ interitu, simul quod ad Augusti principatum perventum est, finiam; cætera exsecuturus, cùm occasio nobis fuerit.

REGNUM PONTICUM.

Est etiam hoc regnum memoratu dignum propter MITRIDATEM illum, qui per 40. annos arma Romana provocavit, & sustinuit: Sed jam hoc labore defuncti sumus. Vide *notas meas in Flori lib. III. c. 1. §. 1.*

REGNUM MASSANISSÆ.

Fuerunt in Africâ Masæfuli, & Massyli, quorum nomina sæpè confunduntur: Masæfulorum Rex erat SYPHAX, à Publ. Scipione Africano in triumpho ductus. Massylorum Messanissa (ita scribam ex æreâ tabellâ legis Doriæ apud *Ursinum*, in *Ciceronis librum de Senectute*) fide, veritate, vigore corporis, ac liberorum multitudine longè celeberrimus. Origo ejus antiquitùs sic tradita fuit: Antæo gigante mortuo (cujus cadaver 60. cubitos longum vidit Sertorius) uxor ejus Tinge cum Hercule concubuit; ex quibus editus Syphax, Diodorum filium habuit: Ab hoc majores Massanissæ & Jubæ. *Plutarch. in Sertorio p. 572.* Temporibus illis, quibus *Romani cum Carthaginiensibus* bellum secundum susceperunt, fuerunt ex hoc genere duo fratres, Desalces & Gala: Desalce geniti Capusa & Lacumaces. *Liv. lib. XXIX. c. 29.* Gala Massanissæ pater est. *Liv. ibid. & lib. XXIV. cap. 48.*

MASSANISSÆ admodum adolescens eâ indole fuit, ut statim appareret regnum suum opulentius facturum; Syphacen, pro *Carthaginiensibus* militans, magno prælio devicit. *ibid. c. 49.* Sed & Romanos, bellum in Hispaniâ gerentes, ducibus P. & Cn. Scipionibus (quorum ille *Africani* majoris pater, hic patruus erat) egregiè vexavit; Pœnorum eorundem castra secutus. Dies noctesq; infestus aderat, ut non
vagos

vagos tantum, procul à castris, lignatum pabulatumq;
 progressos, exciperet; sed ipsis obequitaret castris,
 invecusq; in medias sæpè stationes, omnia tumulti-
 bus impleret. *Idem Liv. lib. XXV. c. 34.* Sed post in-
 festus Carthaginensibus redditus, operam navavit Ro-
 manis tam strenuam; ut nemo externus magis adnixè
 rem illorum adjuverit: Certè ut Carthago frangere-
 tur & extingueretur, hujus potissimum operâ effectum
 est. Causam odiorum fusiùs exponit *Idem lib. XXIX.*
c. 29. 30. & seqq. Romani virtutis ac fidei memores,
 tum maximis honoribus affecerunt eum; tum am-
 plissimo Syphacis regno (quod in potestatem illorum
 venerat) donarunt. *Sallustius in Jugurthino cap. 5. &*
Liv. lib. XX. c. 44. Neque ob id beneficiarium suum
 esse volebant, sed legem tulerunt; quâ Massanissæ so-
 lutam libertatem ab imperio suo tribuerunt. *Valer. lib.*
VII. c. 2. ex. 6. Hujus tam incluti muneris memoriam
 ad ultimum vitæ finem, longâ senectute donatus, con-
 stantissimâ fide perduxit: Romanos in Hispanicis bel-
 lis, quamvis ipse domestico premeretur, quàm sollicitè
 juvit. *Idem Valerius lib. IV. c. 2. ex. 13. ext.* Jamjam
 moriturus, uxori liberisq; præcepit, expectarent in
 dividendo regno suo Scipionis & Emilianii arbitrium;
 unum in terris populum Romanum, unam in popu-
 lo Rom. Scipionis domum sese nosse. *ibid.* Ad cen-
 tesimum ferè annum pervenit. *ibid.* Regni spatium
 60. annis emensus. *Idem lib. VIII. c. 13. ex. 1. Plin. lib.*
VII. c. 48. Polyb. in Excerpt. Peir. p. 174. Robore ad-
 mirabilis, qui nullo imbre, nullo frigore adduci potuit,
 ut caput tegeret: Ubi standum esset, in eodem vestigio

totum diem perstabat; non antè moto pede; quàm consimili labore juvenes fatigâssent: Ætatis anno 86. filium generavit. Epitoma Liv. 50. Valer. & Polyb. d. l. Plin. lib. VII. c. 14. Qui Methymannum, vel Mathumannum, ex correctione Salmasii ad Solini cap. 1. Stembalem Polybius, Mastanaban Appianus in Lybico, Mastanaman Zonaras, Stemban Suidas vocat. Sed & præter hunc quinquaginta quatuor filios habuit. Valerius lib. V. cap. 2. ex. 13. Unde miratur Idem lib. IX. cap. 13. ex. 1. ext. Massanissam salutem suam custodiâ canum vallâsse: Quo tam latè patens, ait, imperium? quo tantum liberorum numerum? quo denique tam arcta benevolentia constrictam Romanam amicitiam; si ad hæc tuenda nihil canino latratu ac morsu valentius duxit? E filiis memorantur Micipsa, Gulussa, & Manastabal. Sallustius in Jugurth. cap. 5. Masgaba, Liv. lib. XLV. c. 13. Misagones, Idem lib. XLII. c. 20. & c. 62. lib. XLV. c. 14. Musicanes, Liv. lib. V. cap. 1. ex. 1. Massugrada (è quo Dabar natus est, Sallust. in Jugurth. c. 103.) filia, è quâ Asdrubalus, Appianus in Punic. Epit. Liv. 50.

MICIPSA, regni hæres, Romanos juvit in bello Numantino. Sallustius in Jugurth. c. 7. Moriturus Jugurtham, Manastabalis fratris filium nothum, adoptavit; & testamento, cū duobus filiis, Adherbale & Hiempsale, hæredem instituit. *ibid.* c. 9. Sed JUGURTHA post Micipsæ mortem agitur regni cupiditate, utrumq; , quamvis patruels & fratres adoptivos

optivos suos, interficit; nihil veritus populum Romanum, quorum in tutelâ regnum erat. *Hinc* ortum illud bellum celeberrimum, quod *Jugurthinum* dicitur. Sed captus denique *Jugurtha*, & in triumpho ductus est à C. Mario, A.M. 3846. ab V. C. 649. ipsis Calendis Januariis. Vide *Figium* in *Annal. tom. III. p. 150.*

Sed tunc stirpi *Massanissæ* ablatum regnum non est: *Numidia* namq; Rex, post annos viginti reperitur HIARBAS, qui (quòd Cn. Domitium proscriptum juvaret) à Cn. Pompejo, Sullæ jussu, debellatus & interemtus est. *Epitom. Livii 89. Plut. in Pomp. p. 624. Auctor de Viris Illustribus c. 77. Entrop. lib. V.* Regnum à Pompejo datum HIEMP S A L I, quem *Sigonius scholiis ad epit. Liv. 89.* putat dicti *Hiarbæ filium* esse; sed ei minimè subscribimus. Malim tùm propter alia, tùm propter temporis rationem (quæ generationum intervalla diligenter attendere nos jubet) accedere *Valesio ad Exc. Diod. Sic. p. 60*, qui putat *Micipsæ filium*, *Micipsæ* nepotem, *Massanissæ* pronepotem; Habuit enim *Micipsa*, *Massanissæ* filius, præter *Adherbalem* & *Hiempsalem*, à *Jugurthâ* interfectos, alium cognominem natum minimum; qui “
omnium *Numidiæ* Regum clementissimus, accersis è Græciâ viris doctissimis, cùm omnibus disciplinis, tùm maximè philosophiæ operam in eorum contubernio impendit; atque ita in regno ac philosophiâ consenuit; ut est apud *Diod. Sicul. in Exc. Peir. p. 387.*

Ut autem à *Micipsâ* posteriores hosce Reges credam, facit locus *Strabonis, lib. XVII. p. 833.* ubi ait,

R v ditionem,

ditionem, Carthagenensibus subditam, Romanos in provincia formam redegisſe; niſi quòd Maſſaniſſæ partem tradiderunt, ejusq; poſteris, à Micipsà genus ducentibus. Qui Micipsæ poſteri, niſi Micipsa junior, Hiempſal & ſucceſſores ejus? Hiempſalis verò præter Plutarchum l. 6. meminit Cic. in ſecundâ contra Rullum c. 22. & in eâ contra Vatinius c. 5. Appianus lib. I. Civ. Adde Plutarchum eundem in Mario p. 428, 429.

Hiempſalem excepit JUBA filius, Dio lib. XLI. p. 172. Hic eſt, qui à partibus Pompejanis ſtetit, ac victus eſt à Jul. Caſare Dictatore, ſingulari cum Petrejo certamine congreſſus eſt; ita, ut alter alterius manu caderet. Seneca de Provid. c. 2. Dio lib. XLIII. Sed Appianus auctor eſt, Petrejum interfectum eſſe à Jubâ, & hunc à ſervo. Incidit hæc Jubæ clades & mors in A. M. 3904. Tùm regnum ejus in provincie formam redactum eſt.

Sed Auguſtus Imperator JUBÆ filio regnum paternum reſtituit. Dio lib. LI. p. 454. Eidem in matrimonium data Cleopatra, Antonii & Cleopatrz filia. Sueton. in Calig. c. 26. Nihilominus idem Auguſtus pro reſtituto paterno regno, Getuliæ quædam, cum Bocchi Bogudisq; ditionibus, poſtea dedit, hoc eſt, A. M. 3925. A. V. 728. Idem Dio lib. LIII. pag. 514. Fuit hic Rex *historicus* longè *florentiſſimus*, cujus libri, paſſim laudati veteribus, cum magno literarum detrimento, perierunt.

Ex eo & Cleopatraz natus PTOLEMÆUS, quem C. Caligula, nobiliſſimorum virorum carnifex, ob divitias, quas poſſidebat, interfecit; quamvis conſobrinus

sobrinus esset. *Dio lib. LIX. p. 659. Sueton. d. l. Seneca l. de Tranquillitate animi, c. 11.* Quisquis vir erit, notabit hos perpetuos illustrium regnorum & Regum exitus; *serios me hercle sapientiae modestiaq; magistros!*

CAPUT XIV.

Reges & res populi Romani quàm brevissimè recensentur, usque ad tempora Monarchiae.

ANtequam Cæsarum catalogum recensemus, pauca quædam de statu populi Romani altiùs repetenda sunt; quod mî fiat, tyronem ἐν σκότεινῳ πέμβεσθαι, hoc est, in tenebris repere necesse est. Româ conditâ, quod notum, à Romulo & Remo (factum id A. M. 3198, regnante apud *Medos Articâ*) regius status populo placuit. *Dionys. lib. II. c. 4.* Ex quo loco *originem legis regiae* nobis exsculpere volunt viri docti, successu minùs felici.

Hinc ROMULUS SYLVIUS (cujus majores suprà dedimus) NUMA POMPILIUS, Pomponis Pompilii filius (*Liv. lib. XL. c. 29. Dion. lib. II. c. 59.*) TULLUS HOSTILIUS, Hosti filius (*Macrob. lib. I. Saturn. c. 6.*) Hosti & Hersiliae nepos (*Macrob. d. l. Aurelius Victor in Romulo. Dionys. Halicarnass. lib. III. c. 1. Liv. lib. I. c. 22.*) ANCUS MARTIUS (quem Numæ Martii filium, Numæ Martii nepotem, M. Martii pronepotem voluit *Pighius, Sigonius, & Goltzius*; sed quam assertionem alibi examinabimus) L. TARQUINIUS PRISCUS, Demarati filius, è Bacchiadarum, hoc est, ipsius Herculis posteritate (*Dionys. Halicarnass. lib. III. c. 59. Liv. lib. I. cap. 34. Strab.*

*Strab. lib. V. p. 219. & lib. VIII. p. 338. Plin. lib. XXXV. c. 3. & 12. Tac. lib. XI. Ann. c. 14.) & SERVIUS TULLIUS, S. Tullii Corniculani & Ocrisæ filius (Dionys. Halic. lib. IV. c. 1. Liv. lib. I. c. 39. Valer. Max. lib. III. c. 4. Auctor de viris illustribus in Tullio, Plinius lib. XXXV. c. 27.) Hi sex, inquam, regnârunt usq; ad illud tempus, quo Cyrus Babylonicum imperium destruxit; & sub istis adeò crevit Roma, ut, cùm Servius Tullius primum lustrum conderet, suprâ octoginta quatuor millia septingentos in Censoriis tabulis re-
pertos scribat Dionys. lib. IV. c. 26. L. TARQUINIUS SUPERBI, qui regnum scelere invasit, L. Tarquini Prisci nepotis (vide notas Flori lib. I. c. 7. §. 2.) ultimi Romanorum Regis, initium incidit in A. M. 3417, cùm jam Cyrus monarchiam suam stabilivisset.*

Eo cum liberis pulso, L. JUNIUS BRUTUS populum in libertatem asseruit; ut deinceps, loco Regum, in singulos annos Coss. crearent. Quam potestatem mutationes quædam interruperunt; sed non diu: Nam Dictaturæ ad tempus sumebantur. Decemviri circa A. V. 302. A. M. 3500. (regnante apud Persas Artaxerxe Longimano) legum ferendarum causa summâ cum potestate creati (cùm dominationem contra leges retinerent) tertium intra annum dejecti sunt. Tribuni autem militum Consulari potestate circa A. V. 309; A. M. 3507, primùm instituti, non processerant ultra A. V. 386; quo ultimi creati sunt. Et tamen intermedio quoque tempore sæpius, & aliquando plures per annos continua Consulorum comitia habebantur.

Tempore

Tempore autem illo, quo *Persæ* rerum in *Oriente* potiti sunt, usque ad initium *Alexandri M. Romanorum* res bello gestæ præcipuè fuerunt hæ: *Pulsi in æternum Tarquini: Porsennæ obsidio* fortiter tolerata: *Latinorum* exercitus ad lacum *Regillum* cæsus: Susceptum cum *Volscis* bellum, & licet fortuna aliquoties nutasset, cæsis eo bello 306. *Fabiis*; ad ultimum tamen penes Romanum confecti belli gloria stetit. Eâdem fortunâ fracti *Æqui & Sabini*: *Fidenæ* captæ: *Vejentum* urbs decennali bello expugnata; sed mox ad *Alliam* afflictæ res, occupata urbs à *Gallis*. Nihilominus velut ex inferis emerfit populus Romanus, fortunâ seminante discordias inter victores. Tum rursus arma prosperè sumpta contra *Volscos, Æquos, & Prænestinos*: *Galla, Samnites*, & alii haud semel prostrati. Breviter, à regifugio usque ad A. V. 419. A. M. 3620. (quo *Darius Codomannus* interfectus est) populus Rom. quater & quinquagies de vicinis hostibus triumphavit. Imò resp. tantarum virium tum fuit, ut *Liv. lib. IX. c. 17. & seqq.* æstimatâ Romanorum & *Alexandri Magni* potentiâ, tandem concludat; si Alexander in Italiam trajecisset, non tam facilem victoriam de populo Romano futuram fuisse.

Post mortem *Alexandri*, quæ Romanis bella fuerint, *Besoldus* explicavit in *Synopsi majore cap. 14.* Nec habeo, quod addam; imò contraham in pauca. E validissimis nationibus & populis (quos intra Italiam subegere) fuerunt *Samnites, Hetrusci, Lucani, Bruttii, Tarentini, Sassinates, Picentes, Sallentini, Messapii.* Extra Italiam *Siculi, Corsi, Sardi, Illyrii, Pœni, Græci,*

Græci, Istri, Dalmata, Baleares, Thraces, Cilices, Galli & Hispani. Reges victi vel capti, Pyrrhus, quem Hannibal (nullâ mentione Alexandri M. factâ) præcipuè commendavit; & post illum Hiero, Syphax, Philippus, Antiochus M., Perses, Gentius, Betulus, Jugurtha, Mithridates, Tigranes; quos jam suprà recensuimus. Triumphos à temporibus Alexandri M. usque ad Dictaturam Cæsaris populus Rom. vidit 184.

Ita cùm ad summum venisset Respublica, de statu sanctitatis & virtutis præcepta data est. Nec opus, ut de re notissimâ verba faciam; Sciunt enim, qui *Sallustium in Catil. Florum lib. III. c. 12.* & alios legerunt. Hinc seditiones & bella civilia: Nec aliud remedium discordiarû fuit, quàm si ad unius flagra deducerentur omnes. Monarchiam autem sicut *C. Julius Cæsar* metatus est, ita *Augustus* stabilivit, & adamantinam effecit. Quin sub hoc ipso *Ægyptus, quarta Monarchia Macedonica pars*, imperio Romano cessit: Ut multi Romanæ Monarchiæ initium hinc ordiantur; quod etiam nos fecimus in *Historiâ Imperii Romani, quam proximè continuaturi sumus.* Sed aliis *C. Julium Cæsarem* in Imperatorem catalogum recipere placuit, quos *Besoldus* sequitur; neque hîc ab illo recedere nobis placet.

CAJUS JULIUS CÆSAR.

Caji Cæsaris genus. Dies pugna Pharsalica. Cæsar contra vulgatas calumnias breviter defenditur. Iudicium viri maximi de eodem.

Nobili.

Nobilitatem generis antiquam suprâ jam ostendimus: Continuum majorum seriem per monumentorum inopiam dare non possumus. Atavus *L. Julius*, quos magistratus gesserit, incertum est; nomen è descriptione posterorum Capitulinâ novimus. Abavus *Sextus Julius Caesar*, Prætor A. V. 547. Siciliam fortitus est. *Liv. lib. XXVII. cap. 23. 24.* Proavus *Sex. Julius Caesar*, Consulatum gessit A. V. 596, collegâ *L. Aurelio Oreste*. Avus *C. Julius Caesar*, Martiam, ab Anco Martio Rege oriundam, uxorem habuit. Pater *C. Jul. Caesar*, Pisis (dum manè calcearetur) nullis evidentibus causis, nulloq; manifesto morbo, exanimatus est. *Plin. lib. VII. c. 53.* Patruus *Sext. Julius Caesar*, Consul, A. V. 662, collegâ *L. Martio Philippo*. Reperiuntur & *L. Julius Caesar*, & *C. Julius Caesar Strabo* orator, *L. Cæsaris filii*; quorum ille Consul A. V. 663, collegâ *P. Rutilio Lupo*: Uterque occisus bello civili Mariano. Hi *Cajo Cæsari*, patrî Dictatoris, fratres patrueles fuerunt. Nullos de hoc genere fumos nos vendidisse, sciunt illi, qui tabulas Capitolas & nummos Cæsarum apud *Goltzium in Fastis*, *Ursinum in gente Juliâ* consuluerunt.

Natus autem *C. Julius Cæsar Dictator*, A. M. 3850, A. V. 653, anno primo Olympiad. 170. *Phlegon apud Scalig. p. 339.* Diem fuisse tradunt quartum Iduum Quintilis. Consulatum adeptus est A. V. 694, collegâ *M. Bibulo*. *Pompejum* A. V. 705, hoc est, A. M. 3902. ad Pharsalum vicit, a. d. 13. Calend. Sextiles; quem diem, ob extinctam libertatem populi Romani valde memorabilem, ignoravit *Onuphrius*.

At

At nos hodiè scimus è Calendario veteri apud *Gruterum Operis Aeterni* p. 133.

Post victoriam insolentiorum factum, & tyrannica multa patrâsse, ait *Besoldus in Synopsi majore*, propter ea, quæ *Suetonius* refert in *Cæsare*, c. 76. 77. 78. „ Imò propter multitudinem ita judicantium. Est „ enim (pace tanti nominis dixerim) ex illo genere „ Scriptorum; qui sequiùs eunt; non quâ eundum „ est, sed quâ itur. Quod si considero Consulum, Proconsulum, aliorumq; superbiam & immanitatem; omnia Cæsaris, cum illis collata, ne apparere quidem videntur. De honoribus divinis, quos decerni sibi passi sunt, vide *Casaub. ad Sueton. Augustum* cap. 52. De immanitate ac crudelitate illorum ipsorum, quos Cæsar adversarios habuit, audite quæso *Ciceronem* lib. IV. ep. 14: *Si ii vicissent, ad quos accesseram (hoc est Pompejani) intelligebam tamen & iratorum hominum, & cupidorum & insolentium, quàm crudelis esset futura victoria.* Et item lib. IX. ep. 6: *Crudeliter otiosis minabantur* (nota hîc dissimilitudinem Cæsaris, qui, ut est apud *Suet. in Cæs.* c. 75. medios & neutrius partis suorum sibi numero futuros pronuntiavit) *eratque iis & tua in visa voluntas & mea oratio.* Denique lib. VII. ep. 3: *In bello rapaces, in oratione ita crudeles; ut ipsam victoriam horrerem &c.*

Valdè premere se putant Cæsarem, objiciendo scelus armorum in rempublicam. Quæso vos, an per illum stetit quiescere? pacem voluit, non impetravit. En rursus *Cic. Pompejanum* lib. IV. ep. 1: *Incideram in hominum pugnandi cupidorum insanias.* Et lib. IX.

ep. 6:

ep. 6: *Vidi nostros amicos cupere bellum.* Adde lib. XVI. ep. 10. lib. VIII. ad Attic. ep. 11. & intelliges alterius partis summam injustitiam. Et quid vocatis rempublicam? nulla respublica fuit, antequam Cæsar Pompejum vinceret. Nec absurdum est, quòd in culpam trahitis illius dictum: *Nihil amplius esse rempublicam, appellationem modo sine corpore ac specie.* Totum locum considerate, nihil aliud voluisse dicetis Cæsarem, nisi *republicam corruptam, unicum remedium esse dominationem unius.* Hoc idem non ex adulatione, sed ex animi sententiâ, sub Augusto & post Augustum, pronunciârunt viri rerum civilium peritissimi. Videte Tacit. lib. I. Histor. c. 1. & 16. lib. I. Ann. cap. 9. Flor. lib. IV. c. 3. ex emendatione Freinsheimii. Imò nec alia mens ipsius Ciceronis fuit lib. I. de naturâ Deorum, c. 4. Fusiùs hæc diduximus lib. I. Observationum Pomponianarum, c. 12. Ubi simul probavimus illud, rempublicam fuisse nullam ante prælium Pharsalicum. Hoc ipsum est, quod passim dicit Romanus sapiens: nimirum, *rempublicam non fuisse ibi, ubi Pompejus steterit; legenda epist. 104. sub finem.*

Ut me paucis absolvam, veneror iudicium Jul. Cæs. Scaligeri; qui rogatus à Gallo, quid de Cæsare sentiret? *Non respondebo, inquit. Quamobrem? Quia, inquit, nolles me respondisse. Hoc tibi volo gratificari.* De viro enim illo non posse quicquam ferè dici, quin de omnium Imperatorum, gentium omnium, laude detrahatur; neque putare sese, illum fuisse hominem, nisi esset mortuus. Refert Johannes Bergius, Rutenus Medicus, sub finem Confutationis fabulæ Burdonianæ.

pag. 424. 425. Unum illum non suprâ gentiles tantum, sed quàm plures Christianos (*quales hodiè quidem sumus*) collocat, & sideribus eum inscribit, quòd *neminem acerrimorum hostium post commissum prælium occidit, omnes veniam prosecutus est; honoribus & divitiis auxit*: Unde prorsus abominabiles, qui eum occiderunt. Gravis erat liberis ipsa beneficiorum potentia, inquit *Florus lib. IV. c. 2. §. 92. O pulcerrimam tanti facinoris rationem! beneficiorum magnitudine Cæsar mortem meruit! Nolo plura. Nam quæ huc faciunt, jam attulimus in Prolegomenis Historia Romana, & ad Velleji lib. II. c. 72. Reliqua verò Cæsaris petenda sunt è Plutarcho, Suetonio, Dione, Floro, Vellejo, Appiano, ipso Cæsare, Sigonii & Pighii Annalibus. Habeo prætereà de præstantiâ C. Julii Cæsaris libros tres, conscriptos à Francisco Florido Sabino, editosque Basileæ anno 1540.*

TRIUMVIRATUS.

Ille ipse sanguis, è quo libertatem *Cassius & Brutus* fluituram existimabant, libertatem extinxit. Sublato, quem tyrannum dicebant, tyrannis longè immanissima emerfit; & nihil quicquam *Idibus Martiis profectum est*. Triumviros Reipublicæ constituendæ se fecerunt *C. Julius C. F. C. N. Cæsar Octavianus, M. Antonius, M. F. M. N. Marcus Æmilius, M. F. Q. N. Lepidus*. Horum facinora si cognoscere aves, explicabunt *Dio lib. XLVI. & Johannes Anziochenus, Dionis compiler, in Exc. Peiresc. p. 799.*
Jungen-

Jungendus auctor nobilissimus orationis, cui titulus, *Tricipitina*; quæ ad nummum quintum Octavii Strada in universitate nostrâ habita est.

IMPERATOR CÆSAR AUGUSTUS.

Octavianus quo tempore Pompejum & Antonium vicerit? Alexandriam ceperit? Augustus appellatus sit? Triplex initium Augusti. Ianus ter clusus, & quibus annis? Lipsii hallucinatio. Lacuna in Dione ostenditur, non animadversa Casaubono & Scaligero. Quintilius Varus quo tempore cæsus? Besoldi inadvertentia. Virgilius & Horatius quibus annis mortui? Curtii ætas incerta. De Besoldo admonitiuncula, cautè legendum in historia sacra.

C Octavius, C. F. C. N. C. PRON. C. ABN. (*Inscriptio VII. p. 225.*) natus nono Calendarum Octobris (*Sueton. in August. c. 5. Inscriptio IV. p. 175. & VIII. p. 228. & I. p. 229.*) post solem occasum, ut contra Suetonium volunt viri docti, *Casaub. ad Suet. August. cap. 5.* Post parentis mortem magnâ curâ educatus ab Atiâ matre & L. Marcio Philippo vitrico (*Nicol. Damasc. in Exc. Peir. p. 472. & seqq.*) à C. Julio Cæsare, avunculo magno, adoptatus; & C. Julius Cæsar Octavianus dictus est. Interfectores parentis lege Pedia aggreditur A. V. 710. *Vellejus lib. II. c. 69.* Sextum Pompejum Cn. F. A. V. 717. M. An-

S ij

tonium

tonium ad Actium A. V. 722. ante diem quartum Nonas Septembr. vincit. Altero anno, Calendis Sextilibus, Alexandriam cepit. *Welferus lib. II. Rerum Augusta Vindelicorum.*

A tempore *Antonii* sublata *Monarchiam Augusti* computat *Besoldus*, cum quàm plurimis. Sed notabis *triplex* esse *initium Augusti*, de quo *Lipsius ad Tac. lib. I. Ann. c. 9.* *Baronius* in apparatu ad *Annal. Ecclesiasticos, n. 104. 105.* Quemadmodum scilicet tria sunt initia *Cyri*, duo *Caroli M. Scal* in *Euf. n. 1456.*

AUGUSTUS primùm cognominatus est Idibus Januariis, A. V. 726. Ipso septimùm, M. Agrippa tertium Coss. *Casaub. ad Suet. August. cap. 7. Scal. ad Euseb. n. 1988.* Janum clusit ter, primùm A. V. 724. se quintum, Sexto Apulejo Coss. *Dio* in rebus illius anni *lib. LI. p. 417.* Nummus inscriptus: IMP. CAES. DIVI F. COS. V. IMP. VI. S. P. Q. R. Quòd in alterâ parte statuam equestrem Cæsaris pacificatoris habet, hinc explicandus est. *Secundò* A. V. 728. se nonum, M. Junio Silano Coss. *Dio lib. LIII. p. 515.* Errat *Lipsius lib. I. Electorum c. 20.* qui hoc factum scribit in Consulatu X. Sed fortassis correxit se in editionibus novissimis; mea enim prima est. *Tertiò* vult idem *Lipsius*, clausum A. V. 730. in Consulatu Augusti XI. ex *Inscriptione II. pag. 149.* Dissentit *Casaub. ad Suet. Augustum, c. 22.* *Lipsii* gravissimus lapsus est, qui lapidem existimavit pertinere ad A. V. 730. cùm in eo legatur annus TRIBUNIT. POTEST. XII. Augustus enim in Consulatu XI. nondum Tribunitiam potestatem acceperat: Mihi saxum illud verè saxum est;

est; nequicquam huc facit, ob inconstantem incertamq; scripturam in linea secunda. *Casaubono* planè assentior, *tertium* fuisse *clausum* circa tempus *nativitatis Salvatoris nostri Jesu Christi*. Hoc è veteribus decerptum refert *Oros lib. VI. c. 22*. Sed quòd ait *Casaubonus*, *Dionem* hujus rei non meminisse in rebus illius anni explicandis, prorsus ineptum est. An enim quicquam ex *historiâ Dionis* superest de anno urbis 750. quo *Christus natus* est? nihil omninò, & *triennii historia* periit, hoc est, anni 748, quo *Coss. C. Calvisius Sabinus & L. Passienus Crispinus Ruffus*; & 750, quo *Christum natum* esse, peritissimorum *Historicorum & Chronologorum* consensu traditum est; & quo *Consulatum* gesserunt *L. Corn. Lentulus, M. Valerius Messallinus Cotta*. Hoc cùm non observârint, qui *Dionem ediderunt*, in errores varios induxerunt *maximos viros, Casaubonum & Scaligerum*; sicut à nobis in *Historia Romani Imperii* demonstratum est. Atq; hæc dicenda fuerunt, quòd *Besoldus* *historiam Jani clusi*, velut cognitu dignam, in medium protulerit.

Sequitur apud eundem in *majori Synopsi* error, *Bavarico* sue pinguior. Meminit atrocissimæ cladis, quam *Augustus* accepit in *Germaniâ*, cæsi ad inter necionem tribus legionibus, cum duce *Quintilio Varo*. Accidit *C. Poppæo Sabino, C. Sulpitio Camerino* *Coss.* hoc est, *A. V. 761*. Quod de *Tac. lib. I. Annal. c. 62. §. 1.* manifestum; & nos è *Dione* ampliùs demonstravimus contra *Baronium* in *Hist. Imperii Romani*. *Baronius* rejecerat in *A. V. 762*. Quo *P. Corn.*

Dolabella, C. Junius Silanus Coss. fuerunt. Sive Baronii, sive nostram sententiam sequi velis; tamen minime admittere debes, quod *Besoldus* ait, *hujus Quintilii Vari morte adeo perturbatum fuisse Virgilium, ut Horatius carmine pulcerrimo consolatus sit, lib. I. oda 24. Uterq; Virgilius & Horatius, diu ante cladem Quintilii Vari mortales reliquere: Nam Virgilius mortuus est A. V. 734. C. Sentio Saturnio, Q. Lucretio Vespillone Coss. ante diem 10. Cal. Octobris. Auctor vitæ Virgilii Donato adscribitur; idemq; tempus assignavit Hieronymus n. 1997. Nec aliud sensit Phlegon apud Scal. p. 341, qui Virgilium obiisse scribit anno secundo Olymp. 290. Horatii mors incidit in A. V. 745. & Consulatum C. Marcii Censorini, C. Asinii Galli quintum, Calend. Decembris; ut nos docet vita illius è vetusto codice descripta, & publicata tum ab aliis, tum à Bersmanno & Heinsio. Nescio igitur, quò mens Besoldo abierit, cum hæc scriberet? Breviter: de alio Quintilio capiendus est Horatius. Sed & ad Augusti ævum Besoldus refert Quintum Curtium Historicum, quo nihil quicquam incertius est: Fuerunt quidem sententiæ hujus Angelus Rocha in Bibliotheca Vaticana, Joh. Jacob. Frisius in Biblioth. Chronologica, Joh. Georg. Herbartus, Joh. Maria Cataneus; aliter judicârunt Rutgersius, Bartheus, Pontanus, sed omnibus diligenter expensis, tandem doctissimi viri pronuntiârunt, incertum esse, quo tempore Curtius vixerit. Consulendus Freinshemius in proleg. ad Curtium c. 1. ubi de Curtii nomine, ætate, conditione.*

Multa posthæc Besoldus refert de nativitate Salvatoris

vatoris nostri, quæ velim *cautè legas*; confarcinata sunt è variis, bonis & malis. Certè, quæ de anno *nativitatis* B. Virginis ex *Nicephoro* scribit, parum firmanituntur basi; quod idem monuimus in *Historiâ Imp. Rom. in A. V. 736.* Sed hæc omnia Theologis relinquimus. Cætera, quæ de Augusto dicenda sunt, petet ex eadem *Hist. nostra*, qui volet. Nobis in hac *Monarchia* propositum est saltem ea explicare, quorum *Besoldus* meminuit.

TIBERIUS CLAUDIUS NERO.

Tiberii laudabilia & vituperanda. De Tacito sincerum judicium, Politicum potius bonum, quàm Historicum esse. Besoldi furtum è Baronio.

Hunc *Besoldus* *Claudium Tiberium Neronem* dicit, & nepotem & ejus è fratre *Cl. Tiberium Drusum*; perinde ac si *Besoldum Christophorum* dicerem, pro *Christophoro Besoldo*. *Tiberius Claudius Nero* dictus est adhuc privatus à patre, & multis majoribus (vide *Hist. Imp. Rom. in A. V. 729.*) at ab *Augusto adoptatus*, frequentius describitur *Tiberius Julius Cæs.* vel *Tiberius, Divi Augusti filius*. Nummos inspice apud *Goltzium in Thes. c. 4. p. 34. & 35.* Hujus Principis historiam qui legunt, observabunt summam benignitatem in juvandis illustribus familiis. *Tac. lib. I. Ann. c. 75. §. 2. lib. II. Ann. c. 37. §. 1. & c. 48. §. 1. lib. III. Annal. c. 8. §. 2. & c. 18. §. 2.* In restaurandis

civitatibus terræ motu collapsis. *Tac. lib. II. Annal. c. 47. §. 3. & lib. IV. Ann. c. 13. §. 2. Joh. Antiochenus in Exc. Peir. p. 80.* In reficiendâ fide & liberandis debitoribus. *Tac. lib. VI. Annal. c. 17. §. 6. in annonæ caritate sublevanda. Tac. lib. II. Ann. c. 87. §. 1. & lib. IV. c. 6. §. 7. in refarciendis damnis, ex incendio acceptis. Vellejus lib. II. c. 120. Tac. lib. IV. Annal. c. 64. §. 2. 3. Ut facere injuriam videatur Suetonius in Tiberio cap. 47. De Hortalo scio, quæ scribit idem Tac. lib. II. Ann. c. 37. §. 1. Sed nescio, an dignus ille fuerit liberalitate Tiberii; siquidem idem est cum illo Hortensii nepote, cujus impudicitiam notavit Val. Max. lib. III. c. 5. ex. 4. Eundem esse putavit Lipsius.*

Observabunt præterea Tiberii civilitatem intra privatum modum. *Suet. in Tiberio c. 26. Tac. lib. II. Ann. c. 34. §. 5. Generositatem singularem in repudiandis nimis honoribus. Suet. d. l. Tac. lib. I. Ann. c. 72. §. 2. lib. II. Ann. c. 87. §. 2. lib. III. Annal. c. 59. §. 2. lib. IV. Annal. c. 37. §. 2. Virtutem eandem in spernendis adulationibus. Suet. in Tib. c. 77. Tac. lib. III. Ann. c. 44. §. 5. & c. 65. §. 3. & lib. IV. c. 6. §. 2. Patientiam in ferendis calumniis. Suet. c. 28. Tac. lib. I. Annal. c. 47. §. 1. lib. II. c. 50. §. 2. lib. III. c. 10. §. 4. & c. 44. §. 4. lib. IV. c. 34. §. 1. singularem humanitatem in Senatum. Suet. c. 29. 30. Per quem multa maxima tractari voluit. Tac. lib. I. Ann. c. 3. §. 9. c. 6. §. 7. & lib. III. Ann. c. 60. §. 1. lib. IV. c. 6. §. 2. & c. 15. §. 3. Imò castigavit patres, quòd cuncta curarum ad Principem rejicerent. Tac. lib. III. Annal. cap. 37. §. 1.*

Nec

IPI IPI

IPI IPI

IPI IPI

Nec deerunt ipsis exempla Justitiæ contra præfectorum avaritiam. *Suet. cap. 30. & 32. Tac. lib. IV. Ann. c. 6. §. 7. & c. 15. §. 4. 5. In causis propriis. Tac. lib. III. Ann. c. 8. §. 2. & c. 12. §. 5. 6. & seqq. lib. IV. c. 7. §. 1. In causis aliis. Tac. lib. IV. Ann. c. 22. §. 2. Æquitatis in moderandis atrocissimis Senatorum sententiis. Tac. lib. III. Ann. c. 51. §. 2. & c. 69. §. 1. & c. 70. §. 2. lib. IV. Ann. c. 30. §. 1.*

Habebunt studium utilitatis publicæ. *Suet. c. 33. Tac. lib. IV. Ann. c. 13. §. 1. Et frugalitatis. Suet. c. 34. Tac. lib. 3. Ann. c. 52. §. 2. Abstinentiæ ab alienis opibus. Tac. lib. III. Ann. c. 76. §. 2. Etiam cum hæres nominatus esset. Tac. lib. II. Ann. c. 48. §. 1. 2. Candoris in promovendis dignioribus. Tac. lib. IV. Ann. c. 6. §. 3. Constantiæ in perferendis calamitatibus. Tac. lib. III. Ann. c. 44. §. 4. Sanctitatis erga hostem acerrimum, quem veneno tollere noluit. Tac. lib. II. Ann. c. 88. §. 1.*

Hæc & alia quamplura scio Tacitum referre ad simulationem ; sed est Senatoriæ factionis Scriptor ; quem ut egregium politicum esse confiteor , sic bonum Historicum esse, ferè dubito. Num enim Historico sic licet judicare , ac secundum suspiciones detorquere utilia facta in pejus ; facere denique id, quod araneus solet in rosa ? Fatetur Dio lib. LVII. p. 62, dixisse Tiberium : *Principis animum nemini cognitum esse debere.* Et Tacitus non semel in Tiberio notat, quòd nemini patuerit. Vide lib. I. Ann. c. 11. §. 5. & c. 33. §. 4. & c. 16. §. 2. lib. IV. c. 1. §. 4. Quomodo igitur Tacitus post tot annos Tiberii sensus interiores

cognitos habuit, ut sciret omnes simulatæ modestiæ causas, omnes arcanos metus, omnem occultam invidiam, & omnia alia? *Non est homo scriptor hic, sed Deus; cui soli animorum nostrorum secreta reclusa sunt: Vel certè Pythagoricâ quadam metempsychosi in Tacitum migravit Tiberii animus.* Non ad Scriptores superioris seculi confugere potest, quos scit esse corruptissimos, *lib. I. Ann. c. 1. § 5.*

Nobis, qui simpliciores sumus, longè videretur in publicum utilius, facta Principum, si tolerabilia sint, nullâ interpretatione tristiori additâ, memorari; quòd necesse sit, Principis viros, hâc judicandi licentiâ perspecta, omnium factorum suorum sinistras explicationes metuere; atque ex desperatione in atrocissima quæq; prolabi. Quis enim *Tiberium nunificum* ac moderatum imitabitur, si ne sic quidem tutum cognoverit à tam rigeroso examine Historicorum?

De sequioribus factis aliter judico; hæc enim exaggerare præstat, ut ex posteritate & infamia metus sit. Idem *Tac. lib. III. Ann. c. 65. §. 1.* qualia sunt *Tiberii nimius favor erga Sejanum, & libidines inauditæ, & permissa accusandi rabies; quæ qui excusare velit, non homo, sed bestia videri meritò potest.*

Hoc unum addo de Tiberio, videri Romanes *contumacia sua crudeliorem* aliquantò effecisse. Vide *Tac. lib. I. Ann. c. 6. §. 6. & c. 72. §. 6.* De *Agrippina*, cujus domum afflixit, res certa est, ferocissimam contra Principem foeminam fuisse. *Tac. lib. I. Ann. c. 33. §. 5. lib. II. c. 72. §. 1. lib. IV. c. 52. §. 3.* At tum locum habet, quòd *Alexander M. apud Curt. lib. VIII.*

*cap. 8. §. 8. ait: Regum ducumq; clementia, non in ipso-
rum modò, sed etiam in illorum, qui parent, ingentis sita
est; obsequio mitigantur imperia, ubi verò reverentia
excessit animis, & summa imis confundimus; vi opus est,
ut vim repellamus.*

Atque hæc hætenus libertate indubiè majore, quàm nonnulli vellent; qui veritatem volunt esse, quicquid amor partium suadet. Longè aliter judicarent, si penitiùs introspicerent mores Senatorum, mentiendi libidinem, totius imperii statum; æternum sanè futurum, si ad illud gubernandum Tiberii prudentiam attulissent omnes. Imò si cogitare vel-
lent, quàm justas haberent causas recedendi à Scriptoribus Senatoriæ factionis, verè impiis atque blasphemis. Tiberius de recipienda Christiana religione cogitârat, & ad Senatum retulerat; sed restiterunt omnes animo sceleratissimo; quod Scriptores è Christianis fide dignissimi referunt. Faveat ergo Senatui, qui volet. Tacitum Christiani nominis deterrimum hostem, religiosè colat; nos liberè pronunciamus, aurum mentiri potiùs, quàm aureum esse; & animum non tam Tiberianum nobis depingere, quàm suum.

Cætera Tiberii exsequor in Hist. Imp. Rom. De Besoldo notabis hoc, historiam Sejani in Synopsi majore non suis verbis referre, sed Baronii; quem exscripsit in A. C. 33. n. 47, ut & alibi sæpiùs. Et quamvis aliquando nominare soleat, tamen id tam subdolè facit, ut nescias, quæ Baronii, quæ Besoldi sunt. Qui laudare potest aliena spolia sub suo titulo dedicantes, is æquo animo feret hanc apem nostram, an fucum?

CALL-

CALIGULA.

Caligulae parentes & avi. Tempus, quo imperium accepit, & occisus est. De eodem Senecæ judicium.

C CÆSAR AUG. GERMANICUS semper hic dicitur in nummis & inscriptionibus, *nunquam Caligula*; quem in castris sic appellaverant. *Tac. lib. I. Ann. c. 41. §. 4.* Pater Germanicus Cæsar, notissimus heros. Avus primus Nero Claudius, Drusus Germanicus, frater Tiberii, Avia paterna Antonia Augusta, ut appellat *Inscr. IX. p. 236.* M. Antonii Triumviri filia; vide *Lips. ad Tac. lib. III. Ann. c. 3.* Mater Julia Agrippina, *Inscr. VII. & VIII. p. 238.* Avus maternus M. Vipfanius Agrippa; avia materna Julia, Augusti filia; *Inscr. IV. p. 237. vid. Lips. in Stemmate Augusteo.*

Successit A. V. 789. Cn. Acerronio Proculo, C. Pontio Nigrano Coss. Occisus est A. V. 793. Q. Pomponio II. iterum, Cn. Sentio Saturnino Coss. ante diem 9. Calend. Febr. Verè de hoc *Seneca Consolatione ad Polyb. c. 36: Excerpendum hunc è Cæsarum numero, ut qui in exitium opprobriumq; humani generis editus sit.*

CLAUDIUS.

Claudius fatuus Princeps. Barthii varius conatus. Ioh. Antiocheni locus è Dione. Claudii bellum

bellum Britannicum, & mors in quos annos incidant?

Hic Caligulae patruus, in nummis & inscriptionibus TI. CL. DRUSI F. CAES. AUG. GERMANICUS, plerumq; describitur. *Non male de eo Besoldus, ambiguum esse crudelitatem ne an stultitiam magis fuerit dedecoratus. At Barthius lib. VII. Advers. c. 1. & lib. LIV. c. 13, sapientibus Principibus annumerat e Joh. Sarisberiensis Policratico lib. VIII. c. 10. Quod artificium e stultis faciendi sapientes, merito risit Cl. Reinesius noster; qui docuit ex Agellii lib. I. c. 10. Sarisberiensensem loqui de C. Jul. Cesare. An fortassis pro Barthio facit illud Joh. Antiocheni in Exc. Peir. pag. 805: Claudius, Romanorum Imperator, animi bonis non destituebatur. Quod surreptum esse Dioni, patet e lib. LX. p. 665. edit. Leuncl. At si pergere volet lector, animadvertet, fatuum esse laborem profaturo.*

Annus, quo Claudius in Britanniam trajecit, nulli tentatus post Jul. Caesarem (errant, qui aliter sentiunt, Casaub. in Suet. Claud. c. 17.) fuit ab V. C. 795. Quo Consulatum inierunt ipse Claudius tertium & L. Vellejus. De hac expeditione praecipue videndus Camdenus in Britannia p. 321. 342. & seqq. Et post hunc Scal. ad Euf. n. 260. Mortuus est Claudius A. V. 807. ante diem 3. Idus Octobris, M. Asinio Marcello, Marco Aciolo Avidio Coss. Casaub. ad Suet. Claud. c. 45.

NERO.

Neronis falsa oromatothesia in Besoldo. Quo-
modo

modo is nomina mutavit? Ejus genus. Memorabilia suis annis notata. Nummus Richterianus. Neronis mors.

DOMITIUS NERO à Besoldo dicitur; quod & alii faciunt, sed perperam; nam cum Nero diceretur, desiit vocari *Domitius*. Ægerrimè tulit (cum adoptione in familiam *Claudiam* & nomen *Neronis* transisset) *Domitium* sese salutatum à Britanico. *Tac. lib. XII. Ann. c. 41. §. 5.* Sic igitur res habet: Ante adoptionem dictus est *L. Domitius Ahenobarbus*. Idem *lib. XI. c. 11. §. 4.* à majoribus scilicet; nam parentem habuit *Cn. Domitium Ahenobarbum*, quem commendat *Vellejus lib. II. c. 72.* Vituperat *Suet. in Nerone, c. 5.* Avum *L. Domitium Ahenobarbum*, de quo *Tac. lib. IV. Ann. c. 44. §. 1. Suet. c. 4.* Proavum *Cn. Domitium Ahenobarbum*, de quo *Tac. ibid. §. 2. Vell. d. l. Suet. c. 3.* Abavum *L. Domitium Ahenobarbum*, *C. Jul. Cæsaris* Dictatoris acerrimum hostem; qui *Porciam*, *Catonis* sororem, in matrimonio habuit. *Plut. in Cato. min. Suet. c. 2. Cic. lib. XIII. ad Atticum ep. 36. & 47. Nicol. Damasc. in Exc. Peir. p. 476.* Atavum *Cn. Domitium Ahenobarbum*, Pontificem maximum, *Cos. A. V. 657.* De quo *Valer. lib. IX. c. 1. Suet. in Nerone c. 2.* Tritavum *Cn. Domitium Ahenobarbum*, *Cos. A. V. 631*, qui *Allobrogas* vicit. Vide ibi *Fastorum* interpretes.

At adoptatus, **NERO CLAUDIUS DRUSUS GERMANICUS** dictus est, ut patet ex *Inscr. IX. & XI. p. 236.* Imperator deniq; factus **NERO CL. CÆS. AUG. GERMANICUS** dici voluit,
ut

ut è quàm plurimis nummis, & inscriptionibus manifestum est. Eidem mater *Julia Agrippina*, Germanici Cæsaris & *Julia Agrippinæ* filia, Caligulæ soror, *Inscr. IX. p. 236. Adde Lips. in Augustæo Stemmate.*

Ex sceleribus suis & parricidio notior Imperator hic est, quàm ut memorari debeat. Janum terræ mariq; clusit A. V. 810. Se tertium, Val. Messalæ Coss. *Lips. lib. II. Antiq. Lect. c. 8.* Matrem interfecit A. V. 811. C. Vipsanio Aproniano, C. Fontejo Capitone Coss. *Scal. ad Euseb. n. 274.*

Quinquennale ludicrum instituit ad morem Græci certaminis A. V. 812. Sequartum, Coss. Lentulo Coss. *Tac. lib. XIV. Ann. c. 2. §. 1.* Meminit nummus æreus, quem possideo dono Magnifici Viri Dn. Georgii Richter, Universitatis hujus Procancellarii benè merentissimi; in cujus alterâ parte Neronis imago, cum inscriptione: IMP. NERO. CÆS. AUG. In alterâ conspicitur mensa, ejusq; imposita corona & lebes, cum inscriptione: CERT. QUINQUE. ROM. CO. S. C. Hoc est: Certanum quinquennale Romæ constitutum Senatusconsulto.

Britannos ingenti prælio vicit, duce Suetonio Paullino, A. V. 813. C. Cæsonio Pæto, C. Petronio Sabino Turpiliano Coss. *Camdenus in Brit. pag. 347.* Romam inflammâsse dicitur A. V. 815. L. Virginio Ruffo, C. Memmio Regulo Coss. *Baronius in A. C. 66. Casaub. ad Suet. Neronem c. 38.* Et in hunc annum incidit atrocissima persecutio Christianorum. *Scal. ad Euseb. n. 284.* Simonem Magum in amicitiam recipit A. V. 818. C. Lucio Telepho, C. Suetonio Paulino

lino Coss. *Baronius in A. C. 68, n. 14.* Eodem anno *Isthmum perfodere* conatus est, *ibid. n. 33.* & bellum *Judaicum* exarsit, *ibid.* & *Corbulo occisus* est, ut refert *Xiphilinus*. A Senatu hostis judicatus semetipsum interficit, quanquam ægrè, A. V. 820. C. Silio Italico, M. Galerio Trachalo Coss. ante d. 8. Idus Jun. *Casaub. ad Suet. Neronem, c. 59.*

SERVIVS SULPITIUS GALBA.

Besoldi negligentia in nominando Galbã. Rejecta Ursini conjectura. Plutarchi error. Item Casauboni. Galbæ & Pisonis mores.

S*ergium Sulpitium Galbã* Besoldus dicit corruptissimè, quasi fuerit è *Sergiis*, Trojanâ gente; cui *dedecus* indelebile *Catilina* inussit. Parum interesse putant multi, quo quisq; nomine appelletur; sed hos ego mitto ad *Reinesium lib. 1. Var. c. 25.* Privatus adhuc L. SULPITIUS GALBA vocatus est, ut ait *Suet. in Galba, c. 4.* & hinc explicanda eburneatefera, in qua legimus: L. SULP. L. SULLA, scilicet Coss. quam *Ursinus ad Tac. lib. VI. Annal. c. 15.* non satis intellexit, crediditq; Galbam nostrum duobus prænominibus simul ussum; quod de aliis Sulpitiis verum est, de nostro falsum. Nam cum *Lucius* diceretur, *Servii* prænomen non usurpavit; & cum imperio Romano accepto, SERV. SULPITIUS GALBA dici vellet, prænomine *Lucii* abstinuit; ut apertè docet *Suet.* Fuit autem *Servii* prænomen *Sulpitiis* omnibus
tàm

tam familiare, ut *Galbæ* è *Serviorum* gente oriundum scripserit *Plut. in ejus vita*. De antiquâ Sulpitiorum nobilitate dicam in *Hist. Imperii Romani*.

Noster Imperium accepit A. V. 820, & anno seq. ante d. 4. Idus Jan. (*Tac. lib. I. Hist. c. 18. §. 1.*) adoptavit L. Calpurnium Pisonem Licinianum (*Dio lib. LXIV. p. 730.*) filium M. Licinii Craffi Frugi è Scriboniâ. Quem Craffum Frugi *Lipsius ad Tac. lib. I. Ann. c. 14.* malè confundit cum M. Craffo Coss. A. V. 816. Ille namque cum uxore occisus est à Claudio. *Sen. in Apocolocyntosi*, cujus locum idem *Lipsius ad d. l. c. 48.* pessimè accepit: Hic à Nerone interfectus est, superioris filius, Pisonis Liciani frater. *Tac. lib. I. Hist. c. 48. §. 2.* Ita Scriptores conciliandi, quamvis turbet *Plutarchus*; qui Pisonem Licinianum, filium Craffi & Scriboniæ facit, à Nerone occisorum. Id falsum esse non diffitebitur, qui *Senecam* testem potiore & *σύγγραφο* audiet. Cæterum de hoc Pisone loquitur *Spartianus in Pescennio Nigro p. 77*: *Inde quod latee VINDE X, quod Piso nescitur*. Casaubonus ad illum locum, p. 15. capit de C. Pisone, qui in conjuratione adversus Neronem deprehensus interiit; quod absurdum est. Sermo Scriptori de iis; qui Cæsares vel Imperatores designati, dignitati suæ non diu superfuerunt. Hoc de Pisone Liciniano verum est: Nam adoptatus à Galbâ, Cæsaris dignitatem accepit, quod de C. Pisone dici non potest; quem neque Princeps, neque Senatus, neque miles vel Cæsarem vel Imperatorem fecit; quamvis eò consilia sua direxisset, ut fieri posset.

T

Occisus

Occisus est autem Galba cum Pisone suo, dicto A. V. 821. a. d. 18. Calend. Febr. Vide præter *Fastos Onuphrii* & *Goltzii Casaub. ad Suet. Galbam cap. 33.* Judicium de Galba reperies apud *Tacitum d. lib. I. Histor. c. 49. De Pisone c. 14. §. 4. c. 15. §. 2. & 4. c. 17. §. 1. c. 48. §. 1. & 2.* Breviter: Galba nobilis & dives modestiâ & justitiâ in administrandis provinciis, ac laude militari clarus, major privato videbatur, dum privatus fuit; & omnium consensu capax imperii, nisi imperâisset.

Piso nobilis, gravis, fortunæ adversitatibus in virtute magis magisque confirmatus, cum adoptaretur, nullum præ se mutati vultus, animique tulit signum; quod imperare posset magis quam vellet. Uno verbo, μεγαλόψυχος.

O T H O.

Befoldi lapsus superiori similis. Othonis genus. Splendidi Equites. Tacitus & Suetonius conciliantur. Eutropii oscitantia. Othonis mores & interitus, à veteribus laudatus.

Hunc quoque *Silvium Othonem* in utrâq; Synopsi malè describit *Befoldus*; cum debuisset *M. Salvium Othonem*. Numi Græci Μ. ΣΑΛ. ΟΘΩΝ. ΚΑΙΣΑΡ. ΣΕΒΑΣΤΟΣ. Ut taceam Scriptores quàm plurimos.

Quod ait *Befoldus*, splendidis majoribus ortum, scire debes è *Tac. lib. II. Hist. c. 50. §. 1. & Suet. in Othone c. 1.* Patrem, *L. Salvium Othonem*, Consularem,

larem, & inter Patricios allectum; avum *M. Salvium Othonem* Prætorium fuisse.

Sed de materno genere Scriptoribus non satis convenire videtur. *Tacitus* maternum genus *impar* vocat; sed *Suetonius* matrem Othonis, *Albiam Terentiam*, *splendidissimam* *foeminam* appellat. Abest quidem epitheton istud in quibusdam editionibus, in aliis ut suspectum asterisco notatur: Me tamen nihil offendit. Et puto utrumq; verbum dicere *Tacitum* & *Suetonium*, *Albia Terentia* indubiè splendido equite nata est: Fuerunt enim, qui *splendidi*, *illustres*, & *insignes* dicerentur, habentes censum & spem senatoriæ dignitatis. *Lips. ad Tac. lib. XI. Ann. c. 4.* Hujusmodi patre nata, quidni vocaretur *splendida*, vel *splendidissima*, *splendidè nata*; ut ex *splendido* genere oriunda. *Salmas. ad Gronov. in Elencho Antidiatribes Mercurii Frondatoris*, sub quo nomine latere voluit *Emericus Cruceus*. Ita quamvis Othonis mater *splendida* esset, tamen primum genus longè dignius, quòd pater *Consularis*, avus *Prætorius* esset. *Consulares* enim & *Prætorii* supra *splendidos Equites* censentur; de quo nemo dubitat. Atque ita *Otho* materno genere *impar*, juxta *Tacitum*.

Sed hîc *Entropius lib. VII.* contrarius est: *Otho*, inquiens, materno genere nobilior, quàm paterno. An, *Tacito* relicto, ad *Entropium* ire licet? aut non benè cepit *Suetonium*, vel alium quendam? aut scripsit: *Paterno genere nobilior quam materno*? Prius tamen credere malim, propter metaphrastem *Peanium*.

Verum denique de Othonis moribus *Besoldi* ju-

diciū est. Præter alios *Plutarchus* in *Galba*: *Luxu*
 & *veluptatum* studio ab ineunte ætate præditus, ut in-
famiâ pari vix quisquam Romanorum laborârit. Adde
Suet. c. 2. Tac. lib. 1. Hist. c. 13. §. 4. Unam mortem
 ejus commendant, quibus *αὐτοχρεια* egregium faci-
 nus est, *Tac. lib. II. Hist. c. 50. §. 2. Dio lib. LXIV. pag.*
733. Plutarch. in Othone sub finem. Et ex horum men-
 te *Ausonius* in *Cæsaribus*:

Fine tamen laudandus erit, qui morte decorâ

Hoc solum fecit nobile, quod periit.

Periit A. V. 821. ante diem 12. Cal. Majas. Præter
Goltzium & *Onuphrium* consulendus *Casaub.* ad
Suet. Othonem, c. 11.

VITELLIUS.

Corruptela prænominis in *Besoldo*. *Vitellii*
pater adulator. *Vitellii* torpor, & *luxus*.
Ejusdem quædam laudabilia, & *mors*.

AVITELLIUS GERMANICUS IMP.
 AUG. describitur in numis; nec aliter appel-
 lant, quicunq; veterum illius meminere, non
 corrupti. Quamobrem pessimè *Besoldus*, cui *Aure-*
lius Vitellius dicitur. *Othone* interfecto cuncta, lon-
 gis aliorum principatibus composita, statim ei decre-
 ta sunt. *Tac. lib. II. Hist. c. 55. §. 3.* Decreta sunt, in-
 quam, sed non omnia recepta; ut alibi hæc explicabo.

Pater *L. Vitellius*, vir miri in adulando ingenii,
 qui, cū *Caligula* rogasset: *Ecquid cum Lunâ con-*
gredientem se vidisset? periculum satis intelligens,
 siue

sive negaret, sive affirmaret; abjectis in terram oculis: *Vobis Diis, Domine*, inquit, *solis inter vos licet videre!* ut scribit *Dio lib. LIX.*

Hujus autem Principis ea vita fuit, ut pro *Vitellio Vitulum* appellare meritò possis. Impar curis gravioribus, brevi auditu, quamvis magna, transibat. *Tac. lib. II. Hist. c. 59. §. 3.* Fortunam principatus inertiluxu ac prodigis epulis præsumebat, medio diei *temulentus & saginâ* gravis. *Idem lib. I. Hist. cap. 62. §. 3.* Ventre & aulâ *sibi inhostus*, id est, *inimicus*; ut è MSS. legit *Salmasius* apud eundem *lib. II. Hist. cap. 31. §. 2.* Cui cum jam hostis exortus esset *Vespasianus*, ac, duce *Antonio Primo*, præliis aliquot victoriam reportâisset; tantus nihilominus torpor fuit, ut si Principem eum fuisse, cæteri non meminissent, ipsi oblivisceretur. *Tac. lib. III. Hist. c. 63. §. 6.* Sed *rarum est* (ut inquit Poëta) *monstrum nulla virtute redemptum*, hoc est (ut explicat *Grut. ad Vell. lib. II. c. 74.*) aliquem vitiis omnimodis infamem esse, neque ullo commendabilem meritò.

Bonum Principem egit *Vitellius*, qui *Cæcilio Simplici* Consulatum pecuniâ, & cum exitio *Marii Celsi* quærenti, restitit; deditq; eum honorem *Simplici* innoxium & inemptum. *Tac. lib. II. Hist. c. 60. §. 6.* Laudabile est, quòd omnium, qui *acie Othonianâ* ceciderant, *testamenta rata* esse jussit; cum aliàs perduellionis crimine damnatis omnes facultates eriperentur. *ibid. c. 62. §. 1.* Denique cum vinctis post tergum manibus, laniatâ veste fœdû spectaculum duceretur; coactus erigere os, & offerre cõtumeliis, nunc cadentes

res statuas suas contueri (quod factum a.d. 9. Cal. Jan. A. V. 821. Casaub. ad Suet. Vitellium c. 17.) multum inter alios insultante Tribuno, non degeneris animi vox excepta est: *Se tamen Imperatorem ejus fuisse!* Idem lib. III. Hist. c. 35. §. 7.

VESPASIANUS.

Vaticinium Michæ gentilibus per nebulam visum. Hierosolymorum excidium. Titi modestum judicium de causa victoria Iudæica. Vespasiani obitus & mores.

IMP. TITUM. FL. SABINUM VESPASIANUM AUG. Græcorum numi; IMP. CÆS. VESP. AUG. Latini describunt. Imperator salutatus est Cal. Jul. A. V. 821. Tac. lib. II. Hist. c. 79. §. 2. Suet. in Vesp. c. 6. De hoc gentiles interpretati veterem & constantem opinionem, quæ Oriente toto percrebuerat: *esse in fatiis, ut illis temporibus Iudæa profecti verum potirentur.* Suet. in Vesp. c. 4. Tac. lib. V. Hist. c. 13. §. 3. Jos. lib. VI. de Bell. Jud. cap. 44. Hegesippus lib. V. c. 44. Sed nemini non apparet, cujus vaticinii fama ad eos pervenerit. Scriptum erat *Michæ V. §. 1.* Εκ σδ (scilicet Bethlehemo, è terrâ Judæa) ἐξελεύσεται ἡ γέννησις. Hoc est: *Ex te proditurus est DUX.* Baronius in Apparatu, n. 24. Casaub. ad d. Suet. Vesp. c. 4. De restitutis oculis per Vespasianum, quod Besoldus refert in Synopsi majore, vide Casaub. ad Suet. Vesp. c. 7. Memini & ad Valerium de hac diaboli κακοζήλῳ differere.

Cæt erùm,

Cæterum, quamvis *Vitellino bello* Vespasianus implicaretur, *Judaicum* non omisit; relicto ad obsidionem Hierosolymorum filio Tito. Capta urbs & excisa A. V. 822. Vespasiano patre secundum, Tito F. Coss. *Welf. lib. VI. Rerum Aug. Vindel. p. 125. Baronius in A. C. 72. Scal. ad Euseb. n. 2086.* ut alios innumeros fileam. Percussi multi numi, in quibus *Judææ captivæ* typus, humi defidentis ad trophæum, cū inscriptione: JUDÆA CAPTA. Et horū unum æreum ipse possideo. Altero anno pater & filius magnā gloriā triumphavit Cal. Jul. de quo triumpho *Baronius in A. C. 73.*

Memorable est, quod scribit *Philostratus lib. VI. de vitâ Apollinii p. 305.* Cū Titum ob victoriā *Judaicam* finitimæ gentes coronare vellent, restitisse; non enim se esse tantorum operum auctorem, sed *DEUM* *Judæis iratum.* De regionibus, à Vespasiano in provinciæ formam redactis, adeundi *Scal. ad Eus. n. 2089. & Onuphr. in l. de Imp. Rom. p. 837.*

Moritur in Consulatu IX, A. V. 831. a. d. 9. Cal. Jul. ut habent, teste *Casaubono*, libri MSS. *Suetonii* omnes; cum quibus tamen non concilio verba *Tabula æreæ primæ apud Grut. p. 164.* Qualis miles fuerit, *Tac. lib. II. Hist. c. 5. §. 1.* docet: *Acceper militiæ*, inquiens, anteire agmen, locum castris capere, noctu diuq; consilio, ac si res posceret, manu hostibus obniti; cibo fortuito, veste habituq; vix à gregario milite discrepans; prorsus (si avaritia abesset) antiquis ducibus par. Qualis Princeps, paucis *Idem lib. I. Hist. c. 50.* indicat: *Solus omnium, ante se Principum, in melius mutatus est.* Cætera è *Suetonio* pete.

TITUS.

Incendium Vesuvii. Iudaeorum mendacium de Titigenere. Mores in adolescentiâ corrupti, sed in principatu meliores. Taciti ὡς ἔοικεν. Communis sententia, quam Besoldus sequitur, de Titi elogio, in dubium vocata à Berneggero. Ab eo dissensum in loco Suidæ. Titi mors aliter narrata Græcis quàm Latinis. De eodem figmentum Iudaeorum.

TITUS CÆSAR VESPASIANUS AUG. (ita nominandus è numis & lapidibus) Vespasiani superioris filius, è Flaviâ Domitillâ, successit patri; quo ipso tempore, immensum velut casuri mundi prodigium, stupenda flammarum eruptio è monte Vesuvio facta est. Dio lib. LXVI. Epistola Plinii junioris binæ ad Corn. Tac. lib. VI. Euseb. n. 2095. ibiq; Scaliger.

Hunc Titum Judæi, tam vetustiores, quàm recentiores Idumæum, impium, filium impii, nepotem Esavi faciunt. Vid. Buxtorf. in Lex. Talmud. Rabbin. voce EDOM, p. 31. Sed quis non explodat has nugas cum Scaligero ad Eus. n. 2152.

Adolescens in sævitiam, luxuriam & libidinem pronus erat; & ob id Nero pro palàm vocabatur. Suet. in Tito c. 7. At Tacitus (cujus dignitas à Tito aucta erat lib. I. Hist. c. 1. §. 5.) flagitium artificiosè mitigans, letam egisse scribit (lib. II. Hist. c. 2. §. 2.) voluptati-

ptatibus adolescentiam. Imperator autem factus (quod corvo albo simile exemplum est) frænum imposuit affectibus; & tam benè vixit, ut *amor ac delitiæ humani gneris* vulgò vocaretur, ut ait Besoldus noster cum multis.

At *Bernegg. in Suet. Tit. c. 1.* negat hoc elogium, Tito publicè & à Senatu populoque Romano tributum: *Victorem, Eutropium, Suidam, & alios sequioris ævi*, hausta è Suetonio verba in aliam mentem traxisse. Huic sententiæ solidum quid non possum opponere: Saltem in eo dissentio, quod *Suidam* accepisse sua putat à *Suetonio*, quæ revera hausit ex *Joh. Antiocheno*; cujus verba in *Exc. Peir. p. 817.* hæc sunt: Ἄνθρωπος πάντων ἀρετῆς συνειληφώς γένος, ὡς πρὸς ἀπάντων ἔρως τε μὴ τρυφή τῇ θνητῇ προσαναθῆναι γένεσι. Hoc est, interprete *Valesio*: *Vir omnium virtutum genere mirabilis erat, adeò ut amor ac delitiæ humani generis diceretur.* Hæc iisdem verbis leges apud *Suidam* in τὴν γένεσιν. At *Joh. Antiochenus* suum accepit ex *Eutropii lib. VII*, ut proinde verbis *Eutropianis* eum reddiderit *Valesius*. Idem porrò scripsisse *Drepanium* observavi in *paneg. XII.* ibi: *Cum me Nerva Tranquillus, amor generis humani Titus, pietate memorabilis Antonius teneret.* Sed hic *Eutropio* posterior est. Superest *Inscriptio III. p. 155.* Emeritæ reperta; in qua legitur: IMP. TITUS. CÆS. VESP. AUG. PON. M. TRIB. P. V. COS. VIII. P. P. GENERIS. HUMANI. AMOR. EST. ET. DESIDERIUM. ETIAM. VIVENS. Sed qui *nugatoris manum* hîc non agnoscit, in antiquitatis studio ne quid quidem

novit: Inprimis nemo jam ignorat, quantum *spuriarum* Inscriptionum dederit *Hispania*. Iterum dico, nullum mihi solidum argumentum, quo convellam *Berneggerianam sententiam*; quæ est: *Suetonii privatum fuisse iudicium de Tito*, amorem ac delicias generis humani esse; non publicum *S. P. Q. R.*

Extinctus est hic Imp. A. V. 833. Silvano & Vero Pollione Coss. Idibus Septembr. Quo mortis genere, non dicit *Suetonius*: Morbo volunt *Entropius* & *Eusebius*. At Græci nonnulli spirantem adhuc Titum à fratre in arcam ligneam nivis plenam, per causam faciendæ medicinæ, conjectum, ibiq; extinctum scribunt. *Casaub. in Suet. Domit. c. 2.* Judæi *muscam* in ejus cerebrum ingressam prohibent, unde contabuerit, perieritque. *Scal. & Euseb. n. 296.*

DOMITIANUS.

Pliniana Inscriptio corrigitur. Becichemi error. Domitianus castrationes & adulteria vetat. Delatores punit. *DEUS* haberi vult. Infantulum consecrat. *Nunus* corrigitur. *Nobilium* & suorum perniciēs. *Christianorum* persecutor. *Juvenalis* explicatur. *Victore* emendatur, *Cluverii lapsus. Nasamonum* excidium. *Dionysii* *atas*. *Valesii* *tcmeritas*. *Reliqua Domitiani, & cades.*

T FLAVIUS DOMITIANUS CÆSAR appellatur in numo Græco, vivo adhuc patre cuso. Item: CÆSAR AUG. F. DOMITIANUS, PRINCEPS, JUVENTUTIS. At Principis
titulus

titulus hic fuit: IMP. CÆS. D. VESPASIANI F. DOMITIANUS AUG. Item: IMP. CÆS. DOMITIANUS AUG. GERMANICUS. *Nusquam Vespasianum dictum legas.*

Unde jure vapulavit *Marinus Becichemus præfat. in Plin. à Perotto*, qui *Plinii Naturalem Historiam, Domitiano inscriptam* voluit, quæ fuit *Tito*. Sic autem cōstituenda est: *C. Plinius Secundus Tito Vesp. suo*. Tam enim *prænomen* hujus omissum nō est, ut apud *Scriptores* frequentius *solum* ponatur. Nullā certè *Inscriptionē*, nullum numum dare poteris, in quo non appareat.

Domitianus virtutes quasdam sub initium promicare voluit, sed quas immanibus factis rursus abscondidit, & obliteravit. *Castrari mares* vetuit. *Suet. in Domit. c. 7. Philostratus lib. VI. de Vita Apollonii c. 17. Dio. lib. LXVII. p. 259. Euseb. n. 1099. Amm. Marcell. lib. XVIII. p. 120. Martial. epigr. 9. lib. VI.* Legem *Juliam de adulteriis* restituit, & alia id genus multa præclarè fecit. *Suet. c. 8.* Dicere solebat: *Princeps, qui delatores non castigat, irritat!* *ibid.* Quod fecit, præstitit, & *Judæos*, qui *Josephum Historicum* detulerunt, decapitari jussit. *Joseph. in Vitâ suâ sub finem.* In extruendis templis & aliis publicis ædificiis omnes ferè *Principes* magnificentiâ vicit. *Suet. c. 5.* Addendus è recentioribus *Alexander Donatus lib. I. de Urbe Româ, c. 26. Scal. ad Euseb. n. 2105.*

Sed *vi dominationis convulsus & mutatus* (ut loquitur *Tac. lib. VI. Annal. cap. 48.*) in monstrum degeneravit. *Dominum DEUMq;* se appellari voluit. *Suet. in Dom. cap. 13. Mart. lib. V. epigr. 8. Eutrop.*

Eutrop. lib. VII. sub finem. Euseb. num. 2102. Exc. Gr. Scal. p. 333.

Infantulum in Deorum numerum retulit. Nummus apud *Octav. Stradam* 74. DIVUS. CÆSAR. IMP. DOMITIAN. F. Ita legendus est ex altero *Oconis* p. 186. Conspicitur in eo *infantulus* globo inter *stellas* insidens.

Idem multos nobilissimos viros ex levissima causa vel occidit, vel in exilium misit; usus *delatoribus* Aquilio Regulo, Metio Caro, Bebio Massâ, & omnium bipedum nequissimo, Catullo Messalino. *Tac. in Agric. c. 45. §. 1. & seqq. Plin. lib. I. epist. 5. lib. VII. ep. 19. Juven. sat. IV. Euseb. n. 2104. & 2109. Job. Antiochenus in Exc. Peir. p. 819.* Nec à proximis quidem crudelitatem abstinuit, interfectis T. Flavio Sabino, T. Flavio Clemente, patruelibus; Juliâ, Titi fratris filiâ, eademque pellice suâ. *Suet. cap. 10. & 15. Philostr. lib. VII. c. 3. Plin. lib. IV. ep. 11. Dio lib. LXVII. p. 766.* Relegatâ quoque Flaviâ Domitillâ, *Philostr. & Dio dd. ll. propter confessionem nominis Christi. Scal. ad Eus. n. 2112. Baron. in A. C. 98.*

Fuit certè Christianorum hostis acerrimus. Vide, quæ ex *Baronio* attulit *Besoldus*. Nec verò aliorum trahas *Juvenalis* versus Sat. IV.

Sed perit, postquam cerdonibus esse timendus

Cæperat, hoc nocuit, Lamiarum cæde madenti.

Per *Lamias* intellige nobiles (nam L. Ælius *Lamia* Æmilianus, quem Domitianus interfecit, à *Lamo*, Neptuni filio, *Læstrigonum* Rege, genus suum derivabat) ut *sat. VI.* foeminam illustrem describens: *quadam,*
inquit,

inquit, de numero *Lamiarum* ac nominis alti. Per *cerdones* intelligit *Christianos*; ut quorum plerique tunc temporis *opifices* erant, ac *sellularias* artes exercebant. Vid. *Joh. Wovverius* ad illa *Minutii Felicis*: *Expertes artium, nisi sordidarum.*

Bellica Domitiani quod attinet, *Britannos* per multos annos fregit, duce Cn. Julio Agricolâ, *Taciti* *socero*; à quo belli hujus descriptionem petes. Repertæ sunt in *Britanniâ* *massæ plumbeæ*, sic inscriptæ: IMP. DOMIT. AUG. GER. DE. CEANG. E quibus patet, victoriam de *Cængis* retulisse. L. Antonium Saturnium, ducibus L. Appio Maximo & Norbano, in Germania vicit. *Suet. in Domit. c. 6. Dio lib. LXVII. p. 764. & in Exc. Peir. p. 708. Inscriptio V. Operis Gruteriani p. 359. Martial. lib. IX. epigr. 86. Lamprid. in Alex. Severo p. 114. Sextus Aurelius Victor in Epitome. Cluverus* duces illos, Norbanum Appium & L. Maximum nominat; non benè: *Victor* enim emendandus hoc modo: *Norbanum & L. Appium.* *Nasamonas* idem Domitianus internecione delevit, duce Flacco. *Zonaras* tomo II. p. 197. *Aristid. in Smyrnaico. Euf. Græc. lib. priore p. 66. Latinus lib. poster. n. 2102. Meminit & Dionysius Periegeta, vers. 208. 209. 210.*

Ex quo loco constat de insigni temeritate *Valesii* ad *Amm. lib. XXIII. p. 268. 269.* qui *Scaligerum* magni erroris accusat, quòd *Dionysium* sub *Augusto* vixisse negarit. Rectè negasse, vel hic locus ostenderit: An enim *Nasamonas* ad internecionem delevit *Augustus*? πῦρ καίεντι, ubi scriptum est? Crepat *Valesius.*
Plin.

Plin. lib. VI. c. 27. & Dionys. vers. 1050. 1051. Illum quod attinet, quis nobis affirmabit, *unum* fuisse *Dionysium*, qui orbis terrarum situm descripserit? At *Dionysii* versus lego, relego; nec video, quomodo de Augusto solo explicari possint. Tamen assentior *Salmasio ad Spartian. p. 138*, qui *Dionysium* vixisse putat temporibus divorum fratrum.

Bellum denique contra *Dacos*, & quosdam Germaniæ populos, *Quados*, *Maromannos*, & *Chattos* *Domitianus* gessit, à quibus licet magnas clades accepisset, tamen per vanitatem triumphavit. *Scal. ad Euseb. n. 2107. Lips. ad Plin. paneg. c. 12.* Sed de his alibi fusiùs.

Occisus est *Domitianus* A.V. 848. a. d. Calend. Octobr. Admonitusque eo mense *Germanæ*, *cujus nomen* (ut scribit *Suet. c. 15.*) anno superbiſſimo *immutare conatus* erat. De hac cæde vide *Baron. in A. C. 98. Casaub. ad Suet. Domit. c. 17. Scal. ad Euseb. n. 2112.*

NERVA.

Nerva an advena fuerit, ut Besoldus è Victore statuit? Nerva mores & mors.

MCOCCCEJUS NERVA dicebatur adhuc privatus: At Princeps factus, IMP. NERVA CÆSAR AUG. vel, IMP. NERVA CÆSAR AUG. GERMANICUS, in numis describitur. Primum *ex advenis* Imperatorem factum scribit *Besoldus*. Quod quidem haustum est è *Sexto Aurelio*

Aurelio Victore, qui & *advenam* & *Cretensem* facit in libello de *Cesaribus*. At in *Epitoma* oppido *Narmienfi* (hoc est in *Umbriâ*) genitum scribit.

Sed res indiget examine: Nam *Coccejorum Nervarum* domus jam à temporibus *Triumvirorum* floruit in resp. Proavum Imp. *Nervæ M. Coccejum M. G. Nervam*, Cos. fuisse A. V. 717, collegâ *L. Gellio Poplicolâ*. Avum *M. Coccejum Nervam*, Cos. A. V. 775, collegâ *C. Vibio Rufino*, docui ad *Pompon. lib. III. c. ult. sect. 2.*

Quo igitur modo *advena*, cujus majores per *sesquiseculum* reperiuntur in *Fastis Consularibus Romanis*. An quòd *ulteriores non fuerunt antiquitùs Romani*? At hoc modo pauci *Romanorum nobiles essent advenæ*. An quòd ipse *alibi quàm Romæ natus est*? Ita *Claudius Imperator non erit Romanus, sed Gallus*; quia *Lugduni natus est. Suet. in Claud. c. 2.* At non fuit *Romæ consuetudinis, civium filios in Germaniâ, Hispaniâ, Galliâ & alibi terrarum natos, Germanos, Hispanos, Gallos & alienigenas dicere. Fuerunt Romani non minus, quàm Romæ nati. Vide Casaub. ad Spart. Hadrianum, & ep. 262. ad Hug. Grotium.* Nec aliud apud *Judæos obtinuit, fuerint licet ex illis in peregrinis oris nati; tamen majorum sedem, suam quisq; propriam dicebant. Ita Salvator noster, quamvis Bethlehemi natus, tamen ob parentum sedem Nazarenus, Matth. II. §. 23. Marc. X. §. 47. Act. IV. §. 10.* Suum igitur, & quorundam vulgarium, *judicium Victor hîc secutus est; non commune omnium.*

Rursus

Rursus quomodo conciliamus hæc? quem *Cretensem* dixerat, eundem ait *Narmienti* oppido genitum. Quòd si alter locus nec vitiosus, nec falsus est, dixerim vel *abavum* vel *atavum* è *Cretâ* fuisse; ipsum autem natum in *Umbriâ*. Hoc ipsum sensit *Valerius ad Ammian. & Marc. lib. XXIX. p. 308. 379.* Ubi exemplum simile proponit de *Theodoro*, quem & *Gallum* & *Siculum* dicebat.

Nervæ mores quod attinet, dicam breviter, *melio-rem virum* fuisse, quàm qui *Romuli facem* regeret. *Ansonius* *tetrastichis* in Cæsares:

Nerva senex, Princeps nomine, mente parens.

Mortuus est a. d. 6. Calend. Febr. A. V. 850. cùm anno superiore *Trajanum* adoptâisset.

TRAJANUS.

Vitium in Synopsi corrigitur. Trajanus optimus, quia *Senatum coluit, populo placere studuit. Vitia ejus, & mors.*

MULPIUM TRAJANUM ante adoptionem dictum, è numo Græco apud *Goltz. in Thes. c. 4. p. 63,* & è notissimis Scriptoribus manifestum est. Tamen in hac Synopsi minore *Ulpianus Trajanus* esse debuit. Imperator sic describitur: IMP. CÆS. DIVI. NERVÆ. F. NERVA TRAJANUS.

Amavit Senatum ardentius, quàm aliorum Principum ullus; nec sine magno fructu: Tantum enim perennantis amoris ei refusum est, ut à Scriptoribus

ribus *senatoriae factionis* ferè contra omnes, OPTIMI cognomento, ceu proprio, celebretur. Secuta magna recentiorum turba, *monachos* etiam traxit in partes; ut crederent *animam ipsius precibus S. Gregorii ab infernis liberatam*. Comis, liberalis & magnificus, populum sibi devinxit.

Bella gessit in remotissimis terris, sed quibus nihil effectum est; deficientibus à tergo nationibus, imperio Romano antiquitùs subditis; dum ambitio ad ulteriora præcipitem illum agit. Militum prætereà stupendis cladibus ducis stultitia castigata est.

Idem *παίδεργης*, vinosus, & acerrimus persecutor Christianorum. Legendus præter *Baron. in Annal. Eccles. Dio lib. LXVIII. Phlegon apud Scalig. p. 345. & Anonymus apud Eund. p. 393. 394.*

Moritur A. V. 869. a. d. 3. Id. Aug. Nigro & Aproniano Coss. Cætera executi sumus in *particulâ fastorum*; hoc ipso anno *publicatâ*.

HADRIANUS.

Hadriani nomina, pater, vitia. Antinoi interitus. Eusebius contra Scaligerum defensio. Hadriani multa quàm præclara, studiorum amor, liberalitas inaudita, cura in omnes imperii Romani provincias. Cultus pacis in summa rei militaris peritia. Bellum Judaicum. Besoldi duplex assertio rejecta de exstructâ Aeliâ, & templis Christo erectis ab Adriano. Hujusdem mors.

PUBLIUM ÆLIUM HADRIANUM adhuc privatum nuncupatum scimus è *Dionis lib. LXVIII. p. 786.* Imperator in numis & lapidibus describitur: IMP. CÆS. DIVI. TRAJANI. PARTHICI. F. DIVI. NERVÆ. N. TRAJANUS. HADR. AUG. Patrem habuit *Ælium Hadrianum*, cognomento *Afrum* (non enim Afer natione fuit. *Casaub. & Salmas. ad Spart. Hadrianum, ille p. 3. hic 2. Vales. ad Exc. Peir. p. 101.*) Aviam paternam *Ulpiam*, Imp. Trajani amitam.

Senatus populiq; gratiâ minus floruit, quòd è corpore Senatus nobiliores quosdam sustulisset; præstantissimis quibusq; in arte aliquâ invideret, divinationibus & magicis artibus uteretur.

Immolâsse quin etiam dicebatur *Antinorum*, ut extispicio puerilis victimæ futura exploraret; quem *Xiphilini*, vel *Dionis* sensum esse, *Salmas. ad Spart. p. 38.* docet contra *Casaub.* qui ad eundem p. 28. immolatum asserit ex eodem *Dione*; ut Adriani facta proferrentur. Fuisse namq; veteribus persuasionem, posse alicujus produci facta, si ejus vicem subiret alter; velut *hostia* quædam *succedanea*. Non hoc vult *Xiphilinus*, sed *Spartianus p. 7.* cùm ait: *Aliis eum devotum pro Hadriano asserentibus.* Hadrianus ipse scripsit, dum ludicri causa in *Nilo* navigaret cum *Antinoo*, puerum in flumen delapsum periisse. *Scal. ad Euseb. n. 2145.*

Cave tamen, maximo viro credas in explicando *Epiphanii* loco, de quo audiri malim *Vales. ad Exc. Peir. p. 101.* Quicquid sit, *Antinous* ob eximiam formam

nam in deliciis habitus est; & exhibet *Casaubonus* è musæo *Thuari* imaginem ephebi illius, quam nemo aspicit, quin vultum habitumq; catami statim agnoscat. Mortuum muliebriter flevit Hadrianus; quem ut Græculi solarentur, puerum in synodum & collegium Deorum cooptârunt. Videndi modo laudati *Casaub.* *Scal.* *Salmas.*

Unum de Scaligero adjicio, reprehendere illum immeritò Eusebium, qui Antinoi mortem refert n. 2145. Respondet huic A. V. 881, quo Coss. fuerunt Publ. Invencius Celsus secundum, & Quintus Julius Balbus. Eusebium omnino confirmat *Phlegon*, Hadriani libertus, in *Fragmentis descriptionis Olympiadum apud Scal. eund. p. 345.* qui rejicit in annum primum Olympiadis 227. At hic ipse signatus est Romæ Celso secundum & Balbo Coss.

Nec quicquam obstat epistola Hadriani ad Severianum, sed nos confirmat potius; Severianus enim hoc ipso anno Consul suffectus, ut ex l. 20. §. præter hæc. ff. de hered. pet. satis perspicuum est. Scaliger referendam censebat ad secundum Severiani Consulatum, sine sufficienti causa. Illud tamen hic minimè dissimulo, editionem Vopisci *Salmasianam*, pag. 245. Consulem, ad quem Hadrianus scripsit, *Servianum* appellare, non *Severianum*. Nec aliter *Sylburgius* in sua editione. Utram lectionem probem, alibi demonstrandi locus erit. Dico nunc brevibus, legendum videri in dicta lege: *Ennius Sergianus*, vel *Servianus*; & sic appellatum Consulem suffectum, ad quem Hadrianus scripsit.

Quæ verò de hoc Principe diximus, non ita premunt illum, ut non multis modis superior videatur Trajano, summo (ut rebantur) Principum. Quid dicam de literarum studiis, præsertim *Græcorum*; quorum amore sic flagrabat, ut apud imperitos *Græculus* audiret (*Spart. in Hadrian. p. 1.*) Gymnasia & Athenæa conderet (*Aurelius Victor in Hadrian.*) Quid de prudentia in eligendis amicis? saltem enim optimos quosque de Senatu, & juris peritissimos in contubernium imperatoriæ majestatis adscivit (*Spart. in Hadr. p. 4. 5. 9.*) De *J Ctis*, quorum *Besoldus* meminit, dixi ad *Pomponium*.

Quid de stupenda liberalitate, cum Provincialibus sestertiûm novies millies debitum fisco remitteret, ut habet *Inscriptio VI. p. 10.* Hoc est, XXII. miliones, & præterea summæ excurrentis aureorum solatorum quingenta millia; ut computat, qui lapidem emendatiorem exhibuit (quàm *Scaliger* & *Gruterus*) *Salmasius ad Spart. p. 17.* Meminerunt tanti muneris, præter lapidem, *Spart. p. 4. Euseb. n. 2134.* Numus apud *Sambucum p. 235. Dio lib. LXIX. p. 791. Phlegon apud Scalig. p. 345,* in anno primo Olymp. 224. qui respondet A. V. 870. Quod de *Tiberio* scribit *Tacit. lib. IV. Annal. c. 64. §. 3.* idem ille fecit; & non rogantes munificentia juvit. *Dio ibid. p. 790.* In nummo apud *Occorrem p. 225.* dicitur LOCUPLETTOR ORBIS TERRARUM, in aliis, HERCULES ROMANUS, in aliis, HERCULES SERVATOR, vel AVERRUNCUS; quoniam omnes imperii Romani provincias peragravit, providitq; ne
vel

vel ab irruptionibus barbarorum, vel ab avaritiâ præsidum detrimenti quid caperent. *Spartian. p. 7*: Cum quo uno facto si compares omnia Trajani, ne umbra quidem egregiè factorum videbuntur.

Rem militarem quod attinet, lapsam disciplinam in curiâ superiorum Principum restituit. *Spart. p. 5*. Ipse *Ἐκπικνωτάτῳ*, & *Tactica* scripsit; quæ temporibus *Anastasi*, in lucem revocavit *Urbicius*, Vir Consularis. *Salmas. ad Spart. p. 21*. Militibus exemplo præerat, & in consuetudinem vitæ militaris eos inducebat, *ibid. p. 20*. Gregarii militis habitu incedebat, vestis humilis, hoc est, sine purpurâ, fibula sine gemmis, baltheum sine auro, spatha vix capulo eburneo clausa. *Spart. ibid.* Tamen expeditiones sub eo ferè nullæ fuerunt: Bella silentio transacta, *ibid. p. 10*. Hinc meritò illum *Victor Schotti* cum *Numâ Pompilio* comparat, quo quid gloriosius?

Excipiendum tamen gravissimum bellum, quod cum *Judeis* gessit; sed sub *Trajano* primùm excitatum. Ceciderunt in eo propè 600000. hostium; Romanorum verò clades tanta, ut observet *Dio*, *Hadrianum* (cùm ad Senatum scriberet) solenni formulâ abstinuisse: *Si vos liberiq; vestri valetis, benè est &c. Ego exercitusq; valemus.* Vide de hoc bello *Euseb. lib. IV. c. 6. Scal. ad Euseb. n. 2147*. Ducibus usus est *Julio Severo*, de quo *Dio in Exc. Peir. p. 215*. & *Marcio Turbone*. *Spartian. in Hadriano p. 3*. Hunc Q. MARCIUM TURBONEM FRONTONEM PUBLICIUM SEVERUM vocat *Inscript. I. p. 437*. Causa belli, quod *Ælia Capitolina* in solo Hierosoly-

morum ab Hadriano condita; & in monte, ubi Deo Opt. Max. *templum* fuerat, *Jovis Capitolini* excitata esset. *Scal. d. l.* At *Baronius*, Eusebium secutus, in A. C. 137, *Baronium Besoldus* noster, post bellum *Æliam* cum templo conditam fuisse falso scribunt. Quod enim *Scaliger* ait, confirmant *Fragmenta Phlegontis*, in quibus *Ælia Capitolina* condita legitur; antequam *Judæi* arma corripere. Alterum refert anno quarto Olymp. 227; cujus pars apud Romanos *Augurino* & *Severiano* secundum *Coss.* pars *Tiberio Alexandro* (ita legit *Reines. lib. III. Var. c. 16. p. 615.*) & *Sisennâ* *Coss.* signata est. Alterum anno primo Olymp. 228. cujus partem apud eosdem Romanos *Tiberius* & *Sisenna*, partem *Severianus* tertium & *Vibius Varus* *Coss.* sibi vindicant. Consentit *Xiphilinus lib. LXIX. p. 793.*

Adjicit idem *Besoldus* è *Lampridii Severo*, *Hadrianum* in *Christianorum* usum templa poni jussisse. Sed cum (notante ad *Lampridium Casaub. p. 170.*) tam nobilem historiam, tot fidei Christianæ propugnatores acerrimi, viri undecunque doctissimi, & quorum intererat hanc memorare, constantes fileant; ut fabulam meritò explodimus. Fons autem conceptæ opinionis (ut *Idem* opinatur) hic est: Jusserat *Hadrianus* templa fieri in omnibus civitatibus, suo nomine sine dubio consecranda; sed *Hadriano* mortuo, priusquam absolverentur, mansere pleraq; imperfecta; & ex iis unum (quod *Tiberiade* magnificè inchoatum erat) tandem in usum balnearum à civitatibus destinatum est. Ignari cum viderent hæc, nec
nullum

ullum simulacrum reperirent, velut in imperfectis; statim concluderunt, *Christo* fuisse *exstructa*. Christiani enim veteres per 300. annos ferè nullum simulacrum habebant in suis *Kueiangis* & Oratoriis; quo ad idololatriam abduci possent.

Felicior an cautior fuit *Besoldus*, quòd omisit tertiam ejusdem *Baronii* observationem? Hic enim ex *Eusebio* docens, *super portam*, quâ ibatur *Bethlehemum*, *porcum* in marmore sculpi voluisse *Hadrianum*; causam exponit, quia id animalium genus *Judæis* visu *exsecrandum*. Quod quidem verum est; sed addit: Ex hac ipsâ causâ *Judæorum* Principes *Vitellii* transitum in *Arabiam* per regionem suam deprecatos, ne isthæc signa militaria viferentur in *Judæâ*. Putat vir illustris, *porcorum* imagines fuisse in signis *Romanorum*. Et vel in animo habebat locum *Plinii lib. XX. c. 4.* vel similem *Festi*, vel utrumque; unde novimus, *porci* effigiem inter militaria signa quintum locum obtinuisse. Sed distinguenda fuerunt tempora: *Olim* sic erat, cùm adhuc carnem suillam ructarent, glandes & rapa loquerentur, ut hodie vicini nostri *Arcades*: At postea *C. Marius* ea (sc. animalia, lupum, minotaurum, equum, porcum) in totum abdicavit; ut ibidem scribit *Plinius*. Nec *Vitellii* temporibus ullum signum inter *Romana* fuit, in quo conspiceretur lepidum illud animalculum. Scire verò debes, qui *Josephum* intelligere cupis, *Judæos* abominatos ipsam aquilam; quoniam instar numinis colebatur. *Tac. lib. II. Ann. c. 17.* scribit: *Sequerentur Romanas aves, propria legionum numina*. Vide ibi *Lips.* Sed & si nummos veteres in-

spexisti, non potuisti non animadvertere, in signis cohortium orbiculos quosdam, vel clypeolos, infra crucem hastæ annexos. Quid fuerunt? ex argento vel auro imagines Deorum primò, deinde & Imperatorum; ut rectè docet *Lips. lib. IV. de Milit. Rom. dial. 5. Manilius* hoc illustrat *lib. I*:

- - Venerisq, ab origine proles
Julia descendit cælo, cælumq, replevit,
 Quod regit: *Augustus* socio per signa tonante
 Cernit & in cætus divum magnumq, *Quirinum*.

Ita distinguendi versus illi. Mens Poëtæ: *Jul. Cæs.* cælo oriundum per *Venerem* in cælum, & inter superos Deos receptum esse, *Augustum* verò videre patrem unà cum *Jove* & *Romulo* in cætu, hoc est, in urbe & extra urbem, in signis militaribus coli. *Barthius lib. XI. Variarum cap. 10*, hunc Poëtæ sensum non potuit assequi. Et hinc satis clarum, cur *Judæi* deprecati sint *Romanorum* transitum.

Vopisci locum in *Saturnino* de Christianis *Ægyptiis*, ad quem *Besoldus* te ducit, vide, ut rectè intelligas: Nam offendit in eo explicando vir summus *Isaacus Casaub.* p. 249. Verum sensum dat *Salmasius* p. 453: Primùm *Ægyptios* dicit ventosos, furibundos, jactantes, injuriosos, vanos, liberos; & novarum rerum cupidos: Dein artes professionesq; recenset, quibus plurimum dediti essent; nimirum versificatores, epigrammaticos, mathematicos, aruspices, & medicos. Postremò verba facit de religione, partim *Samaritanos*, partim *Christianos* fuisse; omnes tamen *Sarapin* adorasse. Hucusque *Salmasius* rectè. Sed quæ mox subjicit

subjicit p. 456. ipsum illum *Patriarcham Christianorum*, si quando in Ægyptum veniret, coactum Sarapin adorare; ea in dubium vocat *Seldenus comment. in Origines Eutychie* p. 10. & 11. Certè propter illa: ab aliis adorare cogitur Christum, valdè ambiguum est, annon de *Judeorum Patriarchâ* potiùs, quàm *Christianorum* loquatur Hadrianus.

Cætera de hoc Principe admodum memorabilia legenda sunt apud *Spartianum* & *Xiphilinum*. Mortuus est a. d. 6. Id. Jul. A. V. 890, ut vult *Onuphrius*; à quo dissentit *Scaliger in Euseb. n. 2153*.

ANTONINUS PIUS.

Ælius Verus ab Hadriano adoptatus ante Pium.

Onuphrii & Goltzii sententia rejicitur.

Item Casauboni rejeit in loco Spartiani.

Verus an primus fuerit Cæsar? Nominis

hujus significatus. Casauboni lapsus. Dis-

sensum à Salmasio. Cæsaes jam ante Tra-

janum creati. Origo instituti. Antoninus

Pius quo anno adoptatus? Chryserotis elo-

gium. Antonini virtutes & mors.

L Cejonium Commodum Verum Hadrianus in spem imperii adoptârat, ac statim

Prætozem fecerat. Spart. in Ælio Veropag. 14:

Adoptatus statimq; Prætor factus, & Pannoniis dux ac

rektor impositus; mox Consul creatus. Et quia erat de-

putatus imperio, iterum Consul designatus est. Ex qui-

bus verbis constat, adoptatum fuisse eo anno, quo

Prætor fuit; sed Præturam gessit ante Consulatum ordinarium. Quomodo enim Prætor & Consul ordinarius simul esset uno anno? Ergo & *ante Consulatum adoptatus*. Hic cum incidat in A.V. 888. fit consequens, adoptionem referendam ad annum 887; quo Consulatum gesserunt Lupercus & Atticus Acilianus.

Quod contra *Onuphrium* & *Goltzium* dicere volui, qui Commodi hujus adoptionem & Consulatum *in unum annum* referunt. Putavit quidem *Casaub.* *ad Verum Capitolini*, p. 81. legendum esse: *Statimq; Proconsul factus*; quæ correctio licet nil juvet *Onuphrium* (nisi quis *Verum* statuere velit & adoptatum, & Proconsulem, & Pannoniarum rectorem, & Consulem ordinarium, uno pænè momento factum) tamen nullum planè fundamentum habet. Non sufficit dicere: *Non puto futurum quenquam historie hujus peritum, qui emendationem istam non approbaturus sit.* Non, inquam, sufficit. Sumus rationum audiendarum avidi; nec tam facilè linguam nobis ligant id genus terriculamenta. Quomodo hæc cohærent: *Proconsul factus, & Pannonius dux ac rector impositus*? Proconsules non mittebantur in provincias Cæsaris, quales Pannoniæ erant: Sed *Legati pro Prætoribus*. Malim igitur *Prætorem* retinere.

Et quàm resilit *Casaubono* idem *Spartianus*, eadem scribens; & quidem lucidiùs in *Hadriano* pag. 11: *Adoptavit ergo Cejonium Commodum Verum*, inquit, *quem Præturâ honoravit, ac statim Pannoniis imposuit; decreto Consulatu cum sumptibus. Eundem Commodum secundum Consulem designavit.* Sic igitur res habet.

habet: Adoptatur L. Commodus Verus A. V. 887. & Prætor factus & Legatus pro Prætore in utramque Pannoniam missus: Sed anno 888. primum Consulat-um iniit; & sequente alterum.

Est & alius *Casauboni* gravis error, p. 43. quòd L. Cominodum Verum *primum Cæsarem* tantum, non *Imperatorem* simul fuisse credit ex illis *Spartiani*: *Nihil habet in suâ vitâ memorabile, nisi quòd primò tantum Cæsar est appellatus.* Ita reperit in codice regio. Ipse malebat, *primus*. Ut intelligas, quid velit, attendere debes *discrimen* illud inter *Principem*, sive *Augustum*, & *Cæsarem*; quod tantum est, quantum inter *Imperatorem* & *Regem Romanorum* hodiè. Ille rerum potiebatur, hic candidatus imperii & principatus hæres erat: Imò in modum apparitoris Augusto morem gerebat. *Frid. Lindenbrogius ad Ammian. lib. XIV. p. 1. & p. 273.* & velut apparitor annonam & salarium accipiebat ab Augusto. *Vales. ad d. lib. XIV. Amm. p. 34.* Tamen imperatoriis insignibus utebatur, ut pallio coccineo & purpurâ; sed sine auro. *Salmas. ad Spart. p. 138.*

Hoc honoris genus *primum* vult *Casaubonus* introductum ab *Hadriano*; & *primum* eo significato *Cæsarem* appellatum L. Cejonium Commodum Verum. Et hinc *Aurelio Victori* sese opponit, qui *Trajanum primum Cæsarem* fuisse dictum ait. At *Salmas. p. 61. 62.* tùm emendationem *Casauboni* exagitat è melioribus codicibus; tùm *Aurelii Victoris* defensionem suscipit: In altero facilè assentior; in altero dubito. Probo codicum lectionem, qui habent: *Nisi quòd tantum*

tantum Caesar est appellatus. Sed in dubium voco, quod Victori subscribere voluit, hic profecto non Victori. Mihi neque Trajanus neque Hadrianus primus Caesar dictus videtur: Et nugatus est Aurelius Victor, qui aliter judicavit; nam ante utrumque à Galba L. Calpurnius Piso Licinianus adoptatus in spem imperii, & Caesar appellatus; non aliter, quam Trajanus & Hadrianus. Caesarem se dictum, ipse Piso apud Tacitum lib. I. Hist. c. 29. §. 4. ait: Sextus dies agitur, ex quo ignarus futuri; & sive optandum hoc nomen, sive timendum erat, Cæsar adscitus sum. Et cap. 30. §. 4. reperit: Me Galba, consentientibus vobis, Cæsarem dixit.

Nec alia significatio vocabuli dari potest: Successor enim hoc ipso designatus est. Quod colligas dicto lib. I. c. 2. §. 1. ex illis: Quatuor Principes ferro interempti. Ubi cum Galbam, Othonem, Vitellium & Domitianum intelligat, excluso Pisone; satis apparet, Caesarem eum fuisse hoc ipso significatu, id est, successorem, & heredem imperii; non Imperatorem, vel Principem. Satis se etiam explicat Galba in Orat. d. l. c. 15. Sed cum primis §. 3. notanda illa: Augustus in domo successorem quæsit; ego in republ. Nam hæc pulchrè nobis explicant, qualis Cæsar fuerit Piso, hoc est, successor imperii; & simul totius rei veram docent originem.

Ab Augusto, inquam, institutum est, qui subsidia dominationi quærens (ut loquitur Tacitus lib. I. Annal. c. 3. §. 1.) è sua domo nonnullos adoptavit; & Cæsares dixit in spem imperii. Sic Agrippæ filii, sic post

post istorum obitum *Tiberius Claudius Nero* adoptatus, & *Tiberius Julius Cæsar* dictus est; adjectumq; ab Augusto: *Hoc reip. causâ facio! Vell. lib. II. c. 104.*

Possem hæc ostendere pluribus, sed vel è paucis istis rem satis claram puto; & nunc ad *Antoninum Pium* progrediendum est. Hic cum fatis concessisset, *L. Cæsonius Commodus Verus*, sive *L. Ælius Cæsar* (nam ita post adoptionem dictus est) ab Hadriano adoptatus est; & cum prius *Titus Aurelius Fulvus Bojonius Antoninus* dictus (*Salmas. ad Capitol. p. 67.*) esset, *Titus Ælius Cæsar Hadrianus Antoninus* appellari cœpit. Additum cognomentum *Pii* à Senatu.

Initium ejus collocant Fastorum conditores a. d. 6. Id. Jul. A. V. 890. Sed quid de hac assertione judicandum sit, patebit è subjecta collatione inter *Chryserotem*, apud *Scal. in Exc. Græc. p. 400.* *Dionem*, *Spartianum*, & alios instituta. *Chryseros* servi calatoris officio aliquando apud Imperatorem Marcum Verum functus est; idque elogium illi tribuit *Theophilus Antiochenus lib. III. ad Autolyicum*, ut dicat, manifestè & exactè annotasse cum nomina, tum tempora.

Res est admodum necessaria (quòd absque chronologiæ luce Principum istorum historia cimmeriis tenebris obscurior sit) at non minus intricata; quàm ut extricemus, adferemus, quam possumus, operam; si prius *Antonini nostri mores* inspexerimus. Hi tam fuerunt emendati, tam sancti, & à suorum temporum vitiis puri; ut ne calumnia quidem hîc habeat, quod calumnietur. Sanè quem huic præponam, non reperio inter omnes paganos Principes: *Totus Capitolini*

tolini Pius optimi Principis speculum est; pleraq; omnia, quæ fecit, præclara & insignia.

Ita verò potissima contraxit Suidas è Dione: Nulli acerbus, nec gravis; cunctis benignus, & mitis erat. In re militari iustitiam, non gloriam spectabat; magis incolumes servandos, quàm amplificandos imperii fines statuebat; quantum ejus fieri poterat, viros æquitatis studiosos reip. præficiebat; benè gerentibus honorem habens, improbos sine acerbitate removens. Ad eum extranei controversias & lites suas deferrebant. Opes immensas, quas privatus possidebat, in stipendia militum & amicorum necessitates impendit; ærarium opulentum reliquit. Mortuus est secundum superiorem calculum A. V. 913. Imperavit, ut vult Chryseros, annis 22. menses 7. dies 6. Sed locum non carere mendo clarum erit ex sequentibus.

COLLATIO

Chryserotis, Dionis, Spartiani, Capitolini, Onn-phrii, Goltzii, & aliorum, in annis Imperatorum, NERVÆ, TRAIANI, HADRIANI & ANTONINI PII.

NERVÆ Imperatori Chryseros tribuit annum imperii unum, menses 4. dies 10. Uno die minus dicit Epitomator Dionis lib. LXVIII. p. 771, imperâsse namq; scribit annum unum, menses 4. dies 9. Euseb. n. 2112. in anno & mensibus consentit, dies omittit. Idem facit Entropius lib. VIII. Sed Orosius lib. VII. cap. 11. etiam menses notare insuper habuit.

Juxta

Juxta *Chryserotem* mortuus est a. d. 4. Cal. Febr. A. V. 848, quo die Imperator Domitianus occisus est. *An-
relins Victor* eo die, quo Nerva mortuus, *eclipsin Solis*
accidisse scribit; sed hallucinatum esse notavit *Calvis.*
in A. M. 4047.

TRAJANI initium a. d. 4. Cal. Febr. secun-
dum *Chryserotem*, a. d. 5. Cal. Febr. secundum *Dionem*.
At *Onuphrius* & *Goltzius* initium ejus constituunt a.
d. 6. Cal. Febr. Imperavit annos 19. menses 9. dies 16,
ut vult *Chryseros*; juxta cujus supputationem statu-
enda esset Trajani mors a. d. 18. Cal. Decemb. A. V.
869. At quin vitium irrepsit, ferè nullus dubito,
propter consensum *Dionis* & *Spartiani*; qui Trajani
mortem in Sextilem satis manifestè rejiciunt. Unde
legerim apud *Chryserotem*: Τετρακτὸς ἔτη ἰθ', μῆνας 5
ἡμέρας 15. Hoc est: *Trajanus imperavit annos 19.*
menses 6. dies 16. Quod si dies rectè significati sunt,
mortuus est Trajanus ex hujus sententiâ, postrid. Id.
Sextil. vel a. d. 19. Cal. Sept. A. V. 896. At secundum
Dionem pridie Id. Sextil. Ultram sententiam amplecti
velimus, dicendum erit, *hallucinatum Spartianum* esse,
qui pag. 3. scribit: tertio Iduum Sextil. *Hadriano* ex-
cessum *Trajani* nunciatum esse. Demus hoc diem mor-
tuum, quod *Onuphrius* & (qui vitulâ hujus aravit)
Goltzius existimârunt; quomodo *Hadrianus* eodem
adhuc scire potuit? *Hadrianus* erat *Antiochiæ* in *Syriâ*:
Trajanus fato functus est *Selinunte* in *Ciliciâ*; & ut est
apud *Dionem*, à quo stat auctor *Carminum Sibyllino-*
rum lib. V. Sunt, qui *Seleuciæ* dicant; sed prioribus fi-
dem habere mavult *Casaub. ad Spart. p. 10.* Næ assen-
tior

tior eidem doctissimo viro, cum ait: *Longiore intervallo Selinus & Antiochia sejunctæ sunt, quam ut vel rapidissimi veredi, vel incitatissimus myoparo pauculis horis tantum iter emetirentur.* Quamobrem nihil hîc turbare nos debet *Spartianus*, sphalmatis manifestus.

HADRIANI initium secundum *Chryserotem* à nobis correctum postridie Id. Sextil. A. V. 869. At secundum *Dionem* prid. Id. Sextil. Imperavit annos 20. menses 10. dies 28; ut scribit *Chryseros*. *Dio* assignat annos 20. menses 11. solidos; fusq; deq; habens dies illos pauculos, qui deficiebant. Nos è supputatione *Chryserotis* initia & exitus constituemus, velut ab accuratissimâ: Mortuus est igitur a. d. 4. Id. Jul. five secundum computationem, è *Dione* suprâ deductam; a. d. 6. Id. Jul. A. V. 890. Cum verò natus sit a. d. 9. Cal. Octobr. A. V. 828. Vespasiano septimùm, Tito quintùm Coss. (*Spart. in Hadrian. p. i.*) è *Chryserote* certum est; vixisse annos 62. menses 5. dies 19. Hîc exactè numeri *Dionis* quadrant lib. LX. p. 797, ut *Casaub. ad Spart. p. 41.* malè suspicatus sit, aliter fortasse scripsisse *Dionem*. Ego hoc profiteor, nihil periculosius, quàm secundum calculum *Onuphrianum* emendare numeros in Scriptoribus. *Spartianus* p. 12. annos 72. menses 5. dies 17. vixisse, auctor est; quem ob MSS. & editorum consensum è *Chryserote* & *Dione* mutare nefas. Error ipsius est, cui assidet alius auctoris *Fastorum Siculorum*, qui tribuit annos 77.

ANTONINI PII initium est a. d. 4. Id. Jul. A. V. 890. secundum *Chryserotem*; a. d. 6. Id. Jul. secundum *Dionem*. Posteriori calculo accessit *Onuphrius*.

phrius. Adoptatus fuit a. d. 5. Cal. Mart. A. V. 890. *Capitolinus in ejus vitâ p. 18.* Imperavit annos 22. menses 7. dies 6. ut ait *Chryseros*. Ergo mortuus esset juxta calculum istum a. d. 14. Cal. Mart. A. V. 913. vel secundum computationem è *Dione* deductam, a. d. 16. Cal. Mart. five postrid. Id. Mart. Vixisset è supputatione *Chryserotis* annos 74. menses 4. d. 27. Cum teste *Capitolino p. 17.* natus sit a. d. Cal. Octobr. A. V. 838. Imperatore Domitiano duodecimum, Servio Cornelio Dolabellâ Coss. Cæterum hic potior videtur *Onuphrius* in A. V. 914. qui diem, quo Pius obiit, putat esse Nonas Martias; & ad eum abire nos jubet *Casaub. ad Capitolin. p. 54.* Sanè *Chryserotis* lectio validè oppugnatur ex *Inscript. VI. p. 256.* & *Inscript. IV. p. 257.* Et è numis apud *Occonem p. 266.* in quibus Pium ad annum Tribunitiæ potestatis 24. pervenisse legimus. Quam ipsam ob causam *Job. Gazensis* Pium 24. annos regnâsse scribit apud *Salmas. notis in Capitolin. p. 74.* Admissâ computatione superiore, ad hunc numerum non pervenit: Primum Tribunitiam potestatem acceperat, teste *Spartiano* a. d. 5. Cal. Mart. A. V. 890. Ex quo manifestum est, annum 24. initium habiturum fuisse cum 5. Cal. Mart. A. V. 913. Sed in eum usque diem non vixit Antoninus, ut hactenus è *Chryserote* diximus. Quid statuemus? Hoc unum: Videri mihi, scribam apud *Chryserotem* numerum omisisse. Lego: Ἀντωνίνῳ ἔτη κβ. μῆνας ζ. ἡμέρας κς. Hoc est: *Antoninus imperavit annos 22. menses 7. dies 26.* Hoc modo decessit Nonis Martiis, & simul 24. Tribunitiæ potestatis annum attigit. Firmat

hanc emendationem Dio scriptor *Chryseroti* nostro parum adversus, qui *lib. LXXI. p. 815.* ait: *Marcum, Pii successorem, imperasse annos 19. dies 11.* At obiit idem a. d. 16. Cal. April. ut constat ex *eodem lib. p. 814.* Quod si regrediamur, apparebit dies, quo Pius obiit; hoc est, *Nona Martia.* Quod ipsum Onuphrio quoque in mentem venit. Idem planè vitium irrepsit in *Theophilum Antiochenum*, ut notat Baronius ad A. C. 163. Atque ita *Antoninus Pius* vixit annos 74. menses 5. dies 19. *Scal. ad Euseb. n. 2170.* vult natum, *Eusebiano numero 2109.* & denatum *n. 2178.* Adeoq; 76. annos absolutos tribuit. Quod ut probari possit, hactenus non vidi. Sic alii non minus improvidi, è veteribus videndi, quos citat *Casaub. ad Capitolin. p. 54. Salmas. ad eund. p. 74.* qui tamen vir maximus bis in notâ suâ maximè hallucinatur: Alterum errorem notavit *Reinesius lib. II. Var. c. 17. p. 277.* Alter hic est, quòd annum, quo Coss. Bradua & Varus, Pio emortualem tradit è *Fastis Siculis*; cùm revera sit mortuus M. Aurelio Antonino Cæsare tertium, L. Aurelio Vero iterum Coss.

MARCUS.

Marcus an fuerit Philosophus cognominatus? Marci nomina ante imperium. Casauboni lapsus. L. Verus particeps imperii, atq; adeò duo Augusti simul. Bella utriusq; Principis, mores, & fata.

Antonino

Antonino Pio, inquit Besoldus, *filius adoptivus*,
M. AURELIUS ANTONINUS cognomen-
to PHILOSOPHUS, *successit*. At hic notabis,
omnes antiquas historias hoc cognomen ignorare,
omnes saxorum inscriptiones, omnes numos.

Qui Philosophum appellârunt, *Ἐπιθέτω* non
ἐπωνύμους locuti sunt. Recentiores, qui nescivêre
discrimen facere inter *cognomina* Principum, & *epithe-
ta* (quæ à privatis honoris aut probri causâ tribuun-
tur) Imperatorem populi Romani, novo & olim in-
audito cognomine donârunt; ut pluribus docet *Ca-
saub. ad Capit. p. 56*. Sed nec veteres Capitolini codi-
ces in inscriptione hoc agnoscunt, ut *Salmasius* docet
ad eund. p. 76. Dielustrico *Catilius Severus* à nomi-
ne *proavi materni* appellatus est, *Capitol. pag. 22*:
*Principio ævi sui nomen habuit Catilii Severi materni
proavi*. Ita partim è codice Palatino, & *Xiphilino*; par-
tim è conjectura restituit *Salmasius* locum, quem *Ca-
saub. p. 56*. parum feliciter tractavit.

Fallor, an *primo nomine*, quamvis jam Impera-
torem factum appellare voluit *Galenus*; in quo mul-
tum sudat *Erycius Puteanus ferc. VII. epist. 72*? non
resistam tamen *Σεβήρου* mutanti in *Ουήρου*. Severi
enim nomen tam diu spretum & abjectum ab Anto-
nino, cur *Galenus* reduceret? Nimirum quòd esset
veritatis amantissimus, tenacissimus; ut è *Xiphilino*
explicat *Casaubonus*. Cur autem ab Hadriano? subji-
cit mox *Capitolinus p. 23*: *Educatus erat in Hadriani
gremio*. Lege ibidem mox cum *Salmasio*: *Et qui ei
honorem equi publici sexenni detulit*. Honor hic equi

publici olim per se magnus fuit, & cò hìc major, quoddà *sexenni* delatus. *Lips. lib. II. Epist. Quæst. 15. & Casaub. ad Capitolin. p. 59.* multùm desudârunt in hoc loco ; &, ut existimo, profecerunt nihil.

Tertiò & quidem post virilem rogam dictus est *M. Annius Verus*, ut idem *Capitolinus* nos docet. *Casaubonus* tùm rediisse dicit ad *primum nomen* ; sed fallitur. Nunquam ante hoc tempus *Annius Verus* dictus erat, & primum nomen, ut diximus, *Catilius Severus* fuit. Error profluxit ex emendatione parum prosperâ. Hoc verò ipso nomine pater, avus, proavus, paterni dicti sunt, viri nobiles, à *Numa Pompilio* oriundi ; ut *Entropius*, & è Mario Maximo *Capitolinus* asserunt.

Maternum Principis hujus genus ad *Malennium* (ita habet codex Palatinus) *Dasummi* filium, Regem *Seletinorum* sive Japygiæ relatum est. Consulendi, quos laudavimus, *Entropius* & *Capitolinus*. Adoptatus est, jussu Hadriani, ab Antonino Pio, hac lege, ut & ipse adoptaret *L. Cejonii Commodi Veri*, sive, *L. Ælii Caesaris filium L. Commodum. Capitolin. p. 24.* Tùm abolito *Anni* nomine, *Aurelii* nomen adscivit, & descriptus est : *M. AURELIUS, T. ÆLII HADRIANI ANTONINI AUGUSTI PII FILIUS VERUS CÆSAR. Ibid. & Inscript. X. p. 258. Operis Æterni.* Mortuo Antonino Pio, etiam *Veri* nomen sustulit. *Antonini* accepit, *ibid. p. 25.* Non benè *Lamprid. in Antonino Diadumeno pag. 99.* Verissimum nomen tùm sublatum & abolitum scribit ; imò *Veri* : Nam illud, antequam Imperator fieret, adscribere sibi desiit.

Fratrem

Fratrem participem imperii designavit; & cum
is L. COMMODUS prius diceretur, tum L. Au-
relum Verum appellavit. *Capitol. ibid.* Errat Ca-
saubonus p. 63. qui Commodum istum ante adoptio-
nem Verum appellatum asserit. Vide *Salmas. è*
Galeno egregiè disputantem contrà p. 82. Hoc igitur
tempore Romanum Imperium primum duos Augustos
habere cœpit, ut loquitur *Capitolinus*; sive ut *Entro-*
pheus: Tum primum Romana resp. duobus equo jure
imperium administrantibus paruit. Hi DIVI FRA-
TRES celebratissimi per libros juris, conjungun-
tur in numis Græcis & Latinis apud *Eryc. Putean. d.*
epist. Seorsim alter semper describitur: M. AURE-
LIUS ANTONINUS. Alter, L. AURELIUS
VERUS. Vide numos apud *Goltz. in Thes. p. 76. &*
seqq. Scriptores Græci Verum & Lucium contra
veram Latinorum nomenclaturam appellant. *Vales.*
ad Ammian. lib. XXVII. p. 339. Hoc ipsum apud *Chry-*
serotem observavi.

Haftenus de nominibus: Jam de rebus gestis
Non diu post imperium acceptum *Britanni rebellâ-*
runt, contra quos missus Calpurnius Agricola.
Capitolin. in Marco p. 25. Ad hunc ducem refert Ca-
saub. p. 64. *Inscr. VII. p. 86.* Operis *Gruter.* repertam in
Northumbria propè vallum Severi. Bellum etiam mo-
vit *Vologesus*, Parthorum Rex; & provincias Roma-
nas graviter afflixit: *Severianum* ducem cum legioni-
bus interneccione delevit, A. V. 915. *Æliano & Pasto-*
re Coss. Euseb. n. 2179. Diolib. LXXI. p. 802.

Sed mox res prosperè gestæ per tres nobilissi-

inos duces, M. Statium Priscum (ita vocat *Inscr. XIII. p. 40.*) Avidium Cassium, & Marcium Verum. *Capitol. in Vero p. 37.* M. Staius Priscus *Artaxada*, regiam *Armeniorum* cepit; exin utrique Principum delatum *Armeniæ* cognomentum, *Capitol. in Antonino p. 26. & in Vero p. 37.* Sed Antoninus aliquandiu *perverecundiam* recusavit, postea tamen recepit. Quo anno? 18. Tribunitiæ potestatis, ut nos docent numi apud *Oecon. p. 283.* cuius initium incidit in 5. Calend. Mart. A. V. 916. quo Coss. fuerant Macrinus & Cel-
sus. Nam Tribunitiam potestatem primum acceperat a. d. 5. Cal. Mart. A. V. 899.

Vivo adhuc Pio, eodem anno 916. *Seleucia* cum 300000. hominum *capta*, ut *Eusebius* scribit n. 2118. qui respondet A. V. 916. *Eutropius* ait, cum 400000. hominum; quod ipsum reperimus apud *Oros. lib. VII. c. 13. Dio lib. LXXI. p. 802.* captam vult duce Avidio Cassio. Obscurè *Suidas* in ζεύγυα. *Am-
mian. Marcell. lib. XXIII. p. 241.* Expugnatam scribit, *per Veri duces.* Nec figuratè locutum arbitror.

Magna etiam opera in hoc bello extitit **Marici Veri**, qui dux consilio manuq; promptus, eloquentiâ non minus quàm armis validus, ut è *Dione Suidas* eum deprædicat. Hic certè *M. Aurelium Soa-
mum*, Achemenidis Regis filium, Arfacidis nepo-
tem, à Vologæso, Parthorum Rege pulsum, & Romæ in senatorium ordinem relatum, ubi Consulatum gessit (*Jamblichus Syrus in Biblioth. Photii Cod. XCII.*) in regnum *majoris Armeniæ* restituit. *Suidas* in *Marcus Verus*. Factum id vel iisdem Macrino & Celso Coss.
vel

vel anno seq. 917. M. Gavio Orfito, L. Arrio Pudente Coss. Numus apud Occonem p. 304: L. VERUS. AUG. ARMENIACUS. TR. P. IV. IMP. II. COS. II. REX. ARMEN. DAT. Quod alius *ibidem* explicat; REX ARMENIIS DATUS. Quartus annus Tribunitiæ potestatis, qui Veri fuit, respondet A. V. 916. & 917; partem enim hujus, partem illius complectitur.

Cæterum hoc anno 917. ulterius in *Parthiam* itum, & bello finis impositus est. Uterque Imperator *Parthici* cognomentum tulit. *Capitol. in Marco* pag. 26: *Profligato bello* (i. e. confecto) *uterque Parthicus appellatus est; sed hoc quoque nomen repudiavit, quod postea recepit.* Numus apud Occon. p. 283: M. AUREL. ANTONINUS. AUG. ARM. PARTH. MAX. P. M. TR. P. XIX. IMP. III. COS. III. Hic annus, qui in numero notatus est, partem A. V. 917. partem A. 918. complectitur.

Quoniam *Capitolinus* ait, *Parthici cognomen non statim receptum fuisse* in Marco, referam nuntium ad A. V. 918. quo ipso, hoc est, Servilio Pudente, L. Fufidio Pollione Coss. de Parthis, Medis & Rege Vologæso *Pii fratres triumpharunt.* Ait enim *Capitolinus in Vero* p. 37, bellum Parthicum per quadriennium fuisse gestum. Primus annus, hoc est, A. V. 914. itu, reditu, belli apparatione vel ordinatione provinciæ insumptus est. A. V. 915. abiit Verus, sed dum ille indulget voluptatibus, provincias impune vastat Vologæsus. *Capit. p. 37. Euseb. n. 2179.* Sed mox correctæ clades à ducibus. Hinc apparet illud *quadriennium.*

Sed ait *Capitolinus* in *Marco* p. 28, fratrem post *quinquennium* reversum. Non igitur rectè *Onuphrius* & *Goltzius* in A. V. 917. collocant triumphum Principum; quem ex verbis *Capitolini* debebant feriùs, hoc est, A. V. 918. Cui sentententiæ propinquus etiam fuit *Casaub.* ad *Capitol.* p. 68.

Finito bello *Parthico* natum est atrocissimum illud, quod *Marcomannicum* dicitur: Inflictæ rei Romanæ clades immensæ, urbes captæ & direptæ, cæsi exercitus. Hoc *Ammianus* dixit lib. XXXI. p. 445. Sed locus hodiè corruptissimus est, quem restituere conatos *Casaubonum* & *Salmasium* spe suâ falli judicat *Vales.* ad *Ammian.* p. 422. Ambo Imperatores contra hostes profecti sunt, Victualis (ita *Palatinus* Codex vocat) & Marcomannis cuncta turbantibus. Sed cùm *Aquilejam* usque venissent, ibi hybernârunt, ut statim ineunte vere in *Marcomannos* proficiscerentur; quod è *Galeno* probat *Salmasius* p. 86. Hinc Reges pleriq; se retraxerunt, & legatos miserunt, defectionis veniam postulantes; quod cùm fieret, *Lucius* redeundum esse censebat: *Marcus* autem ulterius tendendum, quòd simulatè illa fieri à barbaris crederet; ne mole belli premerentur *Capitolin.* p. 28. Igitur transcensis Alpibus longiùs processerunt, composueruntque omnia, quæ ad munimen Italiæ atque Illyrici pertinebant.

Sed non multò pòst *Lucius Verus*, dum regrederetur, inter *Altinum* & *Concordiam*, impetu ruentis sanguinis, & vitales vias obstruentis, momento ereptus & suffocatus est. Apoplexiam Medici appellant. Vide

Vide *Eutrop. & Capitolinum*. Alii veneno sublatum volunt: Præter *Capitolinum, Victorem, Herodianum, Dionem, Philostratus in vitâ Herodis*. Mortem ejus conjiciunt Fastorum conditores in A. V. 921. Q. Sosio Prisco, P. Cœlio Apollinare Coss. A quibus dissentit *Scal. ad Euseb. n. 2185*, qui II. annos illi tribuit. Sed illos confirmant numi, quos de anno Tribunitiæ potestatis decimo vel undecimo habemus nonnullos. Et in hac sententia fuisse alios veterum, testatur *Eusebius*.

Marcus reliquias Lucii Romanam devexit, iisque conditis, & *Vero Divo* appellato (huc pertinet numus: DIVUS VERUS. PARTHICUS. Et ab altera facie: CONSECRATIO S. C.) expeditionem adversus *Marcomannos* resumpsit; quod factum est intra exiguum tempus, ut adversus *Casaub.* docet *Salmas. p. 91*. In hac autem expeditione, præter spem omnium, diu mansit, ut *Galenus* ait.

Præcipua belli hujus gloria penes *Christianos* fuit, quorum precibus divinitus impetratâ tempestate, in Romanos secunda, hostibus exitiabili; *Quadi*, qui postremi restiterant, summo prælio magnâ acceptâ clade superati sunt. *Dio lib. LXXI. p. 805*. Marcum pluviam artibus magicis elicuisse scribit, cujus mendacium non admisit *Claudianus in sexto Consul. Honorii*:

- - - Sen, quod reor, omne Tonantis

Obsequium Marci mores potuere mereri.

Capitol. p. 32. de Marco eodem: Fulmen de cælo precibus suis, contra hostium machinamentum, extorsit; suis pluviam impetratâ, cum siti laborarent. Ubi machinamentum appellat versutum consilium hostium de

citia. Stratagema lurconis in convivio. Commodi mors, & nomenclatura.

LAudavimus Marcum, & ferè pœnitet. Quid ita? genuit Commodum non patriæ patrem, sed vitricum, sed hostem & parricidam; eòq; vesaniæ progressum, ut Herculem Romanum, Jovis filium, se dici jusserit, deposito cultu Romano, *leonis exuviis*, vice stragulæ vestis, usus sit; & *clavam* gestârit. *Joh. Antiochenus in Exc. Peir. 822.* Testis est *Camdenus in Britan. p. 593.* erutam fuisse in colle, quem à Burgo Burgh dicunt, Cōmodi statuam, *Herculis habitu*; quo ipso conspicitur in numo CV. *Octavii Strada.* Idem omnium mensium nomina mutavit. Vide *Salmas. ad Lampr. Commod. p. 119*, ex quo constabit, Idus Commodas in *Inscript. III. pag. 330*, esse Idus Sextiles. Colossi Rhodii capite sublato suum imposuit. *Scal. ad Euseb. n. 2205.*

Plures nobilium occidit, quàm quisquam alius; & ex his *Quintilios* à Trojanis oriundos, cum totâ domo extinxit. *Pinguem* hominem medio ventre dissecuit, ut ejus intestina subitò effunderentur. *Monopodicos* & *Luscinios* (quibus aut alterum pedem fregisset, aut oculum eruiisset) appellabat.

Accesserunt libidines detestandæ: *Trecentas* enim concubinas in palatio aluit, quas sub oculis suis stuprari jubebat; in juvenes irnebat, & ab iisdem toto corpore polluebatur: Irridentes se feris objiciebat. Valdè amabat homines, appellatos nominibus pudendorum utriusq; sexus: Sic & charissimus extitit
quidam

Quidam *μονοβελής*; quod verbum cujus significatio-
nis sit, docet *Salmas. ad Lampr. p. 182. Majoris peculii*
virum interpretatur *Casaub. p. 546.* Malim, loquantur
alii, quàm ego; qui vereor, ut talia omnia narrando
Musas minùs propitias habeam: In harum enim ædi-
bus docendum est, non ad Marfyæ statuam; vel co-
ram hortorum DEO. Dicam paucis: hircosus, puti-
diorq; omnibus cloacis, Princeps hic fuit.

Addam hoc unum, ut intelligas, orbem illum
idololatricum quantum punierit Deus: Cùm convi-
vium celebraret, sæpè pretiosissimis *cibis* humana *ster-*
cora miscuit, nec abstinuit gustu; aliis irrisis homo
furiosus putabat magnum facere, cùm suos cōvivas ab
esu ciborum (quibus ille delectaretur) hac spurcitiâ
averteret. Honestius adhuc stratagemata fuit *lurconis*
illius *apud Athenæum lib. 1. p. 5.* qui, quò minùs cibos
attingerent vicini, os & fauces assuevit, ne calidissimis
offenderentur; coquos deinde rogavit, ut calidissima
mensis inferrent; quo facto, reliquis, ne urerentur,
cunctantibus, ipse solus ventrem suum cibis egregiè
faburravit.

Natus erat Commodus, vel Incommodus po-
tiùs, patre patruoq; Coss. prid. Calend. Septembr. *illo*
ipso die, quem Caligula primitus aspexit; ut è Suet. Ca-
lig. cap. 8. discimus. Occisus est A. V. 944. pridie
Cal. Jan. Se septimùm, Pub. Helvio Pertinace Coss.
In numis & lapidibus modò *L. Aurelius Commodus,*
modò *M. Commodus Antoninus* dicitur; modò *L.*
Ælius Aurelius Commodus, modò *M. Ælius Aure-*
lius Commodus Antoninus. Vide *Goltz. in Thes. c. 4.*
p. 81.

p. 81. & 82. & de cæde ejus *Lampridius*, doctissimosq; interpretes, *Casaub.* & *Salmas. Baron. in A. C.* 194. *Scal. ad Euseb. n. 2208.*

PERTINAX.

Sphalma in Besoldo. Pertinacis natale solum. Ætas. Professio ante imperium. Honores statim recepti. Mors. Laudabiliter gesta.

CORRUPTISSIMIS libris usus *Besoldus*, *ÆLIUM PERTINACEM* vocat, sed *P. HELVIUS PERTINAX* tum ab auctoribus, lectionis fidelioris, tum in numis Græcis & Latinis describitur. Etiam *P. Helvius Pertinax*, iterum Consul, & adhuc privatus appellatur, *Inscript. IV. p. 56.* è quâ simul convellitur id, quod ajunt, *Pertinacem* fuisse dictum, quòd imperium *pertinaciter* recusasset.

Dio Ligurem Domo Albâ, *Capitolinus* natum in Apennino villâ Martis. *Aurelius Victor* in Agro Squallido *Lollii Gentiani* (ita corrigo) apud Ligures auctor est. Imperium accepit *septuagenario major*, ut vult *Euseb. n. 2209.* à quo dissentiunt alii. Vide *Scal. ad d. num.* Ante imperium *Grammaticen* professum esse verum est, quod scribit *Besoldus*. Accepit hoc à *Capitolino*, qui consulendus in *Pertinacis vitâ*, p. 54.

Primus omnium eâ die, quâ *Augustus* est appellatus, etiam *patris patriæ* nomen recepit; nec non imperium *proconsulare*, cum jure quartæ relationis; quod *omnis* loco illi fuit. Nam alii non nisi serò hæc recipiebant. Occisus est A. V. 946. a. d. 5. Cal. April. *Q. Sosio Falcone*, *C. Jul. Fructo Claro* Coss.

Senatus

Senatui favit, delatores punivit, annonæ diligentissimè providit; scurras illos Commodi, de quibus dixi, turpissimorum nominum, proscripsit ac vendidit: Multa deniq; præclarè gessit in repub. Hujusdem dignissima illa vox est, quæ aureis literis scribatur in omnibus curiis ac palatiis: Sanctius est, P. C. inopem rempub. obtinere, quàm ad divitiarum cumulum, per discrimina atq; dedecoris vestigia pervenire. Capitol. in ejus vitâ, p. 56. Erat in animo, quod Plinius sub Trajano pronunciârat: Fisci mala causa nunquam, nisi sub bono Principe. Atq; hâc in parte æquavit laudem Marci, de quo Capitolinus pag. 27: Fisco nunquam favit. Similis postea extitit Constantii Chlorigi virtus, de quo Libanius in βασιλικῇ: Præstantissimus Princeps tutius ærarium ducebat ipsas privatorum domus. Cum autem sumptuum necessitas incidisset, sufficiebat, necessitatem ærarii edixisse; statimq; omnia pecuniis redundârunt, sponte conferentibus provincialibus. Extat ejus rei exemplum insigne apud Euseb. lib. I. de Vitâ Constantini, cap. 10. Adde Joh. Antioch. in Exc. Peir. p. 837. Ab eadem virtute Julianum commendat Ammianus lib. XXV. p. 294. Vid. ibid. Vales. p. 302.

DIDIUS JULIANUS.

Juliani stirps. Inscriptio de honoribus & magistratibus ejusdem. Græculorum nugæ in nomine Didii. Frugalitatis exempla duo. Juliani præcipua facta, & mors.

Impe-

Imperatoris hujus genus è lapidibus, *Reines. lib. III. Variarum c. 2. p. 342. 343.* ostendit hunc in modum: *Petronius Didius Severus. Avus paternus Didius Severus. Proavus paternus Didius Severus Insaber Mediolanensis. Mater Vibia Salvia Vara, Spartiano Emilia Clara. Avunculus Salvius Julianus occisus à Commodo, Avus maternus C. Vibius Juvencius Varus Cos. A. V. 886. Avia materna sive Salvia, sive alio nomine appellata, Salvii Juliani J Cti filia. Quem J Ctum cum Imperatore perperam confundunt, non tam multi è recentioribus, quàm Græci aliquot Scriptores; Νομθέτης appellantes Principem, & Aurelius Victor, & Euseb. Dixi hac de re ad Pomponium.*

Quos magistratus ante imperium gesserit, docet egregium antiquitatis Romanæ monumentum, nondum publici juris factum; sed cùm ei nocuerit tempus edax rerum, ut suppleretur, egregiam operam attulit idem *Reines. lib. XXIX.* Proinde supplementum cum verbis inscriptionis, ut eam suâ manu descriptam Romæ, in hortis Marchionis Justiniani, ad portam Flaminiam, ad nos misit *Pet. Servius Vir Cl.* Sed minusculis à monumento distinctum hîc subjiciam:

*P. Did. Sev*ERO. *JULIANO.*

Cos. Procos. AFRICÆ. LEG. AUG.

Pro pr. PONTI. ET. BITHYNIÆ.

Pro pr. GalaTIAE. DALMATIÆ. BELGICÆ.

GERM. AFRICÆ. ET. ACHAIAE. PRÆ-

TORI.

TuteLARI. CONSULUM. TRIB. LEG.

XXII. Prim.

XXII. *Prim. Anton. XV. V. Stl.* . . .

JUDICANTIS. SODALI. ANTONIANO.

Optimo PRÆSIDI. PATRONO.

IndulG. BISICA. LUCANA. EX AFRICA.

Secutus est in lineâ priore *Casaub. ad Spart. p. 110.* verum subdubitare cogor, an Petronii nomen locum habeat? *Salvium Julianum* dicit *Lapis II. pag. 459.* Petronii nomen vix reperio, nisi de eo interpretari velimus *Inscr. II. p. 302.* Patrem ita appellatum scio ex *Spartiano*; sed *prænominis loco* positum, vix gentilitium videtur; & posito gentilitium esse, nemo ignorat, illis temporibus filios *diversissimam nomenclaturam* habere cœpisse a parentibus. Sic enim *Juliani fratres* Petronii nomen tulisse videntur, quorum alter *Numius Albinus*, alter *L. Roscius Julianus Proculus* describitur; idemq; *Didius Proculus* *Spartiano.* *Didius* indubiè gentilitium solum est. Hinc *Juliani* Imperatoris filia *Didia Clara* apud *Spart.* & in argenteo numo apud *Oeconem p. 338.* M. DIDIUS. SEVERUS. JULIANUS. AUG. describitur, in numis. Et hanc descriptionem locum habituram spero in lapide nostro.

Mirè nugantur *Georgius Monachus & Cedrenus*, qui *Didium* *Ἰδίου* τὸ δίδοναι nuncupatum scribunt, quòd magna pecunia vi imperium esset mercatus. Postea milites adjecerunt *Commodi* cognomen, *Dio lib. LXXIII p. 835.* Hinc apud *Goltzium* numus hic est: IMP. CÆS. M. DID. COMM. SEVER. JULIANUS. AUG. P. M. TR. P. COS.

Tanta Principis hujus fuit parsimonia, ut per
Y triduum

triduum porcellum, per triduum leporem diviserit, si quis ei fortè misisset: Sæpè autem nullâ existente religione (nota hîc obiter, etiam veteres paganos, ad morem hodiernorum Pontificiorum, religionis causâ, abstinnisse carnibus; & oleribus se leguminibusq; oblectasse; ut è Porphyrio docet Casaub. p. III.) oleribus leguminibusq; contentus, sine carne cœnaverit. Spart. p. 61. Idem ferè lego apud Aur. Victor. de matre Alexandri Severi *Mammaea*; quæ intestina, quamvis permodica (si mensæ prandio superessent) filio apposuerit in convivio altero. Idem mitissimus fuit in ferendis injuriis. Hæc è Spartiano discas: At Dio in Exc. Peir. p. 731. notat à maoribus perditissimis, inexplebili avaritiâ, simulq; luxuriâ & rerum novarum cupiditate. Hoc de illo certum; imperium malè questum, malè perdidisse. Occisus est eod. anno 945. quo imperium rapuit, Cal. Junii.

SEPTIMIUS SEVERUS.

Severi patria & genus. Imperatorum vanitas in affectandâ nobilitate. Pertinacis mores & obitus.

L SEPTIMIUS SEVERUS Africâ oriundus (oppido Lepti, Spart. in Severo p. 64. Euseb. n. 2209. Eutrop. & Aurel. Victor, qui ex emendatione Salmasii dicit, ortum mediè humilem, hoc est, ortum non valdè humili loco, sed mediocriter humili. Morell. in Stat. p. 129. & Baron. in A. C. 195. Septimii Severi Leptitani, ad quem extat lyricum Statii lib. IV. Sylv.

Sylv. pronepōtem arbitrantur. Quibus subscribit *Vossius lib. I. Inst. Orat. c. 5. sect. 11. p. 58.* Ipse ex ambitione, five ut validius domui suæ redderet imperium, **DIVI MARCI ANTONINI PII. GERM. SARMATICI FILIUM, DIVI COMMODI FRATREM** se vocat in *Lapide II. p. 264. & I. p. 265. & V. p. ead.* Quod ipsum *Dio & Spartianus* notant.

Imitati sunt hoc exemplum, quicunq; obscuro genere nati, ad imperii usque fastigium conscenderunt. Sic postea *Macrinus* in nomen *Severi* se infulsit, cum illius nullâ cognatione tangeretur. *Capit. in Macrin. p. 95. ex emendatione Salmas. p. 170. Alexander Severus*, quia pudebat eum *Syrum* dici, originem è *Metellorum* gente præ se ferebat. *Lampr. in Alex. p. 123. 129. Claudius* originem *Trojanam* ementiebatur. *Treb. Pollio in Claud. p. 206. Salmas. ad Treb. pag. 345.* Ajunt alii *Gordianum*, cum hic adolescens uxorem ducturus, more nequissimorum temporum, à muliere, in *Veneris palæstrâ* latis exercitâ, institueretur ad ludum nuptialem; tyrocinium suum posuisse sub artifice magistrâ, parente *Claudii*; atque hinc istum pro *Gordiani* filio habitum. Sic denique *Justinianus* Imperator, *Justiniani* Imperatoris pater adoptivus, *Anitiis* inferi voluit. *Aleman. apud Procop. p. 13. & 14.*

Sed ad *Severum* : Is Imperator factus, **PERTINACIS** nomen adscivit, quod præter *Spartianum* & *Dionem* numi & Græci cum lapidibus testantur; in quibus **L. SEPTIMIUS SEVERUS PERTINAX** describitur. Initium autem imperii incidit in *Id. Sext. A. V. 945. Spart. p. 65.* Sed notat *Cas. p. 115.*

non posse verum esse de hoc mense, nisi sit error in numeris temporum; quibus imperârunt *Pertinax* & *Julianus*: Nec dubium esse, quin *Majo* & *Junio* mota sit mentio in exercitu de creando Severo. *Goltzius* & *Onuphrius* initium constituunt Id. Maj. anno altero imperii, hoc est, A. V. 946. Seipso iterum, & *Albino* iterum Coss.

Emilianum, *Pescennium Nigrum*, *Arabes*, *Parthos* & *Adiabenos* vicit, *Spart. p. 67.* Numus argenteus: L. SEPT. SEV. PERT. AUG. IMP. V. PARTH. ARAB. COS. II. P. P. Eadem observabis *Inscript. VI. p. 266.* Disciplinæ militaris custos acerrimus, vini avidus, cibi parcus; rei Veneræ, nisi ad creandos liberos, prorsus ignarus. Deniq; ut compendio dicam, vir domi foriq; conspicuus, sed *Imperator infelix*. In numis Græcis & Latinis: IMP. CÆSAR. CAJUS. PESCENNIUS. NIGER. JUSTUS describitur.

Nigro interfecto, bellum civile movit *Clodius Albinus*, quem in numis integrè appellatum legimus: D. CLODIUM. SEPTIMIUM. ALBINUM. Imperatorem exercitus in Galliâ fecerat, nequaquam cum *Pescennio* comparandum, gulosum, injustum, atrocem; qui nulli delicto pepercerit: Vestibus prætereà nimis studiosum, in convivio sordidum, & soli studentem copiæ, depingit *Spart.* Hoc tamen in eo laudandum, quòd aVERSÆ Veneris semper fuerit ignarus. Cæsum Fastorum conditores volunt, a. d. II. Cal. Mart. A. V. 949. Appio Claudio Laterano, M. Mario Titio Ruffino Coss.

Eodem

Eodem tempore motum & confectum bellum *Judaicum & Samariticum*. *Euseb. num. 2213*. Unde, *Spartiano* teste, triumphus Judaicus S.C. decretus est. Bellum nusquam reperire se posuisse scribit *Casaubonus*; at meminit *Eusebius* loco, quo dixi.

Anno sequente, hoc est, A.V. 950. Ti. Saturnino. C. Gallo Coss. prid. Id. Majas, Severi filius, natu major M. AURELIUS ANTONINUS (*Bassiani Caracallæ* nomine vulgò notior) IMP. CÆS. appellatus est, & Tribunitiam potestatem accepit. *Baron. in A.C. 197*. Huc pertinet *Inscr. II. p. 1020*: IMP. CÆSAR. L. SEPTIMIUS. SEV. PIUS. PERTINAX. PONT. MAX. TRIB. POT. VI. IMP. CÆS. M. AURELIUS. ANTONINUS. AUG. IMP. SEVERI. AUG. FIL. TRIB. POT. PROCOS. Ex quâ cum constet, sexto Tribunitiæ potestatis anno absoluto, *primum Caracallæ* numerari cœpisse; simul illud manifestum est, quod de initio *Caracallæ* scripserunt annalium instauratores; constituendum esse in A. V. 950.

Hinc etiam *Salmasius* figmentum esse putat, quòd apud *Spartianum & Victorem* legimus: Cum *Severus* pedibus æger bellum *Parthicum* moraretur, idq; milites anxie ferrent; ejusq; filium *Bassianum*, qui una erat, Augustum fecissent, tolli se, & in tribunal ferri jussisse; adesse deinde tribunos, centuriones, duces & cohortes, quibus auctoribus id acciderat: Sisti deinde filium, qui Augusti nomen accepisset. Tum in auctores supplicium imperantem, milites humi prostratos rogasse omnes, & Principi supplicatos esse.

Quo viso, manu caput contingentem dixisse: Tandem sentitis, caput hoc imperare, non pedes! *Hec*, inquam, *omnia fabulosa* videntur doctissimo viro: Nam ante bellum Parthicum jam pater filium Aug. & Imperatorem dixerat. Eodem verò anno 950, immani virorum illustrium cæde Severus filiis suis imperium stabilire voluit; iisq; perpetratis, expeditionem contra Parthos suscepit; de quâ *Scal. ad Euseb. n. 2215*. Sed hunc dum legis, memorem te volumus illius, quod suprâ diximus; *Dionysii versus* non esse capiendos de Severo & Caracalla, sed de *divis fratribus*. Ctesiphontem usque, pulso Parthorum Rege, pervenit, idq; bellum duravit usque ad A. V. 954. Nam illo anno in Syria Consulatum tertium cum filio iniit.

Imperatorem appellatum *P. Septimium Getam* A. V. 953. L. Annio Fabiano, M. Nonio Mutiano Coss. vult *Inscr. II. p. 157*. de cuius scripturâ ne dubites, confer *Inscr. V. VII. & VIII. p. ejusd.* Attulerunt eandem *Scal. ad Euseb. & Salmas. ad Spart.* Accedit *Casaubonus*, cum ait: *Getam Augustum* nuncupavit Severus, octavum annum imperans, vel ad summum nonum. Sed qui Fastos concinnârunt, P. SEPTIMIUM GETAM AUGUSTUM appellatum, & Tribunitiam potestatem accepisse volunt A. V. 960. Caracallâ tertium, Getâ iterum Coss. pro quibus faciunt numi. Apud *Spartianum* invenio Getam Cæsarem à militibus appellatum *post victoriam Parthicam*, anno ante Consulatum tertium patris; unde suspicer, qui inscriptionem illam proposuit, per errorem *Imperatorem* dixisse, quem *Cæsarem* debuerat. Ulti-

Ultimum opus Severi memoratu dignum fuit, *expeditio Britannica, & vallum illud a mari ad mare; cujus reliquias hodieq; conspiciere est. Scal. ad Euf. n. 2222.* Mortuus est Severus *Eboraci* in Britannia, prid. Non. Febr. A. V. 963. Lolliano Bassiano & Gentiano Coss. natus annos 66. Ultima verba exhalantis animam fuerunt: *Turbatam remp ubiq; accepi, pacatam, etiam Britannis, relinquo!* Idem quasi testis vitæ mortalium: *Cuncta, inquit, fui; conducit nihil.* Quibus verbis, ait *Casaubonus*, complexus est integri libelli ejus (finem solum excipimus) summam; qui à sapientissimo Regum Salomone super humanarum rerum vanitate, planè divinitus est compositus. *Adde Lips. lib. II. Monit. & Exempl. polit. 14.* Corpus militari more à militibus elatum, impositumq; in rogam honestatum militum & filiorum *decursione*, in loco, quem *Sivers* à Severo dictum ait *Camdenus in Britan. p. 569.*

Fuit imperator cibi parcissimus, leguminis patrii avidus, vini aliquando cupidus, carnis frequenter ignarus; utilis Reip. si quisquam alius, sed ob multas cædes Patribus Conscriptis formidabilis.

ADDITAMENTUM.

Besoldus in Synopsi majore recenset viros doctos, qui sub Severo floruerunt: Iis velim adjicias C. J. *Solinum Polyhistorem*, Plinii compilatorem; qui Senatusconsultum, quod *de non occidendis Senatoribus* Severus ab initio fieri jusserat, perscripsit; sed mox ab eodem occisus est. *Vales. ad Exc. Peir. p. 105.*

CARACALLA.

Erratum in Synopsi nostra corrigitur. Caracallæ nomen. Julia, Caracallæ mater. Lapis, ad quem offenderunt viri docti, examinatur. Non rarò in Fastis Consulum paria eorundem cognominum diversis temporibus. Caracallæ mores & cædes.

Mortuo Severo, CARACALLA & GETA imperium acceperunt. Immane peccatum est in Synopsi minore, quæ post Severum nominat *Antoninum Bassianum, Caracallæ filium*. Corrige: *Antoninus Bassianus Caracalla, filius, scil. Severi*. Ob genus vestimenti demissi usque ad thallos, quod populo dederat, *Caracallæ* nomen tulit. *Euseb. n. 2229.* ubi *Scaliger* consulendus est. Adde doctissimos interpretes *Spartiani, Casaub. & Salmas.* Græcis semper *Καρχαλλῶ*. In numis & lapidibus M. AURELIUS ANTONINUS describitur,

Mater utriusq, Caracallæ & Getæ, *Julia Syra*, studiis philosophiæ tam exercita, ut *Φιλόσοφος* dicatur à *Philostrato*, (*Reines. lib. II. Var. cap. 12. Salmas. ad Spart. p. 140.*) In numis JULIA DOMNA (hoc est, Domina) ΙΟΥΛΙΑ ΔΟΜΝΑ ΣΕΒΑΣΤΗ, JULIA AUGUSTA, ΔΟΜΝΑ ΙΟΥΛΙΑ ΣΕΥΕΡΑ ΣΕΒΑΣΤΗ, JULIA PIA AUGUSTA. Hoc verò è *Dione, Philostrato, Oppiano & Herodiano* fusè probat *Salmasius* contra *Spartianum*; qui scripserat, *Bassianum* è priore matrimonio susceptum, & *Getam*
ex

ex Julia. In quo errore *Ensebius* quoque hæsitasse patet è n. 2232.

Difficultatem majorem peperit *Inscr. VI. p. 6.* quæ dedicata I. O. M. ET. JUNONI. REGINÆ. PRO. SALUTE. IMP. M. AURELII. ANTONINI. PII. AUG. ET. JULIÆ. AUGUSTÆ. MATRIS. AUGUSTI. Non posse alium M. Aurelium Antoninum intelligi, nisi Caracallam, nec aliam Juliam Augustam, nisi Juliam Severi, *Scaliger & Salmasius* profitentur; & tamen illa ipsa inscriptio Consules subscriptos habet FALCONEM & CLARUM; qui, ut viri laudati volunt, Consulatum gesserunt A. V. 945. Quo tempore Caracalla *quatuor annorum* puerulus, nec dum Imperator. *Reines. lib. I. Variar. c. 21. p. 87.* pollicitus est, se in *Examine inscriptionum veterum* daturum inscriptionis explicationem tam planam, ut omnes eam intelligant: Nec quin hoc ipsum præstiturus sit, ulli dubitamus. Sed valdè cupientibus tam diuturna mora nimis molesta est, ἐξέχ' ὦ φίλ' ἡλιε!

Interim, dum id fiat, promam hîc, quod mihi videtur. Aliam *Juliam* reperire non possum: Sed cum *Salmasio & Scaligero* lapidem interpretor de *Julia Severi*, matre Caracallæ. Subscriptionem quod attinet, per *Falconem & Clarum* non intelligo *Q. Sositum Falconem, Cajum Jul. Fructum Clarum*, Coss. ordinarios A. V. 945. sed par aliquot suffectorum, post mortem Severi; quod annumeramus centum paribus, quæ in Fastis non extant hodiè.

Stupes ad hanc responsionem meam? non est

Medusæ caput. Legisti enim Fastos liberæ reip. nec observâsti A. V. 268. Vibulanum & Maluginensem Coss. Et A. V. 294. Consulum par *eorundem cognominum* ? Sic Albinum & Pisonem Coss. habes A. V. 573, & rursus *eorundem cognominum*, sed diversos à superioribus A. V. 605. Sic A. V. 535. conspiciuntur Tiberius Sempronius Longus, P. Cornelius Scipio Coss. Et rursus Tiberius Sempronius Longus, Pub. Cornelius Scipio, diversi à superioribus, A. V. 559. Sic Lentulum & Crassum legis in A. V. 656. & Lentulum & Crassum diu post reperis in A. V. 739. Sic L. Pisonem & M. Drusum Consulatum gessisse vides A. V. 641. & eundem honorem adeptos L. Pisonem M. Drusum A. V. 738. Quid igitur tergiversaris, si post Q. Sonium Falconem & C. Julium Fructum Clarum tibi damus alios ab his diversos ; sed ejusdem cognominis.

Et ex istis Falconem habeo pro filio Q. Sonii Falconis, de quo *Capitolinus* in Pertinace : *Faleoni, qui Pertinaci insidias struxerat, ille ipse pepercit ; & à Senatu impunitatem ejus petiit. Deniq, Falco in rebus suis securus vixit, & HÆREDE FILIO perit.* Hæredem, inquam, filium, Falconem hunc posteriorem esse suspicor, sub Caracallâ Cos. Responsum aliud in præsentiarum nunc monet mea non suggerit.

Nunc de CARACALLA : Is fratrem suum PUB. SEPTIMIUM GETAM, participem imperii, altero anno post patris mortem, hoc est, A. V. 964. duobus Aspris Coss. (ita nominantur *Inscr. I.*

p. 132.) Juliani Aspri filius (*Vales. ad Exc. Peir. p. 106. 107.*) nefariâ fraude interfecit a. d. 5. Cal. Mart. Vide *Spart. in Caracalla & Geta. Herodotum lib. IV. Dion. lib. LXXVII.* qui fusè res ejus describunt. Adde insignia *Fragmenta Peir. à pag. 742. usque ad 761.* Ex his breviter tibi hominem describo, furiosum, ad omnia precipitem, virtutis, & illustrium virorum hostem; bonis exitiosum, cadibus assiduè favientem; prodigum in milites, Φίλαυτον, rapacem nec à fraternis manibus abstinentem; vitiis suis gloriantem, omnibus deniq; terribilem; nisi Germanis & aliis hostibus, qui stultum ridebant, pecuniâ emungebant, vel cladibus mulcabant. Cùm aliquando virgini Vestali vim fecisset, statim omnis eum Venerea vis destituit. De cæde Papiniani (cujus Besoldus meminit) adeundus *Spart. in Severo p. 72. Inscr. VIII. p. 348. Æmiliū Paulum Papinianum, patrem Hostilium Papinianum, matrem Eugeniam Gracilem vocat. Ipse verò Caracalla inter Edessam & Carras rursus occisus est a. d. 6. Id. Apr. A. V. 969. C. Brutio Præsente, T. Messio Extricato Coss. Baron. in A. C. 219. Scal. ad Euf. n. 2232. De ætate ejus prolixè disputat Casaub. ad Spart. p. 133.*

MACRINUS.

Macrinus alieno genere se inserit. Vitium Besoldiana Synopseos. Macrini & Diadumeniani interitus.

Hic obscuro loco natus apud Mauros in colonia Julia Cæsarea, Juba quondam regia. Præfectus prætorio A. V. 968. *Capitol. in Macrin. Spart.*

Spart. in Carac. Dio in Exc. Peir. p. 759. Occiso Caracallâ imperium à militibus accepit, & se in *nomen Severi*, quo majorem benevolentiam assequeretur, infulsit. *Capitol. in ejus vitâ p. 95. ex emendatione Salmas. p. 170.* Hinc in numis describitur: M. OPILIUS. SEVERUS. MACRINUS. Lego etiam in aliis: IMP. CÆS. M. OPILII. AURELII. SEVERI. MACRINI. AUG. Cæterum satis hinc apparet, quàm malè vocatus sit in Synopsi nostra minore Popilius Macrinus.

Altero anno, qui fuit ab V. C. 970, filium *M. Opilium Macrinum Diadumenianum* (quem è Nonia Celsa stupro antè cognita quàm ducta genuit) Consulem illo anno, collegâ Ecdiciano Advento, Imperatorem Augustum appellavit. Sed uterq; paulò pòst, hoc est, a. d. 7. Id. Jun. commisso contra *Helio-gabalum* prælio, in finibus Phœnices & Syriæ, victus & in fugâ interfectus est. De loco cædis vid. *Casaub. ad Macrinum p. 139.*

Pater timidus & impudens fuit, qui *pacem* emit à *Parthis*; honores dedit indignis. Sed nec in filio quicquam, præter pulchritudinem, memorabile. In numis: M OPILIUS MACRINUS DIADUMENIANUS. Item. M. OPILIUS ANTONINUS DIADUMENIANUS. Et: IMP. CÆSAR. ANTONINUS. PIUS. DIADUMENIANUS. describitur. Plura petenda sunt ex *Herodiano* & *Dione*.

HELIO-

HELIOGABALUS.

Heliogabali genus. Nomen unde? Besoldi sententia rejicitur. Helagabali nomenclatura, vanitas & cædes.

Flagitiosissimi hominis istius genus hoc fuit: Bassianus, Phœniciâ oriundus, filias habuit *Juliam Domnam Augustam*, Caracallæ matrem, & *Juliam Mæsam*. Hæc *Julium Avitum* Consularem Virum maritum habuit; & ex illo *Juliam Sohæmiadem* & *Jul. Mammæam*. Sohæmias Vario Marcello, senatorii ordinis viro, nupta peperit *Avitum*; qui & *Bassianus* dictus est, ex avi & proavi materni nomine; ex paterno autem nomine *Varius*. Consulendus *Vales.* ad *Exc. Peir.* p. 111. 112.

Et hic notissimus ex sceleribus & flagitiis **HELIOGABALUS** est, de quo nomine multa *Scal. ad Euf. n. 2234. Baron. ad A. C. 220. Fullerus lib. I. Miscellan. Sacr. cap. 14. & post hos Casaub. & Salmas. ad Lamprid. Voss. lib. II. de Idol. c. 5.* Dicam paucis: Derivant primam partem ab *Elah*, sive Arabicè *Alah*; quæ vox **DEUM** significat. Sed in alterâ parte dissentiunt: *Scaligerum* sequitur *Besoldus*, qui *Alagabulum* vult esse Deum Gabalitarum; nos *Vossii* & *Salmasii* opinionem: *Gebel* Arabibus montem significat; & *Elagabalus* sive *Alagabalus* nihil aliud, quàm *Deus mons*. Huc nos ducit *Herodianus*, è quo colligimus, Emisenos *Solem* coluisse in montis effigie; quem montem cœlo delapsam credebant. Hinc *Alagabalus* appellatus, quasi *Deus mons*, vel in montis figuram effigia-

effligiatus. In numis frequenter descriptus est: IMP. CÆSAR. M. AURELIUS. ANTONINUS. PIUS. FELIX. AUG. SACERDOS. DEI. SOLIS. ELAGABALI.

Haberi voluit pro Caracallæ filio, Severi nepote; ut tùm ex aliis, tùm ex *Inscr. III. p. 158. & Inscr. VII. p. 1058.* manifestum est. Rectè verò de hoc Besoldus: *Adeò turpis fuit, ut ejus facta absque rubore nequeat referre.* Abstinemus igitur etiam nos, & aures præbimus illi *Plinii dicto: Parum abesse à docente eum, qui narret.* Quamvis aliàs tueri me possem ex *Athen. lib. I. p. 14. Diod. Sic. in Exc. Peir. p. 266. Frehero lib. II. de Existimatione c. 1. §. 5. Freinshem. ad Curt. lib. IV. c. 10. §. 23.* Occiditur cum matre A. V. 974. a. d. 6. Id. Mart. *Baron. in A. C. 224.*

ALEXANDER MAMMÆÆ.

Alexander Princeps laudatus. Bellator infelix. Narratio Besoldiana è Lampridio & aliis rejicitur. Alexandri cædes.

Mater hujus Principis (qui ex numis integrè appellandus est, M. AURELIUS SEVERUS ALEXANDER) *Julia Mammæa*; de qua jam in Heliogabalo. At quis pater fuerit, dici non potest. Vide *Vales. l. c.* Cæsar ab Heliogabalo dictus est a. d. 7. Id. Jun. A. V. 973. & anno sequenti, post illius mortem Imperator, magno S. P. Q. R. consensu.

Habet inter laudatos Principes locum, utpote *ejus imperium incrementum* ferè fuit. Sanè à *Marci princi-*

principatu illud ipsum quasi *secundo loco* celebrabatur. *Joh. Ant. Exc. Peir. p. 830. Pighius in Hercule Prodic. p. 250.* Sed bello non perinde *foelix* fuit: Quod enim *Besoldus* è *Lampridio, Eutropio, & Eusebio* refert, *Artaxerxem*, Persarum Regem, ingenti prælio vicisse, & *Mesopotamiam* ab *Heliogabalo* deperditam *recuperasse*; ex Orientalium libris & *Herodiano* satis confutavimus alibi: Nam ex illis constat, tot stragibus affectum esse, ut Persis cederet *Susianâ, Coelesyriâ, Chaldaâ, Palestinâ* & *Gracie* parte. Adde *Casamb. ad Lamprid. p. 173.* Occisus est *Moguntiaci*, in *Germaniâ*, tumultu militari, insidiis *Maximini* A. V. 987. L. Catilio Severo, L. Ragonio Urinatio Tuscenio *Quinctiano* Coss. a. d. 15. Calend. April. Vide *Scal. ad Euseb, n. 2250.*

MAXIMINUS & MAXIMUS.

Maximini genus, & crudelitas. *Maximi* filii pulchritudo. *Utriusq;* cædes.

C JULIUS MAXIMINUS THRAX, patre *Miccâ*, matre *Hababâ* (ita legit *Palatinus* codex *Capitolini*) post occupatum imperium C. I. Verum Maximum filium a. d. 4. Id. Octobr. Cæsarem appellat. Vir fuit & roboris & voracitatis stupenda, ferini prorsus animi; qui ex molli mansuetoque imperio ad tyrannidem vertere omnia contende-
bat. Hostis etiam Christianorum acerrimus. *Joh. Antiochen. in Exc. Peir. p. 830.* Bellator alioquin strenuus, Germanos graviter afflixit. Filius ob pulchritudinem

dinem celebris, quæ tanta fuit, ut *caput mortui*, & si jam nigrum & deformatum, videretur esse caput umbræ pulcerrimæ. Ita *Capitolinum* explicat *Salmas.* p. 256. Occisus est uterq; A. V. 989.

GORDIANI, PATER ET FILIUS.

*Gordiani parentes. Cum filio quamdiu regnâ-
rit. Utriusq; mores & mors.*

M. ANTONINUS GORDIANUS AFRI-
CANUS (ita in numis describitur) Procas.
Africæ, natus ex patre *Metio Marullo*, matre
Ulpia Gordianâ; origine paternâ *Gracchorum* fami-
liam, maternâ *Traiani* domum complexus est. *Capitol.*
p. 151. In Africâ Imperator salutatus est cum filio, *M.*
Antonio Gordiano Africano. De Africani cogno-
mine *Casaub.* vide ad *Capitolinum* p. 191. Uterq; non
nisi unum mensem, dies 6. imperavit. *Idem* p. 193.

De morte utriusq; dissensus est. *Zosimus* tradit,
naufragio periisse; quod fabulosum esse, docet *Salmas.*
Ut certum credunt alii, *victum* filium à *Capelliano*,
Mauritaniæ rectore; qui *Maximini* partium erat:
Et interemptum esse, cum tempesta, turbato *Gor-
diani* exercitu, facilem illi præberet victoriam; eoque
cognito, *Gordianum* seniore *laqueo* vitam finiisse.
Hoc *Onuphrius*, approbante *Casaubono*, factum putat
Cal. Jun. A. V. 989. Pub. Titio Perpetuo, L. Ovinio
Rustico Corneliano Coss.

Pater adeò modestus erat, ut nihil dici posset,
quod

quod ille fecisset aut cupidè aut immoderatè. Filius formâ conspicuus, memoriæ singularis, bonitatis insignis & juris peritus. *Lampridius* ex emendatione *Salmasii*: *Antonius Gordianus*, *Gordiani Imperatoris filius*, & ipse *Imperator*, scilicet, in consilio *Alexandri Severi* fuit. *Capitolinus*: *Nec civibus nec reipub. ad consultationem defuit.*

Hoc tamen in eo reprehensum, quòd mulierum esset cupidissimus. Habuit enim concubinas XXII. è quibus omnibus ternos aut quaternos filios reliquit. Hinc *Priamus*, & ab aliis per jocum, *Priapus* dictus est.

MAXIMUS & BALBINUS.

Balbini & Maximi nomenclatura. Dissensum à Salmasio in explicatione numi: Uterque cæsus.

COgnito Gordianorum interitu, Senatus metu perculsus, contra *Maximinum*, a. d. 7. Id. Jul. A. V. 989. Imperatores creavit **BALBINUM ET MAXIMUM**. Alterum *Clodium Balbinum* vocat *Capitol.* cui adversi sunt omnes numi; in quibus descriptus est **D. CÆLIUS BALBINUS**. Alter dictus **M. CLODIUS PUPIENUS MAXIMUS**; ut nos docent iidem numi.

Sed huic descriptioni opponit se *Salmasius* ad *Capitolini Maximum* p. 269: **IMP. C. M. CLOD. PUPIENUS**, & **IMP. CÆS. M. CLOD. PUPIENUS**. explicat: *Imperator Cajus Maximus Clodius*

Pupienus. Et: *Imp. Caesar, Maximus Clodius Pupienus*. Cras credam hoc asserenti, hodiè assentiri metuo. Græci habent: ΑΥΤ. Κ. Μ. ΚΛΩΔΙ. ΠΟΥΠΙΗΝ. ΜΑΞΙΜ. ΑΥΤ. ΔΗΜΑΡΧ. ΕΞΟΥ. ΥΠΑΤΟΣ. ΤΟΥ. Β. Hoc est: *Imp. Cæs. Marcus Clodius Pupienus Maximus Augustus, Tribunitiâ potestate Cos. iterum*. Ex quibus intelligimus, quàm *Caji* prænomen non habeat locum; quàmq; frustra sit *Salmasius* in totâ illâ observatione suâ.

Utriusq; Principis mores quod attinet, *Balbinus* sanctitate & verecundiâ ingentem sibi favorem conciliavit; staturâ procerus, eloquentiâ clarus, voluptatibus deditus; quas adjuvabat divitiarum abundantia. *Pupienus Maximus*, domi forisq; semper severus, vultu gravis, justus; & hinc (ni fallor) egenus. Missus contra *Maximinum*, cùm bellum ad *Ravennam* summo studio parat; ad eum capita *Maximini* & *Maximi*, patris & filii missa sunt. Sed dum post victoriam *Balbinus* & *Maximus* clàm inter se dissentiunt, uterq; seditione militari occubuit A. V. 990. (ut vult *Onuphrius*) *Pio* & *Pontiano* Coss. Sed hoc alibi cum curâ expendimus. Interim *Casaubonum* vide p. 171. *Baron. in A. C.* 240.

GORDIANUS NEPOS.

Gordiani hujus pater incertus. Ejusdem mores, cædes, uxor.

Seditione concitatâ inter Prætorianos & populum, ita ut potissima pars urbis incenderetur, & conflagraret, templa foedarentur; *M. Clod. Pupienus*

pienus Maximus, M. ANTONIUM GORDIANUM, sedandæ seditionis, ad populum *purpuratum* produxit; quo viso concordia rediit. Factum id putat Onüphrius A. V. 989. Perpetuo & Corneliano Coss. Sed tunc *Cæsar* saltem appellatus est. Cæsis autem Balbino & Maximo, Tribunitiam potestatem cum imperio accepit, natus annos 13.

Hunc alii, ut *Dexippus*, Gordiani senioris nepotem ex filio; alii, ut *Herodianus*, ex filiâ volunt. Fuit juvenis lætus & amabilis. Contra Persas profectus *Saporem* vincit, *Antiochiam*, *Carras*, & *Nisibin* recipit, C. Aufidio Attico, C. Asinio Prætextato Coss. Vide *Casaub. ad Capitol.* Occiditur perfidiâ *M. Julii Philippi Arabis* A. V. 996. Peregrino & Æmiliano Coss. Uxor *Furia Sabina Tranquillina*, *Misitheï* filia: *Inscr. XI. p. 1085.*

MARCIUS.

SEnatus cùm accepisset *Gordiani III.* mortem, usus jure suo, MARCIUM quendam è Senatu, sapientiæ & philosophiæ studiis deditum, Imperatorem creavit. Sed is mox in palatio morbo absumptus est, ut è *Zonarâ* docet *Casaub. ad August. Historiæ Scriptores p. 201.* Numus apud *Golzium in Thesauro*: IMP. CÆS. M. MARCIUS. AUG. P. M. TR. P.

HOSTILIANUS.

MArcio extincto, eorundem Patrum suffragiis successit hic, qui morbo statim correptus, post *missum sanguinem* fatis concessit. *Casaub. cl. l.*

In numo describitur : IMP. CÆS. LUCIUS. AURELIUS. SEVERUS. HOSTILIANUS.

PHILIPPI, PATER ET FILIUS.

Philippus Christianum fuisse negatur. Filius ad imperium proventus mutat nomen. Vtriusq; cades.

M JULIUS PHILIPPUS ARABS, occiso Gordiano III, imperium invadit in Oriente A. V. 996. *Christianum fuisse, multi scribunt ex Eusebio; nos accedimus Scaligero ad Euf. n. 2260, qui censet, magnam injuriam sacrosancto Christi cultui facere, qui primi hunc latronem Araba, Domini sui innocentissimi, & reip. maximè necessarii interfectorem, idolorum cultorem, & ex cujus vitâ nihil tale colligi potest, Christianum ausi sunt dicere: Et epistolas Origenis ad eum & Severam ejus uxorem commenti sunt; ut nimo fides haberetur. Eusebius quidem veniam meretur, quòd ab aliis deceptus est, ut patet è lib. VI. Histor. Eccles. cap. 36. Hæc & plura Scaliger. Post Eusebium verò id ipsum tradidit Orosius lib. VII. cap. 20. Orosium exscripsit auctor anonymus de Constantio Chlora, Constantino M. & aliis Imperatoribus; quem primus publicavit Vales. cum Ammiano, pag. 476.*

Quòd verò Baronius suspicatus est, & Besoldus hîc amplectitur, *Christianum demùm factum*, postquam imperare cœpit; apud me nullam habet veri speciem.

speciem. Nec quisquam, scio, admittet, qui Philippi, jam Principis, idololatræ non pauca apud Scriptores genuinos legerit. Vero similior conjectura *Baronii* altera, cui etiam *Casaubonus* accedit; confudisse quosdam *Philippum Arabem*, cum *Philippo Augustali*, patre S. *Eugeniae*. Et tantum de isto.

Biennio post, hoc est, A. V. 999. Philippus *filium suum assumptum in consortium imperii*; qui cum prius appellaretur C. JULIUS SATURNINUS PHILIPPUS, accepto imperio, in nomina patris transiit; ut multi docent numi. *Chronico Alexandrino* Φιλίππου ὁ Ἰερίωγ. Scilicet auctor illius inscitè cognomen fecit ex Latino, quo à seniore distinguebatur. Annos potentiae quinque egisse scribit *Aurel. Victor*, alii sex. Occisi sunt à militibus A. V. 1001. L. Junio Æmiliano iterum, C. Vettio Aquilino Coss. Vide præter *Onuphr. Baron. in A. C. 251.*

JOTAPIANUS.

Hic Alexandri Severi stirpe tumens, Philippi temporibus, ut scribit *Zosim. lib. 1.* imperium in Oriente occupavit. Sed statim oppressus, cum imperio vitam simul amisit. Sed *Aur. Victor*, caput ejus ad Decium Imperatorem Romanum fuisse delatum, ait.

MARINUS.

Eodem tempore, quo Jotapianus in *Syria*, Marinus in *Pannonia* vel *Mæsia* à legionibus præfidiariis Imperator salutatus est, nec multò post

trucidatus; ut narrant *Zosim.* & *Zonar.* Miratur *Casaubonus*, quo auctore quidam appellent P U B L. CARVILIUM MARINUM. Miror ergo, mirari *Casaubonum*. Numus Græcus apud *Goltzium* in *Thes.* ATT. K. ΠΟΤΒΛ. ΚΑΡΟΤΙΑ. ΜΑΡΕΙΝΟΣ. ΣΕΒ. Et Latinus: IMP. C. P. CARVIL. MARI- NUS. AUG. Appellârunt igitur ex numis. Ma- crinum perperam dicit *Besoldus* in *Synopsi* majore.

DECIUS, PATER.

Decii genus. Spuria inscriptio de Philippis. S. Laurentius non passus sub Decio. Deciorum patris & filii interitus. Quis iste filius? Onuphrii sententia, quam Goltzius sequitur, rejicitur.

CN. MESSIUS Q. TRAJANUS DECIUS (ita describitur in multis numis, & *Inscr. VI. p. 273.*) familiâ dignitateq; præstabat, ut ait *Zosim. d. l. 1.* Et sanè valdè clara Deciorum domus inferioribus temporibus, cujus præter alios *Sidonius* meminit *lib. 1. ep. 9.* Hic autem suffragiis militum in Illyrico nactus imperium, Philippum patrem ad Veronam devicit; qui ibidem periit, ut filius Romæ.

Baronius in *A. C. 253.* de utriusq; morte hanc Inscriptionem profert, & agnoscit pro veteri: A N- NO. CHRISTI. CCLIII. IMP. DIVUS. PHILIPPUS. SENIOR. VERONÆ. ET. ROMÆ. JUNIOR. A. SATELLITIBUS. OCCISUS. EST. Sed *Scal. ad Euf.* supposititiam esse satis demonstrat, & descriptam ex *Chronico Hieronymiano.*

De-

Decius posthæc persecutus Christianos, inter alios *D. Laurentium* crudeli mortis genere sustulit, ut *Eusebius* vult *n. 2267*. Sed hanc sententiam multis refellit *Baronius*, *notis ad Martyrolog. Roman. diem X. Aug.* Ubi docet, *Laurentium* passum esse sub *Valeriano* Principe.

Ab aliis valdè commendatur hic Decius, qui nomen *optimi Principis* iudicio Senatus meruerit, artibus cunctis, virtutibusq; instructus; placidus, comis, armisq; promptissimus. Contra *Gothos* pugnans, equi lapsu prostratus, & paludis voragini immerusus, cum inde non posset emergere, à Barbaris oppressus est; ut præter *Zosimum* scriptum reliquit *Ammian. Marcell. lib. XXXI. p. 462.*

Addunt alii filium simul occisum. *Victor Schotti: Decii Barbaros trans Danubium insectantes, Bruti fraude cecidere. Jornandes: Ipse bellantibus Getis cum filio suo crudeli morte occubuit abrupto. Cassiodorus: Decius cum filio suo in Abricio Thracie loco à Getis occiditur.* De corruptelis horum locorum vide *Scalig. ad Euf. n. 2267.*

Decii filium, ajunt, in numis & lapidibus describi. Q. HERENNIUM. ETRUSCUM. MESSIUM. DECIUM. NOBILISSIMUM. CÆSAREM. PRINCIPEM. JUVENTUTIS. Idem IMP. CÆS. AUG. in aliis dicitur. Sed hunc ad imperium pervenisse post patris mortem, statimq; insidiis sublatum à *C. Vibio Trebaniano Gallo* vult *Onuphrius è Zosimo*; quem *Goltzius* sequitur.

Reperitur etiam in numis: IMP. CÆS. C.

VALENS. HOSTILIANUS. MESSIUS. QUINTUS. AUG. quem *Decii generum* idem *Onuphrius* suspicatur, occisum ab eodem Gallo. Mihi res non satis expedita est. Quòd ait *Onuphrius*, ex omnibus auctoribus constare, Decium Imperatorem *unum tantum filium* habuisse, *Decium Cæsarem*; tam apud me falsum est, quàm quod falsissimum. *Unum* cum patre occisum docuerunt nos *Victor, Jornandes, & Cassiodorus*. *Alterum* post patris mortem à Gallo adoptatum scribit *Zosimus*. Et quid multis? manifestè *Zosimus* tribuit duos his verbis: καὶ τὸν ἐν αὐτῷ τῶν αὐτῶν (Δεξιῶν) παίδων ἐποιεῖτον. Hoc est: *Alterum ex filiis ejus superstitem adoptabat*. Satis etiam judicat, alterum occisum cum patre. Quod diligenter consideranti, omninò statuendum videtur. Q. Herennium Etruscum Messium Decium occisum, cum patre Cn. Messio Quinto Trajano Decio; eundemq; Imperatorem *Cæsarem appellatum* ante cædem patris: alterum autem filium esse C. Valentem Hostilianum Messium Quintum.

Nugæ igitur sunt, quas *Onuphrius* vendidit, Q. Herennium Etruscum Messium Decium imperium accepisse post interitum *Decii patris*, & C. Valentem Hostilianum Messium Quintum, *Decii senioris generum* esse. Neutrum verum: Quis non ex cognominibus *Messii & Quincti*, quæ Valenti Hostiliano dantur, concludat; filium potius esse Cn. *Messii Quincti Trajani Decii*, quàm generum?

Sed quando uterq; cæsus? Novembri, ut puto, aut Decembri A. V. 1003. *Treb. Pollio in Valer. p. 173.*

Duobus

Duobus Deciiis Coss. a. d. 6. Cal. Novembr. cū ob imperatorias literas *in ade Castorum Senatus* haberetur. Ergo Octobr. extremo adhuc vivebat Decius, quod ē seqq. etiam apparet.

PRISCUS LICINIANUS.

GALLUS VOLUSIANUS.

HOSTILIANUS ÆMILIANUS.

Victoris & Casauboni *lapsus in nominandis Imperatoribus notantur*. Eutropius *emendatur*. *Nomenclatura vera Imperatorum ē numis demonstratur*.

TEmporum istorum historiam valdè involutam conqueritur *Casaubonus ad Augustæ Hist. Scriptores, p. 202*. Et meritò: Vix enim unus Scriptor cum altero dicit idem. Sed tamen Vir doctissimus non præstitit, quod præstandum susceperat. Veram historiam tibi damus hoc modo: Vivis adhuc Deciiis, LUCIUS PRISCUS, *Macedoniæ Præses*, Imperator appellatus est. *Victor*. An sit Philippus Imperatoris frater, quem inter præcipuos duces illorum temporum nominat *Zosimus*, haud constat.

Per eadem tempora imperium invasit LICINIANUS. *S. Aur. Victor*. Hujus (sc. Decii) temporibus *Valens Licinianus* Imperator effectus est. Malè *Valentis* nomen tribuit, *ablatum Hostiliano*; sicut paulò post eodem errore *Hostilianum Perpennam* vocat; cū *Perpenna* cognomen sit *Liciniani*. Numus, IMP.

CÆS. M. AUF. PERPENNA. LICINIAN. AUG.
P. M. TR. P. P. P. Hoc cùm non attenderet *Casau-*
bonus, mirè turbavit omnia; de quo mox.

Liciniani hujus quod fatum fuerit, mihi quidem incertum est: Volunt *pestilentia* absumptum, è *Victore*. Sed malo id de *Hostiliano* credere, propter auctoritatem *alterius Victoris*, quàm de *Perpennâ* *Liciniano*.

Deciis occisis, C. VIBIUS TREBONIANUS GALLUS, qui Decium patrem fraudulento consilio circumvenit, imperium invasit; & filium C. VIBIUM VOLUSIANUM Augustum dixit. *Zosim. lib. II.* Gallus verò cùm ad imperium pervenisset, ac *Volusianum filium* Augustum appellâisset, magnum Barbarorum res incrementum cœperunt. Utriusq; Principis meminerunt multi numi.

Paulò pòst cùm *Gallus* Romam venisset (ait idem *Zosimus*) imperii Deciani memoriam cum honore ac benevolentia usurpavit, & alterum ex filiis ejus superstitem adoptavit. Hic est, ut suprà dixi, C. VALENS HOSTILIANUS MESSIUS QUINCTUS. De his tribus ait *Victor* alter: *Hæc ubi Patres comperere* (sc. Decios cæsos esse) *Gallo Hostilianoq; augusta imperia, Volusianum Gallo editum, Cæsarem decernunt.* In hoc diversus à *Zosimo*, quòd *Volusianum Cæsarem* statuit; non *Augustum*. Imò numis adversus, in quibus legitur: IMP. CÆS C. VALENS. HOSTILIANUS. MES. QUINCTUS. AUG.

Metuens dein Gallus, ne S. P. Q. R. ob benevolentiam erga Decii domum, *solum Hostilianum* Imperato-

peratorem vellet, mortem ei per insidias paravit; ut inquit *Zosimus*. *Victor* eum pestilentia perisse dicit; quod idem legimus apud *Victorem alterum*. Sed perperam *Hostilianum Perpernam* appellat, quod *Liciniani* cognomen est; & in errorem simul inducit auctorem historiae miscellae, qui ait: *Mox exercitus Imperatores creavit Vibium Gallum, & filium Galli Volusianum*. Horum temporibus *Hostilianus perperam à Senatu Imperator creatus, nec multo post pestilentia consumptus est*. Errant largiter. *Hostilianus Perpernae cognomen non tulit, quod ex numis manifestissimum; tulit autem Licinianus, de quo dixi*. Simul autem imposuere *Casaubono*, quod factum nollem.

Cæterum de his tribus Imperatoribus, C. Vibio Treboniano Gallo, inquam, C. Valente Hostiliano Messio Quinto, Decii filio, & C. Vibio Volusiano, Galli filio, locutus est *Eutropius*; sed qui vulgò pessimè habet: *Mox, inquit, Imperatores creati sunt Gallus Hostilianus, & Galli filius Volusianus: E tribus facti sunt duo*. Hinc inductus etiam *Pœanius*: Διαδέχεται δὲ τὴν βασιλείαν Γάλλος Ὁσιλιάνας, καὶ ὁ τῶν τριῶν βασιλεὺς. Hoc est: *Imperium accepit Gallus Hostilianus, & ejus filius Volusianus*. Vide, quantum possit ommissa distinctio levissima! Scripserat *Eutropius*: *Mox Imperatores creati sunt, Gallus, Hostilianus, & Galli filius Volusianus*. Ita tres habemus.

Sublato, vel adhuc vivo Hostiliano *Emilianus*, legionum Pannonicarum dux, victis *Scythis*, ab iisdem Imperator salutatus est. Numus Græcus: ΑΥΤ. Κ. Γ. ΙΟΥΛΙΟΣ, ΑΙΜΙΛΙΑΝΟΣ. ΣΕΒ. Latinus: IMP. CAES.

CÆS. C. JUL. ÆMILIANUS. PIUS. FEL.
AUG. *Æmilium Æmilianum* nescio, quàm benè
dicit *Victor*?

Hic C. Vibium Trebonianum Gallum, & C.
Vibium Volusianum filium ejus bello petens, tantum
terrorem fecit; ut *Gallus* & *Volusianus* à copiis suis oc-
ciderentur: Sic *Æmilianus* solus rerum potitus est.
Eutrop. lib. IX. Zosim. lib. I. Victor uterq.

De morte dissentiunt, cùm per *tres menses* im-
perio modestè præfuiſſet, morbo absumptum scribit
Victor; quem sequitur *Casaubonus*. At, cùm *Vale-
rianus* transalpinis viribus instructus in *Italiam* ten-
deret, occisum à suis vult *Zosimus*. Hanc narratio-
nem *Besoldus* in utrâq; Synopti amplexus est. Ita ut
paucis repetam, post *Philippos* hi Principes fuerunt:

CN. MESSIUS QUINTUS TRAJANUS DE-
CIUS.

Q. HERENNIUS DECII AUG. FILIUS E-
TRUSCUS MESSIUS DECIUS.

LUCIUS PRISCUS.

M. AUFIDIUS PERPENNA LICINIANUS.

C. VIBIUS TREBONIANUS GALLUS.

C. VIBIUS VOLUSIANUS.

C. VALENS HOSTILIANUS DECII AUG.
MESSIUS QUINTUS.

C. JULIUS ÆMILIANUS.

VALERIANUS.

*Valeriani nobilitas & nomenclatura. Pater in-
certus.*

certus. Numiq; aliter explicantur, quàm eos intellexerat Onuphrius. Valerianica-lamitas. Besoldi & Baronii narratio reji-citur. Cyriades & Ingenuus Imperatores. Cyriadis memoria, quam nullam reperire Casaubonus potuit, ostensa est in numis.

VALERIANUS, nobilis genere, patre Vale-rio, ut ait *Trebellius Pollio in Valeriano pag. 173.* Sed principium, in quo hæc leguntur, non esse *Trebellii*, probat *Salmas. p. 275.* At apud eundem Scriptorem Senatus in acclamatione: *Primus genere, nobilis sanguine, emendatus vitâ, doctrina clarus, mori-bus singularis; exemplum antiquitatis!* Victor alter: *Genere satis claro, uti mos tum etiam erat, militiam se-quebatur.* Paulus Merula *Cosmogr. parte II. lib. IV. cap. 19. p. 636.* describit PUB. AURELIUM. PUB. F. LICINIUM. VALERIUM. VALERIANUM. secutus (ut animadverto) *Onuphrium*, qui in A. C. 1007. hunc numum laudat: IMP. CÆS. P. AUREL. LICINIUS. VALER. VALERIANUS. Qui qui-dem rarissimus censi debet: Nam omnes, quos *Goltzius & Occo* adferunt, cum *Inscr. IV. p. 274.* saltem P. LICINIUM VALERIANUM nominant. Quòd verò non tam *Merula*, quàm *Onuphrius & Goltzius* Publii filium faciunt; id neque ex ullo nu-mo, neque lapide nobis probârunt hæctenus. Numi, in quibus legitur: IMP. C. P. LICIN. VALERIA-NUS. P. F. AUG. sic explicandi sunt: *Imperator, Caesar, Publius Licinius Valerianus, Pius, Felix, Au-gustus.*

De

De communi omnium sententia summum imperium adeptus est, ut ait *Zosimus*. Et jam suprâ iudicium Senatus accepimus. Commendat eundem à vita & moribus laudatis *Trebellius*. Sed Victor : *Parentibus ortus splendidissimis, stolidus tamen & multum iners; neque ad usum aliquem publici officii, consilio sen gestis accommodatus*. Quod ipsum ex *Dionysii Episcopi Alexandrini* epistola ad Hermammonem confirmat *Casaub. ad Trebell. p. 203*.

Fuit sub ipso calamitosissimus imperii status, *Scythis, Germanis & Persis* magnavi irrumpentibus. Fusiùs quàm alii, clades illatas describit *Zosimus*. Ipse profectus contra Persas (quibus Sapore Artaxerxis, sive Artaxerxis I. filius, pulsus à Gordiano III. tùm imperabat) cùm undiq; se premi videret; colloquii specie circumvectus ab hostibus, & ad mancipii fortunam reductus est; ut scribit idem *Zosimus*.

Refert *Entropius in Passione B. Pontii MStâ*, vicem stapedis, aut scalæ, Saponi equum conscensuro præstitisse. Verba sunt, ut ex bibliotheca *Petri Puseani* citat *Salmas. ad Trebell. p. 276* : *Valerianus Imp. in captivitatem ductus, à Sapore Rege Persarum; non gladio, sed ludibrio, omnibus vitæ suæ diebus merita profectis percepit; ita, ut quotiescunq; Rex Sapor equum conscendere vellet, non manibus suis, sed incurvato dorso, & in cervice ejus pede posito; è quo membra levaret*. *Trebellius Pollio* saltem cum illo ut vili mancipio locutum ait, more Scriptorum Romanorum, parcens honori Romani nominis. Sic *Aur. Victor*, quàm testissimè loquens, ne captum quidem scribit, sed fœde
Luniatum

laniatum interiisse. Victor alter liberè confirmat id, quòd ex *Entropio* desumptum attulimus. Sed & *Agath. lib. IV. p. 122.* tandem *excoriatum* asserit. Ita DEUS OPT. MAX. tot piorum sanguinem ultus est, in quo & ipsa belua natavit. Vid. Euseb. 2273. Baron. in A. C. 259.

Annus, quo Valerianus à Persis captus est, fuit ab V. C. 1012. qui Lucium Corn. Secularem iterum, Junium Donatum Coss. habuit. *Fabula* est, quòd scribit *Besoldus*: Valerianum *culpâ cujusdam ducis captum*. Sequitur *Baronium*, qui in A. C. 262. *Macrianum* ducem illum appellat; sed decepit eum corruptissima lectio Trebelli Pollionis. Salmasius illa verba: *ductu cujusdam sui ducis*, Trebellii esse negat; non tam ob alia, quàm auctoritatem codicis Palatini. Vide illum p. 276. & adde *Casaub. p. 203.*

Biennio antè CYRIADES in Syria Imp. Augustus contra *Valerianum* appellatus erat; sed idem occisus est eo tempore, quo *Valerianus* contra Persas, expeditionem suscepit; ut scribit *Trebell. Pollio in XXX. Tyrannis*. *Casaubonus* nusquam vel nomen hujus reperiisse ait; sed nos ita reperimus descriptum in æreo numo apud *Fulvium Ursinum*, notis ad *Trebell. Poll. pag. 510*: IMP. CÆS. M. CYRIADES. P. F. AUG. Ab alterâ parte inscriptum est: IMPERATORUM. AUG. ADVENT. Alium ejusdem Græcum videre licet apud *Oecon. p. 477.*

Rebellavit in *Pannonia* contra Valerianum INGENIUS, de quo idem *Treb. p. 213.* In numo *Ursini* est: IMP. C. INGENUS. In alio *Goltzii*: IMP. CÆS.

CÆS. D. LÆL. INGENUUS. P. F. AUG. Prælio à Gallieno victus, se ipsum interfecit.

GALLIENUS & ALII, Qui sub eo imperium Romanum inva- ferunt.

Hic cum Valeriano patre imperium accepit. *Inscriptio I. p. 275.* describit ΑΤΤΟΚΡΑΤΟΡΑ. ΚΑΙΣΑΡΑ. ΠΟΠΛΙΟΝ. ΛΙΚΙΝΙΟΝ. ΙΓΝΑΤΙΟΝ. ΓΑΛΛΙΗΝΟΝ. ΕΥΣΕΒΗ. ΕΥΤΥΧΗ. ΣΕΒΑΣΤΟΝ. Hoc est: *Imperatorem, Cæsarem, Publium, Licinium Ignatium Gallienum, Pium, Felicem, Augustum.* Ignatii cognomen alibi vix reperies. In numis semper describitur: P. LICINIUS. GALLIENUS: Uxor ejus *Pipa*, eadem cum *Cornelia Salonina*; de qua *Inscr. XII. p. 1022.* & multi numi. Fuit *Attali*, *Marcomanorum Regis*, filia, *Treb. & uterq. Victor*, & è recentioribus *Welfer. lib. II. Rerum Boicarum, p. 126. Casaub. ad Trebell. p. 211. Salmas. ad eund. p. 296.*

Fuit abdomini natus, ac voluptatibus; dies ac noctes vino ac stupris perdidit; orbem terrarum per XXX. propè Tyrannos vastari fecit, Romanum dehonestantes imperium; ut scribit *Treb. in Gallieno, p. 182. ex correctione Salmasii.* Tyrannorum autem fuerunt hæc nomina:

I. ODENATUS, capto Valeriano Imperatore, in *Syriâ* Imperator Augustus appellatus est. *Princeps Palmyræ* fuit, majoribus ortus, qui ab Imperatoribus Romanis diversis honorum generibus fuerunt affecti; ut est apud *Zosim & Procop.* Vir bello strenuus,
Nisibin

Nisibin & Orientem, cum *Mesopotamia* Persis extor-
sit; *Ctesiphontem* usque arma proferens, *Saporem* cum
liberis in fugam vertit, *Gazam* regiam & concubinas
cepit. Occiditur A. V. 1017. insidiis *Mæonii*. No-
men ejus variè scribitur, sed nos secuti sumus numos.

II. HERODIANUS, Odenati filius, qui &
Herodes in numis; cum patre Imperator appellatus
est, cum eodem periit.

III. MANIUS ACILIUS AURELIUS (ita
describitur in numo *Goltzii*) Imperator appellatus est
in *Illyrico*, *Seculari* secundum, & *Donato* Coss. Ma-
nu & consilio promptus *Gallienum* (à quo *Mediolani*
obsidebatur) insigni altu è medio sustulit, *Paterno*
iterum, & *Mariniano* Coss. A. V. 1020. *Trebell. in*
Gallienis, & *Victor interq.* Sed & *Zosimus* satis aper-
tè *Aureolum* *Gallieno* superfuisse asserit; nec aliter *Zo-*
naras. Quàmobrem in *Goltzii* Fastis peccatum est,
posita cæde Aureoli ante cædem Gallieni & Valeria-
ni. Sed tamen idem Aureolus, paucis diebus post oc-
cisum Gallienum, interficitur à militibus; *Claudio* sive
mandante, sive invito. Epigramma, quod monu-
mento ejus inscribi jussit *Claudius*, repertum in agro
Mediolanensi, vulgârunt *Ursinus* ad *Trebell. p. 512.* &
Gruterus Operis Aeterni p. 163. Id minusculis ita scri-
bendum est, ut vult *Salmas. ad Treb. p. 303*:

Κλαύδιος ὁ Αὐρεόλω μετὰ δῆϊον ἄρεα, Καῖσας
παὶ κτέρεα θνητῶν ὡς θέμις, ἐνδίδοσι.

Τῷ γὰρ καὶ ζῶνι ἄλλ' ὅτε ἐθέλησε φρόνημα
πᾶσιν ὑπὲρρήκεις τ' ἑρετὰ ἀντίβιον.

Αα

Καὶ Γ

Κεῖν δ' οἰκτιρμῶν καὶ σώματ' ἔχατ' ὀπιζῶν
 'Αυρεόλου μεφύρεν εἰσάτω τήν τε τάφην.

*Claudius Aureolo, post Martia praelia, Caesar,
 Humana ut lex est, debita iusta dedit.*

*Huic vitam & voluit: diris infensa tyrannis
 militis hant potuit mens generosa pati.*

*Hic pius atque suo cineres dignatus honore
 Aureoli pontem condidit, & tumulum.*

IV. M. FULVIUS MACRIANUS, ut appellatur in Græco numo apud Occon. p. 479. & Goltz. in Thes. p. 115. Sub Valeriano bella in Oriente gerens, eo capto, rem feliciter gessit cum Persis: Eoq; successu inflatus purpuram induit A. V. 1013. Gallieno quartum, L. Petronio, L. filio, Tauro Volusiano Coss. *Italiam* infesto exercitu petens, victus ab *Aureolo*, sive illius duce *Domitiano*, in *Illyrico* oppressus est A. V. 1015. Albino & Dextro Coss. Cum hoc ne confundas *Marcianum* illum, de quo *Trebell.* in *Gallienis*: *Omnes inde Scythas Marcianus variâ bellorum fortunâ agitavit.* Scripti, quos *Casaubonus* vidit, habent: *Macrianus*, perperam. *Vulgatæ* favet *Palatinus* codex, teste *Salmasio*. Hic est ille *Marcianus*, qui cum *Heracleone* de occidendo *Gallione* consilium iniit, initum exsecutus est. Plura *Casaub.* ad *Treb.* p. 208.

V. Q. FULVIUS MACRIANUS à patre M. FULVIO Macriano *Imperator Caesar Augustus* appellatus est. Atque ita descriptum leges tum in Græcis tum in Latinis numis apud Goltz. & Occon. Habuit ergo idem cum patre cognomen. At *Zonaras* semper *Macrinum* vocat patrem, filium *Macrianum*.

Hoc

Hoc sibi Scriptores licere volunt, ut *Salmasius* notat *ad Capitol. p. 250.* Cum patre occisus est in *Illyrico*.

VI. CN. FULVIUS QUIETUS. Ita nominatur integrè in numis apud *Goltzium*: Zonaræ **QUINCTUS** corruptè. A patre M. Fulvio Macriano *Imperator Cæsar Augustus* appellatus est. Occiditur ab *Odenato* in Oriente, paulò post patris interitum. Hinc apud *Treb. in Quieto Salmasius* legit: Sed ubi comperit *Odenatus*, qui jam Orientem tenebat, ab *Aureolo Macrianum* patrem *Quieti*, & ejus fratrem *Macrianum* victos, milites in ejus potestatem concessisse; quasi *Gallieni* partes vindicaret, adolescentem cum *Balista* præfecto interemit. Vulgata lectio *Quietum* dicit cum patre & fratre *Macriano* victum ab *Aureolo*.

VII. SER. ANICIUS BALISTA descriptus è numis Græcis, Vir insignis, eruditus, in cõsiliis vehemens, in expeditionibus clarus, ad rempublicam gerendam singularis, in *Asia* Imperator appellatus est; & occiso jam *Quieto* à gregario milite, in gratiam *Odenati*, interemptus est; ut scribit *Treb. in Balista*. Ubi veteribus quibusdam ambiguum fuisse adjicit, an imperarit? Ea temporum illorum segnities erat, ut proxima quæq; ignorarent, quæ ab ævo nostro remotissima hodie scimus ex numis.

VIII. P. VALERIUS VALENS, Proconsul *Achajæ* ob invidiam in *Macrianum* Imperator appellatus in *Macedoniâ*, brevi à militibus interficitur. Sic verò, ut nomen ejus exhibuimus, descriptum reperitur in numo Græco apud *Goltzium* & *Occonem*. *Ursinus* notis in *Trebell. p. 513.* errore pudendo ad eun-

dem pertinere scribit *Lapidem III. p. 274. Operis Gru- ter. cum sit C. Valentis Hostiliani Messii Quincti Decii, Augusti filii*, de quo suprà diximus. Sed & *Cn. Seia Herennia Sallustia Barbia Orbiana Decii* uxor est, non *Valentis* hujus, unius è XXX. Tyrannis sub Gal- lieno, quod perperàm *ibidem* statuit *Ursinus*.

IX. PISO, qui in Græco numo apud Goltzium: Λ. ΚΑΛΠΟΤΡΝΙΟΣ ΠΙΣΩΝ; in Latino apud Ur- sinum d. I. IMP. C. PISO. FRUGI. P. F. AUG. Cu- jus in posticâ *Victoria signum palmiferum*, quod dex- trâ manu coronam Imperatori imponit, cum hoc titu- lo: THESSAL. AUG. Hoc est: *Thessalicus Augu- stus*. Hinc valdè illustrantur, quæ dicit *Trebellius*. O- riundus est à P. Calpurnio, L. F. Pisone, qui ante 400. annos, hoc est, A. V. 604. primus legem *de pecuniis repetundis* tulit; primus etiam *Piso Frugi* dictus est, & pronepotem habuit L. Calpurnium Pisonem Fru- gi, *socerum C. Julii Caesaris Dictatoris*. Fuit autem hic, qui *sub Gallieno* Imperator appellatus est, tantæ virtutis, ut similem in rep. fuisse neget *Trebellius*. Missis à P. Valerio Valente militibus trucidatur paulò antè, quàm Valens occideretur à suis.

X. TI. CESTIUS ALEXANDER ÆMI- LIANUS (hanc descriptionem in numo Græco & Latino apud Goltz. & Occon. reperire licet) in Ægy- pto Imperator salutatus est. *Ursinus* valdè peccat, qui ad eum refert æreos numos, cum inscriptione: C. JUL. ÆMILIANUS, confundens *Emilianum* istum, cum *Emiliano*, qui occisis Gallo & Volusiano imperium invasit; de quo jam suprà verba fecimus.

Alexan-

Alexandrum vel *Alexandrinum*, virtutum memoriâ, vocatum scribit *Treb. Pollio*. Sed dubito, an verum hoc sit, quod accepit ab aliis, parùm sibi constantibus; ut ipse fatetur. Fuit *Alexandriae* nobilis familia *Tiberiorum Alexandrorû*, & quidem originis *Judaicae*. *Philonis* enim illius, quem *Platonizare* ajunt, frater *Alexander Alabarcha* (hoc est, *Præfectus*) *Alexandrinus* (*Joseph. lib. XVIII. Antiq. c. 10.*) filium reliquit *Tiberium Julium Alexandrum*; qui cùm patriæ religioni nuncium misisset, & omnium opulentissimus esset (*Idem Joseph. lib. XX. c. 3.*) sibi & suis ad magnos honores aditum fecit. Eum certè illustrem Equitem Romanum ministrum bello datum *Corbuloni*, tradit *Tac. lib. XV. Annal. c. 28.* Ad quem locum *Lipsius* notavit, fuisse priùs *Alabarcham Alexandrium*; sed graviter lapsus est, hoc enim de patre *Alexandro* verum, de filio falsum: Malim tamen credere, id ex pro-
perantia scriptum contra mentem; nam veriora docet ad *lib. I. Hist. c. 11.* Hic ipse *Tiberius Jul. Alexander*, *Philonis* è fratre *Alexandro* nepos, *Præfectus Augustalis Ægypti* fuit. *Tac. lib. I. Hist. c. 11.* Legiones sacramento *Vespasiani* adegit, *Cal. Jul. A. V. 821.* *Idem lib. II. Hist. c. 74. 79.* *Suet. in Vespasiano, c. 6.* Hujus filius, *Tiberius Julius Julianus Alexander* cum collega *Eruceo Claro* legatus, imperante *Trajano*, *Seleuciam* cepit & concremavit; ut est apud *Xiphilin.* Meminit ejus *Inscr. I. p. 124.* Et *Consulem* fuisse *A. V. 886.* probat *Reines. lib. III. Var. c. 16.* Corruptissimè *Onuphrio*, *Goltzio* & aliis, *Hiberus* nuncupatur. Igitur ex hoc genere descendisse reor

Tiberium Cestium Alexandrum Æmilianum, tum ob nomina *Tiberii & Alexandri*, tum ex ipsa patria petito argumento: Nam *Alexandria* natus, eandem tum regebat, cum Imperator appellaretur. Hinc numus ejus inscriptus: IMP. CÆS. ÆMILIANUS. P. F. AUG. In altera parte nudam mulierem humi procumbentem, sinistro brachio innisam canistro, floribus pleno; & lævâ cornu *Amaltheæ* habentem, ut & *Ibis* Ægypti propriam avem (alii *ciconiam* esse voluerunt) cum equestri statuâ; quæ dextra orbem apprehendit, & militi à tergo repræsentat, & hoc titulo: ADVENTUS. AUG. ÆGYP. Occiditur illo anno, quo imperium accepit, id est, A. V. 1003. & ipse alioqui fortitudine insignis, qui *Thebaidem* totamq; *Ægyptum* peragravit; & barbaras nationes passim submovit.

XI. M. CASSIUS LATIENUS, POSTUMUS (numus non unus apud *Goltzium*, & *Occonem*, sed *Ursinianus* LABIENUM appellat) occiso *Quincto Julio Salonino Gallieno Cesare*, altero *Gallieni* filio, imperium apud *Gallos* invasit; tenuitq; per annos septem. Maximè dilectus à *Gallis*, submotis *Germanis*, securitatem pristinam restituit. Meminit præter *Trebellium Euseb. n. 2283.* Sed & hinc in numis ejus legas: SALUS PROVINCiarUM. Item RESTITUTORI GALLIÆ. Occisus est cum filio A. V. 1019. Paterno & *Arcesilao* Coss. *Goltz. & Onuphrius.*

XII. C. JUNIUS CASSIUS POSTUMUS, superioris F. à patre Imperator *Cesar Aug.* appellatus, & ab equitibus rebellibus interfectus est. *Julius Atherianus*

rianus apud *Treb. p. 187.* JUNIUM POSTUMUM appellat patrem. Sed membranæ, ut notat *Salmasius p. 301.* JULIUM POSTUMUM : Utrumq, *Salmasius* confutat ex numo, qui habet: C. M. POSTUMUS : Qui numus quomodo rem conficiat, non video. Debebat enim vir illustris producere numum alium, cujus descriptio integra est; qualis est: IMP. CÆS. M. CÆS. LAT. POSTUMUS. P. F. AUG. Ex hoc enim patet, Postumum *patrem non* fuisse dictum *Junium* vel *Julium*. Fons erroris patet ex filii numis, quorum hæc est inscriptio: C. JUN. CÆS. POSTUMUS. CÆS. PRINCEPS. JUVENTUT. Nam inde satis apparet: *Julium Atherianum* confuisse nomina filii & patris.

XIII. Q. NONIUS REGILIANUS descriptus è numis, in *Pannonia* per *jocum* creatus Imperator, Dacus & Deceballi propinquus, contra *Sarmatas* egregiè rem gerit; occiditur à suis metu Gallieni A. V. 1015. Albino & Dextro Coss.

XIV. SEX. JUL. SATURNINUS in *Aegypto* coactus imperium suscepit; post multa strenuè gesta, ob *severitatem* interemptus est à militibus. Nomen ejus integrum ex iisdem numis descriptum est.

XV. C. ANNIUS TREBELLIVS in *Isauria* Imperator appellatus, à Gallieni dace vincitur, & occiditur. Fundamentum descriptionis petiturum mittimus ad Occon. & Goltzium.

XVI. T. CORNEL. CELSUS, sic appellatus in Græco, in *Africa* Imperator factus est, nobilissimis haut dubiè majoribus oriundus: Cornelii enim Celsi

jam Neronis temporibus notissimi: *Cornelium Celsum* citat *Plin. lib. X. c. 53.* Dignus autem imperio visus est hic ob justitiam, & corporis magnitudinem. Interficitur insidiis *Gallienæ*, Gallieni consobrinæ; & *cadaver à canibus* discerptum est.

XVII. AP. CLAUD. CENSORINUS in nummo apud *Goltzium*, is est, quem milites A. V. 1016. raptum ex agro Imperatorem crearunt, & rursus occiderunt; cum disciplinæ rigorem ferre non possent.

XVIII. HERENNIANUS, Odenati F. Imperator appellatus *cum fratribus*, & ab *Aureliano* rursus dejectus est.

XIX. TIMOLAUS, Odenati F. in veteri editione Trebellii, & codice Palatino ATIMOLAUS; sed contra numerorum auctoritatem. Idem fatum expertus est, quod fratres.

XX. VABALLATHUS, Odenati F. notus ex numis *Occonis*, & quodam *Octavii Strada*. *Casaubonus* admodum temerè contra *Vopiscum* negavit, hunc in rerum naturâ fuisse. Sed jam error iste gravissimus satis confutatus est à *Salmasio*.

XXI. MOEONIUS, aliis MÆONIUS, Odenati consobrinus & interfector, *per errorem Imperator* appellatus, brevi post scelerum pœnas dedit.

XXII. SPURIUS SERVILIANUS LOLLIANUS in Gallia *Imper. Caesar Aug.* appellatus est à *Francis*, Romanis militantibus, cæso Postumo. Civitates à Germanis dirutas instauravit; sed quòd milites labore nimio fatigaret, ab iisdem neci datur. *Casaubonus* notis ad *Treb. p. 212.* *Onuphrium* inadvertentiæ

tiæ insimulat, qui *Lollianum* istum ab *Æliano* diversum habuerit. Ipse putat *eundem* esse *Lollianum* cum *Æliano*; sed hîc major nubes est, quàm existimavit vir doctissimus: Profectò enim *duos diversos* Imperatores fuisse *Lollianum* & *Ælianum*, docemur è numis apud *Goltzium*. De altero talis: IMP. CÆS. SP. SERVIL. LOLLIANUS. P. F. AUG. De altero iste: IMP. C. A. POMPON. ÆLIANUS. AUG. Cui jam persuaderi poterit, *Lollianum* & *Ælianum* unum eundemq; esse? Interim non nego, veteres ipsos ad hæc nomina cespitasse: Nam qui *Lolliani* meminit, omittit *Ælianum*; & qui hujus, omittit *Lollianum*. Neq; jam nostrarum virium est, utriusque res distinctè explicare. Est igitur

XXIII. AUL. POMP. ÆLIANUS, vel, L. POMP. ÆLIANUS. Nam sic describitur in alio, qui sincerior videtur, propter *Peonii* locum, *Eutropii metaphrasta*.

XXIV. M. AUR. VICTORINUS, sive post *Lollianum*, sive post *Ælianum* in *Gallia* Imperator appellatus est. Sed cùm corrupendis militum uxoribus daret operam, breve sibi imperium fecit: Interfectus enim à milite *Colonia Agrippina*.

XXV. L. AUR. VICTORINUS à patre *Imp. Caesar* appellatus, cum eodem interficitur. Utrumq; descripsimus è numis.

XXVI. M. AUR. MARIUS, quem neque *Goltzius* neque *Onuphrius* integrè descripserunt. *Occo* ex *Viviano* dedit argenteum, in cuius altera parte legitur IMP. C. M. AUR. MARIUS. P. F. AUG.

in altera VICTORIA AUG. *Ursinus notis in Treb. p. 511.* in antiquis numismatibus dici ait: IMP. CÆS. MAMURIUM; sed fugientibus literis. Mihi omnino legenda videntur hoc modo: IMP. C. M. A. MARIUS. Hoc est: *Imperator Caesar Marcus Aurelius Marius.* Fuit fabro ferrario natus, & cum Imperator in Gallia factus, ad milites verba faceret, his ferè usus est: *Scio, commilitones, objici mihi posse arrem pristinam; nihil refert: Utinam semper ferrum tractem, non vino, non floribus, non popinis, non mulierculis deditus; qualis Imperator Gallienus est. Cladibus suis discant exterae gentes, Romanorum populum ferreum esse sub Principe, qui nihil melius tractare sciat quam ferrum! Occisus est à milite, cum hac exprobratione conditionis pristinae: Hic est gladius, quem ipso fecisti!* ut scribit *Trebellius.*

XXVII. P. PIVESUS TETRICUS *Galliae* Præses, suadente *Aureliâ Victorinâ*, M. Aurelii Victorini conjuge (quam alii *Victruviam*, alii *Victoriam* vocant) imperium suscepit; sed cum militum insolentiam ferre non posset, maluit *Aureliano* sese dedere, quam perfidum imperare. Aurelianus, quamvis eum in triumpho duxisset, tamen postea in summo honore habuit.

XXVIII. C. PIVESUS TETRICUS, cum patre Imperator appellatus est, & cum eodem in triumpho ductus; sed postea omnibus senatoriis honoribus perfunctus est. Utrumque patrem & filium descripsimus in numis.

Et hi sunt illi XXX. Tyranni (si nimirum annumeres

meres CYRIADEN & DECIUM LÆLIUM INGENUUM, de quibus jam egimus suprâ : Pleriq; numerum suppleant additâ ZENOBIÂ & VICTORIA) qui *sub Gallieno*, tumultuario populi consensu, aut incondito militum strepitu; interdum & per jocum & ludum imperium acceperunt, & perdiderunt.

Ipse GALLIENUS cum P. LICINIO VALERIANO fratre, longè sibi dissimili (quem Imperatorem appellârat A.V.1019) occisus est A.V.1020. cùm per annos *sex cum patre, novem solus* imperâisset, quâ de re *Salmas. ad Treb. p.297. Baron. in A.C.269.*

CLAUDIUS.

Claudii genus obscurum, quamvis alii nobilissimum faciant. Onuphrius & Goltzius refutatur, non tàm rationibus, quas Baronius observavit, quàm ex Lapide. De morte Claudii fabula. Salmasii ἀμάρτυρα μνημονεύον. Inscriptio arcus triumphalis nuper reperta. Besoldus confirmatur in nomine Claudii

M. AURELIUS CLAUDIUS, *Trebellio in Gallienis pag. 178. Clodius Illyricianæ gentis vir, ut eum appellat Valerianus apud eundem Treb. p. 207. Aliis Dalmatiâ vel Dardaniâ oriundus. Majores ejus planè obscuri : Nam de patre & avo & proavo quod diceret, non habuisse se, fatetur Trebell. p. 206. Sed qui Constantino Magno & ejus filiis adlati sunt, qui à fratre Claudii originem ducebant, illustriorem*

striorem facere conati sunt. Et alii quidem *Gordiano satum*, scriptum reliquerunt; ut suprâ diximus: Alii ab *Ilo*, Trojanorum rege, atque ipso *Dardano* sanguinem traxisse volebant. Vid. *Treb. d. l.*

Imperium accepit A. V. 1020. Et mortuus est Antiochiano iterum (ita describunt lapis in ruinis Casuli ad D. Damianum repertus, & à *Paletio* descriptus *Servio*, à *Servio* mihi; & *Idatius in Fastis Consul.* nec non *l. 2. C. de diversis rescript.* ut *Actatianus* vel *Atticianus* aliorum non habeat locum) & *Orfito Coss.* Quo mense, ac die non constat. *Onuphrius* ac *Goltzius* ajunt pridie Non. Febr. hoc modo non integri biennii imperium Claudio tribuentes. Quod si verum est, falsum erit illud, quod scribit *Porphyrus* *συγγερον* Ⓞ, in vita *Plotini*; Claudium secundum annum peregrisse, tertium cœpisse. Nec illi applicari poterit oraculum, de quo *Trebellius*:

Tertia jam Latio regnantem viderit æstas.

Quod rectè objecit *Baron. in A. C. 271.* Imò repugnat *Inscript. II. p. 226. Operis Gruter.* in quâ legimus: CLAUDIO. INVICTO. PIO. FELICI. IMP. CÆS. PONT. MAX. TRIB. POT. III. Malim credere defunctum esse vel Septembri vel Octobri.

Extinctus est à pestilentia, cùm paulò antè formidulosissimum bellum Gothicum ingenti virtute confecisset. Hoc è *Treb. Claudio p. 206. Eutrop. lib. IX. & Zosim. lib. I.* manifestum est; ut fabulosum sit, quod scribit uterq; *Victor*, vetus *Deciorum exemplum*, qui pro salute Reip. se devoverunt, à Claudio esse renovatum; eumq; sic periisse. An ad hanc ipsam fabulam respexit

respexit *Trebellius*? & *Dexippus* quidem Claudium non dicit occisum, sed tantum mortuum esse? Sed emendat locum *Salmas.* p. 332. pro Claudio substituendo *Quintillum*. Nec repugnamus: Sed quod addit, de Claudio neminem dixisse, quod occisus sit, in eo fallitur: Dixerunt enim *Victor* uterque eo scilicet modo interfectum, quo Decii olim liberâ repub. ceciderant. Cæterum Claudio post mortem tum alii maximi honores, *Roma* & in *Italia* habitum *Firmii* arcus triumphalis erectus est, cujus inscriptionem nobiscum communicavit, licet alicubi mutilam *Joh. Baptista Donius*, *Eques Florentinus*:

DIVO. CLAUDIO. GOTTHICO.
MAXIMO. PIO. FELICI. VICTORI. AC.
TRIUMPH. . . . SEMPER AUGUSTO.
MUNICIPI. . . . VATORI.
AMPLIFICATORIQ.
OB. ILLUSTRIA. EJUS. GESTA. ET.
AMOREM. JUXTA. CIVES.
ORDO. INTER. ANATIUM.
ARCUM. TRIUMPHIS. INSI. . .
DEDICA.
M. CL. TACIT.
PATRO.

Flavium Claudium appellat *Besoldus* in utraq; Synopsi ex *Trebell.* ad quem *Casaubonus* notavit, in nullo vetustatis momento inveniri, *Flavium* hunc appellatum; sed hoc apertè falsum docuit *Salmasius* ex hac Inscriptione:

IMP.

IMP. CÆSAR. FL. CLAUDIO. PIO. FELICI.
INVICTO. AUG. PONT. MAX. TRIB.
POT. II. COS. II. PROCOS.

Et ab hoc *Flavii cognomen* derivatum in *Constantium*
& *Constantinum*. Vide ibi plura.

QUINCTILLUS.

Mortuo Claudio M. AURELIUS QUIN-
CTILLUS delatum sibi imperium omnium
judicio suscepit. Sed *Aureliano* Imperatore
creato, impar ejus conatibus, sponte cessit, & *sibi ve-*
nas incidit; ut scribit *Zosimus*. Sed *Euseb. n. 2286.*
Aquileja occisum scribit d. 17. imperii; nec plures dies
tribuit *Zonaras*. Accedit in genere mortis referen-
do *Trebellius & Victor*: Sed *Dexippus* è correctione
Salmasii saltem mortuum ait; ut dubitasse videatur
de mortis genere.

AURELIANUS.

Besoldi falsa descriptio. Aureliani res gesta. In-
certum tempus imperii ejus.

LDOMITIUS AURELIANUS in Græcis
& Latinis numis & lapidibus apud *Gruterum*
p. 276. dicitur. At *Besoldus* auctores minùs le-
gitimos secutus, VALERIUM AURELIANUM
dixit. *Sirmii Pannoniæ* obscuro loco natus, vel ut alii
volunt, in *Daciâ Ripensi*, aut *Mæsiâ*; bellator egre-
gius (*Joh. Antiochenus in Exc. Peir. p. 855.*) licet cru-
delis, *Suevos, Sarmatas & Marcomannos* (qui Roma-
nis

nistantum terrorem incusserant, ut de urbe desperarent) praeliis ingentibus vicit: In itinere, dum contra *Zenobiam* proficiscitur, *barbaros in Illyrico* fregit: Dein *Zenobiam* ad *Imas* (vide *Scal. ad Euseb. n. 2288.*) profligatam è fugâ retraxit, *Palmyram* capit; *Firmum*, *Aegyptum* sibi vendicantem, occidit; *Tetricum* se dedentem suscepit, & Romam reversus de *Zenobia* & *Tetrico* triumphavit. Dein ad *Gallos* profecturus inter *Heracleam* & *Byzantium* ob crudelitatem interficitur. Ipso tertium, & *Marcellino* Coss. ut est apud *Idatium in Fastis*. Quod ex *Occonis* numo (in quo septimus annus Tribunitiæ potestatis signatus est) infringere conatur *Baronius in A. C. 277.*

FIRMIUS.

Firmii numus Græcus. Ab hoc diversus Firmus in numo, sed indictus Scriptoribus aliis. Firmii robur, & cædes.

Hic *Seleucia* natus, *Zenobia* amicus & socius, *Aegyptum* occupavit, purpuram sumfit; & percussâ monetâ, *Augustus* appellatus est. Vidit huiusmodi numum *Goltzius*, cujus inscriptio est: ΑΤΤ. Κ. Μ. ΦΙΡΜΙΟΣ. ΕΤΣ. ΕΤΤ. ΣΕΒ. ΕΤΟΥΣ. ΠΡΩΤΟΥ. An ad eundem referendus ille apud eundem p. 133: DN. FIRMUS. P. F. AUG. ? Επὶ Χω. *DOMINI* titulus demum sub *Diocletiano* frequentari cæpit. Ipse *Goltzius* ad *Firmum*, *Nubélis* Maurorum *Reguli* filium *Gildonis*, *Mascizelis* & *Dii* fratrem pertinere vult; qui sub *Gratiano* ab imperio Romano defecit,

defecit, ut refert *Ammianus Marcell. lib. XXIX. p. 399.* Sed *Vales. ad Ammianum p. 392.* è *Victore & Orosio*, non *Augusti*, sed *Regis* saltem *nomen* illum adscivisse probat. Hic igitur *Latinus numus* cujus sit, incompertum mihi est. Noster *Firminus* appellatus est, quamvis *Vopisci* libri scripti *Firmum* firmiter retineant; & tantæ magnitudinis viriumq; fuit, ut *Cyclops* diceretur. Ab *Aureliano Carris* redeunte victus, & occisus est; ut scribit *Vopiscus*.

TACITUS.

Diversæ sententiæ de tempore imperii Taciti.
Consulum ordinariorum par habitum pro
suffectorum pari ab Onuphrio & Goltzio.
Numus Taciti à risu Scaligeri vindicatus
è Zosimo.

MAURELIUS TACITUS Imperator à Senatu appellatus est a. d. 7. Cal. Octobr. A. V. 1027. à C. Cornel. Tacito oriundus (ut suspicatur *Lipsius* in vita Taciti) brevi periit, ut complures volunt: *Paucorum mensium Imperatorem* dicit *Be-soldus*. *Entropius & Vopiscus* sexto mense periisse volunt. Idem apud *Euseb. n. 2291.* legere est. *Uterq; Victor* assignat dies 200. His obstat *Idatius in Fastis*, qui ferè *biennium* tribuit: Ait enim Imperatorem factum *Aureliano tertium, & Marcellino Coss.* occisum esse *Probo & Paulino Coss.*

Nota hîc, *Probum & Paulinum* non esse *Coss. suffectos* A. V. 1028, quod *Onuphrius & Goltzius* putârunt;

târunt; sed Consules ordinarios anni sequentis. Idem observavit è *Cassiodori Chronico Græco Baron. in A. C. 277. Idatium* confirmant *Inscr. I. & II. apud Grutèr. p. 277.* in quibus notatus est annus Tribunitiæ potestatis secundus. Ergo *ultra annum* imperavit Tacitus.

Occisus est in *expeditione Mæoticâ*, ut notat *Scal. ad Euseb. n. 2291.* qui & facetè perstringit numos hujus Taciti, in quibus visitur *Imperator equitans, præeunte victoriâ, sequente exercitu,* cum titulo : IMP. C. M. CL. TACITUS. PIUS. FELIX. AUG. Hoc erat, inquit, τὸ θηνικίον ἐκ τῆς νίκης αὐτοῦ. Nam in expeditione istâ, tumultu militari oppressus est; & ut Historici referunt, propter brevitatem imperii nihil memorabile ab eo gestum est. Par *vanitas* ejus fratris *Floriani*, qui cùm paucos dies imperâisset, neque propter angustias temporis aliquid præclarum gerere potuisset; tamen in numis suis vocat se PACATOREM ORBIS, incluso in illis *Sole cum flagro.* Hæc *Scaliger.* Non sum nescius Romanæ vanitatis, & notavi ipse talia ad *Flor. lib. I. cap. II. §. 6.* De fratre *Floriano* quoque lubens illi crediderim, sed de *Tacito* tamen inquit *Zosimus*: Scitè *trajectâ palude Mæotide, per Pontum ad Ciliciam usq; sita incursionibus vexârunt: Quos aggressus Tacitus, partim ipse debellatos ad internecionem delevit; partim Floriano designato Prætorii Præfecto debellandos tradidit, & in Europam contendit; ubi lapsus in insidias, necatur.* A numis igitur stat *Zosimus*, & valdè dubium, an *Vopiscus* ad has auctoritates convellendas cum pauculis aliis sufficiat?

FLORIANUS.

Vopisci locus dubius, defendi tamen posse dicitur à Virgilio. *Floriani interitus.*

MANNIUS FLORIANUS, Taciti frater, sed ex matre tantum. Sic enim Vopiscus: *Diversis parentibus nati ferebantur.* Besoldus Taciti germanum appellat, secutus alium locum Vopisci; quem Casaubonus sic emendat: *Hic Taciti frater non germanus fuit.* Sed fortassis abusivè locutus est Vopiscus, & germanum dixit, qui ex eadem matre genitus saltem; sic Virgil. lib. V. *Æn. v. 12.* Erycen, Butæ & Veneris filium, *Æneæ germanum* vocat, qui erat tantum frater uterinus:

Hæc germanus Eryx quondam tuus arma gerebat.
Occisus est Tarfi à militibus, cum contra Probum expeditionem suscepisset. Zosimus lib. I. *Vopiscus in Floriano, Aurel. Victor Schotti.* Sed Victor alter: *Florianus diebus IX. quasi per ludum imperio usus, incisis à semetipso venis, sanguine consumptus est.* Quæ de Quinctillo scribunt alii.

PROBUS.

Probi genus obscurum, res gestæ, cades. Sex annos imperasse, probatur ex Idatio & inscriptione nondum publicatâ. Utrumq; tamen testimonium Probi initium & finem in diversos annos conjicere.

Hunc

Hunc Probum ex illius Aurelii Probi gente, fuisse Casaubonus existimat, qui Paphiis propositus à *Spartiano* dicitur in *Alexandro Severo*. Sed dissentit *Salmasius*, quòd ipse Vopiscus Probi patrem Maximum ignobilem facit.

Nec quicquam in nomine fundamenti est: *No-* ^{ce}
vi enim homines nomina & pronomina nobilium Ro- ^{ce}
manorum, libenter & licenter assumebant. Numi ^{ce}
& *Inscript. III. p. 277*: M. AURELIUM PROBUM
appellant; *Onuphrius* è Vopisco, M. VALERIUM
AURELIUM PROBUM. Nondum Imperator,
Valeriani patrem è *Quadorum* manu liberavit, *Aure-*
lianum à crudelitate ad mitiora sæpè deduxit; *Mar-*
maridas in *Africâ* vicit, *Carthaginem* asseruit: *E-*
gyptum, & Orientis maximam partem in Aureliani
potestatem redegit.

Tacito cæso, Imperator, quamvis *invitus*, à mi-
litibus appellatus est, se primùm & *Paulino Coss. Ro-*
manis Principibus, qui fortes, clementes, prudentes
extitère, par, aut superior, verè probus; victor o-
mnium gentium barbarorum, victor & Tyranno-
rum. *Aureliani* & *Taciti* percussorem exemplo utili
supplicio affecit, LX. *Galliarum* nobilissimas urbes à
Germanis recepit: In *Thracia* *Gothos*, & in *Oriente*
omnia compescuit. *Belli Germanici* Besoldus in Sy-
nopsi majore meminit; cum quo conferre potes
Pighium in *Hercule Prodic. pag. 36. 37*. De vinearum
culturâ sub Probo *Eus. n. 2295. & Scal. notis* ad illum
locum consulendi sunt.

Occisus est Imperator hîc à militibus, quos mul-

tis laboribus fatigabat, nec otiosos esse patiebatur; cum per *sex* annos imperium tenuisset. Quamvis enim *quinto* imperii anno interfectum scribat *Vopiscus*; tamen alii omnes ipsi adversi sunt. Vide *Baron. in A. C. 283.* cujus discursum confirmamus auctoritate *Idatii*, qui *Probum* occisum esse ait, *Caro* iterum, & *Carino* Coss. A quorum Consulatu si regredimur in annum, quo Coss. fuerunt ipse *Probus* & *Paulinus*, hoc est, primum annum imperii *Probi*; habebimus *sex* annos. Id ipsum patet ex *Inscript. Hispanica Benedicti Ramberti*, quam nobiscum communicavit *Joh. Bapt. Donius*; sed ex qua aliud initium *Probi*, aliud tempus interitus statuendum est. Sic enim illa:

IMP. CAESARI. M.
AURELIO. PROBO.
PIO. FEL. INVICTO.
AUG. P. M. TRIB. POTES
TATIS VI. COSS. III. RES
PUBLICA TUCCITANORUM.
DEVOTA. NUMINI. MAJES
TATIQUE. EJUS. . . .
CURATORE. TIRIO. CLA
UDIO SUB. COLOSSO.

Si enim annus sextus Tribunitiae potestatis completitur posteriores menses anni 1033. quo Consulatum gesserunt *Probus* quartum, & *C. Junius Tiberianus*; fit consequens, *Probum* Imperatorem factum A. V. 1028. Tacito iterum, *Fulvio Aemiliano* Coss. non anno sequente, *Probo* & *Paulino* Coss. Interitus autem *Probi* incidet in annum 1034; quo

quo Coss. ordinarii fuerunt Probus Quinctus, & Victorinus.

SATURNINUS.

PSEMPRONIUS SATURNINUS (ita vocant numi apud *Occon.* & *Onuphr.*) Gallis parentibus oriundus, *invitus & flens* purpuram sumsit. Occiditur in castro quodam ab iis, quos *Probus* miserat. *Scal. ad Euseb. n. 2295.*

PROCULUS.

TÆLIUS PROCULLUS (ita numus *Goltzii*) Imperator apud *Agrippinam* creatus, vincitur & occiditur à *Probo*. Vitiis se contaminare id demum credebat, illustrem personam agere.

BONOSIUS.

BONOSUM pleriq; dicunt, sed QUINCTUS BONOSIUS in numis *Goltzii* & *Ursini* describitur. Homo bibacissimus, ut de eo *Aurelianus* diceret: *Non ut viveret natum esse, sed ut biberet.* Habuit hoc peculiare, ut adhuc *in vino prudentior* esset. Longo graviq; bello à *Probo* victus, laqueo vitam finivit; tunc de eo per jocum dictum est: *Amphoram pendere hîc, non hominem;* ut scribit *Vopiscus* in *eius vita.*

CARUS, CARINUS, ET NUMERIANUS.

CARUS *Narbone* genitus (ut est apud *Eutrop.* sed intelligenda hîc *urbs Illyrici*, non *Galliæ*,

Scal. ad Euseb. n. 2297.) in numis : M. AURELIUS CARUS. Romæ literarum studiis imbutus, à Probo Præfectus Prætorio creatus est; eoq; cæso, Imperator *Probi interfectores* gravissimis pœnis affecit. Factum id, si credimus *Idatio*, ipso Caro iterum, & Carino Coss. Alii, ut *Onuphrius* & *Goltzius* initium ejus constituunt in A. V. 1034. Cujus anni principio Consulatum inierant Probus quinctum & Victorinus.

Bellum *Persicum* consensu militum, aggressus est, nuncupatis prius Cæsaribus M. AURELIO CARINO, M. AURELIO NUMERIANO; quorum *Lapis Taraconensis* apud Scaligerum meminit. Sed & CARINUS, vivo adhuc patre, *Augustus* appellatus est: vide *Salmas. ad Vopisc.*

CARUS in *Persas* profectus, receptâ *Mesopotamiâ*, *Ctesiphontem* usque pervenit; & jam cupiditate gloriæ longius iturus, morbo, vel fulminis ictu, vel etiam ex vulnere obiit: Scriptores enim hîc diversa tradiderunt. Vide *Scal. ad Euseb. n. 2298.*

Imperium suscipiunt filii, è quibus NUMERIANUS moribus & eloquentiâ decorus, parentis obitum nimium flens, oculos sibi corrupit; nec diu post ab *Apro* socero interficitur. *Scal. ad Euseb. n. 2299.* Sed cum eo conferenda, quæ scribit de ludis Romanis, ab utroq; habitis, *Salmas. ad Vopiscum*: Nam eam rem Scaliger explicare *d. l.* non potuit. *Carinus* libidinibus fœdus vincitur, & occiditur à *Diocletiano* A. V. 1037. ipso *Diocletiano* iterum, & *Aristobulo* Coss. ut est apud *Idatium*.

DIOCLETIANUS ET MAXIMIANUS.

Salmafii ἀμάρτημα μνημονικόν. *Diocletiani ignobilitas. Sirmondi insidiosa correctio. Initium Diocletiani. Maximianus consors imperii. Tyranni septem sub Diocletiano. De numis Ælianorum duorum sententia. Bagaudæ qui? Scaligeri lapsus. Iuliani duo. Occonis mixtura. Quinquegeniani qui? Scaligeri sententia rejecta. Constantius Chlorus & Galerius adoptati. Res bellicæ. Persecutio Christianorum. Diocletiani & Maximiani abdicatio. Utriusq; mors.*

CAURELIUS VALERIUS DIOCLE-
TIANUS (*Inscr. II. p. 1079.*) appellari voluit,
Imperator factus, cùm adhuc privatus DIO-
CLES vocaretur. Minus igitur est, quod scribit *Sal-*
masius ad Trebellii Claudium p. 345. Imperatorem fa-
ctum tria nomina, more nobilium Romanorum, as-
sumisse, dictumq; M. VALERIUM DIOCLE-
TIANUM; sed & CAJUM prænominare debebat
pro MARCO.

Vir fuit obscurissimè natus, ut ait *Eutrop. lib. IX.*
Libertinus Annulini Senatoris, ut Sex. Aurel. Victor.
Profligato *Carino* & interfecto *Ario Apro* solus im-
perio potitus est; idq; factum Diocletiano iterum, &
Aristobulo Coss. Primum autem tùm Imperatorem

appellatum (quod est in *Fastis Consularibus Idatii*) non credimus. *Idatium* sanè ibidem non bonâ fide exhibuit *Sirmondus*: Dum enim emendationem suam inserit, totam rem difficultatibus implicavit. Nos omninò sequimur *Onuphrium* & *Goltzium*; qui *Diocletianum Imperatorem* factum volunt *Carino II.* & *Numeriano II.* Coss. Hoc est, A. V. 1036. Nam anno sequente postquam ad *Margum*, oppidum *Mysie*, *Carinus* cæsus erat; *Diocletianum*, non ut privatum (quod *interpolatus à Sirmondo Idatius* vult) sed ut *Augustum* suffectum in *Carini* locum, retento hujusdem collegâ *Aristobulo*, Præfecto Prætorio Consulatuum iniisse, satis demonstrant *Vales.* ad *Ammian.* lib. XXIII. p. 250. & *Baron.* in A. C. 285. Hoc igitur verum existimamus initium *Diocletiani*, quo nihil incertius esse, scribit *Scal.* ad *Euseb.* n. 2300.

Imperium autem multis gravissimis bellis undiq; petiit, *Diocletianus* fortiter defendit; sed ne tota moles uni incumberet, A. V. 1038. *M. Junio Maximo* iterum, & *Vettio Aquilino* Coss. (ita scribuntur in *Lapide VIII.* p. 309.) **MAXIMIANUM HERCULELIM** ex Cæsare *Augustum* creavit; eiq; *Tribunitiam potestatem* concessit, ut ex antiquis lapidibus ostendit *Onuphrius*, & clarè *Idatius*: *Maximo* iterum, & *Aquilino* Coss. levatus est *Maximianus senior* Cal. April.

Hic in numis & lapidibus **M. AUREL. VALER. MAXIMIANUS**, homo sanguinarius, & vecors passim ab Historicis describitur. Ab his primùm bella civilia sopita sunt, & qui purpuram contrè sumserant, felicibus armis debellati. Ex his fuit

I.ÆLI-

I. **ÆLIANUS.** Eutropius: *Cum tumultum rusticani in Gallia concitassent, & factioni suae Bagaudarum nomen imponerent; duces autem haberent Aman- dum & Ælium; ad subigendos eos Maximianum Herculeum Caesarem misit. Victor: Comperit Ælium Aman- dumq; per Galliam excitam manu agrestium & latronum, quos Bagaudas incolae vocant, populatis late agris, plerasq; urbium tentare. Habemus igitur duos Ælianos Imperatores Augustos: Alterum sub Gallieno, alterum sub Diocletiano. Sed & in numis reperiuntur duo: Alter A. POMPONIUS ÆLIANUS: Alter, L. POMPONIUS ÆLIANUS. Aulum Pomponium Ælium Onuphrius, Goltzius & Occo volunt illum esse, qui sub Gallieno; Lucium Ælium idem Goltzius & Occo cum Scalig. ad Euseb. n. 2303. hunc esse, quem Maximianus debellavit. Sed mihi contra videtur: Illum, qui à Gallieno defecit, L. Ælium dictum aperte scribit Peanius Eutropii metaphrastes, lib. IX. p. 122. de Mogontiaco verba faciens: Τὸ ἐξενήσαντι Δακίῳ Ἀιλιανῶς συνεπολέμησε. Id est: Lucium Ælium tyrannidem arripientem armis virisq; juverat. Incidit igitur in Latinum codicem, in quo L. Ælianus extabat; pro quo hodiè Lollianum habemus. At de hoc Æliano (qui Bagaudarum dux fuit sub Diocletiano) nemo unquam prodidit, Lucium prænominatum. Tutiùs igitur agemus, si tyrannum illum sub Gallieno L. ÆLIANUM, hunc autem posteriorem, AULUM POMPONIUM ÆLIANUM describerimus.*

II. **AMANDUS.** Hic in numo Occonis &

Goltzii: IMP. C. CN. SAL. AMANDUS. P. F. AUG. fuit & ipse dux Bagaudarum. *Bacanda*, vel *Baganda*, à temporibus Diocletiani *latronem* & *rebellem* significare cœpit. *Μεγάλης* vocabant Constantinopolitani, à corrupto Latino *tumultus*. Vide *Scalig. d. l.* Sed ita, ne cum illo Bagaudas & Baquates *Inscr. VII. p. 1025.* eosdem putes: Baquates enim *Africa* populi, ut ex Itinerario Antonini docet *Vales. ad Ammian. lib. XXII. p. 242.* Uterq; horum victus est A. V. 1038. Maximo secundum & Aquilino Coss. *Victor* enim indicat, Maximianum post acceptum imperium contra *Bagaudas* statim ivisse in *Galiam*, & brevi bellum confecisse.

III. CARAUSIUS. Hunc *Pighius in Hercule Prodic. p. 17.* hariolatur primum *Carisium*, deinde à *Germanis Batavis* sua linguâ *Carausium* appellatum; idque cognomen ipsum retinuisse libenter. In numis est CARAUSIUS. Nec aliter vocant *Euseb. n. 2303. Eutrop. lib. IX. & ejus metaphrastes Sex. Victor, Jornandes lib. I. de Regnorum ac Temporum successione.* Alteri *Victori* est CORAUSIUS. Sumsit purpuram post *Bagaudicum* bellum, & *Britanniam* per septem annos contra Diocletianum obtinuit. Tandem ab *Alecto* socio interfectus est, Diocletiano quintum, Maximiano quartum Coss. A. V. 1045.

IV. ALECTUS (sic in numis scribitur) cæso *Caurasio*, cum ferè per triennium *Britanniâ* Romanos exclusisset, à *M. Aurelio Asclepiodoto* Præfecto Prætorio victus est; ut est apud *Eutrop.* Adde *Scal. ad Euseb. n. 2304.*

V. JULIANUS. Sex. Aur. Victor: *Julianus in Italia Imperator effectus, acto per costas pugione, in ignem se abiecit.* De hoc capio numum Goltzii: IMP. C. Q. TREBONIUS. JULIANUS. AUG.

VI. JULIANUS. Victor Schotti: *Africam Julianus, ac gentes Quinquegentanae graviter quatiebant.* De hoc accipiam æreum Occonis, in cujus alterâ parte scriptum est: IMP. C. M. AUR. JULIANUS. P. F. AUG. In alterâ: VICTORIA. AUG. XXI. S. A. Qui enim provincias graviter concussisse dicitur, eundem crediderim Victoriæ typum expressisse in numis suis. Occo duorum Julianorum res perperam miscuit. Sed quænam illæ *Quinquegentanae gentes?* *Quinquegentianos* dicit Eusebius. Mirificè deliravit Pomponius Lætus, qui nomen compositum divulsit, & *Gentianos* populos fecit ex posteriore membro; sed ex priore collegit *latrones quinquagenarios*, & supra eum numerum annorum fuisse. Scaliger Πεντάπολις esse ait à *quinque civitatibus* illius provinciae sic dictos: *Cyrenis, Ptolemaide, Arsinoë, Darnis & Berenice.* Nos *Valesium* sequimur, qui ex Jul. Honorio *Quinquegentianos* barbaros esse ait, *supra litem Africa* positos.

VII. L. EPIDIUS ACHILLEUS in Ægypto purpuram sumfit, & à Diocletiano *Alexandriae* per octo menses obsessus, tandem succumbit, & interficitur. Diocletianus acerbè victoriâ usus, *Ægyptum* proscriptionibus & cædibus exhaustit. *Eutropius, Victor & Eusebius, ibique Scaliger.* Sic verò istum descripsimus è numis Græcis, quos videre licet in
Euseb.

Euseb. n. 2304. Oecon. p. 518. & Goltzium in Thes. Cæ-
terum propter hunc ipsum Achilleum & Quinquegen-
tianos, & Carausium, aliosque hostes FL. VALE-
RIUS CONSTANTIUS CHLORUS & C. GA-
LERIUS VALERIUS MAXIMIANUS ab Impe-
 ratoribus, *Diocletiano & Maximiano* adoptati, & Cæ-
 sares appellati; ut docent *Eutrop. Euseb. & Victor.*
Idatius in Chronico Cæsares appellatos ait, Cal. Mart.
 A. V. 1043. Tiberiano & Dione Coss. Quod ipsum
 satis est defendendo *Onuphrio*, quem oppugnavit *Bar-*
ron. in A. C. 292. ex Inscriptione edicti apud *Euseb.*
lib. VIII. c. 29. Id corruptum esse, nec ipse *Baronius*
 dissimulare potest.

Bella externa quod attinet, *Carpi* à Valerio vi-
 cti, deditioe pactâ, omnes in Romanum solum trans-
 lati sunt, *Tusco & Anullino* Coss. ut ait *Victor, & Ma-*
mertinus in Panegy. Constantio Cæsari dicto. Consu-
 lendus *Scal. n. 2309.* Sequenti anno *Diocletiano*
sextum & Constantio Cæsare iterum Coss. A. V. 1048.
Galerius Maximianus Cæsar, inter *Callinicum Car-*
rasque congressus cum *Persis*, longè militum numero
 superioribus, victus recessit; & ad *Diocletianum* pro-
 fectus, cùm ei in itinere occurrisset, tantâ insolentiâ
 ab eo exceptus est, ut per aliquot passuum millia pur-
 puratus, tradatur ad vehiculum ejus cucurrisse; ut ex
Ammiano, Rufo, Festo, Zonara, & Eutropio manife-
 stum est. Sed anno, qui Coss. habuit *Maximianum*
quintum, & hunc Galerium Maximianum, ignomi-
 niam abolevit illustri victoriâ, de *Persis* in *Armeniâ*
maiore reportatâ. *Narsens* enim *Perfarum Rex*, Sa-
 poris

poris avus, ingenti prælio victus, *Mesopotamiam*, cum quinque regionibus *Transtigritanis* reddere Romanis coactus est, ut uxorem & captas filias reciperet; quem admodum *Rufus*, *Festus*, *Entropius*, *Petrus Patricius* in *Excerpt. Legation.* & *Zonaras* referunt. Errant, qui *Galerium* cum *Persis*, ter vel quater conflixisse, ajunt; ut ostendit *Valesius* ad *Ammian. lib. XIV. p. 53.* Sed & unde *Scaliger* nobis sufficienter probare possit, *Narseum* victum anno antè, quàm *Diocletianus* imperio abiret; videre non possum. Juxta *Idatium*, à victoria *Persicâ* ad abdicationem *Diocletiani* sunt integri octo anni. Eodem porrò successu *Marcomanni* victi sunt, *Diocletiano VII*, *Maximiano Seniore VI.* *Coss. A. V. 1051*, ut docet *Idatius*. Belli & jam *Victor* alter meminit.

Hæc prosperè pro republicâ gesta imperium Principum istorum valdè commendant; sed iidem immani in Christianos sævitiâ id meruère, ut hodiè etiam utriusque nomen velut detestabile, abominemur; utque nec benefactis quidem gratia sit, si quæ in rempublicam unquàm contulerunt, ut *Brunnerus lib. VI. Annal. Boic. p. 445.* loquitur. Incidit sævissima illa persecutio, de qua multa *Besoldus* è *Baronio*, in *Diocletiani VIII.* & *Maximiani VII.* *Consulatum*, secundum *Idatium*, hoc est, *A. V. 1055.* Cum quo consentiunt *Excerpta Photii ex Metrophanis & Alexandri actis, Cod. CCLVI.*

Altero anno persecutionis hujus, qui *Diocletiano IX.* *Maximiano VIII.* *Coss.* signatus est, hoc est, *A. V. 1056.* *Diocletianus* exuenda purpura consilium cepit;

cœpit; & Maximianus admisit. Ita uterque abiit Cal. April. quod indicat *Idatius*. Alter ne caderet, descendere voluit; eamque amplecti vitæ facilitatem, quæ periculis careret: *A throno ad agrum venit, & cum imperium abdicasset, sui tamen esse dominus cœpit. Non jam Diocletianum, sed Dioclem rursus putares; quemadmodum cum Imperator fieret, ex Diocle Diocletianus factus est. Sanè in horto occupatus, scire potuit, viciniorē ligoni quàm sceptro felicitatem esse; minari fortunam, cum favoris modum excreſcat. Erat hoc igitur non tam imperium, quàm curam, miseriam, periculum exuere. Et pereleganter differit Erycius Puteanus, Comment. in lib. Histor. Insuſrice, pag. 24. 25. E veteribus rem narrant Eusebius n. 2320. Eutropius lib. IX. Cassiodorus in Chronico, Victor uterque; Suidas, Zosimus lib. II. & Idatius. Tempus assignavimus ex Idatio, Zosimo, & Cassiodoro; quos postremos secuti sunt Onuphrius, & Goltzius.*

At Scaligero nemo persuadere potuit, ut crederet, Diocletianum post depositam purpuram Consulem fuisse (hoc enim iidem asserunt) cum, inquit, certum sit, ab eo tempore privatum in villâ egisse, in agro Salentino; & triennio post depositam purpuram decessisse. Mihi nimis durum videtur, ex hac ratione contra veteres pugnare. Nonne enim (ut tempora ferunt, ut in Diocletianum favor, qui novo exemplo privatum inter Deos retulit) absentibus, & in otio suo absconditis, honor iste haberi potuit, ut onera ferentibus aliis, ipsi velut ordinarii Coss. annum signârint? Ingeniosissime res sunt, amor & adulatio; nec id leve judicabis, si con-

si confideraveris *multum* honoris hinc adjecisse, *nume-
rum toties gestorum Consulatuum.*

Sed & quod Scaliger ait, *triennio post depositam
purpuram defunctum* esse, nimis incertum est. Vir
maximus veram judicavit lectionem *Zosimi lib. II. &
Suida* in *Διοκλητιανός*; sed dubiam facit *Victor*, qui
post abdicationem novem annos tribuit. *Eutropius
lib. IX*, consenuisse ait in agro suo. Quod verbum
longius triennio temporis *spatium* in agro suo vixisse
indicat. Cum omnia circumspexi, non invenio cau-
sam rejiciendi *Idatii*, qui *Diocletianum* mortuum ait
die 3. Non. Decembr. A. V. 1068. Sabino, & Rufi-
no Coss. ex tam curiosâ dierum annotatione Scriptor
ille, diligentiae non vulgaris manifestus, ratiunculis &
suspiciunculis nostris hodiernis valedicere nos jubet.
Hoc igitur tempore *Diocletianus* obiit.

At Maximianus, qui A. V. 1062. secundo post
Consulatum *Diocletiani* decimum, suumque septi-
mum, cum *Diocletiano* de resumendo imperio fru-
stra egerat; in *Gallia* omnia turbans, *Massilia* stran-
gulatus est. *Eutropius, Victor, Euseb. lib. VIII. Hist.
Ecclesiast. c. 16.* Solus *Zosimus* Maximianum, in de-
sperationem rerum omnium adductum, & apud *Tar-
sum* morbo extinctum ait, confundens *Maximianum*
cum *Maximino*, patrem cum filio. De hoc enim à *Vi-
ctore, Eutropio, lib. X. Euseb. n. 2326.* traditum, vide
Scal. ad Euseb. n. 2325.

CONSTANTIUS CHLORUS.

Principis hujus genus: Trebellius contra Sca-
ligerum

ligerum defenditur. Avi & Proavi, & Majores, quibus origo non debetur. Constantii Chlori breve imperium, & mors.

Cum Diocletianus, & Maximianus senior, abdicassent, iidem Cal. April. ut scribit *Idatius* (non a. d. II. Cal. Majas, ut *Goltzius*, & *Onuphrius* tradiderunt) eademque horâ in administrationem imperii **CONSTANTIUS CHLORUS**, & **GALERIUS MAXIMIANUS JUNIOR**, ex Cæsaribus Augusti creati, successerunt; divisusque inter eos est orbis Romanus, ut *Hispanias, Britanniam, Galliam, Germaniam, Italiam, & Africam* **CONSTANTIUS**; *Illyricum, Asiam & reliquum Orientem* **GALERIUS** obtinerent.

Constantii genus quod attinet, *Eusebius* n. 2304. *Claudii* ex filiâ nepotem facit, *Eutropium* secutus; sed is meritò notatur à *Scaligero*. Error hinc fortassis manavit, quòd Constantium Chlorum Claudii nepotem dictum reperisset; at id nepotem, vel etiam pronepotem ex fratre significabat: Nam *Claudii* fratres, *Quintillus* ac *Crispus*. *Crispi* filiâ *Claudia*, ex quâ & *Eutropio*, nobilissimo gentis *Dardanæ* viro, *Constantius Chlorus* genitus; ut nos docet *Trebellius Pollio* in *Claudio*; at ejusdem *Trebellii* verba, in *Gallieno*: *Is est Claudius, à quo Constantinus, vigilantissimus Cæsar originem ducit*. Non potest concoquere *Scaliger*: *Falsum hoc*, inquit; *Constantius enim trahit originem*
 „ *à fratre Claudii, non à Claudio*. Sed sciendum est,
 „ solere Scriptores *propatruos* etiam, & *propatruos*
 „ *magnos, & alios, quibus origo propriè non debetur,*
 inter

inter avos, & proavos referre; atque inde rationem istam loquendi esse, quam usurpat Trebellius. *Silius lib. III. de Quinto Fabio Maximo Cunctatore:*

- - Fabius, Tirynthia proles,
Ter centum memorabat avos, quos turbine Martis
Abstulit una dies. - - -

Inter istos trecentos Fabios, non nisi unus & alter, quos prolatores dicere potuit; avos nihilominus dicit omnes ejusdem stirpis. Sic Cornelia apud Propertium, lib. IV. eleg. ult:

Si cui fama fuit per avia decora trophæi,
Afra Numantinos regna loquantur avos.

Et mox:

Testor majorum cineres, tibi, Roma, colendos;
sub quorum titulis Africa tanta jaces.

Et Persen proavi simulantem pectus Achillis

Quique tuas proavus fregit, Achille, domos.

Derivat genus suum à Scipione Africano juniore, Lucii Æmilii Pauli filio; cum ab alio Scipione revera descendisset: Nam Africanus junior non reliquit filium, qui Corneliarum nomen propagaret.

Sed oblitus sum, de Historici loco controversiam esse, non de Poëtæ. Igitur pro Trebellio adduco illud Juliani, Orat. II. pag. 95. edit. Petavianæ: Τα γὰρ μὲν τῆς ἡμετέρας συγγενείας ἡρξάτο μὲν ὁ κλαυδίης. Hoc est: Nostri generis initium à Claudio deductum est. Si Julianum ita loquentem ferre possumus, feramus & illum. Anonymus de Constantio p. 471. Claudii nepotem ex fratre dicit; quum propriè loquendo debuisset pronepotem. Hæc de genere.

Honores quod attinet, *Protektor* primùm, exin *Tribunus*, postea *Præses Dalmatiarum* fuit; ut est apud eundem *Anonymum*. Imperium non multùm *ultra biennium* tenuit. *Idatius* obiisse, & filium ab exercitu Imperatorem appellatum vult a. d. 8. Cal. Sextil. Ipso sextùm, *Galerio Maximiano* Coss. A. V. 1058. Cum quo ad amussim conveniunt, quæ scribit *Onasphrius* in dicto anno. Mortuus autem est *Eboraci*, in *Britanniâ*. *Florilegus* tumulum ejus in *Vallia* reperi- tum fuisse prodit; sed *Camdenus* in *Britanniâ* p. 569. à fide dignis accepisse se ait, patrum memoriâ, cum *monachorum ædes* diruerentur in *cryptoporticu ædicu- læ*, in quâ *Constantium* situm fuisse, opinio erat; *lampadem ardentem*, sive ignem perpetuum inventum fu- isse. Ut omnibus virtutibus insignem passim depræ- dicant Scriptores. Vide *Baron. in A. C. 304. n. 13. & 14. & in A. C. 306. n. 10. & seqq.*

GALERIUS MAXIMIANUS,
GALERIUS MAXIMINUS,
SEVERUS, MAXENTIUS,
ROMULUS, LICINIUS.

Occonis in citando *Zosimo* supinitas. Ejus- dem & *Scaligeri* gravis error, *Leunclavii* oscitantia, in vertendo *Zosimo*. Numus *Græcuse* emendatur. Tres tabernæ, ad quas cæsus *Severus*, *Maxentius* *Maximiani* se-
nioris

nioris gener, non filius. *Alia quædam in chronologia ex Idatio, contra Onuphrium. Principum istorum sex facta & cædes.*

C GALERIUS VALERIUS MAXIMIANUS (ita describitur in numis) ortus *Dacia Ripensi*, parentibus agrariis, unde illi cognomen Armentario, *Cæsar* appellatus, cum Constantio Chloro A. V. 1043. post abdicationem Diocletiani, & Maximiani senioris, *Augustus & Imperator*, unâ cum Constantio rerum potitus est. Pulcher corpore, eximius & felix bellator, superbissimus tamen; qui *matrem suam à Dracone compressam jactabat*, ut de eo crederetur, quod de Alexandro M. scriptum est. *Sex. Aurel. Victor.* Idem gravissimus nostræ religionis hostis & persecutor. *Baron. in A. C. 304. n. 51. & seqq.*

Adoptavit A. V. 1058. Cæsaresque appellavit C. GALERIUM VALERIUM MAXIMINUM (ita vocatur in multis numis apud *Occonem*) & FL. VALERIUM SEVERUM, paulò ante mortem Constantii Chlorig. *Entrop. lib. X.* Sed *Zosimus lib. II.* ait, *utrumque Cæsarem* appellatum simul à Constantio Chloro. Ex his C. *Galerius Valerius Maximinus*, C. Galerii Valerii Maximiani nepos è sorore, *Daza* ante imperium dictus est. *Sex. Aurel. Victor.*

Falsum est, quod scribit *Occo*, pro nepote Marci Aurelii Valerii Maximiani Herculei, ex sorore habitum à *Zosimo*. *Zosimi* verba Græca omninò avunculum ejus faciunt, C. Galerium Valerium Maximianum: Ἀνέδειξαν καὶ πατρὸς Σεβήρου καὶ Μαξιμίνου,

ἀδελφῆς ὄντα παῖδα τῆς Γαλαρίας. Quæ *Leunclavius* perperam vertit : *Cæsares* appellavêre *Severum*, & *Maximianum*, qui nati ex sorore erant *Galerii*. Tanquam & *Severus* *Galerium* *Maximianum* avunculū habuerit. Verte: *Severum* & *Maximinum*, qui natus erat, ex sorore *Galerii*. Atq; ita *Zosimus* idem dicit ex *Victore*.

Sed longè gravius, quod idem *Occo Scaligero* ex *Eusebio* n. 2321. tam fœdè imposuit. Statuit enim vir de republicâ literariâ optimè meritus; *Maximinum* hunc *Julium* appellari, in his numis Græcis : ΑΤΤ. Κ. Γ. ΙΟΥΛ. ΟΥΑ. ΜΑΧΙΜΕΙΝΟΣ. ΜΗΤΡΟΠΟΛΕΙΤΩΝ· ΤΟΝ. ΕΝ. ΙΩΝΙΑ. Et : ΑΤΤ. ΙΟΥ. ΟΥΑ. ΜΑΞΙΜΕΙΝΟΣ. ΕΦΕΣΙΩΝ. Nullus dubito, quin utrumque numum corruptum exhibuerit *Occo*; sic igitur corrigo : ΑΤΤ. Κ. Γ. ΙΟΥΛ. ΟΥΗ. ΜΑΞΙΜΕΙΝΟΣ. ΜΗΤΡΟΠΟΛΕΙΤΩΝ. ΤΩΝ. ΕΝ. ΙΩΝΙΑ. Et : ΑΤΤ. ΙΟΥ. ΟΥΗ. ΜΑΞΙΜΕΙΝΟΣ. ΕΦΕΣΙΩΝ. Hoc est: *Imperator Cæsar, C. Julius Verus Maximinus Metropolitæ, qui sunt in Jonia*. Et: *Imperator Julius Verus Maximinus Ephesiorum*. Referendi sunt hi numi ad C. JULIUM VERUM MAXIMINUM (sic integer describitur in *Lapide V. p. 151. Operis Grut.*) qui post *Alexandrum Severum* *Augustus* dictus est.

„ Adeò faciles lapsus sunt, & eruditissimorum
 „ virorum, quoties integræ Principum descriptiones
 „ non succurrunt; ut mirari desinant, cur hujusque
 „ tam solliciti fuerimus in describendis nominibus.
 „ Dicam, quod res est, liberè : Nemo feliciter
 „ historiam unquam tractaverit, qui exa-
 „ ctam nominum cognitionem aspernatur;
 „ sed

sed omnia turbabit, confundet, ac miscebit; nec quicquam aliud erit historia, nisi rude & indigestum chaos.

De natalibus *Flavii Valerii Severi* (ut in numis appellatur) nihil aliud reperio, nisi in *Illyrico* natum, popularem fuisse *C. Galerii Valerii Maximini*. Altero anno post adoptionem, hoc est, A. V. 1059. *Fl. Valerio Constantino Augusto*, *Marco Aurelio Valerio Maximiano IX. Coss. contra M. Aurelium Valerium Maxentium* (sic numi) profectus, viribus impar, fugere coactus, & Romæ interfectus est.

Ita scribit *Idatius*, & accedit *Sex. Aurel. Victor*: Romæ, inquit, ad tres tabernas extinguitur. De his tribus tabernis, multa *Scal. ad Euseb. n. 2324*. *Zosimus* ait: *Severum blanditiis Maximiani Herculei Ravennâ Romam evocatum, in viâ ad tres tabernas, laqueo necatum esse*. Igitur *Cluverium lib. III. Italiae antiquæ c. 8. p. 1034*, sequimur, & per tres tabernas, non intelligimus cum *Valesio ad Anonymum*, illas, quæ fuerunt ad forum *Appii*, memoratæ in *Actis Apostolorum*, c. ult. §. 14. & 15. sed eas, quæ tribus millibus passuum ab *Interamnâ* fuerunt, eo loco, qui vulgò dicitur *Ponteconfino*. Hæc enim inter Romam & *Ravennam* sitæ sunt, ita dictæ à tribus cauponis, vel diversoriis publicis.

Fuit hic *MAXENTIUS*, contra quem *Flavius Valerius Severus* tam infelicem expeditionem susceperat, *M. Aurelii Valerii Maximiani Herculei* frater, ex *Galeriâ Valeriâ Eutropiâ Syrà*; ut præter *Victorem utrumque*, scribit *Zosimus & Eutropius*. Sed acceffe-

rim famæ publicæ, quæ fuit (ut adjicit *alter Victor*)
 suppositum fuisse, arte muliebri. Idem lego in *Panegy-*
rico Constantino dicto: Ille erat Maximiani supposi-
tus, tu Constantii Pii filius. Credidit idipsum Maxi-
 mianus senior: *Cur enim, si hunc sanguinem suum pu-*
tavit, in successione imperii prætulit Fl. Valerium
Constantium Chlorum? sed quàm ipsi veteres hîc
 cæcutierint, docet numus *Lati Pasqualini, apud Ba-*
ronium in A.C. 306. n. 23. qui generum facit, non filium.
 Verba sunt alterius lateris: IMP. MAXENTIUS. DI-
 VO. MAXIMIANO. SOCERO. Cave enim, hîc
 intelligas C. GALERIUM VALERIUM MAXI-
 MIANUM, qui *nihil omninò pertinuit ad Maxen-*
tium; quod ex narratione *Zosimi* facilè colliges. Ac-
 cedit deniq; *Anonymus, à Valesio publicatus, qui scri-*
bit, de Maxentii origine matrem quæsitam, respondisse,
Syro quodam genitum.

Porro *Maxentius* iste, à militibus Prætorianis
Imperator Augustus appellatus est a. d. 7. Cal. Octob.
 A. V. 1058. ut ex *Panegyricis* docet *Onuphrins.* Cæso
 Severo, C. *Galerius Valerius Maximianus* ejus mor-
 tem ulcisci cogitabat, sed frustra fuit; ut scribit *Zo-*
simus.

Ipse *Maxentius* filium suum M. AURELIUM
 ROMULUM, Cæsarem, & bis Coss. fecit, quem
 post obitum etiam consecravit; ut partim ex numis,
 partim ex *Idatio* constat. At C. GALERIUS
 VALERIUS MAXIMIANUS A. V. 1060. Se VII.
 Diocletiano X. Coss. altero anno post cæsum Seve-
 rum a. d. 3. Idus Novembr. PUBL. VALERIUM
 LIC-

LICINIANUM LICINIUM (ita nominat æreus, apud *Occon. p. 544.* alii *Caji* prænomen tribuunt, nescio quàm benè) *Carnuti in Pannonia* Cæsarem appellavit; Illyricoque præposuit. *Daciâ* oriundum scribit *Eutropius*. Ipse à *Philippis Imperatoribus* originem traxisse, videri volebat. *Capitolinus in Gordiano III. p. 165.* Vilioris originis ex novâ *Daciâ* hominem facit *Anonymus apud Valesium p. 473.*

Annem ut sciamus, debemus *Idatio*; at *Onuphrius*, eumque secuti, *Cæsarem Augustum* appellatum dicunt, a. d. 11. Cal. Maj. A. V. 1062. sine auctoritate. *Baronius in A. C. 307. n. 1. 13. & 26.* eodem anno, Severum & Maximianum Herculeum occisos, & Licinium Cæsarem creatum vult, hoc est, A. V. 1059. quod ex hætenus dictis apparet falsum. Nimirum Fl. Valerius Severus, fraude Maxentii occisus, A. V. 1059. M. Aurelio Valerio Maximiano IX. & Constantino Coss. Hoc unum verum dicit *Baronius*: Licinius Cæsar creatus A. V. 1060. Diocletiano X. Galerio Maximiano VII. Coss. Sed M. Aurelius Valerius Maximianus Herculeus laqueo vitam finit *Marsilia*: A. V. 1062. hoc est, anno secundo post Consulatum Diocletiani decimum, & Galerii Maximiani septimum, Maxentio III. solo suffecto Cos.

Cognito *Licinium* Cæsarem appellatum esse, C. GALERIUS VALERIUS MAXIMINUS hucusque *Cæsar*, seipsum *Augustum* dixit. Ipse verò C. GALERIUS VALERIUS MAXIMINUS, contra *Maxentium*, Romam profectus, auditâ militum defectione, in *Illyricum* rediit. Ibi cum miser-

rimo morbo conflictatus est, ulcere inguinibus innato, consumptis genitalibus, & vermibus ubique erumpentibus. Dignissimus hâc pœnâ, qui multa millia Christianorum immanibus suppliciis affecerat. Vide *Baron. in A. C. 311. n. 29. & 30. Scal. ad Euseb. n. 2326.* Mors ejus incidit in A. V. 1063. Cùm ipse Consulatū octavum iniisset, eique suffecti essent Rufinus & Volusianus. Sic idem *Idatius.*

Sequente anno (qui Coss. ordinarios habuit Fl. Valerium Constantium II. Publ. Valerium Licinianum Licinium, & suffectum Maxentium IV. solum) *Fl. Valerius Constantinus* à Senatu vocatus in auxilium *M. Aurelium Valerium Maxentium*, qui Romam libidinibus & tyrannide suâ graviter afflixerat (*Baron. in A. C. 308. n. 25. & in A. C. 312. n. 8.*) magno prælio devicit; & ipse Maxentius ruinâ pontis *Mulvii* præceps datus in profluentem, dignum facinoribus exitum. *Scal. ad Euseb. n. 2328. Baron. in A. C. 312. n. 38. & seqq. Onuphrius in A. V. 1064.* qui factum id edocet a. d. 8. Cal. Octobr.

Hinc Constantino *arcus triumphalis* erectus, cum inscriptione magnifica; de quâ præter *Baron. n. 60. Alexander Donatus lib. III. de Urbe Româ cap. 6.* Hæc, ut dixi, facta sunt A. V. 1064. Supererat crudelissimus Christiani nominis hostis, C. Galerius Valerius Maximinus: Sed & ipse fusus, fugatusq; à Licinio, *Tarsi* periit. A. V. 1065. Constantio III. & Licinio III. Coss. *Aurel. Victor, Euseb. n. 2327. Baron. in A. C. 314. n. 2. & seqq.* Atque ita de his Imperatoribus differendum est, ita nominandi, ita distinguendi.

Vete-

Veteres in nominibus *Maximiani* & *Maximini*, sæpè graviter cespitarunt, quod notavit *Scal. ad Euseb. n. 2326. 2327.*

Ecquod autem Publ. Valerii Liciniani Licinii fatum? nam & ipse Christianis infensissimus fuit: Augustus dictus, ut suspicatur *Valesius ad Anonym. p. 438.* paulò ante obitum C. Galerii Valerii Maximini, commissus est cum Constantino A. V. 1066. Volusiano & Anniano Coss. & prælium commissum a. d. 8. Idus Octobris, ut feribit *Idatius*. Cibalense bellum vocatur à Scriptoribus, à Cibalis, oppido Pannoniæ. *Scal. ad Euseb. n. 2329.* cum quo confer *Anonymum apud Valesium, p. 473.* qui refert, cecidisse illo prælio è Licinii exercitu viginti peditum & equitum ferratorum millia; Licinium noctis auxilio profugisse in Daciam: Unde apud Hadrianopolim, Thracia civitatem, per Valentem collectâ ingenti multitudine, legatos ad Constantinum de pace misisse, tunc apud Philippos commorantem; sed frustra. Hinc reparato bello, manus confertas in campo Mardienti. Ibi inclinatâ Licinii acie rursus ereptos Licinianos, noctis beneficio: Paulò post fatigatis bello & itinere ipsius Constantini militibus, Mestrianum à Licinio legatum missum pacem & petuisse, & impetrâsse; his conditionibus, ut Licinius Orientem; Asiam, Thraciam, Mœsiam, Scythiam minorem possideret: Filii Constantini FL. JULIUS CRISPUS, FL. CL. CONSTANTINUS, & VALERIUS LICINIANUS LICINIUS, Licinii filius, & Constantii Chlorig ex filia Flavia Valeria Constantia nepos Cæsares designarentur. Designatos esse

Cal. Martiis A. V. 1069. Gallicano, & Basso Coss. auctor est *Idatius*. Meminit & *Eusebius* n. 2333. Eo die, quo facti sunt Cæsares, defectionem Solis factam legimus, apud *Aurel. Victorem*. An igitur in Cal. Martiū incidere, Astronomiæ peritis docendum relinquo.

Pergit Anonymus: *Multa posthac Licinium sceleratè, avarè, crudeliter fecisse; ruptaque pace, utriusque exercitus, ad Hadrianopolim rursus bellum utrinque magnis viribus gestum. Insignem victoriam penes Constantinos fuisse.* Idatius eam refert in quintum Non. Jul. A. V. 1076. Crispo III. & Constantino III. Coss. à quo licet in die *Chronicon Alexandrinum* dissentiat, tamen *Idatii* narrationem confirmant l. 1. C. *Theod. de Veteranis*; & *Hervartii Calend.* quod habet: *V. Non. Julias fugato Licinio Circenses missus XXIV.* Nec tūm bello finis, sed ut idem docet *Anonymus*, pugnatum terrā, marique; & mari quidem victum *Amandum*, *Licinii* ducem; ipsumque *Licinium*, spe maris obtinendi, abjectā, cum thesauris *Chalcedonem* profugisse. Prælium non procul *Chalcedone* commissum a. d. 14. Cal. Octobr. notavit *Idatius*. Adde *Zosimum* lib. II. paulò post, hoc est, a. d. 6. Idus Decembr.

Eodem Anno FL. JULIUS CONSTANTIUS à patre Constantino Cæsar appellatus est, ut est apud eundem *Idatium*. Atque ita tres *Constantini* filios Cæsares nunc habemus, *Crispum*, *Constantinum*, & *Constantium*. Denique prælio ad *Chrysopolin* feliciter depugnato, cū exercitus *Licinii* è *Gothorum* auxiliis potissimum constaret, *Constantinus*
bellum

bellum confecit; quod factum arbitror A. V. 1077. Paulino & Juliano Coss. Nam hoc anno Licinium occisum tradit *Idatius*. *Onuphrius* Licinium A. V. 1076. vult deditum, sequente anno interfectum.

Quicquid sit, vitam ei *Constantia* uxor impetrarat à fratre Constantino, hâc conditione, ut positâ purpurâ privatus viveret; sed cum secum Constantinus reputaret, quàm *Maximianus Hercules* non potuerit privatus vivere, simul cædem poscente per tumultum exercitu; tandem annuit, & Licinius *Thessalonica*, contra datam fidem, occisus est. Sic totius orbis Romani monarchia ad solum FL. VALERIUM CONSTANTINUM, Constantii Chloriglium, devenit.

Jam pauca quædam de aliorum dissenfu: Primò Crispum, Constantinum, & Licinium, *Cæsares* appellatos, *Onuphrius* asserit A. V. 1066. Volusiano & Anniano Coss. cum appellati sint A. V. 1069. Galiliano & Basso Coss. secundùm *Idatium*: Secundò *Baron. in A. C. 317. n. 1.* alterum prælium Constantini cum Licinio ad *Hadrianopolim* depugnatum a. d. 5. Non. Jul. rejicit in A. 1069. ob subscriptionem legis primæ, *Codice Theodosiano de Veteranis*. *Idatium* non deserimus, propter subscriptionem istam, quam suspectam habuit *Valesius ad Anonymum de Constantio, p. 443.* Tot sunt mendæ in inscriptionibus, & subscriptionibus legum tùm in *Digestis*, tùm in *Codicibus*; ut in chronologiâ, nisi aliunde confirmetur, contra Scriptores veteres nihil inferant. Nisi tempus me deficeret, pluribus id explicarem è l. 2. C. *Theod.*
de

de raptu, vel matrimonio sanctimonialium virginum, è l. 8. Cod. eod. de jure fisci; è l. 32. Cod. eod. de appellationibus, è l. 15. Cod. eod. quorum appellationes non recipiantur. è l. 8. Cod. eod. de jurisdictione, è l. 28. Cod. eod. de annonâ & tributis, è l. 107. Cod. eod. de Centuriis, & è quàm plurimis aliis.

Neque solum *Idatium* hîc propugnamus, sed *Victorem* & *Eusebium*; quorum sententia quæ sit, docet *Scaliger ad Euseb. n. 2340*. Uno verbo: Nulla alia, quàm quæ *Idatii* est. In *Besoldi Synopsi* majore tolle duo peccata typographi an auctoris? Primum legitur: *Constantino mortuo, Galerius Flavium, Valerium, Severum, & Maximinum adoptavit*. Corrige: *Constantio mortuo Galerium Fl. Valerium Severum & Maximinum est*. Non enim adoptavit quatuor, ut vult edita lectio; sed duos. Quamvis falsum sit, mortuo *Constantino* *Severum*, & *Maximinum* adoptatos. Nam adoptati paulò ante *Constantii* mortem; ut suprâ diximus. Secundò ait: *Maximinus imperii collegam Licinium adsumsit*. Lege: *Maximianus*, & intellige *G. Valerium Galerium Maximianum*.

TYRANNI

SUB IMPERATORIBUS MODO RE-
CENSITIS.

ALEXANDER *Phryx* natione, senex, timidus, & tardus, Propræfectus Prætorio, per *Africam* à militibus, contra *Maxentium*, Imperator appellatus est, *Zosimus lib. II. p. 674. 675*. Cui in patriâ nominandâ *Sex. Aur. Victor* accedit. Sed *Victor* alter agrestibus & *Pannonicis* parentibus, vecordiorē dicit.

dicit. Victus est à C. Cejonio Rufio Volufiano; illo ipso, qui *Inscr. V. p. 387.* Proconsul Africae dicitur, & consulatum gessit. A. V. 1063. Sic *Victor Schotti.* At *Victor alter* jugulatum ait à Constantini exercitu. Numos ejus vide apud *Goltzium in Thes. c. 4. p. 125.* & *Occonem p. 528.*

C. JULIUS VALENS (ita vocatur in numo Græco) à Publ. Valerio Liciniano Licinio post *Cibalense prælium* Cæsar appellatus est. *Zosim. lib. II. p. 679.* *Valesii & Anonymus p. 473.* Pace dein factâ inter Licinium & Constantinum, inter alias conditiones hæc fuit, ut *Valens* iterum *privatus* viveret. *Anonymus l. d.* Sed *Zosimus* ait, fuisse hanc, ut è medio tolleretur. Certè interfectus est ab ipso Licinio. *Sex. Aur. Victor.*

M. MARTINIANUS (ita describit numus apud *Occonem p. 539.*) à Licinio Cæsar appellatus, post infelix prælium, ad Hadrianopolim. *Anonymus, p. 475.* & *Victor Schotti.* Magistrum officiorum fuisse scribit *Zosimus lib. II. p. 683.* & *Sex. Aurel. Victor.* Occisus est, victo Licinio, Constantini jussu. *Iidem.* Meminit *Inscr. V. p. 283.* MARTINIANI. P. PRÆSIDIS PROV. NORICI. MEDITERR. qui per temporis rationem videri posset hic ipse.

BASSIANUS, qui *Anastasia*, Constantii Chlorig filiam, in matrimonio habuit, huc referendus videtur, ex *Anonymo de Constantio, p. 473.*

CAPUT XV.

FLAVIUS VALERIUS CONSTANTINUS, cognomento MAGNUS.

*Constantii Chlorigeris. Helena ejusdem uxor, non concubina. Scaligeri mira oscitantia. Trebellii locus aliter explicandus, quàm Baronijs putavit. Constantini vera patria. Firmici locus. Constantinus in Britannia imperium suscepit, & quo anno? Numus explicatus, qui Scaligero inexplicabilis visus. Constantinus, Cæsaris appellatione contentus, cum imperium haberet. Africa Constantii & Constantini fors. Crispi & Licinii junioris cædes. Faustæ interitus. Constantino-
polis eximium Constantini opus, sed Romæ veteris ruina. Constantini bella externa, mors, & elogium ambiguum.*

FLAVIUS VALERIUS CONSTANTIUS CHLORUS, uxores duas habuit, *Flaviam Juliam Helenam, & Flaviam Maximianam Theodoram*, Maximiani Herculei privignam. Ex hac Maximianâ sex fuerunt liberi: I. *Constantinus*, Cos. A. V. 1078. II. *Dalmatius Censor*, quibusdam & *Hanniballianus*, quod nomen ejusdem filius habuit. III. *Julius Constantius*. IV. *Anastasia*, *Basiani* conjunx. V. *Flavia Valeria Constantia*, uxor *Publii Valerii Liciniani Licinii*. VI. *Eutropia*.

Ex *Helena* natus est ille FL. VALERIUS CONSTANTINUS, MAGNI cognomine vulgò notissimus. *Paulus Merula Cosmograph. part. II. lib. II.*

cap. 19. p. 637. describit M. AURELIUM VALE-
RIUM FLAVIUM CONSTANTINUM MA-
XIMUM; quomodo appellatum legere non memini.
Matrem ejus *Helenam* saltem *concubinam* fuisse Con-
stantii Chlorig, adeoque *Constantinum* pro *notho* haben-
dum voluerunt. *Euseb. n. 2322. Oros. lib. VII. cap. 25.*
Chronic. Alex. & Beda lib. I. Rerum Britannicarum.
c. 8. & Zosim. lib. II. Eutropius ait, ex obscuriore ma-
trimonio filium fuisse. Constantinus F. pro uxore
Constantii Chlorig *legitimâ* haberi voluit *Inscr. II. p.*
1086: PIISSIMÆ. ET. CLEMENTISSIMÆ. DO-
MINÆ. NOSTRÆ. AUGUSTÆ. HELENÆ.
MATRI. DOMINI. NOSTRI. VICTORIS.
SEMPER. AUGUSTI. CONSTANTINI. UXO-
RI. DIVI. CONSTANTII. Justam uxorem fuisse,
& postea repudiatam, multis contendit Baronius in
A. C. 306. n. 17. 18. cui omninò assentior. Auctor
Anonymus de Constantino: *Relictâ enim Helenâ pri-*
ore uxore, filiam Maximiani, duxit uxorem. Quasi
somnia nonnulla scribit Scaliger ad *Euseb. n. 2322.*
Helenam non posse priorem uxorem Constantii
Chlorig dici: Nam prior uxor erat, inquit, *Minervia,*
Mater Crispi Cesaris, quam dimittere coactus est; cum
Theodoram privignam Herculei duceret uxorem. Vi-
de, quàm non parvæ sint hallucinationes maximorum
viro- rum? Quis Scaligerum docuit, *Minerviam* fuisse
Constantii Chlorig conjugem, *Crispum* ejusdem fili-
um? *Minervia* seu *Minervina*, Constantini Magni
uxor, seu concubina fuit; quæ illi peperit *Flavium Ju-*
lium Crispum. Res pueris nota: Sed tamen videri
possunt

possunt *Victor*, & *Zosimus lib. II. p. 679.* qui concubinam fuisse credunt. Sed legitimam conjugem probare conatur *Baron. in A. C. 307. n. 7.*

Satis de parente, & matre: Si verò aliùs repetatur origo (inquit idem *Baron. in A. C. 308. n. 11.*) *Trebellius auctor est, eum à Vespasiano descendere.* Sed vir illustrissimus non intellexit *Trebellii verba*, quæ sunt: *Ille velut futurorum memor; gentes Flavias, Vespasiani & Titi (nolo autem dicere Domitiani) propagavit.* Hoc vult: Reliquisse multos, ex suâ domo, quibus delatum sit imperium, intuitu ipsius *Claudii*. Li posteri plerique *Flavii* dicti, ut *Flavius Valerius Constantius*, *Flavius Valerius Constantinus*, & multi alii. Hinc *Flavorum propagator*. *Vespasiani* autem & *Titi* saltem meminit; non quòd ab illis descenderit, sed quòd ipse similis *Vespasiano* & *Tito*, non minùs illustrârit *Flavii* nomen, quàm illi. Vide *Salmasium ad Trebellium, p. 326. 327.* Si verbum *propagare* hîc propriè accipere voles, ne *Constantios*, & *Constantinos* propagasse dici potest: Non sunt ab illo oriundi, sed à fratre *Crispò*; quod suprâ dixi. Nec obstat *Inscr. IV. p. 283.* in quâ **FLAVIUS CONSTANTINUS** dicitur **D. CLAUDII N. D. CONSTANTII F.** *Nepos* enim hîc admodùm latè accipitur, pro *fratris nepote*, vel *abnepote* ex fratre. Hoc non observatum, erroris causam præbuit nonnullis; hinc enim est, quòd *Nicephorus Constantinum* ait *Claudii ex filio nepotem*. Nec minùs ruentes in errorem impulerunt *Panegyrici*, in quibus *D. Claudius*, *D. Constantii parens*. Vide præter cæteros *Eumenium panegyrico VIII. c. 2.*

Natale

Natale Constantini solum quod attinet, non minor de eo lis fuit, quàm olim de Homeri patriâ. *Baron. in A. C. 306. n. 16.* tantâ contentione affirmavit *Britanniam* esse, ut, non nisi extremæ dementiæ homines illi sententiæ repugnare, diceret. Sed tamen locum *Panegyrici V. c. 4.* quem præcipuè urget, jam pridem explicârunt *Livineus* in dictum *Panegyricum*, & *Lipsius lib. IV. de Magnit. Rom. c. 11.* Horum autem sententia fuit, natum esse *Tharsi*, quæ in *Bithynia* est; idque probare statuerunt è loco *Firmici*. Nos *Valesium ad Ammiani lib. XXI. p. 196.* sequimur, cujus sententiâ nihil verius. Fuit enim natus apud *Naisum*, *Daciæ mediterraneæ oppidum*. Hoc dicit *Anonymus*, à nobis toties citatus; hoc *Stephanus* in *Ναῖος*; hoc *Constantinus Porphyrogenetus, lib. II. ἐκ τῆς Θερματικῆς*, hoc ipse *Firmicus in MSS.* Nam in istis legitur, *apud Naisum genitus*, non apud *Tharsum*.

Mortuo Constantio patre, statim ab exercitu *Britannico* Imperator appellatus est; initiumque ejus, secundum *Idatium*, consurgit exante d. 8. Cal. Aug. A. V. 1058. Constantio Augusto VI. Galerio Maximiano Augusto VI. Coss. *Eusebius*, non sine magnâ tanti nominis injuriâ, imperium invasisse scribit n. 2322. Quem ob id è *Zosimo*, & *Aur. Victore* Scaliger castigat. Hinc verò explicandus modò laudatus *Panegyristes V. cap. 4: Liberavit pater Britannias servitute, tu etiam nobiles illic oriendo fecisti.* Oriendo id est, dùm illic Imperator factus es; non natus. Idem dicit, quod *Eumenius: O fortunata & nunc omnibus beatior terris, Britannia! quæ Constantinum*

Casarem primâ vidisti, hoc est, non vitæ, sed imperii luce circumdatum.

Scaliger ad d. l. Eusebii lectori crucem figit, exhibitis numis illis: FL. VAL. CONSTANTINUS. NO. CÆS. Et: CONSERVATOR. AFRICÆ. SUÆ. Et: CONSERVATORES. CART. SUÆ. R. K. D. Hoc, inquit, mihi tenebricosius est Cimmericis tenebris: Nam historia nulla refert, aut eum Casarem à Galerio dictum, aut unquam in Africa fuisse.

„ Hæc Scaliger, qui jam senior satis habuit pergere
 „ in scribendis libris, veteres censere, probare, & re-
 „ jicere; & hujusmodi alia facere, solâ memoriâ fre-
 „ tus, non consultis diutiùs libris: *Omnis enim mora*
 „ *& ulterior inquisitio seni molesta est!* Hinc tenebris
 „ involvit multa, & sæpè plus negotii facit, quàm ipsi
 „ veteres. Hinc factum, ut ferè in omnibus paginis
 „ Eusebiani operis hallucinationes gravissimas de-
 „ prehenderint viri doctissimi. Scio, multis opi-
 „ nione suâ accuratissimis, & qui plus famæ literis a-
 „ micorum, carminibus, panegyricis, & consecratio-
 „ ni tribuunt, quàm veritati, gravem esse hanc judi-
 „ cii libertatem; sed nihil illos moramur, qui quod di-
 „ cimus, satis superque hætenus probavimus; nec
 „ minùs interim Scaligerorum merita & nomen su-
 „ spicientes, quàm ipsi.

Numos istos quod attinet, non dicunt, Constantinum à Galerio Cæsarem appellatum; *Casarem nobilissimum* dicunt, & rectè: Nam quamvis Constantinus, patre defuncto, imperium revera suscepit, tamen *Cæsaris* appellatione contentus, *Imperato-*
 ris,

ris & *Augusti* nomen tum demum recepit, cum *Flaviam Maximianam Faustam*, Maximiani Herculei filiam, uxorem duceret. *Auctor Panegyrici V. cap. 1.* Maximiano & Constantino dicti: *Mihi certum est, ea precipue isto sermone complecti, quæ sunt hujus letitie propria; quâ tibi Cæsari additum nomen imperii, & istarum cœlestium nuptiarum festa celebrantur.* Et *cap. 2: Tibi, Maximiane, per generum, juventa renovata est; & tibi, Constantine, per socerum nomen Imperatoris accrevit.*

Sed quid ad Constantinum illo tempore *Africa*, in quam nunquam venit? Respondeo, qui paternum imperium accepit, is simul adeptus est *Africam*: Nam *Constantius Chlorus* pater, in divisione imperii, post abdicationem *Diocletiani* & *Maximiani*, *Gallias*, *Hispanias*, *Italiam* & *Africam* accepit; ut ex *Eutropio* suprâ docui: Hinc CONSTANTINI AFRICA, in numis. Insidiosè me hîc agere, dicet non nemo, qui apud eundem *Eutropium* & *Joh. Antiochenum* in *Exc. Peir. p. 837.* legerit: *Constantium paulo post Africam & Italiam Galerio Maximiano cessisse.* Hoc quidem dicit *Eutropius*, eumque, ut alibi, descripsit *Antiochenus*; sed parum probabile reddidit viris eruditissimis. Consulendus *Baronius Tom. II. Annal. in A. C. 306. n. 6. 7.* Occupârunt *Africam* & *Italiam* *Maxentius* & *Galerius* vi, non jure; & cum postea *Constantinus* *Italiam* & *Africam* *Maxentio* extorsisset, & eidem caput amputari jussisset; cum primis *Africæ* suæ gratum spectaculum præbere voluit, misso

in illam Tyranni capite. Vide *Nazarium Panegyri. VII. cap. 32.*

Cæterorum res gestas Constantini contra Tyrannos jam suprâ executi sumus. Initia imperii non valdè commendant Scriptores: Et sanè *in filium Crispum*, quod admisit *facinus*, *inexcusabile* est, quem à *Faustâ* novercâ delatum, quasi ipsam de stupro sollicitâssset, in fontem occidi jussit. A. V. 1078. Se VII. & Constantio F. Coss. Eodemque anno etiam *Valerium Licinianum Licinium Cæsarem*, sororis filium, è medio sustulit. Vide *Euseb. n. 2341. ibique Scal. Joh. Antiochen. in Exc. Peir. p. 839. ibique Valesium. Baronium in A. C. 324.* Sed cui ne accedas in chronologiâ; longè enim veriora hîc docet idem *Valesius ad Ammiani lib. XIV. p. 56.*

Sed non diu innocentis ultionem distulit DEUS, justissimus scelerum vindex: Nam anno sequente *Fausta balneo calenti inclusa expiravit*; vel, ut alii volunt, *monti alligata, bestiusque lanianda*, objecta est. *Vales. l. d. & Petavius Ration. Temp. part. I. lib. VI. c. 1.* Sed triennio ferè post interemtum Crispum, *Eusebius* interfectam ait *Faustam*, *Scal. ad Euseb. n. 2344.*

Maximum posthæc opus suscepit, & perfecit, *extinctâ Constantinopoli*; quam ædificavit a. d. 5. Idus Maj. A. V. 1082. Gallicano & Symmacho Coss. ut nos docent *Idatius, Chronicon Alexandrinum, Euseb. n. 2346.* accedentibus ex accuratioribus Chronologis hodiernis *Scaligero, Petavio, Baronio in A. C. 330. n. 2.* At *Goltzius & Onuphrius* dedicatam putârunt anno feriùs, *Basso & Ablabio Coss.* De hac urbe quæcunque

cunque dici possunt, compendium facere nos jubet opus *Petri Gyllii Albicensis de Constantinopoli*, Scaligero valdè commendatum. Ut habitaretur, insignibus privilegiis S. P. Q. Constantin. donatus est. Vide *Lazium lib. I. Reip. Rom. c. 1. Vales. ad Amm. lib. XXII. p. 224. Petavium ad Julian. Ep. XXXIV. p. 325. 326.*

Cessit eidem Ægyptus, tanquam *horreum Romæ*, veteri relictâ Africâ. *Vales. p. 351.* Hinc infinita hominum multitudo cum nobilissimis viris in urbem novam concessit, & hoc ipsum incrementum, veterem urbem exitio dedit; cùm præsertim Constantinopolim imperii sedem legissent Principes. Amabilis hic admodum *Besoldi & Baronii in A. C. 324. n. 1018.* candor est, qui edictum illud donationis Constantinianæ non verentur rejicere. Adde *Freherum, ad Lupoldum de Bebenburg. c. 13.* qui auctorem & architectum illius monumenti prodidit; ut hîc non sit opus, prolixam disputationem instituere contra Pontificios de hoc argumento. Dederunt manus veritati, & *vanissimi hominis character est, pugnare velle, cùm adversarium non habeas.*

Hinc conversus ad bella externa Constantinus, multis præliis, ut inquit Besoldus, *Gothos* atque *Sarmatas, Thraciam* diripientes vicit. Pugna memorabilis incidit in d. 12. Cal. Maj. A. V. 1084. Pacatiani & Hilariani Consulatum; ut notavit *Idatius, & Euseb. Chronicon n. 2347.* ubi videndus *Scaliger.* Statimque *subversa Paganorum templa*, ut *Idem* notat ex *Theophane.* Meminit ejusdem rei *Anonym. Vales. p. 476.* Quinquennio ferè post, hoc est, a. d. 11. Calend. Jun.

A. V. 1089. Feliciano & Tiberiano Coss. in ipso apparatu belli Persici vivendi finem fecit; ut partim ex *Idatio* constat, partim ex *Juliani Orat. IV. p. 32.* qui satis ridiculus in illis: *Cum Persæ pacem, superstite adhuc patre tuo, nescio quando violassent, ac perturbassent; ejus quidem ultionem effugerunt.* Quos perfidiæ accusat, eos convincere non potest: Verum causam non poterat aperire, nî perpetuâ infamiâ, simul involve-
ret Constantinum. Hanc nos ex *Cedreno* novimus: *Metrodorus* quidam, Philosophus, peregrinandi studio ductus, ulteriorem Indiam penetravit, & cum ad *Brachmanas* venisset, tum ob frugalitatem & continentiam, tum ob saluberrimum molarum aquariarum, & balneorum inventum, cum illis communicatum, in adytum templorum introire permissus est. Ibi multos lapillos, unionesque clâm surripuit, multas quoque ingentis pretii gemmas, à Rege Indorum accepit, Constantino, nomine ipsius, offerendas. Sed is Byzantium (Constantinopolim) reversus, offert quidem illas, sed suo, non Regis nomine. Et admiranti Principi, desiderium an dolorem? facit immani mendacio, plura se terrestri itinere amisisse dicens; sed à Persis cuncta esse direpta. Constantinus impotens animi, re non satis secum expensâ, statim ad Saporem Persarum Regem dat asperiores literas, quibus lapides & cætera Regis Indorum munera ad se quam primùm mitti flagitabat; sed Sapor acceptis literis, injuriam silentii contumeliâ vindicat, & respondet nihil. Hinc pax rupta, cum imperii Romani irreparabili damno. Nisibis statim eo ipso anno à Persis obsessa, & Mesopotamia
vastata

vastata est. *Euseb. n. 2354.* De hac obsidione vide *Vales. ad Ammian. lib. XX. p. 181.* & *Petavium in Juliani Orat. I. p. 251.*

Mortuum autem Constantinum, antequam trigefimum annum imperii compleret, vult *Scalig. ad Euseb. n. 2353.* aliud scilicet initium constituens, quem sequetur, qui volet. Nos à veteribus hinc non recedimus. *Anonymus Valesii p. 476. Exc. Græca apud eundem Scal. p. 399. Eutrop. lib. X. unum & triginta annos tribuit. Euseb. n. 2332. annos 30, menses 10.* Cui respondet *Idatius in Chronico.* Nimirum, ut dixi, secundum *Idatium in Chronico* initium ejus confurgit ex ante d. 8. Cal. Aug. A. V. 1058. Hoc verum esse apparet ex *Tricennalibus*, quæ Romæ ritè celebratæ sunt a. d. 8. Cal. August. Constantino VII. & Constantio Cæsare Coss. hoc est, A. V. 1078. Tricennalia enim quæ rejicit *Idatius* in A. V. 1087. a. d. Cal. August. constat esse anticipata, & trigefimum ineuntem pro completo celebratum. Ab his tricennalibus cum ad exitum sint annus unus, & menses decem ferè; hinc error *Chronici Alexandrini, Eusebii lib. IV. de Vita Constantini cap. 53. Epiphani, Victoris, & Zonare* (quos *Baronius* citat in *A. C. 337. n. 2.*) manasse nobis videtur, quòd Constantino tribuunt annos XXX, I & menses X. putârunt enim triginta annos completos fuisse, cum *Tricennalia* celebrarentur. Quæ cum ita sint, non temerè recedamus ab initio, quod communi veterum consensu constitutum est; licet non eamus inficias, etiam aliud initium haberi posse tempus illud, quod nuptiis cum *Maximiana Fausta* celebratis, Imperatoris nomen Constantinus accepit.

AD.

ADDITAMENTUM.

Legitur in *Politiâ Sanctorum Metrophanis & Alexandri*, apud Photium, Cod. CCLVI. Constantinum à patre moribundo imperii successorem declaratum. Hoc Scaliger falsum esse pronunciat; imò, inquit, τελευτήσαντα non πατρὶ τῶντα invenit patrem suum. Invitus recedo toties à tanto viro, fidem testor! Sed tamen boni publici causâ omninò id faciendum est. Audio enim hîc Salmasium: Quò majore nominis famâ suffarcinati sunt, qui curas suas publicant; eò majore cum pernicie reipubl. literaria peccant, si quando ipsis, ut peccent, usu venerit. Qui itaque eorum errata ex facetæ & fucatæ orationis involucris (quibus teguntur) evoluta & eruta, lucidederit; an malè de literis merebitur? Profectò si quis me judice certet, vel optimè. Constantinum ad moribundum patrem, venisse dicit uterque Victor. Alter ait: Fortè iisdem diebus (quibus in Britanniam venit) Constantium patrem, vitæ ultima agebant. Alter: Iisdem diebus Constantii parentem fata ultima perurgebant. Non aliter explicare possum Zosimum. Quicquid autem scriptum est in illâ *Politiâ*, non tantum ad moribundum venisse, sed ab eodem successorem quoque declaratum esse, egregiè confirmat Julianus Orat. I. pag. 13: Igitur quemadmodum pater tuus [Constantinus Magnus] post parentis sui [Constantii Chlorig] obitum, non modò ipsius judicio, verum etiam exercituum omnium suffragio imperium sit adeptus; quid est, quod diligentius persequamur? Cum his ipsis conferendus Enseb. lib. I. de Vitâ Constantini, cap. 11. 12. & sequen-

sequentibus, apud Baron. in A. C. 306. n. 10. 11. 12. 13. & 14, quem qui legerit, Scaligeri confidentiam satis mirari non poterit.

CÆSARES

NOTISSIMI TEMPORIBUS CONSTANTINI.

I. **F**L. JUL. CRISPUS [ita nominatur in numis] Constantini Magni Frater ex Minerviâ, *Cæsar* appellatus est Calendis Martiis A. V. 1069. Gallicano & Basso Coss. *Idatius in Fastis, Euseb. in Chronico*, Cæsarem factum indicat undecimo anno imperii Constantini, quod cum *Idatio* pulchrè convenit. Sed *Baronius in A. C. 316. n. 3. Eusebium* oppugnat, quòd in eo legatur, octavo Constantini anno Crispum & Constantium creatos Cæsares. Ufus est igitur editione corruptâ; quemadmodum etiam *Onuphrius*, qui Cæsarem facit Volutiano II. & Anniano Coss. hoc est, A. V. 1066. Interfectus est, ut ex eodem *Idatio* edocui, Constantino VII. & Constantio Cæsare Coss. hoc est, A. V. 1078. Consentit *Eusebius*, quem sequitur *Onuphrius*. At *Baronius* nimis impudenter invadit *Eusebium in A. C. 324. num. 1.* quasi falsò scripserit, necatum esse vicesimo anno imperii Constantini. Ipse initium ejus conjicit in Consulatum ipsius Crispi & Constantini junioris III, hoc est, in A. V. 1076. *Sublatus est autem veneno. Vide Scal. ad dictum Eusebii locum.*

II. VALERIUS LICINIANUS LICINIUS, P. Valerii Liciniani Licinii Imperatoris filius, eodem anno Cæsar factus & interfectus, quo Crispus, Matrem habuit *Flaviam Valeriam Constantiam* (ut describitur in *Goltzii* numo) sororem Constantini Magni. *Commoda* indolis juvenem vocat *Eutropius*, quem locum vel *Joh. Antiochenus*, vel *Antiochenum* *Constantinus Porphyrogenneta* non intellexit. Legitur enim in *Excerpt. Peir.* p. 838: Κονσταντίνου τῆς ἀδελφῆς τὸν υἱὸν Κομμόδης ἀφ' οὗθεν δόλω. Hoc est: *Constantinus sororis Commodæ filium per fraudem interfecit*. Putavit τὸ *commoda* nomen proprium esse; eoq; posito, pro, *indolis* legit *dolo*. De causâ cædis videndus *Baron. in A. C. 324. n. 3.*

III. FL. CLAUDIUS CONSTANTINUS JUNIOR, Constantini Magni ex Faustâ Maximianâ filius. Errat *Zosim. lib. II. p. 691.* qui ait, *Constantinum, Constantium, & Constantem* natos esse non ex Faustâ Maximiani Herculei filiâ, sed ex aliâ; quam insimulatam adulterii morte affecit. Vide *Petav. in Orat. I. Juliani p. 244.* Natus est *Arelatæ*, ut scribit *Zosimus*; & factus *Cæsar* adhuc *infantulus* unâ cum Crispo & Licinio, *Zosim. p. 659.* [ubi tamen corruptè Κονσταντίνου dicitur, pro Κονσταντίνου] *Aurelius Victor, Idatius & Eusebius.*

IV. FLAVIUS JULIUS CONSTANTIUS, Constantini M. ex Faustâ filius, natus in *Illyrico*, ut scribit *Julianus in Orat. I. p. 9.* Cæsar appellatur ante diem 5. Idus Novembr. A. V. 1016. Crispo & Constantino juniore III. Coss. ut scribit *Idatius.*
Adde

Adde *Eusebium* n. 2339. Scaliger XX. anno imperii Constantini vult Cæsarem factum; cui propter *Idatium* non accedimus.

V. FL. JULIUS CONSTANS Constantini M. ex Faustâ filius, Cæsar appellatus est a. d. 8. Calend. Jan. A. V. 1085. Delmatio & Xenophilo Coss. juxta *Idatium*. Grave peccatum est in *Eusebio* n. 2349. ubi legitur: *Constantius F. Constantini provehitur ad regnum*. Neque enim, si de Constantio locum ita capere velimus, uti verba volunt, Imperatorem factum hoc numero, vivo adhuc patre, id ullo modo probari potest. *Constantem* Cæsarem factum circa hæc tempora reperit: Sed cum corruptus esset auctor, quem legebat; hinc error iste manavit, de *Constantio* Imperatore. *Onuphrius* lapsum odoratus est; sed annum tamen, quo Constans Cæsar factus, non invenit: Suspensus est de A. V. 1086. Optato & Paulino Coss.

VI. FL. DELMATIUS, Delmatii Censoris, sive Hannibaliani filius, Constantii Chlorig & Flaviæ Maximianæ Theodoræ nepos, Cæsar appellatus est a. d. 14. Cal. Octobr. 1087. Constantio & Albino Coss. ut scribit *Idatius*. *Baronius* in A. C. 336. n. 25. nimis infeliciter & inconstanter differit de hoc ipso: Primum dubitabat, *num Cæsar unquam appellatus fuerit?* Hoc non solum dicit *Idatius*, sed & *Victor*, & *Eu-tropius*, & *Ausonius de Professoribus Burdegalensibus*, *carm. 18. de Exuperio*; & *Anonymus Valesii* p. 476. & *Auctor Chronici Alexandrini*; & ipsi numi, in quibus legitur, FL. DELMATIUS. NOB. CÆS. Laudat *Occo* & *Pignorius epistolicarum symbolarum* 37.

Sensit

Sensit *Baronius* se multitudine premi, & mox aliud comminiscitur, in *Rescriptum Constantini*, quo *Delmatio* Censori demandata est, accusationum cognitio in *S. Athanasium* objectarum, irrepsisse mendum; & loco *Cæsaris Censorem* inscriptum legi. Sed fallitur: Rescripsit Princeps *Delmatio Censori*, *Delmatii Cæsaris* patri. Quomodo *Delmatio Cæsari* potuit, qui tempore illo nondum *Cæsaream* dignitatem acceperat? Cùm enim *Athanasius* cum *Eusebianorum* calumniis conflictaretur, nondum Synodus habita fuit in urbe *Tyro*: At Synodum habitam hoc ipso anno, quo Consulatam inierunt *Constantius* & *Albinus*, & *Delmatius Cæsar* appellatus; inter omnes constat. Deinde quid *Delmatium* Censorium abominatur, tanquam indictum aliis? Auctor *Chronici Alexandrini*: *Delmatium* fratris sui, *Delmatii Censoris*, filium *Cæsarem* creavit. Sed & ipse *Athanasius* *Censorem* vocat in *Apologiâ ad Constantinum*. Adeundus *Vales.* ad *Ammianum*, p. 2.

REX.

Quodam tempore, quo *Delmatius Cæsar* dictus est, fratrem ejus **FL. CLAUDIUM HANNIBALIANUM** *Ponti, Cappadociae, & Armeniae minoris Regem* *Constantinus* fecit. Auctor *Chronici Alexandrini*. *Anonymus Valesii*. *Numus Sirmondi apud eundem*.

TYRAN-

TYRANNUS.

CALOCÆRUS anno ante mortem Constantini res novas in *Cypro* molitus, & statim oppressus est. *Eusebius n. 2351.* Vide ibidem *Scaligerum.*

CONSTANTINUS, CONSTANTIUS, ET CONSTANS IMPPPP.

Imperii divisio inter filios Constantini M. Constantini junioris interitus, diverso affectu narratus. Besoldi error in tempore, quo Constans casus. Tyranni & Cæsares, qui sub Constantio fuerunt, eorumq; exitus.

MOrtuo Constantino M. tres ejus filii *Augusti* appellati sunt, anno dicto 5. Idus Septembr. Feliciano & Titiano Coss. ut ait *Idatius.* Inter hos imperium ita divisum est, ut CONSTANTINUS omnia *trans Alpes* obtineret; CONSTANTIUS à freto Propontidis *Asiam* atque *Orientem*; CONSTANS *Illyricum, Italiam, Africam, Dalmatiam, Thraciam, Macedoniam & Achajam*; ut scribit *Victor.* Sed *Thraciam* Constantio tribuit *Zonaras.* Statim autem sublati sunt *Fl. Delmatius, & Claudius Hannibalianus,* Delmatii frater. *Zosim. lib. II. Eutrop. lib. XII. Euseb. n. 2354.* Necatus est etiam *Optatus Patricius.* *Zosimus dicto libro*; ut & *Ablabius,* quem *Eunapius* in *Ædesio* relictum à Constantino consortem filiis suis, & jussu Constantii *frustulatum concisum,*

concisum, auctor est. Vide plura apud *Baronium in A. C. 337. n. 60.* Item apud *Scaligerum ad dictum numerum Eusebii.*

Sublatis æmulis & inimicis, Constantinus de *divisione* imperii velut *iniqua* conquestus, missis ad *Constantem* legatis petiit, ut aut parte aliquâ imperii sibi cederet, *Africâ* scilicet aut *Italiâ*; vel sanè ut divisio nova institueretur. Ipse etiam cum maximo comitatu *Italiam* petiit, de eâ re cum fratre coràm acturus: Sed *Constans*, pessimorum hominum consilio, qui ipsum ad bellum concitabant, militares copias *adversus Constantinum* misit; à quibus Constantinus interceptus, & cæsus est; ut è *Zonara, Cedreno, Victore & auctore Monodia in Constantini junioris obitum* refert *Valesius ad Ammian. lib. XXI. p. 193. 194.* Sed ex *Orosio & Socrate* Constantini causam valdè premit *Besoldus*, quod ipsum ante illum fecit *Baronius in A. C. 341. n. 43.* Incidit autem hæc cædes in *A. V. 1092. Acyndini & Proculi Consulatum*; quod *Socrates, Idatius & Eusebius* consensu tradunt.

Sic *Gallias* adeptus *Constans*, cum Francis bellum gessit: Victi tamen ad ultimum pacem petere coacti sunt, *Constantio III. & Constante II. Coss.* hoc est, *A. V. 1094.* teste *Idatio.* Adde *Scaligerum ad Eusebium n. 2357.* Exinde in *Britanniam* insulam trajecit, ut barbaros coërceret, qui insulam infestabant. *Vales. ad Ammian. lib. XX. p. 174.* *Besoldus* noster *Constantem* non multum ultra biennium *Constantino* fratri supervixisse asserit; quod quis illum docuerit, me quidem latet. Occisum perfidiâ *Magnentii,*

gnentii, Sergio & Nigriniano Coss. hoc est, A. V. 1102. integro decennio post fratris mortem scribunt *Idatius*, *Eusebius*, *Socrates*. E recentioribus consuliendi *Baronius* in *A. C.* 350. n. 1. *Scal.* ad *Euseb.* n. 2366. *Vales.* ad *Amm.* lib. XV. p. 80.

Turbat *Julianus Orat.* l. p. 47. Constantem interfectum sexto circiter anno post praelium nocturnum ad *Singara*; cujus [ut id obiter addam] inter Persas & Constantium depugnati tam ambiguus eventus fuit, ut tam Persæ, quàm Romani se pro victoribus ferrent. Pugna illa commissæ Philippo & Sallea Coss. A. V. 1099, ut est apud *Idatium* in *Fastis*. Sed assentior *Valesio* ad *Ammian.* lib. XVIII. p. 156. qui pro ἐκτον legit τριτον apud *Julianum*.

Sic verò imperium invasit MAGNENTIUS, Augustusq; appellatus est, anno dicto 15. Calend. Febr. ut scribit *Idatius*, anno, quo Constans interiit. Vix igitur habet locum, quòd ait *Baronius*, mense Martio sublatum Constantem. Idem *Magnentius* fratres suos DECENTIUM & DESIDERIUM *Cæsares* fecit. Meminerunt numi apud *Occonem* & *Baronium* in dicto anno.

Eodem anno Calendis Majis, ut scribit *Idatius*, apud *Sirmium*, Augustum se dixit VETRANIO; FLAVIUS VETRANIO dicitur numis: Sed *Veteranionis* nomen rectius esse, pertendit *Vales.* ad *Amm.* lib. XV. p. 61. 62. & ad *Excerpta Peir.* p. 119. Athanasio corruptiùs dicitur Βεττανίωv, ut notat *Scal.* ad *Eus.* n. 2366. Fuit *Vetranio* grandævus jam vir, probus, & moris antiqui, & ob id cunctis amabilis. Ad-
eundus

eundus *Johannes Antiochenus in Excerptis Peir.*
pag. 841.

Eodem anno a. d. 3. Non. Jun. Imperator Romæ creatus est NEPOTIANUS, ut est apud eundem *Idatium*. FLAVIUM POPILIUM NEPOTIANUM describunt numismata. Fuit *Constantii Chlorig* ex *Eutropiâ* filia nepos; & hinc dignior sibi videbatur *Magnentio*. Multos è *Magnentianis* occidit, cum ipso Præfecto urbis *Cœlio Probino*, *Petronii Probiani* filio, & *Sexti Petronii Probi* patre: Domus, fora, viæ templaq; cadaveribus complebantur. Sed mox missi à *Magnentio* duces, *Heraclidâ* Senatore prodente, factionem ejus opprèssere: Caput cæsi pilæ per urbem circumlatum est. *Eusebius* dicto numero: Hinc gravissimæ proscriptiones & cædes subsecutæ: Nam & *Eutropia*, *Nepotiani* mater, & *Sperantius*, & *Abuterius*, aliiq; plures capite pœnas dederunt; ut scribit *Athanasius in epistolâ apologeticâ ad Constantium*.

Sequente anno a. d. 4. Cal. Octobr. ad *Mursam Pannoniæ* gravi prælio victus est *Magnentius*, ut habet idem *Idatius*. Hoc bello *Constantius* exitiosum planè consilium reipublicæ arripuit, scribens ad *Germanos*, ut Romanum limitem irrumperent: Sic enim sperabat *Magnentii* vires distrahere se posse. Non erant invitandi, qui ad hos ludos ultrò venire solebant. Irruptione factâ, quadraginta urbes Romanas ad *Rhenum* sitas concremârunt; ut est apud *Zosim*. *Socrat.* *Sozomenum*, *Libanium* in Oratione funebri. Meminit ejus vastationis *Julianus in epistolâ ad Athenienses*.

Sed

Sed nec prælium ad Mursam bellum sustulerat, nam Magnentius reliquias attriti exercitus in *Italiam* reduxit; ibi alienatos omnium animos expertus, desperatis rebus suis superavit *Alpes*; & cum in *Galliam* pervenisset, prælio iterum commisso ad *ΜΙΛΤΟΣΕΛΔΟΥΝ*, ut *Socrates*, sive ad *ΜΟΥΛΙΟΣΕΛΔΟΥΝ*, ut *Sozomenus*, sive ad *ΜΕΓΡΟΣΕΛΔΟΥΝ*, ut *Chronicum Alexandrinum* vocat; & re infeliciter gestâ *Lugdunum* se recepit, ac matre & charis suis interfectis, postremò sibi manus intulit, a. d. 3. Idus August, Constantio VI. & Gallo II. Coss. hoc est, A. V. 1105. *Decentius* autem, frater Magnentii, laqueo gulam fregit eodem anno, a. d. 15. Cal. Sept. ut notavit *Idatius*. Hoc bello ingentes imperii Romani vires consumptæ sunt, universis aliòquin exterorum bellis pares; ut *Eutropius* & *Victor* conqueruntur.

Et hæc totius hujus belli verissima narratio est: At Baronius miserè labitur in A. C. 353, qui prælium ad *Mursam Pannoniæ* commissum statuit, Constantio VI. Gallo II. Coss. ultimum scilicet confundens cum priore. Ibidem anxie quærit, quo tempore *crucis signum* conspectum sit in cœlo? putat iisdem Consulibus. Nos & annum verum & diem ex *Idatio* discimus: Post Consulatum Sergii & Nigriniani [hoc est A. C. 1103.] apparuit in Oriente signum Salvatoris die 3. Cal. Febr. *Cyrillus* tamen aliter, qui visum ait super montem *Golgatham*, & usque ad montem *Olivarum* extensum, sanctis diebus sanctæ *Pentecostes*.

Nunc de *Vetranionis* fortunâ. Victo ad Mur-

Ee

sam

Sam Magnentio, non diu pòst, hoc est, a. d. 8. Cal. Jan. eodem anno 1103. Constantius Vetraniorem regium habitum exuere jussit; ut *Idatius* auctor est. Factum id apud *Naissum* vult *Eusebius* n. 2366. Meminit ejusdem abdicationis *Themistius* Orat. XIV.

Cùm autem Constantius secum expenderet pericula imperii Romani, de *Cesare* creando consilium cœpit. Atque ita hoc ipso anno, ut notat *Idatius*, Idibus Martiis FL. CONSTANTIUM GALLUM, Julii Constantii Consulis A. V. 1097. & Gallæ filium, Constantii Chlorig nepotem *Cesarem* dixit, testibus *Idatio* & *Chronico Alexandrino*. Sed is quadriennio ferè pòst, Constantio VII, se III. Coss. hoc est, A. V. 1106. in *Istriâ* propè oppidum *Polam*, capite punitus est; ut vult *Ammianus* lib. XIV. p. 29. juxta *Flanonam* insulam, ut alii; vide *Scal. ad Euseb. num. 2370. Lindenbrogium & Valesium ad dictum locum Ammiani*.

Si *Ammiano*, *Eutropio*, *Aurelio Victori*, *Socrati*, *Cyro monacho* credimus, homo crudelis, vecors, perfidus, & rebellis fuit. Sed *Julianus*, Galli frater, omnibus modis hanc infamiam imminuere satagit, & culpam in ipsum Constantium derivat: Si quid in ejus indole, inquit, ac moribus agreste inerat, atq; asperum; id ex montana illa educatione ac rustica coalnerat. Quamobrem ejus immanitatis culpam omnem is mihi meritò sustinere videtur, qui ad eam nos educationem per vim & tyrannicè damnatos esse voluit.

Altero anno post interfectum Gallum, hoc est, Arbetrone & Lolliano Coss. A. V. 1107. FL. SILVANUS

NUS à Constantio defecit, seque Imperatorem dixit. Numus apud *Goltzium* : D. N. FL. SILVANUS P. F. AUG. Fuit *Boniti* Franci filius. *Ammianus Marcellinus* lib. XV. p. 44. Sed non diu post missus *Ursicinus* Silvanum, corruptis pecuniâ ipsius militibus, interemit. *Zonaras* dicto loco. Eodem anno 1107. FL. CLAUDIUS JULIANUS, Galli Cæsaris frater, filius Julii Constantii, sed ex *Basilina* natus [ea filia fuit *Juliani* Præfecti prætorio, & *Juliani* Præfecti Ægypti & Comitis Orientis soror] diu suspectus Constantio, qui præter fratrem, ejusdem patrum & sex consobrinos sustulerat; tandem ab eodem, precibus *Eusebie* Augustæ permoto, Cæsar appellatur a. d. 8. Idus Nov. ut scribunt *Idatius in Fastis*, & *Socrates* lib. II. c. 27. Malè igitur in *Chronico Alexandrino* legitur a. d. 8. Idus Octobr.

Missus à Constantio in *Gallias*, cum *Germanis*, qui *Galliæ* magnam partem occupaverant, bellum gerit; *Agrippinam* & alias urbes XL. recipit; *Gallias* reficit, & ter *Rhenum* trajicit. Lege ipsum in epistola ad S. P. Q. *Atheniensem* scripta. Cum primis victoria illustrissima fuit, quam reportavit ad *Argentoratum*. *Zosimus* non dubitat æquare illi, quam de *Dario* *Alexander Magnus* obtinuit; aitq; cæsa esse sexaginta millia *Alamannorum* : Sed *Ammianus* clementior, non nisi 6000. stragem edere voluit; totidem tamen & vi fluminis absumpta, adjicit. Imò ante pugnam non nisi 35000. *Germanorum* numerata sunt; ut idem *Ammianus* testatur; vel non nisi 30000, ut *Libanius*, qui tamen Orator est. Contigit hæc *Ala-*

mannorum clades Constantio IX, & Juliano II. Coss. hoc est, A. V. 1109, A. C. 357.

Sequente anno, Datiano & Cæreale Coss. Constantius ob devictos *Sarmatas* Sarmaticus appellatus est. Vide *Ammianum lib. XVII. & ibid. Valesium p. 148.* Imò & de Sarmatis triumphum egit, quem irridet *Julianus in epistolâ ad Athenienses p. 513.*

Non admodum diu post hæc tempora Julianus ab exercitu Imperator appellatus; & bellum civile novum ob id exortum fuisset, nisi Constantius *Mopsucrenis* inter Ciliciam & Cappadociam fato cōcessisset. *Idatius*, cum quo faciunt *Socrates, Cedrenus & Chronicon Alexandrinum*, mortuum scribunt a. d. 3. Non. Nov. Tauro & Florentio Coss. hoc est, A. V. 1113. Quot annos regnârit, exactè discutit *Valesius ad Ammian. lib. XXI. p. 202.*

JULIANUS.

Christianorum *quorundam perversus affectus* in Julianum. *Hujus laudabilia quædam, & contra, temeritas, levitas, diritas in Christianos. Impius conatus in instaurando templo Hierosolymitano. Ingratitudo in Constantium. Vecors ambitio & infelix exitus.*

ITa Julianus rerum solus potitus est. Hunc virum quidam nostro seculo docti viri, non sine vituperatione sanctissimorum Patrum, ac Christiani nominis injuriâ, magnis laudibus extulerunt; sed iis rectè obviam

obviam iit *Petavius in præfatione in Opera Juliani*.
 Quis enim sine stomacho audiat, veteres in Ecclesia
 Dei claros atque illustres Principes, magnos sanè &
 pænè in cœlo positos, quòd illis infensi sunt, trahere
 ad inferos; & rursus alios, qui vix mediocres sint, su-
 spicere, & lapidem è sepulchro venerari pro Deo?
 Julianum esse, quem naturâ omnibus ornatum rebus
 excellere voluerit; Julianum majoris & altioris spiri-
 tus virum, quàm ut cum cæterâ Imperatorum ple-
 be cogi in ordinem posset; Julianum, quem non vi-
 tæ, sed gloriæ spatium metiri deceat; non civibus tan-
 tùm, sed omnium mortalium seculis venerandum.
 Pudeat Christianum hominem tam bruti affectus!
 Multa Gentiles de hoc mentiuntur, ut *Zosimus suprâ*;
 & nos illis tam inconsideratè accedimus? majorem fi-
 dem adhibebo uni *Nazianzeno*, uni *Cyrillo*; quàm
 mille *Zosimis*, *Libaniis*, *Eunapiis* & *Entropiis*.

Hanc illi non detrahemus laudem, fuisse magno
 & capaci disciplinarum omnium ingenio præditum,
 quod elegantissima ejus monumenta hodieq; testan-
 tur. Juris quoque Romani cognitionem in eo non
 vulgarem fuisse, declarant Rescripta in libris Juris. Sed
 nec illud parùm æstimabo, quòd in victu, somno &
 Venere fuerit temperatissimus: Militaris prudentiæ
 laudem ambiguum faciunt non pauca temerè facta.
 Vide *Ammianum lib. XXI. p. 267.* Sed maximè *lib.*
XXIV. p. 281. ubi temerario admodum consilio naves
 exultas refert, omnium ferè malorum, quæ secuta
 sunt, causam.

Et hac in parte sit verè magnus, tamen apostasias

crimen nobis eum exosissimum reddit meritò. Pleni contumeliis, in Salvatorem, in Christianos libri ejus. Ait *Gregorius Nazianzenus*, se, cum *Athenis* adolescentem vidisset, observasse *mirabilem ingenti inconstantiam*, oculis fuisse errantibus & circumductis, pedibus instabilibus, risus immoderati, percontationes & responsiones ineptas nec constantes. Quàm nullam injuriam fecerit, *Ammianus*, licet paganus & multus in *Juliani* laudibus, satis ostendit lib. XXV. p. 294. describens hominem *levis ingenii, lingua fusioris, & admodum raro silentis*. Addit *presagiorum sciscitationi numinum deditum, superstitiosum magis, quàm sacrorum legitimum observatorem; inclementem denique in Christianos, nō transissent ad numinum cultum*. Quàm verè locutus sit hic Scriptor, ipsius *Juliani epistolæ* testantur; in quibus duo Edicta, quorum alterum scholis interdicit, alterum bonis & fortunis. In eo simul *improbissimè cavillatus, se id agere, quò faciliùs in regnum cælorum veniant*. Non tantùm crudelitas est ferire gladio, sed etiam vexare acerbissimis Edictis, & rapinâ facultatum.

Idem *Ammianus* refert & damnat, quòd templum *Hierosolymitanum* immodicis sumptibus instaurare conatus sit; & confirmat illud ipsum, quod nisi Pagani dicerent, fortasse non crederent *Julianolara nostri: Metuendos flammarum globos, propè fundamenta crebris assultibus erumpentes, fecisse locum, exustis aliquoties operantibus, inaccessum*. Vide illum lib. XXIII. in princ. & quos ibi citant *Valesius & Lindenbrogius*. Miraberis eandem cladem confiteri potuisse *Julia-*

Julianum in fragmento epistolæ, & nihilominus voluisse καὶ τῶν ἡλίων λακτίζειν; sive, ut ipse Salvator noster loquitur, Act. IX. 5. 5. πρὸς κέντρα λακτίζειν, id est, adversus clavos calcitrare.

Quid dicam de immani perfidia crimine, quo *Constantium*, auctorem dignitatis suæ, ac patruelem, imperio exutum ivit? quid de *stultitiâ*, quam refert *Socrates*; Pythagoreâ quadam μεμπυσχάσθαι persuasum, *Alexandrum* sese credidisse? Cùm similem victoriam de Persis speraret, bellum suscepit; sed merè & cum totius imperii Romani detrimento, suoq; proprio exitio a. d. 6. Cal. Jul. Se IV. & Sallustio Coss. hoc est, A. V. 1115. in prælio vulneratus ab incerto periit.

Subitam equestrem hastam, cute brachii ejus præstrictâ, & costis perfoctis, hæsisse in imâ jecoris fibrâ, scribit *Ammianus lib. XXV. p. 289. Eutropius* (qui expeditioni interfuit) & *Ruffus* cum *Victore*, ab hostium equite, & quidem fugiente, conto percussum esse memorat. Alii aliter. Vide *Photium in Excerptis Athanasii*, & recentioribus *Baronium in A.C. 363. num. 54. 55.*

JOVIANUS.

Jovianus adversus calumnias veterum & recentiorum defenditur. In Iulianum culpa cladium derivatur. Necessitatis patrocinium. A Casaubono dissensus. Jovianus vir fortis. Ejusdem mors.

Ec iiiij

Cùm

Cum igitur Julianus dignum apostasiâ, magiâ, levitate & ambitione exitum invenisset, FL. JOVIANUS (*Domesticorum Comes*, ut prodit *Zosimus*; Varroniani Comititis filius, ut scribunt *Ammianus* & *Zonaras*) a. d. 5. Cal. Jul. A. V. 1115. Imperator salutatus est.

Cum exercitus Romanus eò Juliani temeritate deductus esset, ut interclusus à *Persis* interneccione deleri posset; optimus & christianissimus iste Princeps coactus est, lugubres pro fœdere ineundo conditiones oblatas ab hoste suscipere. Nam quinque *Transigridas* regiones cum castellis *XV.* & *Nisibi* & *Singarâ* & castris *Maurorum* in *Perfarum* transire jura permisit. *Necessariam pacem* vocat *Entropius*; qui interfuit. Idem scribit *Eusebius* n. 2380. Idem *Greg. Nazianzenus* *Orat. II. in Julian.* Idem *Chrysostomus* *adversus Gentiles.* Pericula totius exercitus agnovit ipse *Zosimus* lib. III. pag. 730: *Imminuisse Persas cum magnâ hominum multitudine, quâ eundum esset: Nullo non in periculo Romanos versatos, nec à malis circumstantibus tantum, sed etiam commeatus inopiâ pressos.*

Quænam igitur ista, malum! libido est, incensendi sanctissimum Principem, ob Juliani temeritatem? En *Leunclavii* judicium in apologia pro *Zosimo*: *Quicquid vel terroris illatum, vel acceptum damni, Joviano successor debetur, nostræ religionis homini; qui perpetuâ cum Romani nominis ignominiâ, prope supplex jam hosti victo factus est; & quos ultrò pacem poscentes finium suorum parte multatos oportuit, cessione complurium provinciarum pacavit. Hæc ille.*
Cui

Cui adde ignominiosissimam narrationem *Joh. Antiocheni in Exc. Peir. p. 845.*

Quamvis omnia danda sint religioni, tamen cederem his judiciis, si ex ipsis Gentilibus de solido fundamento illorum nobis constaret. Nonne enim Julianus temeritate suâ res Romanas afflixit, navibus incensis? lege *Ammianum lib. XXIV. sub finem.* Nonne jam omnia deplorata, cum Jovianus crearetur Princeps? hostes ex omni latere circumfusus ait *Ammianus lib. XXIV. p. 295.*

Quod si etiam *necessaria* pax fuit, ut ait *Eutropius*; quàm pulchrum facinus est, Christianum Principem contumeliis afficere, qui necessitati cedit; & à culpâ liberaret paganum, qui eò necessitatis & Jovianum & omnes copias deduxit? Ἀνάγκη καὶ Θεῶν λέγεται κρείττων ὑπάρχειν. Hoc est: Deos ipsos necessitati cedere ajunt, ut est apud *Nicol. Damascenum in Exc. Peir. p. 434.* Suetonii Paulini magni ducis factum commendat *Tacitus lib. XIV. Ann. c. 33.* quòd oppidi cujusdam damno servare universa voluerit; neque fletu aut lachrymis, adjicit ibidem, *auxilium ejus orantium flexus est; quin daret profectionis signum.*

Hic omnes Tragicorum figuras advocant in describenda deditionis *Nisibis* & exilio civium, ut Joviani fama quàm maximè deprimatur. An tot millia fame & ferro perire sineret? quid ergò commendamus dictum illud Luculli: *Præstare unum civem ex hostium manibus eripere, quàm universas hostium copias delere?* quod postea symboli loco usurpavit *Antoninus Pius.* Quid? si exercitus hic deletus foret,

de possessione provinciarum Transtigridanarum non fuisset actum? sed ignominiosa pax fuit! non dubito; nec effugium illud admittam, quod *Casaubonus* ad *Spartianum* quæsit in exemplo *Hadriani*; qui omnia trans *Euphratem* ac *Tigrim* *Parthis* reliquit: Et *Dio- cletiani*, cum imperii fines à meridie supra *Aegyptum* arctaret. Audiamus enim *Valesium* ad *Ammianum* lib. XXV. p. 309. Illorum & *Joviani* longè dissimilem fuisse causam: Illi enim ultrò, non victi, sed quia provincias sine magno sumptu & incommodo tueri non poterant, citra fœdus ullum dimiserunt: At *Jovianus* ignominiosâ pactione, quasi victus, redemptionis loco provincias pop. *Romani Persis* tradidit. Ignominiosa dico: Sed nonne alia quoque ignominiosa necessitas fecit excusabilia? Vide *Valer.* lib. VII. c. 6. *Gruterum* notis ad *Livii* lib. XXXIX. c. 35.

Sed hîc rursus urgent ignaviam, torporem & imperitiam *Joviani*: Miror, Romanos exercitus, cum in summis angustiis constituti, Imperatorem circumspicerent dignum, qui *Juliano* succederet, qui rebus deploratis virtute consulere; in sententias illorum concedere potuisse, qui *Jovianum* Principem vellent! sed imperitum & ignavum faciunt gentiles, & gentili-um compiler *Joh. Antiochenus*. Æquum est, ut gentiles audiamus contra Christianum: Hostis contra hostem idoneus testis est, scilicet. Nos iterum *Gregorio Nazianzeno* credimus, cujus in suprâ citato loco verba sunt: In *Joviano* magnitudo animi & alacritas desiderari non potuit; sed milites manibus & animis & se fracti, debilitatiq; fame, nec manus conferere poterant,

rant, nec progredi. Quod si Persæ conditionibus spretis vim adhibere voluissent, nec signifer quidem [ut dici solet] exercitui superfuisset. Hæc sanctissimus ille Pater: Satis de pace, cui Jovianus non diu superfuit.

Mortuus est enim *Dadastanæ* a. d. 3. Cal. Mart. teste *Entropio*; seu 17. mensis Febr. ut *Socrates* dicit A. V. III 6. Vide *Vales. ad Amm. lib. XXVI. p. 312. 313.*

VALENTINIANUS, VALENS, ET GRATIANUS.

Trium horum initium & finis, cum brevi commemoratione virtutum & vitiorum. Prodigiosa quædam sub Valentiniano.

FL. VALENTINIANUS, originis *Pannonicæ* fuit, Gratiani majoris, cognomento à pueritia prima *Funarii*, hominis ignobilis filius; ut est apud *Ammianum lib. XXX. p. 428.* Quamvis ipse crepet familiam suam apud eundem *lib. XXVII. p. 343.* Gratianum filium dicens *familiæ suæ laudibus majorumq; factis præstantibus concinentem.*

Sed fortassis hic indicat nobilitatem Gratiani maternam? duas uxores Valentinianus senior habuit, è quibus *Flavia Justina* [ita describitur in numis] soror *Neracii Cærealis*, & *Præfecti urbis* indubiè nobilissima est. Sed ex hac Gratianus non fuit natus. Habuit enim matrem *Valeriam Severam*, priorem Valentiniani conjugem: Hanc & ipsam splendidis majoribus oriundam crediderim.

Porro communibus militum suffragiis apud
Niceam

Nicaam Imperator creatus est eo anno, quo Jovianus decessit a. d. 5. Cal. Mart. qui fratrem suum FL. VALENTEM altero mense post, hoc est, a. d. 5. Cal. April. imperii participem fecit. Triennio post, Lupicino & Jovino Coss. hoc est, A. V. 1119. FL. GRATIANUS haud dum novennis [natus est enim a. d. 4. Cal. Maj. A. V. 1111. Eusebio & Hypatio Coss.] a. d. 9. Cal. Sept. à patre Valentiniano *Augustus* appellatus est. Vide *Idatium*. Trium horum Imperatorum meminit *Inscr. V. p. 160.*

Ex his FL. VALENTINIANUS senior, anno ætatis 55. vel 54. [variant enim Scriptores] vomitu sanguinis mortuus est a. d. 15. Cal. Dec. post Consulatum Gratiani III, & Equitii, hoc est, A. V. 1127. *Vales. ad Amm. lib. XXX. p. 408. 409.* Fuit orthodoxus, vim tamen nulli faciebat, qui dissentiret in religione: Rem militarem callebat exactissimè, crudelis tamen aliquando & inexecrabilis. *Joh. Antioch. in Exc. Peir. p. 847.* Figmentum de *Valentiniani digamia* è Baronio Besoldus rejicit; confutantur etiam leges apud dictum *Valesium ad Amm. lib. XXX. p. 413.*

Sub ea multa horrenda contigerunt. Nam quasi Deus rursus diluvio perditurus esset genus humanum, *maria egressa* terminos suos, infinitam hominum multitudinem, & totas nationes oppresserunt a. d. 12. Cal. Aug. Valentiniano & Valente Coss. hoc est, A. V. 1117. *Idatius*, & è recentioribus *Scaliger ad Euseb. n. 2382.* Biennio post A. V. 1119. a. d. 4. Non. Jul. miræ magnitudinis *grando* decidens, *Constantinopoli* multos homines occidit. *Euseb. n. 2383.* Grandinem in
modum

modum petrarum dicit Idatius. Præter hos & Socra-
tem, addo Chronicon Alexandrinum. Anno sequen-
te, qui fuit ab V. C. 1120. terra motu Nicæa collapsa
est, a. d. 5. Id. Octobr. Idem. Secuta A. V. 1122. ma-
gnafames Phrygiam afflixit. Idatius.

FL. VALENS infelicitè, & cum multarum le-
gionum detrimento a. d. 5. Id. Aug. Se VII. Valenti-
niano juniore II. Coss. A. V. 1130. contra Gothos pu-
gnans occubuit; fugere nolens, cum posset, ut scribit
Libanius: At cæteri ferè omnes, ad vile tugurium de-
latum, & ibi à barbaris ignorantibus crematum esse,
consentiunt. *Arrianâ* infectus luce, gravissimam con-
tra orthodoxos persecutionem excitaverat. Multi
exilio, alii morte puniti, *Joh. Antiochenus dicto loco.*

FL. GRATIANUS, insidiis Maximi, apud
Lugdunum Galliarum, a. d. 8. Cal. Septembr. A. V.
1136, occisus est. *Ambrosius in Oratione de obitu Valen-*
tiniani laudat fidelem in domino, pium atque mansue-
tum, purum corde, castum corpore; qui præter con-
jugium nescierit fœminæ alterius consuetudinem.
Adde Ammian. lib. XXXI. p. 455. Sed has virtutes de-
colorabat tenuis ac propè nulla reipublicæ cura, cum
diu noctuq; nihil ageret aliud, quàm ut *spiculis medita-*
retur; summaq; voluptatis, divinaq; artis crederet, fe-
rre destinata; ut est apud Victorem.

TYRANNI.

I. **P**ROCOPIUS è summi generis prosapiâ, *Am-*
mianus lib. XXVI. p. 324. insigni genere in Ci-
liciâ natus & educatus, *ibid. p. 318.* Juliani co-
gnatus

gnatus, *ibid.* ἀνεψιός, ut ait *Cedrenus*; consobrinus, ut suspicatur *Valesius*, Juliano mortuo, Jovianum accedens, purpurâ, quam à Juliano moribundo acceperat, traditâ rogavit, ut militiæ sacramento solutus, domum reverti sineretur. Quo impetrato *Cæsaream Cappadociae* cum uxore & liberis se contulit, ubi multâ prædia possidebat. Pòst cùm *Valentinianus & Valens* (qui hominem suspectum habebant) eum comprehendi jussissent, ille milites missos frustratus in *Euxinum Pontum* aufugit; & ibi conscensâ nave ad *Turricam Chersonesum* delatus est. Sed cùm incolas suspectos haberet, inde *Byzantium* noctu profectus, divertit apud quendam notû sibi vetustâ consuetudine; tandemq; re cum *Eugenio Eunuchò* communicatâ, imperium arripuit, ut refert *Zosimus lib. IV. p. 736. 737.* Tempus notavit *Idatius*: *Valentiniano & Valente Augustis Coss.* (hoc est, A. V. 1117.) *latro nocturnus* hostisq; publicus intra urbem Constantinopolim apparuit, a. d. 4. Cal. Octobr. In numis: D. N. PROCOPIUS. P. F. AUG. Sequenti anno *Valens* in *Nacoliensibus* campis in *Phrygiâ* salutari aciè collatâ, cùm *Agilo* signa ad eum transtulisset, *Procopii* factionem oppressit: Nam *Procopius* à suis comprehensus, & *Valenti* oblatus, mox supplicio adfectus est, ut legimus apud eundem *Zosimum*. Factum id a. d. 6. Cal. Jun. Gratiano NP (hoc est, Nobilissimo Puero) & Dagalaifo Coss. hoc est, A. V. 1118. docet *Idatius*. Ergo intra octavum mensem tyrannidis periit; & falsus est *Baronius* in A. C. 364. n. 16. qui Imperatorem appellatum ait A. V. 1116. autumnali tempore; atque adeo

adeò totum annum cum dimidio illi tribuit. Idem error *Octavii Strada*, qui 5. menses supra annum regnasse ait. Excessit autem Procopius, cum vixisset annos XL. menses X. ut scribit *Ammianus lib. XXVI. pag. 329.*

II. MARCELLUS PROTECTOR, interfecto Procopio, ejusdem cognatus, *Chalcedone* purpuram sumit; sed ab *Equitio* captus misereq; excruciatu interiit. *Ammianus lib. XXVI. p. 329. 330.* Meminit ejusdem *Zosim. lib. IV. p. 738.* Sed ab Ammiano diversus est in eo, quòd *Serenianum* occisum ait à *Marcello*, adhuc vivente Procopio.

III. VALENTINIANUS ob delicta relegatus in *Britanniam*, ibidem tyrannidem affectat; sed in ipso conatu oppressus est A. V. 1123. Gratiano III. Sexto Petronio Probo Coss. *Zosim. lib. IV. Hist. p. 742. Euseb. n. 2387. Ammian. lib. XXIIIX. p. 368. 369,* è cujus libris corruptioribus quidam Valentinum nominant. Huc quoque refert *Octavius Strada in Caesaribus p. 199.*

IV. FIRMUM, *Nubelis*, Maurorum Reguli, filium. Et fortassis huc traxit numum: D. N. FIRMUS. P. F. AUG. de quo *supra* in rebus *Aureliani*. Valdè huc faciunt, quæ scribit *Zosimus lib. IV. p. 744.* Firmo purpuram datam, & dictum βασιλεα, Imperatorem (ut vertit *Leunclavius*; & sanè vix aliter illo ævo Græci: Ipsi *Zosimo* Imperatores ferè ubiq; sunt βασιλεῖς) idq; *Valentinianum* graviter commovisse. Sit ergò capiendus numus de isto; nec nos turbet ultra *Valesius.*

VALENTINIANUS JUNIOR.

Valentiniani duo. Valentiniani filii, sed ex diversis conjugibus. Valeriæ Severæ nobilitas. Crassus error Onuphrii circa lapidem. Valentiniani junioris interitus.

MOrtuo Valentiniano seniore, *Merobaudes & Equitius*, duces exercitus a. d. 10. Cal. Decemb. A. V. 1127. A. C. 375. FL. VALENTINIANUM JUNIOREM, ejus filium ex *Flavia Justina* natum, Imperatorem salutârunt; idq; Gratianus & Valens postea comprobârunt. *Idatius. Euseb. n. 2391. Zosim. lib. IV. p. 746. Ammianus lib. XXXI. p. 433. Socr. lib. IV. c. 31.* Quadrimum tum fuisse, non tantum *Ammianus* dicit; sed & *Victor & Zonaras. Zosimus* vix quintum annum egisse. Natus est igitur post initium anni 1123. quo Consulatum gesserunt Gratianus II. & Probus.

Ita diversus est à Valentiniano, ejusdem Valentiniani senioris filio; qui natus est a. d. 5. Calend. Febr. Gratiano NP (hoc est, Nobilissimo Puero) & Dagalaifo Coss. A. V. 1118. A. C. 366. ut scribunt *Idatius in Fastis & auctor Alexandrini Chronici, & Themistius Orat. VI. ubi natalem ipsius vice oraculi prædixisse ait Procopii exitum*: Nam Procopius eo ipso anno a. d. 6. Cal. Jun. ut suprâ dixi, necatus est.

Tres igitur Valentiniani filios habemus, Gratianum, & duos Valentinianos. Sed alterum ex his natum majorem è priore matrimonio, hoc est, è *Valeria Severa* ad imperium non pervenisse constat, præmaturâ morte

morte indubiè interceptum. *Consultamen factus* est nondum *trimulus* A. V. 1121. collegâ Victore; quod nemo negabit, qui *Themistii Orat. VI.* legit ad hunc ipsum *Consulem factum* scriptam. Ait ibi *invictissimorum parentum prolem, fratrem Gratiani, collegam viri, cui nomen à victoriâ; natum paulò antè, quam Procopius vinceretur.* Sub finem appellat *adolefcentem ex Constantini prosapia oriundum*, scilicet per matrem.

Hinc Valeriæ Severæ nobilitas patet. An ex nomine conjicere licet, neptem esse *Fl. Valerii Severi Caesaris*, à Maxentio occisi A. V. 1069. & hujus filium aut filiam conjugem habuisse è Constantini domo? unde ista Valeria Severa progenita è Valentiniano seniore A. V. 1118. Valentinianum istum pepererit Consulem A. V. 1121?

Videtur: Sed hinc supinæ negligentia peragitur reus *Onuphrius*, qui hujus anni Consulem describit Julium Felicem Valentinianum ex *Inscriptione X. p. 1053. Operis Grut.* Qui lapidem inspicere volet, observabit duo: *Primò* Julium Felicem Valentinianum nunquam Consulem fuisse. Recensentur enim dignitates omnes, quas habuit, dum viveret, & Consulatus ordinarius omittitur; quod nunquam esset factum, si Consulatum gessisset. *Secundò* eundem natum esse 82. anno post Consulatum Valentiniani & Victoris. Mortuus est enim, ut ex subscriptione patet, *FL. EUTARICHO. COLLIGA. V. C. CONS. 67. ætatis anno expleto.* Eutharicus, Athalarici pater, Cos. A. V. 1271. cujus non unam mentionem *Cassiodorus* facit. Vide *Nicolaum Alemannum in Arcanam*

Historiam Procopii p. 18. & *Anonymum Valesii*, p. 484. Vides erroris magnitudinem? sed ad rem.

Ab hoc igitur *Valentiniano Consule* A. V. 1121. & nato A. V. 1118. quàm diligenter est distinguendus *Valentinianus*; qui *Valentiniano* seniore defuncto, *quadrimus Imperator* dictus est. Primus, qui hoc fecit, est *Valesius*; quem videbis in notis ad *Ammian.* lib. XXXI. p. 412. 413. Alii omnes, & ex his *Petavius Rat. Temp. part. I. lib. VI. c. 8. p. 364. Remus in Themistium*, *Octavius Strada in Caesaribus* hîc cespitarunt, & ex duobus fecerunt unum.

Hic verò qui ad imperium venit, illud partim cum *Valente* ac *Gratiano*, partim cum *Theodosio* & *Arcadio* tenuit per annos XVI. & menses ferè VI. Nam A. V. 1144. ab *Arcadio II.* & *Ruffino Coss.* apud *Viennam* *Arbogastis* perfidiâ occiditur; quem ad nimiam potentiam evexerat. *Zosim. lib. IV. p. 775. Idatius in Fastis.* Adde *Baronium* in *A. C. 392. n. 6.* qui & mores ejus commendat ex *Ambrosio*, studuisse scilicet omnia corrigere, quæ aliis displicere cognosceret.

THEODOSIUS.

Theodosii (qui Theodosii pater) spectata bello virtus. Memorabiliora *Theodosii*, quibus annis fuerint gesta, & quibus diebus?

FL. THEODOSIUS, cognomento MAGNUS, patrem habuit *Theodosium Hispanum*, Magistrum militum, à *Traiano* oriundum [ut vult *Victor*] cujus egregia facinora sic breviter recenset

cenſet *Pacatus panegyrico XII. cap. 5: Quid, inquam, faciam? quæ Rhenus aut Vahalis vidit, dicere aggrediar? Jam ſe mihi Sarmaticâ cede ſanguineus Iſter objiciet. Attritam pedestribus præliis Bataviam referam? Saxo conſumptus bellis navalibus offeretur. Redactum ad paludes ſuas Scotum loquar? Compulſus in ſolitudines avias omnis Alamanus, & uterq; Maurus occurrent.*

Tantus vir calumniis aulicorum juſſus interfici, apud Carthaginem baptizari petiit; ac poſtquam ſacramentum Chriſti, quod quæſierat, adeptus eſt, percuffori jugulum ultrò præbuit. *Oroſius lib. VII. c. 33. Ambroſius in Serm. de exceſſu Theodoſii, Hieron. in Chronico Eusebii. n. 2392.*

Occiſo patre filius Theodoſius ex duce Mœſiæ ſponte in Hiſpaniam ſeceſſit; ut præter *Ambroſium* docet *Theodoretus in lib. V. c. 5.* Unde poſtea evocatus à Gratiano Magiſter militum, ac mox Auguſtus creatus eſt, a. d. 14. Cal. Febr. Auſonio & Olybrio Coſſ. A. V. 1131. ut eſt apud *Idatium*.

Is ſtatim ſummâ felicitate, multis atque ingentibus præliis Gothos ſuperat, & *Thraciâ* expellit. *Proſper Aquitanicus in Supplemento Hieron. n. 2395.* Triumphans Conſtantinopolin ingreſſus eſt, a. d. 18. Cal. Dec. A. V. 1132. Gratiano V. & ſe primùm Coſſ. *Idatius in Faſtis & in Chronico, Marcellinus Comes in Chron.* Statimq; *Arrianos* eccleſiâ expulit, *ibid.*

Sequente anno 1133. Syagrio & Eucherio Coſſ. a. d. 3. Idus Jan. *Athalaricum*, Gothorum Regem, à ſuis pulſum, honorificè excepit; & eodem, quo venerat, menſe, id eſt, a. d. 8. Cal. Febr. vitâ functum

regio more sepelivit. *Idatius*. Tàm superbum funus fuisse, auctor est *Zosimus*, ut obstupefacti barbari domum redierint; nec Romanos ultra infestârint, bonitatem Principis admirati.

Eodem anno, ut scribit *Marcellinus*, secundum concilium œcumenicum, cujus *Befoldus* meminit, habitum est Constantinopoli, cui patres interfuerunt 150. E nostris vide *Conradum Rittershusium lib. II. Sacr. Lect. c. 11.* è Pontificiis *Baronium in A. C. 381. n. 17. A. V. 1134.* Antonio & Syagrio Coss. a. d. 5. Non. Octob. tota Gothorum gens cum Rege suo Romanis se tradidit. Meminit, præter *Idatium*, *Oros. lib. VIII. c. 34.* Ricomere & Clearcho Coss. A. V. 1136. Persarum legati pacem petentes Constantinopolim venerunt. *Idatius, Marcellinus & Pacatus.*

Baronius in A. C. 381. n. 11. Deditionem Gothorum, & legationem Persarum non bene in unum annum rejicit, anno 1137. Nationes quædam Orientales imperio per legatos subditæ A. V. 1138. *Greothingi* devicti, deq; iis triumphus actus est a. d. 4. Id. Octob. Malè *Golzarius ex Onuphrio* in illo anno: IMP. CÆS. FL. THEODOSIUS. P. F. AUG. ITERUM DE SCYTHIS ET GETIS EX GERMANIA. Nos populi nomen ex *Idatio* novimus. De bellis Theodosii civilibus dicam in Tyrannis. Fato deniq; concessit *Mediolani* a. d. 5. Cal. Febr. Olybriro & Probino Coss. A. V. 1147.

Submissæ indolis specimen, quod *Befoldus* refert, leges apud *Ruffinum lib. I. c. 18. Theodoretum lib. V. c. 18. Sozomenum lib. VII. cap. 24.* Fuit optimus maximus

maximus Princeps unus ferè inter tot Principes repertus, *qui non quasivit purpuram; sed ab ea quæsitus est.* Gratianus, qui consortem imperii fecit, hoc ipso immortalem sibi gloriam peperit: Nam cùm alii successores è domo & è sinu uxoris producerent, S. P. Q. R. non aliter quàm villas suas, quàm colonos, quàm servos relinquerent; Gratianus [qui filiolum habebat, ut scribit *Augustinus lib. V. de C. D. cap. 25.*] hunc sibi proximum, hunc conjunctissimum existimavit; quem pientissimum, fortissimum & clementissimum invenerat. Talem hostis *Gothus* credit, talem *Persa*; quorum ille se suaq; omnia dedit; hic amplissimis muneribus oneratus est.

Zosimus tamen Theodosio mutatos, auctos, venditos magistratus immodicumq; vitæ voluptariæ studium objicit. Et sanè *Gregorius Nazianzenus* in carmine de vitâ suâ, eò inclinât, tempore temporis mala sanare non potuisse; lenitati adscribens tarditatem ac remissionem.

TYRANNI.

THEODORUS antiquitùs claro genere *Galliâ* oriundus, natus tamen in *Siciliâ*, cùm dominationem affectaret, & *insidias Valenti* strueret, in ipso conatu oppressus, capite pœnas dedit. *Ammianus lib. XXIX. p. 384. ibiq; Valesius. Zosimus lib. IV. pag. 743.*

FL. MAGNUS MAXIMUS BRITANNUS, qui se de *Constantini stemmate* oriundum ferebat ex cæcâ dominandi libidine, *Gratianum* optimum

Principem, manu *Andragathii* sustulit a. d. 8. Cal. Sept. *Metobaude* iterum, & *Saturnino* Coss. hoc est, A. V. 1135. *Marcellinus in Chron. Zosimus lib. IV. Hieronymus epist. III. Socrates lib. V. c. 11. Sozomenus lib. III. c. 13.* Adjecit aliorum illustrium cædes *Ambros. ep. 27.* Dein legatos ad *Theodosium* mittit, velitne collegam imperii se adsciscere, an bello decernere? Ille spe tyrannum aluit, ne *Valentinianum juniorem* æquè conficeret; atque ita totum imperium sibi vendicaret. Et sanè parùm abfuit, quin superatis ex improvviso Alpibus, *Valentinianum* cum *Justina* matre oppressisset. Ingressus Italiam instar exundantis torrentis, montium angustiiis coarctati, & in planitiem sese totam effundentis; eam partem, quæ ipsi prima occurrebat, post Alpium descensum, immensâ clade afficit. Denique in ultionem omnium consurgens *Theodosius*, duabus ingentibus victoriis reportatis, *Maximum Aquilejæ* obledit, quem milites vinctum adduxere *Theodosio*; & cum hic veniam daturus videretur, eundem rursus abstrahentes, confestim abscisso capite necaverunt. *Baronius in A.C. 388. n. 62.* Factum id autem A. V. 1140. *Theodosio II. & Cynegio* Coss. a. d. 5. Cal. Aug. Sequenti anno 1141. Id. Jun. *Theodosius* de *Maximo tyranno* triumphavit; quod nos *Idatius* docet. Olim *Goltzium* & *Onuphrium* dies latuit.

FL. VICTOR, Maximi filius, & à patre *Augustus* appellatus, ab *Arbogaste* in *Galliis* interficitur. Sic *Theodosius* *Gratianum* ultus est; fuitq; victoria intra tam breve tempus parta, quâ Occidens recupe-

recuperatus, Orienti securitas restituta est, omnibus celebrata & decantata vocibus.

FL. EUGENIUS cæso *Valentiniano juniore*, infidiis *Arbogastis*, imperium invasit, Arcadio II. & Ruffino Coss. hoc est, A. V. 1144. Sed biennio pòst victus à Theodosio, & interfectus est: *Arbogastes* suâ manu cecidit. *Marcell. & Idatius*. Adde *Baron. in A. C. 394.*

ARCADIUS.

FL. ARCADIUS, Theodosii Aug. F. ex *Placidia* (ut habet *auctor Græcus apud Scal. p. 309.*) Imp. appellatus est à patre a. d. 17. Cal. Febr. Merobaude II. & Saturnino Coss. A. V. 1136. *Idatius in Fastis*. Igitur adhuc vivo Gratiano consors imperii assumptus est: Gratianus enim mortuus a. d. 8. Cal. Septembr. Coss. iisdem, secundùm *Marcellinum Comitem*. Quamobrem pessimè *Goltzius in Fastis* Gratianum mortuum statuit A. V. 1146. Arcadium Augustum appellatum A. V. 1137. Ricomere & Clearcho Coss. Natus tùm erat annos 8. *Baronius in A. C. 383. n. 22.* Mortuo patre, & divisione imperii factâ Orientem obtinuit. Mortuus est A. V. 1160. Anitio Basso, FL. Philippo Coss. ut scribit *Marcellinus in Chron.* Fuit pius & ex multis infidiis singulari providentiâ divinâ deliberatus.

Contra illum res novas molitus est FL. RUFFINUS, Præfectus prætorio & Dux utriusque militiæ; qui totum imperium Romanum miscuit, & ut irruptionem in illud fecerent, barbaros sollicitavit;

initis cum eorum ducibus secretis fœderibus. *Hunnos* vocavit ad *Asiæ* cladem; iisque *urbes*, quas *Halys*, *Cydus*, *Orontes* & *Euphrates* præterfluunt, miserè vexavit; ut *Hieron. in ep. 3. ad Heliod.* conqueritur. Sed & *Gothi* discurrentes ad *Hadriaticum* usque mare venerunt, & *Graciam* insedère; imò *Constantinopolim* ipsam obsidere ausi sunt, læto *Ruffino*, tanquam milites à se conducti essent; quorum auxilio imperium adipisceretur: Sed non diu latent scelera. *Stilico*, cum in hostes imperii jamjam iturus esset, & ab *Arcadio*, *Ruffini* consiliis circumvento, revocaretur; indignatione exardescens totus exercitus in *Ruffini* necem conspirat. *Ruffinus* redeunti exercitus parti obviam progressus, cum ab iis speraret *Imperatoris* & *Augusti* appellationem, mille gladiis invaditur, & secatur in frusta.

Dux exercitus fuit *FL. GAINAS*, qui & ipse post contra *Arcadium* civile bellum movit. Ægrè ferebat, *Fl. Eutropium* spadonem eò potentia profectum, velut sub imperio habere videretur. Igitur egit cum *Trigibildo*, barbarorum duce, ut *Asiam* insectaret; & cum *Arcadii* res deploratissimæ viderentur, palàm hostem se professus, ad ignominiosas pacis conditiones Principem suum redegit. Inter eas hæc fuit, ut *Eutropius* sibi dederetur: Isque paulò post *Chalcedonem* missus & interfectus est. Nomen fastis erasum. Hinc insolentior factus *Gainas*, *Arcadium* contumeliosissimè habuit; non solum arma non deponens, sed & adhuc plures nobilissimos Viros ad cædem deposcens. Tandem verò inter *Chersonesum* & *Hellæspontum*, cum ingentem multitudinem barbarorum in auxiliis

auxiliis haberet, victus, & fugâ peremptus est, mense Febr. Stilicone & Aureliano Coss. A. V. 1150. ut scribit *Marcellinus Comes*.

HONORIUS.

FL. HONORIUS, Theodosii Aug. F. ex *Placidia*, ut scribit idem *Græcus*, quem suprâ citavimus. Natus a. d. 5. Idus Septembr. A. V. 1136. Richomere & Clearcho Coss. ut est apud *Idatium*, nondum *bimulus Consul* creatus cum Evodio, functo parente Occidentem accipit. Imperavit diu quidem, sed ancipiti fortunâ. *Radagaisus*, qui cum ducentis *Gothorum* millibus in *Italiam* irruperat, ope aliorum *Gothorum* & *Hunnorum* vincitur, capitur, occiditur. Rem fusè narrat *Oros. lib. VII. c. 37.* Factum id *Arcadio VI. & Probo Coss. A. V. 1158.*

Sed biennio pòst FL. STILICO Comes imperium affectans barbaras nationes donis pecuniisq; allectas, *Honorio* immisit. *Alaricus* tùm *Gothorum* Rex erat, qui sæpe victus, sæpe conclusus, semperque dimissus est; dum à *Stilicone* clàm fovetur. Illo tempore ab imperio Romano vultum prorsus avertit illa FELICITAS, tantopere in numis & omnibus aliis monumentis jactata; & calamitatum omnium compendium CAPTA ROMA fuit. Non est instituti nostri singula persequi, fecit id *Baronius in A. C. 410.* cui velim addas *Barthium lib. LX. Advers. p. 2832. 2841.* E veteribus de captâ urbe scripsit *Olympiodorus*, quod ex *Photii Bibliotheca, Cod. LXXX.* novimus. Sic rerum dominos debellari posse Gothi ostende-

runt: non tamen everſa penitus, ſed ſpoliis hoſtes contenti reliquerunt, ut aliquando rurfus invaderent. Incidit hæc clades humano generi inſolens in 9. Cal. Septembr. cùm Urbs annum ageret 1162. Eodem tempore *Vandalis Hiſpania* diripienda data eſt, & per hos aliis barbaris patefacta clauſtra Pyrenæi. *Primum in Hiſpaniâ Regem* ſe dixit *Gundericus*, regnavitque in *Gallaeciæ* partibus. Mortuus eſt *Honorius* Cal. Sept. A. V. 1175. *Mariniano* & *Aſclepiodoto* Coſſ. Fuit Princeps religioſiſſimus, & quem multis laudibus *Aſconius* extollit. *Baron. in A.C. 423.* quem vide. Sed, ut dixi, ſub eo ad incitas omnia redacta ſunt.

TYRANNI.

FL. STILICHO à *Vandalis* oriundus. *Oroſ. lib. II. c. 38.* utriusque militiæ Magiſter, à *Theodoſio Magno*, *Honorio* filio curator datus eſt; utque arctiore vinculo obſtringeretur, eidem *Serena*, *Theodoſii* neptis, ex *Honorio* fratre, juncta eſt. *Zoſim. lib. IV. p. 779.* Et ſanè illuſtriſſimam de *Radagaiſo* victoriam reportârat (*Paulinus in vita Ambroſ. ſub finem*) ſed ceſſerunt ultimis prima, & omnem egregiè factorum laudem perfidiæ crimen tandem oblitteravit. Quod aliquandiu diſſimulatum, *Baſſo* & *Philippo* Coſſ. hoc eſt, A. V. 1160. patefecit.

Cogitans enim FL. EUCHERIUM filium ſuum ad imperium provehere, aliquandiu fovebat *Gothos* & *Alaricum*; dein, quod hic totus deſiderio ejus accedere nollet, *Suevos*, *Vandalos*, *Alamannos*, *Burgundiones*, ſolicitavit ingenti ſpe prædæ: Sic enim ſperavit

ſperavit *Honorium* ad quævis compelli poſſe. Sed de-
prehenſis dolis, ſucceſſor illi miſſus eſt; ipſe autem
Ravennæ capite truncari juffus a. d. 10. Cal. Sept. dictis
Coſſ. ut *Zoſimus* refert. Mox & *Eucherius* cum *Se-
rena* matre interfectus. *Olympiodorus apud Photium*
Cod. LXXX. Dignitatem & auctoritatem hujus viri
cognoſcere licet ex *Inſcr. IV. p. 412*:

Flavio Stilichoni Illuſtriſſimo

VIRO. BIS COS. ORDINARIO
MAGISTRO. UTRIUSQUE MILITIÆ.
COMITI. DOMESTICORUM.
ET STABULI SACRI. ATQUE
AB INEUNTE ÆTATE PER
GRADUS. CLARISSIMÆ
MILITIÆ. AD CULMEN REGIÆ
ADFINITATIS EVECTO SOCIO.
BELLORUM. OMNIUM.
ET VICTORIARUM. ADFINI
ETIAM DIVI THEODOSI AUG.
ITEMQUE SOCERO
DOMINI NOSTRI HONORI AUGUSTI
POPULUS ROMANUS
PRO SINGULARI EJUS.
CIRCA. SE. AMORE.
ATQUE PROVIDENTIA
STATUAM EX ÆRE ARGENTOQUE
IN ROSTRIS. AD. MEMORIAM
GLORIÆ. SEMPITERNÆ
CONLOCANDAM DECREVIT
EXE.

EXEQUENTE FL. PISIDIO ROMULO
V. C. PRÆF. URBIS.

Primam lineam reposui ex *Inscript. II. p. ejusd.* Quòd verò *socer Honorii* dicitur, id ipsum tùm ex aliis, tùm ex *Marcellini Chronico* manifestum est. Nam *duæ Stilichonis filiae: MARIA & THERMAN-TIA*, *singulae uxores Honorii* fuere. Sed nullum vinculum tam firmum est, quod non dissolvat perversa dominandi cupiditas.

MARCUS quidam, cùm barbaræ gentes undique provincias diriperent, ab exercitu *Britannico Imperator* creatus est; & ab eodem sublatus. *Olymp. apud Photium, & Zosim. lib. VI. p. 824.* qui hoc factum scribunt *Honorio VII. & Theodosio II. Coss.* hoc est, A. V. 1159.

GRATIANUS post Marcum Imperator salu-
tatus est, & statim peremptus ab eodem exercitu *Britannico. Olymp. d. I. & Zosimus.* Adde *Sozomenum lib. IX. c. 11. Orosium lib. VII. c. 40.* Numum hujus Gratiani exhibet *Octavius Strada p. 214.*

FL. CONSTANTINUS apud *Gallias* inva-
sit imperium, *Honorio Augusto IX. Theodosio ju-
niore Aug. V. Coss. A. V. 1164.* secundùm *Marcel-
linum.* Sed *Olympiodorus & Zosimus* Augustum salu-
tatum inquiunt in *Britannia.* Factum id in civitate
Caersegont, ex *Nonnio & Gervasio Dorobornensi* scribit
Camdenus. Accedit *Prosper Aquitanicus*; qui initium
ejus collocat in A. V. 1159. quæ ita cū *Marcellino* con-
cilio, ut hic quidem de tempore loquatur, quo in *Gal-
lia imperium* constituit; illi de anno, quo primum Imp.
Aug.

Aug. appellatus est. E Britannia solvens, Bononiam Galliae appulit, omnesque Romanorum exercitus ad Alpes usque in belli societatem pellexit. Valentiam Galliae contra Honorii Aug. copias strenuè defendit: Rhenum jam pridem neglectum praesidio munivit: Ad Alpes Cottias, Poeninas & maritimas, quâ viâ patuit, munimenta construxit. Hinc in Hispaniâ, ductu Constantis filii res feliciter gessit; literisq; postea ad Honorium datis sese excusavit, quòd imperium suscepisset: Coactum enim fuisse à militibus: Simul imperii societatem poposcit. Imperator ob impendentes varias imperii calamitates annuit, eiq; purpuram misit. Unde insolentior factus, Alpibus superatis Romam petiit; sed acceptâ Alarici morte, quem sibi adjunxerat, Arelaten recessit; ubi sedem imperii fixit, voluitque Constantinam urbem vocari; præterea, ut in ea VII. provinciarum conventus agerentur, hoc est, Viennensis; utriusque Narbonensis, utriusque Aquitaniae, Novempopulaniae, Alpium maritimarum. Unde imperium illud Septimania vocabatur. Hanc Constantini de Arelate constitutionem à Francisco Roaldo secum communicatam, primus publicavit Jos. Scaliger lib. I. Anson. Lect. c. 24.

Inter hæc GERONTIUS *Britannus* milites in Constantinum concitavit; cùmq; Constantem filium Viennæ trucidâisset, patrem Arelati obsedit; ad quem oppugnandum cùm Constantius, Valentiniani III. pater, ab Honorio missus, infestis signis appropinquaret, Gerontius sibi vim attulit. Ita Constantinus à Constantio gravissimâ obsidione pressus, & infelici suorum

suorum pugnâ animum despondens, *positâ purpurâ*, inconvenienti fortunæ suæ tegumento, ædem sacram ingressus, *presbyteri suscepit dignitatem*; statimq; *Arelate* deditâ, in *Italiam* ductus capite plectitur, cum *Juliano* filio; quem Nobilissimum dixerat. Videndi, quos in *Marci & Gratiani* mentione laudavi; & qui hos inter se contulit, *Camdenus in Britannia*, ubi agit de urbe *Venta*.

FL. CONSTANS, Constantini filius, è monasterio revocatus, & Cæsar appellatus est. Occiditur à *Gerontio*, ut dixi. Capite plexum ait *Marcellinus*. Hujus & patris numus exhibitus est apud *Stradam* p. 214. 215.

MAXIMUS, à *Gerontio* adversus Constantinum Imperator Augustus appellatus, & purpurâ indutus est *Tarracone*. Sed post utriusque cædem & ipse interemptus est, ut est apud *Sozomenum lib. IX. c. 13*. Sed *Oros. lib. VII. c. 42*. suo ævō inter barbaros in Hispania exulâsse dicit. *Prosper Aquitanicus* sub *Coss. Honorio IX. & Theodosio IV.* hoc est, in commemoratione rerum anni 1163. Maximo in *Hispaniâ* degenti vitam concessam auctor est; eò, quòd modestia humilitasq; hominis, affectati imperii invidiam facile aboleverit.

JOVINUS ac SEBASTIANUS in iisdem *Galliis* res novas molientes interfecti sunt, Theodosio Imperatore solo *Cos. A. V. 1164.* ut scribit *Marcellinus*. Meminit Jovini *Sozomenus lib. IX. cap. 13*. Studio *Goaris, Alani, & Guntiarri* (qui *Burgundorum* erat *Phylarchus*) tyrannidem adeptum *Olympiodorus*

dorus asserit. *Sebastianum Jovini fratrem faciunt Oros. lib. VII. cap. 42. Idatius in Chronico & Prosper Aquitanicus, & Olympiodorus. Ut hallucinatus videatur Camdenus, qui Constantini fratrem fecit.*

SARUS, *Gothus*, *Ravennæ præfectus à Stilicone (Zosimus lib. V. p. 806.) robore corporis & dignitate præstans (ibid. p. 810.) idoneus ad incutiendum hosti terrorem, ob fortitudinem & bellicæ rei peritiam (ibid. p. 812.) missus contra Constantinum tyrannum, vivo adhuc Stilicone, Justinianum ducem illius cum majore exercitus parte interfecit; & ingenti prædâ potitus Valentiam obsedit, in quâ ipse Constantinus erat. Sed mox soluta obsidio per Edobinchum Francum, & Gerontium Britannum; & cum in Sarum irruptionem fecissent Constantini duces, vix salvus evasit in Italiam. Zosimus lib. VI. p. 825. Tandem & ipse mutavit fidem affectatâ tyrannide, & interemptus est; ut notat Sozomen. lib. IX. c. 13.*

FL. PRISCUS ATTALUS (ita dicitur in numis) *Augusti nomen usurpare cœpit illo ipso anno, quo Roma primùm capta est; hoc est, A. V. 1162. Alaricus Gothorum Rex (ô Romani nominis pudorem!) hunc imperare jusserat. Zosimus. lib. VI. p. 827. Sozomen. lib. IX. c. 8. Eò verò insolentiæ progressus est, ut Honorium dedignaretur, imperii consortem; juberetque vel insulam vel locum eligere, quem vellet; in quo privatus vitam suam transigeret, imperatorio cultu deposito. Idem & Olympiodorus apud Photium. Hunc ut Heracianus, qui Honorium sectabatur, premeret (heu bellorum civilium nefas!) nihil*

uihil frumenti in portum Romanum inuehi passus est; unde tanta rerum omnium inopia fuit, ut ille iam verissimus metus esset, fore, ut homines passim in sese mutuo impetum facerent; adeò ut Circensibus ludis populus exclamârit: Pone pretium carni humanæ! *Zosimus d. l.* Hinc *Alaricus* ob contrarium rerum omnium eventum in *Attalum* commotus; eum rursus exauctoravit. Sic velut inane imperii simulacrum *Attalus* in *Hispaniam* cum *Gothis* abductus est; unde profecturus, & nescio quid moliens, captus est in mari, & ad *Constantium Comitem* deductus, truncatâ manu vitæ relictus est. *Olympiodorus* & *Orosius d. l.* *Marcellinus* id factum refert Theodosio Imp. V. Coss. A. V. 1164. Sed *Prosper*, Honorio X. Theodosio Juniore VI. Coss. hoc est, A. V. 1167.

HERACLIANUS Attalo non melior, quem oppugnauerat: Violatâ namq; fide, dominationem affectans, cum ter mille ducentis navibus *Romam* versus ex *Africâ* navigavit; sed repulsus à *Marino Comite*, cæsis quinquaginta millibus armatorum, refugit in *Africam*; & paulò post *Carthagine*, in æde *Memoriae*, per Honorium immissis percussoribus occiditur; ut scribunt *Orosius* & *Idatius in Chron.* Sed *Marcellinus Comes* non nisi septingentas naves & tria militum millia recenset. Cæterum factum hoc Luciano Cos. A. V. 1164. secundum modò laudatos & *Prosperum Aquitanicum.* *Baronius in A. C. 413.* Heraclianum occisum ait Constantio & Constante Coss. hoc est, A. V. 1166. ex *Marcellino*: Sed nescio, quâ editione usus sit. Nam repugnat illi tùm *Onuphriana*, tùm

tum emendatissima *Sirmondi*. Hunc sævissimum omnium tyrannorum fuisse scribit *Hieron. ep. 8.*

SABINUS, vir nobilis, gener *Heraciani*, cum eodem imperium invasit. Post soceri cædem captus, & Romam ad supplicium missus est. Exilio damnatum scribit *Oros. lib. VII. c. 42.*

Ac quoniam *Heraciani* historia nos in *Africam* traxit, in eadem reperio GILDONEM; qui cum *Africa Comes* esset, ab Honorio descivit, teste *Claudiano, de bello Gildonico*; apud quem Theodosius senior sic ait:

- - ausus Lario contendere Gildo?

Germani nec fata timet? - - -

Id est, *Firmi*, de quo jam suprâ diximus. Fuit enim huic quoque pater *Nubel*, Maurorum Regulus. Occidit fratris *Mascizelis* filios duos, quos vindicaturus pater cum 5000. armatorum, Gildonem (cujus exercitus 70000. constabat) in fugam vertit; isque mox manus sibi violentas intulit. *Marcellinus* id factum ait Honorio IV. Eutychiano Coss. hoc est, A. V. 1150. Adde *Baronium in A. C. 398. n. 53.* Interfecto Gildone, *Mascizelem* quoque contra Honorium imperium arripuisse vult *Strada in Cesaribus pag. 211.* quod neque apud *Zosimum*, neque *Orosium* (quorum uterque *Mascizelis* exitum describit) reperire est: Imò *Zosimus* per summum nefas à Stilicone interfectum asserit.

PLINTA, Comes, idemque rebellio, apud *Palaestinam* provinciam deletus est. Italoquitur *Marcellinus in Chron.* Rebellio pro rebellis sæpe dici-

tur inferioris ævi Scriptoribus; vide *Salmas. ad Trebellium* p. 295. Factum autem hoc, inquit, Honorio XII. & Theodosio VIII. Coss. hoc est, A. V. 1170. Ergo diversus est à *Fl. Plinta*, qui A. V. 1171. Consul reperitur, collegâ *Fl. Monaxio*, apud *Idatium* & ipsum *Marcell. & Prosperum Aquitanicum*; qui tamen collegam Maximum appellat, corruptè. *Inscriptio VII. p. 1050*: PRIDIE. KAL. DECEMB. MONAXIO. ET. PLENTHÆ. VV. CC. CONSS.

JOVINIANUS. Numus apud *Oeconem* p. 574. D. N. JOVINIANUS. P. F. AUG. Quamvis hinc non satis constet, cujus ætatis tyrannus fuerit. Reperio apud *Marcell. Com.* in anno 1174. sub Coss. Honorio XIII. & Theodosio X. Maximum tyrannum & Jovinum, ferro victos, abductos de Hispaniis, atq; interfectos esse. Non est hic Jovinus, *Sebastiani frater*, de quo suprâ: Nam illum idem *Marcellinus* occisum tradit in *Gallia*, Theodosio V. solo Cos. & confirmat *Idatius in Fastis*. Suspicio igitur hunc ipsum *Jovinianum* esse, atque ita describendum fuisse *Marcellino*. Is ipse, nî fallor, de quo *Olympiodorus*: Ab Honorio missum ad *Attalum* de consortio imperii, tandemque apud Attalum mansisse; illius *Patricium* appellatum, cum Honorii Præfectus atque Patricius fuisset antè. Sed in *Olympiodori* codicibus mira inconstantia; nam modò Jovium, modò Jovinianum appellant. *Zosimus lib. VI. pag. 828. & seqq.* Jovium appellans, *Præfectum prætorio* fuisse scribit sub Attalo; nec Honorii ad Attalum, sed *Attali* ad Hono-

Honorium legatum, ab Honorianis sollicitatum *Alaricum* Regem mox ab eodem Attalo prorsus alienâsse. Hæc *Zosimus*. Videtur autem illo tempore, quo Attalus in Hispaniam abductus est, simul eò profectus, quòd Honorio diffideret. Ibiq; res novas molitus est cum *Maximo*, de quo dixi ex *Orosio* & *Prospero Aquit.* vixisse in *Hispaniâ*; quamvis veniam ab Honorio impetrâisset.

Octavius de Strada duos Maximos, horum temporum tyrannos agnoscit, alterum, qui contra *Constantinum* tyrannum à Gerontio subornatus est; & alium, qui captus in Hispaniâ & Romam perductus, ibique interfectus est Honorii jussu; mihi unus idemque. Et cui post cæsum Gerontium vivere permissum est, nimis durum postea visum est; in conditione humili acquiescere.

SALUSTIUS, quem reperio apud *Idatium in Fastis*; qui cæsum ait A.V.1164.

THEODOSIUS JUNIOR.

Stradæ error, *Arcadii factum imprudens*, *felix tamen in dando tutore*. *Besoldi narratio confusa*. *Theodosii junioris mores*.

FL. THEODOSIUS, Fl. Arcadii filius ex *Licinia Eudoxia* (ut appellat numus apud *Orconem* p. 571. & *Baron. in A.C. 395. num. 4.* Promoti neptem facit *Zosimus*. *Strada* *Æliam Eudoxiam* esse dicit, cujus numum ibidem exhibet p. 204. Sed hanc malim credere conjugem *Theodosii*

junioris: *Nicephorus* enim in *Chronologiâ* 'Ευδοξία
'Αρχαδία, 'Ευδοκίαν Θεοδοσίῃ τῇ μικρῇ, nec aliter
alii vocant) Theodosii majoris nepos, natus est a. d. 5.
Id. Apr. Rhaonio Vincentio Celso, Fl. Fravitta Conf.
A. V. 1153. ut è *Socrate*, *Sozomeno* & *Marcellino* docet
Baronius in *A. C.* 401. n. 16. Statim purpurâ fuisse te-
ctum, scribit *Marcus Gazensis Diaconus* apud eund.
n. 24. Sed anno demum sequente solenniter Impera-
torem appellatum a. d. 17. Cal. Febr. docet *Onuphrius*.

Huic *Arcadius* pater *Isdigerdam*, Persarum Re-
gem tutorem credit, quod factum laudavit *Procopius*;
sed vituperavit *Agathias* lib. IV. de *Rebus Justiniani*
pag. 132: Quo pacto enim prudenter rectèque factum
dici possit, inquiens, homini extero & barbaro & re-
giæ gentis infestissimo; neque satis noto, fidemne an ju-
stitiam coleret; quiq; præterea erroneæ esset de Deo, di-
versaq; opinionis; quæ habebat carissima, traderet. Si
verò nihil omninò in infantem sibi creditum deliquit,
sed hujus imperium factum tectum à curatore illi con-
servatum est, Regis probitas, non Arcadii factum
probandum est.

Sub eò tertium Concilium Oecumenicum, cujus
Besoldus meminit, habitum est à 200. Patribus contra
Nestorium; qui Christum nudum hominem dicebat,
& non Deum incarnatum; duos filios de uno Chri-
sto Deo prædicans, & duas substantias; & alium qui-
dem natum esse ex patre, sermonem; alium ex Maria
natum hominem, secundum ὁῦν unitum verbo, &
equivocè cum ipso dici filium. Hinc non *Deiparam*,
sed *Christiparam* dicebat S. Virginem, *Rittersh. lib. II.*
Sacr. Lect. c. 11. Huic

Huic Cæsari infidias struxisse *Stiliconem*, mox Besoldus subjicit; quod cum Historicorum narrationibus parum convenit: Omnia enim Stiliconis consilia Honorium præcipue petebant. *Marcellinus in Chronico: Stilico spreto Honorii regno, barbaras gentes contra Honorii imperium excitavit.* Constat etiam ex l. 1. C. Theod. de litorum & itinerum custodia, Stiliconi propositum fuisse, litorum ac portuum custodias invadere, ut penuriâ gravi affligeret Occidentis imperium; quod Honorius regebat.

Mortuus est hic Imperator a. d. 4. Cal. Aug. Valentiniano VII. & Avieno Coss. de quo *Baronius in A. C. 450. n. 15. 16.* Fuit literarum amantissimus Princeps, usus præceptoribus *Paulino & Placido*. Modestus præterea, prudens & discursibus admirandus; ut qui eum audirent, usu & peritiâ rerum omnium instructum esse crederent. Patientiâ & clementiâ cunctos anteibat, & insuper habitis Philosophorum argutiis & disputationibus, factis ipsis Philosophum præsentabat; compressâ iracundiâ, tristitiâ ac libidine. Cædes tam averfabatur, ut interroganti, cur ad delicta tam conniveret, responderet: *Utinam & mortuus liceret ad vitam revocare!* Tamen idem in bellis pecuniâ, non armis, pacem quærens, Eunuchis omnia committebat; qui Principi magno dehonestamento fuerunt. Vide *Joh. Antiochenum in Exc. Peiresc. p. 850.*

CONSTANTIUS.

Locus suspectus Olympiodori. Constantii

Gg iij

Con-

Consulatus. *Ejusdem nuptiæ cum Placidia. Imperium breve. Habitus corporis & mores.*

FL. CONSTANTIUS, *Illyricus* è *Panaso*, urbe *Cadiæ* (ita *Olympiodorum* apud *Photium* *Schottus* vertit. An in *Græco* legendum est: Κοῦσταντῖος Ἰλνύριος ἢ τὸ γένος τῆς Ναΐσος πόλεως τῆς Δακίας. *Constantius Illyrici generis ex Naïso urbe Daciae.* Naïsum *Daciæ* mediterraneam urbem facit *Constantinus Porphyrogennetus*. Ipsam verò *Daciam Illyricam* complecti cœpit, sub *Claudio Imperatore*; ut ad *Notitiam Imperii Orientalis* pag. 41. docet *Pancirollus*. Adde *Sex. Ruffum* in *Epitome*) multis obitibus jam inde à *Theodosii M.* temporibus muneribus militiæ, *Honorio adversus Constantinum*, & tyrannos alios, strenuam operam navavit. *Sozomenus* lib. IX. cap. 13. & *Oros.* lib. VII. cap. 42. Idem postea *Gothos Narbonâ* expulit, & in *Hispaniam* fugavit; intercluso commeatu navium, & peregrinorum usu commerciorum. *Oros.* d. l. c. 43. Magistrum utriusque militiæ in Consulatibus describunt *Fastorum* instauratores ex *Prospero Aquitanico*. Consulatum enim primum gessit A. V. 1166. collegâ *Fl. Constante*; ut scimus è *Marcellino*. *Idatius* & *Prosper Aquitanicus* cum l. 8. C. de in integr. restit. & l. 3. C. qui in legit, pers. standi, collegam ejus omittunt.

Non mentitus est *Marcellinus*, quem confirmat *Olympiodorus*: *Constantius olim designatus, Consul aliquando Ravennæ creatur; cum quo Constantino, politanum Consulatum Constans gerit.* Sed ita tùm
moris

moris fuit, ut, cum alter in Oriente, alter in Occidente crearentur, unum tantum nominarent, cuius notitia succurrebat. *Synesius* epist. 132: *Nudius tertius novus Consulibus, quorum alter est Aristanetus; collegam ejus ignoro.*

Alterum Consulatum gessit cum Honorio XI. A. V. 1169. Quo ipso cum *Galla Placidia*, Honorii & Arcadii sorore nuptias celebravit. Nam cum ipsa recusasset, tamen *Honorius* die, quo Consulatum iniit, sororem arreptam *Constantio* in manum tradit; & connubiale sacrum magno cum splendore celebratum est, ut auctor est *Olympiodorus*; à quo dissentiunt *Cassiodorus*, *Marcellinus*, *Prosper* & *Idatius*; qui nuptias istas rejiciunt in *Theodosii septimum* & *Palladii* Consulatum, hoc est, in A. V. 1160. Ex hoc conjugio *Honorius* & *Valentinianus III.* postea Imperator, nati sunt: *Honorius* meminit *Olympiodorus*; de filio dicam mox.

Tertio Consulatu, quem gessit collegâ *Theodosio jun. Aug. IX. Cos. A. V. 1172.* in consortium imperii assumptus, & anno sequente mortuus est; ut scribit *Prosper*. Sed *Idatius in Chronico*, qui mortuum statuit in tertio Consulatu, *Agricolâ* & *Eustathio* *Coss.* anno etiam antè, hoc est, *Monaxio* & *Plinta* *Coss.* Imperatorem appellatum esse vult. A *Prospero* stat *Cassiodorus*. NOBILISSIMUM CÆSAREM describit numus apud *Octav. Stradam p. 209.* Sed Imperatorem tamen fuisse, *Olympiodorus* & *Rescriptum Constantii* (quod ex vetusto codice descriptum publicavit *Baronius in A.C. 420. n. 2.*) satis demonstrant.

Septimo imperii mense extinctum, scribit *Olympiodorus*; qui adjicit, morbum contraxisse ex dolore animi concepto, quòd Theodosius junior Honorii voluntatem in eo adsciscendo improbâisset; quòdque aliàs pœniteret suscepti imperii; nec jam ultrà eundi redeundique, quò & quando vellet, libertas esset; neque ludicris, quibus se oblectabat, operam dare Imperatori permetteretur.

Fuit subtristi vultu ac tetrico, ingentibus oculis, sublatâq; cervice & plano capite; *inclinans se omninò in equi*, quo vehebatur, *vellum*; & sic obliquè huc illuc torquebat oculos: Jucundus tamen, & festivus in conviviiis; integer, sanctus, moderatus & abstinens; multâque famâ ob pecuniæ contemptum celebratus, *antequam Placidiam duceret*: Sed *uxor totum mutavit*, ut multos bonis suis per injuriam exueret; quod apud eundem *Olympiodorum* legimus.

VALENTINIANUS III.

Valentinianus quo tempore natus? Cæsar & Imperator factus. Attilæ genus, horribiles tituli, facta; & num de eo Romanis judiciis standum sit? Valentiniæ mors.

FL. PLACIDIUS VALENTINIANUS, Constantii & Gallæ Placidie filius, nascitur a. d. 5. Non. Jul. Monaxio & Plinta Coss. hoc est, A. V. 1171. Sic habet *Marcellinus Sirmondi*. At *Onuphrianus* a. d. 6. Non. Jul. quem sequitur *Baron. in A. C. 418. n. 83.* Cæsar appellatus à Theodosio confobрино,

sobrino, Victore & Castino Coss. A. V. 1176. Idem *Marcellinus, Prosper, & Cassiodorus*. Cum matre statim mittitur ad vindicandum Occidentale imperium à *Johanne tyranno*. Idem cum *Socrate lib. VII. c. 23. & Idatio in Chron.* Quo victo, etiam *Augustus* appellatur, se & Theodosio XI. Coss. *idem*.

Sub hoc Principe novam procellam *Septentrio* effudit in provincias Romanas, & omnium provinciarum caput *Italiam*. Irrupit enim *Attila*, genitus avo *Velambro*, qui primus *Scythiam* invalit; & patre *Mundzucco*, quem alii *Mundiuchum*, alii *Mazuchum*, alii *Bendecuzum* scribunt. Legendus *Erycius Puteanus lib. I. Hist. Insubr. p. 45.* Quam majorum serie ad ipsum *Nimrodum*, Noachi pronepotem, genus ejus producant, suprà docui.

Ferali hoc programme seipsum jactasse volunt: *ATTILA MUNDIZICZI F. & M. NIMRODI N. EDUCATUS IN ENGADI, DEI GRATIA REX HUNNORUM, MEDORUM, GOTHORUM ATQUE DACORUM, PAVOR ORBIS ET FLAGELLUM DEI*; ut est apud *Bonfinium lib. III.* Ajunt etiam *Episcopo Tricassinorum S. Lupo* cum obviam iret, ac quæreret: *Tu quis es, qui terram dissipas atque conculcas?* respondisse: *Ego sum Attila, Hunnorum Rex, & flagellum Dei.* Tunc rursus Episcopum, referatis portis: *Ergò bene venerit flagellum Dei!* *Anton. Florent. part. II. tit. 1. §. 4.* Item, cum videret Romanum exercitum fugientem, dixisse fertur:

*Stella cadit , tellus tremit : En ego malleus
orbis !*

Job. de Thuroëz part. I. Chron. c. 16. qui auctor in re-
rum Ungaricarum Scriptoribus reperitur.

Volunt huic Regi animum potissimum fecisse
gladium, qui *Martis* olim creditus, & à *Scytharum*
Regibus æquali cum Deo honore cultus, miro casu in
illius manus devenerit. Pastorem, cùm pro more pe-
cus cogeret, buculam claudicantem ex vulnere sibi
notasse, causæq; indagandæ cupidum omnia vaccæ
vestigia, quæ defluens sanguis insignia fecerat, curio-
sè relegisse; tandemque in hunc ipsum gladium inci-
disse, solâ cuspide extantem. Hinc altiùs molitum,
terram eruisse, & *Attilæ* donum tulisse; qui eâ ipsâ
nocte sibi in somnis armari præcingiq; à Marte visus
sit. Ita veluti certum imperium orbis terrarum sibi
cum gladio offerri, eidem postea humani generis san-
guinem propinasse. Rem *Priscus*, *Attilæ* σύγχεον, &
& qui à Maximino Imperatoris Romani legato co-
mes legationis assumptus est ad *Attilam*, primus histo-
riæ suæ inseruit; & ex eo descripsit *Jornandes*, ex hoc
Brunnerus lib. IV. Annal. Boicorum p. 472.

Arma primùm convertit in *Gepidas*, deinde in
Sarmaticas nationes; postea *Mæsiâ* & *Daciâ* & *Pan-*
noniâ *Visigothos* exuit; & *Istri* fluminis propugnacula,
quæis Romani se ab irruentibus muniebant, nullo la-
bore sustulit; & in *Macedoniam* *Asiamque* penetra-
vit: Quam ubi pacatam reperit, mox in *Pannoniam*
rediit, ibique sedem suam figere decrevit; tam loco-
rum captus amœnitate, quàm opportunitate reti-
nendi

nendi sub ditione suâ nationes, quas devicerat. Sic in ea aliquantum temporis insumsit, & quamvis totius interim Occidentis imperium somniaret, tamen se continuit, donec à *Geizerico*, Vandalorum Rege, in *Africa* sollicitaretur ad bellum *Theodorico*, Visigothorum Regi, inferendum.

Tum ferè totus orbis collisus est: Nam Visigothis se adjugebant *Romani*, & Romanos sequebantur *Franci*, *Saxones*, *Burgundiones*, *Alani*, *Riparioli*, *Lambrones*, *Sarmatæ*, *Armoritiani* & *Liticiani*; ac pænè omnes Occidentis nationes. *Theodoricus* immensam Visigothorum multitudinem trahebat, cum duobus filiis *Thorismundo* & *Theodorico*: *Attala* auxiliares erant *Marcomanni*, *Quadi*, *Suevi*, *Heruli*, *Turcilingi* sive *Tungri*, *Rugii*; ut quingentorum millium expleret exercitum. Primo impetu *Tungri Colonia*q; deleta, Rex *Burgundiorum*, antequam *Theodorico* & *Aëtio* (id duci Romano nomen erat) sese conjungeret; copiis & vitâ spoliatus, *Aurelianum* oppugnata & capta: Quò minùs diriperetur, *Aëtii* adventum prohibuisse volunt.

Tunc *Attila* retrocessit in campos *Catalaunicos*; quos alii propè *Tolosum*, alii propè *Aurelianum*, alii alibi collocant. In his campis celeberrima illa pugna depugnata est, quâ utrinque centum octoginta millia, vel ut alii, centum septuaginta millia; vel ut ii, qui minimum ponunt, centum sexaginta duo millia cæsa sunt; exceptis nonaginta *Francorum* & *Gepidarum* millibus, qui ante hanc pugnam mutuis vulneribus conciderant.

Occu-

Occubuit & *Theodoricus* Rex in victoriâ, cui filius *Thorismundus* postero die tum vulnere, quod acceperat, tum dolore amissi patris exacerbat, ad-movit copias *Attala castris*, è continuâ *plaustrorum serie* constantibus. Rex, licet ex desperatione in ignem se injicere cogitaret, tamen collecto animo per va-rios dolos ab oppugnatione castrorum deterret ho-stem. *Aëtius* quoque metuens, ne *Hunnis* funditus deletis, imperio Romano victores *Gothi* graviores essent, *Thorismundum* hortari cœpit; ut ad propria reverteretur, antequam *Valamirus* frater, vel alius quispiam sceptri prædo illum excluderet. Ita dimis-sus *Attila*, in reditu *Tungrorum* metropolim diripuit; & hinc in *Pannoniam* se contulit, vires reparaturus; quod brevi factum est.

Sed *Attila* non jam *Gothos*, sed ipsam *Italiam* petiit. Auxit *Italiæ* metum horrendum prodigium, tres lapides è cœlo lapsi. *Valentinianus* Alpes insedit, *Aquilejam* munivit, *Aëtium* è *Galliâ* ad defensionem *Romæ* accivit: Quibus rebus impeditus *Attila*, sive *trans Danubium* hiematum ivit, ut quidam ajunt; sive ad *Illyricum* & *Dalmatiam* se convertit, atque expu-gnavit *Tragurium*, *Sibinicum*, *Belgradum*, *Jadream*, *Segnam*, *Polam*, *Parentium*, *Aemoniam*, ut alii. Pu-bescente vere, & invitante molli *Zephyro*, se in *Ita-liam* vertit; & occurrentem Romanorum exercitum, haut procul *Tergestino* sinu fudit, ac delevit. Sic effra-cto *Italiæ* obice, per *Carnos* in *Forum Julii* venit; & *Aquilejam* aggressus, toto triennio obsedit, donec ca-peret. Unâ eâdemque flammâ *Concordia*, *Opiter-gium*,

gum, Ariminum, Patavium, Ateste, Mediolanum conflagrârunt.

Per has strages & ruinas ibat ad delendam Romam : Ibi *Leo* Pontifex obviam venit, & pro urbe iram ejus supplex mitigavit. Addiderunt, qui ad Sanctorum cultum delapsi, nil nisi Sanctorum apparitiones & miracula vel ab imaginibus, vel à reliquis edita; roborandis persuasionibus suis velut ex tabella recitant, *Attilam specie D. Petri & Pauli territum*, auctoritati Pontificiæ se submisisse; & à Romanis civibus abstinuisse manus. Nos ex *Prisco* (quem *Jornandes* citat) discimus, *Attilam* revocatum ab amicis, non quòd urbi consultum vellent, sed quòd *Alarici fatum* cogitarent; qui expugnata Romæ non diu supervixit.

Tradit etiam *Callimachus*, in eâ multos opinione fuisse, *Attilam* tractabili mitique naturâ in supplices, ingenio doctrinâque *Leonis* victum. Vultum avertent ad hoc verbum, quibus ex communi Scriptorum Romanorum consensu sedet, *Attilam* tyrannorum sævissimum fuisse, regnum in perniciem orbis terrarum iniisse; latronem potius quàm militem, velut in macello publico in omnes mortales gladium Martis, sub inferorum incudibus, ad hanc lanienam percussus, strinxisse; nec suâ naturâ unquam, nisi ad atrociam inclinasse. Ipsam faciem, mentis speculum, intueri nos jubent; quam numi repræsentent, inhumano luridoque pallore, ac efferi oris monstroso ductu & torvâ oculorum nictatione terribilem. Numum talem in musæo *Δαυματωζαμείω* Rudolphi II. Imperatoris

peratoris fuisse, testatur *Berneggerus in Diss. de Regno Hung. lib. 239.*

Ego verò scio Romanas artes: Romanis inimicus nunquam à Romanis expectat aliud, nisi perfidia, & crudelitatis elogium. Contra Principes suos quæ non scripserunt apertè falsa & impudentia? quid externis faciant? Quòd si excitari possent ab inferis, qui res Attilæ cognitæ habuerunt, factionibus minimè dediti; quàm multa vanitatis, levitatis & impudentiæ manifesta essent! Superfunt tamen, licet pauca, & disjecta passim, & quasi in amplo quodam naufragio dissipata; quæ per sedulam operam vincere vulgi opinionem, consensum hominum inveteratum superare, persuasionem de Attilæ feritate tollere possent.

Auctor est *Aventinus lib. II. Ann. Boicorum p. 103.* complura se vidisse de virtutibus Attilæ carmina, patrio sermone, more majorum, perscripta; & quidem in bibliotheca *B. Heimeracii* de rebus ab Attila gestis; reperisse opus heroico versu, & latinâ linguâ non ineleganter factum. Ex illo libro duos istos versiculos descripsit:

Fœdera supplicibus donat, sternitq; rebelles;

Ultra millenos fertur dominarier annos.

Quæ ipsa valdè stabiliunt causam illam posteriorem, quam dedi, cur *Attila Romæ pepercerit*? Fuit hujus quoque sententiæ *Thuroez*, rerum Hungaricarum Scriptor; cujus verba sunt præfatione in *Part. I. Chronici*: *Externarum nationum invidiam exactis per ipsum Regem Attilam victoriis, condignum præconi subtraxisse stylum, & eidem Regi Attilæ gloriam imperia-*

imperialis nominis demsisse puto: Neque per ipsum gestarum rerum in decus quippiam præterquam illatas miseras, lugubris carminis instar, scripsisse inveniuntur. Idem judicavit Alb. Molnarus in Lexico Latino-Græco Hungarico, quod Heidelbergæ exciuit est A. C. 1621: Si Attila Homerus aliquis, aut Scriptor idoneus contigisset; rerum ab eo gestarum laudes exuperarent etiam decantatissimorum Regum encomia, & epinicia. Quæcunque enim vel in infestorum ejus hostium monumentis de eo leguntur, bellicam prudentiam, ac planè heroicam magnanimitatem indicant omnia. Hæc ille.

Ut à capite ordiar: Quamvis erroneæ religionis esset, natus parentibus Ethnicis; tamen piè sentiebat: Nullo sanctiore sacrificio Deos piari, quàm si justè & beneficè inter homines agitaretur; teste Callimacho, experiente Historico. A quo animo quis dubitet, multa laudabilia profecta esse? Religioni Christianæ quantum honorem habuit in ipsis Episcopis? à Lupo Tricassinorum, à Leone Romanorum Pontifice exarmari se passus est; quod rarissimè profectò accidit in bellis, quæ Christiani contra Christianos gerimus. Unde inter milites ipsius jactatum est per jocum: *Haud immeritò Leoni cessisse, qui Lupum in Galliâ reformidasset.* Item: *Plus apud Attilam posse ferarum nomina, quàm hostium armatas acies.*

Jam à R. O. M. A. hoc est, Radice Omnium Malorum Avaritia, quæ Romanos in bella non necessaria egit, Romanos magistratus ad cædes innocentibus

centibus parandas compulit, omnesque provincias
 omni Attilâ crudeliùs laceravit, feedavit, exhaustit;
 tam alienus Attila fuit, ut veteri instituto majorum
 pecunias & opes contemneret. Sæpè dicere solebat:
*Miseros esse mortales, qui ea curent, quorum in
 amissione plus doloris sit, quàm in possessione
 voluptatis!* ut describit idem Callimachus.

Jam singulari illâ *imperantiâ* quàm non ple-
 rosque in ruborem dare possit, cum aqua & plebeja
 pulte contentus in publico pranderet; & hoc exem-
 plo suos etiam milites imbueret? ut apud eundem legi-
 mus. Sic factum est, ut luxum & insolentiam Roma-
 nam Hunnica simplicitas & frugalitas superaret.

Nihil dicam de *virtute militari*, quâ parem illo
 ævo vix habuit. Totum orbem sedibus suis excitare
 Romani coacti sunt, ut resisterent. Hæc verò & aliâ
 infinita eò usque admirationis perduxêre Callima-
 chum, ut vix hominem crederet: *Si quâ, inquit, hu-
 mana virtutis modum in eo viro supergressa videbun-
 tur, relato ad Deos originis argumento fidem accipiant.*

Sed urgent Romani *parricidium*: Fratrem enim
 Bledam, ut solus rerum potiretur, interfecisse dici-
 tur. Quid statuam? in mentem est illud Juvenalis;
 sat. II:

Loripedem rectus derideat, Æthiopem albus.

Quis tulerit Gracchos de seditione querentes?

Quis cœlum terris non misceat, & mare cœlo,

Si fur displiceat Verri, homicida Miloni?

Clodius accuset mœchos, Catilina Cethegum.

Addo, si Attilam parricidii reum insimulet parricida

Roma.

Romanus, *parricidio Roma dedicata est*; ait S. Hieron. ep. 4. *Primâ victimâ Remus munitionem urbis novæ sanguine suo consecravit.* Flor. lib. I. cap. 1.

Fraterno primi maduerunt sanguine muri:

Lucanus lib. I. Quis Octavianus Augustus, quem imperii Romani conditorem Romulum dicere noluerunt, quod sanctiore & reverentiore nomine dignus videretur (*Florus lib. IV. c. 12. §. 66.*) Marcellum generum, & è sorore nepotem suum, adolescentem omninò alacrem, ingenio pollentem, sed & frugalitatis continentiaque in illis aut annis aut opibus non mediocriter admittendum, patientem laboris, voluptatis alienum (*Senec. Consol. ad Martiam c. 2.*) Antonii Musæ medici flagitiis usus, occidit, ut ex Tac. lib. II. Ann. c. 41. & Plin. lib. VII. c. 45. alibi probari memini.

Quid paganos loquor? *Constantinus M.* furore quodam concitus, ex suspitione de nefariâ filii cum novercâ consuetudine, eundem quamvis egregiâ virtute juvenem, veneno sustulit. *Constantius* immaniter, vel in sanguine conjunctissimos quosque sævit, interfectis duobus patruis & sex consobrinis; tum suis tum Juliani Cæsaris. *Constantem* etiam, *Constantini M.* filium, complures ajunt *Constantinum fratrem* natum majorem, fraude circumventum, nihil tale expectantem, immissis militibus necâsse. Quæ possint esse tristiores cædium tragœdiæ, quàm istæ sunt? Et tamen sub Quirini nomine *Romulus pro Deo* cultus est: *Augustus Pontifex Max.* & *Pater patriæ* domi forisque, & inter signa militaria pari honore affectus est. Idem venerationis genus *Constantino M.* habitum voluit.

Nimirum hîc molliores interpretationes inveniebant locum, conditionem fragilitatis humanæ non pati, ut uni perpetuam rectè factorum gloriam tribuamus; & quod *Theognis* ajebat, *virum bonum interdum malum esse, alias bonum eundem*. Attila ob idem facinus perpetratum atroci cum verborum contumeliâ execrabilis, diris devovendus, impurissimus, bellua denique vocandus est. *Iniquè verò irascimini alieno sceleri, stultè ignoscitis vestro, quod idem est. Ut absolvamini, ignoscite, moneo vos è Senecæ lib. VII. de Benef. c. 8.*

Sed quid idem dico? Unde sumus certi, *Bledam* innocentem periisse, nullius conjurationis, nullarum infidiarum reum? Hostibus adversus Attilam loquentibus credere non possum; quia non erubuerunt, *falsissima* quæque *de Hunnis* posteritati tradere; quale illud est: Dæmones per eremum vagantes cum magis mulieribus à *Filimere*, Gothorum Rege, expulsis semiscuisse; unde natum sit ferocissimum Hunnorum genus. *Bernegg. de Hungaris, thes. 107. 108.* At recepta] Ctorum sententia est, *instrumentum falsum in uno, falsum censi in omnibus*. Quæ Attilæ reverentia fuit erga Deos & justitiæ studium, à *Callimacho* deprædicatum; facile arguunt, *non innocentem* periisse *Bledam*, quem *dominationis consortem* per aliquot annos non dedignatus est; ut ex *Marcellini Chronico* patet.

At in parricidio nulla satis justa causa ad sceleris patrociniâ prætendi potest, inquit *Justin. lib. XVI. c. 1.* Sed Hispanici Senatus judicium, de *Carolo*, ultimâ pœnâ afficiendo, urgere potuit *Philippus II. pater*; cum

cū clementiora censentibus responderet: *Ex natura lege se plus filium quā semetipsum diligere; ex lege verò Dei salutem populi filio, & publicam charitatem privatā antehabere.* Non immiscebo me huic controversiæ; sed tamen affirmare possum, ingens iniustitiæ & publicæ securitatis nomine momentum, quibus manum poscentibus prima semper auxilia debeantur. Ut justus, ut securus sis ab eo, qui rerum novarum convictus est, nec speciem emendationis vitæ præbet; etiam in fratrem crudelem esse præstat. Paradoxa primā fronte, sed justissima nihilominus lex est, quā *contra primas necessitudines gladius permissus est.* Quæ cū ita sint, satis apparet, quā validas adhuc probationes desideremus; ut *Attilam culeo dignum* censeamus.

Alterum Scriptorum argumentum petatum est à tot urbium cadaveribus: Respondeo *Flori* verbo *lib. III. c. 21. §. 24.* Bellum erat, & quidem ab ipsis Romanis illatum prius: Contra *Theodoricum*, Gothum iturus erat; & legatos ad *Valentinianum* misit Romanam, constituiſſe exſcindere gentem, publicæ omnium gentium pacis perturbatricem; nil sibi rei cum Romanis esse. Et viros eos fortes ac bonos credere, quorum imperium & latè pateret, & æquissimo à subditis ferretur animo. Pollicebatur præterea, si ex usu fore appareret, initurum se cum illis foedus & amicitiam; viresq; & consilia communicaturum. Ita refert *Callimachus*.

Sed addunt, fraudulenter egisse, ut Gothi & Romanis separatis, utrumque dein facilius opprime-

ret. Quicquid sit, *Aëtius*, *Valentiniani* dux, *invasit* primùm *Attilam*, non *Attila* Romanos. Et quid tot urbium lamentantur ruinas? Roma, quæ nationes omnes sceleribus, rapinis & cædibus irritavit, clementem victorem experire potuit, cùm supplex fieret; aliæ civitates non poterunt? Id verò mirum videatur, nî, quod existimo, pleræque ad ultimum pertinaciter victricia arma moratæ sunt. Fuit in illarum potestate, *Attilam* clementem an crudelem experiri mallent?

Aquileja restitit per *triennium*: Quid indignamur, si per vim expugnatâ, non deditâ, cives occisi, & omnia inflammata sunt? *Quantò bellum minoris periculi, tantò mitior victoria esse solet*, ait *Justin. lib. I. c. 7. §. 6.* Quod ipsum vult *Liv. lib. XXVIII.* dicens: *Mitior victoria fuit, nec tantundem noxæ admissum erat, & aliquantum iræ lenierat voluntaria deditio. Supplices nihil abnuendo veniam omnium accipiunt, ut docet Tacitus lib. II. Ann. c. 22.* Item: *Pœnitentia in tempore oboriens iis, qui peccârunt, ad veniam dandam provocare laesos solet*; verba sunt *Procopii lib. II. Vandal.* Cùm in *Armeniâ* oppidani, portis sponte patefactis, se suaq; Romanis permisissent, id quidem salutem illis tulit; ut scribit idem *Tacitus lib. XIII. Annal. c. 41.* At quibus surdæ aures ad utile consilium, pertinacibus armis minùs placabilem victorem relinquunt sibi & suis. Idem *lib. III. Hist. c. 67.* Adhæc victores, morantibus victoriam, irati trucidabant, quos pelleri non poterant *Liv. lib. XXII.* Sic commune victorum jus secutus est *Attila*, cùm duriùs haberet illos, qui capti quàm dediti esse maluerunt.

Quòd

Quòd si Attilam in comparationem venire iuberem cum Romanis, næ ille præ istis ovicula videri posset. *Caucae*, populus *Hispanicus*, supplices ad *Lucullum* miserunt, pacem & fœdus quacunque lege facturos: Ille obsides, argentum, & equites auxiliares imperat; quod illi in se recipiunt bonâ fide. Imperat porrò, ut præsidii loco duo millia militum accipiant; obsequuntur. Sed hi portas occupant, *Lucullus* cum toto exercitu sequitur; & inductis omnibus copiis, sine discrimine, senes, pueri, viri, fœminæ interficiuntur. O sanctum & egregium populum!

*Cive Romano per orbem nemo vivit justius,
Quippe malo unum Catonem, quàm trecentos So-
crates.*

Ut Romanus Poëta cecinit. Eâdem virtute *Lusitanos* fœderatos invasit *Servius Galba*: Et cùm omnia fecissent sedulò, quæ iusserat; arma posuissent, quæ contra populum Romanum non sumpserant; immisæ copiae, quæ fidem ac Deos implorantes ad unum omnes occiderunt.

Quæso vos, an tale quid unquam factum ab *Attila*? Sic *Ausonum* gens deleta est, sic *Abderita*, vel securi percussi, vel sub coronâ venditi: Sic *L. Æmilius Paulus* in *Epiro*, cùm specie liberandæ provinciæ in omnia oppida milites suos induxisset, uno die oppida 70. delevit; quot non, credo, per omnem vitam excidit *Attila*. Sed & egregium Romanorum morem notat *Polybius*, solitos captis civitatibus, non tantùm homines occidere; sed & canes diffecare, & aliorum animalium membra truncare.

Lips. lib. IV. Admirand. c. 8. excusat, & ait, causam aliquam huic rei fuisse terrorem; cum non facile sit alioquin, manum & finem bellis imponere, nisi hæc interdum frangendæ potentia adhibeantur. Si hoc pro Romanis facit, faciet & contra Romanos pro Attilâ. Et tantum afferre volui, ut Historicorum genius notior fieret, quàm est; & simul ad libertatem excitaretur lector, cui plerumque vim faciunt auctoritas, & multitudinis assensus. Possem addere, non fuisse Attilam tam immitem adversariis suis, quàm Romani temporibus Sullanis, Marianis & sub Triumviris, multisq; Cæsarum fuerint sibi & provinciis suis. Sed fatis est.

Nunc ad VALENTINIANUM revertor, & in *Besoldo* quidem non probo, qui legitimum hunc Imperatorem in *Synopsi minore* prorsus omittit; & *Attilæ* expeditionem contra *Daciam* & *Pannoniam* susceptam scribit, imperante *Marciano*. Fallitur gravissimè: Nam Hunnorum Reges, ut scribit *Marcellinus*, in *Daciam*, *Pannoniam* & alias *Illyrici* provincias irruerunt, *Eudoxio* & *Dioscoro* Coss. A. V. 1194.

Altera expeditio *Attilæ*, quâ pænè totam Europam occupavit, incidit in *Alypii* & *Ardaburii* Consulatum, hoc est, in A. V. 1199. cum *Marcianus* Imperator appellatus sit A. V. 1202. *Valentiniano VII.* & *Avieno* Coss. Pugnam demum inter *Aëtium*, *Theodoricum* & *Attilam* depugnatum quidam volunt (& ex his *Idatius in Chronico*) jam ad imperium evecto *Marciano*. Sed illud ipsum *Marcellinus* dubium facit, qui *Aquilejam* captam ait *Herculano* & *Aspo-*
ratio

ratio Coss. hoc est, anno secundo Marciani. Arcadem obseffa ferè per *triennium*, quod nemo negat. Ergo cœpta obsidio A. V. 1201. Asperio & Protogene Coss. anno ante Marcianum Imperatorem creatum. Rursus & illud novimus, pugna illâ in campis *Catalaunicis* recentiore esse obsidionem *Aquilejae*. Unde dicendum foret, Posthumiano & Zenone Coss. hoc est, A. V. 1200. biennio ante imperium Marciani pugnatum esse adversus Attilam. Quicquid sit, si-
ve in Marciani principium incidit illa pugna, si-
falsum, quod *Besoldus* ait, *temporibus Marciani Da-*
eciam & Pannoniam occupatas ab Attila.

Notandæ verò & aliarum gentium irruptiones in Romanum imperium præter illam, quam fecit Attila; ut causæ imperii Romani, penitus collapsi per illa tempora, magis cognoscantur. *Bonifacius* dux maximus, *Aëtii* calumniis petitus, *Vandalos* in *Africam* pertraxit. Quod fusiùs *Procopius* exponit lib. I. *Vandal.* Carthago capta a. d. 14. Cal. Nov. Theodosio XVII. & Festo Coss. A. V. 1191. *Idatius* & *Marcellinus*; nisi quòd hic 10. Cal. Nov. scribit.

Iisdem temporibus *Galliam* invasere *Franci*; & quamvis *Aëtius* prosperè pugnâisset, *Felice* & *Tauro* Coss. ut scribit *Prosper*, hoc est, A. V. 1180. tamen non diu pòst cum *Attila* se in *Gallias* rursus immisere; ut ex *Sidonii panegyrico*, *Majoriano dicto*, apparet.

Idem fatum *Britannia*, quàm *Picti*, *Scoti*, *Angli* & *Saxones* suam fecerunt. In *Hispania* *Vandali* *Carthaginem* & *Hispalim*, *Gunderico*, *Geiserici* fratre, duce, destruxerunt; *Felice* & *Tauro* Coss. A. V. 1180.

Idatius. Sequentē anno *Geisericō* in Africanam expeditionem intento, *Suevi Hispaniæ* quasdam provincias depopulati sunt; quod & factum sequentibus annis. Suevorum tum Rex erat *Hermericus*, cui successit *Rechila*; *Rechilæ Rechiarus* filius. *Idem*. Consulendus etiam ē recentioribus de tot nobilissimorum provinciarum jacturâ *Onuphrius in lib. de Imperio Romano p. 922. usque ad p. 936.*

Totius imperii Occidentalis ruinam & ipse *Valentinianus* tristi fato secutus est, cæsus in ultionem *Ætii*, & ob libidinem à *Fl. Anitio Maximo* a. d. 16. Cal. April. Se VIII. & *Anthenio Coss.* A. V. 1207. *Cassiodorus, Idatius & Marcellinus in Chronicis, Evagrius lib. II. c. 7. Procop. lib. I. Vandal.*

JOHANNES TYRANNUS.

Hic imperium Occidentis invasit, Honorio defuncto, *Mariniano & Asclepiodoto Coss.* A. V. 1175. ut vult *Idatius*: At *Marcellinus*, sequente demum anno rebellionis initium ponit. *Theodosius*, cū id accepisset, mittit *Helionem*, Officiorum magistrum; qui *Valentinianum* Cæsaris veste induit. Nihilominus initia *Johanni* valdè prospera; captus *Ardaburius*, & ad magnam desperationem *Placidia*, *Valentiniani* mater, redacta. Sed paulò post *Candidianus* rem contra tyrannum feliciter gerit, multis occupatis urbibus, ut scribit *Olympiod. apud Photium Cod. LXXX.* Ipse tyrannus occisus est, fraude tamen magis quàm virtute. *Procop. lib. I. Vandal.* Meminit ejus numus apud *Goltzium*: D. N. JOHANNES. P. F. AUG. MAR-

MARCIANUS.

FL. MARCIANUS (ita numus apud *Oecon.* p. 575. appellat) Theodosio juniore mortuo, *Pulcheria*, Theodosii sororis, & exercitus studio, imperium *Orientale* adeptus est, *Valentiniano VII.* & *Avieno Coss. A. V. 1202.* *Marcellinus*, & *Idatius in Chron.* Statim hanc *Pulcheriam* in matrimonium assumpsit. *Idatius d. l.* De hac numus : FL. PULCHERIA AUG. Fuit Marcianus tum admodum senex, & Pulcheria etiamnum virgo, sed annorum unius & quinquaginta ; utpote nata sub Coss. Theodoro & Eutropio A. V. 1151. *Baron. in A. C. 450. n. 17.* Idem *Thrax*, & filius cujusdam militaris.

Sub eo quartum habitum Concilium Chalcedonense contra Dioscorum & Eutychen. *Rittershus. lib. II. Lectio. Sacr. c. 11.* incidit in ipsius Marciani & Adelphii Consulatam, hoc est, A. V. 1203. secundum *Marcellinum*.

Contra *Hunos*, qui multas Italiae civitates diripuerant, idem Marcianus, *Aetio* duce pugnavit feliciter ; ut vult *Idatius*. Ipse *Attila* paulò post, cum nuptiis celebratis (puellae nomen, quam duxit, fuit *Hildico*) vino largius se invitasset, & supinus noctu quiesceret ; eruptione sanguinis, qui de naribus alias solitus erat effluere, suffocatus & extinctus est ; ut scribit *Paulus Diaconus*. *Marcellinus* tamen ait, hortatu *Aetii*, à muliere noctu confossum. En Romanam dextram, fidemque !

Jam ab *Attila* pacem *Valentinianus* emerat. Mortuo *Attila* populi, qui imperio illius suberant, se

in libertatem afferuerunt; *Gepidae Daciam, Ostrogothi Pannoniam*, à Sirmio ad Vindibonam, *Sarmata*, & quidam *Hunni* sedes in *Illyrico* ad castrum Martenam; *Rugi* aliq; Scandiopolim; Scythiam minorem & inferiorem Mœsiam Styri, *Satagarii, Alani*, duce *Candace*, acceperunt; ut scribit *Jornandes in Geticis*. At ibidem, *Marcianum* Imperatorem illâ nocte, *arcum Attila fractum* esse (secundùm quietem objectâ divinitus specie) intellexisse.

Moritur hic Princeps Constantino & Ruffo Coss. A. V. 1209. *Marcellinus & Cassiodorus in Chron.* a. d. 17. Cal. Febr. *Theodorus Lector in Lectionibus c. 1.* Septimo imperii anno, *Idatius in Chron.* Rectè *Baronius in A. C. 457. n. 2.* Post Constantinum Magnum non reperiri inter Orientales Imperatores, qui cum hoc comparandus fuerit.

MAXIMUS.

SEquuntur in Occidente non Principes, sed *funghi*; qui ut nati sunt, sic perierunt. Dixit vetus Poëta:
Consules fiunt quotannis & novi Proconsules:
Solus aut Rex aut Poëta non quotannis nascitur.
 Quod de bonis Principibus verum: Nam *inertium & malorum annona vilissima est.* FL. ANICIUS PETRONIUS MAXIMUS (ita vocatur in numis) interfecto Valentiniano, Romæ Augustus factus *Eudoxiam*, Valentiniani viduam ipse duxit; *Palladio* filio Cæsari, à se creato, filiam ejusdem uxorem dedit, Valentiniano VII. Fl. Antonio Coss. A. V. 1207. Occiditur tertio mense, ut scribit *Marcellinus*; quarto, ut

to, ut *Idatius*. Fuisse ex stirpe illius *Maximi tyranni*, quem Theodosius Magnus sustulit, scribit *Procop. lib. I. Vandal.* Eodem anno urbs *Roma* à Vandalis interim capta est; quos *Eudoxia* per summum scelus evocarat ex *Africâ*. *Baron. in A.C. 455. n.6. & seqq.*

AVITUS.

FL. MÆCILIUS AVITUS (ita describunt *numi*) quem Maximus Præfectum prætorio creavit, occiso eodem Maximo, à S. P. Q. R. Imperator creatus, cum *Marciano* Imperatore Orientali, & *Theodorico* Gothorum Rege fœdus iniit. *Idatius*. Erat domi militiæq; spectatus, nobilissimo ortus genere; ut eum deprædicat *Sidon. in Paneg.* sive sponte sive coactus (nam utrunq; traditur) *abdicavit*, *Johanne & Varane* Coss. A. V. 1208.

LEO.

FL. LEO, *Thrax* genere, ut scribit *Nicephorus Callistus lib. XV. c. 15.* è *Dacia Illyrica* oriundus; ut *Candidus apud Phot. Cod. LXXIX.* Cùm militari agmini, *Selymbrianisq;* cohortibus præesset, *Asparis* studio imperium Orientale adeptus est; *Constantino & Ruffo* Coss. A. V. 1209. Imperavit per annos XVII. Sub eo *Constantinopolis* orto incendio ferè tota conflagravit. *Marcellinus* rejicit in Consulatum *Basilisci & Hermenerici* A. V. 1217. Fama fuit, à *dæmone* subditos ignes. *Baron. in A.C. 465.*

MAJO-

MAJORIANUS.

FL. JULIUS MAJORIANUS apud *Raven-*
nam, post Avitum Occidentalis Imp. creatus est
 à militibus, annuente Marciano; Constantio &
 Ruffo Coss. hoc est, A. V. 1209. *Marcellinus in Chron.*
 Quarto imperii anno, Dagalaifo & Severino Coss.
 A. V. 1213. apud *Dertonem* juxta flumen interemptus
 est. *Idem.* Vide plura apud *Baron. in A.C. 458. n. 2. 3.*

SEVERUS.

FL. LIBIUS SEVERUS (ita vocatur in numis
Oconis & Caroli Croyi, Illustrissimi Ducis Ar-
schottani; Onuphrius & Goltzius. VIBIUM di-
 xerunt non benè) post Majorani cædem statim Oc-
 cidentale cepit imperium, adjuvante Fl. Ricimere.
Marcell. in Chron. Sed, ut vult *Idatius*, à Senatu Ro-
 mæ appellatus. Ejusdem *Ricimeris dolo* veneno tol-
 litur, Herminero & Basilisco Coss. A. V. 1217.
Cassiodorus. At *Sidonius* ait, suo morbo interiisse;
 quem *Paulus Diaconus* sequitur. Ignotus & obscu-
 rus, nisi quòd constitutio illius una vel altera ad nos
 pervenit. Post obitum ejus *interregnum* fuisse, satis
 manifestum est ex *Marcellino, & Cassiodoro.*

ANTHEMIUS.

EO usque ventum est, ut terrarum Dea ne prin-
 cipem quidem facere posset; sed necesse esset,
 ut *Imperator Occidentalis Constantinopoli* mitte-
 retur. Igitur à Leone Augusto FL. ANTHEMIUS
 missus

missus est, Cusæo & Johanne Coss. A. V. 1219. Marciani Imp. gener fuit. *Nicephorus Callistus lib. XV. c. 11.* Procopii frater, *Idat. in Chron.* Opibus & genere magnus. *Procop. lib. I. Vandal.* Occiditur à Fl. Ricimere, genero suo, Marciano & Festo Coss. A. V. 1224. *Marcell. in Chron.* à quo dissentit *Victor Tununensis*; sed quem non attendimus, sæpe corruptissimum.

OLYBRIUS.

OLYBRIUS in Anthemii locum creatus, septimo mense imperii sui defunctus est, ut scribit *Marcellinus, Idatius, Cassiodorus & Paulus Diaconus.*

GLYCERIUS.

GUndibarius, Ricimeris nepos, quem Olybrius patricium fecit, *spretâ Leonis Imperatoris auctoritate*, Ravennæ GLYCERIUM imperii insignibus induit. Hic Ostrogothorum Regis fratrem donis & muneribus, jam ferè recepto more, exclusit. Imperio exuitur à Fl. Julio Nepote. *Anonymus Valesii p. 477.* Attonsus, Clericorum ritu, *Episcopus* constituitur. *Malchus apud Phot. Cod. LXXVIII.* Factum id Leone juniore Cos. A. V. 1226. *Marcellinus.*

LEO JUNIOR.

FL. LEO JUNIOR (ita describit numus apud *Occonem p. 578.*) Zenonis F. Leonis Imperatoris N. ex *Ariadne* filiâ. Ab eodem avo materno

terno nominatur Augustus Orientis, Leone Augusto V. Cos. A. V. 1225. Moritur *infans*, & *prorsus ignarus*, quid accepisset, quidq³ moriendo relinqueretur; ut scribit *Theodorus Lector*. Tanquam, antequam obiret, patrem Zenonem Imperatorem creavit. *Candidus apud Photium Cod. LXXIX.* Factum id Leone juniore Cos. A. V. 1226. *Marcell. in Chron.*

ZENO.

HUnc cum *Leo senior* Augustum facere vellet, recusavit ejus imperium populus. Sed tandem à filio *Leone juniore*, ut volunt, Imperator salutatus est. In ejus sententiam ivit Senatus. Fuit Isaurorum nobilissimus. *Anonymus Valesii.* Natus patre *Rusumbladeoto*; apud suos *Tarasidocisa* dicebatur. *Candidus d. l.* Sed statim altero anno se II. Cos. hoc est, A. V. 1227. *Verina* socrus suæ, & *Basilisci* fratris ejus insidiis circumventus, cum *Ariadne* uxore, in *Isauriam* profugit. Idem *Candidus*. Redit ab exilio, *Basilisco* & *Armato* Cos. A. V. 1228. Occasio fuit hæc: *Verina* socrus cum *Patricio* magistro consueverat; id ægrè ferens *Basiliscus* frater, hominem interfici jubet; & *Verina* ipsa, tum ob libidinem, tum ob res novas periisset; nisi eam *Armatus* clam subduxisset. *Armatus* dein cum *Basilisci* uxore adulteratus, cum ei bellum contra Zenonem committeretur, cum omnibus copiis ad eum defecit. Ita *Zeno* restitutus est. *Candidus in d. l.* Vitâ decedit, *Olybrio* solo Cos. A. V. 1242. *Marcell. in Chron.* Vivum sepultum esse scribit *Zonaras tom. III. Annal.* Nam uxor, inquit,

inquit, *ebrium sepulchro inferri jussit*, idq; magno lapide obstrui; ubi nemine ad clamores opem ferente mori coactus est. At *Cedrenus* illatum ait, cum *comitiali morbo* correptus esset; & custodes appositos per duas noctes lamentationem audivisse ex sepulchro: *Misere mini & aperite mihi!* respondentibus, alium jam imperare; precatum esse porro, ut in *monasterium* se abducerent, nil purpuram curare se. Adjicit ibidem, aperto tandem sepulchro inventum esse Zenonem, *lacertis & caligis corrosis*; quas præ fame dentibus invaserat.

BASILISCUS.

FL. BASILISCUS imperio privavit Zenonem, & ab eodem rursus privatus est se & Armato Coss. A. V. 1228. Annum unum & menses sex tribuit *Baronius*. Sed alii super annum, menses octo. Vide de eo *Malchum apud Photium Cod. LXXVIII.*

MARCUS.

HUnc filium suum *Basiliscus* Cæla rem creârat, ac dein Imperatorem. *Candidus*. Sed cum patre & matre in *Cappadociam* missus est, ubi omnes unâ conclusi fame contabuerunt. *Procop. lib. I. Vand. Marcellinus, Candidus, & Victor Tununenſis.*

JULIUS NEPOS.

LEo Imperator, auditâ Anthemii Occidentalis Imperatoris cæde, FL. JULIUM NEPOTEM, Nepotiani filium imperio *Italia* destinavit.

navit. Sed cognito, Glycerium creatum esse, misit eundem Nepotem cum ingentibus copiis, isq; Glycerium regiâ potestate exuit; &, ut ait *Paulus Diaconus*, apud *Salonas*, Dalmatiæ urbem *Episcopum* fecit. Adde *Marcell. in Chron.* Oresten post hæc contra *Gothos* in *Galliam* misit; qui & ipse genere *Gothus* erat. Sed hic cum potestatem suam, viresq; consideraret, & contra Nepoti nullas esse; imperium cœpit meditari. *Gothis* igitur *Italicis* sibi conciliatis, *Ravennam*, ubi *Nepos* degebat, ocyùs se contulit; incautumq; imperio spoliavit, & fugere coëgit *Salonas*, A. V. 1227. Zenone Aug. solo Cos. *Marcellinus*, *Anonymus Valesii*, *Candidus*.

AUGUSTULUS.

FL. Orestis Patricii filius, ROMULUS AUGUSTULUS vero nomine dicebatur; sed ob puerilem ætatem vulgò *Augustulus* & *Avoglus* vocabatur; ut scribit *Procop. lib. I. Gothic. in princ. Evagrius lib. XXVI. & Cedrenus p. 288.* Tamen quod mirere, etiam in numis legimus: D. N. AUGUSTULUS. PERP. P. F. AUG. Et: D. N. FL. MOMYL. AUGUSTULUS. P. F. AUG. Vide *Goltz. in Thes.* De quo tamen valdè dubito, an numum posteriorem candidè descriptum nobis dederit; videtur enim scriptum fuisse: D. N. ROMUL. AUGUSTUL. P. F. AUG. sed jam detritum ex corruptioribus Historicis, qui Momyllium & Momyllum appellant, pro Romulo, ipse perperam
supple-

supplevit. Et nisi impediret alter, qui Augustulum manifestè dicit; putarem, nec Augustulus, fuisse scriptum; sed Augustus. Quæ enim vulgus imponebat apud Romanos, ea reperire non licet in ipsorum Principum monumentis. Quis enim in numo legit unquam Caligulam? quis Caracallam? certè numus *Octavii Strada* sic habet: D. N. ROMULUS. AUGUSTUS. P. F. AUG. Et alius, quem se vidisse testatur *Valesius ad Anonymum suum p. 440*: IMP. C. ROMULUS. AUGUSTUS. P. F. AUG. Sed, ut dixi, alter suspicionem abstinere jubet, in quo legimus: D. N. AUGUSTULUS. PERP. P. F. AUG. Et ne fidem *Goltzii* in dubium vocare possis, confer aureum *Caroli Croji, Ducis Archschottani, Tab. LXII.*

Exitum hujus Augustuli quod attinet (res enim gestas habemus nullas, quòd initium imperii cum dejectione conjunctum sit) *Odoacer*, Scyrorum & Herulorum Regulus, *Ædiconis* filium, *Augustulum* purpurâ exiit; sed quòd admodum formosus adolescentulus esset, vitam ei concessit, in *Campaniâ* securè & lautè agendam: Nam indulgit prætereà magnam pecuniæ vim. *Anonymus Valesii.* Factum id *Basilisco* & *Armato* Coss. A. V. 1228. ut est apud *Marcellinum.*

Hic finis Occidentalis imperii Romani veteris fuit; & imperatorium nomen, quod in *Augusto* cœperat, in *Augusto* extinctum est. Adempta quoque Senatui Romano auctoritas, Consulibus dignitas; sed quam *Odoacer* postea restituit: Et qui olim tot potentissimos Reges velut unâ manu vicerunt, vel precariò regnare

regnare passi sunt; iis vitam precariam, & levissimam priscæ dignitatis umbram, venientes ex obscuro Septentrionis angulo permisere. Vis & potestas omnis penes *Herulos*, mox *Gothos*, denique *Longobardos* fuit, usque ad *Carolus M.*; qui totius Occidentis Monarcha potentissimus à populo Romano Imperator salutatus, idem magnâ virtute restitit.

Illud tamen hîc minimè dissimulandum est, altero anno post exutum imperio Augustulum AMBROSIIUM AURELIANUM, ut aliquod saltem vestigium Occidentalis imperii superesse videretur, sumtâ in *Britanniis* purpurâ, *Britannos ab Anglo-Saxonum tyrannide* strenuè defendisse; quod ex *Gilda*, *Beda* & *Adone* docet *Baron. in A. C. 477. n. 30. 31.* Sed id bonum admodum breve fuit: Quemadmodum illis ipsis temporibus SABINIANUS MAGNUS Illyricianæ militiæ ductor; qui collapsam remp. restitutus videbatur, & jam *Gothis* terrori esse cœperat; quemq; cum antiquis reipub. ducibus comparabant, antequam cœpti sui compos fieret, rebus humanis exemptus est, A. V. 1232. Placido solo Cos. ut scribit *Marcellinus in Chronico.*

TYRANNI.

SERVANDUM quendam, in Italiâ affectatæ tyrannidis reum, occisum in tumultu militari, observavit *Strada*. Nos ARABUNDUM reperimus apud *Cassiodorum*, ob affectatum imperium. *Anthemii* jussu, deportatum A. V. 1221. Mariano & Zenone Coss. Quosdam ibi legere *Ardaburium*, ex notâ

notâ *Sylburgii* cognosces; quod non placet. *Arda-*
burius, *Alparis* filius, occisus est *Constantinopoli*,
Leone Augusto IV. & Probiano Coss. hoc est, A. V.
1223. unâ cum patre & fratre *Patricio Cæsare. Mar-*
cell. in Chron. Sidonius lib. I. ep. 7. fusè describit judi-
cium, quo *Arvandus*, *Galliarum præfectus*, læsæ
majestatis reus, causam dixit sub *Anthemio Impera-*
tore. Insimulabatur tanquam *Galliarum particulas*,
quæ adhuc Romanis parebant, *Erarico*, *Gothorum*
Regi, prodere voluisset. Hujus igitur nomen substi-
tuam apud *Cassiodorum.* Sed an idem cum *Servan-*
do Stradæ? an intellexit *Seronatum*, qui *Gallia-*
rum præfectus, ejusdem *Anthemii* temporibus, ma-
jestatis judicio postulatus, scelus capite luit; ut scribit
idem *Sidon. lib. II. epist. i.* Viderint, qui recentiorum
tricas extricare possunt, & nos doceant.

FL. RICIMER P. F. AUG. describitur eidem
Stradæ, quod & ipsum nusquam observavi. FL. RI-
CIMER, natione *Suevus*, ut *Ennodius* ait in *Epipha-*
nii vitâ; sive *Vandalus* & genere materno descendens
à *Valliâ*, *Gothorum Rege*, ut alii; totum ferè impe-
rium per hæc tempora sustinuit. *Avitum* Imperato-
rem diademate exuit, & è fastigio ad vitam privatam
detrusit. *Patriciatus* dignitate fuit ornatus à *Majo-*
riano Augusto; Vir Illustris, Comes & Magister utri-
usque militiæ in epistolis appellatur, & in consilium
rerumq; omnium societatem adscitus. Hunc ipsum
Majorianum è *Galliâ* revocavit, & imperio abdicare
coactum apud *Iriam* fluvium prope *Dertenam* occi-
dit. *Severo* augustalia insignia injussu *Leonis Impe-*

ratoris Byzantini, *Ravennæ* detulit; *Beorgorem*, Alanorum Regem, prope *Bergomum* fudit ac peremit; quâ victoriâ elatus, magnificos adeò spiritus sumsit, ut *Imperatorem* à se factum contemserit, & *veneno* occultè necârit. Eodem scelere *Anthemium* socerum suum cum gravi calamitate urbis extinxit; sed post tantum facinus haud ultra 40. dies vixit. Hæc omnia legimus: Sed Imperatorem Augustum appellatum apud neminem legere memini.

In Oriente invenio ASPAREM ipsum, tyrannidis affectatæ reum, & occisum A. V. 1223. Leone Aug. IV. & Probiano Coss. apud *Cassiodorum*. Unâ periisse filios *Ardaburium* & *Patricium Cæsarem*, scribit *Marcellinus in Chronico*. Ex his *Ardaburium Cæsarem* facit *Evagr. lib. II. c. 15.* quem secutus est *Strada*. Sed à *Marcellino* stant *Victor Tununensis* & *Candidus apud Photium*. Imò hic auctor est, *Patricium Cæsarem*, licet excepta plaga inopinatò salvum evasisse, vixisseque: Sic & alium ex *Asparis* filiis *Ermenarichum*, quòd tum fortè abesset à patre, cædem perinde effugisse.

L. AURELIUS TITIANUS P. F. AUG. reperitur in numo *Strada p. 250.* Hic verò dicitur, de quo *Aspar* cum Leone acriter contendit; ut scribit *Candidus*. Titianum Consulem suffectum facit *Onuphrius in A. V. 1218.* quo FL. LEO III. Cos. fuit; quod quia sine teste dictum est, rejicit *Baronius in A. C. 466. n. 1.*

FL. BASILISCUS, *Armati* filius, à Zenone Imperatore Cæsar appellatus est. *Armato* id debebat

Zeno

Zeno perfidiæ præmium: Nam à *Basilisco* Imperatore, cujus uxorem stupraverat, missus contra *Zenonem*, ad eundem defecit; ut scribit *Candidus*. *Armatus* appellatur apud *Suid.* & l. 28. C. de jure dot. Aliquando & *Aimadius*, sed corruptè, l. 2. C. de Feriis l. 5. de Natur. lib. Cæterum non diuturnum proditionis fructum tulit. Occisus est enim ab *Onulpho*, quem pauperem, & recens à barbaris venientem, humaniter susceptum, Comitem primùm fecerat; dein Præfectum Illyricorum, & præterea multis pecuniis locupletaverat. Sed is barbarus homini perfido perfidâ manu gratiam retulit; ut est apud *Suidam*, qui haud dubiè *Malchum Sophistam* hîc exscripsit. *Candidus* *Armatum* in frustra discerptum ait; & *Basiliscum* ejus filium, Cæsarem inter lectores in *Blachernis* profiteri cœpisse. Adde *Zonar.* tom. III. Ann. p. 44.

FL. MARCIANUS, *Anthemii* Imperatoris filius, ductâ *Leontiâ*, *Leonis* Imp. filiâ, tyrannidem affectat, ac pugnâ gravi commissâ, adversarios terga dare coëgit; potitusq; fuisset palatio, si tam victoriâ uti scisset, quàm vincere. Unius noctis mora ruinam illi attulit; nam postero die proditus à suis, & desertus, confugit ad ædem sacram; unde abreptus, *Cæsaream Cappadociæ* demigrat; ibiq; inter monachos latitare voluit: Sed à *Zenone* Imperatore duci jussus ad *Tarsum Ciliciæ*, comâ abrasâ, presbyter designatus est; ut ex *Eustathio Syro* refert *Evagr.* lib. III. c. 26.

PROCOPIUS, ejusdem *Anthemii* frater, insurrexit, & succubuit eodem tempore. Victus ad *Theodoricum* in *Thraciam* confugit. *Candidus*.

LEONTIUS & HILLUS, *Isaurus*, imperium arripuerunt Theodorico & Venantio Coss. hoc est, A. V. 1235. *Marcellin. & Victor Tununens. in Chronicis.* Hillum *Zenonis magum* fuisse scribit *Suidas.* Armatum eò induxit, ut *Basiliscum* proderet. *Candidus.* Consulatum gessit sine collegâ A. V. 1229. Vide *Goltz. & Onuphr.* Cum Leontio deniq; in castello quodam *Isauriæ decollatur*, *Dynamio & Sifidio* Coss. A. V. 1239. *Marcell. & Candid.* Ellum corruptè nominat *l. 7. C. de secund. nupt.*

ANASTASIUS.

FL. ANASTASIUS DICORUS, *Epirota*, *Dyrrhachio* ortus, *Ariadne* studiis, quamvis nondum Senator effret, ad imperium evectus est. *Evagr. lib. III. c. 29.* Factum id A. V. 1242. *Olybrio* juniore Cos. Vide præter alios *Anonym. Vales. p. 480.* Imperatorem factum, *Euphemio Patriarchæ Constantinopolitano suspectum de fide* fuisse scribit *Baron. in A. C. 491. n. 7.* Hinc minitabundum compellâsse illum in hæc verba: *Si secus feceris, resectâ tuâ comâ, in triumpho ducam te cum populo.* Sed *Suidas* hæc narrat non de *Anastasio Imperatore*, sed de *Anastasio adhuc Silentario*; ut docet *Casaub. proleg. in Exercitat. Baronian.* Imperavit per multos annos. Desiit enim vel *fulmine ictus*, quod complures volunt; seu *morbo extinctus*, quod *Anonymus Valesii p. 484.* Magno Cos. A. V. 1269. a. d. 7. Id. Jul. Multæ sub eo *clades acceptæ à Bulgaribus, Getis & Persis.* Vid. *Marcell.*

TYRANNI.

LONGINUS SELINUNTINEUS & ATHENODORUS, *Isauri*, res novas contra Anastasium moliti, tristi fato perierunt. *Marcell. & Victor Tununens. in Chronicis.*

VITALIANUM tyrannum sub Anastasio nominat *Procop. in Arcanâ Historiâ p. 30.* Genere *Scythæ*, ut scribit *Marcellinus*, filius Patricioli; ut idem *Procop. lib. I. de Bello Pers.* Anastasium miris modis vexavit, & urisit. *Cedrenus.* Extincto Anastasio ad remp. revocatur à Justino, septimoq; receptionis suæ die Magister militiæ ordinatur, ac dein Consul. *Marcell.* Tantæ fuit apud Justinum auctoritatis, ut eo instante, *Severum & Julianum* hæreticos Imperatores exulare jusserit; & *Hormisda Papa* ad eum scripserit de gravioribus Ecclesiæ rebus, ut ex epistol. Justiniani ad eundem Hormisdam docet *Nicol. Aleman. ad Procop. Arcan. Histor. p. 23.* Tandem Constantinopoli intra palatium Delphicum insidiis Justiniani occisus est. *Victor Tununensis & Procop. in Arcan. Hist. p. 30.*

AREOBINDAM quoque Imperatorem flagitavit in seditione populus Constantinopolitanus, ut scribit *Marcell.* Sed quod petebat, successu caruit. Ne confundas hunc cum Areobyndo, Projectæ marito; quæ Justiniani à sorore Vigilantiâ neptis. *Nic. Aleman. in Arcan. Hist. p. 13.*

JUSTINUS.

Post obitum Anastasii JUSTINUS ad imperium coactus est, *Illyricianus*; ut scribit *Procopius*, cum *Victore Tinnensi*; sive *Thrax*, ut *Zacharias* apud *Evagr. lib. IV. cap. 1.* & *Basilus Cilix* apud *Phot. in Biblioth. Cod. XLII.* Sed specialis patria fuit *Bederina*; quæ, quia in limitaneis *Illyriæ* *Thraciæq;* agris sita fuit, inde factum, ut hunc modò *Illyricum*, modò *Thracem* dicerent. Auctor *Chronici Alexandrini*: *Ἰουστίνος* & *ὁ Βεδερῖτις* (ita legit *Alemannus*) *ὁ Θραξ*, *Justinus è Bederinâ civitate Thrax.* Illustri loco natum alii dicunt, alii obscuro sordidoque; priores sententiæ suæ firmandæ producunt numos, in quibus legitur: D. N. FL. ANIC. JUSTINUS P. F. AUG. ANNO VII. Qualem *Occo* exhibet p. 581. Nulla verò domus *Anicianâ* nobilior, aut illustrior. *Anicios* penè *Principibus* pares *etas* *prisca* *progeniit*, inquit *Cassiod. lib. X. ep. 11.* Et:

- - - - - quemcunque requiris
Hac de stirpe virum, certum est de Consule nasci;
Per fasces numerantur avi, semperq; renatâ
Nobilitate virent; & prolem fata sequuntur
Continuum, simili servantia lege tenorem:
Nec quisquam procerum tentat, licet ære vetusto
Floreat, & claro cingatur Roma Senatu,
Se jactare parem. - - - - -

ut canit *Claudianus*. Liberâ rep. non multa *Anicio-*
rum nomina in *Fastis*. *Lucium Anicium*, *Lucii F.*
Marcii N. Gallum *Proprætorem* A. V. 586. de Rege
Gentio & Illyriis triumphasse, ipsis *Quirinalibus*, au-
 ctor

Et or est, qui tabulas Capitolinas confecit. Ejus filius, *L. Anicius Gallus* Cos. A. V. 593. reperitur in iisdem. Tum longè nobiliorem domum *Emiliam* fuisse scribit *Liv. lib. XLV. cap. 43*: *Minor ipse Imperator & nobilitate Anicius cum Emilio, & jure imperii Prætor cum Consule collatus*. Ubi fortassis vocabulum *nobilitatis* accipit stricte: Nam apud Romanos censi *nobiles*, non qui longam majorum seriem ciere possent; sed qui parentes, avos, proavos magistratibus curulibus gestis claros, quamvis genere plebeji essent. Vide *Lips. lib. I. Elect. c. 29*.

Sic *Anicius Gallus* non statim ex plebeja vel humili domo, etiamsi nobilitas illi minor esset. Nam & quidam *Patricii generis* viri, & ab antiquis Heroibus oriundi minùs *nobiles*; quod neque pater, nec avus, neque proavus ad magistratum curulem evectus esset. *Ælios Lamias* ex Romanâ loquendi consuetudine (quamvis à *Lamo*, Neptuni filio, *Læstrygonum* Rege derivarent genus) *ignobiles* dicere possum; quorum parentes & avi in Romanâ civitate neque *Ædilitatem* curulem, neque *Præturam*, neque *Consulatum* gessere.

Oppressâ rep. primâ, *Aniciorum, Faltoniorum & Proborum* mentionem reperio, *Inscr. VI. p. 1025*. quæ referenda est ex subscriptis *Coss. ad A. V. 926*. nisi quæ alibi suspecta est, *Ursini* symbolam rejicimus: Ex *Ursinianis* enim schedis eam descripsit *Gruterus*. At ab anno Urbis millesimo *Anicii* valdè celebres in *Fastis & Lapidibus*. *Primi nobilium omnium Christianam fidem amplexi sunt*. *Prudent. lib. I. contra Symmach*:

*Fertur enim ante alios generosus Anicius orbis
Illustrasse caput - - - - -*

Hinc Scriptores pagani tam illustri nomini haud unam labem adspargere conantur. *Amm. Marcell. lib. XVI. pag. 68: Aniciorum posteritas in avorum emulationem tendens, satiari nunquam potuit, cum possessione multo majore. Item Zosim. lib. VI. ait: Cum soli omnium panem opes possiderent, felicitati publicæ invidebant.*

Huic igitur tam claræ stirpi *Justinum* nostrum inserunt tum alii, tum *Petrus Bertius Præfat. in Boëthii libros de Consolatione.* Utq; hoc persuadeant magis, proferunt illa *Cassiodori lib. VIII. ep. 1. ad Justinum: Non vos majorum purpuratus tantum ordo clarificat, &c. quantum longè lateq; potens gratia vestra nobilitat.* Sed aliis, ut dixi, sordido loco natus dicitur. *Zonaras tom. III. Annal. armentarium fuisse scribit, & subulcum à teneris; quod si ut verum amplectimur, nihil Justinii gloriæ detrahere dicit. Ex hac innoxia & sincera secta, ut appellat Florus lib. III. c. 12. quâ*

Non alia magis est libera, & vitio carens

Ritusq; melius vita, quæ priscos colat.

ut est apud *Senecam Tragicum in Hippolyto, Deus Optimus Max. Patriarchas, Prophetas & Principes maximos quosq; subinde produxit. Procopius in Arcan. Hist. p. 27. agricolam facit, ut videatur superioris ævi Principes secutus; qui cum obscuro genere nati essent, auctoritatis, an gratiæ parandæ? (nam Romani barbaram ὀνομαστοθεσίαν abhorrebant jam ab antiquo) illustre nomen adsciverunt. Sic, ut suprâ docuimus, *Aurelii & Valerii & Julii nomen quàm plures usurpârunt.**

Cassio-

Cassiodori locus manifestè corruptus est; & rectè correctus mihi videtur ab Alemanno, qui legit: Non nos majorum purpuratus &c. vult dicere: Non tam eo nomine clari sumus, quòd pater, avus, proavus noster Consulatum gessere, Regesq; fuerunt; quam quod tu nobis in tantum faves. Nam Athalaricus, qui hæc scribit, respicit tum ad sceptrum regia, tum ad Fastos Consulares; in quibus annotati sunt aliquot Gothorum Reges.

Theodoricus Amalus Rex, Walameris Regis filius. Patricius & Cos. factus est, ut scribit *Anonymus Valesii* p. 478. 479. Adde *Jornandem in Geticis* c. 57. Collegam habuit Fl. Venantium Decium. *Marcell. in Chronico.* Fl. Eutarichus Cillica Amalus, Athalarici pater, Consulatum gessit cum ipso Justino A. V. 1271. Meminerunt idem *Anonymus, Inscriptio X.* p. 1053. & subscriptiones aliquot Legum in Codice, l. 6. §. 4. C. de advoc. divers. jud. l. 7. C. de nat. lib. Quod si quis tamen perpendere conetur, Justinum per adoptionem in Aniciorum domum transisse, illi non valdè repugnabo. Quid enim Aniciorum aliquis hunc in gentem suam recipere dedignaretur, jam Patricium, Senatorem & Comitem prætorianorum?

Fuisse Deo Opt. Max. salutem ejus curæ, & hoc argumento colligi potest: Privatum adhuc *Joh. Gippus*, dux Anastasii, missus cum exercitu adversus *Isauros*, incluserat carceri, mox capite plectendum. Notu Johannes per quietem videt nonneminem, qui proceritate & reliquo corporis habitu præstantius quid homine præ se ferret; juberetq; dimitti, quem pridie

pridie tradidisset custodiæ. Ille somno excitus non magni ducit, quæ in somno visa forent ; nocteq; insequente iisdem in quiete visis & auditis, ac nihilominus neglectis, tertio ab eadem illâ specie atrocioribus minis exagitatur, ut dicto pareat. Sic mortem evadere Justino contigit. Refert *Procop. in Arcan. Hist. p. 28.* quamvis ibi adjiciat, dixisse illum, qui specie hominis apparuerit: *Nam hoc homine, hujusq; propinquis opus cum primis erit ; quia ira mihi mox concitabitur.* Quæ suspecta mihi sunt. Vult Justinum flagellum dicere irati Dei, quem alii summis laudibus extollunt.

Aliter sanè de *Justino & Justiniano* responsum alio tempore : Nam cum Anastasius utrumque insidiarum suspectum tollere cogitaret, deterritus est & ipse somno ; cum ei vir terribilis adstitisse visus esset, ac dicere : *Justino ac Justiniano ne quid mali feceris, nam uterq; Deo serviet.* Ita referunt *Zonaras tom. III. Annal. p. 47.* & *Cedrenus. Anonymus Valesii p. 483.* memoriæ prodit, Anastasium Imperatorem, cum Deum de revelatione successoris sui rogasset, tulisse responsum : *Is, qui die crastini primus adesse nunciatus fuerit, tibi succedat !* factum esse, ut Anastasio nondum cubiculum egresso, primus adesse nunciaretur *Justinus.* Adjicit ibidem, Justinum post hæc obsequii causa festinantem, per imprudentiâ chlamydem Imperatoris pede calcasse. Tum Anastasium hoc tantum dixisse : *Quid festinas?*

Imperator factus est Fl. Magno Cos. & quidem
legi-

legitimo modo à Senatu, ut scribit *Marcell. in Chron.* Ipse ad *Hormisdam Papam* scribit: *Per has sacras declaramus epistolas, quòd primùm quidem inseparabilis Trinitatis favore, deinde amplissimorum procerum sacri nostri palatii & sanctissimi Senatus, nec non electione firmissimi exercitus, ad imperium nos, licet nolentes & recusantes, electos fuisse atque firmatos. Extat apud Baron. in A. C. 518. n. 67. Sed Evagrius lib. IV. c. 2. ex Zacharià Eutychem refert, eum per vim sese Imperatorem fecisse, occisis Theocritiano & Amantio Præfectis cubiculi. Addit Procopius, à Justiniano interfectum Amantium, cum nonnullis aliis; ob leve dictum in Johannem, urbis Antistitem, jactitatum.*

Vide, quantà *varietate affectuum* scripta sit horum temporum historia! *Zonaras* interfectos quidem ait Amantium & Theocritianum; sed in consilio interficiendi Justiniani deprehensos. *Marcellinus Comes Justiniani Cancellarius, in Chronico*: Amantium, Andream, Michaëlem & Ardaburium *Manichæorum* fautores, & Justiniani Augusti proditores, deprehensos esse. *Victor Tununensis*: Amantium seditionem in populo suscitaturum fuisse, ut Imperatorem alium faceret. *Jornand. lib. I. de Successione*: Amantium regno Justiniani inhiasse, & Theocritum ad regnum clam præparasse.

Statim atque imperium Justinus adeptus est, *Concilium Chalcedonense*, quod Marciani temporibus contra *Dioscorum & Eutychem* hæreticos habitum fuit, acerrimè propugnavit; exules & orthodoxos restituit. *Zonaras d. l. Acta Saba, apud Surium tom. VI.*

d. 5. Decembr. An ob id flagellum irati Dei? An mereri potest convitia hæc, quæ *Procopius* jacet, velut è plauastro: Nullo bono fuisse *Justinum*, insignis hominem stoliditatis, summâ cum infantiâ, summâq; cum rusticitate conjunctâ? Si quid video, à diversitate religionis hæc proficiscuntur; & qui *Amantii* cædem, nequissimi *Eutychianorum* patroni, tam moleste fert, quid de illius fide suspicabimur?

Aliis *Manichæus* dicitur, ut *Marcellino* & *Actis Synodi Constantinopolitane* apud *Baron. in A. C. 518. n. 18.* Acclamat in iis populus: *Sanctus, Sanctus, Sanctus, Trinitas vincit! Et nunc non timeas Amantium nec Manichæum. Iustinus regnat: Quid times Amantium?* A Tyriis vocatus est αὐτάρτης τῆς τριᾶδος, hoc est, rebellis Trinitatis; & à Byzantiis *Zummas*, ab insigni *Manichæo* ejusdem nominis; quod ipse fatetur *Alemannus*.

Conqueritur ibidem *Procopius*, sub *Justino Justinianum* impetum fecisse in opum alienarum rapinas, in cædes; sicut pro nihilo duceret, innumeram perdere omnis criminis infontem multitudinem. Ego apud alios reperio, solùm pulsos, & facultatibus suis exutos hæreticos; quosdam & capite punitos. Vide l. 12. C. de *Hæreticis* & *Manichæis*. Magnam imprimis *Manichæorum cædem* editam, inquit *Cedrenus*. Non potest aliorum cædem objicere *Procopius*, quàm istorum; de quâ injustè conqueritur.

Non in eâ sumus opinione, hæreticos & quoscunque in religione errantes statim ad ferrum & ad ignem damnandos esse: Non sum *Cyclops*, aut *Phalaris*;

laris; cui ludo ac joco sanguis humanus est: Sed hîc punienda fuit crudelitas & immanitas, quam iidem hæretici, sub Anastasio in orthodoxos exercuerant. Legenda sunt *Acta Synodi Constantinopolitanae contra Anihymum*, in quibus reperimus, multos occisos, plures correptos, & in captivitatem tractos, vestibus & pecuniis exutos. Hos igitur ut ulcisceretur, ipsa justitia cælestis Justinum jussit: *Quomodo Reges servient Domino in timore, nisi ea, quæ contra jussum Domini fiunt, religiosâ severitate prohibendo atque plectendo*; ut inquit B. *Augustinus in epist. ad Bonifac.*

Eodem jure Procopius conqueritur de insidiis Vitaliano structis. Non satis æstimat, quâ cupiditate invadendi imperii flagrârit, quamq; illius obtinendi hæreticos ipsos omnibus modis adjuverit. Legenda *Epist. LXII. Legatorum Apostolicorum scripta ad Hormisdam Pontificem apud Baron. in A. C. 519. n. 90.* Evagrius dignum censet Vitalianum hâc morte: *Has pœnas, inquit, pro sceleribus, si tam inconsideratè contra imperium Romanum consciverat, persolvit.* At modum laudare non potest: *Ut eum deciperet, inquit, velavit odium fraudulentis blanditiis, simulato vultu. Quin unum ex ducum numero, qui Præsentes vocantur, eum designat; & quò magis in laqueos incideret Vitalianus, ad Consulatus quoque fastigium pro-*vexit.

Est aliàs hic character tyrannici animi: Hinc enim Romani Scriptores perstringunt Tiberium, qui *Libonis Drusi* exitio imminens, interim eum ornatis præturâ, convictibus adhibuit, non vultu alienatus, non
verbis

verbis commotior. Vide Tac. lib. II. Ann. c. 38. De Nerone vide eundem lib. XIV. Annal. c. 56. De Bassiano Spartian. in Getâ p. 92. & in Caracalla p. 86. De Domitiano Suet. cap. 12. De Vitellio Tac. lib. II. Hist. c. 59.

Sed meritò dubitat *Baronius*, annon hæc ipsa *Evagrius* hauserit è *Zachariâ Eutychiano*. Sed esto, fecisse talia *Justinum*; patrocinator hîc quoque necessitas, quæ sæpè cogit ab ordinariâ juris viâ deflectere ad versutiæ semitam; cum vulpe vulpinari, & fraudis alienæ clavum alio veluti clavo pellere. Securitati suæ, quàm variis modis sibi consuluerint viri magni, approbantibus magnis politicis, alibi docti cui sæpius. *Titus*, *Vespasiani* filius, atrox commisit inter sacra mensæ, & coram hospitalitiis Diis; sed hoc excusat *Berneggerus* ad *Suet. Tit. c. 6. §. 9.* his verbis: *Stultè fecisset, si in tali discrimine voluisset ordinario juris uti processu.* Eodem modo hîc dico: *Stultè fecisset Justinus, si apertè voluisset aggredi Vitalianum; à quo metus erat, ne, insidiis deprehensis, magnum tumultum concitaret. Fatetur ipse Evagrius, Vitalianum aliâ ratione non potuisse de medio tolli.*

Ex his, ut puto, satis manifestum est, quàm lubricum sit, insistere *Procopio*; & quàm ille Scriptor odii & diversæ religionis suspectus haberi possit. Sed auctoritatem suam maximè convellit pag. 81. ubi inter *Justiniani* graviora facinora refert, quod *Arrianis* suis ritibus interdixerit. Cogita, qui bonus es, & fatebere; vix aliam *Procopium* habuisse causam deprecandi & destinguendi *Justinum* & *Justinianum*, quàm

quàm quòd hæreticis exilia indicendo, solitudinem alicubi fecissent; & fortasse simul involvissent nonnullos, quibus ipse benè cupiebat.

Analphabetum fuisse hunc Principem, largior *Procopio*; & qui *Procopium* exscripsit, *Suida*: Nam *codices* Scriptoris hujus *Vaticani* omnes non *Justinianum*, sed *Justinum* analphabetum faciunt; ut desinant nugari viri maximi, qui è *Suidâ* Justiniano tam crassæ ignorantiae crimen impingunt. Non dicam de aliis. Illud *Baronii* in *A. C. 563. n. 7.* quantum ruborem incutere debuisset ipsi auctori suo: *Justinianum*, cum expers penitus literarum esset, ita ut nec ad legendum ipsa elementa suppeterent; nihilominus voluisse omnium videri doctissimum Episcoporum. Quam sententiam suam repetit in *A. C. 565. n. 10.*

Scriptit *Anastasius* in *Johanne II.* misisse *Justinianum* fidem suam *chirographo scriptam proprio* ad sedem Apostolicam. *Procopius lib. III. Belli Gothici* auctor est, *desedisse* ad multam noctem in museo cum Senioribus quibusq; attentissimo studio, arcana Christianorum dogmatum investigantem. Ad disputandum provocabat hæreticos omnes, & eos valdè premebat, nunc probabilibus rationibus, nunc demonstrationibus, nunc testimoniis Sacrarum literarum usus; ut est apud *Eustath. in vita S. Eutychii.* *Novellas complures* non per alios, sed ipse conscripsit, ut colligitur ex *Arc. Hist. p. 63.* Quantum in Philosophicis profecerit, docet *c. Agapetus in paranesi ad Justinianum*: *Nostri temporibus ostensum est, prosperæ vitæ tempus, quod prædixit quidam ex veteribus futurum,*

cum vel Philosophi regnarent, vel Reges philosopharentur: Nam philosophando digni habiti regno estis, & regnando à philosophia non descivistis. Vulgavit hanc ipsam parænesin Baron. in A. C. 527. Nec sparsum de Justiniano mendacium convincere potuit, quod miramur. Denique docti & sapientissimi Principis titulum Justiniano Theodahadus tribuit apud Cassiodorum; tum doctissimum appellatum in MS. quodam Vaticano observavit Alemannus, cujus verba ibidem recitat: *Quinta Sancta Synodus Constantinopolitana temporibus Justiniani doctissimi Imperatoris.*

Sed ad *Justinum* nostrum: Cui licet magnum ornamentum attulissent literæ, si discere voluisset aut potuisset; tamen dum notitiâ destituitur, non ob id detestabilis & unco dignus. Quòd ait Procopius, *nunquam Romanis evenisse, ut haberent Principem tam imperitum*, qui subscribere non posset: Habuerunt tamen *infantes & puerulos Principes*, quibus ad subscribendum magistri literarii manus tenuerunt; ut loquitur *Vopiscus in vita Imp. Taciti*. Et hæc pro Justino dicenda videbantur.

Mortuus est recrudescente vulnere, quod in pugna quondam acceperat; cum vixisset annos LXXVII. imperâisset annos IX. mensem I. dies 3. *Aleman. in Procop. p. 44.* Incidit enim obitus illius in A. V. 1278, quo Consulatum gessit Fl. Mavortius.

JUSTINIANUS.

Sic tandem ad Imperatorem deventum est, cujus nomen multos laudatores invenit; nec pauciores tamen,

tamen, à quibus multum infra mediocres Principes deiceretur. Qualem *Augusti fortunam* fuisse post excessum ejus notavit *Tac. lib. I. Ann. c. 1.* Cum ait: *Apud prudentes vita ejus variè extollebatur, arguebaturve.* Nimirum Deus Opt. Max. partes agendas imponit Principibus in vasto admodum theatro: *Spe- Etat fabulam, quam agunt, totus terrarum orbis: Tot judices sunt, quot homines; & tam modestus nemo est, qui de illis sententiam non ferat.* Nos nihil affectibus dabimus, quorum etiam causas procul habemus; sed quod historiæ genuinæ me docuerunt, propinabo rursus, nullo livore, nulla ambitione corruptum aut fermentatum. Utinam idem factitassent in historiis posteriores *Græculi*, nihil ultra posteritas ambigeret, jurene an injuriâ hoc vel illud diceretur? Sequar autem ordinem, quem *Giphanius* sibi delegit in *commentariolo* de hoc ipso Principe.

Natum esse Justinianum Fausto Cos. A. V. 1234. imperante Zenone, scribunt *Octavius de Strada* & *Giphanius*; è quibus hîc pro assertione sua *Marcellinum in Chronico* citat. Sed neque in editione *Onuphriana*, neque in altera *Scaligeri*, neque in postrema, auctissimaque *Sirmondi* tale quid reperio. An *Onuphrium* secuti, qui in Fastis Justinianum imperasse scribit annos XXXIX. vixisse annos LXXIII. sic colligerunt, detractis annis, quibus imperavit, remanere XLIV. At cum imperium adeptus sit Fl. Mavortio Cos. A. V. 1278. natum videri A. V. 1234. quo secundum *Marcellinum in Chronico* Consulatum gessit Faustus. Quamobrem hoc solum dicit *Marcellinus* XLIV.

annis ante imperium Justiniani Consulem fuisse Faustum; non autem illud, quod *Strada & Giphanius* concludunt, Justinianum Fausto Cos. fuisse natum.

Onuphrium quod attinet, confidentior est in affirmando, quàm felicior in probando: *Zonaras* ait, imperium adeptum, cùm natus esset annos XLV. Sed sibi ipsi non constare, arguunt præcedentia Justiniani ad Senatum: *Vobis optandum est* (scilicet qui Justinianum mihi collegam tam avidè desideratis) *ne purpuram junior aliquis induat*. Quomodo junior, si XLV. ætatis annum ingressus est? ut breviter dicam: Annus & Consulatus, quo Justinianus lucem prænitens adspexit, me latet; sed diem natalitium s. Id. Maj. novimus, quo ludos esse celebratos scribit *Theophanes*.

Patriam Justiniani *Giphanius* è *Procopio Taurisium*, ex *Agathia Boderinam*, ex *Nicephoro Achridum* appellat. *Boderina* vox nihili est. Ex melioribus codd. legendum, *Βεδερίνη*, *Bederina*. Distinctius præterea agendum fuit: Non enim unius ejusdem loci nomina sunt, *Taurisium*, *Bederina*, *Achridus* sive *Justiniana prima*. *Bederinam* præsidium dicit *Procopius*, ejusq; vicinum oppidum *Taurisium*: In hoc oppido natum esse Justinianum, non *Bederinæ*; idq; postea nomen tulisse *Quadriturritam*. Juxta *Quadriturritam*, sive *Taurisium*, locum natalem, Justinianum deniq; *Justinianam primam* urbem nobilissimam condidisse. *Giphan. & Baron. in A. C. 535. n. 55.* mutilum locum exhibent ex editionibus mutilis. *Vaticanus* codex sic Latine loquitur: *Apud Dardanos Europæos, qui post Epidamniorum terminos habitant,*
ad

ad præsidium, quod Bederiana vocatur, oppidum est Taurisium nomine. Hinc Justinianus princeps, orbis reparator ortus est; eum locum muro circumdans quadrangulâ figurâ, singulis angulis turrim imposuit; effecitq; ut esset & vocaretur Quadriturrita. Juxta eundem locum urbem nobilissimam condidit, quam Justinianam primam appellavit; atque nutritionis officium altrici patriæ rependit. Verus igitur natalis locus Taurisium; at Bederina & Justiniana prima civitates non procul Taurisio sita. Tamen Bederinam eandem cum Justiniana facit Agathias: Nos Procopium, ut accuratiorem hîc sequimur. Tot verò Imperatores Illyricum dedit, quot non ipsa Roma, ut ex Impp. catalogo facilè constabit.

Parentes Justiniani non potuit scire Giphanius; sed nobis hodiè noti sunt è Procopio, Theophane & Theophilo. Refert Theophanes, Prasinos populumq; Constantinopolitanum Justiniano publicè aliquando inclamâsse: *Utinam in lucem Sabbatius non venisset, certè filium te non habuisset sanguinarium.* Scriptoris ejus narrationem è Vaticana bibliotheca primus publicavit Nic. Alemannus ad Procop. p. 63. Hic igitur Sabbatius Justiniani pater; quamvis Procopius *Arc. Hist. p. 57.* anilem fabulam non erubescat inferere, matrem Justiniani nonnullis affinibus retulisse; hunc non Sabbatii conjugis, aut hominum cujusciam esse sobolem; sed eo gravida antequam esset, quandam genii speciem ad se ventitâsse; quæ non ad visum, sed contactum se præberet, accubaretq; sibi, & quasi maritus se conjugem iniret; deniq; veluti per insomnium evanesceret.

Matrem Biglenizam *Theophilus in vita Justiniani* prodidit. Eandem, quòd filium à *Theodore* nuptiis revocare non potuisset, mœrore animi contabuisse, scribit *Idem*. Fallor, an hujusdem nomen tulit soror Justiniani, quam *Vigilantiam* appellant *Procop. lib. I. Vand. & Victor Tununens. in Chron.* Nam bara, bara formabant ad Latinæ linguæ suavitatem. Sic, cum ipse Justinianus à popularibus suis Illyriis U-
 ,, P R A U D A nuncuparetur (ut est apud eundem
 ,, *Theophilum*) Romanis JUSTINIANUS appella-
 tus est. Fuit autem hæc Bigleniza soror Justinii Im-
 peratoris, adeoq; Justinus Justiniani avunculus; quem
 ipse Justinianus in *Constitutionibus* sæpè patrem appel-
 lat, quòd ab eodem adoptatus esset.

Reliquam familiam Justinii quod attinet, ei, ne-
 scio quo applausu, *Badoarios* Venetos inserit Giphani-
 nius. Quicquid sit, Badürum, Baduarium &
 Boraidem ex hac gente observare licet. Badurius
Vigilantiæ filius, & *Justinii junioris* frater, avunculum
 habet *Justinianum*, patrem dulcissimum; Comes fa-
 ctus Imperatorii stabuli. Meminit ejus *Theophanes*
 ad annum Justinii octavum. *Diaconi* locum notatu di-
 gnum, jam observavit Giphanius. Baduarius ge-
 ner fuit Justinii junioris, ducta hujus filia *Arabia*;
 quod nomen è Παργίους Constantinopolitanis primus
 eruit *Alemannus*. Boraides Justiniani Imperatoris
 nepos ex fratre. *Procop. lib. III. Goth.* Nec aliter apud
 eundem legit *Photius Cod. LXIII.*

Ipse Justinianus filium habuit *Theodorum*
 Tziron,

Tziron, cujus *Theophanes* apud eundem *Phot. Cod. LXIV.* memoriam conservavit. Sed is è *Theodora* non fuit, de qua mox: Nam quamvis *Theodora S. Sabam* de precibus ad Deum fundendis rogâisset, pro impetranda sobole masculâ; tamen frustra fuit, ut docet *Baron. in A. C. 530. n. 24. 25.* Unam ex hac filiam habuit, & ex ea natus *Anastasius*, *Johanninæ* maritus, *Belisarii* & *Antoninæ* gener; quod ex *Procopii Arcana & Vandalica* didicimus. Nomen incompertum est. Ex his patet error *Constantini Manassis*, qui negat, *Justiniano* filium & filiam fuisse. Mentitur etiam *Pseudogordianus in Epistolis*, qui *Theodoræ* plures liberos tribuit. Invenimus & privignum *Justiniani Johannem*: Nam *Theodora*, antequam *Justiniano* nuberet, *Arabem* quendam in matrimonio habuit; ex quo natus est iste. *Procop. in Arc. p. 76.*

Propagata quoq; *Justiniani* domus per sororem *Vigilantiam* & fratrem *Anonymum*. E *Vigilantia* & dulcissimo ejus marito nati *Justinus junior Imperator*, *Badurius*, Comes imperatorii stabuli, de quo dictum est; & *Marcellus*, quem *Corippus lib. II.* nominat. Denique *Projecta* filia, conjux *Areobindi*, *Præfecti prætorio Orientis & Africæ*, & postea *Johannis Pompeji filius*. *Anastasio Imp. pronepotis. Procop. lib. II. Vand. lib. III. Goth. Marcell. in Chron.* E fratre anonymo sunt *Boraides*, *Justus* & *Germanus. Procop. lib. II. Pers. Marcell. & Jornand. in Get.* *Germani* conjux prima *Passara*, quæ illi *Justinum*, *Justinianum* & *Justinam*

peperit. *Procop. lib. II. Goth. & in Arc. Hist. p. 23.* Secunda Mathasuenta, Eutharici & Amalasuntæ Reginae filia. *Idem lib. III. Goth.* Mater Germani Posthumi *Jornandes in Get.* Hæc Justiniani familia, quam conferes cum *Giphano*; & videbis, quantum post illum observatum sit.

Post hæc agit de Theodora, Justiniani conjugē; in cujus gratiam multas leges pro commodo sequioris sexus Imperator tulisse dicitur. In Cypri natam vult idem *Giphanius*, secutus *Nicephorum, Zonoram, & alios.* At Byzantinam fuisse, ferè colliges è *Procopii Arc. Hist. pag. 40: Acatius quidam, inquit, erat Byzantii, bestius ad amphitheatrales Præstorum venationes alendis præfectus; quem vocant Ursarium. Hic, Anastasio Principe, morbo perit; tribus foemellis relictis: Comitona, Theodora, & Anastasia; quarum natu major vix septimum annum attigerat.* Hæc ille, quibus conciliandis cum *Nicephoro & Zonora*, dicendum erit: *Acatium, Theodora parentem relictâ Cypri Constantinopolim venisse cum tribus filiabus, nec diu admotum ἀρχιτερόφου, hoc est, urso- rum altorem fuisse, morte interceptum.*

Sed alia sunt ulterioris examine indiga, quæ idem *Giphanius* adfert è *Nicephoro*: Ait enim, Justinianum in Theodora gratiam, natalem civitatem ejus in Cypri non minori splendore, quam suam exornasse; & *Justinianam secundam* appellasse. Primum, Justinianam secundam alii non habent in Cypri, sed apud *Dardanos Europæos*; & *Ulpianam* quondam fuisse scribunt. *Procop. lib. IV. de Edific. Justin.* Justinianam

nam novam in Cypro agnoscit Concilium Trullanum in Can. XXXIX. Forſan hanc nominare debuit Nicephorus? At quæro iterum, ſi Juſtinianus in Theodoræ gratiam eam exornavit, cur non appellat *Theodoriadem*, aut *Theodoropolim*? quæ certè in illius honorem conditæ, inſtaurata, exornata ſunt, ejus etiam nomen ferebant. Theodoriadem propè Carthaginem novam ponit *Proc. d. l. IV.* Theodoriadem in confinibus Colchidis *Agath. lib. V.* Theodoriadem in Aſia minori Concilium quintum *Conſtantinop.* Theodoropolim non unam *Procopius* idem; nec parùm genuina *Nicephori* narratio mihi videtur.

Mores hujus ſceminæ ſi minùs commendo, nec id proficiſci putes ab animo feſtivis illis Cypricæ Deæ ſacris non initiato; atque adeò in ſexum muliebrem duro & adverſo: Sic me docuerunt veteres & recentiores plerique omnes. Ajunt enim, cùm primum ad ætatis florem perveniſſet & maturitatem, *ſcenæ deſtinatam in matre*, ſtatimq; *inter proſtibus* habitam. Nolo cetera. Cùm Juſtinianus amore faſcinatus, eam tandem duxiſſet, nullum tam inauditum, tam execrandum piaculum fingi animo poſſe, quin graviora molita ſit; & ipſa re perpetrârit, in Senatum, in Magiſtratum, in plebem, in Deum & Dei filium. Imperatorem ipſum velut ſub imperio conjugis fuiſſe. Vide præter *Procop.* & ejus interpretem *Aleman. Baron. in A.C. 535. n. 61.* & *Giphanium* ipſum.

Cùm Senatus olim in honorem *Livia*, Tiberii matris, nobiliſſimæ ſceminæ decreturus eſſet, ut Mater Patriæ diceretur, ut nomini Cæſaris adſcri-

beretur, Juliae filius! Tiberius id prohibuit, *moderandos foeminarum honores dictitans; & muliebri fastigium accipiens in diminutionem sui.* Ut scribit Tac. lib. I. Ann. c. 14. Justinianus noster scenicam mulierem omnis potestatis participem facit: Juratur per *Justiniani & Theodora fidem*: Communis utrique titulus scribitur in monumentis publicis: Imò quod *Zonaras* ait, plus Imperatore ipso pollet uxor. *Heu miserum virum, in cujus domo gallina canit!* ajebant olim Romani, si *Donati ad Terentium* credimus.

Sed quid? Idem infortunium, eadem calamitas omnium ferè magnorum virorum extitit, ut *uxores* haberent verè *carcinomata*, & *maculas laudum* suarum. *Multis illustribus dedecori fuit uxor*, inquit *Plinius* in paneg. c. 83: *Foris claros domestica destruxit infamia; & ne maximi cives haberentur, hoc efficiebat, quòd mariti minores erant.* Quæ causa? quia consilium hîc omne fortuna in potestate habet: *Equus, bos, asinus, canis & vilissima mancipia probantur, & sic emuntur: Sola uxor non ostenditur, ne prius displiceat, quàm ducatur*; ut ait, nescio quis, apud *Bernegg.* ad d. l. paneg. Inter omnia humana decora difficillima virtutum censura est, quarum sedes in animo, eoq; ab oculis remota; & argumenta, quæ in mulieribus foras prodeunt, non semper sincera sunt; ut verba *Brunn.* lib. VII. Ann. leviter immutem. *Similes sunt Candidatis in campo Martio*, in quos optimè conveniunt illi *Plautini* in *Capt. act. 2. sc. 1*:

Nam

Nam ferè maxima pars morem hunc, homines habent: Quod si volunt,

Dum id impetrant, boni sunt: Sed id ubi jam penes sese habent,

Ex bonis pessimi & fraudulentissimi

Sunt. - - - - -

Nondum maritalæ virtutis vultum induunt; adeptæ spoliū, quod concupivere, in omnem insolentiam statim effunduntur.

Sed Justinianus norat *scenicam* esse, & parere debuerat illis, qui matrimonium infame dissuadebant. Ut censuræ severitatem mitiges, observes maximorum Principum exempla; quibus adversus omnia infractus animus, sed in muliebrem formam imbecillis fuit. Theodoræ *forma cœlitus lapsa* videri potuit, ut hîc *Capitolini* verbis utar, in Maximin. *Omnes una omnes surripuit Veneres!* ut versu Catulli.

Qualis ubi Oceani perfusas lucifer undâ

Extulit os sacrum cœlo, tenebrasq; resolvit;

Talis erat Theodora. - - - - -

Ut *Virgilii* versus huc accommodem. Nam ita *Procopius* ipse lib. I. de *Ædific. Justin.* de statua Theodoræ à Byzantinis posita: *Præstantis quidem figura imago est, sed à pulchritudine Augusta longè abest; cùm ejus formæ præstantiam humanum non potuit artificium vel sermone declarare, vel exprimere simulacro.* Ejusdem imaginem ex musivo opere *Alemannus* in ære Cyprio exhibet ad *Procop.* p. 42. unde nihil mentitum hîc esse *Procopium*, facile animadvertimus.

Igitur cœlestis illa forma, pro imaginibus majorum

rum

rum pro virtutis suffragio, denique omni alia re efficacior fuit; & Justinianum ipsum in potestatem redegit. Sic olim *Cleopatra Julium Cæs.* heroem incomparabilem; sic *Augustum Livia*; sic *Germanicum Agrippina*; sic aliæ alios ad voluntatem suam habuerunt. Gallos veteres fortissimos viros, & qui arma victoriciæ per Europam Asiamq; circumtulere, cum *Annibale* fœdus iniisse legimus apud Plutarchum in *lib. de Virtutibus Mulierum*; cujus hoc caput ad memoriam nostram pervenit: Si quis Carthaginensis homini Gallo fraude dolo ve malo injuriam fecisset, ejusce injuriæ auctorem apud Carthaginensium duces præfectosq; reum peragendum esse. Quod si quis Gallo litem intendisset, causæ cognitionem ad Gallorum uxores pertinere, easq; ex æquo & bono arbitras & iudices fore.

Mox Giphanius à Cedreno describit Justiniani formam & staturam corporis; eam Procopius ita depingit: Corpore neque procero fuit, neque pusillo nimis, sed quo staturam corporis non excederet; neque omninò gracili, sed succi moderatè pleno; vultu tereti, nec invenusto, quippe qui post biduum ruberet jejunos: Ejus species, ut verbo statuam, Domitianum Vespasiani filium plurimum referebat. Hæc Procopius in *Arc. Hist.* p. 37. At si numos Domitiani, quorum multos habemus, cum imagine Justiniani (quam ex opere Musico Alemannus exhibet) conferimus, ea similitudo vix apparet.

„ Sed non ob id Procopii descriptionem rejec-
 „ cerim. Est, ut aliarum rerum, sic perpetua forma-
 „ rum mutatio; & qui nunc similis videbatur huic,
 „ alio

alio tempore dissimilis effectus est. Unius principis “
monetas qui conspicit, pro diversitate loci & tem- “
poris Proteo mutabiliorem effectam & excusam ejus-
dem formam deprehendet. *Quoad ruborem non dis-*
similis esse potuit Domitiano; nam de hoc Suet. in
ejus vita, cap. 18: Commendari se verecundiâ oris adeo
sentiebat, ut apud Senatum sic quondam jactaverit: Usq;
adhuc certè animum meum probâstis & vultum. Item:
Vultu erat modesto, ruborisq; pleno. De eodem Tac. in
Agr. cap. 45: Sævus ille vultus & rubor, à quo se con-
tra pudorem muniebat. Item: Plin. in paneg. cap. 48:
In ore impudentia, multo rubore suffusa. Hîc nota:
Cum rubor sit verecundiæ color, Domitianus cum
erubuit, omnem verecundiam detrivisse videbatur.

Similem etiam reddidit, ni fallor, calvities. De
Domitiano Suet. dicto loco: *Postea calvitie quoque*
deformis. De Justiniano Chron. Alexand: Fuit Justi-
nianus rotundâ facie, pectorosus, candidus, raro capillo,
recalvaster, rotundis oculis, formosus, florido aspectu,
subridens, subcanus, mento rasus, ritu Romanorum;
naso justo, subalbus. Volui hac occasione locum to-
tum describere. Interpres Procopii eruditissimus de
calvitie non credit his Fastis; hinc tumultuariè ista
hinc indè descripta pronunciat p. 28. & Cedrenum, qui
tribuit κεφαλήν ἐψιλωμένην, emendat, ac legit, ἐψαλ-
λισμένην. Nemo enim est, inquit, qui Justiniani calvi-
tiem in antiquis numis viderit.

Verùm hoc; & præter alios fidem facit aureus
Caroli Croyi Ducis Arschottani, in quo nihil capillo-
rum deficit, nulla in Justiniani calvâ nuditas apparet:

Sed

Sed nollem ex hac ratione, sanè quàm levi, scalpellum criticum adhibuisset. *Statuariis solenne novimus, non exprimere vitia corporis; & notum illud Dionis Chrysostomi Orat. XXXVII: Agesilaus nunquam corporis sui imaginem vel fictam vel expressam fieri voluit; non quia claudus erat, & parva statura: Quid enim prohibuit, quò minùs statua grandis esset? Quid, quò minùs integris pedibus; quemadmodum Euphranoris Vulcanus.*

Idem faciebant monetarii: Hinc enim Domitianus in numis omnibus, quos vidi, *benè capillatus; & grande piaculum fuisset, si monetales exhibuissent calvastrum; cùm vel ad calvitii mentionem levissimam excandesceret. Nec immeritò calvities apud Romanos urbanorum dictariis nimis erat obnoxia; nam & mimi apud eosdem introducebantur calvi, deridiculi gratia: Et in palliatis leones & parasiti, etiam calvi vel derafi. Sæpè in comœdiis legas calvos pro ignominiosis; qui nec pilum bonæ mentis haberent. Salmas. in Epist. de Caesar. Vir. p. 237.*

Unde nihil mirum, si *capillatos Principes* videamus in numis; qui aliàs calvitio deformes & ridiculi fierent: C. 7. *Cesarem Dictatorem* observant antiquarii nostri plerumq; in numis *velatum*, prominente supra frontem *laureâ*; non tam, ut significarent Pontificem Max. & triumphalem, quàm ut calvitiem ejus absconderent. Vide *Gorlaum in numis gentis Juliae.*

Ex eadem causa factum, ut qui natura pilis defecti essent, & calvi adscito capillitio, quod deficiebat, explerent; & calvam vestirent nudam. *Casaub. ad Suet. Oth. c. 12.* observat non tam viris, quàm *foeminis* usi-

tatum

zatum fuisse, adsciscere id genus capillitium ex illo Ter-
tulliani de cultu fœminarum: Affigitis præterea, ne-
scio quas, enormitates sutilium & textilium capillamen-
torum; nunc in galeri modum, quasi vaginam capitis &
operculum verticis; nunc in cervicem retrò suggestum.
Meminit ejusdem consuetudinis Avienus:

Nam mox dejecto nituit frons nuda galero.

An uterque Domitianus & Justinianus, cùm id ge-
nus adscititio capillamento in numis expressus est?
dubito.

Hinc se confert Giphanius ad describendas ani-
mi dotes; & primùm, qualis domi suæ fuerit; dein,
qualem se publicè gesserit, breviter ac velut summatim
docet. Justinianum non fuisse αὐτοκράτορα, contra
vulgus asserit, & rectè. Vide, quæ supra diximus in
Iustino. Tum prudentiam & fortitudinem paucis com-
mendat è Procopii Vandal. de utraque pluribus agen-
dum erit in commemoratione rerum gerendarum.

Posthæc comitatem & facilitatem in audiendis
hominum desideriis deprædicat è Zonora. Nimium
autem humanitatis fuisse vult Procop. lib. II. Persic:
Chosroæ legatum Isdigunen ea humanitate & honore
Justinianus, quo nullum antehac legatum, excepit;
cùm enim ille secum epularetur, Braducionem, ejus as-
sectatorem ac interpretem, in mensa apud se decumbere
voluit: Quod nunquam ex omni antea acti temporis me-
moriam usurpatum fuit. Nam interpretem cum vel in-
fimi ordinis, Magistratu, nedum cum Imperatore, ad
mensam considerare, nemo est, qui viderit. Quin & Isdi-
gunen ipsum longè honorificentius, quam pro legati
con-

conditione excepit, ac remisit; licet nullam rem ejus legatio contineret. Sic Alemanni ore loquitur Procopius; nam quædam secus accepit & reddidit *Raphaël Volaterranus*.

Cæterum non magni momenti hæc accusatio videtur. Revocat ad superiorum Principum fastum, qui imperium, quod Augustum æternum & adamantinum fecisse sibi visus est, turpiter amiserunt; & ad illorum consuetudinem Justiniani mores exigit. Imò plerumque maximorum heroum character est *συναρπάζειν*, ut loquitur *Plutarch. in Præcept. de Rep. gerend.* vel *ἀνθρῶπενεσθαι*, ut *Arist. lib. X. Nicomach.* hoc est, fastigium suum in planum deducere. Quid de *Theodosii Magni Φιλανθρωπία* *Claudian. Paneg. in Consul VI. Honorii?*

*Alternos cum plebe jocos dilectaq; passus
Furgia, patriciasq; domos privataq; passim
Visere deposito dignatus limina fastu.*

Procopius aliquis à *Theodosio* alienus judicasset, non meminisse illum, se Imperatorem esse. Contra morem superiorum Principum egit *Julianus*, qui Cal. Januariis creatis novis Coss. Mamertino & Nevitta, officio Consulari cum aliis honoratis *adfuit pedes*; quod alii reprehenderunt & vile & indignum Imperatorio culmine, ut scribit *Ammian. lib. XXII. p. 209.* nos iis accedimus, qui laudârunt. Nam & in historia *Marc. Antonini*, quam ille æmulabatur, ut perfectissimum civilis virtutis exemplar, reperio ipsum sic honorasse filium suum Consulem factum, ut in officio cum aliis *pedes curreret.* Vide *Capitol. in Marco.*

Quid

Quid de *Alexandro, Mammææ filio* dicam? qui cum amicis tam familiariter vixit, ut communis ei esset sæpè confessus, iret & ad convivium eorum; aliquos autem haberet quotidianos, etiam non vocatos: Salutabatur verò quasi unus ex Senatoribus, patente velo, admissionalibus remotis; aut solis ius, qui ministri ad fores fuerant: Cum antea salutare principem & videre non liceret. Auctor *Lampridius* ex emendatione *Salmasii* & *Casauboni*. Addit ibidem: Salutabatur nomine (hoc est, *ave Alexander*) si quis caput flexisset, aut quid blandius alicui dixisset; uti adulator vel abjiciebatur, vel ridebatur ingenti cachinno. Molestum quidem hoc erat *Mammææ* matri, & uxori *Memmiæ*, dicentibus: *Molliorem tibi potestatem & contemtibiliorem imperii fecisti*: Sed ille respondit sapientissimè: *Sed securiorem atque diuturniorem*. Hic profectò civilitatis fructus est, ad tuendam imperii felicitatem his artibus opus:

*Publicus hinc ardescit amor, cum moribus equis
Inclinat populo regale modestia culmen,*
ait in suprâ citato paneg. *Claudianus*; & quod paradoxon videri possit, surgit, qui descendit. Sic enim de *Antonino Pio* *Capitolinus*: *Imperatorium fastigium ad summam civilitatem deduxit, unde plus crevit*. Non fecit ad aulicorum doctrinam *Augustus*, qui, ut scribit *Suet.* in ejus vita, cap. 73: *Suppellectile usus est, quâ privatus aliquis nollit; ne toro quidem cubuit, nisi humili, aut modicè instrato; nec vestem aliam, quam domesticam induit, ab uxore & filianepribusq; confectam*.

Fortunam quoque suam ignoravit *Carus*, de

quo *Synesius* in lib. *ⲉⲃⲓ ⲃⲁⲥⲓⲗⲉⲓⲁⲥ*, cū in expeditione Persica Legati hostium eum adiissent, circumdatum quidem frequenti milite, sed auro & argento nihil cultum: Ipsum autem tunicā indutum, in herba vescentem pulmento quodam piseo, & frustis salsa suilla carnis inveteratis. Alii de *Probo* referunt.

Ut è recentioribus nonnihil addam, *Rudolphus* I. erudiendus etiam fuit in *Procopiana* schola, qui mirā civilitate semper usus, etiam vestitu nihil à plebejis differebat. Jucundum est, quod de illo præter alios refert *Lips. lib. II. Monit. & Exempl. polit. c. 15. exempl. 5.* Manè egressus solus (& aura frigidior erat) videt in pistoris domo carbones de fornace recentes, ignitos. Intrat fidenter, adsistit, calefacit: Cū mulier eum adspicit, & ex vestitu æstimans: *Heus*, inquit, *mi homo*, parum decet vos, ad mulierculas & in alienam domum sic venire. *Rudolphus*: *Mea mater*, miles sum, qui meas res in obsequio & comitatu Imperatoris contrivi; at ille parum benignè me nunc habet, nec pro spe aut meritis muneratur. Mulier ad illud Imperatoris nomen cœpit stomachari, & multa mala in *Rudolphum* dicere: *Quin iste vir est*, inquit, *qui nos & nostra perdit, pauperum scopulus & exitium.* Merito vobis hac eveniunt, qui adhaeretis, & sequimini; atque ut plura eveniant, opto. *Rudolphus* delectatur procaciā mulierculæ: Sed mulier, inquit, de me missum face: Vos propriè quā re læsit? ibi mulier exclamare: *Ille ne?* qui omnes pistores hujus urbis, lautos satis antea, fortunis evertit: *Nec facile resurgemus.* At tu bone vir, fabulari desine; nec ultra molestia, aut impedi-
mento

mento nobis esto, abi! Aliquid voluisset etiam Rudolphus, sed illa Amazoni vas aquarium in prunas accensas jecit; & fumo, vapore, cinere perfusum ejecit. Carolus V. (quo post Carolum primum majorem principem Germania non habuit) celebratus ob id pulcherrimis istis versibus:

Carole, mortales dubitant, homo sisne, Deusne:

Sunt tua sceptrum hominis, sunt tua facta Dei.

Et ab eodem Rudolpho oriundus, vix intellexit, quid imperatoriam majestatem deceret; viderunt in *atræ lanæa penula, & vili pileolo*. Multi calumniati sunt, & Principem requisiverunt; sed ut censet *Lipsius*, viro-
rum vaniores.

Memorabile est, quod de eodem referunt alii: Quum jam senex regna omnia *Philippo filio* tradidisset, ad eumq; *Flissingæ in Selandia* ventum expectantem, quo navigaret in *Hispaniam*, *Seldius* à fratre *Ferdinando* legatus venisset; cū eo multam in noctem producto fermone, Imperator suis signum volā dedit; ut scilicet facem aliquis *Seldio* à se digredienti præferret. Verum enim verò nemine ministrorum apparente (alii enim cubitum, alii aliò concesserant) Imperator *accepto cereo, Seldium, quamvis reluctantem, per scalam ipse deduxit*. Compara mihi Principem istum cum *Justiniano*, nam multò observantior hunc dices fastigii sui. Et quantum recessit à decoro, si non *legatum* modò, sed & *interpretem* in tantum honoravit? Interpretes nonne in legati comitatu magna pars?

At comitibus legatorum æquè prospectum atque legatis voluerunt *Athenienses, Lacedæmonique*; ut est

apud *Thucyd. lib. IV.* Nihil etiam frequentius in historiis, quàm egregia *munera* tùm legatis tùm comitibus eorum data esse. Justinianus verò *mensâ* dignatus est; quod ego non absque singulari consilio factum reor: Scimus enim, quàm efficax res sit humanitas, ad tentandos & explorandos & devinciendos exterorum animos. Certè *Chosroës*, Persarum Rex, illum *interpretem* post reditum *egit in crucem*, suspectam habens effusam illam Justiniani benevolentiam; quod alibi prodidit idem *Procopius lib. VIII.*

Ab humanitate atque facilitate *Giphanius* progreditur ad *pietatem*, virtutum principem. Sed *Procopius in Arc. Hist. p. 83.* vitio vertit, quod ille laudat, animo ad sublimia traducto, Dei naturam curiosius perscrutatum esse. Nobis cùm hic Scriptor omnia detorquere videatur in pejus, separabimus separanda. Fuit Theologicis studiis imbutus à *Theophilo Abbate præceptore*, nec aliis postea delectabatur magis; ut suprà diximus è *Procop. lib. III. Goth.* Perpetuò, sine custodibus, *desedit ad multam noctem in museo*, cum senioribus quibusq; Sacerdotibus; *attentissimo studio arcana Christianorum dogmatum investigans.* Hæc laudi, quàm culpæ viciniora sunt; si attentissimo studio scrutatus est, quæ in sacris mysticisq; libris reserantur. Hoc ipse Salvator non solùm sacræ confessionis homines, sed omnes iussit, ut *scrutarentur Scripturas.* Inculcant idem sanctissimi quoque Patres; ut *Chrysostomus*: *Οι βεβλόμενοι σωθῆναι προσεχέτωσαν ταῖς γραφαῖς.* Hoc est: Si quis vult salvari, ad Scripturas animum applicet. Cujus etiam hoc est: *τὸ*

πάντων αὐτὸν τῶν κακῶν, μὴ εἰδέναι τὰς ῥαφάς. Hoc est: *Malorum omnium hæc causa, quod Scripturæ ignorantur.*

Plura verò scire velle, quàm quæ revelata sunt, id neque culpâ neque periculo caret. Dico cum illo *Phileta apud Stobæum lib. II. Eclog: Deum esse, crede & colito, sed non quærito.* Et cum *Aristotele*, quem *Seneca lib. VII. Nat. Quæst. c. 30.* laudat: *Nunquam nos verecundiores esse debere, quàm cum de Deo agitur.* Tunc & locum habet, quod *Euripides* ait in *Alceste*:

Ὅντας δὲ θνητὰς θνητὰ καὶ φρονεῖν ῥεῶν.

Hoc est, interprete Cantero: *Mortalia autem sapere mortales decet.* Adde quædam apud *Agath. lib. II. p. 59. Bernegg. in Germ. Tac. q. 154. Lips. lib. I. Polit. c. 2.* Sed quàm sobriè ac circumspectè *Justinianus* noster! Non sedet inter calidos & ambitiosos juvenes, quibus discendum potius est, quàm docendum; sed, inquit, ὅμῃ τοῖς τῶν ἱερέων ἐχάτο γέγασιν. Hoc est, ut è *Sallust. Catil. c. 6.* vertam, *delectis, quibus corpus nimis infirmum, ingenium pietate ac sapientiâ validum erat, sibi bonoq; publico consultaret.*

Ab hoc pio studio profecta sunt peregregia multa. Nam initio statim imperii edictum promulgavit de fide orthodoxa l. 5. Cod. de Summ. Trinit. & hæreticos omnes, qui Ecclesiam sub *Anastasio*, *Gothis* & *Vandalis* graviter persecuti erant, justis animadversionibus ultus est: Sed & neminem ad dignitatem publicam admisit, nisi qui fidem suam approbâisset. Sed in eam hæreticorum persecutionem *Procopius* non semel invehitur, notatque ab hæreticis pœnas exactas

non tam pietatis zelo, quàm pecuniæ cupiditate; prætereà exhaustum & destructum imperium tot milibus spoliatis, fugatis, cæsis.

Cæterum ex actis illorum temporum probari non potest, Justinianum, religione prætextâ, cupiditatibus suis fecisse satis. Hæreticos non tam edictis, quàm colloquiis institutis reducere voluit ad sanio rem mentem. *Baron. in A.C. 532. n.30.* Qui obsecuti sunt, nihil accepere molestiarum.

Pecunias quàm neglexerit, tot urbes loquuntur, quas extruxit; tot basilicæ, tot templa; & in primis illud *S. Sophia* Constantinopolitanum, quo absoluto exclamavit: VICI TE SALOMON! jussitque *Regis ejusdem simulacrum* è regione *S. Sophiæ* collocare, *mæsti & genas carpentis*; quasi ejus ædificiū mole ac pulchritudine *suum templum superatum* doleret; ut scribit *Auctor Originum Constantinopolitanarum*, Quid dicam de immensa pecuniæ vi, quam pro imperii securitate largitus est barbaris, ne provincias infestarentur? Videndi *Agath. lib. V. Euphræm. in Chron.* Ipse *Procop. lib. VIII. & in Arc. Hist. p. 49.*

Scio, quid dicant, rapuisse, ut prodigeret; quod qui faciunt, liberales dici non possunt. Nos, quas reprehendunt *impensas*, maximam partem *necessarias* fuisse, dicemus postea. Interim ne longius abripiamur ab instituto, pro Justiniano consulendam putamus *Novellam XVII. cum edicto secundo*; unde constat, *quæsores hæreseon*, quod provinciales avaritiâ suâ graviter onerarent, planè sustulisse. Sic calumnia est, quod dicitur, pecuniarum quærendarum causa hæreticos invasisse.

Ac fanè opportunum adest, quod *ibidem* discimus, *quæsitores impotentius egisse in officio suo*. Largimur igitur *Procopio* & aliis, multos sub Justiniano bonorum naufragia passos esse, per vim & injustitiam; sed à *præsidibus* potius, quàm ipso jubente. Non sit autem Principi fraudi, aliquando peccasse ministros; sed peccasse sciente illo, nec puniente. Nullum imperium tam sanctum fuit, sub quo non essent præsides avari ac malitiosi: *Nec deerunt unquam, donec imperia, donec mundus erit. Vitia erunt, donec homines*, ait *Cerealis* apud *Tac. lib. IV. Hist. c. 74*. Mirarer, & stuperem, velut prodigio conspecto; si Justiniani imperium non habuisset homines malos: Nunc, si habuit, tanquam in hac terrestri fæce, & in amplo & diffuso imperio, quid est, quòd tantoperè commovear? sub omnibus Principibus fuerunt id genus quæsitores; fuerunt *Triboniani, Adalai, Petri, Johannes, Etherii*; & quos alios rapaces & flagitiosos nominant *Procop. Evagr. Theophan. Suid.*

Principes extra culpam, nisi de industria conniverent, & omnia omnibus per socordiam permitterent. Sed esto: Justinianum non omnia facinora latuisse; multa etiam tam crudelia, quæ *Procopius* memorat, jussisse: Hic nobis incidit, quæ apud *Tacitum lib. III. Ann. c. 54. §. 4.* legimus: *Ne corporis quidem morbos veteres & diu auctos, nisi per dura & aspera coërceri*. Et, quod ait *Publ. Syrus*:

Crudelem medicum intemperans aeger facit.

Constantinus *Arium* & *Arianos* deportari jusserat:

Theodosius, Valentinianus & Arcadius legem tulerant, quâ *omnis denegabatur hæreticis facultas militandi*; quin imò *extra urbis mœnia depulerunt*, ut est in *Cod. Theod.* Aliquot concilia sanctissimorum Patrum habita erant, quibus damnati sunt; nullum non remedium adhibitum fuit.

Sed & mirificum ignominia genus excogitarunt: Nam *Byzantii in publicis latrinis hæreticorum antesignani ex marmore sculpti humi jacuerunt*, ut in abominanda capita ventris onera plebs egereret. Annales Constantinopolitani: *Eo in loco, ubi Arius detestandam mortem subiit, a piissimo Theodosio sculptus est ex marmore, humi hærens; & unâ cum illo Macedonius, Sabellius & Eunomius ad improperium; ut prætereuntes sputis, urinâ ac stercore eos deturparent. Quin aliquot Principes versis gladiis pugnaturi, pacem & quietem indulserunt; ut pœnitentiæ spatium darent. Ammianus lib. XXX. de Valentiniano: Inter religionum diversitates medius stetit, nec quemquam inquietavit; neque ut hoc coleretur, imperavit, aut illud; nec interdictis minacibus subjectorum cervicem ad id, quod ipse coluit, inclinavit.*

Talis etiam fuit Leo, ut ipse Giphanius notavit: *Sed quid moderatione profectum est? Totum Orientem tum aliâ, tum Eutychiana & Nestoriana; Occidentem Ariana hæresis invaserat, occupaverat, & ima summis miscuerat: Hostibus & barbaris nationibus proditi & expositi cives, multi bonis exuti, nec pauciores occisi. Quòd ab imperio tot provinciæ avulsæ sunt, non levem causam hæreticorum perfidiam existimat. Sic*
verbis

verbis Sallust. in Catil. cap. 52. mansuetudo & misericordia bonis in miseriam vergit.

Quid Justinianus faceret? Consumpta erant omnia remedia; versabatur ob oculos certa perniciēs, nulla unitas, nulla societas, nulla fides in rebus jam profanis supererant: Nī vinci mallet, induendam severitatem videbat. Sed hīc deploras solitudinem ingentem factam cum Procopio, & ex Lucano:

Heu quantum terra potuit pelagiq; pareri

Hoc, quem civiles hauserunt sanguine dextra.

Siste lacrymas, mi homo! *Lycurgus* Reip. admotus, vidit *Spartanos* κακονομωτατες & εδον παντων ελλήνων, hoc est, ex omnibus Græcis pessimis legibus usos, ut *Herod. lib. I.* scribit. Omnes solutis moribus viventes, ut *Just. lib. III. c. 3. §. 10.* Quid faceret? nihil profici videns mitioribus remediis, per severissimas pœnas quærit Reip. salutem; Ibis inde cognominatus, ut ex *Aristoph. in Avib. & Plutarchi Lycurgo* colligit *Valesius ad Amm. lib. XXII. p. 26.* Unde sparta plus crevit, & totius Græciæ principatum adepta est.

Nimirum *exilium malorum*, ingens bonorum ubertas est; nec alia terræ citius habitantur, quàm ubi bonis benè, malis malè est. Quin ut plures falsæ religiones convellunt pacem & felicitatem publicam (negant alii, sed contra experientiam: Quæ de Turcis & aliis afferunt, ad ea satis responsum à *Lipso in lib. contra Dialogistam*) ita una vera dissidiorum faces extinguit, vacantes fedes novis bonorum colonis explet; & nullus non divinæ benedictionis fructus passim apparet.

Non evagabor per historias passim ; sed imperium *Justiniani* saltem considerabimus. Quàm multi pii ac boni succreverunt, excisis impiis turbatoribus? Non credo sub alio Principe tot Reges, tot milia conversa ad Christianam fidem, quàm sub *Justiniano*. De Rege *Herulorum* auctor *Miscellæ lib. X.* in princ: *Interea Rex Erulorum, Gethes nomine, venit Constantinopolim cum populo, & rogat Imperatorem de sacris Christianis secum communicandis ; qui baptizatum in Theophaniis suscepit eum ex baptismo, re promittentem auxiliari ei, in quibuscunque voluisset! En maximam utilitatem! pulsis impiis, novo Christianæ reip. cive, novis auxiliis firmatur imperium.*

Paulò pòst & *Hunnorum Rex* Christianis sacris initiatus est. Auctor idem: *Tunc & Rex Hunnorum, qui sunt juxta Bosphorum, nomine Gorda, accessit ad Imperatorem, & factus Christianus susceptus est ; & multis prestitis donis, misit eum in regionem ipsius, ad custodiendas Romanas res, & Bosphorum civitatem. Aliquot abhinc annis Adadi Regis Axumitarum legati magnificentissimè accepti, cum Johanne Episcopo dimittuntur, ut ab eodem Christianis sacris initiarentur ; quemadmodum scribit idem. De hac ipsa conversione Cedrenus: Adadus, Axumitarum Rex, post victoriam de Damiano reportatam, Deo gratias agens, misit ad Justinianum ; ab eoq; sibi Episcopos & Clericos mitti petiit. Ita tota regio Christi fidem amplexata est, baptizatiq; sunt, & Christiani facti.*

De *Theodomiro, Suevorum Rege*, *Gregorius Turonensis in Rebus S. Martini*, & *Isidorus in Chron:*

Chron: Post multos deinde Reges, regnum Suevorum suscepit Theodomirus; qui fidem Catholicam adeptus, Arianae impietatis errore destructo, Suevos unitati fidei reddidit. Hi sunt illi Suevi, qui ante Justinianum Principem non modicum damnum sacris & profanis intulerant.

De Absagis populis Evagrius lib. IV. cap. 21. è Procopio: Meminit præterea idem Scriptor, Absagos ad mitius humaniusq; vitæ genus traductos, iisdem temporibus fidem Christianam recepisse; Justinianumq; misisse quendam ad illos, qui vetaret mares castrari. Fuerunt populi ad Caucasum, qui multos mares castrando necaverant. Nam ex nonaginta vix tres reservabantur, ut scribit ipse Justinianus Novell. CXLII.

De Tzanis Procopius lib. de Edif. Justiniani: Justiniano imperante à Romanis pugna victi, & jam amplius certamini non fidentes, statim sese omnes dederunt; magis deligentes quietam servitutem, quàm libertatem periculosam; & mutatâ religionis opinione, omnes Christiani facti sunt; & vitam humaniorem amplexi, dimissis latrociniis, Romanos in suos hostes egressos semper comitati sunt.

De Blemmyis & Nabathæis idem d. l. & lib. I. Persic: Hæ gentes cum alios Deos, uti Græci, tum Isidem & Osirim magnoperè colerent, nec minùs etiam Priapum; nonnunquam humana hostia Soli facerent: Narfes, Justiniani mandato, templa delevit, Sacerdotes vinxit, & statuas Constantinopolim misit. Imperator animas omni studio servare volens, Christianis sacris imbuìt; & ab obscænis patriæ moribus ad meliorem vitam traduxit.

De

De Mauris Idem dicto loco: *Omnes à Justiniano persuasi Christianorum dogma sponte amplexi sunt; vocanturq; nunc Pacati, quod Romanis semper confœderati sunt.* Tam uberem in Christiano agro messem fecit hic Princeps, & si nullum aliud meritum ei *Magni* cognomen peperisset, hoc unum debuisset.

Ipse quàm ob singularem pietatem & propagandæ orthodoxæ fidei studium Deo Opt. Max. acceptus fuerit, apparuit in *saevissimo* illo morbo, qui omni medicorum peritiâ diligentiaq; superior fuit; quem in eodem *Tractatu de Edif.* describit *Procopius*. Apparuit in *seditione* omnium *atrocissima*, quam *Hypatius, Pompejus, & Probus* in eum concitârunt; & describit *Marcell. in Chron.* Apparuit in discrimini- bus aliis, quibus superatis imperium diutiùs tenuit, quàm Imperatores alii vixerunt. Plura de Justiniani pietate, de templis, monasteriis, ptochotrophis, & aliis ab eodem extructis, quæ dici possunt, jam præcepit *Giphanius*.

Illud tamen probare minimè possum, si verum est, quod refertur; *Theologicas quæstiones* imperiali *fastu* dirimere voluisse: *Agapeto* namq; dissentienti & meritò Justinianum minatum scribit *Anastasius* in *Agapeto: Aut consenti nobis, aut exilio deportari te faciam!* Simul erroneum dogma de incorruptibili post unionem Christi humanitate, *Eutychium* pro imperatoria potestate ratum habere, aut exulare jussisse refert *Eustathius*, Scriptor *συγγρον* &c. Etiam omnes Episcopos, qui in disceptationibus de fide ac religione à se dissentirent, vel conjecisse in vincula, vel

vel supplicio affecisse; testatur *Victor Tununensis in Chron. & Liberatus Diaconus in Breviar. c. 34.*

Profectò limites suos excessit, namq; *Es. XLIX. §. 23.* scriptum est: *Erunt Reges nutricii tui, & reginae nutrices tuæ;* nihil aliud vult, quàm Principem hoc tantum juris habere, ut vim, fraudes, turbas & externa hæc mala ab Ecclesia arceat; & quod in ipso est, pacata sacra præstet, ac quieta. Sic *Augustinus tractatione III. in Job.* statuit: *Pertinet hoc ad Reges seculi Christianos, ut temporibus suis pacatam velint habere matrem suam Ecclesiam.* Sic *Leo I. ad Leonem Imperatorem:* *Debes, Imperator, incunctanter advertere, regiam potestatem tibi non solum ad mundi regimen, sed maxime ad Ecclesiæ presidium esse collocatum.*

At controversias de fide decidere pro Imperatoria potestate nec potest nec debet. Placet *Marciani Imperatoris* modestia, de qua *Facundus Herminianensis* hunc in modum: *Ecclesiasticorum Canonum executor esse voluit, non conditor, non exactor.* Qui & de *Leone Imperatore:* *Piæ memoriæ Leo, inquit, quietem non conturbavit Ecclesiæ, quia non suo arbitrio ac potestate præsumpsit doctrinæ Dominicæ decreta statuere; nec quicquam solis creditum Sacerdotibus usurpavit. Neq; solum non extorquere, sed nec præire tentavit sententiam Sacerdotis.* Sed hæc infra dicenda fuerunt in Ecclesiasticis cum *Giphanio:* Nos verò religionis studium domi cultum eò usque abduxit, ut & ea, quæ publicè fecit Ecclesiæ, subjiceremus.

Jam ad eundem *Giphanium.* Is, relictis domesticis, de publicis verba facturus, omnia Justiniani di-

vidit

vidit in ea, quæ nondum Imperator, & ea, quæ Imperator gessit: Nondum Imperator cum Justino avunculo, ipso quoque adhuc privato, jussu Anastasii Imperatoris, in carcerem conjectus est; perduellionis infimulatus. Ereptum ajunt, cum Anastasium per quietem à cæde Sergius & Bacchus martyres deterruissent. Eos pro tutelaribus divinis jamdum colere cœperant Dardani & Illyrienses. Quam ut hominum, ad superstitionem proclivium, vanam persuasionem esse credimus: Ita non dubitamus, fuisse Angelos, certiores interpretes & internuncios divinæ voluntatis. Quamvis ipsi, Justinus & Justinianus, velut à martyribus accepto beneficio, superbissimum iis templum ad urbem Scodram, Barbanamq; fluvium, excitârint; ut narrat Theophilus, Justiniani præceptor. Notanda verò vox, quâ Anastasius à cæde revocatus est: *Parcendum iis, qui futura essent vasa, consilio providentiæ divinæ exequendo apta; qui & suo tempore strenuam operam navaturi.* Vide Cedrenum, Zonaram, & Ephraenium.

Justinus postea Imperator factus, Justinianum in locum cæsi Vitaliani magistrum militum designat; ipso Vitaliano & Rustico Coss. hoc est, A. V. 1271. ut scribit Zonaras; qui, ut tempus scias, cum Marcellino conferendus est. Μονοπατριζον των Ρωμαϊκων Ταγματων, id est, solum Romanarum legionum ducem; describit Constantinus Imperator lib. 1. Them. 12. Altero anno, qui fuit ab A. C. 1272. cum Valerio Consulatum gessit; de quo hunc Marcellini locum affert Giphanius: *Famosissimum hunc Consulatum Justinianus præ Consulibus omnium Orientalium utilitatibus edidit:*

edidit. Nam 288. solidorum sestertiū libera Consulum profecta munificentia in populum, inque spectacula, sive spectaculorum machinam distributa sunt, XX. leones, XXX. pardos; exceptis aliis feris, in amphitheatro simul exhibuit.

Nihil foediū corruptum, quod ipse Giphanius vidit; sed ob manuscriptorum penuriam emendare non potuit. Sirmondi liber sic habet: *Famosissimum hunc Consulatū Justinianus Consul, omnium Orientalium Consulatū profecto munificentior, his liberalitatibus edidit. Nam CCLXXXVIII. millia solidorum in populum, inque spectacula, sive in spectaculorū machinam distributa, XX. leones &c.* Hæc omnia sana sunt: *Profectum Consulatū*, illius seculi consuetudine, dicit eum, qui proficius erat, munificentia splendens.

Insanam munificentiam vocat Procopius in *Arc. Hist.* Tanquam non à Constantini temporibus furentem illam plebem moris esset conciliare stupendis congiariis. Tantò verò superare debuit omnes Justinianus, quantò summæ spei propior erat. Meminit ejusdem Consulatus l. 8. C. qui testamentum facere possunt, vel non.

Post Consulatū factum esse *Patricium*, scribit idem Giphanius; quod unde sit, alii viderint. Victor Tununensis *Patricium* fuisse dicit eo tempore, quo Vitalianus occisus est: *Vitalianus*, inquit, *Constantinopoli*, intra palatium loco, quem *Delphicum* Græco vocabulo dicunt, Justiniani Patricii factione dicitur interfectus fuisse.

Refert dein Giphanius, quantis precibus Justinum

num fatigârint proceres, ut Justinianum imperii cō-
 sortem faceret : idque cū obtinere non possent,
Nobilissimum eum fecisse; quæ *Nobilissimatus* digni-
 tas *filiis Imperatorum* fuerit propria. Secutus est Zo-
 naram *Marcellinus*, à Justiniano *Nobilissimum* desi-
 gnatum ait; quia scilicet *Senatus voluntatem confirma-*
vit. Locum illius *Baronius in A. C. 527. n. 1.* pessimè
 accepit: *Jamdudum à se Nobilissimum (nempe Cæsa-*
rem) appellatum, regni sui successorem designavit (a-
lendis Aprilibus. Existimavit per *Nobilissimum* sta-
 tim subintelligi *Cæsarem*; in quo fallitur. Alius per
 illa tempora *Nobilissimus*, alius *Cæsar*; ut eruditè do-
 cet *Alemannus apud Procopium p. 42.* Et sunt exem-
 pla passim obvia. Ex his verò constat de summa o-
 mnium optimatum benevolentia in Justinianum; ut
 profectò insigni virtute præditum fuisse, & reliquis
 ducibus omnibus excelluisse, nemo dubitare possit.

Tandem etiam *Cæsarem* fecit (ut scribit *Victor*
Tununensis) ad perpetuam *Senatus supplicationem*;
 sive (ut *Cyrillus, Scythopolitanus*) *universo Senatu*
comprobante. Sed & ex *Zonara* jam audivimus, quis
 animus procerum in Justinianum fuerit. *Procopius* ait:
Cum avunculo Romanorum Cæsar appellatur, si tamen
bono id jure factum; nam metu ac minis *Senatus po-*
pulusque perterritus in eam impellitur sententiam,
quæ Zonara, Victori, & Cyrillo planè contraria sunt.
Vult, à Justino hunc invitum impositum Senatui po-
puloq; Romano. Vel hinc constare potest, quo veri-
 tatis studio *Arcanam* suam scripserit *Procopius.* Nos
 pluribus testibus, qui nihil gratiæ dederunt, fidem
 adhibere

adhibere malumus, quàm uni, ad convicia spargenda
tàm avido.

Creatus est igitur Justinianus tàm legitimè, ut
vix unum vel alterum è tanto Cæsarum & Imperato-
rum numero nobis dare possis, cum isto comparan-
dum. *Augustus* quibus artibus Principatum fecerit
suum, docet *Tacitus lib. I. Ann. c. 10.* Qui secuti sunt,
à *Senatu imperium accepisse videri volebant*; sed non
nisi *ab invido* acceperant, vel *prorsus non acceperant*;
Imperatores per *tumultum* militarem, per *ludum* ac
jocum facti. Oppidò paucos excipiemus.

Diem, quo Cæsar salutatus est, *Marcellinus* no-
tavit: *Creavit, inquit, Calendis Aprilibus.* Consentit
Theophanes, cujus verba sunt: *De prima mensis Apri-
lis indiçtione quintâ, die festo Paschæ, Imperator Justi-
nus egrotans, adhuc vivus, ad imperium promovit Ju-
stinianum nepotem; eumque coronavit.* Sed *Procopius*
in Arc. Hist. dominationem Justinianum suscepisse
dicit, *tertio ante festum Paschatis die.* Quæ conci-
liari posse putat *Alemannus* cum *Marcellino* & *Theo-
phane.* Tertio ante festum Paschatis die adopta-
tus, & in collegium adscitus est à Justino: Ipso die
festo Paschæ, ut solennia solennibus augerentur,
& populi major confluxus esset, repræsentatus; &
ab omnibus faustis acclamationibus Imperator salu-
tatus est.

Ita mentem ejus interpretor, nec assentiri recu-
so; nisi *Procopius* in odium Justiniani hoc finxit, ut
persuaderet posteris, *inauspicato die inauguratum Ju-
stinianum*; atque hinc funestissimi imperii omen po-

tuisse capi : Nam tertio ante Paschatis celebritatem die, qui *Cœna Domini* vocatus, *nulli dicere salutem vel pacem, fas erat* ; ut ipse notat. Cujus consuetudinis vestigia in *Ecclesiâ Romanâ* superesse notavit idem *Alemannus*. Nam eo die, licet inter missarum solennia *pacem*, de more sacrorum, à Deo petat Sacerdos ; qui tamen mysteriis interfunt clerici ac plebeji, *ob maestitiam Christi passionis, à leto pacis osculo & salutatione temperant*.

Seu finxit *Procopius*, illo die Justinianum Imperatorem designatum, seu verum est ; voluit *Procopius* id, quod *Suetonius in Vitellio* cap. II : *Magis deinde ac magis omni divino humanoque jure neglecto, Aliensi die Pontificatum maximum cœpit*. Sed Tacitus quàm sapienter lib. II. *Hist.* cap. 91 : *Apud civitatem cuncta interpretantem, funesti ominis loco acceptum est, quòd maximum Pontificatum adeptus Vitellius*. His enim verbis, qui Tacitum seriò inspiciunt, intelligent, *falsè ridere civitatem Romanam* ; quæ ex hisce rebus *tàm nullius momenti auguria rerum futurarum* ducat capiatque. Stultè horrebat illum diem, quo non tantum infortunium perpeffa est, sed & Duce Lucullo, *Armenios & Tigranem* magno prælio devicit ; ut est apud *Plutarchū in Camillo*. p. 138. Magno animo *Julius Cæsar* nullâ id genus observatione à quoquam incepto absteritus unquam, vel retardatus est ; ut scribunt *Suetonius in ejus vitâ*, c. 59. & *Appianus extremo lib. II. de Bellis Civilibus*, qui Cæsarem cum Alexandro Magno comparans, *utrumq, fuisse scribit contemptorem religionum, id est, omina, auguria, vaticinia floccipendisse*.

pendisse. Quanquam *Alexander* ad extremum mutatus, minima & levissima quæque in omen vertit; ut est apud *Plutarchum* in ejus vitâ. Sit ergò *Justinianus* die minùs læto inauguratus, quid tum erit postea? Tàm id apud sapientes & generosos nullam *Justiniano* ignominiam parit, quàm nihil laudis vel *Neroni*, vel *Domitiano*, vel *Heliogabalo*; si die quàm festivo, quàm auspiciatissimo honores adepti sunt.

Cæterum non diu supervixit *Justinus*: Nam eodem anno, Cal. Sextil. ut scribit *Cyrillus Scythopolitanus*, & *Evagrius lib. IV. c. 9.* ex ulcere pedis, quod in bello contraxit, accepto vulnere, extinguitur; ut est in *Fastis Alexandrinis*. Adde *Onuphrium*. Sic rerum *Justinianus* solus potitus est, de quo verè dicere possum, quod de *Bruto*, & ad *Brutum Lucanus*:

*O decus imperii, spes ô suprema Senatus,
Extremum tanti generis per secula nomen!*

Nemo labentibus imperii rebus fortiolem supposuit manum; nec post illum repertus est, qui *Romani* nominis majestatem virtute pari tueri posset. Omnia ejus post obitum rursus collapsa sunt, & tàm oriens, quàm occidens alienum jugum subire cœpit. Verè igitur *MAGNUS* cognominatur à non paucis Scriptoribus: Vide *Nicephorum in Chronologiâ*, auctorem *Chronici Alexandrini*, & alium, qui scripsit *Antiquitates Constantinopolitanas*. Nec aliter judicârunt gentes extræ. Quàm tibiam suam inflat *lib. IV. c. 12.* *Florus* in deprædicandâ *Octavianâ Augusti* magnitudine! Illi quoque, inquit, qui immunes imperii erant, sentiebant tamen magnitudinem & victorem gentium, po-

pulum Romanum reverebantur. Nam & Scythæ miserè legatos, & Sarmatæ amicitiam petentes &c.

Si rem exactè consideres, longè majorem dices Justiniani gloriam; quam non tantùm ii venerati sunt, qui arma Romana nunquam experti; sed maximè, qui Romam à se nuper captam, multos exercitus cæfos gloriari potuerunt. Justiniano-mastix *Procopius* hoc fatetur, *barbararum gentium*, quæ ad ortum & occasum pertinent; quæve ad meridiem & septentriones, ipsorum etiam Britannorum & aliorum ubique locorum; quorum nomina ne Romani quidem antè norant, sub Justiniano *Constantinopoli* se vidisse legatos. Sed quemadmodum aranea omnia vertit in venenum: Ita *Procopius* hoc ipsum factum ait, *ut pecunias acciperent*: Notam enim fuisse gentibus omnibus prodigalitatem Justiniani.

Mihi quidem perridiculum hoc est, tam abjectum, & pauperem fuisse orbem reliquum terrarum; ut omnes pecunias ab uno petierint. Athalaricus, Gothorum Rex, *magnis opibus*, è primis fuit; qui per legatos eminentissimos amicitiam petiit, iisque ferendas dedit literas; in quibus hodiè legimus: *Illud est mihi supra dominatum, tantum Rectorem habere propitium. Non enim in totum à parentibus destituimur, qui tali protectione fulcimur.* Leguntur apud *Cassiodorum lib. VIII. ep. 1.* Quid? ipse *Procopius lib. I. Vandalicorum* auctor est, Hildericum, Vandalicorum Regem, frequenti legatione convenisse Justinianum *pro pace*; & muneribus frequentâsse, plurimumque coluisse. Amalasuentha Justiniani bene-

volens

volentiam omnibus officiis demereri semper studuit; quod idem *Procopius lib. I.* docuit. Quàm multi Reges *sacrorum Christianorum causâ* venerint Constantinopolin, jam satis exposui. Finxit igitur *Procopius in Arcanâ* suâ causas quaslibet.

Illud tamen non dissimulârim, Justinianum exterarum gentium *legatos ingentibus muneribus* profecutum. Sic scribit *Theophanes*, cùm Rex Iberorum, Zamanarsus, cum uxore & regni sui primatibus Byzantii acceptus, Romanorum societatem petiisset; Justinianum gratam rem habuisse, eumque & illius Principes magnis largitionibus cumulâsse: Theodoræ verò, Zamanarsi uxori, quamplurima donâsse ornamenta gemmis distincta. Sic Regis Abarorum, sic Regis Azumitarum, sic Regis Ermechiorum, sic Regis Persarum legatos habuit humanissimè & lautissimè; nunquam pecuniæ parcus. *Procopius* & alii nonnulli culpant, nimis profectò morosi, iratisque adeò Lubentiis ac Gratiis nati; quæ in aliis veteres satis laudare non potuerunt.

Vix quisquam fuit, qui Monarchiam & potentiam maximam adeptus est; quin eam, ut adipisceretur, solis ferè largitionibus effecerit. *Alexandrum* filium *Olympias*, sagacis ingenii mulier, hoc præcepto imbuere non destitit; ut, quos posset, *humanitate aut pecuniâ* in amicitiam illiceret. Contra nitebatur pater, falli, qui regium id putaret, ministri & diribitoris officium esse (*Plutarchus in Apophthegmatis, Cicero lib. II. de Offic. c. 15. Valerius Maximus lib. VII. c. 2. ex. 8.*

Sed Alexander præferebat *consilium matris*, *gnarus oraculi*, quod in ore habuerat pater:

Hastis pugna argentatis, atque omnia vinces.

An illius Pythagorici, *hec duo divinitus homini data esse pulcerrima: Veritatem amplecti, ac liberalitati operam dare.* Ut refert *Ælian. lib. XII. Hist. Var. c. 59.* Igitur illius congraria fuerunt urbes.

Alexandri æmulus, cùm adhuc quæstor esset, sed Alexandro postea major, *C. Jul. Cæsar* victoriis suis usus est liberalissimè; dum ex iis nihil sibi reliquit, nisi dispensandi potestatem. *Seneca lib. III. de Irâ c. 30.* Senatus magnam partem non solum fœnore levavit, sed & uberrimo congiario profecutus est, *L. Paulum*; ne contra se staret, *quingentis talentis* flexit, id est, *nongentis millibus Philippicûm.* *Curionem* maiore etiam summâ, id est, *quindecies centenis millibus Philippicûm.* Militibus dedit prædia tota, & singulis aliquando veteranis *quingentos Philippicos* (eorum militum erant minimum *triginta millia*, non accensitis *Centurionibus*, *Tribunis*, *Præfectis*, atque ipsis *Equitibus*) *Populo*, qui è publico pascebatur, id est, *trecentis viginti millibus civium*, *tres milliones*, *ducenta millia Philippicûm*; præter *frumentum* & *oleum.* Super hæc *Reges* & *provincias* per orbem terrarum illiciebat (attende, & mirare factorum utriusque, *Jul. Cæsaris*, & *Justiniani*, similitudinem) aliis captivorum millia dona offerens; aliis quò vellent & quoties vellent, auxilia submittens; superque *Italia*, *Galliarum*, & *Hispania*, *Asia* quoque & *Græciæ* potissimas urbes præcipuis opibus exornavit. Hæc cùm expendisset

diffet *Lipsius lib. II. Admir. c. 12.* alti spiritus virum non lacerat, ut Justinianum *esurientes Græculi*; sed stupet, & animo recollecto acclamat: *Nil nisi novus quidam Triptolemus hic est, qui sublimi vectus curru, semina non frugum, sed liberalitatis suæ per terrarum orbem spargit!*

Secutus est *Augustus*, de quo dubitat *Idem*, annon ut diuturnitate imperii, sic & liberalitate *Jul. Cæsarem*, patrem adoptivum, superârit. Antequam Consulatam primum gereret, nondum XX. annorum adolescens, *unum millionem* in milites & evocatos, quos metu Antonii contraxit, & in Quartam Martiamque legiones effudit. In ipso Consulatu, cum signis à Mutino motis urbem intraret; dedit, quæ deduxerant, octo legionibus, *sex milliones*. In Philippensi prælio, ubi de Principatu actum & libertate, promissi & repræsentati, *centum quinquaginta milliones*. Jam in Principatu largitionum aliquot meminit *Ancyrarum monumentum*; quod *Busbequio*, qui ex Oriente secum attulit, debet resp. literaria. Primum ex testamento Cæsaris universis civibus dati viritum tres Philippici. Secundò post Actiacam victoriam in sexcenta millia dedit *sex milliones*. Tertiò populo viritim distribuit XX. Philippicos; idque factum in Consulatu decimo. Quartò cum Consul esset XI, in magnâ caritate annonæ extra ordinem, & de suo, dedit singulis mensibus frumentationes. Quintò cum è Galliâ rediret, plebi refovendæ & conciliandæ viritim largitus est triginta Philippicos. Sextò cum XII. Consul esset, eidem *duos milliones* largitus

est. Nec intra hæc liberalitas illa stetit, cum *in erudi-*
tos seorsim etiam mirum quantum liberalis esset. Quæ
omnia vera esse deprehendens *Lipsius*, adesse jubet o-
 mnes, qui novum orbem & novas in eo divitias repe-
 rierunt; & intueri effusionem tantam opum ferè in
 unâ largitione.

Nihil hîc dicam de nonnullis ejusdem successo-
 ribus, sed illud tantum; non potuisse feroces illos Ro-
 muli nepotes ad flagra deduci, si tantum pecuniæ no-
 lissent impendere Cæsares. Hoc *Tacitus* & alii con-
 fitentur apertè. Quid est igitur, quòd eundem libe-
 ralitatis succum, in Justiniano exundantem, tantoperè
umbratici illi, & ad ferulam ferendam aptiores, quàm
 digni heroicæ magnitudinis, & *ingentium consiliorum*
interpretes, averfantur, damnant & conviciantur?

Specie liberalitatis imponit hæc profusio, in-
 quiunt; perdere scit, donare nescit (*Tacitus lib. I. Hi-*
stor. c. 30.) habuit sinum non facilem, sed perforatum;
 ex quo multa exciderint, non exierint (*Seneca lib. I.*
de Vitâ Beatâ c. 23.) uno verbo: Verum redituum im-
 perialium usum ignoravit. Hæc interpretatio subti-
 lium & ingeniosorum est censorum. At si sapienter
 agit, qui donat summo consilio, ut judicat idem *Seneca*
d. l. næ Justinianus hîc quoque magnum Principem
 egit, in cujus liberalitate judicium desiderare non pos-
 sumus. Donavit ex rectis & probabilibus causis. Si-
 mul enim imperio potitus est, liberationem Occiden-
 tis meditari cœpit; sive (ut ipse loquitur *Novell. XXX.*
in f.) spem concepit, ceteras gentes, quas socordiâ suâ
Romani amisissent, cum utriusque Oceani terminos te-
 nerent,

merent, iterum ditioni suæ adjungendi. Ut voti compos fieret, iisdem modis utendum videbat, quibus imperii conditores, *C. Jul. Cæsarem, & Augustum* usos ex historiarum lectione cognoverat: Hi, ut imperium conderent, imperium ferè donare coacti sunt. Sed ut illos pecuniarum cumulos haberet, usus est eorundem consiliis, & jure damnatorum opes huc transtulit; quanquam & vectigalia, & tributa, & postea triumphales manubiæ stupendam vim suggererent.

Sed quorsum me isti abripiunt? Hoc volebam, magnum fuisse Justinianum habitum & à remotis gentibus, & legationes passim missas, reverentiæ ergò; data munera, reparandi & stabiliendi imperii.

Ejus verò res gestas *Giphanius* exponit in tribus membris: 1. Agit de *Ecclesiasticis*, 2. de *civilibus*, 3. de *militaribus*. De Ecclesiasticis multa jam diximus suprà, nec quisquam inficiari potest, Justinianum imperio accepto statim ad utilitatem Ecclesiæ conversum, multa & magnifica templa erexisse, lapsa instaurasse, hospitales domos extruxisse; hæreticos, qui pacem & tranquillitatem publicam turbaverant, multos orthodoxos occiderant, vel bonis spoliârant, justâ vindictâ persecutum. Vide *Baronium in A.C. 527. n. 44.* Sacerdotum nefariam libidinem, ut meritò detestatus est, ita punit. *Theophanes* in rebus anni secundi: Hoc anno *Esaias, Episcopus Rhodi, & Alexander, Episcopus Dispoleos*, in *Thraciâ* exauctorati sunt; utpote masculorum corruptores deprehensi, & ab Imperatore severè puniti; nam ex sectis genitalibus, per urbem ducti, præcone proclamante: Quicumque estis Episcopi,

reverendam dignitatem vestram ne dehonestetis ! Hoc rursus indignè fert *Procopius* censor in *Arc. Hist.* pag. 33: *Posthac*, inquit, *turpes puerorum amores lege vetuit, & in reos nullo prorsus decoro animadvertit.* Sed jam pro se respondit *Justinianus*, quaesitus à nescio quo, cur id faceret: *Annon si sacrilegium commisissent, manus illis amputanda fuissent ?* Auctor *Zonaras*.

Nimirum spectârunt hoc semper antiqui legum conditores, ut quâ parte quis peccâisset, eâdem puniretur; ut loquitur *Casaubonus*, ad illa *Lampridii* in *Alexandro Severo*, pag. 168: *Notarium, qui falsum causae brevem in consilio Imperatorio retulisset, incisus digitorum nervis, ita ut nunquam posset scribere, deportavit.* Multis idem firmat *Cujacius lib. VII. Observ. c. 13.* Et sanè flagitabat atrocitatem poenæ necessitas, cum iratus tanto sceleri Deus, famem & terræ motus & pestilentiam immisisset. Vide *Novell. LXXVII.*

Eâdem animi virtute non tam provincias, imperio Romano antiquitus subjectas, quàm quas recens ipse subjugârat, ab omni pudentis luxuriæ cœno expurgavit; lenonum cloacas exhausit, & monasterium extruxit ad recipiendas miseras prostitutas; quæ resipiscere, & in posterum Deo servire vellent; ut est in *Novell. XIV.* & alibi *de lenonib. Cod. II. tit. 1.* Quod qui legit, næ cogitur, divinum Principem appellare; tam sapienti moderatione, cum justitiæ studio mixtâ, tot animas, ferè deperditas, in meliorem viam reducentem.

Objicit verò eidem *Justiniano Procopius*, sub
ejus

eius Principatu nullam firmam de Deo fuisse sententiam vel fidem; scilicet quia multæ hæreses temporibus illis extiterunt. Fatemur hoc, sed & causam scimus, quòd, efflorescente verâ religione sub pio Principe, semper negotiosissimus sit diabolus in seminandâ Zizaniâ. Constantini tempora habuerunt *Donatum*, *Meletium*, *Arium*, & ejus affeclas, *Eusebios*. Temporibus Theodosii *M. Jovianus*, & *Vigilantius*, & *Originis* fautores; *Johannes*, Episcopus Hierosolymitanus; *Ruffinus*, Aquilejensis presbyter; *Palladius* Galata grassati sunt; Ita sub aliis pientissimis Principibus alii.

Sed quid in illâ hæreticorum copiâ facit Justinianus noster? Suum agit, & pro illorum conversione tum alia conatur, tum preces fundere non desinit ad Deum. Ipse apud *Innocentium*, Maroniæ præsullem, in epist. ad *Themadem* sic loquitur: *Ingressus sum in oratorium gloriosi Michaëlis Archangeli, rogavi Dominum: Fac, ut in veritate velociter nobiscum consentiant, &c.* Et cognovistis, quàm propositionibus rationabilibus & pacificis, cum omni mansuetudine & patientiâ prolatis, à nobis vir Reverendissimus Episcopus *Philoxenus* persuasus est! Tamen & ipsum tandem prolapsum in hæresin *Aphthardocitarum*, vel *Severitarum*; quæ carnem Domini, ex quo assumpta fuit, immortalem & passionum inexpertem statuit; atque ita factum, ut quod de Ecclesiâ Romanâ viri magni asserunt, dum maxime Christum colere se putat, in impietatem prolaberetur, ferè consensu traditum est. Præter *Evagrium*, qui cum *Procopio* ejusdem in Justinianum affectus

Scri-

Scriptor est, vide *Victorem Tununes. Eustath. in vita S. Eutychii, Theophanem, Zonaram, Cedrenum, Nicephorum, & alios.*

- - *Adeò nihil omni ex parte beatum est.*

Nam totis viribus in id incumbit Satanas, ut magnas animas trahat in casum; & de iis tropæum statuatur. Sed hîc quidem unâ vel alterâ velitatione superior fuit, ad ultimum Justinianus discrimini sese eripuit. Assertionis enim improbæ pœnituit, & *S. Eutychium*, quem à se dissentientem relegârat, *ab exilio revocavit*; ut *Constantinus M. S. Athanasium. Nicephorus Callistus lib. XVII. c. 31.* Damnat *Evagrius lib. IV. extremo: Justinianus*, inquit, *cùm omnia omnino turba & tumultu complevisset, mercedemque his rebus debitam in extremo vite sue tempore reportâisset; ad supplicia justo Dei judicio apud inferos luenda profectus est.* Cujus sententiam etiam *Baronius* sequitur in *A. C. 565. n. 6.*

Nec aliud agit *Nic. Alemannus, in Arc. Hist. p. 73.* ubi respondet ad omnes titulos, qui Justiniano post mortem, ut beato Principi, dati sunt. Esto, titulos illos omnes communes esse cum deterrimis Principibus, dum alibi divinæ memoriæ Justinianus, *ὁ ἐν ἀγίοις*, pius, sacer, dicitur. Esto, *Johannem Chalcedonium*, qui, ut est apud *Nicephorum*, in Sophiæ templo quotannis Justiniani memoriam magnificè celebravit, fuisse *Græculum schismaticum*; quod tamen ulteriorem probationem desiderat. Quid? fallumne illud, quod scribit *Nicephorus*, extremo spiritu Justinianum facti pœnituisse, & *Eutychium* revocasse? Hoc est, quod solidis argumentis confutandum est.

est. Sed cum id factum non sit hactenus, fas, pietas, & Christiana modestia requirunt, ut in benigniorem sententiam inclinemus.

Fecit id *Agatho Papa*, cujus epistola extat in *Synodo sexta, act. IV.* ubi post enumeratos orthodoxos Episcopos, qui adversus hæreticos fidem catholicam propugnârunt, hæc de Justiniano subjicit: *Et præ omnibus emulator vera & Apostolica fidei, piæ memoriæ Justinianus; cujus fidei rectitudo quantum pro sincerâ confessione Deo placuit, tantum remp. Christianam exaltavit. Et ubique ab omnibus gentibus ejus religiosa memoria veneratione digna censetur; cujus fidei rectitudo per augustissima ejus edicta in toto orbe diffusa laudatur. Idem in epistolâ aliâ: Sicut extremi quidem, præstantissimi tamen omnium, Magni illius Justiniani; cujus ut virtus, ita & pietas omnia in meliorem ordinem restauravit: Cujus instar fortissima vestra clementiæ Principatus, virtutis quidem conatibus remp. Christianam tuetur, & restaurat in melius; pietatis studiis Catholica succurrit Ecclesiæ. Quo judicio multum aliud potest esse honorificentius.*

Et quæ *Baronii* contrâ argumenta sunt? Multa de horrendis ejus sceleribus, de avaritiâ & crudelitate constant ex *Procopio* & *Evagrio*. Secundò nihil ominari boni potest ob sacrilegiorum immensitates; ut in *Vigilium*, Romanum Pontificem; & *Eutychium*, sanctissimum Antistitem Constantinopolitanum. *Procopii* auctoritas apud me quidem prorsus eviluit: Quicquid tandem moliatur eruditissimus interpres. Memorat cædes & exilia, & rapinas; sed certum est, respicere

„ spicere ad poenas hæreticorum, quas ægrè fert ipse,
 „ *nescio cuius religionis* : Modò enim de verâ religio-
 „ ne rectè sentire videtur, modò aliter. Hoc non
 „ ignorat *Alemannus*, & insuper tamen habet. Ego
 „ verò præcipuum esse reor, quod in Historico atten-
 „ dendum sit. Quomodo convenire potuit Proco-
 pio cum quovis orthodoxo Principe, si de Deo per-
 mittit optionem, utrum malit quisque defendere; vel
 casu res humanas & fortunæ temerario impetu ferri,
 vel Dei providentiâ gubernari. At hoc facit Proco-
 pius: Igitur, ut observavit idem *Alemannus*, à quo-
 dam orthodoxo censore ad codicem Procopii manu-
 scriptum, qui servatur in bibliothecâ Vaticanâ, notâ-
 tatum: *ὅτι ὁρθῶς τῶν τε παγίων φέρεις τῇ τῶν Χριστι-
 ανῶν πίστι*: Id est: *Non rectè hæc ingeris Christiana re-*
ligioni. Et alibi: *σημείωσαι, εἰ ὁρθόδοξός ἐστιν ὁ συγγρα-*
φεύς. Id est: *Nota, num auctor sit orthodoxus*.

Quòd si Constantini, Theodosii M. & Marcia-
 ni temporibus vixisset & scripsisset, eâdem styli atro-
 citate infestâisset illos ipsos; quorum tamen memo-
 riam Ecclesia hodieq; veneratur. Quòd enim in Ju-
 stinianum eum concitavit, idem fecerunt illi; & in A-
 rianos & Eutychianos severè animadvertendum cen-
 fuerunt. Ita *perridiculum* est, Ecclesiasticorum anna-
 lium Scriptorem invadere Justinianum ex *Procopio*,
 qui ob hoc maximè infestus est, quòd ea fecit, quæ
 passim commendat ipse. Nihil hoc est aliud, quàm
in seipsum spuerè.

Evagrium quod attinet, meminisse velim, illu-
 stre Cardinalem, quod ipse scripsit in *A. C. 519. n. 92.*
 iniquè

iniquè solere agere, dum sequitur *Zachariam*, Euty-
chianum hæreticum. Ergò nullum iudicium adhibuit
in exscribendis iis, quos ad manus habuit. Assentiar
Giphanio, qui ex virulento *Procopii* scripto illum bi-
bisse putat. Refutat hoc *Alemannus* p. 83. ex eo, quòd
duorum quorundam *Venetorum* nomina prodidit *E-
vagrius*; quæ non extant in *Procopio*. Ergò, inquit,
de Justiniani flagitiis aliunde accepit sua. Quæ con-
cludendi ratio quàm indigna tàm literato viro! nonne
unum vel alterum ex alio potuit immiscere, etiam cùm
Procopium exscriberet? Multa *Nic. Damascenus*
exscripsit è *Dionysio Halicarnassæo*, & *Ctesia*; *Quincti-
lianus* ex eodem *Dionysio*; *Diodorus Siculus*
ex *Polybio*, *Timeo* & *Posidonio*; *Zonaras* è *Dione*;
Johannes Antiochenus ex eodem, *Eutropio*, *Pla-
tarcho* & *Herodiano*. Rursus *Dio* multa per fraudem
abduxit *Plutarcho*, *Jornandes Floro*, alii aliis: Et
semper furtum suum interpolant, hoc est, aliunde quid
petitum interferunt.

Sic *Evagrium* fecisse puto, & *Procopium* clàm
adeptum ex ambitione pari; ut scilicet per ruinam
tanti nominis ad gloriam & famam aliquam perveni-
ret, eadem in sua retulisse; additis tamen nonnullis,
ne fraus tàm manifesta foret. Neque statim inde col-
legeris: Ergò & alii scripserunt tàm infanda de hoc
Principe. Quidni enim unius & alterius *Veneti* no-
men proderet, qui Justinianum magnis extulit laudi-
bus? Addo, nec *Arcanam Historiam* ad nos integram
pervenisse; ut ipse *Alemannus* fatetur pag. 48. Qui
ergò

ergò certi sumus, non eadem extitisse quondam in *Procopio*, quæ hodiè tantùm in *Evagrio* reperiuntur?

Vigilius Papæ vicem nunquam dolebit, qui hominis scelera legerit apud *Platinam* in *Pontifice LXI.* & *Revium* in *Hist. Pontif. Roman.* p. 39. Vel si veteres malumus, apud *Anastasium* & *Liberatum*. Excusat *Baronius* Pontificem factum, quem privatum contra tot Scriptores non potuit; & sive læta sive tristitia Justiniano acciderunt, non aliâ ex causâ prodit orta, quàm ex observantiâ vel contumeliâ in hunc Pontificem. Ob eam judicii temeritatem perstringitur à *Cassaubono* prolegom. in *Exercit. Baron.*

De multis hæc habe: *Sylverium* Pontificem ut *Vigilius* expelleret, *Eutychianis* hæreticis clam favit; & ob id *Theodoram* adjutricem habuit. Sed Justiniano Sylverii causam postea cognoscere satagente, *Vigilium* Constantinopolim vi abripi jussit; quod factum acclamante populo: *Malè meritus est de Romanis, mala omnia tecum sint!* Constantinopolim ubi advenit, oblitus reverentiæ, quam ex Christi & S. Apostoli mandato debebat Cæsari, ad *Diocletianum* sese venire, impudentissimè dixit. Hinc ab adstantium quodam alapâ acceptâ, in Basilicam confugit. Extractus inde, & fune ductus, multa aspera perpetitur; sed non indigna. Pejus actum cum S. *Eutychio* diximus; sed unâ illud, rediisse Justinianum in meliorem viam.

Converto me ad res civiles. Hic etiam literarum pænè rudes celebratas audiverunt constitutiones ab eo factas, leges veterum Impp. in Codice ordine distributas; vel antiquorum sapientum responsa
ex

ex immensâ congerie pulchrè digesta, vel hæc eadem ad institutionis modum enucleata. De his quid post *Giphanium* dicam, non habeo; & num debeam, jure dubito. Ut enim de pictore, sculptore, fictore, nisi artifex judicare; ita nisi exercitatissimus *JCtus* non potest perspicere tantum Legislatorem; ut verbis *Pli-nii lib. I. ep. 10.* leviter immutatis utar.

Lipsius nunquam agnovit pro ingenti merito, sed pro damno potius, tùm alibi, tùm *lib. II. Monit. & Exempl. Polit. c. 10.* scribens: *A Justiniano leges plurimæ, quibus utimur; Lothario Imperatore, cùm diu siluissent, eas reducente. Nam Gallia, Hispania, Germania, earum ad id ævi expertes erant. Receptæ igitur sunt, & quo fructu? Certè illo litium, nemo negaverit; quæ ex eo nimirũ quantum succreverunt. Europam vide, & mentior, nisi maxima ejus pars circa istas occupatur. Alii judicant, alii instruunt, alii agunt; & qui miserrimi sunt, eas alunt. Bone Lothari, manes tui per me quiescant; sed rosæ aut lilia sepulchrum tuum non ornent, qui tot tricas & spinas se visti nobis.* Hæc *Lipsius*. Cui ut fusiùs respondeam, nemo me rogabit, qui hoc ipsum feci *lib. I. Animadvers. Pompon. c. 6.*

Obiter & illud nota, *Lipsium* hîc secutum esse vulgatam fabulam, *Justinianéas leges* in scholas *Lotharii jussu & auctoritate reductas*. Nam putidum commentum esse, probat *Hermannus Conringius, V. C. in erudito commentario de Orig. Juris Germanici, c. 21.* tùm ex defectu meliorum testimoniorum, tùm argumentis aliis invictissimis.

Reperiuntur prætereà (vide ac ride de uno

Principe judicia tam contraria !) qui mallent constitutiones Principum omnes integras, & JCtos veteres, *Tiberones, Servios, Alphenos, Masurios, Ovilius, Javelenos, Macianos, Julianos, Papinianos, Cajos, Pomponios, &c.* hoc est, responsa Prudentum infinita, & per innumerabiles libros sparsa. Hanc *Salmasio* fuisse mentem accipio, qui *præfatione in Exercitationes Plinianas de Triboniano* conqueritur ; compilando ac colligendo corpore juris civilis nihil aliud posteritati dedisse, quàm centonem ex pluribus pannis *Nomicorum* consutum. *Salmasio* respondeo ex ipso *Salmasio* : *Nisi hæc haberemus, nihil haberemus.* Ea (inquit *præfatione in Ampelium*) *secordia fuit illorum temporum, quibus barbari literatum & Romanum orbem inundare cœperunt ; ut nisi extitissent, qui nobis hæc tanquam ex naufragio tabulas servârunt, certum sit, nihil prorsus ex illorum monumentis ad nos fuisse perventurum.* Atqui præstat hæc qualiacunque nos habere, quàm nihil. Malo certè, quod ad me pertinet, sic eos majore sui parte esse deperditos, quàm si toti funditus periissent. Qui reliquias sanctorum corporum consecretantur, ac studiosè religioseq; eas perquirunt; satis habent, si vel uno officulo potiri queant. Et mox gratiam habendam censet iis, qui veterum Scriptorum reliquias ad nos transmisere; nisi maximè ingrati esse velimus. Quod hîc facimus, & *Triboniano*, vel *Justiniano* potius, gratias agimus; quòd *JCtos* veteres abbreviavit, effecitque, ne illorum placitis omninò careamus hodiè; quàm ut operam istam damnemus, & dicteriis petulantibus incessamus.

Ad res civiles Justiniani pertinet, quod è Zonara scribit Giphanius: *Omnes sua desideria & querelas ad ipsum detulisse; viros, fœminas, pueros, senes; quos interdum & ipse sublevavit atque confirmavit, majestatis ac purpuræ splendore velut perstrictos & attonitos; nullius humilitatem aut inopiam non modò tribunali, sed ne domo quidem exclusam.* Hoc invidiosissimè narrat Procopius in *Arc. Histor. p. 64.* nulli in orbe Romano liberam jurisdictioni potestatem permissam; sibi omnia arrogasse, non ex justitiæ studio, sed turpis lucri, & ex impudenti fastu. Quàm ex veri tripode Aristoteles in *Metaphysicis*: κατὰ τὰ ἐν ταῖς ἀκροάσεσιν συμβαίνειν, id est, pro suis quemque moribus accipere, quæ audit? Quemadmodum arquatis omnia lutei coloris apparent, quæcunque oculis observantur; propter læsam videndi facultatem: Sic iis, qui raptantur ab impotenti affectu, non adest rectum judicium; sed perinde res singulas æstimant, ut suadet opinio. Denique infensis, quæ fiunt dicunturque ab illo, cui irascuntur, omnia prava & improba videntur. Exemplum ejus rei sanè quàm luculentum præbet hoc loco Procopius; apud quem ipsa virtus calumniarum incitamentum est.

Fecit Justinianus, quod antiquissimi quique Regum, sedentes ad portas & muros urbium; ut querelas prætereuntium exciperent & cognoscerent. Apud Hebræos id fuisse, sacra historia docet; & apud Lydos Nicolaus Damascenus in *Excerpt. Peiresc. p. 496.* Leges & jura Deus in manu Principis cum sceptro posuit, cur judicis munus refugiat, & aliis de-

mandet? Non semper minoribus illis & delegatis iudicibus tanta reverentia, tantum virtutis studium. Vide *Lipsum lib. II. Exempl. & Monit. Polit. cap. 9. mon. 3.* In quaestione subjectâ, *Piccartus in Philosophiâ Altdorphinâ, Diss. XXXI. q. 3. p. 321.* Nec id fecit Justinianus ex aliâ causâ, nisi quòd ita faciendum videret. Malumus enim ex *Zonarâ* Justiniani factum interpretari, quem nullas favoris in Justinianum causas habere satis constat; quàm ex *Procopio* sinistri quid illi adspargere, cujus livor ex ipsâ impietate & atheismo ortus tam manifestus est.

Ultimum membrum, quod *Giphanius* fecit, agit de re militari & bellis à Justiniano gestis. Hic sincerè dicam, si parem virtutem attulissent unus & alter è successoribus illius, potuisse non solum totum imperium vetus recuperari; sed & omnes illius æmulos tantæ potestatis accessionem fieri. Stabilitis imperii fundamentis, misit ad *Persas*, qui res imperio per vim ereptas repeterent; negantibus bellum indictum, & *Belisarius* cum copiis immissus. Rem fusè exequitur *Procopius in Persicis*; nec opus hic singula repetere. Victi primùm *Persæ* in *Mesopotamiâ*, & qui olim *Theodosio M.* pugnanti adversus *Eugenium* spiravit, idem numinis favor erga Justinianum in eo prælio cognitus est; cum *vi ventorum* Persarum spicula cæteraq; missilia, in Romanos intorta, præpedirentur; atque inefficacia penitus redderentur: Contrà verò impetu validiore in Romanorum jacula vibrarentur. Sic res Persarum in *Mesopotomiâ* collapsæ.

Eadem Romanorum fortuna in altero prælio,
cùm

cùm in *Armeniâ* majore vires instauratæ essent. Tùm *Narses* Persa cum fratribus ad Romanos defecit, & à Justiniano magnis honoribus attolli cœpit. *Tertium prælium* commissum ad *Daram*; quo victus *Mirthanes*, dux superbissimus Persarum, à Rege suo gravi pœnâ adfectus est.

Sexto ferè anno postquam bellum cœperat, pace factâ, expeditio contra *Gilimerem*, Vandalorum in *Africâ* Regem, suscepta est; successu longè meliore, quàm sub Leone Imperatore. Statim ubi Romana classis appulit, recepta Carthago; Zanzo, Gilimeris frater, occisus; ipse verò per deditionem in potestatem redactus; quodq; ab aliquot seculis nec Roma vetus nec nova conspexerat, Rex potentissimus, nepos illius (qui dominam rerum ipsam victricibus armis occupaverat) in triumpho *Belisarii* ductus est. Factum id, Justiniano IV. Cos. A. V. 1285. ut *Marcellini Chronicon* nos docet; 96. post occupatam à Vandalis Carthaginem; 108. post ingressum eorundem in Africam.

Receptâ *Africâ*, Præfectus prætorio ejusdem regendæ creatus est Archelaus. *Baronius in A.C. 534. n. 56. & seqq.* Sed perpetua in eâdem cum Mauris bella fuerunt, donec eò missus *Salomon Spado*, rei militaris peritus, compressis hostibus, pacem provinciæ reddidit, sub annum Justiniani XIII. Biennio verò post, destitutus à suis, in conflictu cecidit; ac barbari, resumtis animis, Romanorum irritati crudelitate ac perfidiâ, multis eos cladibus affecerunt. Mox & *Guntheris*, Salomonis antea satelles, *Arcobindum*, Ju-

stiniani affinem, interficit; & rursus ab *Artabane Persa* interficitur. Vide *Procopium* & *Marcellinum*.

Nono anno Justiniani bellum Gothicum susceptum est, quod *Theodahadus Amalasuntham* occidisset. Initium belli *Sicilia*, quam *Belisarius* Gothis totam extorsit. Gothorum Rex ita perterritus est, ut cessurum se bonâ fide Imperatori Principatum promitteret; si prædium aliquod, è quo mille ducentos aureos caperet, daretur. His lætus Imperator, remisit legatum, pluraq; indulxit, quàm Rex rogaverat: Sed is non diu post fidem mutavit. Hinc resumpta arma, & *Belisarius* missus iterum *Syraculis* & *Panormo* valido præsidio firmatis, *Messanâ Rhegium* trājecit; & ductis per *Brutios Lucanosq;* copiis, *Neapolin* obsedit. Comperto, per aquæ ductum in mœnia accessum esse, quadringentos statim milites immisit; urbemque occupavit. Gothi *Theodahadi* socordiam ægrè ferentes, occiso illo, creârunt *Witigem*, bello spectatum virum; qui statim totis viribus in *Belisarium* ivit. Quæ dein gesta sunt, è *Procopio* multis docent præter *Giphanium*, *Erycius Puteanus lib. I. Hist. Insubr.* & *Baronius in A. C. 535.*

Summa est: Gothis Romam, quam hæcenus obtinuerant, deferentibus, *Belisarius* ingreditur; & *Witigem* post diuturnam obsidionem cum triginta millium strage rejecit. Paulò post ipse *Witiges*, cum *Ravenna* in *Belisarii* potestatem venit; & *Constantinopolin* abductus est. In locum *Witigis* creatus *Illobaldus*, ac post eum *Alaricus*; quo intra paucos menses peremto, *Totilas* regnum accepit. Hic, dum abest *Belisarius*,

sarius, Gothorum vires restituit, *Veronam* recuperat; Romanos, qui castra castris opposuerant, foedere proterit; *Florentiam* frustra tentatâ, *Casennam*, *Petram*, & hinc in *Samnites* movens, *Beneventum*, *Cumas*; omnemque *Brutiorum agrum*, *Lucaniam* prætereâ & *Apuliam*, totamque *Calabriam* occupat; tùm & *Neapolin* recipit. Hinc *Belisarius* redit; sed cùm haberet vires non magni momenti, *Totila* victor nihil interpellatus est; *Roma* ipsa, commeatibus aliquoties interceptis, gravi alimentorum penuriâ passâ, *Totila* à quatuor *Isauris* proditur, non nisi quingentis civibus superstitis. En rerum vicissitudinem! Hæc est illa *Roma*, in quâ sub *Claudio* Imperatore censita sunt sexagies novies centena sexaginta quatuor millia; ut est apud *Tacitum*. Incidit hæc calamitas in A. V. 1298. annum sextum post Consulatum Fl. *Basilii*; diem 16. Cal. Jan. ut est apud *Marcellinum* in *Chronico*. Aliter *Goltzius* & *Giphanius*.

Cogitabat & *Totila* diruere totam, nisi *Belisarii* literis persuasus, sententiam mutasset. Interim cùm *Totilas* *Ravennam* pergeret, *Belisarius* urbem per 40. dies ita desolatam, ut saltem cubile bestiarum esset, recuperat; & partem murorum instaurare incipit. Supervenit *Totilas*, sed repulsus, *Tibur* se confert. Eodem tempore belli *Persici*, necessitate flagitante, *Belisarius* revocatur: *Diogenes*, dux fortissimus, cum tribus millibus hastatorum præsidio relictus gnaviter rem gerit; sed urbs ab *Isauris* rursus prodita, Gothis cessit; multi cives & milites cæsi: Sed postea *Totilas* in literis à *Francorum Rege* graviter notatus, quòd ur-

bem dominam desolatam relinqueret, ac seipsum magnâ gloriæ parte spoliaret; cives omnes revocavit, inflammata vel diruta instauravit, Patriciis sua restituit, & commeatus undique portari jussit. *Procopius* iterum captam indicat sub initium anni XV. ex quo bellum Gothicum cœperat. Capta est igitur anno nono post Consulatum Basilii, anno ipsius 1301. Cujus sententiæ *Baronius* quoque fuit. In *Marcellino* neque dies neque annus hodiè signatus apparet.

Sed Justinianus Italiam non amisit, licet adversam fortunam hætenus expertus. *Narsetem* summæ rei præfecit. Is *Hunnos*, *Herulos*, & *Longobardos* in auxilio habens, *Totilam* illo ipso loco, quo *Galli* quondam à *Camillo* cæsi erant, magno prælio devicit; interfectis sex Gothorum millibus, & ipse Rex paulò post ex accepto vulnere moritur; quod factum anno undecimo, post Consulatum Basilii; sive A. V. 1303. Reliquias exercitus Gothici collegit *Tejas*, vir rei militaris præstantissimus; sed & ipse victus occidit, ultimus Gothorum Rex. Hic belli Gothici finis, & Gothorum terribile nomen tandem sub Justiniano extinctum.

Pax reducta videbatur, non erat: Nam mox Italia classico novo inhorruit, *Francis* & *Alemannis* irruentibus; quos Gothi fugâ elapsi concitârunt. Ipsi quoque variis cladibus attriti, Italiam relinquere coacti sunt. Meminit hujus belli *Constantinus Porphyrogennetus* lib. II. *Them.* 11. Et Ducem Francorum alterum Βατελίον appellat; quem *Giphanius* modò *Bucellinum*, modò *Bultinum*. *Sigonius* lib. XX. de Occi-

Occident. Imp. Francorum stragem in agro Campano editam scribit ad *Casilinum*, seu *Casadinum*, fluvium; qui olim *Vulturnus*, nunc *Sanguino* ab hac cæde (ut *Morellus* suspicatur) nominari solet. Idem *Morellus* *Agathie* carmen, quo Justiniani victoriam de Francis celebravit, sic vertit:

Plena cadaveribus taboque infecta fluenta,

Tusca Casilini cœpit arena rubens:

Cùm Francos acies populos Romana cecidit,

Et quot parebant agmina Butilino.

Næ felix amnis, qui præfert signa tropæi,

Dum rubet æternum sanguine barbarico.

Dum cum Gothis bellum geritur, etiam in Oriente multum Justiniano negotii à foedifragis Persis fuit: Nam *Chosroës* anno quinto belli Gothici, cùm non esset, qui resisteret, per *Mesopotamiam* irruptione factâ, in *Syriam*, longè latèque grassatus est; Nec antè calamitati finis, quàm Justinianus quinquaginta nummum aureorum persolvisset; totidemque per annos singulos danda pacisceretur. Magnam ignominiam hanc fuisse dicit *Baronius* in *A. C. 540. n. 40.* Et sanè in hoc & aliis similibus factis sævidicum stylum *Procopius* p. 49. & 50. exercet: *Hunnorum* ducibus nullâ occasione accersitis, immanes pecunias perditâ munificentia largitum; illos acceptâ pecuniâ alios duces, eorumque cohortes sollicitasse; qui in fines imperii excurrebant populabundi, &c. Idem *Alemannus* confirmat ex *Agathia*, aitque ob id acclamasse populum: *Barbari aurum dono tulerunt, quasi in eos injurii fuerimus!* Et quamvis *Agathias* excuset, tamen magis accusare, censet idem *Alemannus*. Ut

Ut de hac re agam obiter, dico, nusquam videri peccatum à Justiniano: Pecunias barbaris dedit juvenis adhuc, sed rariùs: Senior & decrepitus frequentius. Hoc Agathias dicit: *Ad ultimum vitæ suæ Justinianus à laboribus visus est abhorruisse, cum potius haberet committere inter se hostes, & muneribus delinitos tantisper repellere; quàm sibi fidere, & in apertum se inferre discrimen.* Cùm Persarum bellum secundum, quod modò retulimus, pecuniâ finiret, nondum erat lenex & laborum fessus; sed urgebat *necessitas*, gravissimo Gothorum bello fatis occupatum. *Rudolphum I.* Imperatorem sapientissimum dixisse ajunt: *Quicumque tres lites habet, duas, si poterit, componat.* Vide *Lipsium lib. III. Epist. Miscell. 77.* In Philippo illo, qui non minùs ut Alexander pro monarchiæ Macedoniæ conditore haberi debet, hanc prudentiam *Justinus lib. VII. c. 6. §. 4.* commendat, quòd bella, quæ velut conspiratione quâdam ad opprimendam Macedoniam, multarum gentium ex diversis locis, uno tempore confluebant; quoniam omnibus par esse non potuit, dispensanda ratus, alia interpositâ pactione composuerit, alia redemerit; facillimis quibusque aggressis, quorum victoriâ & militum trepidos animos firmaret, & contemptum sibi hostium demeret.

In Justiniani facto, quod idem est, dentem fatigat lycophantia. Sanè quæ tanti Principis generositas fuit in explicandâ per omnes gentes imperii maiestate, non permittit credere, pecuniâ fuisse quæsiturum adhuc vegetum & vigentem; quod posset bello. Ergò *necessitas* ad hoc consilium impulit, quod in similibus

milibus angustiis arripuisse fortissimos duces ac Principes, non ignorârat. Romæ veteri nonne recessum suum mille pondo auri venditârunt Galli? Lege *Florum lib. I. c. 13. §. 17. & alios. Hadrianus sapientissimus Imperator* (cui Trajanus, bellicosus Princeps, nimis afflictum imperium reliquerat) à multis *Regibus pacem redemit*; ut est apud *Spartianum in ejus vitâ. Idem fecit Constantinus M. ut Julianus in Caesaribus* nos docet. Idem alii quamplurimi, ut Gothos amicos, quàm inimicos haberent; teste *Jornande in Geticis. Qui barbaris responderunt: Imperatorem bellicosum & vigilantem ferrum habere, non aurum*; ut *Julianus apud Ammianum lib. XXV. speciosa quidem locuti sunt, sed non semper rei publicæ & provinciis utilia. Quid multis? Absolvit hîc Justinianum Valesius ad Ammianum lib. XXIV. p. 285. fecisse hoc prudenti consilio.*

Senex jam factus, si prorsus armis abstinuit, & pecuniis tantùm barbaros repulit, tamen non reprehendendus mihi videntur; ut ob singularem rationem magnificandus potiùs. Quid enim Julius Cæsar, illa bellicæ laudis aquila? ut in *ejus vitâ c. 60. Suetonius* scribit: *tempore extremo ad dimicandum cunctantior factus est. Quare? quia quò sæpius vicisset, hoc minùs experiendos casus opinabatur; nihilque se tantum acquisiturum victoriâ, quantum auferre calamitas posset. Rectissimè. Solet enim fortuna fatigari: Solet, posteaquam nimium indulsit, in fine deficere; quæ sunt verba Quintiliani, Declam. CCLXXI. Nostrâ memoriâ*

moriâ Mauritius Naffovius, nemini veterum ducum animi magnitudine, consilii solertiâ, bellicis virtutibus, ac rerum gestarum gloriâ secundus, sub extremum vitæ, quasi famæ satur, ferè quievit. Quemadmodum bonus Orator, ætate ingravescente, mavult desinere, quàm deficere; perspicitque, ne quid pejus, quàm fecerit, faciat: Et antequam ætatis insidiis opprimatur, canit receptui, ac in portum integrâ navi pervenit; ut eleganter loquitur idem *Quintilianus lib. XII. c. II.* Memini alicubi legere Johannis Jacobi Medicæi, Marchionis Mariniani, responsum ad *Carolum V.* divæ memoriæ Principem; cùm is ad *Metim* omnia frustrâ tentans, de fortunæ malignitate conquereretur: *Fortunam similem meretricula, quæ juvenibus adhæreat, senes deserat.* Hæc cogitare debuissent, quibus tantas faces in Justinianum accendere placuit. Ita verò res habet. Postquam semel affectibus laxavit frena *Procopius*, non habuit ampliùs illos in potestate: *Fertur equis auriga; neque audit currus habenas.* Omnia reprehendenda fuerunt, omnibus etiam egregiè factis invidia conflanda apud seram posteritatem. Simili furore itum est in alterum Justiniani facinus, cùm *hostes cum hostibus* commisisset; *Tranquillam*, inquit *Procopius*, *Romani cum externis gentibus pacem habebant; hic sanguinario furore standi loco impatiens, omnes undique barbaros inter se commisit.* Calumnia Protheo mutabilior res est. Justinianus modò præ ignavia pacem & tranquillitatem emit, modò quiescere & pacem colere nesciit. Non constat, quomodo hæc inter se cohæreant:

reant: Nam *de eodem tempore* loquitur. Tiberium reperio pro magno consilio hoc habuisse, internis discordiis hostes relinquere. Legendus *Tacitus lib. II. Ann. c. 26. §. 5.* scilicet, quia *discordia hostium nihil majus fortuna prestare potest*; ut censet ipse Scriptor in *Germania, c. 33. §. 3.* Imò de Druso, Tiberii filio, adhuc juvene, *idem d. lib. II. c. 62. §. i.* ubi: *Haud leve decus quasivit, illiciens Germanos ad discordias; utque fracto jam Maroboduo usque in exitium insisteretur.* Ejusdem *lib. XII. Ann. c. 48. §. 2.* hoc est: *Omne scelus externum cum letitia habendum; semina etiam odiorum jacienda.*

Nî Justinianus hoc faceret, barbari scilicet quievissent. Id verò credent, qui calamitates, ab iisdem imperio Romano illatas, nunquam audiverunt; nunquam legerunt. Consilium Justiniani prudentissimum, & ejus eventum sic explicat *Johannes Antiochenus* in *Collectaneis*: *Revocans ad calculum Justinianus, quæ expendebantur in tot militum multitudinem; judicavit magis expedire, ut paucis muneribus concitet inter se barbarorum Tribunos; quam ut tot pecunias in exercitum, qui in eos immittendus erat, insumat; eâq; curâ vexetur.* Id sanè adversus Hunnos fecit, qui sunt in altera Danubii ripa. Nam scripsit ad unum ex Tribunis: *Munera vestrum præstantissimo misi, te verò omnibus antecellere ratus, hæc ad te potissimum destina- vi.* At alius, ut audio, vi ea diripuit; se præstantissimum esse dictitans. Tuum ergò erit studium, ostendere, quòd longè cæteris antecellas. Sume tibi ablata, & illum ulciscere, ut par est. Quod nisi feceris, planè manifestum

festum erit, illum præstare; quare nos quidem ei favēbimus, tu verò etiam muneribus privaberis. His auditis, Hunnus bellum in suos populares excitavit; sicque ea gens diuturnis & intestinis bellis deleta est. Hucusque Johannes.

Ex quo loco valdè memorabili multa docemur, quæ pro Justiniani famâ faciunt: Primum injustè conquestus est *Agathias lib. V.* cùm olim universæ Romanorum vires constitissent sexcentis quadraginta quinque bellatorum millibus, vix tùm centum quinquaginta militum millia fuisse. Quid enim? Nec imperium Romanum vetus tùm regebat Justinianus; & tamen illis alendis, quos habebat, vix sufficiebant redditus publici. Secundò non tam prodigus fuit hic Princeps in barbaros, quàm alii eum faciunt: Largitus est, sed *pro necessitate*; cùm intelligeret, è duobus malis eligendum minus; & largitus est *modicè*. Denique in barbaros immittendum fuisse docet exercitum, nisi Justinianus eos vellet pecuniis avertere: Neque per illum stetisse, pacem an bellum mallet. Et tantum de isto.

Nunc ad *Persas*. Non diu post acceptas pecunias fœdus iterum ab illis ruptum est, & missus *Belisarius*, nihil ferè memoratu dignum fecit ob morbum; qui copias ipsius invaserat. Incidit hoc bellum in annum tertium post Consulatum Basilii, id est, A. V. 1295. At sequenti *Chosroës* cum exercitu rediit, & *Sergiopolin* tentavit; sed frustra. Tùm *Belisarius*, prævalentibus Gothorum armis, in *Italiam* revocatus est. Interim *Chosroës*, reparatis viribus, quas & ipsas pestis nuper

nuper exhauferat, anno post Basilii Consulatum quinto, A. V. 1297. *Edeffam* obsidet; sed cum ignominiâ revertitur domum. Imperator occupatissimus, ut miseris provinciis Orientalibus consuleret, *quinque annorum inducias* à Persâ redimit. Ita pax fuit; quâ finitâ, Persæ cum Romanis bellū redintegrârunt. In *Colchis* Romanus exercitus turpiter victus & fugatus est, quo tempore in *Italia* *Franci* bellum moverunt. *Quinquaginta millia* à tribus Persarum *millibus* in fugam versa sunt, cū Deus innocentem sanguinem *Colchorum Regis*, contra Justiniani voluntatem à ducibus occisi, in *iusdem* vindicaret. Rem fusè narrat *Agathias*. Factum id anno post Basilii Consulatum decimo quarto; hoc est, A. V. 1306. Sed hæc ignominia sequenti anno rursus ingenti victoriâ expiata est; ut commemorat *idem*. Nam & Justinianus, pientissimus Imperator, *Rusticum* & *Johannem* (qui Colchorum Regem interfecerant) capite damnavit. Eâdem felicitate debellati *Misiani*, qui à Romanis ad Persas defecerant. Tum ad pacem petendam redactus superbissimus Persa; quæ impetrata, & usque ad Justiniani obitum sincerè culta est. Atque hæc fuerunt *quatuor maxima bella*, quæ Justinianus gessit, communi aliquando fortunâ, tandem suâ.

Sed & alia minora suscepta & confecta sunt, de quibus cū fatis egisset *Giphanius*, civiles quosdam motus exequitur. Quibus nos illum *Samaritanum* addimus. *Chronicon Alexandrinum* in quarto anno Justiniani: *Hoc anno Samaritanis tumultuantibus, sibi que Regem & Casarem creantibus*, Irenæus *Pentadi-*

dia dux exercitus missus est; qui multos interfecit. Cæsarem illum Julianum appellat Procopius in Arc. Hist. p. 52. Et ad eam numisma CCCX. p. 261. refert Octavius de Strada; in cuius alterâ parte Juliani caput, cum inscriptione: D. N. JULIANUS. NOB. CÆSAR. In alterâ simulacra sedentium Palladis & Cybele turritæ, ut explicat Alemannus in Procop. p. 58. 59. Qui proinde dissentit ab Octavio, & numum ad Julianum Apostatam Gentilem pertinere putat. Aliam eorundem Samaritarum seditionem anno XXIX. imperii Justiniani motam refert Anastasius; in quâ Judæi & Samaritæ Christianos multos interfecerunt, & ædes sacras inflammârunt. Missus contra illos Adamantinus.

Posthæc Giphanius etiam de duobus celeberrimis Justiniani ducibus, BELISARIO & NARSETE, verba facit. BELISARIUM Germanum fuisse, & ipse, & Welserus in *Antiquitatibus Augustanis*, & Besoldus in *Synopsi majore* voluerunt ex illis verbis Procopii lib. I. Vandalicorum: *Ducebat Belisarius originem ex Germania, quæ inter Thraces & Illyrios sita est.* Ergò, inquiunt, fuit Quadus. Sed *Germania* vocabulum hîc non est accipiendum vulgari notatione; quâ nos, qui Europæ latissimam regionem habitamus, Germani dicimur; sed intelligenda est *Germana metropolis*, inter *Thraciam* & *Illyricum* sita; cujus mentionem faciunt Orientalium Pontificum sanctiones; & de quâ Ortelius dubitat, sitne *Germanopolis Ptolomæi*? Malo igitur tam illustrem heroëm pro populari non agnoscere, quàm veritatem de industriâ abscondere.

Primum

Primum sub Justiniano ipso, nondum Imperatore, meruit, ejusque fuit *doryphorus*: Dein ab eodem contra Persas *cohortibus aliquot* præficitur: Tum *Tribunus* militum, denique *Imperator*. Uxor illi *Antonina Patricia*, quæ priori marito *Photium* pepererat. Hic igitur *Belisarii* privignus. Ipse verò *Belisarius* *unicam filiam* ex eadem genuit *Johanninam*, Anastasio, Justiniani & Theodoræ nepoti ex filiâ, desponsatam; ut nos *Procopius* solus docet in *Arcanâ* p. 20.

Rectè verò *Giphanius* putidissimum commentum esse pronunciat eorum, qui *Belisarium* tandem *effossis oculis in trivio mendicasse obolos*, tradiderunt. Sed fallitur, quòd commenti auctorem existimat *Petrum Crinitum*: Nam & diu antè id à *nugantibus Græculis* celebratum est; à quibus accepit *Johannes Tzetzes Chil. III.* Ipsi verò *Johannis Cappadocis* historiam, & infelicem exitum, confuderunt cum exauctoratione *Belisarii*; cujus *Procopius in Arcana* meminit; vel quæ de illo *Johanne Giphanius* refert. Sed *Belisarius*, quamvis aliquando calumniis petitus, & imperio spoliatus est; tamen veterem dignitatem mox recepit, missus in *Italiam*; ut est in *Appendice Chronici Marcellini*.

NARSETIS, alterius ducis, patriam sibi perobscuram dicit *Giphanius*; sed non dubito, quin fuerit oriundus ex illâ parte *Armenia*, quæ Persis parebat. *Narsetem & Aratium* fratres *Persarmenios* expressè *Procopius lib. I. Persicorum* dicit: Sub idem tempus, inquit, *Narses & Aratius* fratres *Persarmenii* genere, unâ cum matre ad Romanos transfugerunt; quo-

rum Narſes *Quæſtor etiam ab Imperatore factus, ſuas quoque gentes pecuniâ corrupit. Quæ cùm Iſaac es, frater eorum natu minimus, cognoviſſet; cùm Romanis clam collocutus, Bolum arcem iſſis tradidit.* Quid eſt igitur, quòd ultra hæſitamus? Hujus viri dignitates & laudes continet *Inſcriptio pontis Salarii apud Gruterum. p. 161:* IMPERANTE D. N. PIÏSSIMO. AC. TRIUMPHALI. SEMPER. JUSTINIANO. P. P. AUG. ANN. XXXIX. NARSES. VIR. GLORIOSISSIMUS. EX. PRÆPOSITO. SACRI. PALATI. EX. CONS. ATQUE. PATRICIUS. POST. VICTORIAM. GOTHICAM. IPSIS. EORUM. REGIBUS. CELERITATE. MIRABILI. CONFLICTU. PUBLICO. SUPERATIS. ATQUE. PROSTRATIS. LIBERTATE. URBIS. ROMÆ. AC. TOTIUS. ITALIAE. RESTITUTA. PONTEM. VIÆ. SALARIAE. USQUE. AD. AQUAM. A. NEFANDISSIMO. TOTILA. TYRANNO. DESTRUCTUM. PURGATO. FLUMINIS. ALVEO. IN. MELIOREM. STATUM. QUAM. QUONDAM. FUERAT. RENOVAVIT. Cæterum tam noxiuſ imperio poſteà fuit, ſub Juſtinio II. quàm ſub Juſtiniano utilis fuerat.

Ultimuſ caput in *Giphanio* miſcelluſ eſt, atq; hoc unuſ inſtituti noſtri cauſâ notamuſ; ſub Juſtiniano *Conſules creari deſiſſe.* Sic enim *Procopiuſ in Arc. pag. 115:* Non eſt omninò comitia videre Conſularia; quare extremaſ mortaleſ oppreſſi ſunt egeſtate. Vide hominiſ malignitatem! Fecit id Juſtinianuſ ad immodera-

moderatas *expensas* illas tollendas; quas in Consulatus primo die ab ipsis creatis Consulibus fieri moris fuisse, docui *ad Pompon. lib. II. de Origine Juris*. Legem primum tulerat, quâ sumptus istos nimios moderatus est; vide *Novell. CV.* sed cum datis limitibus humana superbia coarctare se nesciret, hinc illud tandem Imperatoris subiit animum; ut Consulatus dignitatem amplissimam paulatim è Senatu proscriberet. Ita dum optimus Imperator providit, ne illustres familiæ *missilibus, donativis & strenis* suis ad extremam inopiam prolaberentur; audire cogitur, *ad egestatem alios redegisse*; scilicet quia plebem lascivientem & otiosam hoc commodo spoliavit. At nemo sapientum fuit unquam, quin detestaretur *hirundinem illam ararii*, & plerumque procerum plebem: *Factum enim, ut omnes artes, omnia opificia, omne negotiandi studium, omnis agricultura negligeretur; cum pecunia aliunde suppeterent.* Suadet Sallustius in *Orat. I. de Republ. ordinandâ: Uti plebs habeat negotia sua, largitionibus & publico frumento corrupta.*

Cæterum sublatâ chronologiâ per Consulatus deductâ, in posterum tempora notabimus aliter; & ut in externis nuper à mundo condito *supputationem Calvisianam*; sic eandem sequemur à tempore nati Salvatoris. Hæc sunt, quæ de Justiniano volui, debui; nec dubito, quin *veritatis studiosum* me fuisse, boni omnes facilè intelligant. Iis, qui *Procopium & Evagrium* æstiment, non placebo. Sed *veritas non est, quicquid amor & auctoritas magnorum nominum suadet.* Concludo verbis incomparabilis *Salmasii: Justinianus bonus ac pius Princeps!*

JUSTINUS SECUNDUS.

Mortuo Justiniano die 14. Novemb. (*Chronicon Alexandrinum* licet mendosum in numero mensium, & *Theophanes*) A. C. 565. mediâ nocte, cum imperâisset annos 38. menses 8. (*Evagrius lib. IV. c. 40.*) successit JUSTINUS junior; patre Dulcissimo, matre Vigilantia, Justiniani sorore natus. *Corippus Grammaticus* & *Victor Tununensis*. Ergo perperam *Raphaël Volateranus*, *Onuphrius*, *Occo*, *Strada* & *Hemmelarius*, Justiniani nepotem ex filio faciunt. Sed & *Camerarius* apud *Nicephorum Callistum* in *Chronico* malè vertit fratris filium.

Fuit prius *Curopalates*; de quo officio consulendus *Alemannus* in *Procopium* p. 17. Socordis ingenii principem vocat *Besoldus*, scilicet quòd in gerendo bello imprudens & ignavus esset. Pacem cum *Avaribus* & *Persis* solvit, cum magno reip. damno; effecitque, ut de Justiniani prudentia nemo jam dubitarit. Acceptâ in Oriente magnâ clade, *in phrenesin* incidit; quâ commotus *Chosroës* petenti *Sophiæ* triennales inducias concessit. Tamen paulò ante finem Justiniani redintegrato bello tam feliciter à Justiniano duce pugnatum ajunt, ut *Chosroës* lege perpetuâ sanxerit, ne contra Romanos Rex Persarum copias ipse duceret. Alii mortuo Justino victoriam hanc reportatam scribunt; alii vivente quidem Justino, sed jam omnia gubernante *Tiberio*.

Hæc verò est illa *Sophia*, quæ Justiniani uxor & *Theodora* neptis, sed non ex Justiniano (idem *Corippus*

pus & Victor Tununensis) Narsetem ad immane scelus
luscipiendum irritavit. Nam cum Justinī literis re-
vocaretur ex Italia, insignem contumeliam adjecit im-
potens fœmina: *Sibi semiviro in gynacéo opus esse; illic
ad colum inter nentes jura daturum, & pensa in qua-
fillos divisurum.* Hinc Narses, supra quàm dici potest,
excanduit, sibi naturæ aut fortunæ injuriam cum pro-
bro objectari; & quia *ad lanificium* poscebatur:
Exordiar sanè telam, inquit, *quam nulla Pe-
nelope, nec quicquid usquam est muliebrium So-
phiarum, retexere potest.* Igitur Italiam, quam à
Gothis felicibus armis vindicârat, rursus perditurus,
Longobardos, eo tempore militiâ formidabiles, è *Pan-
nonia* advocat; eorum Regi *Alboino* Italiam in præ-
dam spondet, aditu obtentuque facilem; quippe viris
vacuam, & à recenti adhuc calamitate languentem.
Ita *Paulus Diaconus*. Sed *Constantinus Porphyrogen-
netus de administrando imperio* c. 28. rem paulò aliter
narrat, & ipsam Augustam non *Sophiam*, sed *Irenem*
vocat.

Quicquid sit, *Italiam* ingressi sunt *Longobardi*;
& ejus nobilissimam partem tenuerunt, usq; ad *Caro-
li M. tempora*; quæ primo impetu invadere non po-
terant, ea cesserunt *Exarcho*. Nam dignitatem istam
Justinus instituit, fuitque sedes potestatis *Ravennæ*.
Uno verbo: *Vices Imperatoris in Italia* sustinebat. Pri-
mus *Longinus*, ultimus *Eutychius*; quem post annos
183. *Aistulphus* Rex, *Ravennâ*, ut & omnes Græcos
Exarchatu spoliavit. Vide *Erycium Puteanum* lib. II.
Hist. Insuëric. p. 110. Sigonium lib. I. de Regno Italiae.

In civilibus Justinus laudabilior, leges ac justitiam amavit; cujus insigne exemplum refert è *Cedreno Petavius part. I. Ration. Temp. lib. VII. c. 9.* decessit d. 26. Sept. A. C. 578. ut *Chronicon Alexandrinum* & *Theophanes* fidem faciunt. Liberos è *Sophia* genuit *Iustum*, sed qui rursus obiit, antequam pater imperium adipisceretur; & *Arrabam*, sive *Arabiam*, uxorem Patuarii Curopalatæ. Illius meminit *Theophanes*; hujus *Corippus*, & nominatim *Antiquitates Constantinopolitanae*; quas laudat *Alemannus in Procop. p. 68.* Ex Arabia & Patuario nata est *Helena*.

TIBERIUS.

TIBERIUS CONSTANTINUS (ut describitur in numis apud *Occonem p. 584.*) & ipse *Curopalates* (eò usque creverat ista dignitas, ut ad imperii fastigium proximus gradus esset) adoptatus à Justino, & Cæsar factus est d. 7. Dec. A. C. 574. ut vult *Theophylactus Simocata lib. III. c. 11. d. 7. Sept.* ut vult *Chronicon Alexandrinum*. Errat *Evagrius*, qui Justinum ait solum imperasse annos 12. menses 10. dies 15. cum Tiberio annos 3. menses 11. in totum annos 17. menses 9. cum dimidio. Rectè *Petavius*, regnasse solum annos 8. superque menses 9. ferè; cum Tiberio annos 4. ac duos circiter menses. In *Roma Subterranea*, opere longè pulcherrimo, quod nuper prodiiit, extat p. 107. insignis *Inscriptio*, quæ huc facit: DEP. EST. BOETIUS. CL. P. OCT. CAL. NOBR. INDICT. XI. IMP. DOM. N. JUSTINO. P. P. AUG. ANN. XII. ET. TIBERIO.

RIO. CONST. CÆR. ANN. III. Hic fuit Justinianus penultimus annus. Ergo Tiberius cum Justino regnavit omnino per annos 4.

Fuit Princeps lenitate, justitiâ, munificentia, pietate, cæterisque Imperatore dignis virtutibus sanè quàm commendatus. *Persas*, duce *Mauritio*, feliciter repressit; & *Narfetis* thesauros reperit, ut scribit *Diaconus*. Moritur A. C. 582. d. 14. Aug. ut est in *Chron. Alexandrino*. Uxorem habuit *Anastasiam*, & ex eâ filias, ante imperium susceptas, *Charitonam*, quam Germano in matrimonium collocavit; & *Constantinam*, sive *Constantiam* Mauritio desponsam; ut ex *Evagrio* & *Theophane* manifestum est.

MAURITIUS.

FL. MAURITIUS (ita numi) vel MAURITIUS TIBERII (ut alii) *Cappadociâ* oriundus, virtute ac peritiâ rei militaris conspicuus, succedit Tiberio focero, A. C. 582. Ad eum confugit *Chosroës*, de quo illustrem victoriam reportârat, pulsus à suis: Statimq; à Mauritio adoptatus, & bello restitutus est. Tùm *Avaricum bellum* suscepit adversus *Caganum*; captos ab eo Christianos milites cùm nollet exiguâ pecuniâ redimere, paulò post iratum avaritiæ Deum sensit. *Phocas* contra eum ab exercitu Imperator salutatus est, A. C. 602. d. 27. Sept. qui totam domum ejus delevit, ipso quoque capite truncato. Nemo Principum fortiore animo tulit casum suum, cùm hoc *Davidicum* solùm diceret: *Iustus es, Domine, & rectum judicium tuum!* Sed &

unum ex filiis occultante nutrice, ac *suum pro illo sub-*
jiciente, piam fraudem ultrò detexit; nec alium occidi
 passus est. Vide *Baron. in A. C. 602. n. 19.*

PHOCAS.

FL. PHOCAS (sic appellatur in numis apud Oc-
conem p. 586.) imperium, quod auspicatus est,
 d. 27. Dec. A. C. 602. tenuit per annos 8. nam
 ab *Heraclio* captus & interfectus est A. C. 610. ut ex
Chronico Alexandrino, Theophane, & aliis manifestum
 est. Αἰμονότης dicitur à *Johanne Antioch. in Exc. Peir.*
p. 853. Id est, cruentus & sanguinarius. *Narfetem* no-
 bilissimum ducem, qui rebellârat, per fas & nefas, ite-
 ratis juramentis interpositis, ad se pellectum, mox vi-
 vum comburi jussit. *Cedrenus & Historia Miscella.*

Cave hunc eundem cum *Baronio, in A. C. 568.*
n. 13. & alibi, credas cum *Narfete eunucho*; qui *Gotho-*
rum regnum in *Italiâ* sub *Justiniano* destruxit. *Nar-*
setis, Justiniani ducis, hic fuit exitus: Cùm *Longo-*
bardi, *Pannoniâ* *Hunnis* concessâ, conjuges, liberos,
 fortunasq; transtulissent in *Italiam*; *Narfetem* per-
 fidia ferè poenituit. Audiebat passim, novæ calamita-
 tis auctor, qui bellum profligârat. Igitur animum cru-
 cians, *Romæ* morbo ac dolore interiit. Sic referunt
Paulus Diaconus, Anastasius Bibliothecarius, & alii.
 At hic, ut audivimus, *Phocæ* jussu, vivus crematus est.
 Nec profectò tam facile est dicere, *Diaconum & A-*
nastasium retulisse falsum; vel, quod *Baronius* cogita-
 vit, ab omni perfidia maculâ liberare *Narfetem*: Con-
 sentit enim in re ipsâ *Constantinus* Imperator, non
 Paulum

Paulum Diaconum, sed alios secutus; ut ex circumstantiarum diversitate lector diligens observare potest. Nisi ergo auctoritates istae solidioribus rationibus confutentur, inde sic argumentamur: *Narfetem eunuchum* post immanem prodicionem vix vitam, ne dum summam Praefecti potestatem apud Romanos ad imperium usque Phocae habiturum fuisse. Quid? an Narses eunuchus ad Phocam usque vitam produxit, qui missus est in Italiam contra Gothorum Regem A. C. 552. ut ipse fatetur *Baronius in illo anno, n. 21.* Cui non imminutae mentis lectori persuadebit hoc? ego omnino duos statuo *Narfetes*: Primum Narsetem illum, cujus ductu Gothorum regnum eversum est; posteriorem, qui per nefas circumventus, à Phocà vivus crematus est. Hic postremus adhuc juvenis *armiger* fuit *Justini*; de quo *Corippus lib. III.*

*Armiger interea Domini vestigia lustrans,
Eminet excelsus super omnia vertice Narses
Agmina, & angustam cultu praefulgurat aulam;
Comtus caesarie, formaq; insignis & ore,
Aureus omnis erat cultuq; habituq; modestus.*

Praefectus Romani exercitus vicit *Varanem*, & *Chosroem juniorem* restituit, *Miscell. lib. XVII. Zonaras in Mauritio, Nicephor. lib. XVIII. c. 20.* Duo igitur belli fulmina ejusdem nominis, alter *Gothis*, alter *Persis* oppositus; hic ipse, quem Phocas tam crudeli mortis genere sustulit, ultoremq; crudelitatis & perfidiae rursus habuit *Fl. Heraclium*, Africae Praefectum: Is enim indignè ferens, Phocam imperium hostibus perden-

dum relinquere, A. C. 610. solvens ex provincia, *Constantinopolim* occupat, & *Phocam* supplicio afficit.

HERACLIUS.

FL. HERACLIUS, filius Heraclii *πατριάρχης* & *ἐκ* 'Αφεικῆ καὶ Λιβιῆ, ut ait *Zonaras*; & hinc *Λιβιῆ* cognominatus à *Constantino* lib. I. *Themat.* 1. p. 3. imperium adeptus, occiso *Phocâ*, *Persas*, qui Orientis maximam partem occupârunt, & *crucem Salvatoris in Persidem* asportârunt, de pace rogat supplex: Sed illi respondent, tùm demum concessuros, si *crucifixum abnegarent Deum*, & *Solem adorarent*. Eodem tempore *Avares* in *Thraciam* irrupère; quibus ægrè placatis, Heraclius totus in bellum *Persicum* incubuit; victis *Chosrois* ducibus, etiam in *Persidis* interiora movit A. C. 627. & hostem compulit pacem petere, reddere cum ademptis opibus, & captivis *Sacrofanctam crucem*; quam *Heraclius* summâ cum veneratione *Hierosolymam* transtulit.

Hujus temporibus nova è profundo barathro erupit religio, seu clades potius ac lues humani generis; quæ initium à *Muhamede*, *Abdulæ* filio, *Abdulmutalibi* nepote, sumsit. Vide *Lex. I. Histor. Musul.* p. 32. & *Joh. Cotovicum* in *Itinerario* c. 1. *Baron.* in A. C. 630. & alios passim. Ipse Heraclius in **Monothelitarum** hæresin prolapsus est; ut scribit *Theophanes*. Moritus d. 11. Martii A. C. 641. ætatis 66. cùm imperâisset annos 30. menses 4. dies 6. *Petavius* in *Ration. Temp.* part. I. lib. VII. c. 13.

CON-

CONSTANTINUS.

SUccedit Heraclio patri, & *quarto imperii mense*, seu morbo, seu veneno à *Martinâ novercâ* tollitur.

HERACLEONAS.

Heraclii filius cum *Martinâ* matre *sex mensibus* imperium tenet; iis exactis, *nares* Heracleonæ, *lingua* Martinæ præscinditur, ex Senatus decreto. *Theophanes, Zonaras, Cedrenus & Miscella.* Hunc *Besoldus* in minore Synopsi, an ut illegitimum amisit? non opinor: factum vel ipsius incuriâ, vel typographi. Nam mox Justinianus in Heraclii stirpe *sextum Augustum* dicit. Quòd si Heracleonam excludimus, falsum est; haberemus enim saltem *Heraclium, Constantinum, Constantem, Constantium Barbatum, Justinianum.*

CONSTANS.

CONSTANTINI F. Heraclii N. occiso Heracleonâ, imperium adeptus, infelix bello; ut rectè. Primùm contra *Saracenos* infelicissimè pugnavit, ut est apud *Theophanem*, & in *Miscella.* Inde *Orientis* velut pertæsus, in *Italiam* trajecit, contra *Longobardos*; sed ab iisdem victus, *Romam* furore quodam barbarico expilavit; ut est apud *Paulum in Longobardicis.* Hinc in *Siciliam* transmisit, ubi cum 6. annis hæsisset, *Syraculis in balneo* interfectus

ctus est à suis; cùm imperâisset annis 27. Factum id A. C. 668. præter *Theophanem* vide *Zonaram*.

CONSTANTINUS.

METIUS, sive MEZENTIUS, sive MEZIZIUS, *Armenus*, creatus erat à rebellibus; sed hunc paulò post superveniens Constantinus, Constantis occisi filius, Constantini nepos, Heraclii pronepos, interemit; ut scribunt *Anastasius*, & *Constantinus Manasses*. Hic igitur imperare cœpit, cum fratribus *Tiberio* & *Heracio*; ut vult idem *Anastasius*. Nares iisdem mox amputatas tradit *Theophanes*; sed qui nec sibi consentanea loquitur: Ait enim eosdem imperio dejectos anno demum XIV. Constantini.

Pogonatus, vel Pogonates, hic Imperator cognominatus est, cujus rei causam reddit *Constantinus Manasses* in *Annalibus*:

- - quod parans *Mezizii*

Ducis in luem classem tener & imberbis,

Hinc reversus amplâ visus est barbâ decens;

ut Latine vertit *Fridericus Morellus* notis in *Constantinum Porphyrogennetum* de *Themât.* p. 121. Sub hoc *Constantinopolis* à *Saracenis* obsessa per 7. annos; quibus cum Imperator superior tandem fuit, pax his conditionibus facta, ut *Saraceni Romanis* quotannis *trecenta sexaginta quinque aureorum millia* penderent; ac *virorum capita quinquaginta*, equos nobiles *quinquaginta*. Sic tranquillitate restitutâ, *Concilium generale sextum* indixit. *Petav. Ration. Temp. part. I. lib.*

lib. VIII. c. 1. Moritur A. C. 685. cum imperâisset annos XVII. ut scribit *Constantinus Manasses*.

JUSTINIANUS II.

Constantini Pogonati F. cognomento Rhinometus, à truncis naribus, succedit patri, annos natus 16. *Mardaitas*, Libani incolas, obicem imperii Romani, cuius *Saracenos* sedibus suis detraxit: Cum iisdem *Saracenis*, fretus *Sclavorum* invitis auxiliis, congressus, inferiores tulit. Domi crudelis ac rapax, plures sibi hostes peperit. Hinc à *Leontio* Patricio, quem ad regendam *Helladem* miserat, è carcere, comprehensus, *nasoq; mutilatus*; & *Chersonam* relegatus est, A. C. 695. Ab exilii loco postea fugiens, venit ad *Caganum*, Regem Avarum, cuius filiam duxit; & hinc ad Bulgarorum Principem, *Trebellium*; cuius ope restitutus, *Leontium* & *Absimarum* in vinculis, *præfecto naso*, per urbem circumductos, & ludis *Circensibus* spectaculo exhibitos, *capite plecti* meritò jussit. *Constantinus Manasses*, *Cedren. Theophan.* & alii. Mox iisdem *Bulgaris*, quorum beneficio regnabat, bellum inferens, & victus, dignas ingratitude pœnas luit. Tùm in *Chersonitas* conversâ lævitiâ, pænè omnes interfecit, classe in eos missâ; quam redeuntem adversum mare horrendo naufragio castigavit. Hac ille clade parùm commotus, immò ferocior factus est; quòd sui in illo *Chersonitarum* strage parvulis pepercissent. Igitur adversus ætatem, quæ crudelissimos in se barbaros facilè exarmat, novam classem instruxit; id omnium mentes alienavit. Nam conjuratione fa-

cta,

Etâ, *Philippicus Bardanes* ad imperium evectus, *Justinianum* unâ cum filio *Tiberio* interfecit A. C. 711. exeunte; vel ineunte 712. Et sic *Heraclii domus extincta est.*

LEONTIUS & ABSIMARUS, TYRANNI.

DE priore jam satis diximus. Cùm *Justinianum truncatum naso* exegisset, armis nihilo felicior, *Carthaginem* amisit; missus in *Africam* exercitus rem malè gerit, & offensionem veritus, contra *Leontium Absimarum* creat; & *Tiberium* appellat. Sub hoc Absimaro *ducenta millia Saracenorum* à Romanis in *Syria* concisa scribit *Theophanes*. Utriusque tandem fatum illud fuit, redeunte ab exilio *Justiniano*, quale dixi. *Prodigus & ignavus* Imperator, cùm biennium & menses aliquot imperâisset; equestri dato certamine post prandium in secessu dormiens, à conjuratis arreptus, oculisq; privatus est, pridie Pentecostes; five 4. Junii, A. C. 713.

ANASTASIUS.

ARTEMIUS, Philippico à secretis, imperio accepto, dictus ANASTASIUS, contra *Saracenos* classem ingentem parat in insula *Rhodo*. Sed exercitus seditione concitatâ, & occiso duce, *Theodosium* quendam tributorum exactorem, Imperatorem salutatur. *Anastasius* desperatis rebus suis, imperii ponit insignia, & se monachum facit, A. C. 715.

THEO-

THEODOSIUS.

THEODOSIUS ADAMYTTENUS, Imperator quasi per ludum ac jocum factus, regnat usque ad annum 717; quo Leoni sponte cessit; is detonsus in Clericum cum filio vivere permisit in otio.

LEO.

LEO ISAURUS, ante imperium Conon appellatus, imperium suscepit d. 25. Martii, A.C. 717. Saracenos, qui Asiâ vastatâ Pergamum expugnârant, & Constantinopolin obsederant, repulit; Tiberium tyrannum per duces suos in Sicilia oppressit, & Occidentem pacavit, A.C. 719. Nomen Pontificiis invisum, quòd imagines aboleri iussisset; sed præter meritum. Videbat enim Imperator, statuas religiosâ veneratione coli, adversus clarissimum Dei mandatum. Ob hanc causam Gregorius II. Pontifex, Imperatorem subjecit anathemati; ac Romam, & quicquid Italiæ reliquum erat, à Byzantinorum Principum abstraxit imperio; tributaq; pendere iis ultrâ prohibuit. Hæc ipse Petavius Jesuita, Ration. Temp. lib. VIII. part. I. c. 5. Igitur hoc tempore idololatria pontificia magnum incrementum cepit; Imperator è divinis literis optimè informatus, pressus, & potestate suâ, quam in Italiam, Romam & ipsum Pontificem habebat, privatus est. Unde caute legeris Besoldum in Synopsi majore, factum & ipsum denique πολὺ θεον. Leo, ne Pontificis perfidiam ulcisceretur, bellis

bellis Saracenicis impeditus est. Obiit hydropicus A.C. 741. d. 18. Junii; cum imperâisset annos 24. & menses 3.

CONSTANTINUS COPRONYMUS.

LEONIS Imperatoris F. Copronymus cognominatus, quia fecit id, quod *Wenceslaus Noribergæ*; hoc est, *baptismo* admotus, in aquam sacram *ventris onus* elisit. Factum id A. C. 719. d. 25. Octob. Contra hunc *Artabasdu* res novas molitus est; & pullo Constantino, ut *manuum opera* rursus colerentur, imperavit. Verum anno 743. mense Sept. captus à Constantino cum filio, & *excecatus* est. Cum *Saraceni* discederent, Constantinus *Syriam* & *Assyriam* felicibus armis pervasit; & passim rem Christianam restituit. Hujus temporibus *Turcæ* è portis *Caspiis* eruptione factâ, *Armeniam* & *Iberiam* perfultrâunt; & prædâ graves redierunt domum. Moritur A. C. 775. d. 14. Sept. cum imperâisset annos 34. menses 3. non malus Princeps, nisi bonitatem causæ sævitiâ corrumpere.

LEO.

LEO, Constantini Copronymi F. à patre confors imperii factus, sicut & pater, Porphyrogenetti nomen tulit. Bellum *Saracenicum* strenuè profligavit, & proceribus poscentibus Constantinum filium, ex *Irene* genitum, imperii participem fecit. Alii dein *Nicephorum*, Leonis fratrem, ad invaden-

invadendam tyrannidem hortati sunt; quos Imperator convictos unâ cum fratre exilio multavit. Moritur A. C. 780. d. 8. Sept. cùm imperâisset annos ferè 5.

CONSTANTINUS.

Leonis F. Constantini Copronymi N. Porphyrogennetus cognominatus (sed *cave* hunc *confundas* cum Constantino Porphyrogeneto, & ipso Leonis F. *literatissimo* Principe, cujus scripta toties hæcenus citavimus; nam *hic ætatis posterior*) unâ cum Irene matre ferè per annos 10. regnavit. Impotens fœmina idololatriam instauravit, & Aaroni, Saracenorum Principi impar, tributarium imperium reddidit. Filium, cui *Rotrudim*, Caroli Francorum Regis filiam, A. C. 782. desponderat, violatâ fide Mariam quandam oriundam Armeniâ coëgit ducere, mense Dec. A. C. 788. A quibus nuptiis filius abhorrens, simulq; matris pertæsus, eam A. C. 790. redegit in ordinem; tamen postea dignitati restituit, cum magno suo malo. Nam ejusdem dolo circumventus, & immaniter *excæcatus* est anno imperii 18. Christi 797. *Besoldus* hanc Irenem *nimis improvidè* commendat, *benè* administrâsse rempublicam, filium *insolenter*; eandemque admodum *iniquè* in exilium pulsam. E Pontificiis consule *Peta-vium part. I. Rat. Temp. lib. VIII. c. 6.* è nostris *Cluverum in Epit. pag. 435.* & *anæstias Besoldi* satis animadvertes.

CAPUT XVI.

HOc caput *Besoldus* inscribit DE IMPERATORIBUS ORIENTIS POST AVULSUM OCCIDENTEM. Sed miror in hoc caput non retulisse CONSTANTINUM COPRONYMUM, LEONEM & CONSTANTINUM PORPHYROGENNETUM; sub quibus jam Occidens avulsus erat: Sicut enim diximus, à Leone defecit Pontifex, secumq; traxit, quicquid in Italia Constantinopolitanis Principibus hucusque paruerat.

Tria verò *Besoldus* agit in hoc capite: Primò, quomodo *Carolus*, Francorum Rex, rebus bellicis, inclaruerit, & *Longobardicum* regnum in Italia destruxerit? Secundò, quomodo *Constantinopolitanum* imperium, non nisi ignavos Principes sortitum, tandem defecerit? Tertiò, quomodo *Turcae* prosperâ fortunâ usi, Orientem suum fecerint? De his quoq; dicam quàm brevissimè.

Francorum præclara gens, quæ super omnes gentes enitet, ut laudat *Puteanus* comment. in *Historiam Insulicam* p. 187. Item: Gens virtutibus factisq; eximia, ut ait *Euphormio* in *Icone* c.3. Nec non: Gens tam nobilis, ut hodieq; universos *Europæos Asiatici* Francos indigitent; sicut *Orientales Romæos*, *Abyssini* quoque in *Africa* communiter nos *Alfrangues*, & *Christianum orbem Franciam* nuncupent, teste *Vagetio* in *Periodo regni Turcici* p.25. Non à *Trojanis* oriunda, vel *Franco* quodam, *Hectoris* filio, ut quosdam existimâsse jam suprà in rebus *Trojanorum* docui; neq; etiam à *Bojis*,
ut

ut in Bojorum gratiam *mentitus* est *Aventinus*; sed
 ex aliquot Germaniæ populis adunata fuit. Nam Ger-
 mani rectè tandem animadvertentes, nihil contra Ro-
 manum imperium validius, quàm fraternam quan-
 dam concordiam; & hoc uno se hætenus Romanis
 inferiores fuisse, quòd singuli ac divisi pugnâssent;
 adversus eos conspiratione factâ, in unum corpus co-
 ierunt, & Germanico idiomate *Francos*, hoc est, dñe
Freyen / *liberos ab omni servitute* se nuncupârunt.
 Quicquid igitur Taciti tempore *Chatti*, *Tencteri*,
Bructeri, *Ubbi*, *Usipetes*, *Chauci*, *Cherusci*, *Hermunduri*,
Narisci, *Suevi* deniq; tenebant; *Franciæ* nomen occu-
 pavit. *Freher. lib. II. Orig. Palatarum c. 3.* Reliquiæ
 tantæ multitudinis, quæ in unum corpus coaluit, u-
 numque nomen adscivit, confederunt ad *Moenum*;
 nam cæteri omnes *Rhenum* sæpius transgressi, sub *Au-*
reliano, *Floriano*, *Probo*, *Proculo*, *Juliano*, *Valentinia-*
no & *Honorio*; sæpiusq; repulsi, tandem cùm *Attila*
 res Romanas attrivisset, *Belgicam*, dein *Celticam* sube-
 gère. Mox *Ægidio* & *Sangrio*, Galliarum Præsid-
 bus debellatis, *Lugdunensis* *Galliæ* partem juris sui
 fecerunt.

Gothi *Aquitaniam*, Burgundiones *Narbonen-*
sem, *Sequanaq;* partem Romanis eripuerunt. Victis
 his, qui fortunæ superstites erant, Francis accessere;
 Nec diu pòst Gothi, acriter à *Belisario* pressi, Francis
 & ipsi partem suam concesserunt hæc lege; ut in belli
 societatem secum venirent. *Alemannos* quoq; non
 tulerunt in *Gallia* residere, iisque insigni prælio de-
 victis, totâ paulatim regione potiti sunt; permittente

Justiniano. Consulendus *Puteanus comment. in lib. II. Hist. Insu-
bric. p. 97. 98.*

Initium regni *Francorum in Gallia* constituerim
A. C. 549. octavo post Consulatum Basilii. Tum
enim *Franci* ab Imperatore *Justiniano* Galliarum ju-
ra adepti sunt; & *aureos numos*, quod ipsis *Persis* non
licebat, cudere cœperunt; non Imperatoris Romani,
sed *suorum signatos imagine*; ut è *Procopii lib. III. Go-
thicorum* docet *Baronius in A. C. 549. n. 4. 5.*

Francis illo tempore præerat *domus Merovei*,
qui Romanis junctus cum *Attila* manus conseruit in
campis *Catalaunicis*; eaque in *Childerico* 200. ferè
post *Justinianum* annis defecit; *Pipino*, Majore domus,
ob rei militaris peritiam prudentiamq; in regendis ci-
vilibus, ad regnum evecto.

Stemma Pipini locupletius (quàm in historia
Caroli Magni, auspiciis *V. C. Bœcleri* prodiit p. 92.)
exhibetur à *Puteano lib. III. Historiæ Insu-
bric. p. 181.* hoc modo: *Carolus M.* seculo Christiano sexto, clari
nominis ac potentia in *Narbonia*, teste *Sigeberto*, reli-
quit *Pipinum Landesium*. Præfectum palatii *Austra-
siæ*: *Pipino Landesio* geniti cum alii liberi, tum *Sancta
Begga*; quæ maritum habuit *Ansigisum*, vel *Angisum*,
S. Arnulphi, Metensium Episcopi & *Doda* filium, *Ar-
naldi* nepotem, *Ansberti* & *Blitildis*, *Clotharii* Regis fi-
liæ, pronepotem. Ex *Sanctâ Beggâ* & *Ansigiso* natus
Pipinus Crassus Herstallius, Præfectus palatii *Austra-
siæ*, deinde Dux; cui *Alpaidis* concubina, soror *Do-
donis*, peperit *Carolus Martellus*, Præfectus palatii
& *Austrasiæ* Ducem. Ex hoc & *Adelheide* *Pipinus*
iste

iste cognomento *Brevis*, familiæ suæ regnum intulit. *Pipini Brevis & Bertha* F. CAROLUS, cognomento MAGNUS, regnum post obitum patris adeptus, quantas res gesserit, non opus, ut explicem.

Sufficere potest tyroni historia Caroli M. modò laudata; quam, primas ducente lineas *Bœclero*, antè biennium ferè dedit *Joh. Joachimus Franzius* unà cum *Eginhardo*. Unum hoc monuerim, in ea non rectè asseri, *Ingelheimi*, vico prope *Moguntiam* in Germania, in hanc orbis communis auram esse prognatum. Est quidem fama, scio, eaque tam pertinax, ut *Carolus IV.* Imperator, cùm in *D. Caroli M. Principis cognominis honorem* insigne collegium *Bohemorum Sacerdotum* fundaret; ejusq; rei memoriam ita consignaverit: *Imperator ille magnificus in villa Ingelheym Moguntinensis Diœcesis, in imperiali palatio, commemoranda suæ nativitatis sumsit originem. Quin & incolis loci hodiernis id adeò persuasissimum habetur, malam ut apud eos gratiam initurus sit, qui vel leviter in dubitationem id vocare conetur; quorum & vix ullus non uni ex filiis suis Caroli nomen in sacro fonte indere, pro reverentia illius Semonis, conditoris sui solet; ut scribit Freherus lib. II. Originum Palatinarum c. 11. Sed ipse tamen ei famæ, quod veteri & specioso indicio destituta esset, accedere noluit; licet ubi natus esset, ignoraret.*

Nostro seculo ne terram ampliùs ignoremus, debemus *Antiquitatibus Fuldensibus* à *Christophoro Brouvero Societ. Jesu* publicatis; ex iisque primò, quod sciam, verum docuerunt *Reinesius lib. II. Var.*

Lect. c. 16. p. 257. & Besoldi nostri in Synopsi majore. Verba sunt ipsius Caroli M. in donatione reperta inter chartas manuscriptas traditionū, *Abbatia Fuldensi factarum: Donamus & tradimus Domino nostro Salvatori, sanctoq; Bonifacio martyri, qui in Fuldensi requiescit monasterio, terram conceptionis nostrae, hoc est, totam comprovinciam circa flumen Unstrut; ipsamq; chortem nostram in Vargalaba, cum omnibus compertinentiis sacris, & cum omnibus villis longè & p. ope positis; quæ ad eam respiciunt.* Igitur Thuringi a posterum natales Augustissimi Imperatoris cum *Ingelheimensium* invidiâ, jactare possunt.

Nunc ad ea, quæ nos dicere vult, *Synopsis nostra minor: Cùm Pontifex* ab Imperatore Constantino-politano, *magistratu suo legitimo,* defecisset, infestos Longobardos sæpius expertus est; quorum ultimus Rex, *Desiderius* cùm *Ferrariam, Comachum, Faventiam* cepisset, Pontifex urbi quoque timens, à Carolo per Legatos, auxilium petiit. Ille *Gregorium Episcopum & Gulsardum Abbatem* misit, qui socii Pontificis res inspicerent; & per vim ereptas à Desiderio repeterent: Cùm nihil obtinerent, alii missi sunt; qui, ut occupatis locis cederet, aurum afferebant. Sed neq; muneribus, neq; precibus quicquam actum; ut scribit *Anastasius.*

Igitur Carolus magno ardore ivit in bellum; sed, ut verè *Tacitus lib. I. Histor. c. 35.* loquitur, *ignavissimus quisque, & in periculo non ausurus nimis verbis, linguâ ferox;* sic Desiderius nil ultra ferociam verborū, adversus Caroli Legatos usurpatorum, ausus est.

est. Cùm *Alpium* fauces insideret, aliquot cohortes per cautes, aviosq; calles à Carolo jussæ circumduci; & à tergo se ostentantes, sic eum terruerunt, ut sine prælio statim *Ticinum* fugeret; quemadmodum idem *Anastasius*, & *Annal. Francorum*, & *Religiosus Cœnobii Egoismensis* in vita *Caroli M.* adstruunt. Alii, sed auctoritatis minoris, pugnâsse volunt. Institit fugienti *Carolus*, & *Ticinum* acri obsidione pressam fame, pestilentia, armis, ad deditionem compulit. Sic *Desiderius* cum uxore ac liberis in *Caroli* potestatem venit. Unus tamen filius *Adalgisus* sceptri hæres futurus, si fortuna voluisset, *Verona*, quam idem *Carolus* aggressus erat, in *Graciam* celeri fugâ pervenit. Hic regni *Longobardici* finis.

Alterum, de quo *Besoldus*, illustrat *Freher. Tom. II. Rerum Germanicarum*, ubi de *Byzantini* imperii decremento: Quoties *Germani*, cùm per tanta terræ pelagiq; intervalla, bello sacro *Saracenos* in *Asia* peterent; & terram illam, quam vocant, sanctam, *Græcorum* ignavia amissam, magnâ ex parte recuperarent; vel in transitu *Byzantinis* Regibus terrori & formidini fuerunt? Nonne verò illorum Principatus sub *Alexio Angelo Germanis* tributarius factus, & vectigal inde *Ἀλαμάννιον* vocatum *Græcis* hominibus indictum? Ad quod conficiendum nec quidem priorum Imperatorum thesauris, nec sepulcris parcitum fuit. Et post multa alia: *Byzantini* plerunq; nullâ justâ neque successionem, neque electionem; sed aliquando magicis sortibus, aliisq; malis artibus affectatâ tyrannide, vero Principe (si vel frater sit) aut sicâ venenove peremto; aut (ut

mitius) elucificato, vel castrato; aut (ut mitissime) tonso, & in monasterium truso, imperium male arripuerunt; pejùs gesserunt, pessimè, & simili exitu, rursus amiserunt: Vel fortè, non dicam fœminarum, sed (quod indignius) eunuchorum nutu & libidine; aliquando & factionum theatralium impetu, nonnunquam etiam ipsorum hostium & barbarorum; atque adeò Turcarum voluntate & minis ad sceptrum extollebantur. Imperii tandem hujus exitum sic describit idem: Factum est, ut in altera illa, ad Euxinum pontum, Roma imperitantes, Neronum potius quàm Constantini, cujus nomen affectabant, successores, variis morum damnis & vitæ flagitiis, in socios perfidiâ, perniciosâ inter ipsos discordiâ, infandâ crudelitate & tragicis sceleribus, adeoque apertâ impietate; & eorum exemplo, ut fit, corruptus populus, eò dissolutionis, nequitie, infamie, prolaberetur; ut pro novâ Româ & Sione (nam & hoc titulo sibi blandiebantur) nova potius Sybaris & Sodoma, vel ipsis testibus, esset dicenda. Quam perversionem fatalis ejus interitus, & excidium justo Adrastie judicio est consecutum. Postquam enim cum vicinis omnibus populis, jam velut juratis & divinitus immissis hostibus; ab Occidente, Vandalis, Gothis, Bulgaris, Ulachis, Mysis, Hunnis, Avaribus, Serviis, Triballis, Patzinacis, Rossis, Uris; ab Oriente verò Persis, Iberis, Arabibus, Armeniis, tandem Turcis & Saracenis, omnium acerrimis, tanquam reus aliquis bestiis objectus, diu variâ fortunâ imperium illud belligerasset; plerumque verò à magna strage attenuatum, aut ad durissimas dependendi tributi conditiones adactum: Non tantum fines

res illos olim latissimos perpetuâ quasi alluvione arrosos, amissis subinde optimis quibusque provinciis, magis magisque, contrahere necesse habuit; sed vix tandem pomœria sua, imò mœnia portasque, tueri potuit. Itaque cum aliquot obsidiones Constantinopolis ab Avaribus, Saracenis, Genuensibus, atque etiam in civilibus bellis passa, justo pœnitendi tempore elapso, nihilo interim evaderet melior; sed veluti obligato sibi divino auxilio, invincibilem se jactaret; tandem à Deo desertâ (quod Leo Imperator dudum in quodam vaticinio presagierat) ut à Constantino primo condita; ita ab ultimo amissa, immanissima Turcarum genti pertinaciter obsidionem urgenti, nunquam satis deplorando orbis Christiani damno concessit. Habes compendiosissimam rei Constantinopolitanæ, usque ad novissimum tempus, descriptionem; quâ qui contentus esse non potest, adeundi illi erunt Zonaras, Nicetas, Nicephorus Gregoras, Laonicus, & alii. Perpetuam Imperatorum feriem ab Irene usque ad ultimum Constantinum Palæologum cum Besoldus omiserit, non erat animum subjicere, nisi historiam Besoldianam supplere me vellent alii; sed illis ita obsequar, ne reliqui de prolixitate conqueri possint.

NICEPHORUS, Irene ejectâ, imperium invasit, A. C. 802. Bardanem amovit, quem exercitus invitum creaverat; cum Saracenis pacem per dedecus iniit, & sceleratè rursus violavit. Occiditur à Bulgaris A. C. 311. d. 26. Julii. *Theophanes & Miscella.*

STAURACIUS, Nicephori F. particeps imperii, moritur ex vulnere; cum paucis mensibus regnâisset post patrem. *Iidem.*

MICHAEL Curopalates Imperator salutatus d. 5. Octobris A. C. 811. victus à *Bulgaris* A. C. 813. *Leoni Armenio* cessit Principatum. *Iidem* cum *Zonara* & *Cedreno*.

LEO *Armenius*, Julio mense A. C. 813. primordia imperii capit. Occiditur à *Michaële Balbo*, quem majestatis reum in custodia haberi jusserat; ipso natalis *Dominici* die, inter sacra, A. C. 820. *Iidem*.

MICHAEL Balbus, *Phryx*, ex oppido *Amorio*, interfecto Leone imperat. *Thomam*, qui res novas molitus erat, victum & captum omni crudelitatis genere laniavit. Sub ejus Principatu *Saraceni Hispanienses* occuparunt *Cretam*; exin *Calabria*, *Apulia*, & *Italia* pleraq; *Saracenis* paruerunt. Moritur A. C. 829.

THEOPHILUS, *Michaëlis Balbi* F. succedit dicto anno, mense Octobris. Moritur A. C. 841.

MICHAEL, *Theophili* F. *Michaëlis Balbi* N. sub tutela, matris *Theodora* relictus, patrem excipit. Sub eo *Bulgari Christianis* sacris initiati sunt, regnante tum apud illos *Bogori*. Decimoquarto imperii anno, hoc est, A. C. 855. matrem potestate spoliatur; & *Bardam* primum *Curopalatem*, dein *Cesarem* facit; se verò totum dat ludis, aurigationibus, ac perpotationibus. Ad extremum *Bardas* occiditur, ipsius *Michaëlis* consensu d. 1. April. A. C. 866. & *Basilium Macedonem* Imperatorem creat d. 26. Maji, anno eodem. Post, cum *Basilius* insidias metueret à *Michaële*, eum antevertere volens, ebrium interficit A. C. 867.

BASILIIUS Macedo, ex *Arsacidis*, ut vanissime

nissimè scribit *Curopolates*, obscuro genere natus in *Macedonia*; ut veriùs *Zonaras*, non pœnitendus imperio Princeps, officia mandavit bonis; & judicia exercuit ipse. Sed & foris contra *Saracenos* & *Manicheos* prosperè pugnavit. Moritur A.C. 889.

LEO, Basilii F. sive Michaëlis Imperatoris (nam utrumque traditum) ob *studium Philosophiæ* cognominatus *Philosophus*, adversus *Bulgaros* primum infelicitè pugnavit; sed mox *auxiliis Turcarum* usus, vicit. Obiit d. 11. Junii A. C. 911.

ALEXANDER, Leonis frater, tutorio nomine imperio præest; donec adolefceret *Constantinus*, Leonis F. Crapulæ & libidinibus deditus periit d. 7. Junii A. C. 912. multo per nares & pudenda rejecto sanguine; cum post haustum largiùs merum, pilâ deinde se & equitatione vehementiùs agitâsset. *Curopolates*, *Cedrenus*, *Zonaras*, *Glycas*, *Constantinus*, *Manasses*.

CONSTANTINUS Porphyrogennetus, Leonis Imperatoris F. Basilii Imp. N. hîc est, qui optimorum Scriptorum in omni genere exemplaria undique conquisiit; iisque *Palatinam bibliothecam* instruxit. Dein cum animadverteret, plerosque à legendo, mole librorum, deterreri; eos epitomavit, & in locos communes, sive tres & quinquaginta titulos eleganter distribuit. Hujusmodi *Excerptorum* duo tituli ad nos hodiè pervenerunt: *Alter* *legationum*, in duos libros distributus, *alter* *de virtutibus & vitiis*; quem debemus curiositati *Nicolai Peirescii*, æternâ gloriâ dignissimæ. Plura de ejus peritia, in omnibus ferè

ferè disciplinis, Arithmeticâ, Musicâ, Astronomiâ, Geometriâ, Historiâ, Poësi, & universâ Philolophiâ. *Bonaventura Vulcanius notis in hujus ipsius Constantini lib. I. de Thematibus p. 53. qui tamen p. 56. videri potest, cum Constantino Porphyrogenneto, Leonis & Irenes filio (de quo suprâ) confudisse. Noster matrem habuit Zoën, quæ ab Alexandro tutore primùm ejecta, dein revocata, & rursus palatio submota est. Sub hoc Imperatore Constantinus Ducas, & Leo Phocas, victoriâ Bulgaricâ insolentior factus, imperium affectantes, oppressi sunt. Post hæc*

ROMANUS LE CAPENUS, Patricius, Constantini focer, & novo honoris genere, *Imperatoris custos ac pater* d. 24. Sept. A. C. 919. *Cæsar*, & sequente Dec. *Augustus* appellatus est à Nicolao Patriarchâ, permissu Constantini; qui cùm VII. annos solus imperâisset, insurgentibus tyrannis *ἐκων αἰέκοντι* *με θυμῶ* collegam imperii assumsit hunc Romanum,

Astutam vapido gestantem in pectore vulpem.
Vel potius *κυνὸς ὀμματα ἔχοντα*; quippè qui & *Theodoram* uxorem suam, diademate ornavit, & CHRISTOPHORUM filium suum ad idem fastigium evexit; voluntate, ut videri volebat, Constantini; sed reverà inviro, & conquerente & *πολυγίεγονία* indignè ferente. Idem & Christophori uxorem, *Sophiam*, post obitum *Theodora*, Augustæ nomen accipere voluit. Tum &

STEPHANUM & CONSTANTINUM filios suos, Cæsares, Augustos creavit; & THEOPHYLACTUM *filium Patriarcham* fecit, & ROMA-

MANUM, è Christophoro nepotem suum, coronavit. Tot præfidiis firmato imperio *Constantinum Porphyrogennetum aspernari* cœpit; sed, ut è Phœbi tripode canit Poëta:

Sequitur superbos ultor à tergo DEUS!

ROMANUS, annosa vulpes, tandem in casses incidit; & à *Stephano filio*, Imperatore & ipso pariter declarato, *captus*, exutus imperio, & *attonsus* in insulam *relegatus* est, d. 16. Dec. A. C. 944. *Stephanus* verò, & *Constantinus*, fratres, inter se mutuò de imperio altercantes, *ambo correpti*, & in insulas sunt *deportati*. Sic tyrannide liberatus *Constantinus*, imperavit usque in annum 959. Eo enim die 9. Dec. *Romani filii paricidio*, ut ferebant, sublati sunt.

ROMANUS, Constantini Porphyrogenneti F. Leonis N. homo soluti ingenii, obiit anno 963. Scripsit *ad eum* eruditissimus pater *librum de administrando imperio*, quem valdè commendatum *Casaubono* in præfatione *Polybianâ*; primus Græco-Latinum vulgavit, *Joh. Meursius*.

NICEPHORUS PHOCAS, vivo Romano, *Saracenis Cretam* eripuit. Imperator contra eosdem in *Cilicia Syriaq;* secunda bella fecit; *Antiochiam* recepit, homo aliàs fordidi & illiberalis. *Pertit* insidiis *Theophanonis* conjugis, & *Joh. Zimiscae*, d. 11. Dec. A. C. 969.

JOHANNES ZIMISCES Imperator salutatus, statim *Romani filios*, BASILIUM & CONSTANTINUM, *collegas* adscivit; *Saracenos* ab *Antiochia* repulit, *Bulgaros* & *Rossos* devictos pacem petere

tere coëgit. Hunc *Petavius part. I. Ration. Temp. lib. VIII. c. 15.* primùm scribit signasse numos, cum Salvatoris imagine, & inscriptione: JESUS. CHRISTUS. REX. REGUM. Sed fallitur vir doctissimus, nam & *Heracii numum* alibi dedimus; in quo conspicitur *imago Salvatoris*, cum epigraphe: IHS. XVS. REX. REGNANTIUM. Corruptissimum exhibet *Strada in Cæs. p. 272.* Tales apud eundem reperies aliorum, qui rerum Orientalium potiti sunt ante *Zimisem*. Sublatus est hic Imperator veneno d. 4. Dec. A. C. 975.

BASILIIUS Porphyrogennetus & CONSTANTINUS Porphyrogennetus, Romani filii, Constantini Porphyrogenneti nepotes, imperium paternum & avitum receperunt A. C. 975. Contra eos insurrexit *Bardas Sclerus*, & victus est à *Bardas Phoca*. Tunc *Bardas Phocas* ausus res novas, interficitur A. C. 989. & *Bardas Sclerus* Basilio reconciliatus est. Crudele est, quod de isto *Basilio* legimus: Victo *Bulgarorum* Rege, *Samuele*, quindecim milia militum excacata ad eum remisit, singulis centuriis uno monoculo præeunte; quorum aspectu ita perterritus est *Bulgarus*, ut paulò post moreretur. Obiit verò & ipse mense Dec. A. C. 1025. Eo adhuc deterior frater *Constantinus*, decessit triennio post mense Nov. A. C. 1028.

ROMANUS ARGYRUS, cum *Zoë*, Constantini Porphyrogenneti filia ex *Helena*, Romani Imp. nepte, imperat; primùm moderatus ac justus,
dein

dein rapacissimus, *Syriam* perdit; & *infidiis* uxoris *Zoës* perit d. 11. April. A. C. 1034.

MICHAEL PAPHLAGO, à *Zoë* conjux adscitus, & Imperator salutatus, malè à *demone vexatur*, ferè per totum imperii tempus. Moritur factus *monachus* d. 10. Dec. A. C. 1041. Multis tùm calamitatibus involutum imperium. *Sicilia amissa* est, cùm, qui eam Saracenis rursus ademerat, *Georgius Maniaces*, in vincula conjiceretur. Accessit *defectio Bulgarorum*.

MICHAEL CALÆPHATUS, Stephani F. & Michaëlis Paphlagonis è sorore N. à *Zoë* adoptatus, & Imp. salutatus est hâc conditione, *ut matris ac domine loco* illam semper haberet; oblitus datæ fidei populum in eam concitat, sed infelicitè. *Excæcatus* est A. C. 1042. & cum Constantino Cæsare, patruo suo, *relegatus*.

CONSTANTINUS MONOMACHUS à *Zoë* thori & imperii consors factus, d. 12. Junii A. C. 1042. coronatur. Sub hoc *Servii* Romanorum Orientalium 40000. cæciderunt. *Normanni* Apuliam occupârunt, *Turcæ* defecerunt, multas clades intulerunt; *Persidem* denique invaserunt. Moritur A. C. 1054. Ipsa quoque *Zoë* mariti congressus cum *Maria Sclerena*, Bardæ Scleri filia, ægerrimè ferens, *zelotypiâ* extinguitur.

THEODORA, Constantini Porphyrogeneti filia, Romani neptis, primùm à sorore *Zoë* in monasterium detrusa, & rursus inde à populo extracta, cum sorore imperavit, contra *Michaëlem Calæphatum*

phatum & Constantinum Casarem; nec diu sorori supervixit. Mortua mense Aug. A. C. 1055.

MICHAEL STRATIOTICUS, à *Theodorâ* adoptatus, homo imperitissimus, ab *Isaacio Comneno* coactus, abdicavit ult. August. A. C. 1057. Auctor est *Cedrenus*, Episcopos, quos Patriarcha miserat, ad persuadendum illi privatam vitam, interrogasse: *Quodnam sibi positi imperii pretium foret?* & cum illi responderent: *Regnum cœleste*, statim purpuram exuisse.

ISAACIUS COMNENUS nobili genere, die primo Sept. Imperator salutatus est, acris ingenii vir, & belli peritus; cum in morbum incidisset, *sponte abdicavit*, & in *Studiense monasterium* concessit. A. C. 1059.

CONSTANTINUS DUCAS designatus Imperator ab *Isaacio Comneno*, Andronici F. ingenio ad justitiam pronus, sed ad res militares hebeti, multas clades accepit à Barbaris. Moritur autem A. C. 1067. relictis cum *Endocia* conjugē filiis tribus, *Michaële* & *Andronico*, quos privatus genuit; & *Constantino*, quem Imperator.

ROMANUS ab *Endociâ* contra fidem, quam *Constantino* Ducæ dederat, maritus post septimum mensem adscitus, cum *Turcis* propitiâ fortunâ primùm dimicavit; ad extremum *proditus* in *Sultani* potestatem venit: Is honorificè habet, ut volunt *Zonaras*, *Glycas* & *Manasses*; sed ut *Guilhelmus Tyrinus* lib. 1. c. 9. scribit *regium in solium ascendenti vel descendenti barbaro pro scabello fuit*. Remissus *Constantinopolim*, suos *Turcis* immaniores expertus est; nam *effossis oculis*,
neque

neque curatis vulneribus, tumente ac vermibus scatente capite, extinctus est, A. C. 1071.

MICHAEL PARAPINACIUS, Constantini Ducæ filius, in vitrici locum creatus est. Sub eo *Turcæ* Ponticam oram armis subegerunt, eodemque tempore NICEPHORI duo, BOTONIATES & BRYENNIUS, ille in *Oriente*, hic in *Occidente* (ubi *Dyrrachio* præerat) imperium invaserunt. *Nicephorus Botoniates*, *Turcarum* auxiliis superior factus, regiam occupat; ac Imperator renunciatur d. 25. Martii: *Michaël* in *Studiense monasterium* transfertur, 7. April. A. C. 1078.

NICEPHORUS BOTONIATES *Nicephorum Bryennium*, operâ *Alexii Comneni*, frangit, & oculis privat; & ipse à *Comnenis* imperio exutus fit monachus, A. C. 1081.

ALEXIUS COMNENUS, *Isaaci Comneni Augusti F.* Imperator factus d. 1. April. A. C. 1081. vafer, perfidus ac rapax, à *Francis* malè acceptus est, cùm *Palæstinam*, *Godefrido* duce, peterent A. C. 1096. Obiit A. C. 1118. d. 15. Aug. Post mortem destitutus ab omnibus, ac ne imperatorio quidem funere elatus.

JOHANNES COMNENUS, qui & Calo Johannes, *Alexii F. Isaaci N. Scythas & Triballos & Ungaros* feliciter profligat; *Persarmenios* aggreditur, & bello fatigatos pacem petere cogit; *Persas* ipsos sæpius bello premit, atque adeò multis rebus egregiè gestis, tandem *venatum* egressus, manu *venenata sagittæ* illapsu strictim læsâ, celeriter veneno usq; ad *vitalia* grassante, moritur, April. mense, A. C. 1143.

MANUEL COMNENUS, Johannis F. Alexii N. à patre imperare jussus, contra *Latinos*, cum ipsis *Saracenis* conspiravit. Eò tandem justâ DEI vindictâ insanix lapsus est, ut Saracenorum dogmata tantum non adscisceret. Obiit mense Sept. A. C. 1180.

ALEXIUS COMNENUS, Manuelis F. Johannis N. *Ludovici* Francorum Regis gener, ab *Andronico Comneno*, Isaaci F. Alexii N. Isaacii pro N. agnato suo, occisus est. A. C. 1183.

ANDRONICUS COMNENUS, occiso, ut dixi, Alexio, imperium invadit. Ante hoc scelus omnes *Francos & Latinos Constantinopoli trucidari jussit*, quòd conatus ipsius adversus Alexium impedituri viderentur. Hanc cladem ulturi populares *Thraciæ Græciæq;*, maritimam oram ferro & igne vastârunt. Mox dum *Isaacio Angelo* necem molitur *Andronicus*, comprehensus, & per urbem *Camelo* vectus, alterâ abscissâ manu oculoq; effosso, à furenti plebe laniatus est. A. C. 1185. Inter rerum & verborum ludibria hoc unum dicebat: *Domine miserere! Et: Quid contritum calamus infringitis?*

ISAACIUS ANGELUS factione populi imperium accepit: *Siculorum* classem ad *Strymonem* vicit: *Cyprum* ab *Isaacio Comneno* classe frustra repetiit: Cum *Valachis* parùm prosperè pugnavit. *Friedericum Ahenobarbum* Imperatorem, *Palæstinam* petentem, in se concitavit, magno suo cum damno, imperio & oculis spoliatum à fratre. A. C. 1195.

ALEXIUS ANGELUS, Isaaci Angeli frater, *Comnenum* se cognominans, imperare cœpit
cum

cum ingenti suorum calamitate. Hinc à *Valachis*, *Mysis* & *Scythis*, inde à *Persis* & *Iconiensi Sultano* acceptæ clades. Quî remp. benè & ex dignitate gereret, nemini unquam, in mentem veniebat; Excitabantur in ipsâ urbe immanes tragœdiæ, priscis illis Thebanis non multùm absimiles. Deniq; cùm *Alexius*, Isaaci Angeli excæcati filius, ad *Germanos* profugeret; multi Principes, cum *Balduino*, Flandriæ Comite, & *Venetis* adversus *Alexium Angelum Comnenum* incitati, *Constantinopolin* petierunt, obsederunt, expugnârunt: Rapinis, ferro, & incendiis omnia vastantur. Ipse autem *Alexius* imperio spoliatus *Debeltum* profugit A. C. 1203.

Sic *Isaacus* cum *Alexio* filio speciem adumbravit pristinæ dignitatis, sed nec ipsis inter se concordibus A. C. 1204. **ALEXIUS MURZUFLUS** imperium invadit, & *Alexium Angelum*, Isaaci filium, interficit; cùm pater paulò antè fato concessisset. Murzuflus in *Latinos* bellum parans fugatur: Hostes *Constantinopolin* oppugnant, expugnant; incendio novo deformant, lacerant, & diripiunt d. 12. April. A. C. 1204.

BALDUINUS, Balduini Flandriæ Comitis F. annum agens 32. ingentis animi heros, expugnata *Constantinopoli* Orientis Imperator factus, cum *Venetis* & *Genuensibus* expeditionis sociis, imperium partitur; sed sequente anno 1205. d. 15. April. victus & captus à *Bulgarorum* Rege, *Johanne*, per summos cruciatus interficitur.

HENRICUS, Balduini Imperatoris frater, ad imperium evehitur A.C. 1206, moritur A.C. 1216.

PETRUS ANTISSIODORENSIS, *Jolantam*, Henrici sororem an filiam? (incertum enim est) in matrimonio habens, *Romæ coronatur*; & dum in *Thraciam* proficiscitur, à *Theodoro*, Dyrrachii Principe, perfidiosè captus, & à *Theodoro Lascari* occisus est, A.C. 1221.

ROBERTUS, PETRI Imperatoris F. Imperator appellatus obiit in *Achaja*, A. C. 1228.

BALDUINUS, Roberti frater, ut quidam volunt; ut alii, *filius*, imperavit cum JOHANNES BR Y-ENNIO, *Hierosolymorum Rege*, tutore, focero suo, & Cæsare annis 20; & post ejus mortem annis 13. Imperio Orientis exactus est, *insidiis Græcorum Principum*, A. C. 1261. Dum Latini Constantinopolin obtinent, interim

THEODORUS LASCARIS à Græcis Imperator creatus *Nicææ* in Bithynia, dein *Hadrianopoli* sedem habebat; Princeps bellicis rebus inclytus. *Turcas* ab Alexio Angelo, Comneno focero (nam *Annam* ejus filiam ex *Euphrosynâ* Ducissâ, in matrimonio habebat) adversus se concitatos magnâ strage delevit; eorumque Sultanum suapte manu peremit. Moritur A. C. 1222.

JOHANNES DUCAS DIPLOBATIUS, cui Theodora, Theodori Lascaris filia, ex Anna Angela nupsit: à focero successor designatus, plerosq; de *Latinis* recepit. Moritur A. C. 1255.

THEO-

THEODORUS LASCARIS, Johannis F. succedit patri. Obiit A. C. 1259.

JOHANNES & THEODORUS, Theodori filii, Johannis nepotes, successores relictī sunt à patre. Sed pulsīs *Latinis*, & receptā *Constantinopoli*

MICHAEL PALÆOLOGUS, Andronici F. *materno* genere à *Comnenis* oriundus, pupillos interficit; & imperium usurpat. Obiit A. C. 1283. & quòd *Latinis* postea favere cœpisset, à filio *ne plebejo* quidem ritu sepultus, haud procul castris, in quibus tunc erat, humo est obrutus.

ANDRONICUS PALÆOLOGUS, Michaëlis F. Andronici N. mortuo Michaële filio, imperii consorte, filium ejus *Andronicum*, nepotem suum hæredem designat; sed is *avo* sæpius rebellis, tandem *senectâ fessum* imperio exigit. Sic privatus decessit A. C. 1332.

ANDRONICUS PALÆOLOGUS, Michaëlis F. Andronici Imp. N. Michaëlis pro N. Andronici ab N. ejecto avo imperat annis circiter 8. Decessit A. C. 1341.

JOHANNES PALÆOLOGUS, Andronici F. Michaëlis N. pulso tutore *Johanne Cantacuzeno*, qui imperium ipsum usurpârat, potestatem solus sibi vindicavit. Obiit A. C. 1384.

ANDRONICUS PALÆOLOGUS, Johannis F. Andronici N. post patris obitum coronatur à *Nilo* Patriarcha. Moritur A. C. 1387.

MANUEL, Andronici frater, Johannis F. Andronici N. Johanni reliquit imperium A. C. 1419.

JOHANNES, Andronici F. Johannis N. Andronici pro N. post Manuelis patris mortem imperat. Obiit circa A. C. 1421.

JOHANNES, Manuelis F. Johannis N. Andronici pro N. imperium obtinuit usque ad A. C. 1445. *ultimus Constantinopolitanus Princeps*. Nam sub ejus Principatu d. 29. Maji. A. C. 1453. *capta urbs à Muhamete II.* & imperium totum eversum est. *Constantinus* Imperator, dum *ad portam urbis trepidus* se recipit, *fugientium multitudine pressus moritur*. Tanta in expugnatione urbis spolia reportârunt Turcæ, ut *de locuplete* proverbium apud eos ortum sit: *Interfuiti direptioni Constantinopolitana!* Totam historiam fusiùs exequuntur *Leunclav. lib. XV. Histor. Musulm. p. 578. & seqq. & in Annalibus Turcicis p. 29. & in Pandectis n. 129. Petrus Justinianus lib. III. Histor. Venetæ, p. 154. 155. Reusnerus lib. III. Epist. Turcic. p. 113. & lib. IV. p. 135.* Tùm & omnes illustres familiæ ad pudendam inopiam delapsæ sunt. Scribit *Busbequius epistolâ I.* cùm Ferdinandi legatus venisset in *Thraciam*, de puellis quibusdam, quæ liberalioris erant formæ, quæsisisse, quibus parentibus essent oriundæ? Tùm audivisse, à *summis* ejus gentis *Satrapis* originem ducere, aut etiam *Regibus* esse profatas; jam *bubulco* aut *opilioni* desponsas. Vidisse postea in aliis locis *Cantacuzenorum & Palæologorum*, imperatorii generis reliquias, contemtiùs inter Turcas degentes, quàm vixerit *Dionysius Corinthi*.

Atque ita tandem defecit, quæ cum morte per aliquot secula luctata est, *nova Roma*; factumq; quod
diu

diu antè vaticinatus est *Nicetas Choniates lib. II. Anna-*
lium, de rebus Alexii Comneni : *Vereor*, inquiebat,
ne ad extremum corruas. Necdum post ducentos an-
 nos evigilat Christianus orbis, nimis alto vitiorum
 somno sepultus; ut sub illustri exemplo resipiscat!
Facimus idem, quòd Constantinopolitani, & nostra reli-
gionis homines ferro, igne, & omni cruciatus genere per-
sequimur; Turcas negligimus. Mirum, ni & mox
in auxilium vocemur contra nos ipsos! Nihil ad
 nos pertinet, quòd vicinus paries jam ardet; nihil,
 quòd vetustissima & nobilissima *Venetarum* resp. ar-
 mis *Saracenici* petitur. Eodem veterno torpuerunt
 Byzantini, donec ad portas esset Hannibal; luxum,
 crapulam, fastum plusquam Constantinopolitanum
 in summis miseriis retinemus, cedente clam Turca;
cui fortuna nihil majus prestare potest, quàm eam Chri-
stianorum levitatem ac stultitiam. Sed quid ago?
 Quantus eorum numerus, qui hoc ipsum Atridis in-
 culcârunt, & ne hilum quidem profecerunt. Causa
 satis manifesta: Quia peccatis nostris id meruimus, ut
 stultos faceret DEUS. Verendum etiam bonis, ne
 idem illis accidat, quod *Musonio Ruffo*, Equestris or-
 dinis viro; de quo *Tacit. lib. III. Hist. c. 81.* cùm Fla-
 vii Vespasiani *Vitellio* imperium adempturi milites,
 agmine minaci peterent urbem, decretis à Senatu le-
 gatis, qui occurrerent paremqu; fuaderent; *miscuit se*
illis Musonius, studia Philosophiæ & placida Stoicorum
emulatus. Coeptabatqu; permixtus manipulis, bona pa-
 cis & belli discrimina differens, armatos monere. Id
 plerisque ludibrio, pluribus tadio; nec deerant, qui pro-

pellierent, proculcarentq; ; nî admonitu modestissimi cujusq; , & aliis minitantibus, omisisset intempestivam sapientiam.

Nunc pauca quædam de *Turcarum* initiis : Nam hoc tertium membrum *capitis hujus XVI.* Exordia gentis perquàm humilia, quæ initio *trans Tanaim* nullâ sede stabili, nullis certis perpetuisve domiciliis usa; sed longè lateq; patentibus campos cum familiis & armentariâ pecuariâq; re passim solita pervagari , tandem propiùs *ad pontum Euxinum & Iberos veteres* accessit; ubi partem eorum stipendiis oblati invitam *Flavius Heraclius Augustus* adversus *Persas* id temporis per pontum *Euxinum* navigans, copiis suis adscripsit; uti è *Simeone Magistro Officiorum* narrat *Leunclav. lib. I. Hist. Musulm. p. 22. & 23.* Hinc (pergit *Idem*) ulteriùs in *Armeniam* ad *Araxyin* fluvium progressi, suas ibidem sedes, necdum priscis Nomadû moribus exutis habuerunt; donec imperante *Constantino Monomacho Augusto*, vel sub *Romano Argyro* à Rege *Persarum Muhamete* muneribus & annonis ad belli societatem adversus *Indos & Bagdadinum Calipham* plecti, *Araxe* transito, *Persidem* intrârunt; & extincto in pugná *Persarum Rege Chorasane* primùm, deinde reliquas regni *Persici* provincias, & majorem *Asiæ* partem occupârunt.

Perside, longo intervallo pòst, exacti à *Tartaris*, novum in *Asia minore*, Sultano *Aladine*, *Selzuccio* duce, regnum condiderunt; quod à regia Principum *Iconiense* vocârunt. Hujus posteris & gentilibus, à *Tartaris* graviter pressis, strenuam operam navârunt.

vârunt. *Okuzii*, qui proinde amplissimis prædiis in *Bythinia* vicinâq; *Phrygia* donati, carpere paulatim vicinos Christianorum fines cœperant; deq; die in diem pomeriis proferre limites. *Aladine II.* ultimo *Selzuccia* gentis defuncto *Iconiense imperium* varias in ditiones *discerptum* est. Suum Principem *Cilicia*, suum *Jonia maritima*; suam *Lydia*, suum *Pontus & Paphlagonia*, suum *Troadis & Mysia* regio ad *Cariam* usque, suum aliæ provinciæ acceperunt.

Sed *OSMAN*, *Oguzia* gentis, *Ertuculis* filius, *Soleimani* nepos, *Cabi* pronepos, *Cusulbugæ* abnepos, *Banidaris* atnepos, *Oicolucis* trinepos (ut est in *genealogia Osmanidarum*, apud *Leunclav. in Pandect. p. 98.* qua ad *Oguz & Oguzis* proavum usque ascenditur; sed longè diversè est altera *p. 102. 103.*) *Bithyniam* tantùm regionibus omnibus *Olympo monti* vicinis, & *Tekien* mediterraneis *Phrygiae majoris* inclusam consecutus est.

Hic secundum *Leunclavium* rerum *Turcicarum* status fuit ad *Osmanem* usque; qui oppressis cæteris incredibiliter rem *Turcarum* auxit, *Brusam Bithynia* cepit; & imperii sedem constituit. Quamobrem primum *Turcarum Padischachum* Scriptores nostri, & ipsorum etiam *Turcarum* libri faciunt. Moritur *A. C. 1326.*

II. *URCHAN GASI*, *Osmanne* genitus, ex *Malinchone Edebalis* filia, *Mysiam*, *Lycaoniam*, *Phrygiam*, *Cariam*, cæteraq; ad *Hellepontum* ditioni subjecit suæ; cùm *Cantacuzenus & Paleologi* odiis armisque inter se certant.

III. SULTAN MURAT CHAN GASI, Vichanis F. succedit A. C. 1359. *Callipolin, Hadriano-*
polin, & adjacentes *provincias* subegit. Occiditur à
Croatâ, A. C. 1388. die ult. Dec.

IV. GILDANUN BAJASIT CHAN, Muratis F. magnus animo & rebus, *Thessaliam, Macedo-*
niam, Phocidem, Atticam, Mysiam, & Bulgariam oc-
cupavit. *Constantinopolin* obsedit pluribus annis; quam
ut servarent, *Sigismundus, Hungariæ Rex, & Joh. Ne-*
vernensis, *Philippi Burgundionis F.* expeditionem
contra Turcas suscipiunt; sed infelicem. Cæso Chri-
stianorum exercitu, *Johannes ipse capitur.* Hinc
cùm ad obsidionem rediret *Bajasites*, *Temurlan* sive
Temurlancus, id est, *claudus* imploratus, cum *Tartaro-*
rum infinitâ multitudine irrupit in *Asiam*; occurren-
temq; *Bajasitem*, cæsis 200000. *Turcarum*, *vivum* in
potestatem redegit, & *inclusum caveæ*, feræ instar, ad
ludibrium circumduxit. Cur? eleganter exponit *Li-*
psius lib. I. Monit. & Exempl. Pol. c. 5. mon. 6. ex. 4.

V. SULTAN MUHAMET CHAN, *Baja-*
fitis Gilderunis F. imperium capeffit A. C. 1413. Alii
interponunt *ISAMBEGUM, SULEIMANUM*
& *MUSAN TELEBIN*, fratrem ejus; sed *Turca-*
rum Annales à captivitate Bajasitis usque ad Muha-
metem interregnum extendunt *Leunclav. lib. IX. p. 399.*
Ex his *Musam Telebin* *Besoldus* in *Synopsi* majore
Mosen Chilibin vocat, corruptè: *Telebis* enim *Turci-*
cum est, & significat *nobilem*. Sic & in nomine *Gil-*
derunis patris cespitat, *Wildericum* appellando,
Gilderun ad *Wilderim* est *fulmen turris*; quo no-
mine

mine Bajasit honestatus est, ut *Ptolemaeus & Antiochus*
Κεργυρ.

VI. SULTAN MURAT CHAN. II. Muhametis F. ex *Asia* transportatis per *Hellepontum* copiis, *Thessalonicam* cepit. Multa passus ab *Uladislao*, *Poloniae & Hungariae* Rege; & *Joh. Hunniade*, cujus genus e *Scaligeris Veronensibus* derivant viri docti. Tandem in altero bello ad *Varnam* vincit d. 10 Nov. A. C. 1444. sive ut *Geisraus* statuit, d. 11. Nov. Ceciderunt ex Christianis cum ipso Rege 10000. Turcarum 30000. Tradunt non Turcarum tantum, sed & Christianorum libri, constitutum in maximo discrimine *Muratem* auxilium coelitus implorasse, contra *Christiani Regis perfidiam*. Quippe cum *Murates* eo tempore, quo bellum primum cum *Uladislao* finiit, ab illo certum aliquod pacis inviolabiliter observandae documentum petiisset; data est illi profano quorundam confilio *hostia*, *Romanae ecclesiae* ritu consecrata; ne sub ullo modo de fide voluntateq; Regis, accepto tam augusto pignore, dubitaret. Postea vero ruptis per summum scelus induciis (quod instinctu Pontificis *Romani* factum) ad arma, deducta re, *Murates* e sinu prolata *Christianorum hostia*, & erectis ad coelum oculis, in hujusmodi prorupit verba: *Christe, si Deus es, ut Christiani tui de te perhibent, vindica perfidiam tuorum, qui te mihi dedere pignori; nihilq; minus adeo religiosè sanctam pacem per summum scelus violarunt*. Vide sis *Leunclav. in Pandect. Turc. n. 116*. Fuit eidem bellum cum *Carramanno*, *Ciliciae* Principe; ut scribit *Besoldus*

in Syn. majore. Tanquam *Cilicia Principi* nomen fuerit *Carramannus*. Atqui *Carramannus* idem, quod *Cilicia Princeps*. *Cilicia* autem *Caramania* nomen accepit à *Caramanâ Bego*, & *Ciliciæ Principes* omnes à *Turcis Caraman-Oglii* dicuntur. Hic verò Princeps, qui *Muratem II.* non semel laceffivit, à *Turcis* ipsis *Ibrahim* dictus est; fuitq; filius *Muhametis*, *Aladinis* nepos, pronepos *Muhametis*, abnepos *Machmutis*, atnepos *Caramanis*; qui provinciae nomen dedit. Sic igitur ex mente *Turcarum* loqui fas erat, *Ibrahim*, vel *Abraham Caramanus*, vel *Abraham Caramania*, hoc est, *Ciliciæ Princeps*.

VII. SULTAN MUHAMET CHAN. II. *Muratis F.* succedit A. C. 1451. Hic est, qui *Constantinopolin* expugnavit, & illius imperium cum *Trapezuntico* destruxit. Ad hæc regna XII. supra 200. urbes *Christianis* eripuisse dicitur. Obiit A. C. 1481. d. 3. Maji. Imperator indubiè magnus, qui cognitionis illustrium virorum fœminarumq; cupidus, *historias* sibi verti in suum sermonem jussit *Græcas Romanasq;* & ipsos viros depingi à *Gentile Bellino*, eleganti pictore; quem ad hanc operam à *Venetis* exambierat. Captâ *Constantinopoli* cum videret urbem cædibus exhaustam, & pænè dirutam, novis incolis frequentem reddidit; *gymnasia* pro studiosis *literarum* struxit, *Professoribus* cibos, panes, alimenta, pecunias, & menstrua salaria tribuit; *templum Sophiæ Constantinopolitana* num *instauravit*, & quâ ruinosum erat, refecit; multas balineas & hospitalia pro *viatoribus* & *mercatoribus* erexit: *Pauperibus*, *pupillis*, *viduis* *elemosynas* distribuit.

Atribuit. Ipsos *Christianos* conventus suos instaurare iussit, lectumq; ab iis *Patriarcham*, pedo ei pastorali tradito palam confirmavit. Vide *Lips. lib. I. Mon. & Exempl. Polit. c. 20. Histor. Musulm. lib. XV. p. 581. 582.* Crudeliorem tamen fatentur omnes, nec mirum, talem fuisse; qui sævis progenitus, & inter sævos educatus, sævis etiam imperavit.

VIII. SULTAN BAJASIT CHAN. II. Muhametis II. F. à *prætorianis militibus* prælatus est fratri natu majori, *Zem*; quem *Besoldus* *Zizimum* vocat: Nos *Turcicum* retinere malumus, quod *amorem* significat. Multa *Venetis*, ut *Naupactum*, *Metonam*, *Dyrrachium*, ademit hic Imperator. Fuit eidem bellum cum *Ismaële Sopho*. Ita nostri passim nominant, & inter eos *Besoldus*: In Orientalium libris *Schach Ismail Sofi*, & *Kisul Bassa*, hoc est, Persarum Princeps. Pater ei *Scheich Haidar*, avus *Scheich Tzuneit*, hoc est, *Doctor Haidar*, & *Doctor Tzuneit*. Hic verò *Ismaël* cum posteris victoriarum Turcicarum cursum non semel sufflaminavit. Coactus *Bajasit II.* abdicavit A. C. 1512.

IX. SULTAN SELIM CHAN *Bajasitis II.* F. cruentis præliis cum *Ismaële Sopho*, Persarum Rege, confligit: *Cappadociæ Regem* victum capite multavit, & *Ægyptum* subegit; ut scribit *Besoldus*. Sed *ἡγετολογία* hic committit: *Achmetes Amasiana* provinciæ, sive *Cappadociæ* antè interfectus est, quàm Persas bello peteret. Prætereà non decapitatus est *Achmetes*, sed more Turcico strangulatus. Vide *lib. XV II. Hist. Musul. p. 636. & Annal. Turc. p. 61.* Fuit enim
ipſius

ipsius Selimis frater; nec fas acinace fundere Osmanicum sanguinem. De *Persicâ & Ægyptiacâ* Selimis expeditione legenda eadem *Historia Musul. d. l.* Unum hîc noto, *Sultanos* Ægypti postremos, qui cum Selime bellum gesserunt, in *Annalibus Turc.* appellari *Cansei, Gauri, & Tuman-Bai.* Hunc Besoldus *Tomum Bejum* vocat. Alterum alii corruptius *Campsonem Gaureum.* Stetit *Ægyptiacum* regnum, quod & *Mamelucorum* dicitur, per annos circiter 300. Vide *Leunclav. in Pandect. n. 207.*

X. SULTAN SULEIMAN CHAN; Selimis F. patris thronum conscendit A. C. 1520. *Belgradum* expugnavit A. C. 1521. *Rhodum* A. C. 1522. d. 22. Dec. *Ludovicum II.* Hungariæ & Bohemiæ Regem, apud *Mohaz* vicit; & *Budam* occupavit A. C. 1526. *Viennam Austriæ* obsedit; sed irrito successu, A. C. 1529. Contra *Persas* expeditionem suscepit A. C. 1535. sed fame, frigore, & incurſibus hostium multa millia Turcarum perierunt. Moritur, dum *Sigetum* obsidet A. C. 1566. d. 4. Sept. natus annos 76; cùm imperâſſet annos 46, & 6. menses. Formam & mores, qui cognovit, *Busbequius epist. 1.* ita describit: *Ætate jam est ingravescente, oris dignitate, totiusq; corporis habitu tantâ imperii majestate digno: Frugi & temperans semper habitus, etiam cùm per ætatem Turcarum instituto peccare citrà reprehensionem posset. Nam ne in adolescentiâ quidem aut vino se dedit, aut foedis puerorum amoribus indulſit; quæ fere Turcarum deliciae sunt. Religionis ceremoniarumq; suarum custos severissimus; nec minùs illarum, quàm imperii propagandi*

gandi cupidus. In numis expressum qui videre vult, adeat *Luckium* p. 47. *Stradam* p. 367.

XI. SULTAN SELIM CHAN. II. patris imperium suscepit d. 23. Sept. A. C. 1566. *Cyprum* Venetis ademit; *Nicosia* expugnata d. 10. Sept. A. C. 1570. & *Famagusta* d. 5. August. anno 1572. Ingenti pugnâ navali victus est *Naupacti* d. 7. Oct. anno eodem cæsis 25000. captis 4000. liberatis Christianis mancipiis 14000. Univerſa classis in Christianorum potestatem venit, *exceptis* iis *triremibus*, cum quibus *Uluçalis*, Profultanus Cæſeirensis, fugit. Copiarum Christianarum summus dux fuit *Johannes Austrius*, Caroli V. Aug. filius nothus. Moritur Selimes A. C. 1575.

XII. SULTAN MURAT CHAN. III. Selimis II. F. 27. annorum juvenis, imperium Turcicum auspicatus est. Statim *quinque fratres* natu se minores *strangulari jussit*, quorum nomina sunt: *Mustapha*, *Suleiman*, *Abdulla*, *Osman*, *Tzihangir*. Mustapham ducem contra *Persas* misit A. C. 1578. qui rem felicissimè gerit. Suffectus biennio post *Sinam* Bassa magnis & ipse cladibus afficitur. Eadem Turcarum fortuna sub aliis. Fusè bellum descripserunt *Johannes Thomas Minadous*, & *Petrus Bizarus*. Moritur hic *Padischachus* A. C. 1595.

XIII. SULTAN MUHAMET CHAN. III. Muratis III. F. successit patri. Ejus effigiem in numo exhibet *Luckius* p. 360. Cum exercitu progressus in *Hungariam* ad *Agriam* cum nostris confligit. Perierunt è Turcis 50000, è nostris 10000. *Victoria Turcis*

Turcis cessit, supinâ nostrorum negligentia. Moritur Muhametes A. C. 1604.

XIV. SULTAN ACHMET CHAN, Muhametis III. F. 14. annorum puer sub *Ali* purpurato tutore relictus, imperium suscepit. Cum nostris aliquot annorum inducias fecit, ad bellum Persicum conversus. Obiit A. C. 1617. Hic *fratri suo novâ & inusitatâ Turcis clementiâ pepercit*: Nam hucusque *Padischachus* recens factus, omnes fratres interficere solitus; non tam æmuli impatientiæ, quàm quòd superstitibus fratribus, militum prætorianorum lasci-
,, viæ obnoxius esset. Statim ubi precibus illorum
,, abnuebat, audire cogebatur: *Salvus frater sit! Fra-*
,, *tre! Deus nobis servet!* Sic, factum, ut plerique o-
,, mnes à parricidio imperium auspicarentur.

XV. SULTAN MUSTAPHA CHAN, Muhametis III. F. Achmetis frater, ad imperium ex custodiâ protractus, homo vecors & stolidus (ut describit *Petavius*) austerus, & tantæ moli impar; ut est apud *Ciuverum* p. 777. & in *Turciâ*, quam *Elzevirii* dederunt; post duos vel tres menses carceri rursus mancipatur.

XVI. SULTAN OSMAN CHAN. II. Achmetis F. dejecto patruo, Turcicum in thronum evehitur; fervidissimi ingenii adolescens, pace cum Persis factâ, cum *quadringentis millibus* irrupit in *Poloniam*; sed cum magnâ clade rejicitur A. C. 1621. Ad *centum millia* Turcarum variis in præliis cæsa sunt; *totidem* aliis casibus extincta. Igitur desperans Turca ulterius progredi, pacem offert æquis conditionibus;
quam

quam Poloni acceptant, velut divinitus missum beneficium. Nam eodem tempore *Gustaphus Adolphus*, Suecorum Rex, in *Livoniâ* magnos progressus fecerat. *Osman* cladium acceptarum culpam in milites *prætorianos* rejiciebat; quorum seditionibus assidue vexatus erat. Igitur de exauctorandis cogitans, & imperii prætereà sedem translaturus in *Syriam* & *Damascum*, pernicioso Turcis in posterum exemplo, imperii insignibus exuitur; miserandoq; per *Constantinopolin* spectaculo in equo ductus laqueo strangulatur, d. 20. Maji. A. C. 1622. Sic imperium rursus adeptus *Mustapha*, sed ut rursus dejiceretur. Nam cum ob diuturnum carcerem mente non satis constaret, milites ejus restituti pœnitere cœpit. Igitur in pristinam sortem & carcerem retrusus est, mense Sept. A. C. 1623. Hic bello *Bohemico* per sumnum nefas sollicitatus à *Comite Turrensi* (ut fama est) contra *Ferdinandum II. Cæsarem*, *Moraviam* diripuit.

XVII. SULTAN MURAT CHAN IV. Achmetis F. Osmanis frater, imperium Turcicum adeptus, cum nostris Imperatoribus pacem coluit. Non nisi ad annum 1626. imperasse, & substitutum *Hassonem Beglerum*, vult *Besoldus* in *Synopsi* majore. Mihi de hoc nihil omnino compertum; & si quis hujus nominis factus est, ferè suspicer per tumultum militarem ad imperium raptum statim interiisse. Murates enim IV. adhuc rerum potiebatur A. C. 1632. ut testis est *Petavius*. Nec alium illi suffectum cognorant *Batavi*, cum A. C. 1630. Turcici imperii statum *Elzevirianis* typis nobis darent. Imò in *Manifesto Turcico*,

quod anno superiore, 1645. vulgatum est, expressè testatur nostræ ætatis *Padischachus*, se Murati successisse. Verba sunt: *Æterna memoria Sultanus Murat, Padischachus, antecessor & frater noster dilectissimus, semper cogitavit de parvâ Christianorum Melitensium insulâ debellandâ; & eorum classe, quæ nobis in mari nostro tot damna hætenus intulit, prorsus delendâ. Sed dum in eo totus esset, fato concessit, eamq; curam nobis reliquit. Igitur ex scripto quodam emblematico, quod sub nomine legati Gallici vulgatum est, cum hætenus dictis collato, Muratem IV. mortuum statuo A. C. 1640.*

XVIII. SULTAN IBRAHIM CHAN, Achmetis F. Osmanis & Muratis frater A. C. 1640. in Febr. Turcicum imperium capeffit; ut docemur ex modo laudato *scripto legati Gallici*. Ubi & illud additum, soluto in lasciviam animo, *masculam prolem* firmando imperio omnibus modis flagitantem *inter uxorculas* delitescere, Magno Vizirio & Beglerbegis omnia regentibus. Sed vereor, ne similis sit *Mecæ-nati*, de quo *Vellejus lib. II. c. 88.* perhibet: *Speculatum esse per summam quietem, ac dissimulationem, præcipitantiam aliorum.* Quantum illustrissimæ *Veneto-rum* reip. anno superiore vulnus inflixerit, creptâ *Canæ* quæ veteribus *Cydon, Cydonis, & Cydonia* dicebatur) pauci ad animum revocant; boni recordantur cum gemitu & lachrymis.

CAPUT XVII.

De

IMPERATORIBUS
FRANCICIS.

POpulus Romanus, *Caroli*, Francorum Regis; (de quo jam diximus) fortitudine multis seditionibus aliisque calamitatibus explicitum se videntis, ac propterea de futuris sollicitus, hoc velut fulcrum rebus suis prudente consilio subjecit; & dictum Principem, manu ac benedictione Leonis Pontificis usus, *Augusti* nomine & titulo consecravit ipso natalis Dominici die A. C. 800. Ita loquor. *Besoldus* defectione ad Babyloniam meretricem totus alius factus, tacere mavult in illius gratiam, quam veritatem loqui cum invidia, & rerum terrestrium damno. *An ejusmodi translatio*, inquit, *Pontificis auctoritate*, vel potius *populi Romani scito fuerit facta*, altiore indaginem requirit; quam ut hic institui queat. Mox auctores diversarum sententiarum laudat, ut nescias, quos sequi te velit; nisi quod *Baronios*, *Bellarminos*, *Gretzeros*, ultimo loco nominando, in sequiorem opinionem pronior videri possit.

At quod nos diximus, probatu haud difficile est. *Annales Francorum* veterrimi: *Carolus Augustus* à Romanis appellatur. Citat *Marq. Freherus* not. in *Lupoldum de Bebenburg* c. 12. *Sigebertus Gemblacensis* in *Chronologia*: *Romani*, qui ab Imperatore Constantinopolitano, jam diu animo desciverunt, nunc accepta occasionis opportunitate, quia mulier excacato Im-

peratore Constantino suo filio eis imperabat, uno omnium consensu CAROLO Regi imperatorias laudes acclamant; eumque per manum Leonis Pontificis coronant, Cæsarem & Augustum appellant. Pipinum verò filium ejus Regem Italiæ ordinatum collaudant. Gemina planè Martinus Polonus; addunt Ado & Regino sequentia: Perfectis laudibus à Pontifice, more Principum antiquiorum adoratus est; atque ablato Patricii nomine, Imperator & Augustus salutatus. Acclamationis publicè factæ à populo Romano formula fuit talis: CAROLO AUGUSTO A DEO CORONATO MAGNO ET PACIFICO IMPERATORI ROMANORUM! Vide *Annales Rerum gestarum à Carolo*, scriptos à quodam ejus ætatis Astronomo; *Othonem Frisingensem lib. V. cap. 31.* *Suffridum Presbyterum Epit. lib. I.* *Regionem modò laudatum in Chron. lib. II.* *Lupoldum Bebenburgium de Juribus regni & imper. Rom. cap. 1.* ubi Freherus notat, in hac acclamatione & laudatione tum temporis apud Romanum & Constantinopolitanum populum electionem popularem constitisse.

Hoc verò populus Romanus jure potuit ab antiquo: Quæ olim jure potuit facere populus Romanus, antequam Impp. Romani regnarent; idem faciendi jus habuit, ut quisque Imperator mortuus erat, alio nondum existente. Imò & electio Imperatoris ad populum Romanum pertinebat; & aliquoties à populo per se, aut per Senatum facta est. Quæ autem à legionibus modò his, modè illis fiebant electiones, non erant rata ex jure legionum (nam in vago nomine certum
jus

ius esse non poterat) sed ex approbatione populi; quæ sunt verba *Hugonis Grotii lib. II. de J. B. & P. c. 9. §. 11.* extra omnem dubitationis aleam posita. *Lege regiâ* (inquit Imp. Justinianus J. de Jur. & Just. §. 8.) *populus Principi & in Principem omne imperium suum & potestatem concessit.* LEGIBUS. PLEBEIQUE. SCITIS. SCRIPTUM. FUIT. NE. DIVUS. AUGUSTUS. TIBERIUSQ. JULIUS. CÆSAR. AUG. TIBERIUSQ. CLAUDIUS. CÆSAR. AUG. GERMANICUS. TENERENTUR. LEGIBUS. *Inscrip. I. Operis Gruter. p. 242. S. P. Q. nomina oblitterata dicit Tac. lib. I. Histor. cap. 55. §. 2. Sed aliud ejusdem lib. II. Hist. cap. 32. §. 5. scimus: Italiam, & caput rerum urbem, Senatumq; & populum nunquam obscura nomina; etsi aliqua obumbrarentur. Sed plerumq; hîc sufficiebat per Senatum agere.*

Hinc ad eum judicium de imperio suo pleriq; detulerunt; qui legitimi Principis titulum non insuper habebant. *Nero apud Tac. lib. XIII. Ann. c. 4. §. 1. auctoritate Patrum, & consensu militum sese Imperatorem factum profitetur. Sic Helv. Pertinax apud Capitolinum in Pertinace p. 56. suscipere se imperium à Senatu dixit. Gordianus apud Eundem in epistola ad Senatum, post assumptam purpuram: Vestrum est estimare, quid velitis; nam ego usque ad Senatus judicium incertus & varius fluctuabo. Item Opilius Macrinus in epistola ad eundem: Milites ad me detulerunt imperium, cujus ego, P. C. interim tutelam recepi; tenebo regimen, si & vobis placuerit. Similiter Probus in epistola ad eundem: Quaeso, ut de meis meritis faciatis, quicquid jusserit vestra clementia.*

Non sumus ignari, ludibria intervenisse, & maximam partem per vim creatos, quàm voluntate populi & Senatus; sed non propterea abolitum jus. Ipse certè *nunquam dimisit*, sed etiam translata Imperatorum sede retinuit ad ultima usque tempora; ut *Grotius* nos docet. *Roma si plerunq; humiliata, semper tamen Domina*; inquit auctor vetus *Alberto Argentinensi* præfixus in MSS. codicibus, & publicatus ab *Urstisio* p. 82. Huc tendit illa vox Romæ, cùm leges ab *Henrico VII.* Imp. die coronationis suæ editas apud *Ursbergensem* confirmaret: *Ego Coronarum Corona confirmo Principi potestatem; eiq; subicio civitates, gentisq; nationes; tueantur aquila gloriam meam.*

Igitur legitimus Romanorum Imp. Carolus, consensu Romanorum dictus. Et quamvis hic Carolo sufficeret, tamen accessit etiam *transactio cum Constantinopolitanis Imperatoribus*; de qua *Aimoinus* hunc in modum: *Michael Imperator factus legatos Imperatoris Caroli, qui ad Nicephorum missi fuerant. Constantinopoli suscepit & absolvit; cum quibus & legatos suos direxit, & per eos pacem à Nicephoro inceptam confirmavit. Nam Aquisgrani, ubi ad Imperatorem venerunt, scriptum pacti ab eo in Ecclesia suscipientes, more suo, id est, Græcâ linguâ laudes ei dixerunt; & Imperatorem & βασιλέα eum appellantes. Et inde reversi Romam, in basilicâ S. Petri eundem pacti seu fœderis libellum à Leone Papâ denuò susceperunt. Eadem iisdem pænè verbis *Regino* lib. II. ut alios complures taceam.*

Res Caroli Imp. gestas non exequor ob causam
fam

sam, quam suprà dixi: Unum monendum est propter *Besoldum*, qui ait ex *Eginhardo*, Carolum creatum esse invitum & agrè ferentem. Addit *Eginhardus*, affirmasse Carolum in æde B. Petri, cùm corona ipsi imponeretur, se quamvis præcipua solennitas esset, ad eam sacram non intraturum fuisse; si consilium hoc præscire potuisset. Sed nemo non videt, ineptam Scriptoris adulationem. Ipse *Carolus Hadriano* Pontifici satis antea animum suum literis patefecerat: *Carolus Dei gratiâ Rex Francorum & Patricius Romanorum*. Si *Ecclesiarum Dei servis munificentiam nostram impertimus*, eorumq; studiis libenter obsequimur; id nobis ad *Augustalis excellentiæ culmen proficere credimus*: Et quod cunctis preciosius est dignitatibus, aeternum retributionis præmium capefcere non diffidimus.

Obiit d. 5. Cal. Febr. A. C. 814. ætatis 71. regni 47. imperii 14. Quem more Historicorum hoc elogio funebri *Brunner. lib. IV. Ann. p. 59.* celebrat: Vir ævo suo parùm laudatus, etiam cùm Magnus diceretur: Maximis virtutibus par ingenium præconiumq; non recepit. Res ab illo gestæ, tantum abest, ut narrando creverint; ut earum potiùs fulgorem obscuri Scriptores suffocârint. Germania ne hodiè quidem illi operæ pretium retulerit, cujus ruditatem & infantiam primus ipse abstersit, literis introductis arteq; Grammaticâ patrii sermonis inchoatâ: Mensibus & ventis primus nomina dedit antehac nostris ignorata; veterum Heroum facta carminibus decantari memoriæ fide solita (quod majoribus nostris unicum annalium genus) literis consignavit; tantò dignior, cui vicem posteritas

rependeret. Sed *Puteanus in Histor. Insubr. pag. 216.* parentavit hunc in modum: *Vir fortior, an felicior, dubites; dignus, qui Magni cognomen accepit, pugnando strenuus, vincendo clemens, regendo pacificus. Armis consiliisque rem Christianam constituit, & pacem pace laudem promeritus, literas doctrinamque jam exoletam Christianis reddidit. Ergo quod adhuc Latini sumus, quod barbariam exuimus, Carolo debemus.*

II. LUDOVICUS, Caroli M. ex *Hildegardi Suevâ F.* cognomento *Pius*, ex *Aquitaniæ Rege* in collegium imperii assumptus, à patre paulò post defuncto successit; cum *Leone*, Imperatore Byzantino, fœdus & amicitiam renovavit; ut est in *Annal. Rerum gestarum à Ludovico*, scriptis illo ipso ævo. In eum primum insurrexit *Bernhardus*, Rex *Italiæ & Bojarie*, *Pipini* patris filius; sed oppressus & exoculatus moritur. *Leo Ostiensis, Theganus, Chorepiscopus Trevirensis, de Reb. gest. Ludovici, & Annal. Franc.* Hoc *Bernhardo Pipinum* genitum, *Pipino Bernhardum* Comitem in *Langensfeld* / *Bernhardo Arnulphum* Comitem in *Langensfeld* / *Arnulpho Luitpaldum*, *Luitpaldo Arnulphum*; & ab hoc oriundos hodiernos *Electores Palatinos, Duces Bavariæ, & Comites à Leonsstein & Wertheim* / tradunt *Augustinus Köllner, Marcus Wagner, Henninges, Job. Jacobus Fugger, Christoph. Geuvoldus, & alii.* Sed meritò huic securitati *Brunnerus* irascitur lib. VI. *Annal. p. 71.* quòd maximam rem solâ auctoritatis suæ substructione fulcisse satis habuerit; cum, si unquam aliàs, tabulis ac testibus agendum fuisset. Incidit *Bernhardi mors* in A. C. 818. d. 15. Cal. Maji,

Maji, ut apparet ex inscriptione *monumenti*, quod in templo *S. Ambrosii Mediolani* conspicitur.

Insurrexerunt posthæc & filii: *Pipinius*, Aquitaniæ Rex, cum multis illustribus conspirans, patrem comprehendit; ejus uxorem alteram *Welfi*, Comitissæ filiam, quam *Hermingarde* mortuâ duxerat, in cœnobium inclusit; probante *Lothario A. C. 830.* Sed Germanorum operâ imperium recepit anno sequente. Filii minimè contenti uno scelere, rebellant iterum *A. C. 834.* & patrem abdicare cogunt. Scenam omnem atrocitatis filialis repræsentant *Annales Francici*, à *Pithæo* editi, & *Theganus*. Restitutus est tamen pater in integrum *A. C. 834.* Obiitq; cum *Ludovicus F.* bellum denuò pararet, a. d. 12. Cal. Jun. Anno 840. vitæ 64. imperii 27. Vitæ finem prosequitur *Puteanus* p. 224. hoc elogio: *Majorem hunc posteritas Regem diceret, si tam felix pater, quam Pius Princeps fuisset. Obstiterunt filii, velut ad seditiones nati; non passi ad plenam gloriam optimum clementissimumq; virum consenescere.* Item *Brunnerus* lib. VI. p. 104. scitè: *Ipsò usu doctus, idemq; alios docturus, mortales plerumq; votis suis plecti; quæ eum Deo propè extorserint, serò intelligant, pro suis se suppliciis supplicasse.* Regna, imperia, numerosam sobolem *Ludovicus* habuit; & tamen fatendum est, felicem futurum fuisse, nî tam felix fuisset.

III. LOTHARIUS, Ludovico Pio & *Hermingarde* natus, succedit patri; & cum omnia trahere vellet ad se, fratres magis magisque concitavit, jam ad bellum pronos; & de iniquo patris judicio conque-

rentes. Nam *Lothario* regnum *Italiae* & *Galliae*, imperiūq; titulum cesserat; *Ludovico* & *Carolo*, *Aquitaniae* & *Bojariae*, ut ipsi appellabant, angustias. Fuscē hęc exequitur *Nithardus*, *Caroli M.* è *Bertha N.* in *libris de dissensionibus filiorum Ludovici Pii.* Armis infestis concurrerunt a. d. 7. Cal. Jul. A. C. 841. ad *Fontanetam villam*; & pænè ad exitium gentis *Francicæ* pugnatum est: Nam post hanc pugnam si quis hostium occasione voluisset uti, & *Galliam* invadere; facile potitus esset universâ. Neq; fanè deinceps de proferendis imperii finibus cogitatum, cū etiam de *Parthis* tutandis desperaretur. *Pœtean. lib. IV. p. 231. Brunner. lib. VI. p. 113.* Victus *Lotharius*, collecto exercitu, rursus experiri fortunam statuit, sed repressus est; coactusq; fugam capeffere, cum paucis ad *Rhodani ripam* conlestit. Tū demum *Lotharius* pacisci potuit. Ipsi præter *Romanum imperium*, id est, *Romam* & *Italiam*, *Belgica* cessit; quæ ab eo *Lotharingia* nomen accepit, ut inquit *Sigebertus*; nec non *Provincia*, sive *Burgundia*: *Ludovico* *Germania omnia usque ad Rhenum*, ultraq; hunc civitates tres, *vini gratiâ*, *Moguntia*, *Spira*, *Wormatia*: *Carolus* Occidentalem sortitus est *Franciam* à *Mosa* flumine ad *Britannicum Oceanum*. Idem *Sigebertus*, *Aimoinus*, & alii. Obiit *Lotharius*, cū imperio & regno se abdicasset, & in cœnobio *Prumiensi* monachus esset, A. C. 855. d. 3. Cal. Octobr.

Hujus temporibus JOHANNEM VIII. foeminam ad clavum navis *Petrinæ* sedisse, & ex *Cardinali* quodam gravidam, dum ad *Lateranensem basilicam*

basilicam proficiscitur, inter *theatrum*, quod *Colossus* nominant à Neronis Colosso, & *Sanctum Clementem*, peperisse, complures referunt. Antiquissimus est *Ranolphus Flaviacensis*, ordinis Benedictini monachus *lib. V. Polychronici c. 32.* Ex quo constat, historiam ob deformitatem à Scriptoribus proximis omissam. Iple autem vixit 70. annis post ipsa tempora, quibus res contigisse dicitur. Unde *Besoldi* negativa, haud firmâ basi sustinetur, cum ait ex *Calvisio*; fabulam esse, cujus auctor primus videatur *Marianus Scotus*. Nam hic *Ranolpho* 160. annis posterior, mortuus est A. C. 1086. *Marianum Scotum* excepit *Sigebertus*, monachus *Gemblacensis*, natione Gallus, qui vixit A. C. 1110. & *Richardus*, monachus *Cluniacensis*. Post hos, qui traderet idem, repertus est *Martinus Polonus*; tum magnus Scriptorum numerus Papissæ hujus meminisse cœpit. *Joh. Bocatius*, *Franciscus Petrarca*, *Antonius Archiepiscopus*, *Otto Frisingensis*, *Wilhelmus Occam*, *Raphaël Volaterranus*, *Laonicus Chalcondylas*, *Platina*, *Sabellicus*, *Jacobus Philippus Bergomensis*, *Baptista Mantuanus*, *Matthæus Palmerius*, *Stella*, *Nauclerus*, *Agrippa*, *Crantzius*, *Rolfingus*, *Carthusianus*, *Celius Rhodiginus*, *Johannes Lucidus*, *Christianus Massæus*, *Casparus Ursinus*, *Liber Romanarum indulgentiarum Romæ editus A. C. 1515.* quos observavit *Matthias Bernegg* in demolitione idoli *Laurentiani p. 50.* Idem novimus carmine traditum à *Johanne Pannonio*, *Johan. Vitali Panormitano*, *Angelo Mattheacio de ritu & ratione juris universi lib. I. c. 37. edito Venetiis. A. C. 1591.* & aliis Scriptoribus Pontificiæ religionis.

gionis. Contra hos omnes negativam amplectitur *Besoldus*; cui fortasse subscribam alio tempore.

IV. LUDOVICUS II. Lotharii F. Ludovici Pii N. iniit A. C. 855. Hujus legatis neglectis, *Adrianus II.* Papa fuit electus; ut *Besoldus* refert. Sed hoc est proprium dedecus narrare: Nam absque Imperatoris auctoritate Pontificem creare, perduellium erat; nec Pontifex illo tempore legitimus, nisi quem Imperator confirmâisset. Vide *Hieronymum Balbum* in lib. de Coronatione p. 130. Mortuus est *Ludovicus A. C. 875.* circa Cal. Aug. ornatusq; ibidem hoc epitaphio:

D. P. N.

*Hic cubat aeterni Ludovicus Caesar honoris,
aequiparat cujus nulla Thalia decus.*

*Nam ne prima dies regno solioq; vacaret,
Hesperia genito sceptrare reliquit avus.*

*Quam sic pacifico, sic forti pectore rexit,
ut pueri brevitâs vinceret acta senum.*

*Ingenium mirerne, fidem cultusve sacrorum,
ambigo; virtutes, ac pietatis opus?*

*Hic ubi firma virum mundo produxerat etas,
imperii nomen subdita Roma dedit:*

*Et Saracenorum crebras perpessa secures
libera tranquillam vexit, ut antè togam.*

*Cesar erat cælo, populus non Casare dignus;
composuere brevi stamina fata dies.*

*Nunc obitum lugens, infelix Roma, patroni,
omne simul Latium, Gallia tota dehinc.*

*Parcite: Nam vivus meruit hæc præmia, gaudet
Spiritus in cælis, corporis extat honos.*

V. CA.

V. CAROLUS II. cognomento CALVUS, Ludovici Pii F. Caroli M. N. Ludovici auditâ morte, Romam advolans, ibidem Augustus coronatus est; ipso natalis dominicæ die A. C. 875. *Auctor anonymus illius ævi: Omnem Senatum populi Romani more Jugurthino corrupit, sibi associavit; ita ut Johannes Papa votis ejus annuens, coronâ capiti ejus impositâ, eum Imperatorem & Augustum appellari præceperit. Sic illegitimo modo ad imperium pervenit; quod etiam Baronio subscribens in Synopsi majore sentire videtur Besoldus, & Brunner. lib. VI. p. 210. Sed his Acta coronationis à Petro Pithæo edita, prorsus adversa, post eximias laudes hujus Caroli, depromunt ista: Non hic perpetuus Augustus ad tanta fastigia se, velut improbus, intulit; non tanquam importunus fraude aliquâ, vel pravâ machinatione, aut inhianti ambitione ad imperialem apicem adspiravit. Absit: Neq; honorem presumtuosè assumpsit, ut Imp. fieret; sed tanquam desideratus & optatus, postulatus à nobis, & à Deo vocatus, & honorificatus ad defendendam religionem, & Christi utiq; servos tuendos, humiliter atque obedienter accessit; operaturus, & roboraturus in imperio summam pacem, & tranquillitatem; & in Ecclesia Dei justitiam, & exaltationem. Nisi enim talem ejus cognovissemus intentionem, nunquam animus noster fieret tam promptus ad ipsius promotionem. Diem clausit in Italia prid. Non. Octobr. A. C. 877. à Sedechia Medico Judeo venenatâ potione peremptus, in loco, quem Brios vocant. Ei Erycius Puteanus comm. in lib. IV. Hist. Insubr. p. 248. sic parentat: Fuit Princeps propenso in literas animo, ad quem,*

quem, quicquid eruditionis illo seculo fuit, tanquam ad *Mecœnatem* confluit.

VI. LUDOVICUS III. BALBUS, Caroli Calvi F. imperii insignia suscepit 7. Idus Sept. A. C. 878. ut volunt ex *Aimoini lib. V. c. 37.* Scriptores quidam, quos *Besoldus* sequitur. Sed falsos illos esse, docet *Petavius part. I. Rat. Temp. lib. VIII. c. 9. p. 527.* Nimirum *regia tantum corona, non imperatoria* illi imposita à *Johanne Pontifice*: Volebat quidem etiam Imperatorem coronare, sed ob id à Romanis urbe coactus est excedere; ut *Sigebertus ad A. C. 878.* prodidit. Ergò *quintus* potius *Imperator* est.

CAROLUS III. CRASSUS, Ludovici, Germaniæ Regis, F. Ludovici Pii N. qui imperium adeptus est A. C. 878. ipsis *natalitiis Christi Domini* feriis, *Ludovico* fratre extincto, *Lotharingia & Bojaria* regno auctus; & Ludovici Balbi filiis, *Ludovico & Carolomanno* fato functis, à Proceribus regni *Gallia* vocatus, fortunæ benignioris pullus haberi potuit. Cum *Nortmannis*, qui *Galliam* magnis cladibus attriverant, pacisci, quàm armis experiri maluit. *Sigefrido Giselam*, *Lotharii* patruelis filiam, despondens, in dotem *Frisiam* consignavit. Cum rursus tamen turbarent barbari, & *Rollone* duce *Neustriam* invaderent; Carolus pactus iterum *Neustria* partem, quæ ab *Epta* flumine ad *Britones* extensa est, hostibus tradidit. Pax ea videtur facta mense Martio A. C. 887. Iisdem temporibus *Saraceni*, factâ in *Italiam* irruptione, omnia lacerârunt, monasteria destruxerunt, monachos decapitârunt. Paulò pòst Carolus ex morbo, qui gravior ali-

quis

quis capitis affectus fuit, *stupidus amensq;*, & amisso rationis usu, rebus gerendis inutilis tandem factus est. Vide *Regionem*, *Annales Fuldenses* & *Fragmentum Hist. Aquitanica*, à Pithæo editum. Hinc Italis MALFERITO, id est, *vehementer tactus*, graviter afflictus dicebatur. *Italicum* Latinâ formatione parum dextrè incrustantes alii, *malè feriatum* appellârunt; cujus significationis apud veteres Latinos nunquam fuit: Nam *Horatius*, qui *lib. IV. Carm. od. 6.* Troas *malè feriatos* vocat, aliter explicandus est; sed ut omnis consuetudo tyranna est, usus hujus vocabuli pejor à plerisque eruditis ita receptus est, ut quemcunq; hominem *ineptum*, *insubidum*, *stolidum*, *improbum* appellare volunt, *malè feriatum* dicunt. Legendus *Reines. lib. I. Var. Lect. c. 4.* Ex hac autem causâ Carolus imperio & regno excidit, cùm A. C. 887. mense Novembri comitia vel Triburias vel Francofurtum indixisset. Primi obsequium exuerunt *Franci*, *Saxones*, *Thuringi*, *Boji*, & *Alemanni*. Vide *Brunner. lib. VII. p. 271. 272.* ubi fusiùs exsequitur id, quod Besoldus dicit; eò necessitatis appulsum Carolum, ut stipem flagitaret. Ad eam rem *Eryc. Puteanus comm. in lib. V. Hist. Insubr. p. 287.* sic exclamat: O rerum humanarum scenam! jacet ecce ad egestatem dejectus & gemens, qui summus fuerat; ac totam Caroli M. potentiam sibi vindicârat. Monarcham vides, ac mox mendicum: Ne mirum sit, à sceptro ad ferulam detrusum aliquando Dionysium fuisse, quem frustra tyrannum appellamus. Quàm felix, tam infelix Crassus fuit, in quo fortuna ostendit, quantum possit; ac Carolina stirpis imperiijq; fata

memo-

memorando exemplo complevit. Quæ postrema Brunnerus non minùs eleganter reddit: Credi poterat, duas ipsum inter se fortunas partitas; ut qui paulo antè inter felices felicissimus, idem inter miseros miserrimus diceretur. Obiit in calamitate, & sepultus in Augia, insula Rheni prope Constantiam. Epitaphium ejus instauravit Christophorus, Episcopus Constantinensis, quod tale est: CAROLUS CRASSUS, REX SUEVIÆ, PRONEPOS CAROLI MAGNI, ITALIAM POTENTER INTRAVIT, ATQUE DEVICIT; IMPERIUMQUE ROMANORUM, UBI CÆSAR CORONATUS, OBTINUIT; AC MORTUO FRATRE LUDOVICO UNIVERSAM GERMANIAM ET GALLIAM JURE HEREDITARIO ACQUISIT, DEMUM ANIMO, MENTE, ET CORPORE DEFICIENS, AB IMPERIO SANE MAGNO CUM FORTUNÆ LUDIBRIO DEJECTUS, A SUIS OMNIBUS POSTPOSITUS, HUMILI HOC IN LOCO SEPULTUS JACET. OBIIT ANNO DOMINI D. CCC. LXXXVIII. IDI. JAN. Fuit alioquin (quæ Regionis verba sunt) Christianissimus Princeps, Deum timens, & mandata ejus ex toto corde custodiens; in eleemosynis largus, orationi & psalmorum melodis indefinenter deditus.

VII. ARNULPHUS NOTHUS, Carolomanni, Regis Italiæ F. Ludovici Regis Germaniæ N. Ludovici Pii Imperatoris pronepos, Carolo Crasso successor datus, prope Tiliam amnem Sigefridum & Gode-

Godefridum cum 100000. *Nortmannorum*, uno duntaxat è suis amisso delevit. Legendus *Lipsius in Lovanio*, *Brunnerus lib. VII. p. 293.* Sed sub hoc ipso Imperatore *Ungarorum* nomen primum auditum est, qui ultra *Danubium* à *Carolo M.* submoti, vallo etiam circumjecto inclusi, superatis claustris crudelissimis per longum tempus factis, *Germaniam* funestârunt. Quinimò quisque Procerum rapuit, quod voluit: *Berengarius*, *Ennarhardi*, *Forojulienensis Ducis F. Italiam*, *Vido*, *Lamberdi*, *Spoletinorum Ducis F. Galliam*; sed ille feliciùs. *Vido Othonis* (*Ruperto* geniti) viribus *Galliâ* exclusus est; ut scribunt *Regino*, & *Sigebertus*. Hinc conversus in socium *Berengarium*, cum *Italiæ* perniciæ bellum civile gessit. Victus *Berengarius duabus pugnis* fugit; *Vido* non contentus *Italiæ* Regis titulo, etiam *Imperatorem* se appellari voluit. Creatus est à *Stephano* Pontifice, quod *Onuphrio* aliisq; placet; sed alii ad *Formosum* referunt, quorum sententiam *Besoldus* sequitur. *Berengarium* paulò pòst *Arnulphus* Imperator vi reducit; fugatusq; *Vido* apud *Tarum* fluvium in agro *Placentino* sanguinis vomitu extinguitur. Tùm *Lamberdus*, ejus F. validâ *Italorum* factione impulsus, regnum armis repetit, non auso *Berengario* experiri prælii eventum. Sic revocatus in *Italiam* *Arnulphus Romam*, ad cujus præsidium *Lamberdus matrem* reliquerat, obsidet; & miro casu, ludente in serio negotio fortuna, cepit. Lepusculum militaris tumultus suo latibulo extraxerat, quem pavido cursu versus urbem fugientem coorti ex suis stationibus magno numero milites sunt secuti;

cùmq; studio ignobilis prædæ longiùs proveherentur *Romani*, qui muros occupaverant, universis *se copius peti rati* (quod nihilo plus animi iis, quàm omni-
noso lepori esset) ejus exemplum imitati, quoquo
versus dilapsi sunt. *Germani* nuda defensore mœnia
conspicati, occasione tam bella usi, congestis sarcinis
per extemporalem aggerem evadunt in muros, & urbe
potiuntur. Ita terrarum Dominam, & divinos hono-
res quondam usurpantem, Deus Optimus Maximus
per jocum capiendam dedit. Refert è *Luitbrandi*
lib. I. c. 8. & *Sigeberti Chronographia lib. VII. Brunner.*
p. 316. Captâ urbe Arnulphus à Romanis *Augustus* ce-
remoniâ solenni appellatus est. Ibidem obiit *articu-*
lari morbo; seu, ut alii scribunt, *pediculari*, mense
Dec. A. C. 899. *Veneno bis petitus* est, semel insidiis
Ageldruda, Vidonis uxoris; iterum à *Germano*, idq;
mortem acceleravit. Sepultus est *Ratisbonæ*, in *D.*
Emmerani monasterio; quod præ reliquis colendum
ornandumq; sibi sumserat.

LUDOVICUM, Arnulphi filium, inter *Impe-*
ratores recenset cum aliis *Besoldus*; sed saltem *Germaniæ* Rex fuit: Imperatoris coronam, id est, titulum
non habuit; ut ex *Regionis lib. II.* constat, quem *per-*
peram *Besoldus* citat, *tanquam Imperatorem* renun-
ciatum dixisset. Regem etiam tantum vocant *Her-*
mannus Contractus, *Lambertus Schafnaburgensis*, *Ma-*
rianus Scotus, *Godefredus Viterbiensis*, & alii. Unus
Siffridus in inscriptione capitis, quo de isto agit, *Impe-*
ratores dixit. Cum *Ungaris* gravia bella gessit, quæ
fusè describit *Brunner lib. VII.* Obiit A. C. 911. in ipso
adole-

adoleſcentiæ flore, nullâ ſobole relictâ. Atque ita Carolorum poſteritas in Germania defecit, ut ait Otho Friſingenſis lib. VI. c. 15. Wilhelmus Langius, qui duarum filiarum patrem facit, Placidia & Mathildis, quæ Conrado & Henrico Regibus poſteâ nupſerint, fidem non meretur; ut cenſet idem Brunner. d. l. p. 371. Cæterum illius temporibus Ludovicus, Boſonis (de quo Puteanus comm. in lib. V. Hiſt. Inſubr. p. 272.) & Irmengardis, Ludovico II. genitæ, filius contra Berengarium in Italia regnans, à Benediſto Pontifice parùm legitimo, imperii inſignia accepit. Marianus Scotus, Godeſfredus Viterbienſis part. XVII. Otho Friſingenſ. lib. VI. c. 15. Miſer Imperator, dum fugato Berengario incautiùs agit, rursus proditus & excacatus eſt, ut ſcribit Luitbrandus lib. II. c. 11. Addunt Annales noſtri, etiam libidinis inſtrumenta adempta fuiſſe; ne filii fortallè vindictam regnumq; molirentur.

CAPUT XVIII.

&

ultimum

de

IMPERATORIBUS

GERMANICIS.

Caroli nomine cum Ludovico in Germania ſepulto, regni Germanici Proceres in OTHONEM, Ludolphi filium, Brunonis nepotem, Bigberti pronepotem, Witichindi M. abnepotem, pace belloq; egregium, Saxonum

Principem conversi, eum ad suscipiendas regni habenas vocârunt; qui ad regni pondus vires suas expendens, atque ita tandem concludens, *cano capiti coronam imponere*, hominis esse senio suo illudentis, Procerum petitionem *abruptè refutavit*. Rogatus deinde sententiam, quem eo fastigio dignissimum censeret, CONRADUM FRANCUM, Conradi, ab Adelwerto interfecti, filium nominavit. *Otho Frisingensis lib. VI. c. 5. & 15. Siffridus in Chronico; & quos Brunnerus citat lib. VII. p. 373. Witichindus lib. I. Ditmarus lib. I.* Igitur Germaniæ regnum iniit CONRADUS A.C. 912. cui non nisi septem anni tribuuntur. Mortuus est enim a. d. 10. Cal. Jun. A. C. 918. ut est apud *Martianum Scotum; & Trithemium in Chronico Hirschburgensi a. d. 14. Cal. Nov. ut Brunner. d. l. p. 388.* Morti proximus exemplum edidit ingentis animi, etiam raritate suâ commendabile, quando nullâ *Eberhardi fratris*, aut certè *Franciæ gentis* ratione habitâ, imperium transferri ad *Saxones* non modò passus est; sed auctor ipse factus, id gravissimis verbis, & quantâ potuit animi contentione, velut ultimum mortalium votorum, cui refragari nefas esset, postulavit; quod ipsius consilium tantò maiorem habuit admirationem, quantò notiores omnibus erant *inimicitia*, quæ illi cum *Henrico*, quem sibi *successorem* destinabat, intercesserant. *Brunner. d. l.*

HENRICUS I. Othonis F. Ludolphi N. ab *aucupii* studio, quo delectabatur, *Auceps* cognominatus, ipsius Conradi suffragio, regnum suscepit. Contra hunc res novas moliti sunt *Arnulphus*, Luitpaldi ab Hunga-

Hungaris cæsi, F. Bojariæ Princeps, & *Burchardus*, Sueviæ dux; quorum alterum oratione modestissimâ ad pacem flexit (extat prolixior apud *Brunner. lib. VII. p. 393. & seqq.* brevior apud *Cluverum in Epitoma p. 467.*) alterum ita tenuit, ut se suaq; omnia ipsi promitteret. Posthæc bellum *Hungaricum* suscepit, confecitq; magnâ virtute, superatis hostibus in duabus memorabilibus pugnis; quarum prima incidit in A. C. 922. secunda in A. C. 934. Tùm *Hungaris Germania tributum pendere desuit.* Obiit a. d. 6. Non. Jul. A. C. 936. cùm de itinere & inauguratione Romana cogitaret. *Petav. Ration. Temp. part. I. lib. VIII. c. 14. p. 546.* Maximi Principis occasum etiam sol lugere creditus est, quando repentè sereno cælo hebescens, cruentos radios vibravit; mons etiam, juxta quem conditus est, flammâ multis in locis vomuit æquè tristi portento. *Brunner. d. l. p. 430.* Scripsit *Besoldus* in *Synopsi minore*, multis peractis bellis Romam venisse, concilium habuisse, eiq; præfuisse; & *Johanni XII.* propter crimina remoto, *Leonem* ejus nominis *VIII.* suffecisse. Quæ de *Othone M.* hujus filio vera sunt. Igitur moneo, caveas hîc inadvertentiæ *Besoldianæ scopulum.*

O T H O Henrici I. F. à patre successor nominatus, insigni pompâ Rex Germaniæ *Aquisgrani* salutatus est; summis utriusque ordinis viris præsentibus. Verax civilium externorumq; bellorum regnum ipsi fuit; quæ cùm pari felicitate confecisset, non immeritò fortissimis ducibus annumeratus, *Magni cognomentum* tulit. *Brunn. d. l. p. 430. 431.*

Tanquardum, fratrem rebellem, *Thuringiae Comitem*, praelio victum interemit; *Bohemos* 14. annorum bello perdomuit; *Arnulphum*, *Bojariae*, & *Hermannum* *Sueviae* ducem ad *Andernacum* profligavit; *Gisbertum* *Lotharingum* in *Rheno* submersit; *Ludolphi* filium cum conjuratis *Conrado Lotharingo*, & *Eriderico Anistite Moguntino* absq; praelio fugavit; *Hungaros* ad *Lycum* amnem internecione delevit. *Ludovicum*, *Francorum Occidentalium Regem*, *Alsatiâ* repulit; *Lotharingiam* *Germani regni corpori* adjecit, *Haraldum*, *Daniae Regem*, *fidem Christianorum* suscipere, seq; *Germanico jugo* submittere coëgit; in *Italia Berengarium*, *Berengarii* (de quo diximus) nepotem, ad deditionem faciendam compulit. Hæc omnia gessit etiamnum *Germaniae Rex*. Nam huc usq; non *Imperatoris Romani*, sed *Regis Germaniae* titulum tulit; quem etiam *Henricus I.* ejus pater, & *Conradus* usurpaverat. Utcunq; cum trivialibus auctoribus *Besoldus Imperatorem & Casarem* appellat; & scio etiam à *Mariano Scoto* inter *Romanos Principes* referri; sed causam aperit *Onuphrius*, quòd in eorum successoribus imperii dignitas restituta fuisset. Aliam affert *Lupoldus de Bebenburg* in libro de *Juribus regni & imperii Romani*, quòd translatum in *Carolum Germanum*, imperium *Germanorum* nunquam esse desierit. Aliam *Besoldus in Synopsi majore*, quòd *Germani Saxones & Francones Orientales*, mortuo *Ludovico*, *Arnulphi* *Exioma* imperii affectarint. Sed *Petavius* in eos *Scriptores* inclinat, qui *Conradum & Henricum Aucupem* in numerum *Imperatorum* recipiendos negant, quòd à Roma-

Romano Pontifice uncti coronatiq; non fuerint. Hanc rationem nunquam admiserim, & *Lupoldum* potius sequar, qui Imperatorem *legitimum* esse probat, etsi à Pontifice coronam non acceperit. Ipse Pontifex nisi ab Imperatore probatus, legitimus non est; sed Imperator legitimus est, etsi à Pontifice non approbatus. *Durum verbum hodiernis Pontificiorum auribus, sed verum!* Nihilominus & ipse *Reges Germaniæ hucusque nominavi, non Imperatores; secutus Liuprandum, Hermannum Contractum, Regionem, Lambertum Schafnaburgensem, Sigebertum, & alios. Ipsi in numis non nisi Reges sese vocant; in Conradi enim scriptum est apud Octav. Strad. p. 388: BENEDICTUM SIT NOMEN DOMINI, CONRAD. REX. Sed Imperatoriam, id est, summam humani fastigii dignitatem, à Caroli posteritate deperditam, & errore hætenus velut circumactam, Germanis in perpetuum recuperavit Otho M. qui cum Italiam à Tyrannis felicibus armis vindicasset, Augustale diadema Roma accepit A. C. 962. Novam inaugurationem hac acclamatione prosequitur Puteanus exultabundus: Exurgite inclutâ fide (Germani) invicta robore pectora, state Occidentis valida fulcra: Sustinebitis Europæ gloriam, & quantum ferre gens nulla potuit, vestris in humeris conquiescet. Vestrum est, quicquid Cæsar, quicquid Augustus fuit; vestrae victrices aquilæ, & quicquid gessere feliciter Romani, quàm rexere. Mitescent barbari, cessabunt irruptiones; felicem Italiam Germania faciet: Felicem Germaniam tot Cæsares, tot Augusti, regendo & pacando orbi*

divinitus destinati. Cæterum hujus inaugurationis ea vis fuit, primum, ut penes Germanos solos in posterum creandi Principis jus esset. Teutonici Proceres apud Guntherum in Ligurini lib. I:

*Ex quo Romanum nostrâ virtute redemptum
Hostibus expulsis ad nos justissimus ordo
Transtulit imperium, Romani gloria regni
Nos penes est. Quemcunq; sibi Germania Regem
Præficit, hunc dives submisso vertice Roma
Suscipit, & verso Tiberim regit ordine Rhenus.*

Utque Romani, qui hucusq; Berengarius, Vidones, Lambertos, Ludovicos, Rudolphos, Hugenes, Lothartos, Adelbertos, vel Reges vel Imperatores ungi & coronari jusserant, id ne ultra facerent, vel extra Germaniam Principem quærerent. Hoc dicit Sigebertus his verbis: Tyranni à Johanne Papâ & Romanis abjurantur. Illud unum honoris ergò aliquando Romanis datum, ut auctoritatem Procerum Germanicorum consensu sequerentur. Secundò, ut Romani nullum Pontificem crearent, quem Imperator è Germanis non probaret. Luitbrandus lib. VI. cap. 6. hæc habet: Cives sanctum Imperatorem cum suis omnibus in urbem suscipiunt, fidelitatemque promittunt; hæc addentes, & firmiter jurantes, nunquam se Papam electuros, aut ordinaturos præter consensum atque electionem Domini Imperatoris Othonis Caesaris Augusti, filiiq; ipsius Regis Othonis. Adde Fragmentum Anonymi præfixum Magistro Alberto Argentinensi. Ne putes, Romanos Othoni tantum & ejus filio fidem suam obstrinxisset, legendus tibi erit

Frebe-

Freherus ad Bebenburg. cap. 13. p. 38. ubi de Henrico Imperatore refert, per suos legatos Romanis objecisse; quòd præter consuetudinem majorum, Rege inconsulto, Romana Ecclesiæ Pontificem ordinassent; atque illum excusasse, se violenter electum à Romanis; ordinari tamen noluisse, donec in electionem suam tam Regem quàm Principes regni Teutonici consensisse certâ legatione cognosceret. Ex hoc jure profuxit Imperatoris legitima potestas dejiciendi Pontificem, scelerum & impietatis convictum; quod socii concoquere non possunt. E quibus Brunner. lib. II. p. 506. de hoc ipso Othone: Imperii initia inauspicato pudendoq; facinore inquinavit, Johanni XII. Pontifici, omnibus quidem sceleribus & probris contaminato, & sede illâ sanctitatis vitâq; adeò ipsâ indigno, nullo tamen jure exauctorato Leonem sufficere ausus; quanquam à militari viro & sacrarum legum quàm armorum insolentiori condonanda noxia est. Nullus quidem dubito, quin hoc, quod Brunnerus censet, Romæ hodiè sit exploratissimum; sed magna DEO gratia, quòd contrariû habemus pro exploratissimo. Quid enim juris fuerit, usque ad tempora Hildebrandinæ hæreseos, ex ipsis Pontificiis fateri ac docere vi veritatis coactus est Hieronymus Balbus lib. de Coronatione, cap. Quomodo olim delatus sit Pontificatus, & quæ in re eâ fuerit Imperatorum auctoritas: Addit Brunnerus ibidem: Othonis impietatem subinde non unâ clade Justitiam vindicem expiâsse. Nam & Romanorum insidiis petitus, & multiplici perfidiâ fatigatus, vulgatâ per exercitum lue in ultimum disci-

men adductum esse. Ha, ha, ha, he! quis enim hanc philautiam legens, temperet à risu? Est enim hic plerisque mortalium *stultus animus*, ut quicquid alteri calamitatis accidit, *sui vel suorum causâ* factum putent:

Quisq; se Deo esse cordi vult peculiariter!

ut habet *Gruteri trochaicus*. Id vitium suprâ, ubi de *Justiniano in Baronio* etiam notavimus. Perfidia illa, quam cum *Romanae urbis probro* narrat, breviter sic habet: *Johanne XII. ob fœdas libidines & immmania facinora remoto, Leonem suffecerat; eoq; defuncto, imperatoriae potestatis vi Johannem XIII; quem cum Romani multis malis afficerent, eorum perfidiâ graviter offensus, urbe captâ Consules proscripsit; Decuriones suspendio multavit, civibus solis pepercit. Idem Græcis, qui legatos ejus in itinere violârunt, Græciam & Calabriam ademitt. Quid multis? imperium instauravit, & contra omnes consiliis & armis egregiè defendit. Obiit anno 273. Non. Maj.*

OTHO II. à patre imperii consors factus, & Romæ coronatus anno 967. *natalis Domirici*, post patris obitum imperavit annos 19. menses 7. *Besoldus* cum *memorabilia* narrare potuisset, hoc præcipuè narrandum censuit: *Henricum*, Bavariæ Ducem, *rebellantem* armis ad officium reductum. Sic suprâ in *Henrico Aucupe*, quàm curiosè notârat, *Arnolphum* malum Bavariæ Ducem, *rebellem* rei summam ad se traducere cogitâsse. Quod cur fecerit, exputare non possum. *Hodiè in Angliâ non tam ad infamiam, quàm generis claritudinem pertinet, majores habuisse magnarum conjurationum duces aut socios; ut scribit Forstne-*

rus in Omissis ad Tacitum. Sed nos Germanorum illorum posterum (de quibus in theatro Romano quondam dictum est, nullos mortalium armis aut fide ante Germanos esse) virtutem avitam simplici cultu prosequentes, & à generositate Anglorum parum generosâ prorsus alieni, in illustrissimæ gentis gloriam, cui ob egregia merita lubentes meritoque favemus, hæc, quæ Besoldus imprudenter garrit, æterno silentio preterenda dicimus. Illud in Othone famâ dignius, quòd Danos rebelles rursus imperii jugo subdidit; Lotharingiam, Francorum Occidentalium armis ereptam, Germaniæ rursus copulavit. Idem tamen infortunium gravissimum passus est A. C. 982. quòd adversus Græcos, Saracenorum auxilio Calabriam & Apuliam repetentes, profectus, cæsis ad internecionem copiis suis, natando ipse interceptus, & clàm dilapsus vix effugit. Sigebertus, Lamberdus, Godefridus, & Ditmarus. Romæ fato functus est a. d. 8. Dec. A. C. 983.

OTHO III. Othonis II. Imperatoris F. MIRACULOSUS, & MIRABILIA MUNDI cognominatus, Imperator Romæ appellatus, aliquot annis post seditiosum Crescentium, asino facie aversâ impositum, circumduxit; naso dein & auribus mutilatum, ac multis confossum vulneribus, cum aliis duodecim seditionis sociis suspendit. Johannem, adulterinum Pontificem, primò oculis, mox vitâ privavit; & Gregorium restituit. Hoc dein adju tore gravissimum Electorum Senatum institutum vulgò volunt; de quo plura Besoldus in Syn. maj. Addi velim Freherum in Bebenburg. cap. 2. Summa consistit in his: Ante Othonem IV. nulla

nulla Electorum mentio in legitimis Scriptoribus; at sub hoc eorum meminerunt *antiquæ cantilenæ*, in quibus vocantur die sieben Wählere. *Fridericum I. Barbarossam*, & *Henricum*, filium ejus, constat à cunctis *Germaniæ Proceribus* electos. Ergò verisimile fit, tempore interregni & schismatum, à *Friderico I. ad Fridericum II.* hanc Electorum institutionem natam; si-ve usurpatione quorundam inter cæteros potentiorum, si-ve etiam mutuo consensu & communi conventionem. Obiit hic Imperator A. C. 1002. d. 23. Jan.

HENRICUS, Henrici Rixosi F. Henrici N. Henrici Aucupis, Germaniæ Regis, pro N. cognomento Claudus & Sanctus a. d. 8. Id. Jun. A. C. 1002. regnum adiit *Moguntia*, *Witigiso* Antistite inaugurante. *Hermannum* æmulum *deprecantem in gratiam recepit*, & contra *Harduigum*, *Dodonis* filium, *Eporediæ* Marchionem, in *Italiam* tyrannidem occupantem, exercitum misit. *Brunner. lib. VIII. p. 604. usque ad p. 614.* *Italiam* ingreditur ipse A. C. 1005. & *Ticini Rex Italiae* coronatur. Idem *lib. IX. p. 642.* *Boleslaum*, *Poloniæ* Regem, bello fractum, ad petendam pacem adegit A. C. 1006. *ibid. p. 656.* Eâdem felicitate *Flandros* perdomuit A. C. 1007. *ibid. p. 663.* In *Boleslaum perfidum* denuò exercitum mittit A. C. 1011. Eiq; pacem dat anno sequente, *ibid. p. 680. 681.* *Jaromerum Bohemum* Principatu & libertate exuit, *ibid. p. 685.* *Italiam* iterum ingreditur anno 1013. & a. d. 6. Cal. Mart. anno 1014. *Romam*; ubi *Augustalia insignia* cum *Cunegunde* conju-

conjugē accepit, *ibid.* pag. 694. 695. Ubi notabis additamentum Jesuiticum : Sacramento Pontificis adactus Ecclesie nunquam, dum vita suppeteret, se defuturum ; neq; à Pontificis Romani fide desciturum juravit. Verum quidem est, jurabat Imperator, se Ecclesie nunquam, dum vita suppeteret, defuturum ; sed falsum est, quod adjicit, se à fide Pontificis non desciturum. Existimant Reverendi Patres, imperium teneri ab Ecclesia, de quâ defendendâ juret Imperator ; sed nulla est connexi ratio : Nam & juramentum, quod Rex Gallie præstat Parlamento Parisiensi, de defendendo regno, non probat, regnum haberi à Parlamento ; ut docet Freherus in *Bebenburg. cap. 9.* Post coronationem Henricus Harduigum Tyrannum eò adduxit, ut ultrò furtivas rapti honoris exuvias poneret ; monachumq; indutus, & pro purpurato cucullatus in *Fruëterienſe cœnobium Agritaurinatum* sese abderet. *Brunner. d. l. p. 702.* Expeditionem Polonicam resumit anno 1015. *ibid. p. 707.* Burgundiæ imperium adit, & per duces Saracenos in Italia vincit, A. C. 1016. *ibid. p. 719. 721.* Cruentum, & ab utrâq; parte luctuosum bellum cum *Polonis* gerit. A. C. 1017. *ibid. p. 723.* Cùm iisdem fœdus novum init, A. C. 1018. *ibid. p. 729.* Contra *Græcos & Saracenos*, Apuliæ incubantes, arma corripit ; & utrosq; exigit, A. C. 1022. Reversus in Germaniam, moritur a. d. 3. Id. Jul. A. C. 1024. ex propensissimo affectu Pater monachorum à quibusdam dictus.

CONRADUS SALICUS, Henrici III. Minoris dicti, Sueviæ & Bayariæ Ducis F. Othonis Ducis

Ducis Sueviæ & Baviaræ N. Ludolphi pronepos, Othonis M. Imperatoris abnepos (*Brunner. lib. VIII. p. 553. & lib. IX. p. 787.*) a. d. 6. Id. Sept. A. C. 1024. Germaniæ Rex ungitur. In Italiam rebellem contendit A. C. 1026. mens. Febr. *ibid. p. 799.* Mediolani coronam Italiæ accepit, *ibid. p. 800.* Romæ verò Augustus appellatus est a. d. 7. Cal. April. A. C. 1027. *ibid. p. 804.* Ungaros pacem petere coëgit anno 1030. *ibid. p. 826.* Bohemos & Polonos felici bello compescuit, anno 1032. *ibid. p. 830.* Moritur Trajecti Frisiæ A. C. 1039. prid. Non. Jun.

HENRICUS, nominis hujus Rex Germaniæ III. Imperator Romanorum II. Conradi Imp. F. patri suffectus, Bohemos ad deditionem coëgit A. C. 1042. Ungaros ingentibus præliis vicit, & pacem Germaniæ reddidit A. C. 1044. *Brunn. lib. X. p. 888.* Rebus in Germania constitutis, per Alpes in Italiam transcendit, & natali Christiano anno 1047. Augustus appellatur. *Ibid. p. 907.* Coronam imposuit Clemens, quem ipse Pontificem constituerat: Otho Frisingensis *lib. VI. cap. 32. 33.* Hermannus Contractus, Lambertus Schafnaburgensis, Marianus Scotus. Juratum etiam à Romanis scribit Sigebertus, se sine Henrici consensu nunquam Papam electuros; quod imperante illo sic observatum, docet Lambertus, modò citatus. Nimis hinc *Brunner. lib. X. p. 903.* intumescit: Imperatorem alienum sibi negotium sumxisse, & de summâ in terris potestate, cui fasces submittere multò æquius fuerat, sententiam tulisse parùm idoneum judicem; id duntaxat eâ temeritate assecutum, ut pessimo prodito posteritati exem-

exemplo, Henricos duos, filium & nepotem impulisse ad eundem scopulum, & multò foediora naufragia, censeatur. Hæc Brunnerus, ex Hildebrandina hæresi ebrius, intoleranda tùm omnibus bonis, tùm Germanis Principibus contumeliâ ! Possem hæc de re pluribus, sed nolo : Quòd Cassianum illud in auribus mihi tinnit. Cui bono ? nam sive ad Romanum Clerum, de modestiâ, sive ad Principes, de jure ac potestate suâ verba facere velimus, operosè agemus nihil : Quoad Clerum, locum hic habet Catonis : Actum esse, ad ventrem verba facere, qui careat auribus. Quoad Principes ; quoquo modo ab antecessoribus acta concessaq; ; quia mutare non possunt, comprobant ; ut Tacitus loquitur lib. I. Hist. cap. 7. Eam enim hucusque adversantibus Pontifex texuit molestiarum telam, cui retexendæ ac deglomerandæ nulla alia patebat via, quàm per præcipitium servitutis. Mortuus est Henricus a. d. 3. Non. Octob. anno 1056.

HENRICUS, Imperatorum eo nomine III. Regum Germaniæ IV. Henrici Imp. F. Conradi Salici N. *quinque annorum* puer *Aquas* deductus, in Caroli M. & Othonis M. tritavi sui folio collocatus est. Sed hujus imperium *Hildebrandus*, sive *Gregorius VII.* Imperatorum flagellum sævissimum, belli fax, seculi sui opprobrium, monstrum nullâ virtute redemptum, valdè labefactavit, vel perfundedit potiùs. Pleraq; ipse *Besoldus* & *Cluverus* re docent, ut Henricus ætatis vitio solutior, insidiis & perfidiæ suorum patuerit ; utq; à *Gregorio* anathemate percussus, & à suis desertus per quosdam Italiæ Prin-

cipes

cipes deprecatus, *agerrimè in Pontificis aspectum admissus* sit: Nimirum receptus *intra secundum murorum arcis ambitum*, sine comite, sine cultu regio, *nudis pedibus*, jejunus à mane usq; ad vesperam perstabat, sententiam Pontificis expectans: Hoc secundo, hoc tertio die fecit: Quarto demum die exceptus vultu Hildebrandi tetrico, his conditionibus absolvitur; ut evocatis ad concilium Principibus Teutonicis die locoq; quem Papa designasset, ad ejus arbitrium, vel retineat regnum, vel amittat: Interea; temporis nihil pro Rege agat, cultuq; omni regio abstineat. Nolo cætera, sunt enim prorsus indigna memoratu. Imperatorem quidem, qui tantam contumeliam passus est, facilè excusent turbæ domesticæ, quæ tùm illi graviter incubuerunt; ut indigna digna habenda ei fuerint, Papa quæ fecit: Sed hæc ausum *successorem Apostolorum, & Vicarium Christi*, qui Cæsarem paganum honore non indignum censuit, quis non stupeat? Brunnerus quidem Hildebrandi facinora, imò parricidiale bellum, quod filius patri movit, commendat; diabolo ipso, ut arbitror, hanc Apologiam ad calamum ipsi dictante. Nam hunc auctorem & consiliarium fuisse Hildebrando, confessus est tandem ipse; ut scribit Sigebertus hunc in modum: *Confessus est DEO & S. Petro, & toti Ecclesie, se valdè peccasse in pastoralis curæ; & suadente diabolo, contra humanum genus odium & iram concitasse.* Obiit Henricus A. C. 1106. a. d. 7. Id. Sextil. cùm exeunte anno superiore imperio spoliatus esset à filio.

De Tyrannis sive Imperatoribus adulterinis horum

rum temporum *Strada in Caesar. p. 416.* Incidit in ejusdem imperium nobilis expeditio *Godefridi Lotharingii & Bullionii Ducis* contra impios & profanos, *terram sanctam* obtinentes. Ad *sexcenta millia* peditum, equitum *centena millia* armavit; exercitum, quem raro Europa nostra vidit. Belli is eventus fuit, ut *Godefridus*, victis hostibus, *terra sancta primus Rex* fieret. *Lipsius lib. I. Monit. & Exempl. Polit. c. 2. mon. 2. ex. 4. Brunner. lib. XI. p. 167. 168.* Et è vetustioribus *Otho Frisingensis lib. VII. cap. 2. & seqq.*

HENRICUS IV. nominis hujus Imp. vel V. Germaniæ Rex, Henrici Imperatoris *infelicissimi F.* qui exstimulatus ab aliis *contra patrem* suum arma corripuit; eiq; Augustalia insignia per vim extorsit, A. C. 1105. exeunte, ut vult *Petavius*; alii ineunte anno 1106. quos *Besoldus* sequitur. Cùm imperialis coronæ gratiâ Romam venisset A. C. 1110. maximis tumultibus motis, ipse quoq; faucius, milites suos ita concitavit, ut unum vulnus innumeris mortibus repensaretur. Henricus *victum* trahens *Paschalem XII. Pontificem*, & purpuratorum patrum collegium, ab urbe discessit. Is paulò post Henrici voluntati consensit, & eundem Id. April. A. C. 1111. coronatum Augusti cognomento auxit. *Brunner. lib. XII. p. 241.* Sed quàm primum Henricus Italiâ decessit, *irrita omnia* facere conatus est *Pontifex*; ut scribit *Urspergensis*. Hinc multæ dissensiones, schismata, incendia, homicidia, deportationes, & tumultus sunt excitati. Firmatâ tandem pace A. C. 1122. Henricus in Ludovicum, Galliæ Regem, expeditionem suscipit; sed occursum

Francorum abstergitus, pedem retulit; & anno 1125. *Trajecti* decessit ex morbo, a. d. 12. Cal. Jun. ut habet inscriptio monumenti ejus.

LOTHARIUS, Gebhardi F. *Otto Frisingensis lib. VII. cap. 17. Godefridus Viterbiens. Chron. part. XVII* ejus, qui Comes Sulinburgius in bello Saxonico contra *Henricum IV.* cecidit. *Marianus Scotus.* Mortuo Henrico, ad imperium evehitur A. C. 1125. Romæ verò coronatus est A. C. 1133. Malè pugnavit in *Bohemia* A. C. 1126. *Brunner. lib. XII. p. 281.* *Noribergam* obsedit A. C. 1127. irritò conatu. *ibid. p. 282.* Contra *Rogerium Siculum*, in *Italia*, bellum feliciter gerit A. C. 1136. *ibid. p. 324.* Moritur anno 1137. in autumno, *Tridenti*, ex *Italia* victor rediturus in *Germaniam*. *Hoc Imperatore jubente* (inquit *Besoldus*) *Irnerius* *leges Romanas revocavit.* Sed hoc purum putum commentum esse, & ut adires *Hermannum Conringium* in *Tract. de Origine Juris Germanici*, jam suprà monui. Valdè memorabile est, quod ex ore *Ernesti Ducis Luneburgici* refert *Henricus Paxmannus* in *Oratione*, quam honori laudati Principis dixit A. C. 1557: *Prædium est vicinum oppido Cellæ, quod nominatur Lutherloch, & habuit perpetuam immunitatem. Cum autem Quæstor illum fundum novâ pensionem oneraturus esset, accedit colonus Principem, narrat fuisse perpetuam immunitatem; & causam addit, quia in eo fundo natus sit Lotharius Imperator. Adjicit etiam, se & majores suos multis seculis tenuisse hunc fundum; & narrationem traditam esse à majoribus, ab eâdem stirpe & Lotharium & familiam suam ortos esse;*

esse; ac orat, ut propter Lotharii memoriam veterem immunitatem locus ejus natalis retineat. Delectatus hac narratione princeps, quia Lotharium propter virtutis praestantiam & stirpis decus saepe celebrabat, accersit Quaestorem, interrogat de immunitate fundi; jubet & vocari senes vicinos, quos & de immunitate & de coloni familiâ interrogat. Horum narratio cum congrueret coloni verbis, Princeps laetus, quod locus natalis Lotharii Imperatoris, sapientiâ & virtute praestantis, sibi monstratus erat; & quod vicinus esset è domicilio suo, severe jubet in libros quaesturae scribi totam hanc narrationem; & addit, se velle, ut ad omnem posteritatem hic fundus sit immunis, velut locus natalis Lotharii Imperatoris. Colonum etiam jubet secum prandere, & hortatur, ut, cum cognationis mentionem fecisset, filios recte erudiat de DEO, & de bonis moribus; & eos ad virtutem assuefaciat, & tradat fundum posteris tuendum; se quoque nulli filiorum, qui literis operam daturus sit, defuturum recipit. Denique discedenti colono jubet dari pannos, ad vestiendos filios & filias.

CONRADUS III. Friderici Sueviae Ducis ex Agnete, Henrici V. sorore, F. Imperator creatur A. C. 1139. à Pontifice redimitus non est; nec id illi necessarium. Notat hic iterum Besoldus, tanquam memorabile, Henricum Superbum, Bavariae Ducem, proscriptisse; dignus profecto, qui à Bavaris, quibus perfidiae vetus crimen toties refricat, coronam ferat ex urtica. Hujus temporibus, id est, A. C. 1147. excitae sedibus suis Germania & Gallia contra Saracenos, qui Edessam ceperant. Vix pro viro habitus, quem patriae

amor aut qualescunque curæ domi detinuiſſet. *Conradus* 50000. militum habebat in exercitu; *Ludovicus*, Galliarum Rex, equitum 30000. præter ingentem pedum numerum; ut eſt in *Auctario Gemblacensi*. Sed Græcorum fraude vexati, nullo operæ pretio facto, redierunt. Mortuus eſt *Conradus* A. C. 1152. 15. Cal. Mart.

FRIDERICUS AHENOBARBUS, *Conradi* Imperatoris è fratre *Friderico* N. patruo ſuffectus eſt *Francofurti*, a. d. 3. Non. Mart. anno 1152. magno imperii Procerum conſenſu; ut ait *Brunner. lib. XII. p. 375*. Cui ad omne decus ſumma indoles fuit, ut commendat *Petavius* part. I. *Ration. Temp. lib. VIII. p. 589. cap. 11*. Item: *Vir fortiffimus, & ſupra Reges omnes bello inclutus*; ut *Jovius Novocomenſis Elogiorum lib. 1*. Nec non, *Vir honeſta & perpetuâ memoriâ dignus*; ut *Nicetas Choniates lib. III. in Reb. Iſaaci Angelis p. 450*. Quæ, & alia teſtimonia ideò notanda, quod hoſtium & adverſariorum ore proſecta ſunt. Priores enim *Jefuitæ*, *Paparum* mancipia, & in primis *Hildebrandolatra*; qui furioſâ doctrinâ imbibitâ, Romanos Imperatores juris ſui retinentiores impudenter & flagitioſè lacerant. Medius annos ſeptem & triginta in *Vaticano* conſedit, Pontificum perpetuus comes; atque adeò *Friderico* parum æquus. Ultimus è *Græcorum* natione, *Germanis* ſemper infeſtâ; ut eorundem Principibus, per æmulationem & invidiam ſolennem titulum *Cæſaris, Auguſti, Imperatoris, Βασιλέως, αὐτοκράτορος* & tribuere dedignant, eos non niſi *Latinos, Francosq; & Alamannos*, vel ῥήγας Ἀλαμανίας

ἡ τε *Ægyptias* vocitârint ; ut observat *Freherus* tum alibi, tum notis in *Bebenburg. cap. 5.* At ut inimico detrahenti credendum non est, iudice *B. Augustino, lib. III. contra Petilianum cap. 10.* ita testimonio illo virtutis nullum aliud præstantius, quod invitis exprimitur ; ut existimat *Lucius Furius Philus* apud *Dionem* in *Excerpt. Peires. p. 621.* Inter res autem, quas in *Friderico* Scriptores unanimi consensu laudant, est expeditio *Hierosolymitana* ; quam contra *Salatinum* suscepit *A. C. 1188.* Centum quinquaginta millia, lustrato exercitu, censa sunt ; nec minus cum perfidia *Græcorum*, quàm cum *Saracenis* negotii fuit ; sed utriq̃ pari virtute pressi, & per sexcenta hominum millia ventum ad *Iconium*, barbarici regni sedem ; quâ expugnata, superbissimus *Salatinus* legatos, pacem veniamq̃ oraturos, de reconcilianda quibusvis conditionibus gratiâ ad *Cæsarem* misit. Paulò post victor *Orientis*, *Turcorum* terror, *Tharsi* in præfrigidâ *Cydni* undâ per calores fervidum abluens corpus exstinguitur. Notant id Scriptores nostri factum a.d. 4. Id. Jun. *A. C. 1190.* Sed quod *Jesuitæ* maximum fuisse scelus clamant, hoc est : Imperium beneficium suum asserebat *Adrianus Pontifex*, quod negabant *Fridericus*, & imperii Proceres ; meliora docti ex historiâ *Caroli & Othonis.* Exin paratæ vires ; & cùm Pontifex ferendo bello non esset, paulò post verborum suorum duritiem subdolâ interpretatione mitigavit. Non diu post iterum exortalis, quod *Fridericus* bello contra seditiosos *Mediolanenses*, confecto *Albæ*, quo hybernaturus concesserat, omnes ex vicinia commeatus advehi curaret ; & ab

Episcopis, terrenas possessiones tenentibus, homagium sibi præstari postularet; & Cardinalibus, à latere Papæ legatis, civitates clauderet. Hoc ægrè ferenti Pontifici respondit Fridericus: Regalia beneficia Principum obligare Episcopos ad præstandum Principibus juramentum. Cardinalibus clausas urbes, quia prædatores veniant, non prædicatores: Si mores suos correxerint, non defuturum illis stipendium & commeatum! Sic cum omnia spectarent ad bellum, jamq; Mediolanenses à Pontifice concitati, fidem Friderico datam fregissent, Adrianus moritur. Fit Pontifex meliorum suffragiis Victor, sed per factionem Alexandri, odii in Fridericum manifestus. Imperator, qui norat penes superiores Principes fuisse jus indicendi concilii, ecclesiæ Præsules Papæ convocât; qui Alexandrum defugientem legitimum judicium damnant, & Victorem Pontificem ritè factum pronunciant. Subscribunt Imperator, & Reges Angliæ, Dania, Hungariæ, Bohemiæ. Mediolanum obsequium Imperatori negans exscinditur, & reliquarum urbium propugnacula dejiciuntur; quarum sublesta fides erat.

Hinc Alexander in Galliam profugiens, conventu in Claromonte habito, Imperatorem & Victorem Papam anathemate perdidit. Romani, Victore mortuo, dum abest Cæsar, Coss. Alexandro amicos, creant; ipsumq; Alexandrum revocant; Lombardi quoque contra Cæsarem arma resumunt. Ob id Fridericus regressus in Italiam, quindecim millia Romanorum contra se purgentium apud Tusculum occidit; pulsoq; Alexan-

Alexandro *Paschalem* Lateranensi in palatio collocat, Romanos in verba sua adigit; sed mox obortâ peste, simul occultarum insidiarum metu in Germaniam redit.

Sic instauratum *Mediolanum*, & rebellibus spatium datum; quos ut coërceret, Fridericus, A.C. 1171. exercitu valido in Italiam irrumpens, multa fortiter gessit; denique belli is eventus fuit, ut *Alexander Venetias*, dissimulatâ personâ fugiens, remp. illam cum Imperatore colliserit. Hinc enim Fridericus contra *Venetos Othonem* filium cum instructissimâ classe misit; sed eâ lege, ne se inconsulto manus consereret. Quo ille neglecto, pugnat, vincitur, capitur. Veneti, cum non ignorarent, patrem omnia cogitare de liberando filio, noctes insomnes ducere; *filium* ipsi remittunt, sed eâ conditione, ut peractâ legatione siue exoraret patrem, seu minus; velut alter *Regulus Venetias* rediret. Humanitas successu non caruit: Exoratus enim *Cesar*, *Venetias* ipse venit, & pacem cum Pontifice facit.

Addunt recentioris ævi complures, Imperatorem ad januas adis *D. Marci* prostratum, ut absolveretur, premente collum ejus *Alexandro*, audivisse illud Psalmographi: *Super aspidem & basiliscum ambulabis, & conculcabis leonem & draconem.* Cum responderet Pontifici: *Non tibi, sed Petro, cujus es successor, pareo!* regessisse Pontificem: *Et mihi & Petro!* Hoc additamentum, cum ante plures annos secutus auctoritatem nobilissimi viri, *Georgii Remi, Universitatis hujus Procancellarii p.m.*

in dubium vocâssem lectione publicâ ; paulò pòst observavi, me idem fecisse, quod pueri solent, qui ad aquas ludunt. Ut enim ii lapillum in aquam conjicientes, paulatim magis magisq; majores orbes faciunt: Sic ego proposito, quod multis displicebat, varios circulos consequi feci sibilorum & calumniarum, ut verbis Lipsianis utar. Monstrum, omnibus monstris monstrosius produxisse videbar, & more Romano per Pontifices expiandum.

Repertus est sanè, qui hoc in se publicè reciperet, & aquam lustralem tam copiosam mihi aspergeret; ut totus permaduerim. Etenim ad me non tam ipse pertinere judicabam, quàm alii; qui divinam orationem primùm legendam dederant: *Mirari se reperiri potuisse, qui (Fridericum Pontificis pede calcatum) tam præfractè tantaq; verborum petulantia negarent.* Quid enim? an tantus vir mortuis leonibus barbam velleret; & insepultum jam diu Remum, vel alios, de quibus mox dicam, petulantiùs ageret? an inter hujus ævi Pontificios quosdam reperit, sic depectendos & desringendos ante ora Principum populiq;? Nullos novimus. Unde haud difficulter accedebam illis, qui hunc morem jam multis esse dicebant, ut nisi oculos circumferant in Universitate nostrâ, nisi omnia dicta & facta curiosiùs rimentur, & pro arbitrio interpretentur; minùs claros & doctos se putent. Quod hominum genus Plutarchus haud in scitè comparat Lamiaë; quæ, ut est in fabulis, domi cæcutiit, foris oculatissima fuit.

Moneri quidem, si quis alius, à viris doctis &
intelli-

intelligentibus defidero, & opto; sed de iis, quæ publicam lucem non aspexere, privatim & per literas; prorsus ut *Philippum* sedentem, & *sub hastâ captivos vendentem*, accessit aliquis, & illi in aurem: *Demitte vestem, Philippe, nam indecorè sic sedes!* Sed hîc aliter se res habet. Insonandum erat, quod displicebat, typographicâ tubâ in omnium aures. Et ut in *mancipium* jacienda interfecti pudoris & *petulantie* convitia; quasi in controversia historica, & nihil ad articulos fidei pertinente, non liceat historiæ Professori, iudicii sui copiam facere; vel cum eo sic agendum sit, ut assensum præbeat.

Næ, qui hanc docendi rationem amplectuntur, faciunt id, quod notissimus ille scurra, cui ab *ululâ* & *speculo* nomen impositum: Nam ut ille in aulâ Landgraviæ Hassiæ pingendi artem professus, cùm aulicos ad spectandas picturas suas admisisset, præfatus est: *Non nisi ex legitimo thoro natos picturas illas videre posse*; simulq; in tabellâ vacuâ nescio quid imaginum monstrabat: Illi autem, ne spurii viderentur, conspiciere se affirmabant id, quod non conspiciebant: Ita ut fidem mereantur isti, non nisi *præfracti* & *petulantes*, affirmativæ nostræ veritatem conspiciere non possunt; simulq; cæteri, ne tales habeantur, καλῶς καὶ σφῶς acclamant; etiamsi, quod videre jubentur, nondum viderint. Hoc non dico, ut illum, qui nos lacesivit, cum vilissimo scurra comparare velim: Nam *magnum, doctum & sapientem virum* arbitror; sed *docendi ratio*, quam contra nos elegit, certè *eadem* est.

Nunc quæ me compellunt, ut adhuc communi

famæ diffidam, fusius explicabo; & unâ, quàm innocentes petiti sumus, omnibus manifestum faciam. *Integrum seculum* est, Auditores, ex quo *narratio*, de *calcato Friderici collo*, pro *fabulâ* haberi cœpit: Nam *Aventinum* negativam proposuisse, & ab *Italis* in Germanorum contumeliam *confictum* pronunciâsse, observavit *V. CL. Conradus Rittershusius* notis ad *Jovii Fridericum* p. 215. 216. Fuit autem *Aventinus* Scriptor curiosissimus, & qui de Pontificibus tantâ libertate scripsit, quâ illi vixerunt. Quin imò *lib. VII. p. 547.* apertè prodit, *Papam esse Antichristum*. Locus prolixior est, quàm ut hîc exhiberi possit. Unde ratio, quæ *Baronium* suspectum facit, non tantùm hîc cessat; sed etiam animus Scriptoris in Pontificem fatis perspectus concludere nos jubet, haud fuisse repudiaturum narrationem istam, si firmâ basi sustineri scivisset; Sed pro firmandâ sententiâ suâ de Pontifice Antichristo, accepturum potius. Ipse *Rittershusius*, quâ erat diligentia, nihil veteris, nihil recentioris historiæ inconsultum reliquit; ejusdem sententiæ fuisse asserit, alios quosdam *prudentiores* Historicos.

De *Baronio* Cardinali nihil dicam, cujus rationes & ipsi mihi alicubi frigidiores videntur: Nam quod ait, abhorruisse à tanti vicarii Christi mansuetudine turgens fastu facinus; fidem reperit apud eos tantùm, qui *Petrinæ monarchiæ* superbiam, & Antichristicam impotentiam nesciunt. At qui legerunt, quàm serviliter *Hildebrandus Henricum* Imperatorem habuerit; quàm ignominiosè & nequiter *Cælestinus*, an *Scelestinus*? *III. coronâ* Imperatoriâ pedibus luserit; vel potius

quid

quid *Henrico II. Angliæ Regi* ab ipso *Alexandro* factum sit, nunquam hîc audient *Baronium*. Nam de *Henrico* illo præter alios testes sunt *Neubrigensis* & *Matthæus Parisiensis* in *Henrico II. in A.C. 1174.* cum post occisum non suo scelere *Thomam Archiepiscopum* nudis pedibus peregrinatus esset, nihilominus ex mandato Pontificis in *sacrario*, tanquam in scholâ puerum *virgis pœnam dedisse* à singulis viris religiis, quorum multitudo magna convenerat, *ictus ternos & quinos* excipientem; *latum* insuper, quod nihil gravius pateretur. Ficulneum igitur, quod de *Alexandri* moderatione scripsit *Baronius*.

Rittershusium porrò è nostris excepit supra laudatus *Dn. Georgius Remus*, qui *A. C. 1625. Id. Jun.* in actu doctorio solenni *dissertationem* hîc locorum habuit, in quâ idem commentum esse putidum, pronuntiavit; & fusè docuit. Quanquam nec auctoritas nominis, nec elegantia styli, nec proprius in hanc causam affectus eò me abripiunt, ut in omnibus assensum præbeam. Dum enim asserit, altissimum esse omnium *Historicorum silentium per 300. annos* à *Friderici* ævo numerandos, id falsum patebit ex *Ouvonis* narratione; quam mox afferam. Eodem modo probare non possum, quod inter alios auctores veteres, qui de hoc negotio memorabili nec *μὴ*, nec *καὶ* quidem. Nominat etiam *Guntberum*, quasi ex illius silentio argumentum capi possit, rem non esse factam. Nam nec *Othonis* capti, nec pacis inter Imperatorem & Pontificem factæ, nec expeditionis Hierosolymitanæ mentionem facit; de quorum tamen omnium veritate
nemo

nemo dubitat. Nimirum totam Friderici vitam non perscripsit; sed in *Cremae excidio*, quod incidit in A. C. 1160. carminis finem fecit; atque adeò 30. annorum historiam reliquit intactam. Frustrà quoque provocat ad *Nicetae Choniatis* silentium; cui propositum minimè fuit, Friderici fortunam & res gestas exequi; nisi quatenus Orientalibus immixtæ sunt: Hinc alia multa Friderici filet, quæ revera facta sunt. Neque si totum Friderici imperium tradidisset, tam probatu facile, hoc ipsum memoraturum fuisse in odium Pontificis, si contigisset; Nam & inter Græcos fuere, qui Romanam idololatriam, & Occidentalis Ecclesiæ Monarcham reverebantur; quod de *Nicephoro Callisto* & aliis constat.

Post Remum eandem negativam propugnavit, qui aliàs typhum Romanum scriptis acerrimis perstrinxit, vir omnis historiæ peritissimus, *Matthias Berneggerus*; qui consulendus est in *Questionibus Historico-politicis*, publicæ censuræ subditis A. C. 1626. Respondente *Roberto Königsmanno*.

Ex his satis apparet, non pruritu quodam ingenii novitatis cupidi, neque juvenili temeritate eò adductum, ut negativam publicè proponendam susciperem; sed rectè atque ordine, relictis Maniis, & plebejis Scriptoribus; cum eruditissimis Philologis, Historicis experientissimis, luminibus & columinibus reip. literariæ sensisse, atque scripsisse, & jam in auctorem recidere convitia, quibus nos affecit. Nihilominus cùm me tintinabulum istud excitasset, necessarium quoque duxi, per literas consulere viros & dignitate

gnitate illustres, & doctrinâ omne seculum provocantes; ut quod eorum hâc in re judicium esset, cognoscerem, & vel emendarer, si quid excidisset *petulantius*; vel novas pro defendendâ veritate vires acquirerem. Non enim rem confecerat *Stella*, quem stipem omnem tam anxie poscentibus, & quovis ex lacu trahentibus piscem ultrò indicaveram; nec poteram voluntatem meam submittere illi, qui dictaturam quidem serio exercet, sed non ex Senatusconsulto.

Igitur inter eos, qui conatum nostrum honestissimo applausu prosecuti sunt, primus *Vir Magnificus & Nobilissimus, Dn. Georgius Richter*, *Universitatis nostræ Procancellarius meritissimus* hunc in modum d. 17. Decembr. A. C. 1643. rescripsit: *Fabulam illam de collo Friderici Barbarossæ Imperatoris, ab Alexandro III. Pontifice Romano pedibus calcato, quam nonnulli pro historiâ credi sibi postulant, nihilominus quàm historiam esse, veritatis historicæ probè gnari verè norunt. Ejusmodi fabulas in omnibus ferè historicis Græcis & Latinis pro historiis sæpe recitari, & hoc genus erroris esse vulgatissimum, etiam in auctoribus probatissimis olim me annotare memini; de quo forsân alio tempore, aut etiam publicè aliquando plura monere licebit. Tu interim pro dexteritate tua veritatem vindicare perseverabis; & mox in literis iisdem: Dilherrus noster tuas cùm legit, sententiam quoque tuam etiam atque etiam laudavit. Hæc mens, hoc judicium illorum virorum, qui etiam in eruditissimi seculi luce sic eminentes (ut pura nocturno renidet*

Luna mari Gnidiusve Gyges)

Judi-

Judicium partes de studiis historicis desumere sibi possunt.
 Tam *petulans* quidem non sum, ut ex honorificis maximorum virorum responsis aliquid esse me putem; dignumq; censeam, qui more nuper animadverso, pingar in una tabella quater; sed neque cornea mihi fibra est, ut cum hoc ipsum, quod magnus Clericus reijcit, tantis viris placuerit, non læter ex animo. Nam & Hæctori Priami iudicium instar trophæi fuit; & apud *Nævium* notissimum illum versiculum expressit:

Letus sum me laudari abs te, pater, laudato viro.

Extra civitatem nostram, qui huic ipsi sententiæ subscriberet, fuit *Thomas Reinesius*; qui quàm auctores veteres novos haud inspiciat limis, pulcherrima ejus monumenta, quibus bonum publicum hætenus adjuvit, satis testari possunt. Is in literis ad me scriptis 10. Jun. A. C. 1644. nunc ὁλολήρημα καὶ σαπρὸν μολίαιον, id est, *merum negamentum & putidam fabelam*; nunc ψεῦδος ἐκ παραγάνων *commentum puerile* appellat. Et hæc est doctissimorum virorum sententia, cui si clangore terribili simul abreptus obstrepam, verè *præfractus*, verè *petulans* ego sim; imò, quicquid est *præfractorum*, quicquid est *petulantium*, excedam.

Quod verò ad conficiendam rem præcipuum est, id post allatas auctoritates modò suscipiam, hoc est, rationibus agam,

Adversus, rectæ quæ sunt contraria menti;

somnia, quæ qui vis sibi jam spontanea fingit.

Ac primum quidem sic argumentor: Cuicunque narrationi appositæ notæ, A JUNT, FAMA EST, FANDO ET ORE VULGI SALTEM ACCEPI-

CEPIMUS; ea uti commemorari potest, ita pro certâ & fideli sive approbatâ nec accipi potest nec debet. Hoc volunt omnes, qui legitimam historiam considerunt; ut *Herodotus in Melopomene*, fabulam de Psyllis relaturus, ea, QUÆ AFRI PERHIBEANT, se memorare ait; & in *Polymniâ*, toti suæ historiæ patrocinium parans, ego, inquit, QUÆ FANDO COGNOVI, exponere narratione meâ debeo omnia: Credere autem vera esse omnia non debeo. Similiter *Pausan. lib. VI.* ait: Ea quidem, quæ vulgârunt hæc de re Græci, necesse habui commemorare: Credere verò omnia nulla res me cogit. E Latinis *Curt. lib. IX. c. 1. §. 34.* hunc in modum: Equidem plura transcribo, quàm credo: Nam nec affirmare sustineo, de quibus dubito; nec subducere, QUÆ ACCEPI. Rationis vim statim agnoscunt, quibus ingenium famæ perspectum est; quoniam illa, ut (*Tertull. in Apologet. c. 7.* ait) ne tunc quidem, cum aliquid veri asserit, sine mendacii vitio est. Sive ut *Curt. lib. IX. c. 2. §. 14.* regerit: Eâ tradente omnia majora sunt vero. At talis est narratio de Friderico Barbarolsâ, quod ex antiquissimo Scriptore (cujus auctoritatem frustra pro sententiâ suâ advocat *Hieronymus Bardus*, uti observationem *Bardi Besoldus* noster in *Synopsi majore*) probare possum.

Is est *Ouvo*, *Ravennas Presbyter*, qui cum *lib. VII. & VIII. Hist.* res inter Alexandrum & Fridericum gestas, tum adventum hujus Venetias & solutionem à vinculo anathematis enarrâset: Quibus pactis, inquit, *Cardinales iidem, ut injunctum eis fuerat, Imperatores*

ratorem ad D. Marci delubrum, ubi cum Pontifex operiebatur, deduxere; cumq; ad Pontificem pro foribus templi sedentem accessisset, dejectâ ex humero fulgente chlamyde, posito cum genu adoravit. Mox ad pedes provolutus, eosq; exosculatus FERTUR insultanti Pontifici, & propheticum carmen, Super aspidem & basiliscum ambulabo, & calcabo leonem & draconem enunciante, non Alexandro, sed Petro id tribuere, pervicaci dicto respondisse: Pontificem deinde & sibi & Petro cessum ingeminasse; ac tum demum ad complexus mutuos, & par osculum admisisse; conclamantibus undique omnibus: Deo laudem esse deferendam. Hæc Orvo, Scriptor ævo proximus.

Secundum quæ interpretari debemus ea, quæ affert idem apud Hieronymum Bardum in lib. quem Besoldus noster citat p. 149. nimirum ex fama saltem memorari. Quod si ergo Scriptor, quo antiquiorem non habemus, & quidem Italus, qui omnia certius cognoscere potuit, hanc rem spondere noluit, ut loquitur Senec. lib. IV. Nat. Quæst. 3. sed narrationi incertitudinis notam adjecit; eò magis fas erat id facere tot ætatibus posteriores, Jacobum Philippum Forestum Bergomensensem monachum, Ordinis S. Augustini in Supplem. Chronicorum, Angelum Politianum in Oratione clarorum virorum ad Alexandrum VI. Joh. Naucleum Chron. volum. III. generatione 40. f. 235. Joh. Stellam Sacerdotem Venetum; qui vitas CCXXX. summorum Pontificum dedicavit Dominico Cyrimanno, Patriarchæ Aquilejensi; & qui hos secuti sunt, Lutherani, Calviniani, Pontificii, magno numero.

Sic adversæ sententiæ propugnatoribus incumbit, ut antequam ex auctoribus istis nos premant, eosdem accuratè priùs examinent; ne, qui alios falsitatis arguunt, accusandi sint potius ipsi. Cautior hæc in parte *Marcus Antonius Sabellicus lib. VII: AD-*
DUNT QUIDAM, Pontificem collo Caesaris prostrati pedem imposuisse, cœpisseq; interim Davidicum illud canere: *Super aspidem & basiliscum ambulabis!* Notum est carmen. Tunc Fridericum in gentes alentem spiritus dixisse: *Non tibi, sed Petro!* cui *Alexander irato similis, impressâ fortiùs plantâ, & mihi & Petro!* responderit. Ferunt Dominicæ ascensionis die id factum. Hæc *Sabellicus*.

Modestior etiam hîc *Paulus Jovius*, tali modo: Itaque pacificatore *Ziano*, Venetorum Principe, Imperatorem ad pedes suppliciter projectum Pontifex præ foribus *Marciani templi* ritè expiavit; in gratiamq; recepit. **TRADUNT SCRIPTORES**, Pontificem anteactæ calamitatis suæ memorè, osculanti pedem, contractâ fronte, hoc Davidicū carmen protulisse: *Super aspidem & basiliscum ambulabis, & conculcabis leonem & draconem!* ut domitæ superbi animi ferocia nequaquam humaniter illuderet; ad quod *Cesar* tam piè quàm graviter renidenti vultu responderit: *Non tibi, sed Petro!*

Quinimò eâdem diffidentiâ *Petrus Justinianus*. *Patricius ac Senator Venetus lib. II. pag. 49. edit. prim. Venetæ anno 1560. vel pag. 27. edit. Argentorat. anno 1610: Alexander autem, inquit, Friderici collo plan-*

ra superposita, Davidicum illud protulisse DICITUR. Quod in tanto Scriptore cum primis notandum est. Existimavit vir quidam magnus, ideò majorem fidem habendam *Johanni Stella Veneto*, quod ex patriæ Archivis de veritate hujus historiæ optimè illi constare potuerit. At hoc in Archivis illustrissimæ reip. Venetæ reperiri dubitare nos facit *Justinianus h. l.* quis enim credat Sacerdotem potioribus monumentis instructum, quàm Senatorem? Sacerdotem locutum ex Archivis, Senatorem ex ore aliorum, & famâ tantum? Næ uterq; ab Archivis hîc destitutus est; quod *Justinianus* profitetur haud obscure.

Hunc denique præter alios excepit *Franciscus Modius* in augustissimo *Pandectarum Triumphalium* opere *lib. II. cap. 1.* ubi, postquam commemoravit, quàm suave spectaculum Venetiis præbuerint, se invicem alloquentes Imperator & Pontifex, AD-
DUNT QUIDAM, inquit, *Pontificem*, quasi ita illum expiaturum collo ipsius prostrati pedem imposuisse, cœpisseq; interim Davidicum illud canere &c.

Parum hoc, scio, attendendum putant, qui ad obtinendam affirmativam, omnes vires suas, omnes machinas adhibent; sed in historico veritatis studio, si quid requiritur, hoc requiritur; ut adjectas istas *dubia mercis notas* ne negligat: Secus si facit, & narrationes quasvis cum certis & approbatis conglutinat; quid erit tandem historia, nisi πανταρχία ἀναξαρτοεική? Quidvis prodibit è quovis, & omnia deniq; vulgi somnia in veritatis possessionem irrepent.

Sed jam animadverto, quid non nemo dicturus sit.

fit, nimirum haud semper errare famam; quod *Tacitus* censuit in *Agricola* cap. 9. qui & lib. II. *Hist. c. 50.* de se testatur, ut conquirere fabulosa & fictis oblectare legentium animos nolit; tamen vulgatis traditisq; demere fidem se non audere. Nos autem hîc monemus, ut diligenter ad animum revocetur, fuisse tûm καὶ γὰρ πειρατολογίας, tempora portentiloquiorum, ut vocat *Cassaubonus* *Prolegomenis in Exercitationes Baronianas*. Scissus erat Christianus orbis in Gibellinos & Guelfos, celebratiora vocabula; ut *Brunner.* ait lib. XI. p. 13. quam quæ Circensibus olim natalibus Romanæ urbis studia, veneto prasinoq; colore distraxerunt; & ab his factionibus spargebantur & dissipabantur tum pleraq; , quæ adversariis dolorem paritura spes erat. Nihil igitur periculosius, quàm vel tantillum dare temporum istorum famæ. Qui enim hoc ipsum fecerunt, nec, uti fas erat, præternavigarunt factionorum rumorum scopulos, veritatis fecerunt naufragium; & historiam multis fabulis conspurcârunt.

Docet hoc *Sigonius*, seculi Scriptor doctissimus, lib. XIII. *Hist. de Regno Italiae* p. 307. ubi: *Gibellinorum & Guelforum nominibus, ex vetere Germaniæ dissensione desumptis, exitiales Italici factiones manârunt. Quæ sub Friderico patre exortæ, neque omnino post sub Henrico filio oblitteratæ, demum sub Friderico nepote effusius erumpentes, ingentes in multos post annos strages in Italiâ edidere.* QUÆ HISTORIA STUDIIS SCRIPTORUM STILO HAUD SECIUS INTER SE, QUAM ILLI GLADIO

DECERTANTIUM EST CORRUPTA.

Quamobrem nihil inverecundè vel petulanter agimus, si famam illius ævi, quo scripsit *Ouvo*, prorsus non admittimus. Et hoc *secundum* nostrum *argumentum* est.

Ipse *Sigonius* hanc ipsam *narrationem* de Friderici collo à Pontifice calcato, & adjectis Psalmographi verbis, à *factiosis confictam* indubiè credidit. Nam *lib. XIV. p. 334.* ubi omnia κατὰ λεπτόν; sive, ut loquitur quidam ex Augustæ historiæ scriptoribus, *ad fibellam*; & quod cum primis notandum ex ipsius *Alexandri literis* 7. Cal. August. *ad Abbatem Cassinatem* ex *Rivoalta* datis exequitur, hoc tam grande silentio præterit.

Respondet vir doctus, non prorsus præterire; sed ad Alexandri facinus respicere illis verbis: *Inimicitias Friderici non tam moderatè exercuit, quàm fortiter superavit.* Quæ *mea tarditas* est, tam *subtile* non capio: Quia Friderici inimicitias Alexander fortiter superavit: Ergò non prorsus dissimulat Pontificem calcasse Cæsarem. Explicet mihi consequentiæ rationem alius; me enim prorsus latet. Fortiter *superasse inimicitias*, annon *Sigonio* dici potuit; qui post diutinum bellum *ope Venetorum* eò Imperatorem tandem adegit, ut secum pacem faceret; & legitimum Pontificem agnosceret. Quid? quod in hisce verbis *Sigonius* cum *fortitudine* simul Alexandri *moderationem* commendat; unde *simplex* ego colligerem prorsus contrarium, *rectè negasse*, quod de Alexandri in Fridericum impotentiâ vulgò dicitur.

Et

Et quando *in silentio* insignium aliquot monumentorum & Scriptorum *argumenti* nostri *tertii* *vis* sita est, de illo nunc agendum est. Primùm advertendum monui, quod *Sigonius* ait, se, quæ post Imperatoris ingressum in Venetorum urbe gesta sunt, omnia referre *ita*; prout *Alexander* ipse *literis* mandârit. At in eâ narratione nihil de calcato collo, nihil de Psal-mographi verbis. Secundò non tam leve, quod ad *bibliothecam Vaticanam* *Baronius* provocat, ac tot iudicibus obnoxium se facit, quot Italis, Germanis, Gallis, Belgis ad hunc usque diem insignis illa bibliotheca potuit; in eâ tacere scribit testes *αὐτὴν πᾶσι*, aucto-rem actorum *MSS. Alexandri*; ut & *Romualdum*, *Archiepiscopum Salernitanum*, Longobardico caractere exaratum. Silet prætereà *Bartholomæus Platina*, historiæ Pontificiæ *Suetonius*; silet *Gilbertus Genebrardus*: Et ex Germanicis Scriptoribus, qui ante annum 1450. vixerunt & scripserunt; ne unum legere memini, qui hoc ad totius Germanicæ nationis ignominiam pertinens notaret. *Siffridus* (ut rectè observat *Remus*) *Theodorici Marchionis*, quem Pontifici se opposuisse volunt, cùm pedem collo Cæsaris imponeret, sæpè meminit; at hujus facti nusquam meminit: Unde vanam esse apud Italos famam, quam alii saltem retulerunt; alii, ut veram certamq; secuti sunt, nemo non intelligit.

Non ignoro doctissimorum virorum responsum ad hæc omnia, nullius momenti argumentum esse, ab auctoritate negatâ; sed addunt alii, licere, supposito, quod auctor rem perfectè tradiderit; unde

Philosophi hanc argumentandi rationem admittere solent. *Aristoteles lib. VI. Eth.* Non recenset aliquem sextum habitum instrumentalem, à reliquis distinctum; ergò talis non datur. Deme, si potes, Philologis & Historicis id genus argumenta; vix unam vel alteram spuriam narrationem à genuinâ discernere poterunt. Romanos Alexandrum magnum legatione veneratos esse, *contra Memnonem cap. 24. Plinium lib. III. cap. 5.* negant cum *Arriano lib. VII.* quòd eâ de re fileant, non solum Scriptores Romani omnes, sed & *Ptolemæus* & *Aristobulus*, Historici; uterque Alexandri socius, alter etiam dux, & postea Rex Ægypti. Sic in illis controversis de *legibus Justinianeis per Lotharium* reductis, de *institutione Electorum sub Ottone III.* quas suprà tetigimus; sic in aliis argumentantur alii. Quid dicam de frequentissimo argumenti hujus usu in revellendis Pontificiorum nugis? verbi gratiâ, cum cōfutant putidissimam illam, sed ordini sacro valdè lucrosam, & ob id innumeris auctoribus asseveratam fabulam de *Lauretano cubiculo*; in quo B. Virginem & natam & educatam, ab Angelo salutatam, à S. Lucâ depictam; quodq; *Nazarethi* per annos mille incolume, suis denique fundamentis avulsum, *tenuis per auras* terq; quaterq; bajulatum, in *Italiâ* consedisse volunt? nonne inter argumenta potissima depromitur istud: Cubiculi hujus non *Clemens*, non *Dionysius*, non *Polycarpus*, non *Ignatius*, *Irenæus*, *Eusebius*, *Ruffinus*, *Theodoretus*, *Sozomenus*, *Socrates*, *Hieronymus*, non alii vetustiones mentionem faciunt: Ergò fabulosa ista narratio est. Adven-

dus

us Berneggerus in Demolitione idoli Lauretani, cap. 6.

Sed & in specie, quid de singularum sententiâ judicem, neque dissimulare debeo, neque volo. Quod de Pontifice ipso diximus, rident, ut absurdum; quòd scilicet existimemus, ipsum dedecus suum Abbati Cassinati commemorare potuisse! At certiore eundem facere minimè verecundatus est; solennem, quæ ab Imperatore Pontifici debeatur, reverentiam sibi atque obedientiam præstitam; Imperatorem pios pedes inclinatum osculo veneratum, ascendenti etiam strepam tenuisse, ut *Sigonius* nos docet. Quid? quod secundum opinionem vestram Ouvoni (sive Ononi) in conspectu tot millium, in civitate nobilissima prudentissimaq; facere potuit, id ad Abbatem privatim scribere minimè sustinuit?

Contra Acta MSS. vir clarissimus arripit id, quod confessus est Baronius: *Non esse integra, sed truncata, & sine carere.* Quod si ergò, inquit, in illâ parte, quæ injuriâ temporis periit, illa ipsa de suppressione cervicis Imperatoriæ fuerunt annotata, ut apparet; suspicatus est fraudulenter hîc egisse Baronium, qui pro integrâ laudavit illam partem, quæ continet Acta Venetiis inter Fridericum & Alexandrum. Sed non sufficit suspicari, ubi de alterius famâ agitur, decet scire.

Secundo ex iisdem Actis conatur hujus rei judicium exhibere, ubi Friderici legato sic respondet Alexander: *Si inter oves, quas Deus B. Petro pascendas commisit, vult numerari, quid amplius differt eidem*

Principi Apostolorum cervicem suam flectere, & catholicae unitati se aggregare? In hoc non semel offendit vir doctissimus, quod existimat, ex communi observantiae genere, Pontificibus exhiberi solito, colligere nos posse id, de quo controversatur.

Sic & Romualdum Salernitanum eidem illius rei indicium facere videtur in istis verbis, à Baronio citatis: Cum ad Papam appropinquasset Imperator, tunc ille divino spiritu, Deum in Alexandro venerans, imperiali dignitate postposita, rejecto pallio, ad pedes Papae totum se extento corpore inclinavit. Eodem modo capit Platinae verba: Imperatorem pedes Pontificis in templo Marci osculatum fuisse. Eodem Genebrardi lib. IV. Chronic. quae sunt: Fridericum Imperatorem ad pedes Alexandri III. petentem excommunicationis absolutionem, procubuisse. Eodem verba Johannis Capistrani, qui floruit circa annum 1385: Confiteantur Teuthonici, Imperatorem decere cervicem submittere pedibus Pontificis. Quae nihil aliud volunt, quam hoc: Fas esse, ut Imperator inclinata cervice prosternat se, & advolvatur pedibus Pontificis; quod etiam à Friderico, cum absolutionem peteret, factum libenter profitentur.

Imò Paulus IV. Pontifex picturae adscribi jussit, Josephi Salviatis nobilissimi artificis penicillo factae: Alexander Papa III. Friderici I. Imperatoris iram & impetum fugiens, abdidit se Venetias. Cognitum, & à Senatu perhonorifice susceptum; Othone Imperatoris filio navali praelio à Venetis victo, captoque, Fridericus pace facta supplex adorat, fidem & obedientiam pollicitus.

Ita Pontifici sua dignitas, Veneta Reipublica beneficio, restituta. Hoc igitur minimè negant, tanquam frequenter fieri solitum & ab aliis.

Sic enim *Lotharius Saxo*, cum coronam acciperet, ad pedes se Pontificis abiecit, & ob id Romanistæ post ejus discessum in palatio Lateranensi picturam cum hâc inscriptione posuerunt:

Rex venit ante fores, jurans prius urbis honores:

Post homo fit Papa, sumit quo dante coronam.

ut est apud *Radevicam lib. III. c. 10.* Eodem modo *Carolus VIII. Galliarum Rex* pedibus *Alexandri VI.* advolutus, eosq; osculatus est; tum & missam celebranti ministravit aquam, ut est apud *Guicciardinum lib. II.* Eundem honorem *Carolus V.* habuit *Paulo III.* de quo proindè carmen hoc extat:

E Lybiâ advenit Romanas victor in arces

Cesar, & in niveis aureus ivit equis.

Ille triumphavit: Sed tu plus, Paulo, triumphas:

Victor namque tuis oscula dat pedibus.

Simile est, quòd alii pedites inservierunt stratoris officio, ac lævâ dextraq; frænum equi Pontifici tenentes, cum per urbem magnâ cum pompa deduxerunt. Imò, quod ipsum *Fridericum* fecisse jam à *Sigonio* diximus. Antichristicum quidem hoc, & contra humillimi Salvatoris & Apostolorum omnium praxin; sed ex eo concludere non possumus, factum etiam id, quod *Aventinus*, *Baronius*, *Rittershusius*, *Remus* & *Berneggerus* negârunt. Sunt enim longè diversissima: Grave, prostratum ante pedes servi jacere Dominum; sed longè gravius, eundem calcare Domini

collum; & insultare præterea ex Psalmo, comparare (tot millibus audientibus) cum aspide & basilisco, & leone & dracone.

Ait quidam vir magnus, plus quàm probabile, Pontificem, qui ab Imperatore postulavit, ut cervicem suam Principi Apostolorum Petro flecteret, postmodum collo ejus pedem imposuisse, additis verbis: *Et mihi & Petro*. Sed profectò fallitur, si credit, hæc tam facîle admitti à cautioribus Historicis; nam hi non attendunt, *quid fieri potuerit, sed quid factum sit*. Et si usquam, hîc locum habet illud Philosophorum: *à potentiâ ad actum nullum esse consequentiam*. Nisi, inquam, genuina monumenta statuunt hoc factum, factum dicere non sustinent; etsi fieri potuerit.

Denique quicquid affertur argumentorum, à silentio petitorum, vir maximus convelli posse putat ex eâ ratione, quam *Ranulphus in Polychronico* reddit in silentio Scriptorum de Johannâ Papissâ: *Propter deformitatem facti, hæc historia, inquit, ab aliis est omissa*. Verùm longè diversa hîc ratio est. Illud alterum, quod *Ranulphus* cum aliis refert, in verum ruborem dedit omnes; nemo non dedecoris agnoscebat magnitudinem: Hoc verò Alexandri III. si verum fuisset, non erat, cur ob deformitatem silentent; loquor ex Pontificiorum mente. Nam ex quo Hildebrandus potentia Papalis adstruendæ ergò cœlum terræ miscuit, jura divina atque humana susque deque habuit, jamq; omnis consumtus fuit pudor; insolentissimum adversus Fridericum facinus, nec ipse, qui commisisse dicitur; nec alii dubitâssent narrare; sed

sed & insuper, ut alia, viribus omnibus propugnassent.

Certè de *Baronio* sic judicat *Casaubonus* in *Prolegomenis*: *Fateor*, inquiens, non probari *Baronio* in anno 1177. quòd *Alexander III. Friderici Imperatoris*, prostrati ad pedes suos, cervices pede presserit, & calcaverit. Sed addo: Propterea de illo facinore fædo liberius ab eo pronunciari, quia non putavit esse veram historiam. Nam si putasset, rem gestam fuisse, laudasset procul dubio, non reprehendisset. Quare enim *Alexandrum III.* vituperaret, pedibus Imperatorem suum calcantem; quia *Celestinum III.* pedibus ignominiosissime & nequissime ludentem coronâ Imperatoriâ, non veretur laudare, & factum tam immane defendere? Et cogitet hîc vir magnus, quòd ipse scripsit, testes suos, quos produxit, Pontificiæ religioni fuisse omnes addictos. Fuere certè monachi, præpositi, sacerdotes; quos quis credat pro dedecore habuisse, quod narrarunt? Narrarunt potiùs in ipsius Pontificis honorem, ut ejus auctoritatem & eminentiam supra Imperatorem huic negotio inædificarent. Non igitur hæc silentii causa, quam dedit vir clarissimus.

Et hæc sunt, quæ pro defensione meâ afferre debui; quibus si quid contra *virum benè meritissimum* milcui, id sine livore, sine felle dictum accipi volo; veneror enim, ut par est, heroem illum, cujus laudes filere præstat, quàm paucis dicere; licet nec multis opus sit. Satis enim loquuntur scripta, cum Ecclesiâ in his terris duratura. Quicquid fecimus, ex reipublicæ literariæ privilegio fecimus; in quâ sentire, quæ velis, & quæ

& quæ sentias, dicere licet; verbis *Taciti lib. 1. Hist. c. 1.*
 Ex eo multi à sanctissimis Patribus discessionem hodiè
 fecerunt, & eorum etiam in historicis hallucinationes
 pueriles vocare ausi sunt. Vide, quæ collegit *Reine-*
sus de Lingua Punica c. 13. Quamvis enim *Baronius*
 aliquibi hoc agat, ut Ecclesiam Catholicam philologi-
 carum quæstionum & controversiarum constituat Ju-
 dicem supremum; tamen ei sapienter *Casaubonus*
Exerc. XIV. p. 239. reponit: *Scio, Ecclesiam Dei esse co-*
lumnâ, & firmamentum veritatis; sed illius utique
veritatis, quæ scripturis divinis continetur declarata,
in qua salus est æterna posita; quæ constans est, certa,
immutabilis, æterna; quam negare, hæresin est com-
mittere: In istis philologicis quæstionibus nulla versa-
tur hæresis, nulla absoluta necessitas vel sic vel aliter
sentiendi.

Cæterum alteri, cui nos in *Altorphinâ* nostra
 saltem pepones ac fungi sumus, si ex sententia non su-
 mus locuti; hunc ego cogitare velim, quod *Scaliger*
ep. I. dixit: *Contumelias homines probos & constantes*
non labefactare quidem; tamen concutere, ac somnos
rumpere; ut culex stridens, aut mus leonem expergeficit.
 Vos quod attinet, qui alium hâc in re audire mavultis,
 quam me; nihil moror. Quî enim hoc molestum mi-
 hi sit, qui nisi ratio veterum lectorum reddenda fuis-
 set, de hâc controversiâ non vertissem manum. Sed
 id tamen moneo, ne faciles sitis in accipiendis omni-
 bus, quæ in *Archivis* reperiri dicuntur; supersunt
 enim in *Æneæ* posteris, ut multi boni viri, sic etiam
 nonnulli, qui *Transalpinos* putant carere judicandi fa-
 cultate.

Audio

Audio *Fortunatum Olmum* extare, qui rem ex monumentis & Archivis reverà factam asserat; quem ego nondum vidi, licet aliquot locis sollicitè requisiverim. Valdè vereor, ut meliora proferat quàm *Hieronymus Balbus*, quàm alii. Cogitate, quid in eorundem temporum ejusdem anni, ejusdem nationis & personarum historia factum sit! Commemorabant nobis ex Archivis & annalibus reipublicæ Venetæ, *Alexandrum III.* Pontificem post illustre prælium navale, quo *Sebastianus Zianus Othonem*, Friderici filium superavit, cepitq; eundem Ducem humanissimè complexum, victoriamq; gratulatum; inde ei annulum aureum porrexisset cum his verbis: *Accipe, Ziane, hunc annulum, & me auctore hoc mare tibi Venetiæq; obnoxium desponsato; quod & tu & futuri Principes quotannis stato die in perpetuum servabitis.* Inter eos, quòd mirere, fuit ipse *Petrus Justinianus*, cujus nomen velut horribilem Gorgona nobis obvertere ausi sunt.

At paucis abhinc annis edidit *Josephus Laurentius* libros *Polymathias*, in quibus hoc falsum esse edocet; & ad *Dominici Molini*, Patricii ac Senatoris Veneti, auctoritatem provocat. Verba sunt lib. 1. c. 2. illius: *Incorruptiora serenissimæ reipublicæ monumenta, quæ tibi, Senator Amplissime, aquila in nubibus, probè cognita, planeq; perspecta sunt, multò antè, quàm in urbem vestram se reciperet Romanus Pontifex Alexander, desponsationem istam celebratam, tradunt. Habent illa scilicet, tum primùm eam celebrari cœptam, cum primùm armis incincti majores vestri clarissimi, iidemq;*
for-

fortissimi viri, Adriatici maris imperii jure belli aquis-
simo potiti sunt. Quod tunc temporis accidisse constat,
cum totum illum maris tractum desertum ab omnibus
ob imperii lapsum, solisq; piratis pervium sic arma Ve-
neta repugnârunt, ut tutam in eo præstiterint; cunctisq;
patentem ac liberam impofterum navigationem. Quod
cum Romani Pontifices, Cæsares etiam ipsi, aliq; terra-
rum orbis Principes cognovissent, & id ipsum rectè fa-
ctum confessi sunt, & apertè semper & candidè compro-
bârunt. Hæc ille. E quibus manifestum est, sæpè
magnis viris imposuisse annales vel corruptos, vel non
vetustos admodum. Et ob id clypeum non statim
abjicio, si quis contra me Archivorum & monumen-
torum nominibus ipso sono tremendis subfarcina-
tus incedat.

Sed nunc abiturientem nescio quis insequitur à
tergo: Heus tu, quid de auctoribus sentias, audivi-
mus; de *pietura Veneta* in conclavi, quòd dicitur
Il gran consiglio, ne verbum quidem; hoc potissimum
est, quod urgemus. Agnosco, me oblitum esse dice-
re, quod volebam suprâ. Igitur de *pietura* sic habe,
fuisse ejus usum apud veteres ad propagandam rerum
memoriam (*Casaubonus ad Spartianum p. 124.*) sed
tamen, ut poëma, pio fallaci & lubrico argumento
semper habitam. Nam pictores haud pauciores fa-
bulas dedere, quàm ipsi Poëtæ. De *Marco Valerio*
Romani Scriptores ἀπὸ μύθου scribingunt, auxilio corvi
vicisse pugnâ singulari Gallum; quos decepisse picto-
res, qui *Valerium* pinxerunt, galeam gestantem, cui
corvi signum superadditum, docet *Vossius lib. 1. de Idol.*

cap. 27. A pictoribus dependent omnes mythologia, & falsus de Diis sensus; ut *Josephus* docet lib. II. contra *Appion*. Nec dubito, quin pictores *Guelfica* factionis, fallacis istius famæ de calcato *Cæsaris* collo potissimi auctores sint. Id olim dixeram & postea in literis, quas supra laudavimus, nobis accessit *Reinesius*.

Homines belli & festivi *picturam* quandam *Byzantinam*, quæ explicaverat miserabile fatum *Absimaræ* & *Leontii*, conspexerant; & nescio quàm convenienter, transtulerunt huc. Sic enim *Siffridus* in A.C. 689: *Utrumq;* (*Absimarum* & *Leontium*) cepit (*Justinianus* Imperator) & eorum corda calcavit, populo acclamante: *Super aspidem & basiliscum ambulabis!* & sic decollati sunt. Extat etiam *Heraclii* numus, quem quondam ita dederunt *Lipsius* lib. III. de *Cruce* c. 16. & *Octavius à Rosberg*, p. 270. ut verba non satis intelligas; dabo hîc magnam partem integram. In alterâ parte conspicitur *Heraclii* caput, & circumscriptum est: ΗΡΑΚΛΕΟΥΣ. ΕΝ. ΧΩ. ΤΩ. ΘΕΩ. ΠΙΣΤΟΣ. ΒΑΣΙ. ΚΑΙ. ΑΥΤΟ. ΡΩ. ΝΙΚΙΤΗΣ. ΚΑΙ. ΝΟΜΟΘΕΤΗΣ. ΑΕΙ. ΑΥΓΟΥΣΤΟΣ. Id est: *Heraclius in Christo Deo fidelis Rex & Imperator Romanorum, victor & legislator semper Augustus*. In medio: ILLUMINA VULTUM TUUM DEUS. Et in luna: SUPER TENEBRAS NOSTRAS MILITABOR IN GENTIBUS. Altera pars repræsentat *Heraclium*, curru triumphali insidentem, & in medio scriptum: ΔΟΞΑ. ΕΝ. ΥΨΙΣΤΟΙΣ. ΧΩ. ΤΩ. ΘΕΩ. ΟΤΙ. ΔΙΕΡΡΗΞΕ. ΣΙΔΙΡΑΣ. ΠΙΛΑΣ. ΚΑΙ. ΕΛΕΥΘΕΡΩΣΕ. ΤΗΝ, ΑΙΤΑΝ. ΒΑΣΙ, ΗΡΑΚΛΕ, Id est: *Gloria in altissimis*

*simis Christo Deo dirupit, ferreos postes, & libera-
vit sanctum regnum Heraclii. Circumscriptum, SU-
PER ASPIDEM ET BASILISCUM AMBU-
LAVIT, ET CONCULCAVIT LEONEM
ET DRACONEM. Qui numum habet, sciet,
quid à nobis præstitum sit, pro η in σιδηεῖς, item
pro υ in πύλας, ἐλευθέρωσε pro ἡλευθέρωσε. Stupe-
bunt, qui hujus ævi monumenta viderunt nunquam.*

Sed ad rem: Ex his cognoscimus, verba Psal-
mographi temporibus illis pro *triumphalis acclama-
tionis formula*, tum recepta, in hoc etiam negotio per
adulationem & insolentiam Italorum, addita picturæ;
qua Fridericus Alexandri pedibus advolutus conspi-
ciebatur. Sed, ait nonnemo: Nobilissimam Venetor-
um remp. tragediam istam solenni & publica pictu-
ra non fuisse exhibituram, nisi à se reverà fuisset spe-
ctata. Miror tantas ceremonias & elegantias erga il-
lustrem rempublicam Venetam. Eam, uti quoque res
in communem hostem fortiter gestas, & sapientissi-
mam gubernandi rationem debitâ observantiâ prose-
quor; ita rursus scio fuisse *Friderici hostes*, fuisse vi-
ctores. Da mihi victorem quamvis modestissimum,
qui nullum additamentum victoribus indulgeat. Ro-
mani, qui modestissimi videri volebant, qui vim for-
tunæ reputare se dicebant, & omnia subjecta esse mil-
le casibus; quid non permiserunt in urbe suâ? loqui-
tur hodieq; Roma, quamvis ruinosa. Lepidum est,
quod de *Attila* scribit Suidas: *Mediolano capta, cum
vidisset depictos Romanos Imperatores in thronis seden-
tes, Scythas autem interfectos, & ad pedes ipsorum pro-
stratos;*

stratos; pictorem quærens, jussit loco interfectorum pingi Romanos Imperatores, sacculos ferentes, & aurum fundentes ad pedes ipsius. En, mi homo, hæc fiunt in picturis.

Henricus VI. Friderici Ahenobarbi filius, ante susceptam *expeditionem Asiaticam*, Rex inauguratus, cum uxore Imperator Augustus coronatur Romæ A.C. 1191. Manibus *Celestini III.* mortuo *Wilhelmo*, Rogerii filio, *Apuliam & Calabriam & Siciliam* recepit A.C. 1193. *Jordano*, Siculorum nobilissimo, reo ambitus, *diadema regium clavis in verticem suffixit*, acerbè cavillatus, compotem eum voti factum; & amittendæ, cui tam imprudenter inhiârît, *coronæ securum*; & quæ alia refert *Brunner. lib. XIII. pag. 588.*

Expeditionem sacram suscepit, exercitu valido in *Palæstinam* misso, anno 1197. Sed cum res Christianis jam ex voto succederent, repente afferuntur ferales literæ de morte Henrici Imperatoris; quæ accidit in A.C. 1197. ad diem 3. Cal. Octobr. Alii ab uxore veneno sublatum, alii inter venandum morbum contraxisse, volunt.

Ejus elogium hoc est apud *Brunnerum p. 591. dicto loco: Maximiani animi Princeps, & Germaniæ imperium, si vita longior obtigisset, in eodem gloriæ fastigio repositurus; quo Caroli M. immortalis virtute ascenderat. Jam Orientem quoque sui nominis fama compleverat; quicquid terrarum inter Epidamnum & Thes-salonicam interest, ab Alexio Comneno ausus reposcere; & si pacem vellet, eidem imperare tributum, Ale-*

Xx
manni-

mannicum ab indignabunda Græcia dictum; ad cuius summam conficiendam neque Regum tumultis Alexius pepercit. Summum reipublicæ studium Nicetas Choniates in eo cōmemorat, cui dies totos ita impenderit, vix ut spatium curandi corporis sibi relinqueret; raroq; prandentem quisquam videret: Quas tam sobrias ejus curas cum interpolare amici conarentur, importunos invitatores planè regiâ sententiâ refutavit; hominî privato nullum esse intempestivum convivium, dictitans; Regibus, si suo satisfacere nomini velint, satis esse debere, si eos resp. à se ad cœnâ dimittat.

PHILIPPUS, Henrici VI. frater, tutor Friderici, quem Henricus pater quadrimum reliquerat A. C. 1198. a. d. 8. Id. Mart. oblatum sibi Imperatoris nomen acceptavit. Sed adversa factio, cui Pontifex favebat, Othonem Saxonem creavit: Exin bellum; donec ita inter se paciscerentur, ut quandiu superstes Philippus esset, titulo Regis abstineret Otho. Interfectus est Philippus 10. Cal. Jun. A. C. 1208. ab Othone Wittelsbachio.

OTHO, Henrici Leonis F. Henrici N. Henrici Nigri pronepos, Guelfi abnepos, Azonis Estensis atnepos (ut est apud Chytraum in Saxonia, p. 55.) sive à Witichindo Magno oriundus; ut in Brunsvicensium & Lüneburgensium Annalibus, Saxonix Dux ex pacto succedit, & Romæ coronatur A. C. 1209. A Pontifice anathematis vinculo innodatus est. Brunner. lib. XIII. p. 629. scribit, Divi Petri patrimonium violare ausum: Petavius, contra datam fidem Romana jura violasse. Sed, ut alii Imperatores, sic Otho

Otho jure optimo repetebat *Mathildis Principatum*, conjugis *Conradi*, filii *Henrici IV.* dolis Pontificiis interceptum ; cum bellis arderet Germania. Vid. *Matth. Parisiens. A. C. 1210.* Obiit hic Imperator dolore tabescens; cum contra eum electus esset *Fridericus A. C. 1216.* sive, ut alii volunt, *A. C. 1218.*

FRIDERICUS II. *Henrici VI. F. Friderici Ahenobarbi N. Siciliae & Apulia Rex*, contra *Othonem* a. d. 8. Cal. Aug. *A. C. 1216.* insignia imperii Germanici *Aquisgrani* accepit ; mortuo *Othone*, Romæ quoque coronatus est, anno 1219. circa *S. Ceciliae* festum diem. Cum *Lombardorum & Saracenorum* impeditus turbis, expeditionem sacram absolvere non posset ; *Honorius* Pontifex omnia dira coquere cœpit. Paratus ad id, quod volebat Papa, *Veronenses* rebelles obstant ; quos Papa excommunicat. Sed mox *Veronensibus* iisdem ac *Lombardis* se adjungit, conjuratq; summo scelere in *Fridericum*.

Mortuo *Honorio*, succedit *Gregorius IX.* qui excommunicationis fulmen in *Fridericum* torquet, tanquam voti sacri reum. Hoc volebant illis temporibus bipedum nequissimi, ut Imperatoribus Germanicis ad remotas orbis partes, velut in exilium transmissis ; & spe religionis (ut *Tacit. lib. XIV. Ann. c. 31.* loquitur) omnes fortunas suas effundentibus, sive ut *lib. II. Ann. c. 5.* dicit idem, casibus simul ac dolo objectatis ; suas interim veteratorias artes domi liberè citraque ullius contradictionem exercere possent. Et vide mihi scelus Pontificis ! Trajicere volentem in *Palistinam* Imperatorem, rursus inhibet ; minimè ex dignitate

Augusta instructam classem objectans. Ille nihilominus insistit cœpto, & rem in *Palæstina* feliciter gerit; *Hierosolymam*, *Bethlehemum* & *Nazaretham* reddere cogit.

Dum Imperator adest, Pontifex ejus subditos ad defectionem sollicitat. Sic ille sua repetere coactus, perfidos sternit & profligat, *Gregorium* Pontificem ingenti pecunia placat; & à suis pulsum nullo non officii genere prosequitur. Sed pecuniam & omnia perdidit: Eum enim Pontifex, cum potuit, in omnibus æquis conatibus impedivit. Fridericus victis *Lombardis*, domitis *Mediolanensibus*, *Sardiniam* quoque ab antiquo Siculis Regibus obedientem subegit; quam cum Pontifex Ecclesiæ reddendam diceret, nec obediret Fridericus, eum diris devovet; & totum orbem literis sollicitat. Tum exorti magni tumultus inter *Gibellinos* & *Guelfos* passim in *Italia*. Imperator, fortuna usus, omnes Pontificis molitiones elusit, aut oppressit; eoq; desperationis adegit, ut morbo ex dolore contracto extingueretur.

Succedit *Innocentius IV.* & ipse Friderico inimicissimus. Sic continuata bella, & inter hæc Christianus orbis passim à *Saracenis*, *Turcis*, ac *Tartaris* miserè laceratus est. *Innocentius* Italia pulsus, in *Galliam* profugit; ibiq; lectis novis Cardinalibus, & indicta synodo, Imperatorem è cœtu Sanctorum excludit; mandatq; Principibus, ut novum Imperatorem creent. Fridericus in contemptu se esse animadvertens, offert conditionem Papæ; se, si absolveretur, perpetuum in *Palæstina* bellum gesturum; quam ille alto supercilio

percilio repudiat. Coactus Imperator vim vi repel-
 lere, *sicarios à Pontifice immissos supplicio afficit: Hen-*
ricum Landgravium Hassiæ, Pontificium Imperato-
rem, per Conradum filium vincit; thesauros à Papa,
Wilhelmo Hòllando submissos, intercipit; sed cum &
ipse insolentiùs ageret, editis paganorum in morem
impiis spectaculis, & consumptis per luxum inanem
opibus; etiam fortuna mutavit vultum. Thaddæus in
obsidione Parmæ relictus, occisus; copiæq; Cæsa-
rianæ cum ingenti strage repulsæ. Eadem ferè con-
ditio exercitus, sub Conrado, Imperatoris filio, contra
Wilhelmum missi. Nihilominus & ab his cladibus
revaluit. Fessi diutino bello, qui Papæ adhærebant,
Galli, Veneti, & alii, Papæ denunciant, cum Friderico
in gratiam rediret. Contumax pellitur à suis: Ipse ve-
rò Fridericus mox decessit, d. 18. Oct. anno 1250.

CONRADUS IV. Friderici II. F. à patre
 adhuc vivo *Rex Romanorum ac Siciliæ* creatus fuit.
 Quem *Jesuite* in scriptis suis è *catalogo Imperatorum*
expungunt, quia legitimus illis non est, quem Ponti-
 fex non approbavit. Hic domitis *Neapolitanis, & eo-*
rum disiectis mœnibus, utrâque potitus Siciliâ, à
Manfredo fratre, Friderici spurio, veneno necatus est,
anno 1254. Christi in cœlum ascendentis pervigilio. Pa-
ter est infelicitis illius Conradini, quem Carolus Andega-
vensis, Pontificis favore Rex Siciliæ salutatus, in urbe
Neapolitana, una cum Friderico Austrio carnificis gla-
dio subjecit. Fœdiorem scenam inter Christianos nulla
tyrannis struxit, quam fusè describit Brunn. lib. XIV. p.
820. usq; ad p. 836. Breviter Lipsius lib. II. Mon. & Ex-
empl. Polit. c. 14.

WILHELMUS, Florentii, *Hollandiæ Comitis*, F. Wilhelmi N. Florentii pronepos, Theodorici abnepos, Florentii atnepos, Theodorici trinepos (*Vide Scriverium in Batavia illustrata*) Romanorum Imperatorum contra Fridericum II. & Conradum IV. creatus *Aquisgrani*, A. C. 1248. periit, *Frisiorum insidiis* exceptus anno 1256. circa Cal. Febr. Eo mortuo, distractis Germanorum Principum studiis, anno 1257. alii *Richardum Anglum*, Romanorum Imperatorem renunciant; alii *Alphonsum Castellanum*. *Fædum, & Germanico nomini universo ignominiosum, summum gentis nostræ unicūq; decus* (cui tutando post opes viresq; etiam sanguinem impendere æquum erat) velut venale exterorum gratiæ vel pecuniæ addici; quasi ex nobilitate patria dignum aut par imperio caput nullum emeretur: Nisi infidentia potius fuit, aequalibus de gloria concedere, aspernantium minore verecundia, si alienigenam sibi alienatum vidissent: Quæ sunt verba *Brunn. lib. XIV. p. 791.* Alphonfus solo contentus imperii titulo, ex Hispania pedem non movit; ut auctor est *Trithemius*. Obiit A. C. 1309. Oriundus à *Ximeno*, Rege Aquitaniæ. Nam *Ximeno* natus *Junicus Arista*, Rex Suprarbiensis, *Junico Garfias*; qui obiit anno 885. *Garfia Santijs Abarca*, primus Rex Arragoniæ; *Santio Garfias I*; *Garfia I. Santijs II. Santio II. Garfias II. Tremulus*; *Garfia II. Tremulo Santijs Magnus*, vel, *Major*, Hispaniæ Imperator; *Santio Magno Ferdinandus Magnus*, primus Rex Castellæ; *Ferdinando Magno ALPHONSUS* Imperator Romano-Germanicus; ut ex *Hieronymo Blanco, Cesarau-*
gustano,

gustans, & auctoritate *Tabularum vetustissimarum* docet *Caspar Schoppius in Stemmate Austrio Tab. II. & III.* Sed RICHARDUS Anglus, Johannis Regis Anglorum & Elisabethæ F. Henrici Regis N. Mathildis pro N. Henrici I. Angliæ Regis ab N. Wilhelmi I. Conquæstoris Regis Angliæ atnepos (ut ex *Henrico Savillo & Johanne Speedo* constat) *Frankofurtum* advolans, ibiq; ritè imperium auspicatus, effusis per luxum opibus, in contemptum venit eorum, à quibus accitus erat. Itaque in *Angliam* è vestigio rediens, vacuum Germaniæ reliquit imperium; diuque interregnum fuit.

RUDOLPHUS I. post interregnum Imperator Romanorum deligitur a. d. 4. Id. Oct. A. C. 1273. (*Sigonius lib. XX. de Regno Italiae p. 111.*) *Habsburgicae gloriæ Atlas*, tot Cæsarum, Regum, Principumq; parens; ut vult doctissimus antiquitatum indagator, *Franciscus Guilimannus* in libro, quem *Habsburgica, sive, de vera & antiqua origine domus Austriacæ*, inscriptum *Mediolani* edidit. Genus Rudolphi fuit hoc: *Wilibaldo* Patricio, seu Præfecto minoris Burgundiæ nobili ac divite (ut scribit *Aimoinus A. C. 636.*) genitus *Otbertus* Comes *Vindonissæ & Altenburgi*; *Otberto* *Ambertus*, sive *Ambrinctus*, conditor *Ambringensburgi* in *Alsatia*, *Amberto* *Hettobertus*; *Hettoberto* *Rambertus*; *Ramberto* *Guotramus* I. conditor arcis *Scharffstein* in valle *Trutbentina*; *Guotramo* *Luitfridus* I. *Luitfrido* I. *Luitfridus* II. *Luitfrido* II. *Hunifridus*, *Hunifrido* *Guotramus* II. *Guotramo* II. *Landolus*, vel *Lanzelinus*; *Landolo* *Ratbotus* Comes;

Xx iiij

Ratboto

Ratboto & Ita Lotharinga Wernerus Pius, *primus comes* Habsburgi; *Wernero Pio* Otho, Comes Habsburgi; *Othone* Wernerus II. *Wernero II.* Wernerus III. *Wernero III.* Adalbertus; *Adalberto* Rudolphus; *Rudolpho* Adalbertus II. *Adalberto II.* RUDOLPHUS, primus hujus nominis Romanorum Imperator. Hic *Ottocarum*, Bohemiæ Regem, rebellantem prælio vicit. A. C. 1278. Ab Italicis civitatibus pro libertate concessâ pecuniam accepit. *Sigon. lib. XX. de Regno Italiae p. 125.* eâ de re colligit, quæ *Blondus, Platina, Sabellicus, Trithemius, Cuspinianus & Cranzius* scribunt. Hoc igitur tempore Regnum Romanorum in Italia defecit, ut censet *Idem*. Quicquid Rudolphus fecit, *scelere Pontificum coactum*, & molestias, quas decessoribus suis exhibuerant, reformidantem fecisse, statuimus cum *Berneggera in Tuba pacis. p. 193.* Romam evocatus ad coronam imperialem accipiendam, comparere noluit, publicè novas semper occupationes causatus; apud amicos verò minimè dissimulans, ideò ab hoc itinere se deterreri, quod *Cæsarum in Italiam vestigia læta*, magnifica, bonæ spei plena: *Ex Italia verò redeuntium tristitia*, misera, luctuosa essent, *ibid.* Obiit A. C. 1299. prid. Cal. Octob. 2. *Germershemi*, ut scribit *Albertus Argentinenfis*; sive ut alii 18. Cal. Augusti. Nullius pænè ex Heroibus nomen in vulgus notius, aut in benigniore fama est, quàm hujus.

ADOLPHUS *Nassovius*, Romanorum Imperator, creatur A. C. 1292. miro astu *Gerhardi Moguntini Antistitis*; quem describit *Brunn. lib. XV. p. 927.*

Nam

Nam cum desperaret, aperta prensatione conciliari ei suffragatores posse; eandem in singulos fallaciam, sed aptissimam versandis animis intendit; *suum cuiq; amulum*, velut imminentem imperio, *objiciens*; unamque *excludendi ejus spem* ostentans, si *Adolpho favissent*: Et Trevirensi quidem *Geldrum*, Saxoni *Brunsvicensem*, Ludovico Bojo *Bohemum* ostentavit; ingrata nomina, quorum odio Adolphus emerfit; eâ unâ re commendatus, quod cum invisissimis est compositus. Genus hujus *carminis heroico* descripsit *Hugo Grotius*, & sic habet: *Walravus*, qui vixit temporibus secundi & tertii Imperatorum; iisdemq; strenuam in bellis contra *Gallos & Bohemos* operam navavit, reliquit filium cognominem *Walravum II.* hic *Robertum*; Roberto genitus *Walravus III*; *Walra*vo III. *Henricus*, Comes in *Nassau*: *Henrico Otto*; *Ottone Henricus II.* *Henrico II. Walravus IV.* in *Weilburg*: Hic *Adolphus* Imperatoris pater, qui propter sordes & ambitionem suis fastiditus, & 9. Cal. Junii A. C. 1298. in ordinem redactus est, subrogato *Alberto*, *Rudolphi* filio; contra quem *Adolphus* commissa acie ad *Wormatiam* interficitur 6. Non. Julii anno eodem. Pugnam eleganter describit *Brunn. d. l. p. 980. 981. 982.*

ALBERTUS *Austrinus*, *Rudolphi I.* Imperatoris ex *Anna Sueva* filius, A. C. 1300. in agro *Spirensi* *Adolphum* gravissime sauciavit; ut scribit *Besoldus*. Sed primum labitur in anno 1298. 6. Non. Jul. ut dixi. Consulendi *Siffridus & Albertus Argentinensis*. Secundò dissentiunt in vulnere alii, *Brunn. lib. XV.*

p. 982. Adolphus in ipsum Albertum ferebatur; quem ut est affecutus: *Pone, inquit, furtivum decus praedo corona nostra!* Simul intentantem ferrum Albertus occupat; arbitrumque litis invocans Deum, secundum oculum levi Adolphum vulnere perstrinxit. Comites deinde sylvestres coorti, succisis equi poplitibus, resupinatum jugularunt. Tertiò malunt alii *Wormatiensem* agrum dicere; in quo depugnatum est. Idem p. 979. sic scribit: *Ad manus in agro Wormatiensi non procul Gillenhemio ventum est; Albertus, cum pro more electionis suae confirmationem à Bonifacio VII. Pontifice per Oratores peteret, Sanctus pater accinctus ense, coronaq; imperiali ornatus, in publicum prodiens proclamat: Ego sum Caesar ac Pontifex! atque indignabundus electionem, quippe quae sine sua auctoritate facta esset, negat à confirmatione, frivola ac nullam pronunciat. Alberti opprobrio contumelioso homicidam appellans. Tamen postea, gravissima inter Pontificem, ac Galliae Regem Philippum exorta cōtroversia, Imperatorē approbavit; ut ex Cuspiniano in Vita Alberti I. Crantzii Saxonia lib. VIII. c. 36. Platina in Bonifacio VIII. Paralipomenis Urspurgensis, & Blondi decad. II. lib. IX. docet Berneggerus in Tubapacis. p. 794.*

Trucidatus est hic Imperator à Johanne, Rudolphi Sueviae Ducis (qui Alberti frater germanus erat) filio, Cal. Majis A. C. 1308. inaudito apud Germanicas nationes parricidio. Causa hæc fuit: Educatu inter Alberti liberos, cum ætate sibi ad res gerendas idonea videretur, dimittere in paternum Principatum æquum censebat. Patruo in producendis exor-

nandisq;

nandisq; filiis suis occupato, neglectui esse se, hæerere in regia, stiparelatus ingratham vilemq; umbram; quasi terræ filius, & in nullius hæreditatis spem genitus foret. Animi ægrum factiosi nonnulli, Alberto privatis nominibus infensi, eò furoris egerunt, ut nisi in memorabili scelere, spem sibi sitam nullam existinaret. *Brunn. d. l. p. 1014.*

HENRICUS VII. Comes *Lüzelburgensis*, Henrici Comitis *Lüzelburgensis*, & Beatricis Comitissæ *Hannoniæ* F. Henrici Comitis *Lüzelburgensis*, & Margaretæ Comitissæ *Barensis* N. Walrami Comitis *Lüzelburgensis*, & Ermesindæ, Friderico Comite *Lüzelburgico* genitæ, pro N. Henrici Comitis *Limburgensis*, & Isabellæ ab N. Si *abaviæ* genus spectes, ab antiquissimis *Francorum Regibus* oriundus; ut fusè docet *Joh. Bertelius in Histor. Principum Lüzelburgensium* (cauté igitur legenda, quæ scribit *Brunn. lib. XV. p. 1015.* virtutibus, quam genere clariorem fuisse) magna Electorum consensione ad imperium est vocatus, Cal. Nov. anno 1308. ut quidam volunt. Cum Walramo fratre profectus in *Italiam*, *Mediolani ferrea*, & *Romæ* per Cardinalem *Ostiensem*, absente *Clemente* Pontifice aurea corona fuit insignitus, A. C. 1312. Contra *Guelfos* in *Italiâ* multum illi negotii fuit, ut testatur *Brunn. lib. XV. p. 1031.* cum *Gibellinis*, ut *Petavius*. Sublatus est à *Bernhardo*, *Dominicano monacho*; qui imbutum veneno *Eucharisticum panem* ægro porrexit, mortemq; cum vita propinavit; ut multi afferunt fide digni. Consulendi *Blondus dec. II. lib. IX.* *Bohuslaus Hassenstenius in lib. de miseriâ humanâ.*

manâ, Albertus Argentinensis, Genebrardus, Joh. Nauclerus generat. XL. Aventinus lib. VII. Collennius lib. V. Histor. Neapolitana, Joh. Fontanus in Johanne XXII.

LUDOVICUS IV. Ludovici Electoris Palatini, & superioris Bavariæ Ducis F. Ottonis Electoris N. Ludovici Bavariæ Ducis & Electoris pro N. Othonis Wittelsbachii cognomento Magni ab N. A. C. 1314. 13. Cal. Nov. *quinque Electorum* imperii suffragiis Romanorum Rex eligitur; ut scribit *Christoph. Gevvoldus in Genealog. Bojariæ Ducum.* Contra illum electus erat **FRIDERICUS Austrius**, cognomento *Pulcher*; Alberti Imperatoris & Elisabethæ F. Rudolphi I. Imp. N. Sed à *Ludovico victus*, captusq; est. Fuit Ludovicus clarissimus Heros, & meritò summis Imperatoribus annumerandus; cui ad omnium virtutum, magno Principe dignarum, cumulum *hoc unum* defuisse videtur, quod lenius cum Pontificibus egit, nimiaq; submissione superbiam eorum in se magis exasperavit; ut censet *Bernegg. in Tuba pacis p. 224.* Qui res ibidem inter Imperatorem & Pontificem gestas fusiùs exequitur.

Breviter: Fuit *vexatissimus Princeps ab initio imperii ad finem usq;.* Imperator creatus misit legatos *Avinionem, ad Johannem XXIII.* qui Pontifici electionem suam nunciarent; ac pro more solennem imperii inaugurationem postularent. Abnuit Pontifex primò, quod in discordia esset electus: Dein, quod *jus Pontificium per Italiam* usurpasset, vicariosq; imperii urbibus imposuisset; & ante confirmationem Imperatoria

toria munia obiisset : Quod denique hostibus Ecclesiæ *Gibellinis* suppetias tulisset. Ludovicus cum ex divini humanique juris ea ætate peritissimis intellexisset, acta & dogmata Johannis Christianæ doctrinæ repugnare; *nec in temporalibus Imperatorem Papæ subiectum esse*, ad generale concilium appellat; appellationis formulâ omnes imperii fines promulgatâ. Cæterum literis & nunciis Romanorum (qui ipsi quoq; Pontificem, ut huic ritè electo, imperialia signa conferret, frustra orarunt) *Romam* evocatus *Ludovicus*, Italiam cum exercitu petit ; ac *Mediolani* primum ab *Archiepiscopo* pro more coronatus, cum *rabiem Pontificis* nullis modis leniret, sed mansuetudine exasperaret potius ; *Romam* profectus, jussu totius Cleri ac populi à *Columnâ* Cardinali coronatur; & contra *Johannem Petrum Corbariensem*, ex *Franciscanorum* ordine, ad Pontificatum evexit; qui *Nicolaus V.* appellatus est. *Johannes* contra *Ludovicum* imperatoriâ dignitate dejicit, & excommunicat; qui cognita tanta hominis rabie in Germaniam Pontificis artibus variè turbatam redit.

Inter hæc *Johannes moritur*, & succedit *Benedictus XII.* nihilo in Ludovicum benignior. Censuram enim Johannis confirmat, eumq; omni honore & *Ducatu Bavariæ* privat. Cæsar Principibus ac humanæ divinæq; sapientiæ doctissimis quibusque *Frankfurtum* convocatis, pro imperialis dignitatis assertione statuit ea, quibus omnia ferè superiora Pontificum acta atque decreta ad nihilum redigerentur.

Benedictum excipit *Clemens VI.* & ipse diabolico

lico furore percitus in Imperatorem, foribus templo-
rum affixis edictis, Imperatori gravissimarum pœna-
rum supplicium comminatus; ni Ecclesiæ satisfaciat
intra triduum. Exacto triduo, & nemine compa-
rente, contumacem eum declarat; ac postea per O-
ratores veniam petenti cum oblatione, se omnia in-
iuncta pro virili facturum; formulam reconciliationis
durissimam præscribit: Ut in solidum omnes errores
& hæreses confiteatur: Item *resignet imperium*; nec re-
sumat, nisi hoc fiat, *de gratia Papæ*: Et se ac filios suos,
& bona ac statum suum in manus & *voluntatem Papæ*
tradat; & multa insolita faciat. Acceptavit has con-
ditiones, ne vilissimo quidem acceptandas, Impera-
tor; ut contumacem curiæ Papalis honorem mitiga-
ret. Sed Pontifex insolentior factus, *alios articulos* as-
signat, ut decreta adversus Johannem Pontificem re-
tractet, acta rescindat, opprobria recantet; *edicto per-*
petuo publicè sanciat, imperium beneficium esse Pontifi-
cis; nec ante quenquam Casarem esse aut vocari, quàm
ille auctor fieret, &c. Indignati Germaniæ proceres,
Frankfurti conventu habito decernunt, hos articu-
los iniquos esse, & ad *imperii eversionem* spectare. Ad-
hæc *auxilium Imperatori contra Papam pollicentur*.
Sed Pontifex usus *Archiepiscopis* quibusdam, *manci-*
pis suis, *Carolus IV.* eâ causâ Germanis Imperatorem
Presbyterorum, *Pfaffenkaiser* dictum, designat. Lu-
dovicus Ordines imperii *Spiram* convocat, qui omnes
& tuendum eum suscipiunt; & Pontificis Caroliq;
acta detestantur. Donec tandem veneno (ut *Paulus*
Langius in Chron. Citizenfi, Crantz. lib. IX. Saxonia,
cap.

cap. 22. & *Trithemius* literis prodiderunt) interceptus ex *Clementis* insidiis, beatam animam DEO reddidit; quod accidit d. 11. Oct. A. C. 1347. De his omnibus fufè *Bernegg. in d. l.*

CAROLUS IV. natus patre Johanne, Bohemix Rege, Heinrici VII. Imperatoris filio, maternum genus ab antiquissimis Bohemia Regibus traxit. Contra Ludovicum à Principibus quibusdam pecunia corruptis creatus est A. C. 1346. Sed mortuo Ludovico, cum eum Principes agnoscere nollent, Gunthero, Comiti Svarzburgico, viro bellicoso imperium detulerunt; quod non diu obtinuit, sublatus veneno. Sic ad Carolem rediit favor. Romæ verò coronam accepit d. 5. Aprilis A. C. 1355. ac statim ex lege, quam illi Pontifex dixit, Roma & Italia cessit. Maximum ejus opus aurea bulla, quod firmamentum & propugnaculum murusq; tranquillitatis & pacis in imperio semper fuit. Publicata est autem die 4. Id. Jan. A. C. 1356. Noribergam nostram favore singulari complexus, & civili discordia concussam, restituit; jussis remp. tenere solis Optimatibus, qui ad nostram ætatem usque (sunt verba Pighii in *Hercule Prodic. p. 89.*) eam tam æquo jure temperarunt, ut vix ulla memorabilis secessio, aut perniciofa discordia in tantâ plebejorum hominum multitudine, ac gentium diversitate suborta fuerit. Hujusdem Caroli temporibus Johannes Wiclef, Anglus, multa scripsit contra receptas opiniones, ideoq; inter hæresiarchas nominatus fuit; ut inquit *Besoldus*. Nos scimus, scripsisse contra opiniones perperam receptas, piè ac Christianè. Vide *Actiones*
& *Mo-*

& *Monumenta martyrum* eorum, qui à *Wiclefo* & *Husso* ad annum 1560. in Germaniâ, Galliâ, Britanniâ, Flandriâ, Italiâ; & ipsa demum Hispaniâ veritatem Evangelicam sanguine suo constanter obfirmârunt, edita Geneva à *Johanne Crispino* anno 1560. Obiit Carolus d. 29. Nov. A. C. 1378.

WENCESLAUS, Caroli IV. F. cum pater magna pecunia vi septemvitalia suffragia emisset, Rex Romanorum creatus est, *Aquisgrani* A. C. 1376. Imperium sic administravit ut A. C. 1400. dignitas illi consensu Principum abrogata sit; verè *Sardanapalus* vel *Nero Germanicus*. Nota ejus scelera.

FRIDERICUS M. Torquati F. Magni N. Alberti pro N. Alberti Magni ab N. Othonis at N. Henrici Palatini, qui Ottonem IV. Imperatorem fratrem habuit, trinepos, *Dux Brunsvigæ & Lüneburgi*, prudentiâ & bellicâ laude excellens, Wenceslao ab Electoribus suffectus anno 1400. insidiis & fraude *Archiepiscopi Moguntini* ad *Frizlariam* interfectus est à *Comite de Waldeck*. Besoldus hunc legitimum Principem in *Synopsi minore* omittit, & contra nominat JO. DOCUM BARBATUM, *Marchionem Brandenburgicum*; quem *Coloniensis & Moguntinus* Cæsarem quidem dixerunt, sed consilio inani; nam neq; par tantæ dignitati visus, neq; coronam adeptus est unquam; sed sexto post mense fato succubuit.

RUPERTUS PALATINUS, Ruperti & Beatricis F. Adolphi simplicis N. Rudolphi, qui frater erat Ludovici IV. Imperatoris pro N. Wenceslao remoto, & interfecto Friderico, Imperator creatus est,

est, A. C. 1400. Adversus *Galeatium Vicecomitem*, Mediolani Ducem, à *Florentinis* accitus in Italiam, nullo operæ pretio factò, in Germaniam rediit; gravissimum ibi, unde digressus erat, bellum relinquens. Sic *Italia* denique *tota aliorum facta est*. Obiit hic Imperator A. C. 1410.

SIGISMUNDUS, Caroli IV. Imp. F. ex Anna, prudentiâ, magnitudine animi, liberalitate, ac cæteris amplissima fortunâ dignis ornatus virtutibus; sed bello infelix, quod contra *Turcas & Bohemos* gessit. Romæ serò coronatus est ab *Eugenio*, id est, A. C. 1432. Obiit d. 9. Decembris A. C. 1437. De *Husso*, cujus *Besoldus* meminit, consulenda, quæ supra laudavimus, *Acta martyrum*.

ALBERTUS II. Alberti, quem *Mirabilia mundi* cognominabant, F. Alberti N. Alberti Contracti, Ducis Austriæ, pro N. Alberti Imperatoris ab N. Sigismundi soceri morte (nam *Elisabetham*, ejus filiam, in matrimonio habebat) vacantem imperii titulum accepit A. C. 1438. de hoc *Lipsius in epist. dedicatoria præfixa Admirandis: Memini legere, Albertum II. inter majores tuos Austrios, uno tempore, atque adeò uno anno, factum Regem Bohemiæ & Hungariæ & Romanorum*. O quæ ista felicitas! sed quàm brevis felicitas! biennio enim non toto imperavit, & optimum Principem Deus cælo invexit; quia terra virtutum illarum parùm capax erat, aut digna. Hæc *Lipsius*. Sanè res adversus *Moravos, Bohemos, Polonos & Turcas* maximas gessit; sed in expeditione contra postremos istos vita functus est, 6. Cal. Novemb.

A. C. 1439. Eo mortuo fuit *interregnum mensium 2. dierum 4.*

FRIDERICUS III. five ut alii volunt, qui vel Fridericum *Pulchrum*, Ludovici Bavariæmulum; vel Fridericum *Brunsvicensem*, ob brevitatem imperii ex Imperatorum albo non expungunt, IV. Ernesti *Ferrei* & Cimburgæ Massoviæ F. Leopoldi *Probi*, qui & militiæ decus cognominatus est, N. Alberti Contracti, qui & *Sapiens*, pro N. Alberti Imperatoris ab N. Rudolphi I. Habsburgensis at N. Romanorum adiit regnum A. C. 1440. Ducta in uxorem *Leonora*, Eduardi Regis Portugalliæ filia, in Italiam transcendit; Romamque ingressus à *Nicolaò V. Pontifice* imperiali corona redimitus, Imperator Augustusq; appellatus est, Cal. April. A. C. 1451. ut est in moneta aurea apud *Octav. Stradam* p. 477. Alii rejiciunt in annum 1452.

In Germaniam reversus, turbas multas & maximas invenit: Nam inde *Hungari*, cum *Ladislaum* in tutelâ suâ diutius retineret; hinc ipsi in *Austriâ* subditi contra Imperatorem ferociùs egerunt. Ita compulsus, pupillum *Ulrico*, Ciliæ Comiti, avunculo tradidit. Perpeffus est & à *Matthia Hunnade* gravissimum bellum anno 1485. Et *Vienna* in tantas angustias adducta, ut *modus farinæ unus 107. florenis veniret*. Quam calamitatem, volente Friderico, civibus accidisse, quidam volunt; ut præferoces illorum animi hoc malo mitigarentur.

Bellum etiam diu antè motum à *Franciæ Delphino*, qui post *Ludovicus XI.* appellatus est. Ut quod jubebat

jubebat *Eugenius Pontifex*, Basilienses Patres perterrefactos, concilium abrumpere cogeret; exercitu *triginta millium* & amplius armatorum conscripto, *Alsatiā* crudeliter vastavit; ne templis quidem abstinens. Dein propius *Basileam* accedens, ab *Helvetiorum* exiguis copiis cæsus, *agrè tertiam* partem fracti exercitus in *Gallias* reduxit.

Sub hujusdem imperio, hoc est, A. C. 1449. bellum grave exarsit inter *Albertum Brandenburgicum* (qui *Achilles Germanicus* appellatus est) & *Noribergenses*. Marchio focios habebat *XVII. Principes*, *Noribergenses civitates quasdam imperii* validas. Certatum est *biennio præliis IX.* damni utrinque plurimum datum & acceptum; exusti agri, everse villæ, cæsi agricolæ, abacta pecora; tantisper donec exhaustâ utrâq; parte egestas pacem extorsit, ut scribit *Æneas Sylvius*.

Res externas quod attinet, meminit *Besoldus* cladis *Varnensis*, & *Constantinopoleos capte*. De utroq; jam egi suprâ in rebus *Muratis II.* & *Muhametis II.* Obiit *Fridericus* die 23. Aug. A. C. 1493. cum imperâisset annis 53.

MAXIMILIANUS I. *Friderico Imperatore* natus ex *Leonora*, *Eduardi Regis Angliæ* filia, post functum patrem (cui etiamnum *viventi consortem* & successorem ipsum *Electores* designaverant) reip. clavum capeffens, infulas solennes Cæsarum, cum facile posset, *Romæ* suscipere non laboravit; præsertim cum eorum, quæ superioribus *Imperatoribus* fulgore coronæ *Romæ* pellectis acciderant, probè meminisset.

Eum postea *Julius II. Pontifex* ad gravissimi belli societatem pertraxit contra *Venetos*; quos cum occupatis eorum præstantissimis urbibus, ad summam necessitatem adegisset, *Julius contra fidem Imperatori sanctissimè datam*, Venetis in gratiam receptis, percusso cum iisdem fœdere, suum exercitum adversus ipsum *Cesarem & Gallum* perfidissimus bellator eduxit.

Fuit etiam Maximiliano bellum contra *Rupertum Palatinum* felix; sed in eo, quod adversus *Helvetios* gessit, non unum damnum accepit. Obiit prid. Id. Jan. A. C. 1519.

Ingravescente ætate operam dedit sedulo, quo pacatum, quantum quidem fieri posset, successori imperium relinqueret. Hinc eodem pænè tempore, cum Pontifice, Rege Angliæ, *Helvetiis* fœdus iniit; juvit ac promovit reconciliationem *Francisci*, Gallorum Regis, & *Caroli* Hispaniarum Belgarumq; Principis; reduit cum *Venetis* in gratiam, restitutâ *Brixia Veronaq;*; & non nisi belli sumptibus exsolutis. *Luckius in Numis. p. 41. Pighius in Hercul. Prodic. p. 71.*

Quantum in periculum inciderit, *rupicapras* venatus; & quàm mirabiliter liberatus sit, exequitur *Idem p. 174. 175.* Triennio ante mortem capulum funebrem è querno ligno, arce viatorie inclusum, circumferri secum iussit; cavitque testamento, ut exanimum corpus suum rudi linteo involutum, sine ullâ exenteratione illi imponeretur; naribus, ore, auribusque vivâ calce oppletis. *Lipsius lib. II. Monit. & Exempl. Polit. c. 14. n. 5.*

CAROLUS V. *Philippi*, Hispaniarum Regis, & *Johannæ* (cui pater *Ferdinandus*, Hispaniæ Rex) F. Maximiliani I. Imperatoris & Mariæ Burgundicæ N. natus A. C. 1500. d. 24. Febr. *Gandavi* in Flan- driâ, *Francofurti* eligitur Imperator die 28. Junii A. C. 1519. & *Aquisgrani* creatur d. 23. Octobr. A. C. 1520. Non visus majorum memoriâ potentior, aut re- bus gestis in orbe Christiano illustrior; aut præcla- rior, post Carolum & Othonem Magnos.

Imperator *Sulaimanem* Turcam bis ab obsidione *Viennæ* repulit; Gallorum Regem *Franciscum* in *In- subribus* acie victum, cum Rege *Navarra* & præcipua Gallica nobilitate cepit: Germaniæ Principes, qui *Smalcaldicum* fœdus inierant, ad *Mülbergam* ingenti pugnâ vicit; capto *Johanne Friderico*, Electore Sa- xoniæ. *Mare mediterraneum* à pyratarum injuriis li- beravit, *Carthagine Tunetoq;* capta.

Tandem rerum humanarum tædio & amore secessus, A. C. 1555. apud *Bruxellas* regno se imperio- que abdicavit; illud in *Philippum* filium, hoc in *Fer- dinandum* fratrem transtulit; atque in *Hispaniam* pro- fectus cum duabus sororibus viduis, *Leonora Galliarum*, & *Maria Pannoniarum* Reginis in monasterio S. *Justi* Toletanæ provinciæ, placidissimum vitæ finem con- secutus est, d. 21. Sept. A. C. 1558.

Sub hujus imperio Dei immortalis nunquam ta- cendo beneficio è densissimis tenebris lux divinæ ve- ritatis emerfit; sed (ut præter *Besoldum* conqueritur *Casaubonus Prolegomenis in Exercitat. Baronianas*) hanc felicitatem infelicitas nihilo minor ex dissen-

fione in causâ religionis est comitata. Qua ex renata sunt inter populos Europæ discordiæ implacabiles, odia plusquam Vatiniana, bella dirissima; & nulum non malorum genus. Inde illa nomina prius nunquam hoc sensu audita, *Pontificiorum* & *Protestantium*; inde studia partium non solum in vita hominum, sed etiam in scriptis palam dominantia. Inde unius & ejusdem religionis Christianæ duplex & multum diversa Theologia; in maximi quidem momenti capitibus doctrinæ, arcano providentiæ Divinæ beneficio, ut plurimum consentiens, in aliis dissidens; & in mutuam perniciem conjurata.

FERDINANDUS I. Caroli V. frater, d. 18. Martii A. C. 1558. Romanorum Imperator creatus est. In cujus tempora, inquit *Besoldus*, factio *Grumbachiana* incidit. Rectè. Nam Ferdinando adhuc vivo *Wilhelmus à Grumbach*, nobilis Francus, vasallus *Antistitis Würzburgensis*, congregatis focis, & patronum nactus *Johannem Fridericum*, Saxonie Ducem, *Johannis Friderici Electoris filium*, *Würzburgum* (cujus Episcopum *Melchiorum Zobelium* paullo ante dicebatur interfecisse) noctu effractis portis adortus, cepit & diripuit. Igitur Imperator Ferdinandus, atrocitate facti graviter offensus, mandat, ut in judicio Camerali non tam violatæ fidei erga dominum feudi insidiosè circumventum, sed & fractæ pacis publicæ reus agatur. Interea Ferdinandus moritur; ut sub *Maximiliano* demum turbæ finem acceperint, captâ ab *Augusto* Electore Saxonie (cui executio contra proscriptos demandata erat) arce *Grimmenstein*,

stein, & paulò pòst conjuratis supplicio affectis; quod factum A. C. 1567.

Obiit Ferdinandus d. 25. Julii A. C. 1564. quem hoc elogio insignit Thuanus: *Princeps prudentiâ, justitiâ, liberalitate, assiduitate, vigilantia nulli secundus.* Sed super eas omnes virtutes pietatis in illo, & pacis in domo Dei constituendæ præcipuum studium fuit. Nam ut in impetu *Turcarum*, cui impar viribus erat, sustinendo ac frangendo, morâ & arte uti, optimum factum experienciâ didicerat; sic & in religionis negotio non igne & ferro grassari, sed colloquiis & disputationibus, amicis collationibus; conciliis denique sive nationalibus, sive œcumenicis rem gerere utius judicavit. Adde *Busbequium* sub fine epist. IV. de legatione *Turcica*; & fatebere, *speculum* fuisse boni *Principis*.

MAXIMILIANUS II. Ferdinandi Imperatoris ex Anna Regina Hungariæ & Bohemiæ, F. vivo patre Rex Romanorum creatus, eidem succedit in imperio & regnis hæreditariis. Fuit magnanimus, humanus, doctus, ac magnæ prudentiæ; nec non *multarum linguarum*, Germanicæ, Latinæ, Italicæ, Gallicæ, Hispanicæ, Ungaricæ atque Bohemicæ peritus; cunctis deniq; acceptus Princeps; ut de eo scribit *Ot. à Rosberg*. Quàm averfatus sit omnem vim ac crudelitatem in causâ religionis, imò quàm ad *lancianam Parisiensem* exhorruerit, docet ejusdem epistola scripta ad *Lazarum Schuvendium*. Utitur inter alia hisce verbis: *Res pietatis gladio non volunt dijudicari, neque tractari; neque aliter sentiet quisquam, in quo*

aliquid est pietatis & honestatis ; *ullumve* pacis & tranquillitatis *studium reliquum*. Obiit hic Princeps d. 12. Octobr. A. C. 1576.

RUDOLPHUS II. Maximiliano II. ex Maria, Caroli V. filiâ natus d. 18. Julii A. C. 1552. succedit patri ; quem nemo unquam reprehendere ausus est, nisi facerrimi bellorum Germanicorum concitatores, & Circæis veneficiis dementati alastores. Talis est *Daniel Eremita*, nefarius *apostata* ; cujus verba, quæ reperiuntur in *itinere Germanico*, recitare nolo. Scilicet optimus Imperator, divorum patris & avi vestigiis insistens, consilium Christianæ pacis amplexus erat ; & ob id furiosis istis minimè placare poterat. Sed benè habet ; est enim argumentum recti, malis & malorum eximio *Danieli Eremita* displicere. Nos Rudolphum inter Heroës collocamus meritò, qui cerberorum rabiosis latratibus piissimas aures clausit ; & summâ prudentiâ cavit illud incendium, quod ejus post mortem accensum, devastavit totam patriam, nec dum cessat ; sed velut novas subinde vires acquirens, irruptionibus exterarum nationum non secus ac flatu ventorum, irritatur. Rudolphus *Turcam* potiùs, communem hostem, submovendum censuit ; quod etiam magna dexteritate præstitit, ac tandem plenus gloria, magno desiderio sui relictò, decessit d. 10. Jan. A. C. 1612.

MATTHIAS, Rudolphi II. frater, natus Viennæ in Austria d. 24. Febr. A. C. 1557. Electorum unanimi consensu Imperator Romanorum *Francofurti* eligitur d. 13. Junii A. C. 1612. & ibidem coronatur

natur d. 24. Junii. Sub eo *stupendum* illud *contigit*, quod in epitoma *Besoldus* leviter tangit: Nam die 15. Augusti vesperscente A.C. 1618. *rupes altissima Pluram* oppidum vel vicum *Rhetia*, templis & palatiis ornatum egregiè, uno momento cum *mille quingentis* hominibus obruit; nec oppiduli vola aut vestigio relicto. Ejus loco hodie apparere dicitur *lacus*, *sesqui milliari Italico* longus. Sed magis stupendum, quod eodem anno exortum *Bohemicum*, sive potius commune quoddam totius orbis Christiani *bellum*; quod in hunc usq; annum 1646. multum gaudente Turcâ geritur. Obiit Matthias d. 10. Martii A.C. 1619.

FERDINANDUS II. natus d. 9. Julii A.C. 1578. patre Carolo, Archiduce Austriæ, Ferdinandi I. Imperatoris filio, matre Mariâ *Bavarâ*, d. 18. Aug. A.C. 1619. Imperator *Francofurti* electus, & exeunte mense coronatus est. Quæ bella cum *Bohemis*, *Palatino*, *Christiano Brunsvicensi*, *Dania*, *Suecia*, & *Gallia Regibus* gesserit, sciunt omnes.

In vitâ, quam edidit *Guilhelmus Lamormaini*, notanda sunt hæc: *Viginti annorum* adolescens *Laurenti* vovit, vel cum vitæ discrimine ab acturum se à *Stiria*, *Carinthia*, *Carniola*, sectas & sectarum magistros: *Duos & quadraginta* natus annos, *Ungariæ Bohemiæq;* jam Rex & Cæsar, idem in *Bohemia*, illique regno adjunctis provinciis acturum, sanctè constanterque vovit; quod vovit, præstitit. Et absque temeritate affirmari potest, *Ferdinandi zelo* ac operâ *centies centena millia* hominum ad Ecclesiæ Romanæ gremium revocata: Adeoq; meritò Apostolicum

Imperatorem dici. Affirmabat, appetiturum se mortem libentiùs, quàm acatholicum exercitum in suo conspectu permiffurum.

B. Virgini fuorum armorum summam præfe-
cturam femper commifit; & in literis ad Duces Ge-
neraliffimam appellabat; nec fecus ab exercitu
voluit coli, quàm armorum moderatricem.
Ipfe quotidianum ei certum precum penfum perfol-
vit, dum vixit. Dixit aliquando, *nihil fe unquam à*
B. Virgine petiiffe, quod non impetrârit. Post
B. Virginem S. Ignatio fua omnia peculiari curâ com-
mittebat; ab illo fua vota dirigi, per illum Deo exhi-
beri volebat.

Romani Pontificis fânctiones arbitrabatur ve-
ritatis cortinam, ac cœli oracula. Corpus jejuniis, fla-
gellis, ciliciis caftigare arbitrabatur neceffarium etiam
iis, quos veftit purpura. Extare dicit auctor *flagel-
lum multo confperfum fanguine*, quo fluxerit, cum fe
cæderet.

A Societate, parentum ac fua voluntate, institu-
tus; fuos fratres & filios ab eâdem voluit institui. Fa-
miliariffimè cum iisdem fæpè pransus ac cœnatus, nul-
lam omifit eum ordinem vel tuendi vel exornandi oc-
cafionem. Vulgò jactatum eft, *Ferdinandi tangi oculos*
ac pupillam, cum focietas tangeretur: Non poffe ullum
focietatis hoftem cenferi, qui Ferdinando hoftis non effet:
Qui Ferdinando benè vellet, eum benè velle focietati. Di-
cebat aliquando: *Si liber effem, ut fratres mei ho-*
diè funt, focietatem Iefu omninò ingrederer!

Ean-

Eandem non *sæpe* semel *matrem suam* compellavit. Hæc & alia plura leges apud dictum auctorem. Obiit *Viennæ* d. 25. Febr. A. C. 1637.

FERDINANDUS III. Ferdinando II. natus d. 13. Jul. A. C. 1608. ex Maria Anna, Wilhelmi, *Bavariæ* Ducis, filia, Alberti nepti, Wilhelmi pronepti, Romanorū Rex eligitur d. 22. Sept. A. C. 1636. & coronatur d. 30. mens. ejusdem *vivo* adhuc *patre*. Nec multis diebus pōst in Romanorum Reginam coronata fuit Maria, Philippi III. Hispaniarum Regis filia, Philippi II. neptis, Caroli V. proneptis, quæ illi conjux. Ex hoc matrimonio nati *Ferdinandus Franciscus* d. 8. Septembr. A. C. 1633. *Philippus Augustinus* d. 15. Julii. A. C. 1637. *Maximilianus Thomas* d. 20. Decembr. A. C. 1638. LEOPOLDUS *Ignatius* d. 9. Junii A. C. 1640. *Maria Anna* d. 22. Decembr. A. C. 1635. Sed ex his *Philippus* & *Maximilianus* præmaturâ *morte intercepti* sunt.

Deus Opt. Max. hoc Principe, *verè clementi*, *placido & mansueto*; à quo ipsa *lenitas* discat *lenis* fieri, præterea *literatorum amantissimo*, rebus Romanis præsidente, imperium, quod concussum & tantum non deploratum accepit, pacatum reddat; omnia in locum suum restituat, ac reponat; eosque, *quibus in turbatis rebus, & ruinâ* tot illustrium familiarum tot regionum ac civitatum *summa voluptas* est, *forti manu compescat*. Contrâ furorem & discordiam istam *Turcis* injiciat, & victrices illis aquilas immittat in ÆTERNAM NOMINIS SUI GLORIAM!

UNIVERSALIS HISTO- RIÆ SUPPLEMENTUM.

HÆc auctor doctissimus; cujus purpuræ panni vilioris laciniam affluere cogor; uti id, quod abest huic operi, supplemento expleamus. *Maria* conjux, Hispana, filiam adhuc peperit unicam, *Mariam*, A.C. 1646. eodem decedentem anno, quo & ipsa filiorum quatuor, duarumq; filiarum mater supremum diem (13. Maji, A.C. 1646.) expleverat. *Maria Anna* desponsata d. 23. Aug. A.C. 1646. *Philippo V.* Hispaniarum Principi, hoc ipso ante nuptias defuncto, nupsit *Philippo IV.* Regi Hispaniarum, d. 8. Nov. A.C. 1649. Dein *Ferdinandi III.* matrimonium tenuit *Maria Leopoldina*, *Leopoldi* Archiducis, in *Insbruck*, filia; quam ei nuptum dedit d. 2. Jul. A.C. 1648. Hæc verò fatali partu *Carolus Josephus* edens d. 7. Aug. A.C. 1649. nonnullarum (ceum quidam referre ausi sunt) negligentia, quæ habere rationem puerperæ debebant, mortua est repentinò d. 9. Aug. anno eod. haud sine magno & acerbo dolore, quem ubiq; terrarum commoverat. In *Carolo Josepho* (cujus ut ætas sit longinquior, precamur) fulgere perhibent altam animi indolem, naturamq; pulcherrimam.

Processu temporum Imperator *Eleonoram Gonzagam*, *Caroli II.* Ducis Mantuæ filiam, secum matrimonio junxit d. 30. April. A.C. 1651. ex qua progignebantur *Teresia Maria Josepha*, d. 26. Mart. A.C. 1652. morte iterum extincta mense Maj. A.C. 1653. cùm instaret electio *Ferdinandi IV.* de qua inferiùs. Itemq;
Eleo-

Eleonora Maria, d. 21. Maji, A. C. 1653. *Maria Anna Josepha* d. 20. Dec. A. C. 1654. & *Ferdinandus Aloysius Josephus* d. 1. Febr. A. C. 1657. Sed *Ferdinandus Aloysius Josephus* pro mortali conditione brevioris vitæ, immortalitatem est consecutus d. 30. Jun. A. C. 1658.

Ad res imperii redeundum nunc est: Cum misera Germania sanguine nataret, & bellum annis tricenis se ipsum (dicente Livio) aleret; imperii CUSTOS & CONSERVATOR & PROPLIGNATOR, Ferdinandus III. cognomento vero PACIFICUS, concordia & compositionis *Osnabruccensis* auctor esse non destitit; pacificatum legati ejus venerunt, posteritatis otio consulturi: Prosperè decedentibus, & tranquillitatis mox rebus Germanis, *Osnabr.* d. 14. Oct. A. C. 1648. pax facta, & *executio* ejus impetrata fuit *Noribergæ*, d. 16. Jun. Dominica I. post Trin. A. C. 1650. Quam graciosus pacis factæ nuncius apud Imperatorem fuerit, *Illustris Dn. Ranfftius*, exercitatus legionis veteranæ ac pugnacissimæ Ductor; dona testantur amplissima: *annulus* Imp. digito detractus, *sex mille Imperialium*; & aureus torques unâ cum imperatorio numismate, magni favoris signo; cuius pretium *bis mille ducatos* æquavit. Super hæc testes pacis citamus statuam colosseam, ex marmore factam, in foro *Pragensi*; nec non in ponte Crucifixi signum ejusdem & molis & ponderis: Quæ æterna publicæ tranquillitatis monumenta Germanæ pacis firmator, Ferdinandus facienda statuendaq; curavit; ringente inter hæc, & (si possit) nocente *Innocentio X.* Pontifice: Is enim pacem Germaniæ bulla (velut ampullâ quadam

quadam projectâ) Romæ d. 3. Jan. A.C. 1651. abrogare, demoliri, deturbare quidem sustinuit; sed evertere non potuit. *Examen Bullæ Papalis* doctissimum instituit *D. Joh. Hoornbeckius*, hoc tempore Prof. Theol. Lugduno-Batavus; quem, si placet, in secunda editione vide.

Aliud ex alio mihi occurrit: Ferdinandus III. eodem animo *Ferdinandi Francisci* pater, quo erat omnium, filium hunc (quem non parum feliciter genuerat) in laborum curarumq; consortium assumpsit, electum Romanorum Regem, & unico tantum FERDINANDI IV. nomine appellatum, *Augustæ Vindelicæ* d. 24. Maji, A.C. 1653. & coronatum in Comitibus *Ratisbonæ* d. 8. (18.) Jun. A.C. 1653. Qui antè Rex *Bohemiæ* d. 8. Sept. A.C. 1646. *Hungariæ* verò d. 16. Jun. A.C. 1647. creatus fuerat. At verò, immensi Fatorum necessitate, eorundem munus implevit, & naturæ debitum maturè reddidit Viennæ d. 9. Jul. A.C. 1654.

Tandem & ipse optimus ac mitissimus pater, charus omnibus ac desiderandus, sidera tanquam suum repetiit; qui eximiis virtutibus adeò exsplenduit, quasi cæteras non haberet. Quid multis? animadvertere quivis potest, indignum fuisse tanto Imperatore mundum; quo privabatur Viennæ d. 2. April. A.C. 1657. anno ætatis 48. & plus quàm dimidio; imperii 20. mens. 3. d. 10. Id verò memorabile putabit posteritas, quod è *tribus* singulis uxoribus *tres* quoque reliquerit filios: LEOPOLDUM è *Maria*: CAROLUM è *Maria Leopoldina*: Et FERDINANDUM ALOYS. JOS. ex *Eleonora*; qui mox, ceu diximus, vitæ

vitæ sortem (post obitum patris memoriæ pientissimæ) dereliquit.

Ex hoc ipso de toto statu rerum communium cognoscebant omnes, & quem in locum deducta esset res nostra, videbant. Habebamus formam interregni; non mora: Mortis periculo patriæ & nutatione imperii *Bavaria* simul ac *Saxonia* Electores, *Ferdinandus Maria*, & *Joh. Georgius II.* imperii Romano-Germanici *Vices* in se receptas gesserunt felicissimè: Horum humeris se imperium sustentavit. *Bavaria* Electori de summa *Vicariatus* dignitate controversiam faciens Elector Palatinus, *Carolus Ludovicus*, eandem toto (quem Palatinatus inferior respicit) Rheni tractu de imperio fideliter tuendo curam egit; ceu varia (præter mutuas *Geßoldi* ac *Freheri* stricturas) recentiorum Prudentum scripta, utrobiq; excusa, & numi satis testantur. Quam litem tantum abest, ut mihi sumam, uti potius cum Cicerone *anigma Oppiorum* me non intelligere, ultrò fatear; meq; id censere dicam, quod idem ille de libro Serapionis: *Millesimam partem vix intelligo!*

Cùm verò habeat has vices conditio mortalium, uti adversa ex secundis, ex adversis secunda nascantur; post varia tandem rerum ac votorum discrimina non solum Electores judicium hominum, sed Dei etiam in consilium assumentes, LEOPOLDUM in Regem Romanorum *Francofurti* elegerunt 8. Jul. ibidem coronatum d. 1. Aug. A. C. 1658. velut *Hungariæ* Regem d. 17. (27.) Jun. A. C. 1655. nec non *Bohemiæ* d. 4. (14.) Sept. A. C. 1656. olim creatum.

Non unius judicium, illa electio fuit; nam qui ubique sunt homines, hoc idem votis expetebant, longamque huic nomini ætatem, longam gloriam nunc precantur. Benè humeris LEOPOLDI sedet imperium, cui terras, hunc terris reliquit *Ferdinandus*, ter felix ac beatus; quem *vel nominasse* (ait Jac. Balde in Templo Honoris) *sit causam vicisse!* Qui dies ille, quo redux expectatus desideratusq; urbem *Noribergam* ingressus est? Jam hoc ipsum, quod ingressus est, quàm miram lætumque? Non ætas quenquam, non valetudo, non sexus retarduit; quò minus oculos insolito spectaculo imple-

impleret. LEOPOLDUM parvuli noscere, ostentare juvenes, mirati senes; ægri quoque neglecto medentium imperio ad conspectum LEOPOLDI, quasi ad salutem sanitatemq; prorepere. Inde alii se satis vixisse, Imperatore viso; alii, nunc magis esse vivendum, prædicabant. Nostratum certè in Sacratissimum Imperatorem favor tunc statim enituit, cum illi ascendenti de more in Curiam applaudentium civium clamor ac vota, ut Imperatori, occurrerent: VIVAT, VIVAT LEOPOLDUS ! Liberum erat, ingrediente per publicum Cæsare, subsistere, occurrere, comitari, præterire; & limina templorum pariter ac arcis insidere, ad illius ingressum foribus reclusis : Profectò copiam sui, non ut imputaret, fecit. Placebat populo, placebat, per apertas fores & invitantia limina (ceu solet) irrumpenci; quòd Imperator non reverentiam terrore, sed *amorem humanitate* capteret : *Humanitate*, inquam, prorsus admiranda; qua tamen nihil majestati detrahebatur. Quem honorem artibus ac studiis, quam dignationem *bibliotheca publica* habuit ? Libros ipse tractavit, & agili versavit manu codices Latinos, Græcos, *Ebraeos*, alios : Exoticas linguas probè noverat : Latine luculenter sciebat. Ibi unà cum *Reverendissimo & Serenissimo Archiduce*, LEOPOLDO WILHELMO, literarum ac monetarum veterum diligentissimo, omnia exactissimè observavit; in *Dn Ditherrum*, Bibliothecarium longè celeberrimum, perhonorificus fuit; cumq; eo benignè ac comiter de variis sermones diu habuit, exceptus (ut limen intravit) ab eodem, velut dicendi magistro, brevi hoc, sed eleganti carmine :

Salve, Progenies Divum ! salve, inclyte Caesar !

à summo summum Numine nomen habens.

*Dum templum ingrederis Musarum, ostendis amorem
in Musas ; quarum Tutor & Altor eris.*

Hæ scribeant grata æternis Tua nomina fastis :

Ut visas seclis innumerabilibus !

Verbo dicam : AUSTRIACUS est (sat dictum !) & hoc tantum major, quò melior ! *Intelligamus ergo* (dicente hactenus Plinio) *bona nostra, dignosq; nos IL-
LIUS USU probemus !*

TABU-

TABULÆ
CHRONO-
LOGICÆ

A PRIMA RERUM ORIGI-
NE AD C. JULII CÆSARIS
MONARCHIAM.

Anni
Mūdi.

MUNDI ET ADAMI

ANNUS PRIMUS.

100--	100--	ABEL à fratre CAIN occiditur, pius ab impio.
30	SETH nascitur ex Adam annos nato 130.	
200--	200--	
35	ENOS nascitur ex Seth annos 105. nato.	
300--	300--	
26	CAINAN nascitur ex Enos jam nonagenario.	
95	MAHALALEEL nascitur ex Cai- nan jam septuagenario.	
400--	400--	
61	IARED nascitur ex Mahalaleel habente annos 65.	
500--	500--	
600--	600--	
23	HENOCH nascitur ex Iared, nu- merante annos vitæ 162.	
88	MATHVSALEM nascitur ex He- noch habente annos 65.	
700--	700--	
800--	800--	
75	LAMECH nascitur ex Mathusa- lem jam habente annos 187.	
900--	900--	
	30	ADAM moritur.
	87	HENOCH transfertur in coelum, cum in terra vixisset annos 365.
1000--	1000--	

57	NOAH nascitur ex Lamech.	42	SETH moritur annos natus 912.
1100--		1100--	
		40	ENOS moritur natus annos 905.
1200--		1200--	
		35	CIAINAN moritur annos na- tus 910.
		90	MAHALAEEL moritur natus annos 895.
1300--		1300--	
1400--		1400--	
		22	IARED moritur natus annos 962
1500--		1500--	
58	SEM nascitur & post eum fratres ejus duo. CHAM & IAPHET. <i>Sem</i>		
1600--		1600--	
		<i>Arphaxad</i>	
		<i>I</i>	
57	DILVVIVM.	51	LAMECH moritur natus annos 777.
		<i>Sala</i>	
		<i>I</i>	
1700--		56	MATHVSALEM moritur annos natus 969.
		<i>Heber</i>	
		<i>I</i>	
		<i>Phaleg</i>	
23	HEBER Semi pronepos nascitur ex Salah.		Nimrod putatur coepisse.
		88	
57	Turris Babel circa hoc tempus cre- ditur constructa, unde sequuta dispersio gentium.		
			<i>Regu</i>
			<i>I</i>
			<i>Sarug</i>
			<i>I</i>
1800--		1800--	
			<i>Nahor</i>
		43	BELVS I. Rex Assyrioru.
		61	<i>Aegialeus</i> I. Rex Sicyonis.
1900--		1900--	
			<i>Thara</i>
			<i>I</i>
			<i>Abraham</i>
58	ABRAHAM nascitur ex Thara jam septuagenario.	8	NINVS Beli filius Rex Assyrioru.
			<i>Europ</i> II. Rex Sicyonis. Zoroastres
		13	Rex Bactrianorum hostis Nini.
		58	SEMIRAMIS uxor Nini defuncto marito regnat annos 42.
		73	<i>Telchin</i> III, Rex Sicyonis.
2000--		2000--	

Anni Mūdi.	SACRA.	Anni Mundi	EXTERNA.
2001--		2001--	NINYAS Nini & Semiramidis f. Rex Assyriæ.
24	ABRAHAM ante quadriennium ex Vr Chaldæorum in Haran Mesopotamiæ cum patre pro- fectus, divino jussu migrat in Chananaeam.		Ægyptum jam inde ab Abrahami temporibus reges suos habuisse ex S. litteris certum : Origo re- gni incerta.
34	Circumcisio instituitur. Sodoma & Gomorrha intereunt.		
94	ISAAC nascitur Abrahamo jam centenario ex Sara nonagena- ria.	2050--	
2050-			
86	Sara moritur, cum vixisset annos 127.		
98	Isaac Rebeccam 40, annos natam ducit uxorem.	93.	INACHVS conditor regni Argi- vorum.
1100-		2100--	
9	IACOB & ESAV nascuntur Isaa- co sexagenario ex Rebecca.	30	OGYGES Bœotia Rex Eleusinen in Attica aliasq; urbes condit.
24	Abraham moritur, cum vixisset annos 175.		
		43	Phoroneus II. Rex Argivorum fil. Inachi.
2150-		2150--	
59	SEM moritur, cum vixisset an- nos 600.		
		55	Diluvium Ogygium.
86	Iacob fratris insidias veritus, fugit in Mesopotamiam ad avuncu- lum Labanum.		
2200-		2200--	
6	Iacob in Chananaeam revertens luctatur cum Angelo.	4	Apis III. R. Argivorum. Sparta conditur à Sparto Phoronei filio.
29	Isaac moritur, cum vixisset an- nos 180.	12	Memphis in Ægypto conditur ab Ape.
39	Iacob fame urgente cum familia migrat in Ægyptum.	38	Argus IV. Rex Argivorum.
2250-		2250--	
56	Iacob moritur in Ægypto, cum vixisset annos 147.		
2300-		2300--	

9 Ioseph moritur anno vitæ 110. ex-
pleto. *Finis libri I. Moſis.*

IOBVM ſingulare fortitudinis &
patientiæ ſpecimen ad hoc æ-
vum referunt nonnulli.

Criafus V. Rex Argivorum.

*Oenotrii ex Arcadia patriâ ſuâ in
Italiam veniunt, poſt Aborigi-
nes dicti.*

2350--

2350

70 AARON nascitur ex Amram ne-
pote Levi.

Phorbas VI. R. Argivorum.

94 CECROPS I. Rex Athenien-
ſium.

73 MOSES nascitur.

97 Triopas VII. R. Argivorum.

2400--

2400

1 IOSVA nascitur.

19 Diluvium ſub Deucalione in
Theſſalia.

30 TEVCER primus in Troade
regnat.

43 Crotopus IIX. R. Argivorum.

44 Cranaus II. Rex Athen.

2450--

2450

53 EXITVS ISRAELITARVM
ex Ægypto.

53 Amphictyon III. Rex Athen.

62 Erichthonius IV. Rex Athen.

34 Hinc incipit Leviticus complectens
hiſtoriam menſis unius. Hunc
excipit immediatè lib. Nume-
rorum complectens hiſtoriam
annorum 38. menſ. 9. dierum 20.
Duorum menſium ultimorum
hiſtoriam addit Deuteromiũ.

64 Sthenelus ultimus Inachidarum
IX. Rex Argivorum.

93 Aaron & Moſes moriuntur. IO-75
SVA ſuccedit. *Finis V. libb.
Moſis.*

71 Dardanus poſt Teucrum in Troa-
de regnat.

Danaus pulſo Gelanore X. Rex
Argivorum.

Initium *γεωργίας* & primæ heb-
domadis annalis in Chanaanæa.

2500--

2500

Anni Mūdi.	JUDIC. HEBR.	Anni Mūdi.	EXTERNA.	Ante Chr.
2501--		2501-		
10	OTHONIEL, judex annis 40. Liberat populum à servitute Cusan Regis Mesopotamiæ.		CADMVS è Phœnicia literas infert in Græciam.	
		13	<i>Pandion</i> V. R. Athenarum.	
		20	MINOS regnat in Creta.	
		36	<i>Erichthonius</i> Dardani fil. III. Rex Trojanus.	
51	EHVD annis 80. Liberat popu- lum à servitute Eglonis re- gis Moabitarum.			1400
		53	<i>Erechtheus</i> VI. R. Athen.	
		66	<i>Abas</i> XII. R. Argivorum.	
		82	<i>Tros</i> <i>Erichthonius</i> fil. IV. à Teucro, Trojani nominis auctor.	
		85	<i>Tantalus</i> Phrygiæ R. pater <i>Pe- lopi</i> .	
2600--		2600-	<i>Pelops</i> in Græciam trajicit.	
		6	<i>Acrisius</i> ult. R. Argivorum. Hujus ex Danae filia nepos <i>Perseus</i> regnum transtulit <i>Mycenæ</i> .	
		25	IANVS I. Rex Latii.	
31	DEBORA & BARAC annis 40. Liberant populum à jugo <i>Iabin</i> regis Cananæ.			
		31	<i>Ilus</i> Troi fil. conditor Ilii.	
		37	<i>Sthenelus</i> Persei fil. Rex Myce- narum.	1300-
		40	<i>Saturnus</i> Latii Rex.	
		45	<i>Eurystheus</i> Stheneli f. Rex My- cenarum	
		58	<i>Picus</i> in Latio Saturno succe- dit. <i>Atlas</i> .	
		70	<i>Laomedon</i> Ili fil. VI. Rex Trojæ, ab HERCVLE occisus.	
71	GIDEON annis 40. Liberat populum à jugo Madiani- tico.			
		78	ARGONAVTARVM expedi- tio in Colchidem. <i>Orpheus</i> . <i>Atreus</i> & <i>Thyestes</i> Pelopis filii Mycenis regnant. <i>Dædalus</i> .	
		95	<i>Fæunus</i> Pico in Latio succedit. <i>Linus</i> .	
2700--		2700-		

10	ABIMELECH fil Gideonis, principatum 70. fratrum par- ricidio partum gerit annos tres.		<i>Musæus.</i> <i>Amphion.</i>	
13	THOLA annis 22.	15	<i>Priamus</i> Laomedontis fil. ult. R. Trojæ.	
36	IAIR annis 22.	16	THESEVS alter Athenarum conditor, Rex X.	
		39	<i>Latinus</i> Aboriginum Rex Fau- no succedit.	
58	IEPHTHE liberat populum à servitute Ammonitica. Iu- dex annis 6.	53	<i>Agamemnon</i> Rex Mycenarum, fil. Atrei.	1200.
65	ABESSAN annis 7.	67	TROIA capta & everfa.	
		68	<i>Ægysthus</i> Thyestis f. Rex My- cenarum.	
72	ELON annis 10.	75	<i>Orestes</i> Agamemnonis fil Rex Mycenarum. <i>ÆNEAS</i> <i>Lati-</i> <i>no</i> socero succedit.	
81	ABDON annis 8.	81	<i>Iulus Ascanius</i> patri <i>Æneæ</i> suc- cedit in Latio.	
89	SAMSON annis 20.		<i>Alba Longa</i> ab <i>Ascanio</i> con- ditur.	
2800-		2800-		
9	ELI sacerdos & iudex annis 40.	20	<i>Sylvius</i> Ascanii fil. in Latio <i>Al-</i> <i>bæ</i> Rex.	
			<i>Tisamenus</i> & <i>Penthilus</i> Orestis fi- lli regnant Mycenis.	
49	SAMVEL propheta & iudex.			1100.
79	SAVL Rex. INITIVM RE- GNI IN POPVLO ISRAEL.	47	HERACLIDARVM reditus in Peloponnesum, quo extin- ctum regnum <i>Mycenarum</i> & exortum <i>Laeonicum</i> .	
89	DAVID regnare cœpit in He- bron, <i>Isboseth</i> <i>Saulis</i> f. regni æmulus.	81	CODRVS ult. Rex Athen. in prælio cæditur <i>Finis regni</i> <i>Atheniensis</i> . <i>Sequuntur</i> <i>Ar-</i> <i>chontes</i> perpetui XIII. quorum primus <i>MEDON</i> .	
96	DAVID regnare cœpit in Hie- rusalem.			
2900-		2900-		

Anni Mūdi.	SACRA.		EXTERNA.		Ante Chr.
1901-		2901-			
19	David ob rebellem filiū, exul.	7	IONVM colonia in Afiam migrant.		
29	SALOMON, annos 40.	21	Hiram Rex Tyri, filius Abibali.		
32	Templi Hierosol. fundamenta iacta.	31	Alba Sylvius Rex Albanus in Latio.		
40	Encænia templi.				
	<i>Reges Juda.</i>		<i>Reges Israel.</i>		
69	ROBOAM, 69 annis 17. <i>Sesak R. Egy- pti diripit tem- plum Hierosol.</i>	1	EROBOAM Ephraimita primus Rex Israel.		1000
86	ABIAM an- nos 3.	90	NADAB fil.		
89	ASSA an- nos 41.	91	BAASA annos 24. excidit o- mnem domum Hieroboami.		
3000-		3000			
			HOMERVS.		
3	Assa Zeram Æthiopē vincit.	14	ELA, fil.	5	Ithobaal Rex Sidonis & Tyri pater Iezabelis.
		15	ZARI, d.	7.	Benhadad Rex Damascus floret.
			AMRI & TIBNI.		
		19	AMRI solus	14	Capetus II. Albæ Rex.
			condit SA- MARIAM.		
30	IOSAPHAT fil annos 25.	26	ACHAB fil. maritus Ie- zabelis Sido- niæ.		
			ELIAS Pro- pheta prodi- re cœpit.		
		46	OCHOZIAS fil.		
		48	IORAM frater Ochoziæ.	52	Pygmalion R. Tyri & Sidonis.
52	IORAM fil.		Elia in cœlum rapto succe- dit ELISÆ- VS.	53	Hazael Rex Damascus.
59	OCHOZIAS fil.				

		60	IEHV excidit	LYCVRGVS floret Spartæ.	
60	ATHALIA		domum A-		
	mater Ocho-		chab.	67	Karthago à Didone conditur.
	ziæ, filia A-			77	SARDANAPALVS ultimus
	chabi regnū				Rex Assyriorum à Nino de-
	occupat.				scendentium perit. Regnum
66	IOAS fil, O-				invadit Arbaces Mediæ præ-
	choziæ, an-				fectus.
	nos 40.			87	Aventinus Albæ Rex in Latio.
		88	IOACHAS fil.		
			annos 17.		
3100-		3100		3100	
		3	IOAS fil.		
6	AMASIAS fil.			7	Benhadad fil, Hazael Rex Da-
	annos 29.				masci.
		13	Elisæus obit.		
		21	IEROBOAM		
			II. fil.		
				24	Proca Sylvius Rex Albæ.
38	AZARIAS qui		Ionas Propheta		
	& Vzias, fil.			37	Caranus Heraclida Argis Mace-
	annis 5.				doniam petit, ibiq; regnum
	Hoseas prophe-				auspicatur.
	ticum munus			47	Amulius R. Albæ in Latio.
	obire cœpit.				
	Ioel Propheta.				
	Amos Prophe-				
	ta cœpit.	75	ZACHARIAS		
			menses 6.	74	OLYMPIADVM initium.
		76	SELLVM m. 1.		Phul Rex Assyriæ floret.
	Iesaias Prophe-		MENAHM		
	ta cœpit.		annos 10.	89	Numitor avus Romuli Rex Al-
		88	PEKAIAH an-		bæ. Teglat Phalasar R. As-
90	IOATHAM		nos 2.		syriæ.
	fil.			95	Alcmaeon ultimus Ἀρχων per-
		90	PEKAH an-		petuus Athenis, sequuntur
	Micha Prophe-		nos 20.		decennales, quorum primus
	ta.				CHAROPS.
				97	ROMA CONDITA VI. O-
					lympiad anno 3. secundum Var-
					ronem.
3200-		3200		3200	

Anni Mūdi.	R. JUD. REG. ISR.	Ol GRÆC.	A. ROM. V.	VARIA.	Ante Chr
3201-					
6	ACHAZ <i>Vocat in aux. Te- glathpa- lassarem R. Assyr. contra Re- zin.</i>	6. Fekah & Rezin Sy- ria R. obfi- dent Hie- rosolymā. 20. HOSEA Rex ult. Salmanassar R. Assyria capit Sama- riam. X. tri- bus abduci. Finis Regni Israel.	9 Bellū Mes- senium I. E- phori primi in rep. Spartana creantur. 11. Syracusæ condita ab Archia Co- rinthio. 14. Bellū Mes- senium fini- tur capta à Spartanis I- thome. 17. Corcyra conditur à Corinthis. 20. Tarentū conditur à Spartanis. 23. Post Ery- xiam ult. de- cennalē Ar- chontes IX- viri annui Athenis cre- antur. 24. Bellū Mes- senium II. duce Aristome- ne heroe fortissimo. Archilous poeta floret. 27 Bellū Mes- seniū II. fi- nitur, expu- gnata à Spar- tanis Irā. 30. Cypselus Corinthis do- minatur. 31. Zaleucus Legislator Locrensis in Italia.	NABONAS SAR R. Ba- bylonis. 26 T. Ta- tius à Ro- mulo in societate regni re- cipitur. Merodac fil. Baladan R. Babyl. Sennacherib R. Assyria. Asarhaddon fil. R. Ass. Gyges occi- so Gandau- le. Heracli- da R. Lydia. <i>Initiū histo- ria Herodoti.</i> Dejoces R. Media. Psamitichus R. Egypti. Phraortes R. Media.	
22	EZECHI AS fil.				
36	<i>Ierusalem ab exercitu Sen- nacheribi obsessa libe- ratur divinitus.</i> NAHVUM Propheta. TOBIAS in Media floret.		40. N V M A Pompili- us R. II.		
51	MANASSES fil. <i>Manasses ob impietatem ab Assyriis in captivi- tatem abducitur, & post resipiscentiam in re- gnum restituitur.</i> Holofernes ab Iudi- tha occiditur.				
3300-			83. TVL- LVS HO- STILIVS R. III. 89. Alba Longa de- letur à Ro- manis. Cmus. An- nus urbis.		

700

3301 --	6 AMMON fil.	38. Periander Cypseli fil cœpit apud Corinth.	115. ANCVS MARTI- VS R. IV.	Cyaxares R. Mediæ. Nabopolassar R. Babyl.
8	IOSIAS fil. annos 31.	39. Draco ἀρχων le- ges fert A- then.		Necao fil. R. Ægypti.
20	IEREMIAS cœpit docere. SOPHONIAS συγγραφεύς Iere- miæ.	42. Alcman Lyricus flo- ret.	139. TAR- QVINI- VS PRI- SCVS R. V.	Alyattes R. Lydiæ pater Crœsi.
39	IOACHAS fil. mens. 3. IOIAKIM frat. depor- tatur Babylonem. DANIEL Babylonem abducitur.	45. Pherecy- des Syrus florete. Alcaus. Sappho.		Nebucadn. R. Bab. cædit Necao regē Ægypti ad Euphratē.
3350 --	IECHONIAS fil. post m. 3. abducitur Ba- byl. cum 20000. ca- ptivis, in quibus E- ZECHIEL. Initium captivit, Babyl. Suc- cedit patruus ZE- DEKIAS.	46. SOLON ἀρχων A- then. no- vis legibus remp con- stituit.		Plammis R. Ægypti. Apries R. Æ- gypti. Astyages ult. R. Mediæ.
60	Hierosol. à Nebucad- nezare occupatur Zedekias excæcatus Babylonem ducitur, deletur templum.	48. Periander obit, cum quo Mo- narchia a- pud Corin- thios desi- nit.	172. SER- VIVS TVLLI- VS R. VI.	Amasis occ. Aprice cœ- pit in Æg. Evilmerodach fil. R. Bab.
	<i>Finis Regni Iudæ.</i>	52. Phalaris tyrannus Agrigenti- nus.		Niriglissoor gener Neb. R. Babyl.
86	Iechonias Babylone è carcere eductus & in honore habitus ab Evilmerodacho.	53. Pisistra- tus tyrannus in vadit A- thenis.		Cyrus cœpit in Persia.
		54. Æso- pus ne- catur à Delphis.	CC annus urbis	Laborosoar- chodus, Da- nieli Belsa- zar R. Bab. m. 9. Huic trucidato suc- cedit Nabo- nidus, Da- nieli Darius Medus.
		Stesichorus poëta o- bit.		Amyntas Ma- ced. R.
3400 --		57.		Astyages Me- diæ R regno & vita exui- tur à Cyro.
				<i>Finis Regni Medorum.</i>

Anni Mūdi	PERSICA.	OL. GRÆC.	A. V. ROM.	VIR. IL.	VAR.	Ante Chr.
2401-		58		Theognis flore.		
		59		THALES		
9	Cyrus Nabonidum vincit.	<i>Pisistratus</i> de- nuo ab exi- lio redit A- thenas & do- minatum si- bi firmat.		obit. Anaximā- der obit.	CROE- SVS à Cyro vinci- tur.	
11	Babylon ca- pitur à Cy- ro.		221. TARQVI- NIVS su- perbus R. ult.	Hippo- nax. <i>Pythagoras</i> flore.		
19	Cyrus solvit capt. Babyl. Iudæorum.	62. <i>Pisistratus</i> obit, succedit <i>Hip- pias</i> fil. <i>Poly- crates</i> rerum		Xenopha- nes Co- lopho- nius.	<i>Finis Re- gni Ly- dorum.</i>	
21	CAMBYSES Cyro patri succedit.	potitur in Samo Insu- la.		Simoni- des Ce- us, Ly- ricus.	<i>Amasis</i> R. Æ- gypti obit.	
25	<i>Cambyfes</i> Æ- gyptum in- vadit.	65. <i>Polycrates</i> Sami- orum tyran- nus interfi- citur.		Phocyli- des.	Hujus fi- lium <i>Psam- menitus</i>	
28	MAGIDVO, menses VII.			Anacre- on.	<i>sextū jā mē- se re- gnan- tem e- vertit Cam- byfes.</i>	
29	DARIVS Hy- STASPI- DES.	67. <i>Hipparchus</i> <i>Pisi- strati</i> f. ab Harmodio & Aristogitone cæditur.		Anaxime- nes na- scitur.		
36	Babylonē re- bellem per Zopyrū re- cipit Dari- us.			Epichar- mus <i>Py- thagora</i> <i>auditor.</i>		
	Darii in Scy- thiam ex- peditio in- felix.	<i>Hippias</i> Athe- nis pulsus fu- git ad Dariū.	245. REGIFV. GIVM.	PINDA- RVS na- scitur.		
	Megabazus Thraciā & Macedoni- am Darii imperio subjicit.	69 Bellum inter Athen. & Æ- ginetas.	Primi- Coss. <i>Porfena Clu- sinorum</i> <i>Regulus</i> <i>Tarquini- os reducere</i> <i>conatur.</i>	ÆSCHY- LVS na- scitur.	Alexan- der A- myn- tæ f Rex Ma- ced.	
		70 Milesii & Iones à Persis de- ficiunt.		Heraclitus Ephe- sius. Zeno Ele- ates. Anaxago- ras na- scitur.		
2450-						500

3451-		Sardes ab Io- nib& Athen. captæ incen- duntur.	256. Primus dictator T. Lartius Flavius.		
56	Ionum classis à Persis dis- sipatur, o- mnesq; eo- rum urbes subiguntur.		260 Primi Tribuni plebis.	SOPHO- CLES nascitur.	Gelo R. Syracu- lanus coepit.
60	Darius classē DC. trire- mum mit- tit in Græ- ciam.	72 PVGNA MA- RATHO- NIA.	264 C. Mar- cius Corio- lanus in exiliū a- ctus.		
65	XERXES so- lus, defun- cto patre.		268. Lex a- graria à Sp. Cassio promulga- tur.	Miltiades Themis- tocles.	
70	Trāsitus Xer- xis in Euro- pam. Hester Xerxi è Græcia re- verso ad- ducitur.	75. PVGNA SALAMI- NIA. Mar- donius ad Platæas, à Pausania & Aristide vin- citur & oc- ciditur.	270. Bellum Veiens diu- turnum cui Æqui, Volsi, He- trusci se miscuerūt.	EVRIPI- DES na- scitur.	Hiero Syracu- sis suc- cedit fr. Geloni.
			277. CCCVI. Fabii per- iere ad Cremerā.	Democri- tus na- scitur.	
80	Cimon Miltia- dis f. cadit Persas ad Eu- rymedontem fl. terra ma- rique.	77 Themistocles ex- ul Argos & post ad Persas abit. Bellum Messeni- um III, an- nos 10.		SOCRA- TES na- scitur.	Syracu- sani Thra- sybulo Hiero- nis suc- cessore expul- so se in liberta- tem as- ferunt.
86	ARTAXER- XES μα- κρόχρε.	78 Pausanias prodi- tionis damna- tus fame ne- catur. Græcia externo metu liberata, ad domestica bella paulla- tim arma con- vertit.	CCCmus Vrbis Le- gati in Græciam missi co- gnoscen- darum le- gum er- go. Xviri cre- antur.	Cratinus. Bacchyli- des.	Perdic- cas R. Mace- doniz.
3500--		82			450

Anni Mūdi.	PERSICA.	OL. GRÆC.	A. ROM. V.	VIR. C.	VAR.	Ante Chr.
3501 --		<i>Cimon Persas in Cypro terra ma- rig, vincit & ad pacem faciendā adigit Artaxer- xem.</i>		<i>Cimon in Cypro o- bit.</i>		
		<i>83. Athenienses in Italiam ad Thurium in- staurandū co- lonos mittūt, in quibus HE- RODOTVS.</i>	<i>309. Rogati- ones Cantu- leja de con- nubio patri- ciorum & cōsulatu cū plebe cōmu- nicando.</i>	<i>Empedo- cles. Protago- ras. Melissus Parmeni- dis audit.</i>		
26	DARIVS NO- THVS fil.	<i>87. BELLUM PELO- PONNESIA- CI initium.</i>	<i>310. Primi Tribuni militares Cōspote- state.</i>	<i>L. Quincti- us Cin- cinnatus Dictator.</i>	<i>Archela- us R. Ma- ced de- functo Perdic- ca.</i>	
	<i>Edictum Cyri de instaurā- do templo Hierosol. re- novatur à Dario.</i>	<i>89. Induciæ in 50. an- nos inter Athen. & Spartanos ini- ta, post 8. annos dissoluntur.</i>	<i>311. Primi Censores. 315. Sp. Me- lii seditio opprimitur.</i>	<i>Isocrates nascitur. Gorgias. Prodicus. Hippocrates.</i>		
	<i>Initium heb- domadum Danielis.</i>	<i>316. Veientes à Romanis deficiūt au- ctore Larre Tolumnio.</i>	<i>316. Veientes à Romanis deficiūt au- ctore Larre Tolumnio.</i>	<i>Thucydides. Periclus obit. Plato nasc. Haggæus & Zacharias vaticina- ri incipi- unt.</i>		
32	Encæniam tem- pli.	<i>90</i>				425
38	Ægyptus à Persis defe- cit, duce Amyrtæo.	<i>91. Athenienses ab Egestanis exciti classē contra Syracusanos mit- tunt, ducibus Alcibiade, Ni- cia, Lamacho.</i>	<i>330. Induciæ 20. annorū data Vejen- tibus.</i>			
39	Fœdus iſtum inter Sparta- nos & Persas.	<i>Atheniensium cla- des ad Syracu- sas.</i>	<i>336. De quæ- storibus promiscuè ex patribus & plebe creandis plebi con- cessum.</i>	<i>Alcibiades absens fa- crilegii da- mnatus fugit La- cedæmo- nem.</i>		
45	ARTAXER- XES <i>μνήμων</i> fil.	<i>Athenæ capi- untur à Lyfan- dro.</i>		<i>Alcibiadis gloriosus in patriā reditus.</i>	<i>DIONY- SIVS tyrāni- dem in- vadit Syracu- sis, eāq; tenet annis 38.</i>	
49	<i>Cyri ἀντίβα- σις contra fr. Artaxerx.</i>	<i>Finis Belli Pello- ponnesiaci. XXX. Tyranni Athenis Thra- sybulo ejici- untur.</i>	<i>351. Veji à Romanis obsiden- tur.</i>	<i>Sophocles & Euripi- des obe- unt. Malachias. Euclides. Xenophon. Ctesias Cnidius.</i>		
550 --		<i>95.</i>				400

ESRA per-
missu Re-
gis Hie-
rosolymā
proficisci-
tur.

95. Agesilaus
Spartanus,
dux belli in
Asiam mit-
titur.

360. VEII ca-
pti à Dict.
M. Furio Ca-
millo.

Socrates bi-
bit citu-
tam.
Aristopha-
nes fl.

64

N E H E-
M I A S
Hierosol.
profectus
mœnia
urbis in-
staurat.

Spartani ad
Leuctra à
Thebanis plu-
res à paucio-
ribus vincū-
tur duce E-
PAMINON-
DA.

380. *Ἀναρχία*
V. annorum
ob legem tri-
buniciam de
altero cos. ex
plebe desi-
gnando.

ARISTO-
TELES
nascitur.

Evago-
ras cœ-
pit in
Cypro.

Nectane-
bus R.
Ægypti
cœpit.

Artaxer-
xes bello
Ægypti-
os inva-
dit.

103

390. Primus è
plebe cos. L.
Sextius.

Dionysi-
us mo-
ritur,
succedit
Diony-
sius ju-
nior.

104.
Prælium ad
Mantineam
cum Laced.
& Arcadi-
bus, in quo
occumbit
victor EPA-
MINON-
DAS.

*Finis creandorum
tribunorū mi-
litarium con-
sulari potesta-
te.*

Agesilaus
R. Spart.
obit.

89

A R T A-
X E R X E S
O C H V S.

105. Templum
Ephesinū ab
Herostrato
incenditur.

394. M. Curtius
in voraginem
se precipitat
pro rep.

Democritus
obit. XE-
NOPHON
obit Co-
rinthi.

PHILIP-
PVS A-
myntæ
fil. R.
Mace-
doniæ.

106. Bellū fa-
crū noven-
nale inter
Phocenses
& Bæotos
cœpit.

400. Primus è
plebe Dicta-
tor C. Mar-
tius Rutilus.

Theopom-
pus Chi-
us.

Ephorus
Cumæus.

D I O N
Syracu-
sis poti-
tur.

Anni Mūdi.	Ol	PERS.	Ol.	MACED.	A. ROM. V.	VIR. IL.	VAR.	Ante Chr.
3601--			108.	Philippus Olynthū do- lo capit.			Neētane- bus Rex Egypti fugit e regno. Ægy- ptus to- ta redit ad Per- sar.	
11	110.	ARSES penit Rex Persarum.	109.	Philippus Græcorum con- sensu territus By- zantium oppu- gnare desistit, fœdus init cum Atheniensibus.	413. BEL- LVM SA- MNITI- CVM ob Campa- nos cœ- pit.			
14	111.	DARIVS CODO- MANNVS ult. R. Pers				Menander Comicus nascitur. Ol. 109.		
16		Clades Persa- rum ad Gra- nicum. Clades altera ad Issum.	110.	Philippus Athenienses vincit ad Cha- roneam.	416. Bellum Latinū ob postulatam consulatus & senatus communicationem.	Euclides.	Dionysius Tyrā- nus Sy- racusa- nus Co- rinthi e- xul.	
17	112.		111.	Alexander M. cœpit in Macedonia. Alex. Tyrum cap. Hierosoly- mis sacrificat. Alexandriam condit.			Templū in mon- te Gari- zim stru- itur.	
20		Clades ultima ad Arbela: oc- casus Persici imperii, Initium Monarchiæ Alexandri M.				Diogenes Cynicus obit. Ol 114.		325
2	114.	Alexander obit cuius im- perium post civiles Ducum dissensiones tandem in IV. regna distractum.			234. Pactio Caudina.	Aristoteles & Demo- sthenes decedūt. Ol. 114.		
	ÆGT- PTI	ST- RIÆ & B A- BYL.	ASIAE.	MACE- DONI- Æ.	442. XXX. millia Sa- mnitium caduntur ad Male- ventum.	Theo- phrastus,	A G A- THO- CLES Syracu- sas cœ- pit.	
28	PTOL. LAGI fil.		Asia po- titur. Domina tu Cas- sanari liberat Athe- nas per filium Deme- trium policor- cetem.	Aridæo Alexad. fratri succedit. cui Per- diccas curator datus. Cassan- der An- tipat. f Athen. capit. Maced. potitur.			Agatho- cles bellum trans- fert in Africā	
38	Capit & affligit Hiero- solyma.	Se- leu- cus Ni- ca- tor.			445. Bellum Hetruscū cœpit.	Xenocra- tes obit Ol. 116.		
45	118. Hoc anno omnes Alex- andri su- ccessor							
50				es regiū sibi nom- en & insigni- a sumunt.		Demetrius fugit.		300

		Demetrius Athenis iterū potitur. Occupat Macedoniam & Graciam totam. Pellit Pyrrhū Thessaliam invadentē. Victus à Seleucis capto Demetrio Rex etiam Asiae.	Cassander Rex obit, post quē de regno variē certatur, successio tandem stetit in Demetrii posteris. Macedonia De metrio eripitur à Pyrrho, & huic à Lysimacho,		Megasthenes Persa	
123. 65 Ptol. Philadelphus		Extremum praelium inter duces Alex. M. Seleucum & Lysimachum, in quo hic occumbit. Seleucus Ptol. Cerauni insidiis oppressus, regnum Maced. quod Lysimacho eripuerat, cum vita amittit.	Antigonius II. Gonatas, Demetrii Poliorc. filius.	264. De bellatur tandem cū Samnitibus & fœdus renovatur.	Timæus fl.	Athena dejecto Demetrii praesidio libertatē recuperant.
				472. Belli Tarentini initium cum PYRRHO rege.	Berosus Aegyptius.	Galli templū Delphicum spoliant. In Asia trajiciunt.
					Epicurus obit Ol. 127.	
				482. Dedito Tarento bellum finitur.	Manethos.	Initium societatis & reip Achaeorum.
127. S. Scriptura in Gr. linguā vertitur à LXX. interpret.		ANTIOCHVS Σωτήρ Seleuco patri succedit. ANTIOCHVS Θεός.	Gallio-Gracis debellatis, Athenas capit.	490. BEL LV M PVNI CVM I. coepit.	Aratus Sicyonius ejecto tyrāno patriam Achaeorum reipub. jungit.	Hiero R. Syracusarum.
3700--		Parthi duce Arsace à Syro-Macedonibus deficiunt.				

275

250

Anni Mūdi.	Ol. ÆG.	SYR.	MAC.	A. ROM. V.	VIR. C.	VAR.	Ante Chr.
3701--			DEME- TRIVS Antigo- ni Go- natæ fil.			<i>Apollonius Rhodius Callima- chi disci- pulus.</i>	
	133. 4 Ptol. III. Everge- tes.	Seleucus II. Cal- limicus, Thei fil.	Aratus Si- cyonius Corinthiū expulso Macedo- nico præ- sidio A- chaorum reip. jun- git.	512. C.LV- TATIVS Catulus Cos. rœ- nos vin- cit ad Ægates.		Attalus Pergame- nus occa- sione belli inter Se- leucum Callimicu & Anti- ochum Hieracem fratres, res suas in A- sia auget.	
		Antiochus Ἰεραξ regi fra- tri bellū infert o- pe Gal- lorum.		Finis I. Belli Punici.	M. Livius Andro- nicus ENNIVS nascitur. V.C. 515. I. SIRA- CIDES venit in Ægy- ptum.		
3730	140. Ptol. IV. Φιλοπά- τωρ.	Seleucus Cerau- nus f.	ANTI- GONVS III. Δώσω	519. Tem- plum Ia- ni secun- do clau- ditur.		Chrysippus Stoicus, Clean- this di- scipu- lus.	
		Antiochus M. Cal- limici f.	PHILIP- PVS II.	536. BEL- LVM PV- NICVM II. cœ- pit.			225
			Aratum Sicyoniū veneno perimit.	542. Syracu- sæ capi- untur à M. Mar- cello.	Archime- des perit.		
	144. Ptol. V. Epi- phanes.	Iudæam & Syriæ urbes Ptolomei pos- sessas occu- pat.		552. BEL- LVM PV- NICVM II. fini- tur.	Polybius nascitur. Olymp. 143.		
	Iudæam & Syriæ ur- bes An- tiocho a- dimit.			554. Bellū Macedo- nicum I.	Nævius o- bit. Ol. 144.		
3780--							

145.	Iudæi Ptolomæi præ- sidium arce Hi- eros. ab Antio- cho ad- iuti de- jiciunt	Antiochus urbes Sy- riæ recu- perat.	Philippus ad Cy- nosce- phalas vinci- tur à T. Quin- ctio Fla- minio.	558. Philip- po Mace- donico pax, Græ- ciæ liber- tas reddi- tur à Quin- ctio.	Plaurus o- bit. V.C. 554.	Attalo Perga- meno succe- dit En- menes.
		Vincitur ad Ma- gnesiam à L. Sci- pione Cos. Rom. <i>Seleucus</i> <i>Σωτῆρ</i> <i>ἔ Φιλο-</i> <i>παιτῶρ.</i>		563. Bellum cum An- tiocho cœ- pit.	Panætius Stoicus.	
3770--	150. Ptol. VI. <i>Φιλομή</i> <i>τῶρ.</i>	Antiochus Epiphanes, fil. Ma- gni. Idolum in templo Hieros. collocat. <i>Antiochus</i> <i>Eupator</i> fil. Epi- phanis. <i>Demetrius</i> Soter fil. Seleuci. <i>Alexander</i> Bala in- furgit contra Deme- trium, Epipha- nis sup- positi- tius.	Perseus cœpit.	575. LEX VILLIA annalis, præ- figens annos ætatis Can- didatis Ma- gistratum.	St Cæcili- us Co- micus.	Hannibal apud Prusi- am Bi- thyniæ Regē, veneno semet interi- mit.
	151. Templū Heliopo- li. Strui- tur à Iu- dæis au- ctore O- nia.		Perseus vincitur.	583. Bellum Macedo- nicum II.	Crates Mallotes.	
			Finis Re- gni.	586. L. Æ- milius Paulus delet re- gnum Macedo- nicum.	Ennius mo- ritur.	Iudas Macca- bæus cœpit.
				590. Perse- us Albæ in carce- re mori- tur.	Aristar- chus.	Encania templi Hieros.
CLVII.	Olym- pias.			Domus Vr- bis annus.	Terentius naufra- gio pe- rit.	Iudæ Macca- bæo succe- dit fra- ter Io- nathan.
3800					Pacuvius.	

Anni Mūdi.	OL. ÆG.	SYR.	JUD.	A. ROM. V.	VIR. IL.	VAR.	Ante Chr
3801--	158 <i>Ptol. VII.</i> <i>Physcon,</i> <i>qui &</i> <i>Everges II.</i>	DEME- TR. NI- CAN. <i>Antiochus</i> <i>Sidetes fr.</i> <i>Syriam</i> <i>invadit.</i>	SIMON cœpit. renovat fœdus cū Ro- manis. Simoni à genero occiso succedit <i>Ioh. Hyr-</i> <i>canus fil.</i>	605. Bellū P V N I- CVM III. 606. Mace- donicum III. contra Andriscū. 608. Cartha- go & Co- rinthus de- lentur. 609. Bellū contra Vi- riathum in Hispania. 611. Tibē- rius Grac- chus peri- mitur. 612. Nu- mantia à Scipione deletur.	M. Porcius Cato obit. Apollodo- rus A- then. L. Attius 30. annos natus fa- bulā do- cet, cum Pacuvio octoge- nario.		
3830	165. <i>Ptol.</i> <i>II. X. La-</i> <i>thyus, fil.</i>	<i>Antiochus</i> <i>Grypus</i> Deme- trii fil.		633. C. Gracchus ob perni- ciosas ro- gationes occiditur.			125
3840	168. Pellitur Æ- gypto à matre, eiq; sur- rogatur fr. Ale- xander.		<i>Delet tem-</i> <i>plum in</i> <i>mōte Ga-</i> <i>rizim.</i> <i>funditus</i> <i>evertit</i> <i>Samari-</i> <i>am.</i> ARISTO BVLVS REX. IAMNE- VS ALE- XAN- DER REX II.	641. Bellū Cimbri- cum cœ- pit. 643. Bellū Iugurthi- num cœ- pit. 653 C. Ma- rius & Q. Catulus Cimbros in Italia aditu de- lent.	Cicero & Pompejus nascun- tur. V. C. 648. P. Rutilius Rufus. Lucilius o- bit. Carneades fl.	Iugur- tha ever- sis Mici- pſæ libe- ris Nu- midiam sibi ven- dicat.	100

3853-	170. <i>Lathyrus</i> in re- gnum revo- catur.	<i>Antiochus</i> perit, suc- cedit, fr. <i>Cyzice- nus</i> , quē evertit <i>Seleucus</i> <i>Grypi</i> fil. & hunc <i>Antio- chus pi- us Cy- ziceni</i> f. qui per annos fe- rē IX. contra armulos patrueles regnum tuetur.		664. Bellū Sociale. 666. Initiū belli ci- vilis Ma- riani. 668 L. Syl- la bellum in Græcia gerit con- tra Mithri- datem.	M. Anto- nius O- rator. <i>Artemi- dorus E- phesius</i> . <i>Metro- dorus</i> <i>Scepsi- us</i> . L. Sifen- na, Cl. Qua- driga- rius. Q. Val. Antias. <i>Catullus</i> & <i>Sal- lustius</i> nascū- tur. V. C. 668.	<i>Mithri- dates</i> <i>Ponti</i> <i>R. Asi-</i> am oc- cupat, cives R. truci- dat, Græciā inva- dit.
3867	174. <i>Ptol. An- letes</i> .	<i>Tigranes</i> <i>Armenia</i> R. <i>Syriā</i> occupat.	<i>Alexandra</i> defuncto marito regnum tenet. <i>Hyrchanus</i> & <i>Aristobu- lus II.</i> fra- tres de re- gno con- tendunt.	673. Idem victis ho- stibus Di- ctator rep. constituit & proscri- ptionis ta- bulas pro- ponit. 677. Bellū sertoria- num in Hisp: 681. L. Lu- cullus res in Asia gerit cō- tra Mi- thrida- tem.		
3895	181. <i>Ptol. Æ- gypto à</i> <i>suis pul- sus Pom- peji jussu</i> <i>restitui-</i> <i>tur à Ga-</i> <i>binio</i> .	<i>Lucullus</i> <i>Tigrane</i> victo <i>Antio- chū A-</i> <i>siaticum</i> <i>Pii</i> fre- gem sa- lutat. <i>Syria à Pō</i> <i>pejo in</i> <i>provin-</i> <i>ciā re-</i> <i>digitur</i>	<i>Hierosolyma</i> capitur à <i>Pompejo</i> . <i>Hyrchanus</i> restitui- tur, <i>Ari-</i> <i>stobulus</i> <i>Romam</i> ducitur. <i>Alexander</i> <i>Aristo- buli fil.</i> contra <i>Hyrchanū</i> in <i>Iudæa</i> tumul- tuatur.	688. Pom- pejus bel- lum pi- raticum conficit 699. Pom- peji, Cras- si, Cæsa- ris triū- viratus.	<i>Geminus</i> <i>Math.</i> Q. Hor- tensius. T. Pom- ponius Atticus. M. Te- rentius Varro. T. Lu- cretius sibi mortē consci- scit.	<i>Nicome- des Bi-</i> <i>thynia</i> R. mo- riens pop. R. hæredē institu- it.
3900-	182. <i>Ptol. Dio- nysius cū</i> <i>forore</i> <i>Cleopa-</i> <i>tra</i> .	<i>Gabinus</i> <i>Syriæ</i> præses.				

Anni Mūdi.	ÆGYPT.	JUD.	A. ROM. V.	VIRI ILL.	VARIA.
3901. 3903.	CLEOPA- TRA à morte fra- tris sola re- gnat.	<i>Herodes</i> Iudææ R. Ro- mæ de- signa- tur.	710. C. Cæsar Romæ in curia occi- ditur.	Diodorus Si- culus. Cornelius Ne- pos.	
3920.	Victis ac à semet in- terfectis <i>Antonia & Cleopatra,</i> ÆGY- PTVS in provincia formam redigitur à Roma- nis.	Herodes templū Hieros. instau- rat.	723. Antonio ad Actium vincitur. C. Cæsar O- ctavianus, rogatus à senatu re- tinet im- periū, rēp constituit, appellatur AVGV- STVS.	722. T. Pomp. Atticus obit. Dionys. Hali- carnass. venit in Italiam. Nicol. Dama- scenus.	Phraates Partho- rum Rex Roma- na signa Crasso crepta restituit.
3930.			Drusus in Germania res bene gerit.	735. Virgilius obit.	
			748. Augu- stus Tibe- rium ado- ptat.	741. M. Agrip- pa obit. 746. Mæcen- as, & Horatius obeunt.	
3950.					
CHRISTI NATALIS DIONYSIANVS, VNDE VVLGARIS ÆRÆ INITIVM.					

Lectori Studio S.

SUMMA historiæ universæ vestigia, ab orbe condito ad C. Cæsa-
ris monarchiam, decem tabulis impressimus, quarum prima
annos continet clv clv, secunda annos lv, tertia cccc, quarta
ccc, quinta cc, sexta & sequentes singulæ c. Clauduntur quin-
que priores singulæ illustri quodam temporis articulo: Prima qui-
dem ortu *Abrahami*; secunda ingressu *populi in terram Canaan*; ter-
tia regni *Israelitici exordio & fine Attici*; quarta *Romæ conditu*; quin-
ta *Cyri initis*. Quinque cæteras suum quasq; seculum absolvit; nisi
quod huic omnium ultimæ L. annorum *ἐπισημειώθη* adjecimus,
quod eò factum, ut si quis in natali Servatoris terminum figere ma-
lit, cum & hîc inveniat. In temporum ratione sequimur Josephum
Scaligerum, prout in Canone Chronico eam expressit V. Cl. Ubbo
Emmius. Annos ante Christum natum ab initio æræ vulgaris Dio-
ni- TA-

quup quæ computamus.

dnob dnob

††††††††

quup quup

TABULÆ
CHRONO-
LOGICÆ

A NATO CHRISTO
AD ANNUM.

clō lō c.
LVIII.

Anni Chr.	RES IMP. ROM.	RES ECCL.	VIRI CEL.	VARIA.
Anni Christi aera vulgaris Dionysiana.	C. Cæsar Octavianus Augustus obit A. C. 14, æt. 76, à primo consulatu 46, à devicto Antonio 43.	CHRISTINA- TALIS Dionysianus Anno Mundi 3950.	Trogus Pompejus. C. Iul. Hyginus. Antistius Labeo. C. Attejus Capito.	9. Archelao re- legato per Cæ- sarum procu- ratores Iudæa administrari cœpit.
14	TIBERIVS. 23. <i>Se- vitia, libidine, arro- gantia, omnibus in- visus.</i>	Christus in tem- plo disputat annus natus XII.		10. Quintilius Varus ab Ar- minio cædi- tur.
17	Germanicus Cæsar de Cheruscis, Car- tis, Angrivariis tri- umphat.		17. Ovidius <i>obit.</i> Livius <i>obit.</i> Strabo.	17. Terræ motus XII. Afiz ur- bes affligit.
31	Sejanus scelerum pa- trator, jussu Tibe- rii cum omni stir- pe tandem neca- tur.	Christus bapti- zatur annos natus XXX. Iohannes Ba- ptista ab He- rode Antipa capite trun- catur.	19. L. Feneftel- la <i>obit.</i> Vellejus Pater- culus. Cornelius Cel- sus. Massurius Sa- binus.	19. Arminius dolo suorum perit.
37	C. CALIGVLA. 3. <i>Cædibus, stupris ac rapinis omnia miscet.</i>	33. Passio Christi & resurrectio.	Cassius Longi- nus uterq; Val. Maximus.	27. Amphithea- tri Fidenatis ruinâ L. ho- minum mil- lia obterun- tur.
41	CLAVDIVS. 13. <i>Stolidus & alieno du- ctu crudelis.</i>	34. Pauli con- versio.		Herodes Anti- pas tetrarcha Galilææ.
44	Britannos subigit.	43. Iacobus ma- ior ab Hero- de Agrippa occiditur. Pe- trus ab eodē in carcerem conjectus ab Angelo libe- ratur.	40. Philo Iu- dæus Lega- tus Romæ pro gentilibus suis.	37. Herodes A- grippa à Ca- jo Imp. Rex Trachonitidis &c. à Claudio Iudææ etiam & Samariz constituitur.
50	Iudæos Româ pellit		Pomponius Mela. Columella.	44. Agrippa di- vinitus per- cussio, Iudæa iterum per Romanos pro- curatores ad- ministratur.

54	NERO. 13. <i>Monstro quam homini simi- lior.</i>	Simon magus. Nicolaitæ.	Petronius Ar- biter. M. Val. Pro- bus. L. Seneca. M. fil. Lucanus.	Esseni florent in Ægypto.
57	Parthos per Corbu- lonem feliciter re- primit.	62. Iacobus mi- nor lapidibus obruitur.	Proculus. Persius.	
64	Vrbem incendit, & invidiam sceleris derivat in Chri- stianos.			70. Hierosoly- mæ & Politia Iudaicæ exci- dium. <i>Finis hebdomadū Da- nielis.</i>
68	GALBA. OTHO. VITELLIVS.	64. PRIMA PERSECV- TIO Chri- stianorum, Petrus cruci suffigitur, Paulus gladio truncatur.	Apollonius Tyanæus. Q. Curtius. Quinctilianus. Asconius Pe- dianus.	72. Templum Iudæorum in Ægypto di- ruitur.
69	FL. VESPASIANVS 10. <i>Principum o- mnium post Augu- stum optimus.</i>		80. Plinius pe- rit. Martialis. Val. Flaccus.	73. Cæsarea fit metropolis Palæstinæ.
79	T. VESPASIANVS. 2. <i>Amor & delicia generis humani.</i>	Ebion, Menan- der, Cerin- thus hæreti- ci.	St. Papinius, Iuvenalis. Silius Italicus.	80. Vesuvii montis incē- dium.
81	DOMITIANVS. 15. <i>Sævus, rapax, lu- xuriosus.</i>		94. Fl. Iosephus <i>Antiquitatū libros absol- vit.</i>	
84	Iul. Agricola confi- cit bellum Britan- nicum.			Musonius, Epi- ctetus, Dio Prusæus, ali- que Philoso- phi urbe & Italiâ pellun- tur.
96	COCCEIVS NER- VA. I.	92. Clemens E- piscopus Ro- manus cœ- pit.	Sext. Iul. Fron- tinus.	
97	TRAIANVS. 19. <i>Optimus à Senatu appellatus.</i>	94. PERSECV- TIO II. S. Iohannes re- legatur Fl. Clemens Ex- consul. mar- tyrio corona- tur.	Cornel. Taci- tus.	
		99. S. Iohannes Ephesi obit.		

Anni Chr.	RES IMP. ROM.	RES ECCL.	VIRI CEL.	V A R I A.
	Trajanus Daciam vi- cto Decebalō sub- igit.		Plutarchus. Philo Byblius.	
	Idem contra Par- thos, Armenios, Arabes res ma- gnas gerit.	107. <i>Persecutio</i> <i>III.</i> Ignatius Antiochiā Ro- mam tractus leonibus ob- jicitur.	<i>Papias S. Ioannis</i> <i>auditor.</i> C. Plinius Bi- <i>thynia præ-</i> <i>ses.</i>	
	Iudæi in Africa & Cypro rebelles compescuntur.		L. Annæus Flo- rus.	14. Babylon, Cte- siphon, Se- leucia à Tra- jano capta.
117	HADRIANVS 21. <i>Ingenio varius.</i>	Traiani perfe- cutionē suc- cessor ejus propagat.	Phavorinus A- relatensis. Suetonius Trā- quillus.	18. Iudæorum rebellio in Iu- dæa à Marcio Turbone ca- stigatur.
120	Rebus urbanis con- stitutis provincias peragrat.	Aquila Biblio- rum inter- pres.	Ptolomæus. Neratius Pri- scus. Iuuentius Cel- sus.	
	Parthis Armenia, Af- syria, Mesopota- mia cedit.		Priscus labo- lenus.	29. Iudæis Hie- rosol. agro in- terdictum.
129	Hierosolyma instau- rat.	126. Quadratus & Aristides A- pologeticos Imperatori exhibent.	Arrianus. R. Akiba. Cl. Aelianus. Phlegon Tral- lianus.	31. Salvius Iulia- nus auctori- tate Hadriani Imp. edictum perpetuum condit.
135	Iudæos Barcocheba duce rebelles in- terneccione delet.		Zenobius So- phista. Max. Tyrius. Galenus. Iustinus Trog- <i>abbreviator.</i>	R. Iehuda co- gnomēto fan- ctus juris Iu- daici traditi- ones scripto mandat.
137	ANTONINVS PI- VS. 24. <i>Alter Nu- ma.</i>	Basilides Gno- sticorum se- ctæ parens.		
	Orbem terrarum fi- ne bello sola au- ctoritate texit.	Iustinus Apolo- giam edit. Marcion, Cer- do, Valenti- nus hæresiar- chæ.		

161	M. ANTON. PHILOS. 19. & L. ANTONINVS VERVS. 9. <i>Fratres dissimilimi.</i>	Symmachus Bibliorum interpres. Hegelippus ex Iudæo Christianus.	Appianus. Diog. Laërtius. Gellius.	62. Vologeses Part. R. Rom. imperii fines infestat.
165	De Parthis triumphant.	163. Iustinus Apologiam alteram imperatoribus offert.	Apollonius Alexandrinus. Hermogenes <i>Rhetor.</i>	
169	L. Verus apoplexia perit. Bellum Marcomanicum. Christiana legio pluviam & victoriam exercitui Imp impetrat.	166. PERSECUTIO IV. Iustinus Romæ, Polycarpus Smyrnæ martyrium obunt. Montanus, Tatianus, hæresiarchæ.	Polyænus. Pausanias. Athenæus. Appulejus. <i>Athenagoras.</i> <i>Theophilus.</i>	65. Britannis permissu Regis publicè annunciatur Evangelium.
180	COMMODVS. 12. <i>Optimi patris pessimus filius.</i>	Theodotion Bibliorum interpres.	<i>Melito Sardinis.</i> <i>Apollinaris.</i> <i>Dionysius Corinthius.</i>	
192	PERTINAX. DIDIVS IVLIANVS. SEPTIMIVS SEVERVS. 18. Pescennium Nigrum in Oriente, Clodius Albinus in Occid. Imperii competitores sigillatim aggressus vincit.	85. Apollonius senator Rom. martyr. Pantænus Indiam petit Evangelii proferendi causa. Contentio de tempore celebrandi Paschatis.	Lucianus. Phrynichus. Iulius Pollux. Iul. Solinus.	89. Cleander nuper apud Commodum potens dignum vita exitum fortitur.
200		Tertulliano scribit Apologeticum.		Artabanus Part. R. ab Imp superatur.

Anni Chr	RES IMP. ROM.	RES ECCL.	VIRI CEL.	V A R I A.
201		V. PERSECUTIO, quâ <i>Philippus</i> Ægypti Præses, <i>Leonides</i> pater <i>O-rig.</i> <i>Irenæus</i> cum omni fere populo suo Lugdunensi martyrio coronati.	<i>Clemens Alexandrinus.</i> <i>Minucius Felix.</i> <i>Papinianus.</i> <i>Philostrophus scriptor vitæ Apollonii.</i>	<i>Plautianus</i> Præf. Prætorio, gratiâ & opibus florens, <i>Caracallæ</i> focer, à genero interimitur.
205	<i>Severus</i> Imp. ex Oriente redux triumphat. Idem in Britannia, re feliciter gesta, obit.			
211	<i>Ant. Bassianus</i> CARACALLA , cum fr. GETA .		<i>Philostrophus</i> prioris gener scriptor vitæ <i>Sophistarum.</i>	
212	<i>Geta</i> in sinu matris à fratre occiditur.	215. Disputatio inter <i>Cajum Catholicum</i> & <i>Proclum</i> <i>Montani</i> sectatorem <i>Romæ</i> instituitur.	<i>Iul. Africanus.</i> <i>Dion Cassius.</i> <i>Herodianus.</i>	
217	MACRINVS. I.			
218	HELIOGABALVS. 4. <i>Omnium nequissimus.</i>		<i>Vlpianus</i> , <i>Pomponius</i> , <i>Celsus</i> , <i>Modestinus</i> , <i>Paulus</i> <i>Icti.</i>	
222	SEVERVS ALEXANDER. 13. <i>Pace bellos, optimus.</i>	19. <i>Hierichunte</i> in dolio inveniuntur divinæ scripturæ libri Græcè redditi.	<i>Oppianus.</i>	
235	MAXIMVS. 2. <i>Gordiani</i> pater & filius <i>Imperium usurpantes</i> occiduntur.	<i>Origenes</i> <i>Alexandriæ</i> , <i>Cæsareæ</i> , <i>Athenis</i> sacros codices interpretatur.	<i>Ammonius</i> præceptor <i>Plo-tini.</i>	25. <i>Iudæis</i> in <i>Palæstina</i> degere permissum.
257	BALBINVS & PVIPIENVVS. I.		<i>Gregorius</i> <i>Nocæsariensis.</i>	<i>Talmud.</i> <i>Hierosol.</i> à <i>R. Iochanâ</i> conscribitur.
238	GORDIANVS. 6.	35. VI. PERSECUTIO, pterosq; omnes ecclesiarum Antistites partim morte, alios exilio sustulit.	<i>Censorinus.</i> <i>Serenus</i> <i>Sammonicus.</i>	30. <i>Periæ</i> <i>Artabano</i> <i>Partho</i> everso imperium <i>Orientis</i> recuperant per ARTAXERXEM.
244	PHILIPPVS ARABS. 5. <i>Parricida antecessoris.</i>		<i>Cyprianus.</i>	
249	DECIVS. 2.			
		49. VII. PERSECUTIO, priorib. favior.		42. <i>Sapores</i> Rex <i>Periarum</i> <i>Romanis</i> finibus infestus.

251	GALLVS pater & VOLVSIANVS filius, 2.	Paulus in ere- mum secedit.	Dionys. Alex- andrinus.	Perse Antiochi- am diripiunt. Scythæ Chalce- donem capi- unt, Nicæam succendunt.
253	VALERIANVS cū fil. GALLIENO.	Novatiani & Novati schif- ma Romæ contra Cor- nelium Epi- scopum.	Gregorius Impe- ratorum con- stitutionē col- lector.	Gothi Mace- doniam va- stant.
260	Valerianus à Sapore capitur. A Gallieno duces passim deficiunt.	57. IIX. PER- SECVTIO.		
268	CLAVDIVS, 2. Fru- gi & moderatus. Gothos ingenti stra- ge fundit.	Cyprianus pri- mū exilio, inde capite mulctatur.		64. Odenatus Palmyrenorū Decurio, Ze- nobix mari- tus, regio no- mine assum- pto, Persas Romanis fi- nibus expel- lit,
270	AVRELIANVS. 5. Vincit Aleman- nos & Marcoman- nos. Zenobiam trium- phat.	Sabellius hære- sis abolitæ in- staurator.		
275	TACITVS.FLORI- ANVS.	70. Paullus Sa- mosatenus Deitatis in Christo ab- negator, in Synod. Anti- och. damna- tur.	72. Dionys. Lon- ginus iussu Imp. occidi- tur.	
276	Aur. PROBVS. 6.	72. IX. PERSE- CVTIO.	Porphyrius Plo- tini & Longi- ni discipulus.	
282	CARVS, cum filiis CARINO & NV- MERIANO.	77. Manichæo- rum hæresis erumpit.	Arnobius.	Constantius
284	DIOCLETIANVS. 20. MAXIMIANVS HERCVLIVS Imp. Collega.		Lactantius.	Chlorus Bri- tanniam, Di- ocletianus Æ- gyptum, Her- culus Afri- cam pacant, Narseum Per- sam vincit Galerius.
291	Iulius Constantius Chlorus & Gale- rius Maximianus Armentarius ad- optantur Cæsa- res.	97. Thebææ le- gionis mili- tes, quod Christiani ef- sent; omnes ad unum à Max. Hercu- lio trucidan- tur.	Spartianus. Vulcatius Gal- licanus. Trebellius Pol- lio.	

Anni Chr.	RES IMP. ROM.	RES ECCL.	VIRI CEL.	V A R I A.
304	Impp. deposita pur pura <i>Constantium</i> <i>Chlorum & Galerii</i> <i>Maximianum</i> re- nunciant Augu- stos.	X. PERSECV- TIO atrocif- sima.	<i>Iul. Capitolinus.</i> <i>Æl. Lampri- dus.</i>	305. Constantius filium Con- stantinū; Ga- lerius Seve- rum Maximi- num Cæsares appellant.
306	CONSTANTINVS M. 31. MAXEN- TIVS Herculi fil. 6.	Donatistarum schisma in A- frica.	<i>Fl. Vopiscus.</i> Iuvencus.	309. Saporess II. Rex Pers. cum vitæ initio cœ- pit, regnavit annos 70. Persequutor Christianorū.
307	<i>Licinius</i> à Galerio Cæsar constitui- tur.		Hermogenes constit. Im- perialium collector.	
312	Maxentius perit.	25. SYNOD. NICÆNA, Arii hæresin damnat, & controversiā de Paschate dirimit.		Gladiatorū spe- ctacula è R. orbe sublata.
325	<i>Licinius</i> capite mul- ctatur.			
326	Crispus Cæsar dolo novercæ occidi- tur.	30. Athanasius ex presbytero Episcopus A- lexandr.		
330	Encenia novæ urbis Cpolis.	34. Synodus Tyri <i>Agapi</i> & <i>συν.</i>	40. Euseb. Cæ- sariensis obit. <i>Terentianus</i> <i>Maurus.</i> <i>Iamblichus.</i> <i>Donatus.</i>	327. Fausta Con- stantini M u- xor calumni- arum in Cri- spinum Cæs. rea occiditur.
337	CONSTANTI- NVS, CON- STANTIVS, CONSTANS.	Ancyrana & Gangrensis Synodi.		41. Franci Gal- liam populan- tes à Constan- te vincuntur.
340	<i>Constantinus</i> à Con- stante prope A- quilejam cæditur.	47. Synodus Sar- dicensis eiq; opposita Phi- lippensis.	Iul. Maternus Firmicus.	Cōstantis mor- te cognita Verranio in Pannonia, Nepotianus Romæ impe- rium arrip- unt.
350	Constans à Magnen- tii duce occiditur.	PHOTINVS & Macedonius hæretici.		

351	Magnentius vincitur à Constantio.	51. Synodus Sir-mien-sis hæ-reticorum,	Lucifer Cala-ritanus.	Nisibis à Sapore Persa ter fru-stra obseſſa.
361	IVLIANVS Apoſtata,	55. Hilarius Pi-ctavorum E-piſcopus re-legatur.	56. Antonius Monachus obit.	54. Gallus Cæſar capite mul-ctatur à Con-ſtantino,
363	IOVIANVS.	57. Liberius Pa-pa R. Arianæ hæreſi ſub-ſcribit.	<i>Aurel. Victor.</i> <i>Eutropius.</i> <i>Proæreſius.</i> <i>Themiftius.</i>	Iovianus cum Perſis pacem init tradita Niſibi & ma-gna parte Me-ſopotamiæ.
364	VALEN-TINIA-NVS in occiden-te. 12.	25. In oriente.	59. Ariminenſis & Seleucien-ſis ſynodi hæ-reticorum.	VVeſt Gotthi Va-
375	GRATI-ANVS & VA-LENTI-NIANVS II.	389. THE-ODOSI-VS 17.	Valens Imper. Catholicos vehementer perſequitur.	lentis permif-ſu in Thracia ſedes ponunt.
383	Cl. Maxi-mus ty-rannus Gratia-num pe-rimit.	388. Cl. Maximū fugat.	Baſilius M. Cæ-ſareæ in Cap-pad. Epiſco-pus.	Vlphilas ſ. ſcri-pturam in lin-guam Got-thicam tra-ducit.
392	Valentini-anus ab Arbogaſte ſtran-gulatur.	394. Eu-genium tyrannū vincit.	Gregorius Na-zianzenus.	384. Symma-chus de ara Victoriz in-ſtauranda Va-lentinianum interpellat, quem refellit Ambroſius.
395	HONO-RIVS	ARCA-DIVS.	Ambroſius Me-diolanenſis, Martinus Tu-ronenſis Epi-ſcopi.	
400	28.	13.	Gregorius Nyſ-ſenus.	
			81 Synod. Con-ſtantinop. Oe-cum. II. da-mnat Mace-donium.	
			Præſcillianistarū ſecta in Hiſp.	
			Hieronimus.	
			Ruffinus.	
			97. S. Ambroſi-us obit.	
			<i>Oribasius.</i> <i>Eu-napius.</i> <i>Ammianus</i> <i>Marcellinus.</i> <i>Philaftrius.</i> <i>Evagrius.</i> <i>Epiphanius.</i> <i>Prudentius.</i> <i>Didymus</i> Ale-xandrinus. <i>Fl. Vegetius.</i> <i>Macrobius.</i> <i>Claudianus.</i> <i>Auſonius.</i> <i>Ma-nilius.</i>	lezdegirdes Rex Perſarum.

Seculum IV.

Anni Chr.	IMP. OCC.	IMP. OR.	RES ECC.	VIRI C.	V A R I A.
401			Innocent. 1. Episcop. Rom.	Sever. Sul- pitius. <i>Sext. Aur. Victor.</i>	Gothi primū Radagaiso, inde Alari- co R. duci- bus, in Ita- liam irrum- punt, stipati Hunnis.
405	<i>Stilico</i> Rada- gaifum oc- cidit.		7. I. Chryso- stomus o- bit in exi- lio.	Syneſio Cy- renenſ. Ep.	
408	<i>Stilico</i> Honorii juſſu peri- mitur.	8. THEO- DOSIVS II. 43.	11. Collatio contra Do- natistas Carthagi- ne, coram Marcellino Tribuno.	Paulus O- rosius. Sedulius. Cyrillus A- lexandr.	Alani, Vanda- li, Suevi, Burgundio- nes, Gallias & Hispanias invadunt.
420	CONSTAN- TIVS con- ſors Impe- rii.	14. Pulcheri- am ſoro- rem Augu- ſtam ap- pellat.	16 PELAGII & Caleſtii errores Car- thagine & Mileti da- mnantur.	Theodore- tus. Proclus Ep. C P tanus Poſſidius Calamē- ſis Epi- ſcopus.	10. Roma cap- ab Alarico. 11 Alarico ſuc- cedit Arthaul- ſus, aſſumta in uxorem <i>Placidia</i> Ho- norii ſorore.
425	VALENTINI ANVS III. 30.	Perſicum bel- lum con- tra V Va- ranem.	20. S. Hiero- nymus an- nos natus 91. obit.	Paulinus. Vincentius Lirinen- ſis.	<i>Pharamundus</i> primus Rex Francorum. 27. Vandali & Alani duce Genſerico in Africam pe- netrāt à Bo- niſacio Co- mite invitati.
	Aëtius contra Francos, Burgundio- nes, Go- thos, Hun- nos rem Ro- manam ut- cunque ſu- ſtentat.	35. Codex Theodoſi- anus edi- tur C poli.	30. S. Auguſti- nus anno æt. 76. obit. 31. Synodus E P H Eſi- N A, con- tra Neſto- rium.	Socrates. Sozome- nus. <i>Zoſimus.</i> <i>Olympiodo- rus.</i>	29. Clodius Pharamundi f. trans Rhe- num in Gal- lias erūpens ab Aëtio re- primitur.
		Bleda & At- tila Illyri- cū & Thra- ciam po- pulantur.	32. <i>Patricius</i> Hibernos docet fidē Chriſtia- nam.	1. Caſſian9. Philoftror- gius. Iſidorus Pe- luſiota.	45 Clod. Franc R. ditionem trans Rhēnū extendit.
446	Picti & Scoti Britannos infeſtant.		40. LEO or- dinatur E- piſcopus R.	Idatius.	49. <i>Meroveus</i> Franc. in Gal- lia ſedem firmat.
450		50. MARCI- ANVS.			

451	Attilæ clades in campis Catalauni- cis.		51. Synod. CHALCE- DONEN- SIS contra Eutychem.	Prosper A- quitanus.	Saxonum in Britanniam adventus.
455	MAXIMVS.			<i>Paulus A-</i> <i>gineta.</i>	Venetiarum origo.
456	AVITVS.		Persequutio Vandalica sub Arianis regibus feruet in Africa.	<i>Aëtius A-</i> <i>midenus.</i>	
457	MAIORIA- NVS. 4.	57. LEO Thrax. 17.		Salvianus Massili- ensis.	55. Gensericus ex Africa in Italiam evo- catus Ro- mam diri- pit.
461	SEVERVS. 4.				
467	ANTHEMI- VS. 5.		61. LEO E- piscop. R. obit.	60. obit Si- meon Stylites <i>ô Jau-</i> <i>masos.</i>	76. Genserico in Africa suc- cedit Hune- ricus.
472	OLYBRIVS.				
473	GLYCERI- VS.				
474	I VL. NE- POS.	74. ZENO. 18.	72. Sidonius Apollinaris Arvernorū Episcopus creatur.	Faustus Rhegiens. Ep.	
475	AVGVSTV- LVS.				
476	ODOACER Herulus I- taliam oc- cupat.	77. <i>Basiliscus</i> imperii in- valor perit.	<i>Hunericus R.</i> in Africa sæ- vit in Ca- tholicos.	Gelasius Cy- zicenus. Sidonius Apollina- ris. <i>Æneas Ga-</i> <i>zæus.</i>	84. Hunerico succedit <i>Gun-</i> <i>damundus.</i>
	<i>Finis Imp. Oc-</i> <i>cid.</i>				
	REGES ITA- LIÆ.	91. ANASTA- SIVS. 27.	94. Gelasius P. Rom qui libri authentici, qui apocry- phi sint ha- bendi, de- clarat.	Victor Vti- censis. Ennodius Ticinen- sis. Gennadius Massili- ensis.	95. <i>Thrasamun-</i> <i>dus Vandal.</i> Rex.
493	THEODO- RICVS Ost Gott. R. <i>Odoacrum e-</i> <i>vertit.</i>				
			Clodoveus R. Franc. ini- tiatur Chri- stianismo.	<i>Proclus Ly-</i> <i>cus.</i>	99. Bulgari in Romanos fi- nes incurrūt.

Anni Chr.	REG. IT.	IMP. OR.	RESECC.	VIRI C.	V A R I A.
		Anastasius cum Per- sorum Re- ge Cabade bello con- flictatur. Vitaliani Go- thi contra Imper. in- structa clas- sis Procli speculis æ- reis con- flagrat. 18. IVSTI- NVS Thrax. 9.	Fulgentius Ruspensis Episcop. a Thrasamū- do in Sar- diniam re- legatur. 18. Tumul- tus CPii contra A- nast. Imp coortus ob trisagii hymni in- terpolati- onem.	Symma- chus. Boethius. Ferrandus Diacon. 9. <i>Hesychius</i> <i>Milesius</i> . Nonnus Pa- nopolita Avitus Al- cimus. Dionys. Ex- iguus. I. Maxen- tius. Marcellinus comes. Cassiodo- rus. Epiphanius Scholasti- cus. Anastasius Sinaita. Arator. Pro- copius. Priscianus. <i>Agathias</i> . <i>Marinus Ne-</i> <i>apolitanus</i> . <i>Ammonius</i> . <i>Tribonianus</i> . Damascius <i>Damasce-</i> <i>nus</i> . Iornandes.	<i>Cabades</i> Persa o- rientalem Im- perii limitem infectat. 7. <i>Clodoveus</i> Ala- rico VV. Gotho debellato Lu- tetiam regni sedem consti- tuit. Amala- ricus fil. in Hispania fugiens hanc & par- tem Gallie retinet. 22. <i>Hildericus</i> Vand. R. or- thodoxis be- nignus. 26. Antiochia terre motu pane omnis evertitur. 29. Codex Iu- stinianus pu- blicatur. 30. Hildericum Vandalum re- gno exuit fr. <i>Gilimer</i> . 34. Finis regni Vandalici in Africa. 40. <i>Cosroes</i> Persa Syriam va- stat. 48. Berytus Phœ- nicie, studio- rum mater, terre motu evertitur.
526	<i>Athalaricus</i> sub matris Amalafun- thæ tute- la. 9.	27. IVSTI- NIANVS. 38. 29. <i>Belisarius</i> contra Ca- badē Per- sam mit- titur.	<i>Hildericus</i> R. Vand. A- fricani Ecclesiis pacem reddit.		
534	<i>Theodatus</i> . 2.	34. <i>Belisarius</i> Africam recipit	29. Arausica- na syno- dus con- tra Pela- gium.		
536	<i>Vitiges</i> . 4.	36. Idem Ro- mam re- cuperat, & post Viti- gem capit.			
539	<i>Ildibaldus</i> . 1. <i>Eraricus</i> . m. 3.	40. Idem cō- tra <i>Cosroem</i> Persam & subinde contra <i>To- tilam</i> mit- titur.	S. BENEDI- CTVS Cassinen- se cœnobi- um cōdit.		
541	TOTILAS. 10. Romam bis capit.	48. <i>Theodora</i> Augusta obit.	35. Ioh. Phi- loponus, Grammat. Alexandr. XIIIX, ar- gumenta Procli scri- pto con- futat.		

553	Tejas Rex ult. 1. <i>Finis regni Go- thorum in Italia.</i>	52. Narses To- tilam inde & Tejam debellat.	53. Synodus Cpтана se- cunda, Oe- cumenica quinta Theodori Mopiveste- ni libros, Iba Edef- seni epi- stolam & Theodo- reti com- mentariū contra Cy- rilli ana- thematis- mos da- minat.	Gildas sa- piens. <i>Simplicius.</i> Liberatus.	Menachi trans- latis ex India bombycum ovis serici cō- ficiendi ratio- nem docent Europæos.
568	ALBOINVS Langobard. R. Italiam invadit.	65. IVSTI- NVS. II. 13. <i>A bello ali- enus, legum amans & justitia.</i>		Procopius Gazaus. 65. Bellisa- rius obit.	58. Hunni Thra- ciam vastan- tes à Bellisa- rio reprimun- tur.
574	Clepho, 1. Interregnum decenne.	78. TIBERI- VS II. prin- ceps lenis, justus, mu- sicus, pig.		Corippus. Venantius Fortuna- tus.	Langobardis in Italia domi- nantibus Ra- vennam te- nent Exarchi.
585	Authar, 7.	82. MAVRI- TIVS Cap- padox 20. <i>Virtutes re- liquas labe avaritiæ de- formavit.</i>	91. Greg. M. eligitur Pa- pa R. 96. In Bri- tannia Pi- cti à Co- lumbano, Anglosa- xones ab Augustino Monacho docentur fidē Chri- stianam.	Evagrius. 96. Grego- rius Tu- ronensis obit.	74. Alboinus fraude uxoris Rosimundæ perit. 91. Hormisdæ Per- sarum Regi in carcerem detruso sur- rogatur fil. Cosroës se- cundus.
591	Agilulfus, 25.	Bellum Per- ficum. Bellum Ava- ricum.			

Anni Chr.	IMP. OR.	REG. IT.	RES ECC.	VIRI C.	VARIA.
602	PHOCAS. 8. <i>Imperium eadem immanitate, qua quasierat administrat.</i>		4. Gregorius M. Papa R. obit.	Isychus Ep. Hieros.	Cosroes Persa Romanos fines populatur. 12. Francorum Reges civili bello colliduntur.
610	HERACLIUS. 30.		14. Capta Hierosolyma lignū Crucis in Persidem asportatur. Christianorū ad XC millia Iudæis venduntur mananturq;.	Theophylactus Simocatta.	13. Clotarius toto Francorū regno potitur. Avars Thraciam infestant.
614	Persæ Hierosolymam occupant, Ægypto & Libya potiuntur.	16. Adal V Val dus. 10.		Iohannes ἐλεήμων.	22. MVHAMMEDES Arabum princeps ob novam sectam Meccā profugit.
621	<i>Heraclius in Armenia Persas cædit & in Persidem penetrat.</i>	26. Ario val dus.	30. Cantabrigiensis Academia à R. Sigisberto instituitur.	Leontius.	Dagobertus R. Francorum.
627	Siroes Pers. R. pacem reddit Romanis.	39. Rotaris. 10.	30. Initium sectæ MONOTHELETARVM.	Sophronio Ep. Hierosol.	31. Muhammedes obit. Successores illius Saraceni paullatim Palæstinam, Syriam, Ægyptum occupant.
641	CONSTANTINVS. m. 4. HERACLEONAS. m. 6. CONSTANS. 27.		Constans Orthodoxis iuxta atque Monothelitis silentium imperat.	Ioh. Moschus.	40. Saraceni Hormisda fugato Persidem sibi subijciunt.
650				36. Isidorus Hispalensis obit.	44. Dagoberto succedunt filii Clodoveus II. & Sigebertus.

654	Constans ad Lyciæ littus infeliciter pugnat contra Saracenos.	54. Rododul- lus. 5.	57. Clodoveus in summa annona penuria aurum & argentum sepulcris abradi, & in pauperes dividi jubet.	Audoënus Episcopus Rotomagensis.	53. Saraceni Rhodum occupant. Mnavia Saracenorum Calipha princeps victoriosus.
668	CONSTANTINVS Pogonatus 17.	62. Gundipertus. 63. Grimoaldus. 9.		Hildephon- sus Episc. Toletanus.	60. Francorum Regibus in luxum & inertiam solutis, Palatii præfecti plaræq; omnia deinceps administrant.
676	Saraceni obfessa nequicquam Cpli inducias XXX. annorum paciscuntur.	73. Garibaldus. m. 3. Pertarithus. 17.	62. Bathildis Clodovei uxor Corbeienſe monasterium condit.	Maximus monachus Cptanus, martyr.	70. Saraceni Syracusas expugnant.
685	IVSTINIANVS II. <i>ἱουστίνος</i> <i>τῆς</i> <i>Β</i> . IO. Barbarus & immitis. Induciis Saracenicis temerè & infeliciter renunciat.	91. Cunipertus. 12.	30. Synod. Cptana III, œcumenica sexta damnat Monothetas & in his Honorium R. Pontificē.	Jonas scriptor vitæ Columbani.	77. Bulgari V Volgæ fl. accolæ Thraciam vastantes pacem Imperatori vendunt pactione annui tribut.
695	LEONTIVS 3. Iustinianum naso mutilatum relegat.		90. Egbertus Eboracens. Archiepiscopus, VVillebrordum, Suibertū, Lebuinum, aliosq; in Frisiam ad Evangelium docendum mittit.	Iulianus Archiep. Toletanus.	91. Pipinus Ansegisi fil. Austrasiæ & Neustriæ regnorum magisterium per 27. annos gerit.
698	TIB. ABSIMARVS. 7. Leontium naso truncat.				98. Saraceni Carthaginem evertunt.
700					700 Saraceni in Syria, Armenia & Cilicia latè cæduntur.

Anni Chr.	IMP. OR.	REG. IT.	RES ECC.	VIRI C.	V A R I A.
705	Iustinianus imperium recuperat. 6.	3. <i>Luitper- tus</i> m. 8.	6. Saraceni Chri- stianis Dama- sci primarium templum adi- munt.		
711	PHILIPPI- CVS. 2.	<i>Regimper- tus</i> , m. 3.	7. Synodus Trallana qui- ni-sexta.		12. Saraceni Hi- spaniam oc- cupant caelo Roderico R.
713	ARTEMI- VS muta- to nomi- ne ANA- STASIVS dictus 2.	4. <i>Aripere- tus</i> , II.	12. Philippicus sextam sy- nodum ab- rogat.		14. <i>Pipinus</i> obit, succedit in re- gni præfectu- ra filius <i>Caro- lus Martellus</i> .
715	THEODO- SIVS. 2.	16. <i>Aspiran- dus</i> , m. 3.	<i>Bonifacius</i> ex Anglia Mo- nachus Ba- varos, Fran- cos orienta- les Hassones ac Thurin- gos docet fi- dem Christi- anam.	<i>Beda</i> .	17. Astures Pe- lagio Gotho duce Sarace- nos latè vin- cunt in Hi- spania.
717	LEO ISAV- RVS. 24. CPLin à Sara- cenis ob- sessam for- titer de- fendit.	<i>Luitpran- dus</i> , 30.	26. Leo Imp. incipit <i>εὐγ- νομία</i> χεῖν.	<i>Ioh. Dama- scenus</i> scri- bit contra Imp. pro sacris ima- ginibus.	<i>Carolus Martellus</i> Saxones, Ba- varos, Ale- mannos, Sa- racenos cædit.
727	Romani re- lictâ fide Imp. in fi- dem se Rom. Pon- tif. Greg. II. dedunt.	46. <i>Hilde- brandus</i> , m. 7.	Greg. II. Papa R. Imp. ana- themate fe- rit. S. Bonif. Mo- gunt. Eccles. profectus Ful- dense monast. condit.	30. Germa- nus Episco- pus CPTa- nus obit in exilio.	41. Carolo Mar- tello succe- dunt duo filii Caroloman- nus & Pipi- nus.
741	CONSTAN- TINVS COPRO- NYMVS. 34. Hujus uxor <i>Irene</i> Caga- ni Avarum Regis filia.	50. <i>Aristul- phus</i> oc- cupat Raven- nam. <i>Finis Exar- chatus</i> .	Idem in Bava- ria IV. in Francia Or. II. instituit E- piscopatus. 47. Carolomā- nus ē Rege Monachus Cassinensis 50. <i>Rachis</i> ē Langob. Rege Mon. Cassin.	34. <i>Beda</i> o- bit. 37. <i>VVille- brordus</i> primus Ep Tra- ject. obit.	42. Childericus postremus ē Merovei po- steris R. Fran- corum. Atrox pestis Græciam, Ita- liam &c. po- pulatur.
750					

	Imperator I- conolatras graviter persequi- tur,		52. S. Bonifa- cius Præful Moguntinus Pipinum in Regem Fran- corum per- ungit.	52. PIPINVS Caroli Ma- telli fil. ex Pa- latii præfecto Rex Franco- rum, exau- ctorato Chil- derico.
		57. <i>Deside- rius</i> ulti- mus Lā- gobar- dorum. 18.	54. Synodus Cptana 338. Episcoporum damnat ima- ginum in tēplis usum.	54. S. Bonifa- cius à Fri- siis inter- ficitur.
762	Bulgaros vin- cit ad An- chialum & triūphat.			62. TVRCÆ portis Caspiis effusi Arme- niæ incum- bunt, & Sara- cenos oppu- gnant.
			Leo Imp. in re- primendo i- maginū cul- tu patrem avumq; æ- mulatur.	68. CAROLVS M. R. Fran- corum coro- natur.
775	LEO IV.	74. CARO- LVS M. capto De- siderio R. Italia.	80. Osnabru- gensis eccle- sia prima in omni Saxo- nia à Carolo constituta.	72. Initia belli Saxonici per annos XXXIII. continuati.
780	CONSTAN- TINVS VII. cum matre Ire- ne. 10.		87. Synodus NICÆNA II. contra Ico- nolastas.	78. Caroli in Hi- spaniam con- tra Saracenos expeditio.
		<i>Finis regni Langobar- dorum in Italia.</i>	91. Parisiensis Academia à Carolo M. instituitur.	80. Carolus VVi- dekindus Sa- xonem iupe- rat.
790	Cōstantinus Irene in ordinem reducta so- lus regnat 8.		94. Synodus Francofurt. præfente Ca- rolo Felicem & Elipandū Hisp. Episco- pos, cultum item imagi- nū damnat.	91. Carolus A- vares ad Ra- bam fl. ma- gna strage fundit.
797	Irene filium exacatum imperio de- jicit.			95. Hadria- nus I. pa- pa R. o- bit.
800				800. CAROLVS Romæ à Leo- ne III. Im- perator Augu- stus declara- tur. 14.

Anni Chr.	IMP. OCC.	IMP. OR.	RES ECC.	VIRI C.	VARIA.
801	CAROLVS M. Saxones transalpinos in Gallias transfert. Da- nos & Vene- tos compri- mit.	2. NICEPHO- RVS, Lo- gotheta de- jecta Ire- ne. 9.	9. Synodus Aquisgra- nenfis.	Vsuardus 9. S. Ludge- rus obit.	Normanni Fri- fiorum, Gal- lorum, Sco- torum litto- ra infestant
806	Filiis hæredi- tatem tri- partitò di- vidit.	11. MICHA- EL CVRO PALATES.		Eginardus.	13. Bulgari ca- piunt Adria- nopolim.
814	LVDOVI- CVS PIVS. 27.	13. LEO V. ARMENI- VS. <i>Icono- machus</i> . 7.	22. Corbeien- se cœnobi- um in Sa- xonia con- ditur.	Othelgrl- mus.	20. S. Marci corpus Ale- xandriâ Ve- netias trans- fertur.
817	Bernardus Ita- liæ R. à pa- truo Imp. desciscens bellum mo- vet infelici- ter.		25. Synodus Parisiensis de imagi- nibus me- moriam gra- tia retinen- dis.	VValafrid. Strabo.	23. Saraceni Hi- spanienses Cretam oc- cupant.
830	Conjuratio procerum contr. Lud. Imp.	20 MICHA- EL BAL- BVS. 8.	26. Haraldus Daniae Rex cum uxo- re & sociis Moguntia baptisatur.	Freculpho Lexovi- ensis.	28. Saraceni Africani Si- ciliam subi- gunt.
833	Filiorum con- tra patrem Imp. con- spiratio.	29. THEO- PHILVS. 12. Icono- latrarum persecutor.		Nithardus.	41. NORMAN- NORVM in Galliam justæ expe- ditionis ini- tium.
840	LOTHARI- VS. 15.	41 MICHA- EL 25. <i>Ve- cors & sa- vus</i> .	Michael Imp. sacras ima- gines in- staurat.	Aimoinus.	
841	Funestum in- ter Reges fratres Lu- dovici Pii filios dissi- dium.		47. Rabanus Maurus fit sextus Epi- scopus Mo- guntinus.	Haimo E- pisc Hal- berst.	
850					

Anni Chr.	IMP. OCC.	IMP. OR.	RES ECC.	VIRI C.	V A R I A,
907	Hungari Lud. Imperatore prælio vin- cunt ad Ans- bergam Ba- varia.	11. ALEXAN- DER.	12. Rollo dux Normanno- rum sacris Christianis- mi initia- tur.	Moses Bar- Cepha.	Hungari Pan- noniâ egres- si Italiam af- figunt, per Germaniam prædas agūt.
912	CONRADVS. 7.	12. CON- STANTI- NVS Por- phyrogen- netus. 19.		Rhegino.	12. Rollo dux cū Normane- nis suis à Ca- rolo Simpli- ce borealem Galliæ oram omnem ob- tinet.
915	Berengarius R. Ital. Im- perator sa- lutatur.				
919	HENRICVS AVCEPS. 17.	ROMANVS Lacopenus imperii consors.	21. Quibus caussis ter- tias sum- mum nu- ptias inire liceret, a- pud Græ- cos legibus firmatur.	Radulphus Flavia- censis.	24. Hungari Italiam, Ger- maniam & Galliam de- populantur.
922	Hungaros Sa- xoniæ infe- stos submo- vet. Bellum diutur- num contra Sclavos, He- netos, Van- dalos.	30. Bulgari ca- piunt Adri- anopolin, Thraciam & Macedo- niam va- stant.			
933	Hungarorum ad 40. mil- lia cadun- tur ad Mers- burgum.		27. Benno Me- rensis Epi- scopus à ci- vibus suis disciplinæ impatien- tibus ex- catur.	Valricus Augustæ Vindeli- corum Episco- pus.	37. Ramirus R. Hisp. octo- ginta ampli- us millia Sa- racenorum cædit.
936	OTTO MA- GNVS. 37. Bohemos 13. annorū in- tervallo do- mat.	36. Russi CPLin in- vadentes summo- ventur.			
939	Lotharingiam occupat.				
946	In Galliam ex- peditionem fufcepit.			Luitpran- dus Tici- nensis.	Turcæ Thra- ciam popu- lantes ad ipsam CPLin perveniant.
948	Haraldum Da- norum Re- gem supe- rat.		Haraldus Da- norum R. eum filio Svenone ba- ptizatur.	Rafis.	Otto Imper. Sclavorum gentem suo subiecit im- perio.
950					

951	In Italiā mo- vet contra <i>Berengarium.</i>				Hermannus Billing dux Saxonie,
958	Hungaros fun- dit ad Au- gustam.		60. Bulgari Christianæ religioni initiantur.	Suidas,	
962	Otto Imp. Ro- mæ saluta- tur Augu- stus.	60. ROMA- NVS Iu- nior. 3.		Flodoar- dus,	
966	In Italiā re- vertitur.	63. NICE- PHORVS Phocas.	65. Poloni cū Miezlao Principe suo sacra Christianā suscipiunt.	Vittichin- dus,	64. Berenga- rius ab Imp. in deditio- nem acce- ptus, relega- tur in Bava- riam, ibiq; moritur.
969	Apuliam & Calabriam occupat.	69. IOH. ZI- MISCES.		Hrosvvit,	
973	OTTO II. 19.	75. BASILI- VS & CON- STANTI- NVS Ro- mani juni- oris filii.	70. Archie- piscopus Magdebur- gensis ini- tium.	Abbo Flo- riacensis.	
	Infelicitèr pu- gnat contra Græcos & Saracenos in Calabria.		80. Russi cum Volodomi- ro duce ad Christum convertun- tur.		
983	OTTO III.				86. LVD. V. Gall. Rex stirpis Ca- rolinæ ulti- mus.
986	Bohemos ad obsequium cogit.		Initia Chri- stianæ re- ligionis in Svecia & Norvegia.		
987	Crescentium Romæ sup- plicio affi- cit.	Bulgari Thes- salia ejici- tur.			88. HUGO Capetus Gall. Rex.
1000			96. Greg. V. Papa Rom. Bruno an- tea voca- tus, natio- ne Saxo.		1000.

Seculum X.

Anni Chr.	IMP. OCC.	IMP. OR.	RES ECC.	VIRI C.	V A R I A.
1002	HENRICVS II. cognomen- to <i>Sanctus & Clau- dus.</i>		6. Bamber- genfis E- pifcopatus initium.	Fulbertus Carno- tenf.	1. <i>Boleslaus</i> pri- mus Polo- niae R. crea- tur ab Otto- te III. imp.
1004	Expeditio pri- ma Imp. in Italiam.				
1013	Expeditio in italiam al- tera.	18. <i>Bafilius</i> de Bulgaria de- bellata tri- umphat.	8. <i>Bruno</i> Pruf- forum, <i>Bo- nifacius</i> Rufforum Apoftoli martyrio coronatur.	Burchard, VVorma- cienfis.	5. <i>Cannus</i> Ma- gnus Daniae Rex.
1015	<i>Boleslaus</i> Po- lon. R. tri- butum pen- dere cogit Imperator.	22. Idem Ibe- ros fubigit.		<i>Dithmarus</i> Mersbur- genf.	<i>Saraceni</i> Hiero- folymam ca- piunt.
1023	Hentici Imp. expeditio ingens in I- taliam.	28. ROMA- NVS <i>Ar- gyrus</i> , <i>Zoes</i> maritus.	Duo <i>Olai</i> , al- ter Norvve- giae, alter Suediae R. ambo pie- tate illu- ftres.	Berno Ab- bas Au- gienfis.	19. <i>Normanno-</i> <i>rum</i> initia in Apulia.
1024	CONRADVS I I. Sali- quus.	34. MICHA- EL <i>Paphla-</i> <i>go.</i>	34. <i>Christia-</i> <i>nae</i> religi- onis cultus apud Ruf- fiam pro- pagatur.	Guido Are- tinus.	
1027	Romae coro- natur.	Siciliam à Sa- racenis re- cuperat.		<i>Avicenna.</i>	
1029	Hungariam bello petit.				
1036	Italiam pa- cat.			<i>Glaber</i> Ra- dulphus.	35. <i>Roberto</i> Gal- liae Regi, suc- cedit fil. Henricus.
1039	HENRICVS III. Niger.	41. MICHA- EL <i>Calap-</i> <i>hatus.</i> m. 4.	<i>Berengarius</i> Ar- chid. An- degavenfis veritatem corporis Christi in Sacramen- to negat.	Petrus Da- miani.	
1041	Bellum Bohe- micum.				
1042	Bellum Hun- garicum. Bellum Lo- tharingi- cum.	CONSTAN- TINVS <i>monomachus.</i> <i>Zoes mari-</i> <i>tus.</i>	Henric. Imp. Romae pro- greffus Pa- pam Greg. VI. fede dejicit.	Hermann9 Contra- ctus.	41. <i>Normanni</i> Apuliam oc- cupant pul- fis Graecis. <i>Turcae</i> contra Saracenos in Oriente in- ualefcunt.
1050					

		54. THEO- DORA <i>so- ror Zoes.</i>		Humber- tus.	Leo IX. P. R. in Germ. pro- fectus auxi- lia adversum Mormannos ab Aug. im- petrat
1056	HENRICVS IV. puer sex- ennis. Decennis à matre ab- stractus Co- loniam ab- ducitur.	56. MICHA- EL <i>Stratio- res.</i>	59. Lateranē- sis synodus damnat Be- rengarium.	Lanfran- cus. Oecume- nius. Olympio- dorus.	
		57. ISAACI- VS <i>Comne- nus.</i>	64. Celebris peregrina- tio Hiero- solymam instituitur, cujus du- ces Germa- niæ Anti- stites.	Adam ⁹ Bre- mensis, Iohannes Cuiropa- lates.	52. Normanni ex hostibus Papæ clien- tes.
1065	Tutelâ exit & gladio cin- gitur anno ætatis 14.	59. CON- STANTI- NVS <i>Du- cas.</i>			
1068	Sclavos rebel- les in Lusa- tia domat.	68. ROMA- NVS <i>Dio- genes.</i>	73. Hildebran- dus ex ar- chidiacono Papa Rom. Gregori ⁹ VII. dictus.	Bartholdus Constan- tensis.	65. Ferdinandus R. Hisp. obit.
		71. MICHA- EL <i>Ducas.</i>		Lambertus Schafna- burgens.	66. Eduardus S. Rex An- glia obit.
1075	Cum Saxoni- bus & Thu- ringis ad Vn- strutum fl. confligit.	78. NICE- PHORVS <i>Botoniates.</i>	Sueno Dano- rum R. cæ- des in ec- clesiæ im- peratas pu- blicâ pœni- tentiâ ex- piat.	Ioh. Xiphi- linus. Theophy- lactus. Anselmi tres.	71. Romanus Diogenes prælio cum Turcis ini- to, ab hosti- bus capitur.
1076	A Gregorio VII. proscri- bitur.			Simeon Me- taphra- stes.	86. <i>Vratislaus</i> ab Henric. Imp. Bohe- miæ R. cre- atur.
1080	Rodolphus Sueviæ dux Anti Cæsar quartum vincitur, & manû dex- tram amit- tit.	81. ALEXIVS <i>Comnenus.</i>	86. Synodus Moguntina damnat a- cta Greg. Carthusiensis ordinis o- rigo.	Marianus Scotus. Michael Pfellus.	89. Mathildis Tusciæ co- mitissa VVel- poni Bava- riæ duci nu- bit.
		96. Francis in Palæstinam properan- tibus ne- quicquam resistit.	Hospitaliorū ordo in Pa- læstina.	Iuo Carno- tensis. Bruno Car- thusiano- rum pa- ter:	96. Expeditio- nis sacre ini- tium.
1084	Imperator Ro- mæ coro- natur.		97. In Claro- montano cōcilio ex- peditio in Palæstinam decernitur.	V Vilhelm ⁹ Malmes- beriensis. P. Lombardus. Otto Frisin- gens.	99. Hierosoly- ma à Chri- stianis capi- tur.
1093	Conradi fil. Im- peratoris contra pa- trem rebel- lio.				Godefridus I. Rex Hiero- sol.
1100					

Seculum XI.

Anni Chr.	IMP. OCC.	IMP. OR.	RES ECC.	VIRI C.	V A R I A.
1106	HENRICVS V.			Leo Offi- ensis. Sigebertus.	1. Balduinus Godefridi fr. Rex II. Hie- rosol.
1112	Imp. à Papa excommu- nicatur.		10. Paschalis Papa ab Hē- rico Imp. in ordinem redigitur.	Rupertus Tuitien- sis.	10. Balduinus Danorum classē adju- tus Berytum ac Sidonem capit.
1116	Idem denuo excommu- nicatur.	10. Ad Occi- dentis eti- am impe- rium ad- spirat.		Ioh. Saris- buriensis.	
1122	Redit cū Pon- tifice in gratiam.	18. IOH. Co- mnenus, qui & Calojo- hannes.	18. Ordo Tē- plariorum.	Euthymio Zigabe- nus.	18. Balduinus II. Rex Hie- rosol. ter- tius.
1125	LOTHARI- VS SAXO. Conradus Sve- vus Lotha- rii æmulus Rex Italiae coronatur.		20. Præmon- stratensium ordo S. Nor- berto insti- tutore.	Anna Co- mnena. Avenpace. Algazel.	22. Balduinus Rex capitur à Turcis.
			24. Pomerani fidem Chri- stianam do- centur.	Michael Glycas.	24. Tyrus capta à Christia- nis.
1133	Lotharius Ro- mæ corona- tur.		P. Abailardus ejusq; disci- pulus Arnal- dus Brixien- sis pravorū de fide erro- rum dama- nantur.	Constanti- nus Ma- nasses.	Henricus Su- perbus dux Bavariae, Sa- xoniae ducatu à Lothario Imp. do- tatur.
1137	Occupat Apu- liam.			S. Bernhar- dus.	31. Fulco An- deg. post Bald. R. Hi- erosol.
1138	CONRADVS III. Svevus Henricus su- perbus pro- scribitur.	43. MANV- EL Comne- nus.	Gilbertus Pi- ctaviensis Episcopus, & Henr. Pe- trobrusia- nus ecclesi- astica cen- sura no- tantur.	Hugo de S. Victore,	40. Guelfus Ba- variae dux in periculo ab uxore ser- vatur.
	Imp. Henrico Leoni Saxo- niam red- dit.			Richardus de S. Vi- ctore,	42. Balduinus III. R. Hie- rosol.

1152	FRIDERI- CVS Bar- barossa,			Eustathius Homeri interp.	
			Finni ad fi- dem Chri- sti tradu- cuntur.	Averroes.	58. Henricus Leo domat Obotriros.
1162	Imp. Medio- lanum ex- cidit.		Gratianus Decretorū opus à se collectum edit,	Ioh. Tze- zes. Gunthe- rus.	
1167	Id. Romam occupat.			P. Come- stor. R. Abrahā AbenEsra.	58. Vladislaus Dux Bohe- miæ regio axiomate ornatur ab Imperatore.
1180	Henricus Leo proscribi- tur.	81. ALEXIVS <i>Comnenus</i> , 3.	76. Albigen- ses Episco- porū sen- tentiis da- mnantur in Gallia.	Rambam.	68. <i>Almericus</i> Hierosol R. capit Dami- aram.
1189	Frid. Imp. sa- cra expedi- tio in Sy- riam.	83. ANDRO- NICVS. 85. ISAACI- VS. <i>Angelus</i> , 9.		Helmol- dus. Vilhelm9 Tyrius.	73. <i>Balduinus</i> IV. Almeri- ci successor.
			Initia Chri- stianismi in Livonia	Godefrido Viterbi- ensis.	84. <i>Guido Lu- signanus</i> R. Hierosol.
1190	HENRICVS VI.			P. Blesen- sis.	87. <i>Saladinus</i> Damasci & Ægypti R. capit Hie- rosolym.
1194	Siciliam & A- puliam oc- cupat.	95. ALEXIVS <i>Angelus</i> , 3.	Ordo Teuto- nicus insti- tuitur.	Gilbertus Porreta- nus.	88. Henr. Leo evertit Bar- devicum.
1198	PHILIPPVS. OTTO IV.			Theod. Balsamon. Ioh. Sera- pion. Iohan. Mesve.	
1200					

Seculum XII.

Anni Chr.	IMP. OCC.	IMP. OR.	RES ECC.	VIRI C.	VARIA.
1208	OTTO, solus, occiso Phi- lippo.	3. Isaacius Aug. cum ALEXIO filio.		SaxoGram- maticus. Helinald9.	
1212	A Papa excō- municato furrogatur Fridericus.	4. BALDVI- NVSCPLI THEOD. LASCA- RES Ni- cææ.	4. Ordo Do- minicano- rum. 9. Ordo Fran- ciscanorū.	Nicetas Chonia- tes.	6. Philippus Imp. Otto- carum Bo- hemiz Re- gem creat.
1214	Vincitur à Phi- lippo Gall. rege.	6. HENRI- CVS. fr. Balduini.	15. Concili- um Latera- nense sub Innocent. III.	Rodericus Toleta- nus.	
1218	FRIDERI- CVS II. so- lus. A Pontifice excommu- catur.	16. PETRVS Altiſiodo- rensis Co- mes.		Honorius Augusto- dunensis. Accursius.	19. Damiatà à Christianis capta.
1228	Hierosolymā recipit ejus- que Rex creatur.	22. ROBER- TVS Alti- ſiodorens. IOH. DV- CAS Ni- cææ.	27. Patavina Academia ab Frideri- co Imp. in- ſtituitur.	21. S. Do- minicus obit. Raymun- dus de penna forti.	22. Damiatà & Ægypto to- tā cedunt Christiani. 33. Tartari pa- tria egreſſi Perſiam &c. occupant.
1234	Hungaris vi- ctis Viennā Imperio at- tribuit. Bellum Medi- olanenſe.	29. BALDVI- NVS II. CPLI.		26. S. Fran- ciſcus o- bit. Conr. Vr- ſpergen- ſis.	35. OTTO co- gnom. puer, nepos Henr. Leonis, Dux Brunſvic. & Luneb. ap- pellatur ab Imp.
1244	Tartaros Hun- gariā expel- lit.		40. Academia Salmanti- cenſis.	V Vilhelm. Parifi- enſis.	40. Tartari Po- loniam, Sile- ſiam, Hun- gariā va- ſtant.
1245	HENR. HASS. Lantgr. An- tiCæſar.			Iac. à Vitri- aco. Alexander Halenſis.	
1247	VVILHEL- MVS Hol- land. Co- mes.		45. Lugdu- nenſe con- cilium ſub Innocent. IV.	Hugo de S. Caro. Matthæus Paris.	44. Hierosoly- ma Chriſti- anis eripitur à Sultano Babylonico.
1250	CONRADVS IV.				

1256	RICHARDVS. ALFONSVS R. Castellæ, <i>Alfonfus possessionem Imperii non adit.</i> Richardus Francofurti coronatus & mox in Angliam reversus, vacuum reliquit imperium.	55. THEOD. LASCA- RES II. Nicææ.	53. Sorbonæ collegium fundatur Parisiis.	Martinus Polonus. Vincent. Bellua- censis, Albertus Staden- sis.	54. Manfredus Frid II. fil. Siciliam sibi vendicat.
		58. IOH. LA- SCARES.	61. Secta fla- gellantium in Italia.	Robertus Sorbo- na.	Cublai Tarta- rorum Imp. in cuius au- la vixit M. Paulus Ve- netus.
		MICHAEL PALÆO- LOGVS Nicææ, & fugato Bal- duino, Cpli,	64. Urbanus IV. insti- tuit festum corporis Christi.	Albertus M.	65. Manfredus à Carolo Andeg. vin- citur.
1273	RVDOLFVS 1. Com. Habsp.			Thomas Aquinas.	
1278	Ottôcarum Bohem. R. in acie vi- ctum occi- dit.	83. ANDRÔ- NICVS II. Palæolo- gus.		Bonaven- tura.	68. Conradi- nus Contr. Imp. f. Nea- poli capite mulctatur.
1286	Helvetios sibi subjicit.		74. Concil. Lugdunen- se.	Vilhelmus Durantes.	70. Ludovicus S. Rex Gall. obit.
				Haito Ar- menus.	
1292	ADOLPHVS Nassovius, & contra eum AL- BERTVS Austriacus.			Ægidius Romanus.	82. Vesperæ Si- culæ.
				Raymun- dus Lul- lus.	84. Carolus An- degav. R. Si- cil. & Neap. obit.
1298	Adolphus in prælio peri- mitur.		98. Sextus Decretaliū à Bonifa- cio P. pro- mulgatur.	Richardus de media villa. Henr. Gan- daven- sis.	85. Philippus Pulcher R. Gall. Finis Regni Christianor- um in Syria.
1300					1300.

Anni Chr.	IMP. OCC.	IMP. OR.	RES ECC.	VIRI C.	VARIA.
				Ioh. Duns Scotus.	<i>Othman</i> ex præ- fecto Cili- licie Sulta- nus Turca- rum.
1308	HENRICVS VII. Lutzen- burgicus.		5. Clemens V. Roma- nam curi- am trans- tulit Ave- nionem.	Augustinus Anconi- tanus.	
1314	LVD OV I- CVS V. Ba- varus, & FRIDERI- CVS Au- striacus.		II. Conciliū Viennense in Gallia publicat Clementi- nas & da- mnat Tē- plarios.	Siffridus Presby- ter. Nicephorus Callistus	Initia fœderis Helvetici.
1323	Fridericus à Ludovico capitur.			P. Aureo- lus.	
1324	Ludovicus Imp. à P. R. excommu- nicatur.	25. ANDRO- NICVS III.	17. Ioh. XXII. Clementi- nis addit librum se- ptimum.	Durandus. Hervæus.	22. Silesia à Po- lonis ad Bo- hemos trans- fertur ob in- testinā Prin- cipum di- scordiam.
				Francisc. Maironis Occam.	
				Nicol. Li- ranus.	27. Philippus Valesius R. Gall.
1346	CAROLVS IV.	41. IOH. GANTA- CVZENVS.	39. Pisana A- cademia conditur.	Niceph. Grego- ras. Bartolus.	27. Orchanes Othmanni fil. & suc- cessor.
	Guntherus Comes Schvartzb. Imperatoris æmulus.		46. Academię Heidelber- gensis ini- tium.	Rob. Hol- koth.	37. Diuturni inter An- glos & Gal- los belli ini- tia.
				Nicol. Ca- basilas.	
1350					

1356	Aurea bulla Norimber- gæ promul- gatur.	54. IOHAN- NES VI.	Francisc. Petrar- cha.	59. Amurath Turcarum Sultanus, ca- pta Hadria- nopoli, fe- dem ibi fi- git.
		60. Academia Pragensis à Carolo Imp. fun- datur.	Ioh. Tau- lerus.	
1378	VVENCES- LAVS.		Ioh. VVi- clef.	
		84. E MA- NVEL Pa- læologus.		86. TAMER- LANES Scythæ Ba- bylonem oc- cupat.
	Frider. dux Brunsv. Cæ- sar designa- tur.	86. Iagello Lituanus cum gen- te sua fir- Christia- nus.	Baldus.	88. Sigismun- dus R. Hun- gariz.
		91. Annatæ à Bonif. IX. P. R. insti- tuuntur.		95. Prælium ad Nicopolim inter Sigis- mundum & Bajazethem.
1400	RVPERTVS PALATI- NVS.			1400

Anni Chr.	IMP. OCC.	IMP. OR.	RES ECC.	VIRI C.	VARIA.
1401	Ruperti Imp. contra Ga- leacium Me- diolanensem irrita expe- ditio.		1. Cracovien- sis Acade- mia condi- tur.	Ioh. Fros- fardus. Theodori- cus à Niè. Iohan Ca- preolus.	Tamerlanes obit.
1410	LODOCVS Marchio Moraviae.		9. Lipsiensis Academia instituitur.	Petrus ab Alliaco.	10. Poloni Cru- ciferis Bo- russiae par- tem eripi- unt.
1411	SIGISMVN- DVS.		14. Concil. Constan- tense.	Ioh. Ger- son.	
		17. IOH. PA- LÆOLO- GVS An- dronici fil.	15. Ioh. Hus comburi- tur.	Bartholo- meus Fa- cius.	13. MAHO- METH I. instaurator fortuna Tur- carum.
1421	Initium belli Hussitici contra Ioh. Ziscam.	20. Ioh Palæ- ologus E- manuelis fil.	16. Hieron. Pragensis cōburitur.	Leonardus Aretinus. Poggio Flo- rentinus.	
			17. Martinus V. eligitur Papa R.	Paullus Bur- gensis. Alfonfus Toftatus.	21. Amurath II. Maho- metis fil.
			19. Kostocho- ensis Aca- demiæ ini- tium.	Nicol. Pa- normita- nus.	
1437	ALBERTVS II. Austria- cus.		31 Concil. Ba- fileense.	Laurentius Valla. Blondus Flavius.	32. Henr. VI. Angl. Rex Lutetia Rex Galliae co- ronatur.
			38. Conc. Flo- rentinum.	Antonin. Florenti- nus. Nic. Cusa- nus.	Vladislaus Po- lon. & Hung. Rex.
1440	FRIDERI- CVS III.	44. CON- STANTI- NVS Pa- læol.	47. NICOL. V, Papa R.	Dion. Car- thusia- nus.	44. Prælium ad Varnam in- ter Amura- them & Vla- dislaum. Ioh. Huniades Hungariae gubernator.

1452	Imp. Romæ coronatur.			Thomas de Kempis. Georgius Trapezuntius.	Mahometh II.
1454	Borussiarum ordines in Polonia Regis clientelam se conferunt,	53. C. Plis à Turcis occupatur,	59. Gryphisvaldensis Academia initium.	B. Platina. Nic. Perotus. Fr. Philelphus. Æn. Sylvius Laonicus Chalcondylas. Rodolphus Agricola. Iovianus Pontanus. Alex. ab Alexandro. Gabr. Biel. Ioh. Picus. Marfil. Ficinus. Bapt. Fulgus.	55. Angli Gallia omni pelluntur. 58. Matthias Huniades Rex Hungariae. V. Iuncassan Persiam occupat.
1477	Maria Caroli Burgundi filia nubit Maximiliano Austriaco,		72. Ingolstadtensis Academia conditur.		73. Mahometh & V. Iuncassan bello colliduntur.
			79. Ioh. V. Velfelius Groningensis, V. Vormatiensis Concionator, damnatur Moguntia.		77. Carolus Burgundus occumbit in prælio ad Nancejum Lotharing.
1493	MAXIMILIANVS I.			Hermolaus Barbarus. Angelus Politianus, Phil. Comineus.	81. Mahomethi succedit Bajazethes II. 90. Rustanus regnum Persiae occupat.
1500	Bellum contra Helvetios parum felix.		97. Hieron. Savonarola iussu Alexandri VI. crematur Florentia.	Ioh. Reuchlinus. Ioh. Tritheimius. Ioh. Naucleus.	94. Carolus IX. Gall. R. 98. Ismael Sophi coepit in Persia. 98. Lud. XII. R. Gall.

Seculum XV.

Anni Chr.	IMP. OCCID.	RES ECCL.	VIRI CEL.	VARIA.
1507	Initia belli inter Maximil. & Venetos.	2. Academia VVittebergenfis.	Ioh. Cuspinianus. Rob. Gagui- nus.	7. Sigism. R. Po- lon.
1508	Fœdus Camera- cense contra Ve- netos.	6. Acad. Fran- cofurtens. ad Viadrum.	Alb. Kranzius. Th. Cajetanus.	
		16. Sacrorum Bibliorum e- ditio Com- plutenfis.	Sylvester Prie- ras. Ialon Mainus. Phil. Beroal- dus. B. Rhenanus.	12. Selimus fil. Bajazethis. 15. Franciscus Va- lesius Gall. R.
1519	CAROLVS V.	17. Martinus Lu- therus. con- tra Indulgen- tias Papales cœpit dispu- tare.	Lud. Coel. Rho- diginus. Ioh. Auenti- nus.	20. Christiernus Daniz & Sue- cia R. 20. Solimannus patri Selimo succedit.
1521	Comitia VVorma- tensis.	21. Initia sectæ Anabaptista- rum.	Polydorus Vir- gilius. Leander Alber- tus.	22. Solimannus Rhodum ca- pit.
1525	Franciscus Gall. Rex in prælio ad Papiam capitur.	29. Fœdus Smal- caldicum.		
		30. Augustana comitia.	Thomas Mo- rus.	
1527	Roma capta & di- repta.	35. Initium so- dalitii Iesui- tici.	Dominicus Scoto- Ambros. Catha- rinus.	37. Christianus III. Daniz R.
1529	Conventus Spi- rensis.	41. Colloquium VVormati- ense inter Philippum & Eccium.	35. Zasius obit. 36. Erasmus o- bit.	
1546	Initium belli Smal- caldici.	46. Initium Cō- cilii Triden- tini.	40. Budæus o- bit.	47. Henricus II. Gall. R.
		48. Libellus IN- TERIM pro- mulgatur.	46. Lutherus obit. 50. Alciatus o- bit.	48. Sigismundus Aug. Rex Po- lon.
1550				

1552	Bellum à Mauritio Saxone geritur contra Carolum Imp.	52. Transactio Passaviensis.	Jacob Cujacius, Barnabas Brissonius Franciscus Hotomannus.	53. Eduardo VI. in Anglia succedit soror Maria.
1553	Conflictus inter Mauritium & Albertum Brandenburgicum ad Sivershusam.	55. Pax religionis in comitiis Augustanis firmatur.	56. Ioh. Sleidanus obit.	58. Elisabetha Angliæ Regina.
1558	FERDINANDVS.	61. Colloquium Possiacum in Gall.	58. Iul. Cæs. Scaliger obit.	60. Carolus IX. Gall. R.
1564	MAXIMILIANVS II.	63. Finis Concilii Tridentini.	60. Phil. Melanchthon obit.	66. Selimus II. Solimanni f.
		64. Colloquium Maulbrunense.	H. Stephanus.	67. Initia belli Belgici.
1576	RV DOLPHVS H.	68. Colloquium Altenburgense.	V Volfg. Lazius.	74. Amurathes III.
		72. B. Arias Montanus SS. Bib. Regiam editionem absoluit.	Andr. Tiraquelus.	76. Stephanus Bathor R. Polon.
1594	Raba à Turcis capta.	76. Academiae Iuliae natalis 15. Octob.	Had. Turnebus.	78. Sebast. Lusit. R. in Africa perit.
		83. Colloquium Quedlinburgense.	Ioach. Camerarius.	81. Philippus II. Hisp. R. Lusit. occupat.
		86. Colloquium Mompelgartense.	V Vilhelmus Xylander.	87. Maria Scotiæ Regina decollatur.
1595	Strigonium Hungariæ Imp recuperat.	94. Iesuitæ Galliâ pelluntur.	Georg. Buchananus.	89. Henrico III. in Gall. succedit Henr. IV.
		99. Pax religionis in Gallia promulgatur.	I. Sturmius. Lipsius.	95. Mahometh III.
1600			Tycho Brahe.	1600. Mauritiï Nassovii victoria ad Neop. Fland.
			1600. D. Chytræus obit.	

Seculum XVI.

Anni Chr.	IMP. OCC.	RES ECCLES.	VIRI CEL.	VARIA.
1612	MATTHIAS fratri Rudolpho succedit, Libe- ralis, imper. ann. 7. m. 7.	1. Colloquium Ra- tishonense. 5. Leo XI. Pont. R. 25. dier. 5. Paulus V. Pont. R. 5. Reformatio Mar- purgensis.	Ioh. Scaliger. H. Casaubonus. Ian. Drusius. P. Merula. Douza. Dom. Baudius. Fr. Iunius.	3. Iacobus Scot. & Angl. R. 10. Ludovicus XIII. R. Gall. 18. Cometa hor- ribilis. 30. Gust. Adolph. Suec. R. in Germaniam venit.
1619	FERDINAN- DVS II. Imp. post varios motus Felix, imp. ann. 17.	6. Veneti excom- municantur. 10. Arminius & Go- marus Leidæ cō- tendunt.	Sixt. Amama. Th. Erpenius. Scip. Gentilis. Conr. Ritters- huf.	32. Vladisl. IV. Pol. R. 32. Prælium Lü- tzenfe.
1619	Fridericus V. E- lect. Palat. R. Bohem. desi- gnatur, hinc tricennale bellum.	11. Gymnas. Medio- burg. 11. Conr. Vorstius Lei- dæ portentosa docet. 12. Val. Weigelius in Misnia cœpit.	Ioh. Meursius. Ob. Gifanius. Phil. Camera- rius. Iac. Thuanus. Marq. Freherus. Dion. Gotho- fredus.	34. Præl. Nordling. 35. Pax Pragensis. 40. Philippus IV. Hisp. R. 41. Portugallia deficit.
1619	Bethlehem Gabor coronâ Hung. titulo Principis rapit,	12. Episcopi Scoti- am turbant. 14. Persecutio Ev- ang. in Bohem. 17. Iubilæus B. Lu- theri.	Ian. Gruterus. Sethus Calvisius. Phil. Scherbins. Cor. Martini. Mich. Piccartus.	44. Prælium Sue- co-Dan. 45. Bell. Turco- Venet.
1625	Friderici Electo- ratus in co- mitibus Ratisb. Maximiliano Bavaro tradi- tur.	18. Synodus Dordra- censis. 20. Syn. Rupellana. 21. Gregorius XV. Pont. R. 21. Acad. Rintel. 22. Biblioth. Heidelb. Româ translata.	Mart. Opitius. Luc. Oslander. Pol. Lyserus. Æg. Nic. Hunii Mart. Chemni- tius.	46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim. Pol. R.
1634	Albertus, Frid- landiæ Dux, vulgò Wallen- stemius, regnū Bohem. affe- ctans, Egra in mensa occi- ditur.	23. Acad. Sorana & Altdorf. 23. Urbanus VIII. Pont. R. 24. Conventus Theol. Saxon. 25. Acad. Dorptiens. in Livonia.	Ioh. Gerhardus. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man.	48. Pax Osnabr. 48. Aquæ Hornh. 48. Motus An- glici. 48. Pax Hispano- Belg. 49. Carolus I. Angl. R. securi percutus.
1636	FERDINAN- DVS III. ve- rè Pacificus, imp. ann. 20.	28. Iubil. Rom. 31. Colloq. Lipsiense. 31. Gymnas. Am- stel. & Davent. 38. Synod. Glasg. cōtra Episc. Scot.	Andr. Kefsler. Cas. Baronius. Rob. Bellarminus. Mart. Becanus. Iac. Gretserus.	49. Motus Gal- lici. 50. Pax Noriber- gensis. 50. Turbæ Am- stelod.

		40. <i>C. Iansenii de Gratia</i> liber. damn. bullis ann 41. & 53.	V Vilh. Perkinſius. Dan. Toſſanus. Abr. Sculetus. Th. Mortonus.	51. Maxim. Bav. mortuus.
		44. <i>Innocentius X.</i> Pont. R.	Iol. Hall. Iac. Vſher.	51. Carolus II. Scot. R. caſus.
		45. <i>Colloq. Toruntense.</i>	Ioh. Rainoldus. Ioh. Buxtorffius.	52. Ludovicus XIV. Gall. R.
		46. <i>Gymn. Bredanum.</i>	Ioh. Camero. Guil. Ameſius.	52. Cometa per 14 dies.
		48. <i>Acad. Hardervic.</i>	Th. Iameſius. Moſ. Amyraldus.	53. Bellum Anglo-Belg.
			Phil. Mornæus. Petr. Molinaus.	54. <i>Bellum Tartar. in Sina.</i>
			Dav. Paræus. Dav. Blondellus.	54. Pax Anglo-belg.
1653	FERDINANDVS IV, Rex Rom. vivo adhuc Ferd. III. moritur anno ſeq.	51. Iub. Romæ	Andr. Rivetus. Fr. Spanhemius.	54. Cromvvell Protector.
		52. <i>Acad. Heidelberg. reſtaur.</i>	M. Ant. de Dominiſ.	54. Eclipſis ſolaris.
		54. <i>Anonymus de Præadamitis.</i>	Dion. Petavius. Iac. Sirmondus.	54. <i>Chriſtina deponit coron.</i>
		54. <i>Innocentius X.</i> Pont. moritur.	Ioh. Seldenus. H. Grotius.	55. <i>Carolus Guſt. R. Suec. coron.</i>
		55. <i>Alexander VII.</i> Pont R cum per 3. menſ. ſedes vacaret.	Ger. Ioh. Voſſius. Cl. Salmaſius.	55. Bell. <i>Suecopolon.</i>
1658	LEOPOLDVS, Pius, Iuſtus, Glorioſus, CONSILIO ET INDVSTRIA celebris; quem Deus Imperio diu commodet!	55. <i>Chriſtina, nuper Reg. Oſn. Pontificiam religionem ſectatur.</i>	Dan. Heinſius. Samuel Petitus. Petr. Scriverius.	55. 56. Motus Helvet.
		56. <i>Iſaacus Peyrerius, libri de Præadamitis auctor, Bruxellis in carcerem conjicitur, ejurat errorem, & fit Pontificius.</i>	M. Zu. Boxhornius. Georg. Calixtus. Com. Hornejuſ.	56. Ioh. Georg I. Elect. Sax. mortuus.
		57. <i>Veneti recipiunt Ieſuitas.</i>	Ol. VVormius. Fort. Licetus. Phil. Tomaſinus.	56. Incendium Aquisgr.
			Fr. B. Ferrarius. Gaſp. Hofmannus.	56. Peſtis Neapol.
			Dan. Sennertus. Gil. Iacchæus.	57. Peſtis Genuenſ.
			Dan. Sthalius. Guil. Schikardus.	58. Cromvvell moritur.
			Chriſt. Beſoldus. Matth. Berneggerus.	58. Sueci 12 mill. per glaciem in Daniam.
			Renato desCartes. Et qui adhuc vivit.	

INDEX

Historico-politico-philolo- gicus.

A.

- | | | | |
|--|------------|--|---------------------------|
| A Dad. | 135 | extinxit <i>Cassander</i> . | 246. |
| <i>Adami</i> & Saturni com-
paratio. | II | | 247 |
| <i>Adolphus</i> Nassovius. | 696 | Alexander Mammææ. | 350 |
| Ægyptiacum regnū. | 129. 212 | Alexander incertæ stirpis. | 194. Romæ restitutus. 196 |
| Ægyptiorum dynastiæ colla-
terales, non successivæ. | 131 | Alexander Zebennas. | 199 |
| Ægyptiorum monumenta
magni fiunt. | 75. 84. 85 | Alexander Papa num calcave-
rit collum Friderici Imp. | 663. usque ad 689 |
| Æneas in Italiam venit. 93 res
gestæ. 94. liberi ac succes-
sores. | 96 | Alphonsus titulo imperii
contentus. | 694 |
| <i>Ahasverus</i> quis? | 156 | Alyattes uxorem laudans. | 124 |
| Alamannicum vectigal. | 599 | Amores gemini. | 92 |
| Alæ quatuor apud Dan. | 232 | Analphabetus num Justinus? | 513 |
| Albanum regnum. | 91 | <i>Anastasius</i> Dicorus. | 502 |
| <i>Albertus I.</i> Austrius. | 697 | <i>Anastasius</i> , al. Artemius. | 590 |
| <i>Albertus II.</i> | 705 | Anni Viterbiensis fraus. | 29 |
| Alexander M. & ejus origo
admiranda. 171. Scriptores
rerum ab eo gestarum. 178
& seqq. Pontifici supplex
factus. 183. Domum illius | | <i>Anthemus</i> . | 492 |
| | | Antigonus. 185. 239. <i>Gonatas</i> . | 249. <i>Doson</i> . |
| | | | 250 |
| | | Antiochicum bellū. | 222. 223 |
| | | Antiochus M. 187. bellum
ejus cum Hannibale. 188. | dicte- |

I N D E X.

dicterium. 188. cum <i>Epiphane</i> confunditur. 189.	Artaxias. 259. 260
190. 191. mors illius. 188.	Artemon. 187
189. <i>Soter</i> . 186. <i>Theos</i> . 186.	" <i>Agxovres</i> perpetui quando instituti? 109
<i>Epiphanes</i> . 192. <i>Eupator</i> . 193. <i>Sedetes</i> . 197. 198. <i>Grypus</i> & <i>Philometor</i> . 201. <i>Cyzicenus</i> . 203. <i>Eusebes</i> . 204. <i>Didymus</i> . 205. <i>Dionysius</i> . 207. <i>Comagenus</i> . 209. 210	<i>Aschenazim</i> . 12
<i>Antipator</i> . 247. 249	<i>Asiae</i> Reges. 239. & seqq.
<i>Antoninus Pius</i> . 313. ejus initium. 320	<i>Assyriaci</i> & <i>Babylonici</i> imperii divisio. 50. 51
<i>Aquilam</i> in signis Rom. abominabantur <i>Judæi</i> . 311	<i>Assyriorum</i> Reges recensentur. 41. 52
<i>Aralius</i> . 43	<i>Astyages</i> , <i>Medici</i> regni finis. 59
<i>Arcadius</i> . 455	<i>Attalus I.</i> 243. <i>Attal. II.</i> 244. <i>Attal. III.</i> 245
<i>Argivorum</i> regnum. 112	<i>Atticum</i> regnum. 100. 101. defenditur usq; ad 487
<i>Aridæi</i> regnum omissum. 246	<i>Attilæ</i> titulus. 30. genus. 473
<i>Aristonicus</i> . 245	<i>Aventinus</i> magna libertate de Pontificibus scripsit. 666
<i>Arius</i> . 42	<i>Augustulus</i> . 496
<i>Armamithres</i> . 44	<i>Augustus</i> . 275. & seqq. in quo nomine cœpit & extinctum est imperium. 497. velut in <i>Constantinis</i> . 601
<i>Armeniacum</i> regnum. 259	<i>Avitus</i> . 491
<i>Armentarius</i> fit Imp. 506	<i>Aurelianus</i> . 382
<i>Arnulphus</i> . 640	B.
<i>Arfaces</i> . 253	B <i>Abylonem</i> non cepit <i>Darius</i> . 62
<i>Arfes</i> . 163	<i>Babylonica</i> dynastia duplex. 54. 55
<i>Artavases</i> . 260	Baby-
<i>Artaxerxis Longimani</i> regnum. 155	
<i>Artaxerxes Mnemon</i> . 161. 162	

I N D E X.

Babylonici & Assyriaci imperii divisio.	50. 51	Cæsar quis primùm dictus.	314
Babyloniorum Reges.	55	quis instituerit?	315
Bacchi vas fistile.	2	CÆSARES notissimi temporibus Constantini M.	425. 428
Bagaudæ.	394	Caligula. 284. tradit Comagenen Antiocho.	210
Balbinus.	353	Callinicus, Antiochi F.	212
Baleus.	45	Calocærus.	429
Barzanes.	259	Calvi pro ignominiosis.	526
Βασιλεῖς, i.e. præstantes.	21	Camblites uxorem devorans.	121. 122
Basiliscus.	495	Cambyſis mater, & regnum.	144. 145
Belisarius num Germanus?	576	Cantacuzenorū reliquiæ.	614
Bellatorum jus.	483. 484	Capillati in nummis cur?	526
Belli Trojani Scriptores.	71	Caracallus.	344
Bellum Antiochicum.	222. 223	Carinus.	389
Berosus verus & suppositivus.	24. 25	Carolus M. 597. Augustus appellatus. 627. legitimus Imp.	630
Besoldus tantum legit Justinum in Syro-Medicis	203	Carolus II. Calvus.	637
Bessi perfidia.	166. 167	Carolus III. Craſſus.	638
Bibliotheca Alexandrina duplex.	217	Carolus IV. 703. Car. V.	709
Bonifacius VIII. Cæsar ac Pontifex.	698	Carus.	389
Bonosus.	389	Cassander.	246. 247
Britannia non fuit Constant. M. patria.	417	Caſtratio marium prohibita.	299
Brusſus ad mare Balthicum.	32	Cecrops in mari rubro periiit.	101
Bulla aurea.	703	Chaldæorum monarchæ ante diluvium.	23. 24
C.		Chal.	
Adaver Regis Ochi felibus objectum.	163		

I N D E X.

Chaldæus paraphrastes quis ?	20. 21	<i>Constans</i> , Heracl. N.	587
<i>Cham</i> pro Ægyptio.	129	<i>Constantius Chlorus</i> .	400
<i>Christi</i> nomen qui hodiè ignorent ?	10	<i>Constantius</i> , Const. M. F.	409
Christianam fidem qui <i>primi Nobilium</i> amplexi ?	505	Fl. <i>Constantius</i> , Illyr.	470
Christiani qui nam facti <i>Reges sub Justiniano</i> ?	538. 539. 540	<i>Constantinus Magnus</i> .	414 & seqq.
Christianorum <i>precibus</i> impetrata <i>tempestas</i> .	329	<i>Constantinus</i> , Const. M. F.	409
<i>Claudius</i> , 285. M. Aur. <i>Claudius</i> .	379	<i>Constantinus</i> , Heracl. F.	587
<i>Clemens</i> III. Papa inclemens Ludovico IV. Imp.	702	<i>Constantinus Pogonatus</i> .	588
<i>Cleopatra</i> , Grypi mater, haurire cogitur venenum.	202	<i>Constantinus Porphyrogenet</i> us.	595
<i>Cleopatra</i> regnum & res.	237. 238	Const. <i>Porphy.</i> <i>Excerpta</i> .	603. 604
<i>Codro</i> generosior.	109	Constantinopolis ædificata.	420. direpta. 614. 615. à <i>Constantino I.</i> condita, ab <i>ultimo</i> amissa.
<i>Codrus</i> pro exemplo Imperatoribus.	109	Constantinopolitanum imperium quomodo defecerit ?	599
<i>Cœna Domini</i> , i. e. dies tertius ante Pascha.	546	Consuies ordinarii pro suffectis.	389
<i>Comagene</i> .	208. 209. 210	Consulum par eorundem cognominum.	346
<i>Commodus</i> .	332	Consulatum proscripsit <i>Justinianus</i> .	579
<i>Conradus</i> I. 644. <i>Conr.</i> II. <i>Salicus</i> . 653. <i>Conr.</i> III. 659. <i>Conr.</i> IV.	693	Cōtroversia theologia ne dirimantur à politicis.	540. 541
<i>Constans</i> , Const. M. F.	409	Corinthiorum regnum.	114
		Corona frondea pro diademate.	241

Creatio

I N D E X.

Creatio gentilibus cognita.		Dio Coccejanus.	73
	7. & seq.	Diocletianus.	395
Cræsi clades.	127	Domitianus.	298
Cyaxares <i>fictus</i> .	63	Dubitationis formulæ <i>Historicorum</i> .	670. 671
Cyri nomen. 135. genus maternum clarius. 132. institutio. 137. res gestæ. 142. 143		E.	
Cyri pædia <i>Xenophontis</i> non est <i>liber</i> historicus <i>moralis</i> .	63	Educatio regia.	138. 141
Cyriades.	367	Electionis potestas popularis.	628. 629
D.		Electorum origo.	652
D Ara (non, Clara) urbs. 255		Epiphanes, Ant. F.	212
<i>Dares Phrygius</i> .	72	Epitomatorum pretium.	6
Darii regnum. 148. res gestæ.	159	Eltheræ maritus.	156
Darius <i>Medum</i> regnum non ingressus.	61. 62	Eumenes I. 242. Eum. II. 244	
Darius <i>Nothus</i> .	161	Excerpta <i>Peiresciana</i> .	603
Darii <i>Codomanni</i> genus. 164.		<i>Expeditio</i> sacra in <i>Palaestinam</i> .	689. impeditur à Greg. IX. Papa. 691. & Innocentio IV.
luxus. 164. ter victus.	165	F.	
Decentius.	431	F Ames dira.	146
<i>Decius</i> .	358	Familiaritas Principum.	529
Demetrius. 193. 194. <i>Nicanor</i> .		Fato frustra obnitimur.	58
196. 198. <i>Eucarus</i> . 206. <i>Poliorcetes</i> .	239. 248	<i>Ferdinandus</i> I. 710. <i>Ferdin.</i> II. 713. <i>Ferdin.</i> III. 715. <i>Ferdin.</i> IV.	718
Deorum nomina affectandi mos.	29. 135	Filii Dei.	22
Desiderius.	431	<i>Firminus</i> .	389
<i>Dictys Cretensis</i> .	71	<i>Florianus</i> .	386
Diluvii apud gentiles notitia, atq; ejus indicia.	14. 15	Forma muliebris vincens omnia.	523. 524
		Forma-	

I N D E X.

<i>ormarum diversitas in nu-</i>		<i>Gomeri propago.</i>	17
<i>ms unde?</i>	524. 525	<i>Gordiani, pater & filius.</i>	352
<i>ortuna meretriculæ similis.</i>		<i>Gordianus, nepos.</i>	354
	572	<i>Gothicum bellum.</i>	566
<i>rancorum gens præclara.</i>	594	<i>Grammaticus quis Imp. fa-</i>	
<i>unde sic dicta?</i>	595	<i>ctus?</i>	334
<i>ridericus Abenobarbus.</i>	660	<i>Græca fide mercari.</i>	83
<i>ejus collum Alexander</i>		<i>Græci quando literis usi?</i>	82
<i>Papa num calcaverit?</i>	665.	<i>Fl. Gratianus.</i>	445
	usq; ad 689	<i>Gregorius IX. Papa qualis?</i>	
<i>ridericus II. Magnus.</i>	704		691
<i>ridericus III.</i>	706	H.	
<i>ridericus Austrius, al. Pul-</i>		H <i>Adrianus. 306. & seqq.</i>	
<i>cher.</i>	700	<i>initium ejus.</i>	320
<i>Frugalitas Juliani.</i>	338	<i>Hannibalianus.</i>	428
G.		<i>Hæreticorum ignominia sin-</i>	
G <i>Alba.</i>	288	<i>gularis.</i>	536
<i>Gallienus.</i>	368	<i>Hæreticos quomodo tractarit</i>	
<i>Gallos vicisse, magnum erat.</i>		<i>Justinianus?</i>	555
	243	<i>Helenæ genus.</i>	113
<i>Generis humilitas.</i>	213	<i>Heliogabalus.</i>	349
<i>Gentilium notitia historiæ</i>		<i>Henricus I. 644. Henr. II. 652.</i>	
<i>antediluviane.</i>	8	<i>Henr. III. 654. Henr. IV.</i>	
<i>Germania pro metropoli in-</i>		<i>655. Henr. V. 657. Henr. VI.</i>	
<i>ter Thraciam & Illyricum.</i>		<i>689. Henr. VII.</i>	699
	576	<i>Heracleonas.</i>	587
<i>Germanica lingua in Taurica</i>		<i>Heraclidarum dynastia.</i>	113
<i>Chersoneso.</i>	18	<i>Heraclius.</i>	586
<i>Germanorum origo.</i>	12	<i>Hiempfal.</i>	265
<i>Gladio Martis usus Attila.</i>		<i>Hierosolymæ instauratio</i>	158
	474	<i>Hildebrandi elogiū. 655. 656</i>	
<i>Glycerius.</i>	493	<i>Historiæ divisio.</i>	2. 3

I N D E X.

Historiæ <i>universalis</i> Scriptores.	3. 4	<i>gum</i> venerit?	49
Historiæ <i>pragmaticæ</i> difficultas.	5	<i>Jovianus.</i> 439. defenditur.	441
Historiæ <i>antediluviane</i> notitia inter gentes. 8. & seqq.		<i>Jotapianus.</i>	357
<i>Honorius.</i>	457	Judæi in <i>Ægyptum</i> abducti	
Humanitas admiranda Principum.	529. 531	216. eorum hostes <i>Ptol.</i>	
I.		<i>Philip.</i> 220. & <i>Physcon.</i> 227.	
<i>I</i> gnominia genus mirificum.	536	nec non <i>Soter Lathyrus.</i>	229. 231
Ilium quomodo conditum?	66	Judæi <i>aquilam</i> in signis Rom. abominati.	311
Ilus.	68	Judæorum figmentum de <i>ingenio</i> ac <i>morte Titi.</i>	296.
Imperatorum ab <i>Irene</i> ad <i>Constantinum Palæologum</i> series.	601. usq; ad 614		298
Imperatorum potestas in <i>Pontifices.</i>	649. 650. 651. 661.	Judæus <i>Carolus Calvum</i> venenata potione peremit.	637
	692. 701		
<i>Indiges</i> & <i>Deus</i> & <i>Pater.</i>	69	<i>Jugurtha.</i>	264
<i>Ingenuus.</i>	367	<i>Julia</i> gens <i>Venere</i> orta. 91. 92.	
<i>Ingelheim</i> num <i>Caroli M.</i> patria?	597	vera origo.	96
<i>Innocentius IV.</i> Papa pulsus <i>Italia.</i>	692	<i>Did. Julianus.</i>	336
<i>Institutio</i> multum potest.	133	<i>Julianus</i> <i>Apost.</i>	436
<i>Johannes Tyrannus.</i>	498	<i>Julius Cæsar.</i>	271
<i>Johannes VIII.</i> Papa, <i>felix puerpera.</i> 634. 635. cur hæc historia sæpè omissa?	679	<i>Justinus I.</i>	504
<i>Jonas</i> <i>Propheta ad quem Re-</i>		<i>Justinus II.</i>	580
		<i>Justiniani I.</i> vita, conjugium, res gestæ, mores &c.	514.
			usq; ad 579
		<i>Justinianus II.</i>	589
		<i>Justitiæ</i> studium in Principe.	563

I N D E X.

L.

Lacedæmoniorum regnū. 113. Reges duo. 114
 Largitiones multum efficiunt. 549
Laurentius non passus sub *Decio*. 359
 Lauretanum cubiculum cur fabulosum? 678
 Leges Justin. non pro beneficio agnoscit *Lipsius*. 561
 Leges in gratiam sequioris sexus. 520
Fl. Leo. 491. *Junior*. 493. *Isaurus*. 591. *Porphyrogennetus*. 592
LÉOPOLDUS. 719. 720
Licinius. 407
Licinianus. 361
 Lignum polientis mors. 147
 Longa alba. 96
Lotharius, Lud. Pii F. 633
Lotharius, Gebh. F. 658. ejus natale solum. 658
Ludovicus I. 632. *Ludov. II*. 636. *Ludov. III*. *Balbus*. 642. *Ludov. IV*. 700
Ludovicus, *Germania Rex tantum*. 642
Lupa Romuli ac Remi. 99
Lurconis stratagema. 333
Luterloch, patria *Lotharii*. 658

Lydia regnum. 118. *Reges*. 127
Lyfimachus. 248. 249

M.

Macedonia Regum successio. 175. & seqq.
 Macedonia regnum quis occupavit? 252
Macrinus. 374
 Magi fraus & cædes. 147. 148
Magnentius. 431
 Magogi posteritas. 29. 30
Majorianus. 492
*Malè feriatu*s. 639
Malferito. ibid.
Manethonis somnia. 130
 Manichæis faventes corrumpere historias. 509. 510
Marcianus. 489
Marcus. 355
 Marcomannicum bellum. 328
Marcus, Philosophus. 325
Marcus, Basilisci F. 495
Marinus. 357
Martis gladio usus Attila. 474
Masanissæ regnum. 262
Mater patriæ, *Livia*. 521
Matthias. 712
Mauritius. 583
Maxentius. 405
Maximianus Hercul. 391. 392
Gal. Val. Maximianus. 403

Ddd

I N D E X.

<i>Maximil. I.</i> 707. 708.	<i>Ma-</i>	Nepotianus.	432
<i>ximil. II.</i>	711	<i>Nero.</i>	286
<i>Maximinus & Maximus.</i>	351	<i>Nerva.</i> 302. initium ejus.	318
<i>Gal. Val. Maximinus.</i>	403	<i>Nimrodus</i> quare <i>venator?</i>	25. 26
<i>Maximus & Balbinus.</i>	353	<i>Ninus</i> quando regnare cœ-	
<i>Petr. Maximus.</i>	490	perit?	33
<i>Megasthenes</i> , non <i>Metasthe-</i>	50	<i>Ninyas.</i>	41
<i>nes.</i>		<i>Noah</i> , id est, <i>Prometheus.</i>	16.
<i>Micipsa.</i>	264		17
<i>Militia decus</i> , cognomē.	706	<i>Nobilitatis</i> affectandæ <i>Impp.</i>	
<i>Ministrorum</i> peccata <i>Princi-</i>		<i>vanitas.</i>	339
<i>pi</i> ne sint <i>fraudi.</i>	535	<i>Nominis</i> sui fama abutentes.	424
<i>Mirabilia mundi</i> , <i>cogno-</i>			
<i>men.</i>	705	<i>Nomina</i> <i>barbara</i> respuebant	
<i>Mithridates M.</i>	257	<i>Principes.</i>	506. 518
<i>Mizraim</i> , <i>Ægyptiorum</i> pa-		<i>Nomina</i> <i>Deorum</i> affectandi	
<i>ter.</i>	129	<i>mos.</i>	29. 135. 136
MONARCHIARUM		<i>Nomina</i> <i>duo</i> <i>Regum</i> <i>Orien-</i>	
<i>conditores</i> <i>veram</i> <i>Dei</i> <i>co-</i>		<i>talium.</i>	63. 257
<i>gnitionem</i> <i>habuere.</i>	184	<i>Nominum</i> exacta <i>cognitio</i> ad	
<i>Monasterium</i> <i>prostitutarum</i>		<i>tractandam</i> <i>historiā.</i>	404
<i>recipiendarum.</i>	554	<i>Noriberga</i> obseffa.	658
N.		<i>Noribergensium</i> & <i>Alberti</i>	
N <i>Abuchodonosori</i> <i>succes-</i>		<i>Brandenb. bellum.</i>	707
<i>fores.</i>	60. & seqq.	<i>Novem</i> <i>viæ</i> , <i>urbs</i> <i>Thraciæ.</i>	106
<i>Narfes.</i> 577. <i>dictum</i> <i>ejus</i> <i>acu-</i>		<i>Numerus</i> <i>societatis</i> <i>totus</i> , <i>li-</i>	
<i>tum.</i>	581	<i>cet</i> <i>uno</i> <i>excepto.</i>	258
<i>Narfetes</i> <i>duo.</i>	585	<i>Numerianus.</i>	390
<i>Natalitium</i> <i>inunus</i> <i>triste.</i>	227	O.	
<i>Nazarenus</i> , <i>quo</i> <i>sensu</i> <i>Chri-</i>		O <i>ctavius</i> <i>per</i> <i>adoptionem</i>	
<i>stus?</i>	303	<i>Octavianus.</i>	137
<i>Jul. Nepos.</i>	495	<i>Octa-</i>	

I N D E X.

Octaviani <i>Augusti</i> præclara <i>educatio.</i>	138. 139	Perfici regni ruina. 164. & seqq.	
Ochus.	161	Perficum bellum.	574
Odenatus.	368	Persis <i>tributum</i> indixit <i>Da-</i> <i>rius.</i>	149
Olybrius.	493	<i>Pertinax.</i>	334
Onkelos, paraphraſtes Chal- dæus, quis?	20. 21	<i>Pſaffentaiſer.</i>	702
Orodes.	258	Philetærus, Aſiatici regni conditor.	241
Otho, Imp. Rom.	290	Philippus, <i>Grypi F.</i>	206
Otho I. 645. Otho II. 650. Otho III. 651. Otho IV. Imp. Rom.	690	Philippus <i>Macedo.</i>	251
P.		Philippus <i>Arabs</i> , non fuit Christianus.	356
P <i>Acem</i> dicere quando non licuerit?	546	Sat. Philippus, <i>Arabis F.</i>	357
Palæologorum reliquiæ.	614	Philippus, <i>Henr. F.</i>	690
<i>Palladium</i> quando delapſum cælo?	68	<i>Philosophi</i> cognomen.	323
Parricidia Romanorum de- fenſa.	480. & ſeqq.	<i>Phocas.</i>	584
Parthicum bellum.	327	Phraates.	257
Parthicum regnum, 252. ejus <i>epocha duplex.</i>	253	Piætonum licentia. 687. 688	
Pax <i>Oſnabruccenſis</i> ac <i>Nori-</i> <i>bergenſis.</i>	717	Pipini ſtemma.	596
Pedibus Pontificum adſolvi haud rarum.	680. 681	Polybianæ hiſtoriæ com- mendatio.	4
<i>Pellaca</i> , non eſt nomen pro- prium.	162	Ponticum regnum.	261
Persarū origo. 134. Reges 159		Pontifex probatus ab Imp. le- gitimus eſt. 647. <i>deſicie-</i> <i>batur ab Imp.</i>	649
Perſeus. 251. <i>Perſeo</i> oriūdi Re- ges <i>Macedonū</i> & <i>Persarū</i> . 171		Populus eligebat Impp. & Reges.	628. 629
		<i>Porcus</i> ſupra portam Hiero- ſol.	311
		<i>Potentes</i> , quinam?	21
		Præſidium avaritia.	535
		Ddd ij	Prexaspis

I N D E X.

Prexaspis filius *sagitta* traje-
ctus à Cambyse. 147
Priamus cum sua sobole nu-
 merosa. 69. 70
Priapatus Arsaces. 256
Probus. 387
Pracopius, fautor Manichæo-
 rum. 510. 512. 534. 557. 558.
 563
Proculus. 389
Prodigia sub *Valentiniano*.
 444
Prometheus, id est, *Noah*. 16.
 17
Propala, sive *Propola*, quid?
 195
Ptolemæus I. 212. hujus
 genus. 213. *Soter*. 215. *Ma-*
gnus. 216. *Philadelphus*.
 217. *Evergetes*. 218. *Philo-*
pator, aliàs, *Gallus*. 219. *E-*
piphanes. 220. *Philometor*.
 221. *caesus* ab *Antiocho*. 225
Physcon. 225. omnium tru-
 culentissimus. 225. 226. *So-*
ter. 228. *Lathurus*. 229.
Anletes. 231. *Alexander*.
 231. 232. 233. *Nothus*. 235.
Anletes & *Dionysius*. 236.
Ceraunus. 249. *Melia-*
grus. ib.
Pyrrhus. 248

Q.

Quintillus. 382
 R.

Reges Attici. 100. & seqq.
Reges semper duo *Lacedæ-*
moniorum. 114
REGES, & res, *Romano-*
rum. 267
Richardus, *Angl. R. & Imp.*
 694. 695
Romæ *leporis cursu* capta. 641
Romæ *natalis*. 33
Romæ *status* *miserrimus*. 567
Romanorum *regnum in Ita-*
lia quando defecerit? 696
Romanus quis dictus? 303
M. Aur. Romulus. 406
Rudolphus I. 695. facta inco-
 gniti *historiola*. 530
Rudolphus II. 712
Rupertus, *Palatinus*. 704
 S.

Sanctum Sanctorum ingre-
 di vult *Ptol. Philop.* 220
Saturninus. 389
Saturnus. 11
Sardanapalli *luxus*. 48
Scaliger *memoria* *fretus*. 418
Scriptorum commune vi-
tium. 72
Σκυζαλισμός. 61
Seleucus. 185. *Callinicus*. 187.
Ceran-

I N D E X.

<i>Ceraunus</i> . 187. <i>Philopator</i> .	192	fuerit <i>Adrianus</i> ?	310
<i>Seleucus</i> , Ant. Grypi F. 204.	205	Templa <i>Græcorum</i> cur per-	154
<i>Semiramis</i> . 37. 39. res geste. 37		diderit <i>Xerxes</i> ?	154
<i>Septimania</i> , septem provin-		Templi <i>Hierosolymitani</i> in-	438
ciarum imperium.	461	stauratio. 162. ausus est &	
<i>Selostris</i> .	34. 35	<i>Julianus</i> .	438
<i>Setbi</i> posteritas cur diluvio		Templum <i>Dianæ</i> qui <i>Antio-</i>	190
perierit?	22. 23	<i>chus</i> spoliarit?	190
<i>L. Sept. Severus</i> .	385	Templum <i>Sophie</i> .	534
<i>Val. Severus</i> .	405	Templum <i>Veneris</i> .	94
<i>Fl. Lib. Severus</i> .	492	<i>Teridates</i> .	256
<i>Sicilia</i> Rex, <i>Conr. IV.</i>	693	<i>Themistoclis</i> fuga.	155
<i>Sicyoniorum</i> regnum.	112	<i>Theodora</i> , quæ & qualis?	520
<i>Sigismundus</i> .	705	<i>Theodorias</i> & <i>Theodoropolis</i> .	521
<i>Sogdianus</i> .	160	<i>Theodoricus</i> Rex.	907
<i>Soror una in duorum</i> fratrum		<i>Theodosius</i> . 450. Junior. 467.	
matrimonio.	227	<i>Adramyt</i> .	591
<i>Stilico</i> .	457	<i>Cl. Tiberius</i> .	279
<i>Subulcus</i> fit Imp.	506.	<i>Tiberius</i> Const.	582
<i>Successionis</i> lis inter duos		<i>Tigranes</i> .	259
<i>Henr. Auc.</i> filios. 151. 152		<i>Titus</i> .	296
<i>Syncellus</i> exscriptor <i>Dexippi</i>		<i>Totilas</i> .	566. 567
incuriosus.	174	<i>Trajanus</i> . 304. initium ejus.	
<i>Syriæ</i> Regum successio.	185	319. quomodo compellarit	
T.		<i>Dionem Coccejanum</i> in	
<i>T. Acitus</i> , Imp.	384	curru triumphali?	73
<i>Tacitus</i> , Historicus qua-		SS. TRINITATIS indici-	
lis? 281. & seqq. ejus		um in <i>Giapan</i> .	11
<i>Ἰωνογενομένης</i> .	296	<i>Triumviratus</i> .	274
Templa <i>Christianis</i> num po-		<i>Troja</i> terræ motus & inundati-	
		ones passa.	89
		Ddd iij	<i>Troja</i>

INDEX.

<i>Trojae excidium in dubium</i>		<i>Valentinianus III.</i>	473
<i>vocatur.</i>	73	<i>Valerianus.</i>	368
<i>Tροίαν ελεῖν</i> , prov.	71	<i>Vectigal Alamannicum.</i>	599
<i>Trojanam originem affectan-</i>		<i>Veneris fabula. 40. 41. tem-</i>	
<i>tes.</i>	81. 339	<i>plum.</i>	94
<i>Trojanorum origo.</i>	65	<i>Vespasianus.</i>	294
<i>Trojanorum Regum succes-</i>		<i>Vestem plebejam curinduat</i>	
<i>sio.</i>	68. & seqq.	<i>Princeps?</i>	530
<i>Tros.</i>	68	<i>Vesuvii incendium.</i>	296
<i>Τρῆστον Ἀσθενας?</i>	12	<i>Vetranio.</i>	431. 434
<i>Turcarum origo. 31. initia.</i>		<i>Vexoris ætas.</i>	35
	616	<i>Vibices, i.e. mancipia.</i>	241
<i>Turcicorum IMPP. series.</i>		<i>Vicariatus nuperrimus.</i>	719
	617. 626	<i>Vigilius malè habitus.</i>	561
<i>Tympanum, mortis genus.</i>	61	<i>Vitam sempiternam quo sen-</i>	
TYRANNI XXX. <i>sub Gal-</i>		<i>su jactarit Ptolemæus?</i>	217
<i>lieno. 369. 379. Tyr. VII.</i>		<i>Vitellius.</i>	292
<i>sub Diocletiano. 393. 395.</i>		<i>Ulysse prudentior.</i>	109
<i>alii III. sub Maximiano, &c.</i>		<i>Ungari à Magogo.</i>	30
<i>412. 413. alii IV. sub Valen-</i>		<i>Unstrut, Caroli M. patria.</i>	598
<i>tiniano, &c. 445. 447. alii</i>		<i>Volusianus.</i>	362
<i>IV. sub Theodosio. 453. 455.</i>		<i>Vulcanus est Tubalcain.</i>	14
<i>alii XVI. sub Honorio. 458.</i>		<i>Uxorem devorans Camblites.</i>	
<i>467. Johannes. 488. alii</i>			121
<i>IX. post Augustulum. 498.</i>		<i>Uxores formosæ.</i>	523
<i>502. alii IV. sub Anastasio.</i>		<i>Uxores laudare aliis, pericu-</i>	
<i>503. Leonius & Absima-</i>		<i>losum.</i>	124. 125
<i>rus.</i>	590	<i>Uxores magnorum sæpè vi-</i>	
		<i>rorum carcinomata.</i>	522
	V.		
FL. Valens.	443		W.
Fl. Valentinianus.	ib.	Wenceslaus.	704
Valentinianus Junior.	448	Wilhelmus.	694. 695
		X. Xeno-	

I N D E X.

X.

Enophontis Cyri pedia
 quale scriptum? 63
 Xerxes, Balæus. 44
 Xerxis & Artabarzanis de
 successione lis. 151. 152. illius
 exercitus numerosissimus.
 152. insolentia. 152. infelix

ad Plateas pugna. 153. res
 gestæ. 153. 154
 Xerxes II. 160. 161

Z.

Ames. 42. 43
 Zāv. 43
 Zeno. 494
 Zorobabelis longævitæ. 158


E R R A T A.

In *transitu* quasi *strictim* adspeximus graviores quos-
 dam errores: accurato *modesti Lectoris* iudicio reliquos per-
 mittentes.

Pro altus pag. 6.
 Assenez. p. 12.
 quæ p. 17.
 Ratiocinarii p. 26.
 Hygnus p. 106.
 coæaneus p. 158.
 Macedonicarum p. 176.
 novarchi p. 183.
 metrachonismum p. 243.
 Marici p. 326.
 Reinesius lib. XXIX.
 Proinde &c. p. 336.
 Sub ea p. 444.
 volumnum p. 472.
 Augustum p. 528.

Lege aliis.
 Ascenez.
 quos.
 Rationarii.
 Hyginus.
 coætaneus.
 Macedonicorum.
 navarchi.
 metachronismum.
 Marcij.
 Reinesius; cujus
 proinde &c.
 Sub eo.
 collum.
 Augustus.

F I N I S.



Rupertus, Christoph Adam,

Christ. Adami Ruperti ... Observationes Ad Historiae Universalis Synopsin
Besoldianam minorem

Noribergae 1659

H.un. 505

urn:nbn:de:bvb:12-bsb10033567-3

VD17 23:249558K